



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

ՀՐ.Ռ.ՍԻՍՈՆՅԱՆ

ԹՈՒՐՔ
ԱԶԳԱՅԻՆ
ԲՈՒԹՅՈՒՄԱԶԻԱՅԻ
ԳԱՂԱՓԱՐԱԲԱՆՈՒԹՅՈՒՆԸ
ԵՎ ՔԱՂԱՔԱԿԱՆՈՒԹՅՈՒՆԸ

Գրախոսներ՝ պատմական գիտությունների դոկտոր
Մ. Վ. Արզումանյան, պատմական գիտությունների
թեկնածու Ռ. Պ. Կոնդակյան

Խմբագիր՝ Կ. Ս. Վարդանյան

Грачик Рубенович Симонян
**ИДЕОЛОГИЯ И ПОЛИТИКА ТУРЕЦКОЙ
НАЦИОНАЛЬНОЙ БУРЖУАЗИИ**

(На армянском языке)
Ереван «Айастан» 1986

Միմոնյան Հր. Ռ.

U 504 Թուրք ազգային բուրժուազիայի գաղափարաբանու-
թյունը և քաղաքականությունը: Խմբ. Կ. Ս. Վարդան-
յան: — Եր.: Հայաստան, 1986. 564 էջ.

Գրքում պատմական իրադարձությունների ֆոնի վրա բացա-
հայտվում է թուրք ազգային բուրժուազիայի գաղափարաբանությունը
կազմող հայացքների և դրանց վրա խարսխված քաղաքականության
էությունը: Աշխատությունն ընդգրկում է անցյալ դարի 50-ական
թվականներից մինչև ներկա դարի 20-ական թվականներն ընկած
ժամանակահատվածը:

Գիրքը նախատեսված է ընթերցող լայն շրջանների համար:

0302030900

U 701 (01) 86 58—86

ԳՄԳ 63. 3 (0) 53

Երկու խոսք

Վերջին հարյուրամյակում Թուրքիայի հասարակական-քա-
ղաքական կյանքն ընթանում է թուրք ազգային բուրժուազիայի
գաղափարական ազդեցության ներքո: Դեռևս անցյալ դարի կե-
սերից սկսած նորածագ և առաջադիմող այդ դասակարգն իր
ճանապարհին հանդիպեց բազում խոչընդոտների: Դրանք, որ
հիմնականում պայմանավորված էին երկրի սոցիալ-տնտեսա-
կան հետամնացությամբ, Թուրքիայի կիսագաղութային վիճակով
և այլ պատճառներով, կապիտալիստական զարգացման ընթաց-
քից ետ էին պահում թուրք ազգային բուրժուազիային: Բայց
վերջինս մտադիր չէր հաշտվելու ստեղծված իրավիճակի հետ:
Երկրի տնտեսական, ապա և քաղաքական կյանքում գերիշխող
դիրքեր գրավելու համար նա դիմեց ամենաարմատական մի-
ջոցների. բազմապիսի միջոցառումներ իրականացրեց և՛ տնտե-
սության, և՛ քաղաքականության բնագավառում: Իր գործողու-
թյունները հիմնավորելու համար նա առաջ քաշեց բազմաթիվ
տեսակետներ, գաղափարներ, կոնցեպցիաներ, որոնք և կազ-
մեցին նրա, որպես դասակարգի, գաղափարախոսական զինա-
նոցը:

Սույն աշխատության հեղինակը նպատակ է հետապնդում
ցույց տալ թուրք ազգային բուրժուազիայի գաղափարախոսու-
թյան ծագման ու զարգացման ընթացքը, նրա հետագա փոխա-
կերպումների էտապները: Գրքում տրված չէ հետազոտվող ժա-
մանակաշրջանում թուրք ազգային բուրժուազիայի առաջաց-
ման, ձևավորման և պայքարի, նրա գործած ավերածություն-
ների և կրած պարտությունների համակողմանի պատմությունը:
Այստեղ չկան պատմական դեպքերի մանրամասն նկարագրու-

թյուններ: Շեշտը դրված է թուրք ազգային բուրժուազիայի գաղափարախոսությունների վերլուծության, նրա կոնցեպցիաների բովանդակության բացահայտման վրա: Իսկ դրա համար անհրաժեշտ է այս կամ այն կերպ պատասխանել մի շարք ընդհանուր հարցադրումներին. Ե՞րբ, ինչպե՞ս և սոցիալ-տնտեսական ինչպիսի՞ պայմաններում առաջ եկավ ու ձևավորվեց կապիտալիստական զարգացման ընթացքից ետ մնացած թուրք ազգային բուրժուազիան, ինչպիսի՞ յուրօրինակ ճանապարհ անցավ նա, «ընթացքից ետ մնալն» ի՞նչ առանձնահատկություններով դժբախտության նրա գաղափարախոսության և պրակտիկ գործունեության մեջ, ինչպիսի՞ արգելքներ նա հաղթահարեց ֆեոդալական-միապետական կարգերի դեմ մղած պայքարում, ինչո՞ւ այդ բուրժուազիան հազվագյուտ հետևողականություն հանդես բերեց իր զարգացման սկզբնական ժամանակներում դավանած բուրժուազականության և ազատական գաղափարները հետագայում ծայրահեղ ազգայնական, շովինիստական, մարդատյաց հայացքների մի կուռ սիստեմի վերափոխելու և այն պետական գաղափարախոսության աստիճանի բարձրացնելու հարցերում:

Թուրք ազգային բուրժուազիայի առաջ քաշած գաղափարները ցույց են տրված պրակտիկ գործողությունների մեջ այնքանով, որքանով այդ գործողությունների նկարագրությունները նպաստում են տվյալ գաղափարի, ուսմունքի, կոնցեպցիայի բովանդակության բացահայտմանը:

Թուրք ազգային բուրժուազիայի գաղափարաբանության սաղմնավորման, զարգացման և վերջնական ձևավորման պրոցեսը տևել է շուրջ 55—60 տարի՝ անցյալ դարի 60-ական թվականներից մինչև ներկա դարի 10-ական թվականների կեսերը: Հետագա տասնամյակներին նա առաջ է քաշել զանազան գաղափարներ ու հայացքներ ճամակարգեր, որոնք հիմնականում բոլորն էլ անցյալում արտահայտած մտքերի կրկնություններ էին, այդ մտքերի զանազան մեկնաբանություններ, որոնք նոր ժամանակներում հարմարեցվել են թուրքական բուրժուազիայի դասակարգային պահանջներին: Այդ մոտեմները որևէ էական փոփոխություն չեն մտցրել թուրքական բուրժուազիայի արդեն ավարտուն և վերջնական տեսք ընդունած տեսական զինանոցում, այլ միայն տարբեր կողմերից ու տարբեր շափերով լրաց-

րել ու կոնկրետացրել են նրա այս կամ այն գաղափարական կոնցեպցիան:

Թուրք ազգային բուրժուազիայի առաջացման և ձևավորման պատմական ժամանակահատվածը հարուստ է այնպիսի իրադարձություններով, որոնք բախտորոշ նշանակություն ունեցան հայ ժողովրդի համար: Այդ ժամանակաշրջանին են վերաբերում հայ ժողովրդի հիմնական՝ արևմտյան հատվածի գերմարդկային ճիգերը՝ դուրս գալու թուրքական տիրապետության պայմաններում ստեղծված ահավոր կացությունից, նրա ազատագրական ոգորումները և վերջապես նրա համազգային սպանդն իր շորսհազարամյա հայրենիքում: 1860—1920-ական թվականներն ընդգրկող ժամանակահատվածը ոչ միայն ճակատագրական եղավ արևմտահայության համար, այլև իր խոր կնիքը թողեց ողջ հայ ժողովրդի հոգեկան աշխարհի վրա:

Գրքում բացահայտված են թուրք ազգային բուրժուազիայի գաղափարաբանության հիմնական կոնցեպցիաները՝ օսմանիզմ, իսլամիզմ, պանիսլամիզմ, «նոր օսմանիզմ», թուրքիզմ, պանթուրքիզմ և այլն: Սակայն շեշտը դրված է այդ գաղափարաբանության պսակը կազմող պանթուրքիզմի վրա: Այն, որպես թուրք ռեալիտն բուրժուազիայի քաղաքական իդեալ, իր մեջ ծայրահեղ շովինիզմ ու մարդատյաց ռասիզմ է միավորում, հանդես գալիս միլիտարիզմի և զբոսիայի դրոշով: Կոնկրետ ու որոշակի է պանթուրքիզմի ելակետը. նախախնամությունը Թուրքիային օժտել է պատմական մեծ առաքելությամբ՝ ստեղծել թուրքական մի լայնածավալ կայսրություն և նրա մեջ միավորել այն բոլոր հողերը, որոնց վրա բնակվում են թուրքական լեզվախմբին պատկանող ժողովուրդները: Թեև յոթ տասնամյակ է անցել պանթուրքիզմի վերջնական ձևավորումից, բայց նրա սկզբնավորումը շուրջ մեկդարյա պատմություն ունի: Այդ երկար ժամանակաշրջանում թուրք ազգային բուրժուազիան բազում ձախողումներ է կրել իր քաղաքական իդեալի իրականացման համար մղվող պայքարի ճանապարհին: Չնայած դրան, նա չի հուսահատվել. դեռ ավելին, այսօր էլ այդ իդեալը խորթ չէ նրան: Պատահական չէ, որ ժամանակ առ ժամանակ ակադեմիստներ ենք լինում ժամանակակից Թուրքիայում պանթուրքիզմի և իսլամիզմի ռազմաշունչ գաղափարների վերառկայծմանը: Պանթուրքիզմը դեռ կենդանի է, և հնարավոր պայմանների դեպքում այն ունակ է իր դերի մեջ մտնելու:

Թուրք ազգային բուրժուազիայի գաղափարախոսությունը բուրժուական գաղափարախոսության օրգանական, անբաժան մասն է: Բայց այն ունի մի շատ կարևոր առանձնահատկություն, մի էական հատկանիշ, որը նրան զանազանում է կապիտալիստական մնացած երկրների բուրժուազիայի գաղափարախոսությունից: Ինչպես հայտնի է, բուրժուական գաղափարախոսությունն իր բնույթով ընդհանրական է և այն սահմանափակված չէ որևէ երկրի ազգային սահմաններով: Կապիտալիստական այս կամ այն երկրի բուրժուազիայի, նրա գաղափարախոսների կողմից առաջ քաշված տեսական որևէ դրույթ, գաղափար, ուսմունք վաղ թե ուշ դառնում է նաև կապիտալիստական մյուս երկրների բուրժուանների սեփականությունը, տեղ գրավում նրանց տեսական զինանոցում: Ուրիշ խոսքով, բուրժուական գաղափարները և ուսմունքները կիրառելի են կապիտալիստական բոլոր երկրներում: Այլ է թուրք ազգային բուրժուազիայի գաղափարախոսության պարագան: Իր մեջ ներառելով բուրժուական գաղափարախոսության ամենառեակցիոն կողմերը, այդ գաղափարախոսությունը կոչված է անմիջականորեն ծառայելու հենց թուրք բուրժուազիայի դասակարգային շահերին:

Հեղինակ

ԿԱՊԻՏԱԼԻՍՏԱԿԱՆ ՀԱՐԱԲԵՐՈՒԹՅՈՒՆՆԵՐԻ ՉԵՎԱՎՈՐՈՒՄԸ ՕՍՄԱՆՅԱՆ ԿԱՅՄՐՈՒԹՅԱՆ ՄԵՋ: ԹՈՒՐԻՔ ԱԶԳԱՅԻՆ ԲՈՒՐՇՈՒԱԶԻԱՅԻ ԿԱԶՄԱՎՈՐՈՒՄԸ

19-րդ դարի 40—50-ական թվականներ: Օսմանյան կայսրությունից մեջ, ներքին սոցիալ-տնտեսական և արտաքին-քաղաքական բարդ պայմաններում, ծայրահեղորեն դանդաղ ու ցավագին սկսեցին սաղմնավորվել կապիտալիստական հարաբերությունները:

Կապիտալիստական հարաբերությունների զարգացման համար առավել բարենպաստ պայմաններ կային կայսրության եվրոպական մասի, Անատոլիայի ծովահայաց և Միջերկրական ծովի առափնյա քաղաքներում: Այս վայրերում այդ հարաբերությունների սաղմնավորման տարրեր մենք տեսնում ենք է՛լ ավելի վաղ՝ դեռևս անցյալ դարի 30-ական թվականներին: Առաջին հերթին հենց այդ քաղաքներում էին դրսևորվում արտադրության կապիտալիստական եղանակին բնորոշ նախադրյալները, դրանցում էին կատարվում ապրանքների արտադրությունն ու շրջանառությունը, որոնք բուրժուական հասարակարգի գլխավոր տարրերիչ գծերն են:

Մովափնյա նավահանգստային քաղաքներում կապիտալիստական արտադրության սաղմնավորումը հիմնականում կատարվում էր ավանդական տնայնագործական արտադրության հիմքի վրա. աստիճանաբար հանդես էին գալիս նաև խոշոր մանուֆակտուրաներ և ֆաբրիկաներ:

Պրոֆ. Ա. Դ. Նովիչևը գրում է. «19-րդ դարի 30-ական թվականներից քաղաքներում (Օսմանյան կայսրության:— Հ. Ս.) սկսեցին զարգանալ արդյունաբերության մի քանի ճյուղեր՝ կաշեգործության, բրուտագործության, զենքի, տեքստիլ: Կանոնավոր բանակը տեղական արդյունաբերական արտադրանքի

խոշորագույն սպառողն էր: Բուն արդյունաբերության մեջ էլ սկսեցին երևան գալ առաջադիմական պրոցեսներ. աճեց աշխատանքի բաժանումը, երևան եկան մանուֆակտուրաներ և նույնիսկ ֆաբրիկաներ... Այսպիսով, թուրքական արդյունաբերության մեջ հանդես եկան կապիտալիստական տարրեր... Նկատելիորեն աշխուժացավ ներքին և հատկապես արտաքին արևտուրը, որն իր հերթին նպաստում էր ծովեզրյա և ներքին առևտրական գլխավոր ուղիների վրա ընկած քաղաքների զարգացմանը»:

Ի տարբերություն նավահանգստային քաղաքների, կայսրության ներքին նահանգներում ամենուրեք տարածված էր մանր ապրանքային արտադրությունը: Ավանդական արհեստավորական արտադրությունը նույնպես աստիճանաբար ընդգրկվում էր նոր ձևավորվող կապիտալիստական զարգացման ոլորտը, շնայած այդ պրոցեսը շատ դանդաղ էր ընթանում: Իբրև կանոն, կայսրության ներքին նահանգներում մանր ապրանքային արտադրության արդյունքի միայն մի փոքր մասն էր դուրս գալիս շուկա: Այսպես, օրինակ, Վանի վիլայեթի 900 արհեստանոցներում, որտեղ աշխատում էր 2300 մարդ, այսինքն՝ յուրաքանչյուր արհեստանոցում միջին հաշվով 2,5 մարդ, տարեկան պատրաստվում էին 90 հազար կտոր բամբակե և բրդե տարբեր տեսակի գործվածքներ, որից միայն 25 հազարն էր վաճառքի հանվում վիլայեթի սահմաններից դուրս: Այդ արտադրանքի էլ ավելի փոքր մասն արտահանվում էր արտասահմանյան շուկաներ, որտեղ հատկապես մեծ պահանջարկ կար թուրքական այնպիսի պատրաստի արտադրատեսակների նկատմամբ, ինչպիսիք էին մետաքսը, թավիշը, մահուղը, սաֆյանը, նախշազարդ պատյաններով սառը զենքերը:

Կապիտալիստական հարաբերություններն էլ ավելի դանդաղ, բայց այնուամենայնիվ թափանցում էին նաև գյուղատնտեսության մեջ: Գյուղում այդ հարաբերությունների զարգացման համար բարենպաստ հող կար բալկանյան նահանգներում, բայց ընդհանուր պրոցեսից դուրս շմնացին նաև կայսրության փոքրասիական տարածքները: Կապիտալիստական հարաբերությունների ներմուտին գյուղ նպաստում էր այն, որ կառավարությունը

արտոնություններ էր տվել այն հողատերերին ու վարձակալներին, որոնք մշակում էին տեխնիկական կուլտուրաներ և հատկապես բամբակ, որի գինն այդ ժամանակ միջազգային շուկայում խիստ բարձրացել էր: 1858 թվականին ընդունված հողային նոր օրենքով իրավական ձևակերպում տրվեց հողատիրության ռազմաավատական սիստեմի վերացմանը: Իրան հաջորդեց հողի մասին 1867 թվականի օրենքը, որով հողը դառնում էր առևտրական լայն գործարքների առարկա: Գյուղատնտեսության մեջ ապրանքադրամական հարաբերությունների զարգացումն առաջ բերեց գյուղացիների շահագործման կապիտալիստական ձևեր:

Մինչև 18-րդ դարի վերջերը և 19-րդ դարի սկզբները թուրք ֆեոդալական վերնախավերի համար հողատիրությունը հարստացման ոչ թե հիմնական, այլ օժանդակ աղբյուր էր: Հիմնական աղբյուրը շարունակում էր մնալ նոր երկրների գրավումը և կողոպուտը: Բայց, այժմ, 19-րդ դարի կեսերին, խոսք չէր կարող լինել նոր գրավումների և պատերազմների միջոցով հարստանալու մասին: Գլխավոր մտահոգությունը եղած ընդարձակածավալ տարածքների պահպանումն էր: Կայսրության հողերի մեծ մասը, այն էլ ամենալավ հողերը, պատկանում էին խոշոր կալվածատերերին, գլխավորապես՝ տեղի թուրք բեգերին կամ մայրաքաղաքում նստած պետական մակաբույծ պաշտոնյաներին ու փաշաներին: Թալանի հույս շունենալով դրսում, նրանք արդեն սկսել էին հետաքրքրություն ցուցաբերել հողի տնտեսական շահութաբերության նկատմամբ, մտածել նրա եկամտաբերությունը բարձրացնելու մասին: Առանձին խոշոր կալվածատիրական տնտեսություններում սկսեցին օգտագործել վարձու աշխատանքը, երևացին գյուղատնտեսական մեքենաներ: Աճում էր գյուղատնտեսության ապրանքայնությունը, մեծանում էր արտահանվող գյուղատնտեսական ապրանքների ծավալը: Թուրք ֆեոդալներից շատերի համար հողատիրությունը հարստացման օժանդակ աղբյուրից վերածում էր հիմնականի:

Որոշ բարեփոխումների ենթարկվեց վարչակառավարական և դատական համակարգը: Այդ բարեփոխումների անհրաժեշտության գաղափարը ծագել էր վաղուց, դեռ 18-րդ դարի վերջերին և արդեն 19-րդ դարի 30-ական թվականներից դարձել էր քա-

1. А. Д. Новичев, Турция. Краткая история. М., 1965. с. 80.
2. См. Ю. Петросян, Младотурецкое движение, изд-во «Наука», М., 1971, т. 35:

ղաքական անհետաձգելի պահանջ: Բարեփոխումների նպատակն էր՝ կառավարման սիստեմի բարելավման միջոցով պահպանել կայսրության ամբողջականությունը, ապաքինել «հիվանդ մարդուն», ինչպես այն ժամանակ ընդունված էր անվանել Թուրքիան:

1839 թվականին սուլթան Աբդուլ Մեջիդը ազդարարեց սուլթանական մի հրովարտակ, որի ներշնչողը և կազմողներից մեկը Լոնդոնի նախկին դեսպան, մեծ վեզիր Մուստաֆա Ռեշիդ Ալի փաշան էր: Հրովարտակը, որ հայտնի է Նվիրական հրովարտակ կամ Գյուլհանեի հաթթ-ի շերիֆ անվամբ¹, կառավարման արևելյան բռնապետական ձևերից հրաժարվելու և եվրոպական ձևերին անցնելու առաջին փորձն էր: Այն հռչակում էր առանց դավանանքի խտրության կայսրության բոլոր հպատակների կյանքի, պատվի և ունեցվածքի անվտանգություն: Ազդարարվում էր նաև, որ հետապուր քրիստոնյաները իսլամներին «հավասար» իրավունքներ են ստանում²:

Մեծ վեզիր Ռեշիդ փաշան մի քանի տարի ջանքեր էր գործադրում երկիրը կառավարելու հաթթ-ի շերիֆի հռչակած սկզբունքներով. հետապնդում էր ղեղձումները, փորձում էր կանխել զանազան պաշտոնյաների ապօրինի արարքները և այլն³: Հին թուրքերն այնքան էին դայրացած բարեփոխումների ջատագով Ռեշիդ փաշայի վրա, որ մեղադրանք էին հարուցում, թե նա «բացարձակապես անհավատներին ծախված մի «գյավուր» է»⁴:

Նույն սուլթանի՝ Աբդուլ Մեջիդի օրոք, 1856 թվականին, հրա-

¹ Անունը ստացել է մայրաքաղաք Ստամբուլի Գյուլհանե պալատից, որի պարտեզում Ռեշիդ փաշան 1839 թ. նոյեմբերի 3-ին հռչակեց հաթթ-ի շերիֆը:

² Տե՛ս Դ. Դ. Розен, История Турции от победы и реформы в 1826 году до Парижского трактата в 1856 году, СПб, 1872, ч. 2 էջ 19, А. Убичин и П. де Куртейл, Современное состояние Османской империи (статистика, правление, администрация, финансы, армия, общины немусульманские и пр.), СПб, 1877, էջ 203—207, «Турецкий сборник» (к событиям на Ближнем Востоке), СПб., 1909, էջ 73—76, Ф. Шабанов, Государственный строй и правовая система Турции в период танзимата, Баку, 1967, էջ 42—50:

³ Տե՛ս А. Ф. Миллер, Мустафа паша Байрактар, М.—Л., 1947.

⁴ «Գրական տարեցոյց», ԺԲ տարի, Մարտի, 1956, էջ 19—20:

պարակվեց երկրորդ հրովարտակը, որի նախագիծը կազմել և սուլթանին էր ներկայացրել մեծ վեզիր Ֆուադ փաշան: Այս հրովարտակը, որը ստացավ Աբուլունի հրովարտակ կամ հաթթ-ի հումայուն անունը, հիմնականում կրկնում և լրացնում էր Գյուլհանեի հաթթ-ի շերիֆը¹:

Հետագա տարիներին Բարձր Դուռը, ինչպես այն ժամանակ անվանում էին թուրքական կառավարությունը, հռչակեց նաև մի քանի ուրիշ ռեֆորմներ: Մասնավորապես, 1843 թվականի սեպտեմբերին, ընդունվեց զինվորական ռեֆորմի մասին օրենքը, որի համաձայն օսմանյան բանակը վերակազմվեց. եվրոպական բանակների նման այն բաժանվեց երկու հատվածի՝ ա) գործող բանակ (նիզամիե), որտեղ զորակոչված երիտասարդները ծառայում էին հինգ տարի և բ) պահեստի բանակ (ռեսիֆ)՝ յոթ տարվա ծառայության ժամկետով: Սրա հիման վրա կազմվեց օսմանյան հինգ բանակ²: 1864 թվականին ընդունված վլալայեթների մասին օրենքով երկրում ստեղծվեց վարչական նոր սիստեմ³:

Բարենորոգումների ժամանակաշրջանը Թուրքիայում ստացավ բանգիմար⁴ անունը: Սովորաբար ամեն մի ռեֆորմ տրվել էր երկրի հաստնացած ներքին պահանջմունքների, սոցիալ-տնտեսական փոփոխությունների կատարելու անհրաժեշտության արդյունք է: Այդ բանը սակայն չի կարելի ասել Թուրքիայում այդ ժամանակ հռչակած առաջին բարենորոգումների մասին: Դրանք ըստ էության արմատական վերափոխումներ չէին, այլ երկչոտ փորձեր ինչ-որ կերպ կարգ ու կանոն հաստատելու երկրում, կայրավորելու ֆեոդալիզմը, դրանով իսկ ամրապնդելու գոյություն ունեցող կարգերը:

Անդրադառնալով այս հանգամանքին, սովետական թուրքագետ Ա. Ֆ. Միլլերը նշում է, որ հիշատակված ռեֆորմների խթանը Թուրքիայի ներքին առաջադիմությունը չէր, ինչպես դատելի էր ունենում ուրիշ երկրներում: «Գլխավոր, եթե ոչ միակ պատճառը ղեկավար դասակարգի ոչ մեծ լուսավորյալ խմբի

¹ Տե՛ս «БСЭ», второе издание, т. 43, М., 1956, էջ 498:

² Տե՛ս «Գրական տարեցոյց», ԺԲ տարի, էջ 18—19:

³ Տե՛ս А. Ф. Миллер, Краткая история Турции, ОГИЗ-Госполитиздат, М., 1948, էջ 6:

⁴ Անունը առաջացել է բանգիմա բառից, որը նշանակում է վերափոխում, կարգավորում:

ձգտումն էր՝ ռեֆորմների միջոցով կայսրությունը փրկել մոտալուտ կործանումից»¹: Կիսատ-պոստ այս ռեֆորմները չէին կարող սակայն կործանումից փրկել կայսրությունը: Պատահական չէ, որ դրանց ազդարարություններն այդպես էլ մնացին թղթի վրա: «Խղճուկ կերպով խորտակվեցին քաղաքակրթության ուղին բռնելու թուրքական կառավարության բոլոր փորձերը...»², — գրում էր Կ. Մարքսը:

Բայց թանգիմաթն այնուամենայնիվ որոշ դրական հետք թողեց կայսրության հասարակական-քաղաքական կյանքում: Մասնավորապես այն նպաստեց երկրում սահմանադրական գաղափարների աստիճանական տարածմանը: Այնուհետև հարկ է նշել, որ թուրք բարենորոգիչները շատ էին մտահոգված իմանալու, թե արդյոք թուրքերն ի վիճակի՞ են յուրացնելու, ընդօրինակելու կրթության, ռազմական գործի, տեխնիկայի, պետության և տնտեսության կառավարման ասպարեզներում Եվրոպայում ձեռք բերված նվաճումները: Այդ մտահոգությունից մղված, թուրքական կառավարությունը սկսեց թուրք երիտասարդության առաջին խմբերն ուսման ուղարկել եվրոպական կենտրոններ՝ ժամանակի ռազմական տեխնիկան և պատերազմները վարելու արվեստը ուսումնասիրելու նպատակով:

Այս ամենը ցույց էր տալիս, որ Օսմանյան կայսրությունը թեև կոխում էր վերափոխումների ուղի:

Բայց, չնայած երկրի ներքին դրության բարելավման նպատակով ձեռնարկված ռեֆորմներին և մյուս միջոցներին, Օսմանյան կայսրությունը 19-րդ դարի կեսերին շարունակում էր ծայրահեղ հետամնաց մի պետություն մնալ:

Չարգացման խիստ ցածր մակարդակի վրա էր գյուղատնտեսությունը: Թուրքական ֆեոդալական վերնախավերը դաժանորեն շահագործում էին ոչ միայն նվաճված հողերի տեղաբնիկ գյուղացիությունը, այլև թուրք գյուղացիներին: 19-րդ դարի կեսերին թուրք կալվածատիրոջը Կ. Մարքսը և Ֆ. Էնգելսը բնութագրում էին որպես «ֆեոդալիզմի ամենացածր ու բարբարոսական աստիճանի վրա» կանգնած ֆեոդալի՞³: Տառապալից

կյանքով ապրող այլադավան ու այլալեզու գյուղացիության հետ միասին թուրք գյուղացին աստիճանաբար ամենաչքավորներից մեկն էր դառնում աշխարհում:

Հողազուրկ կամ սակավահող գյուղացիները վարձակալում էին տերունական կամ կալվածատիրական հողերը և, իբրև վարձատրություն, սեփական գործիքներով հերկում ու ցանում էին բեգերի ու արքունու հողերը, հավաքում ու տեղավորում բերքը: Այդ բոլորի դիմաց աշխատավոր գյուղացիները ստանում էին բերքի շնչին քանակությունը միայն, որը հազիվ ապահովում էր նրանց շարքաշ գոյությունը: Գյուղատնտեսության մեջ վարձակալական սիստեմը խանգարում էր արտադրողական ուժերի դարգացմանը, խոչընդոտում կապիտալիստական հարաբերությունների ներթափանցմանը գյուղ:

Ծայրահեղ հետամնաց եղանակով էր վարվում անասնապահությունը, որը քոչվոր թուրքերի, քրդերի ու արաբների ավանդական զբաղմունքն էր: Ըստ որում, գերազասվում էր ոչխարաբուծությունը: Ինչպես հարյուրամյակներ առաջ, 19-րդ դարի կեսերին նույնպես, խաշնարածությունը շարունակում էր մնալ նրանց ապրուստի հիմնական, եթե ոչ միակ, աղբյուրը:

Գյուղացիական մասսաների թշվառ վիճակի զլխավոր պատճառներից մեկը կայսրության հարկային սիստեմն էր: Գյուղացին վճարում էր բազմաթիվ հարկեր՝ տասանորդ (աշար), հողային հարկ, անասնահարկ և այլն: Մուսուլմանական օրենսգրքովյա մը ֆեոդալական բնահարկը՝ աշարը, գյուղացիներից գանձվում էր բերքի մեկ տասներորդ մասի չափով: Բայց Օսմանյան կայսրությունում աշարի չափերը հասել էին մինչև բերքի մեկ ութերորդին: Սուլթանական կառավարությունը, որը չէր կարողանում ծայրը ծայրին հասցնել և շարունակ փողի կարիք էր զգում, ինչպես աշարի, այնպես էլ ուրիշ հարկերի հավաքումը վերապահում էր փողատերերին՝ տալով կապալով: Կապալառուները պետության գանձարան էին մուծում աշարի կամ մյուս հարկերի գումարային արժեքն ամբողջ գավառի կամ նույնիսկ նահանգի համար և դրա դիմաց իրավունք ստանում հավաքելու հարկերը: Կաշառելով պաշտոնյաներին և ոստիկաններին, կապալառուները բռնի միջոցներով հավաքում էին նախատեսվածից երկու-երեք անգամ ավելի, հարստանում գյու-

¹ А. Ф. Миллер, Мустафа паша Байрактар, с. 73.

² К. Маркс и Ф. Энгельс, Соч., т. 9, с. 6.

³ Տե՛ս նույն տեղը:

ղացիական զանգվածների նորանոր թշվառությունների հաշվին¹: Նրանք աշարը կորզում էին բերքի կեսին հասնող չափերով²: Իսկ եթե պարտքերի ծանրությունից տնքացող գյուղացիները փորձում էին ըմբոստանալ պետության հարկային քաղաքականության դեմ, նետվում էին բանտերը, ենթարկվում դաժան հալածանքների:

Գյուղատնտեսության հետամնացության ու քայքայման պատճառներ էին նաև հաղորդակցության ճանապարհների բացակայությունը, բազմաքանակ վաշխառուների կամայականությունները և այլն:

Շարունակում էր հետամնաց վիճակում մնալ արդյունաբերությունը: Խոր անկումից դուրս չէին գալիս մետաքսագործությունը, բրդի մանվածքի արտադրությունը, կաշեգործությունը: Մայրահեղ ցածր էր տեխնիկայի մակարդակը լեռնահանքային արդյունաբերության մեջ՝ Դիարբեքի շահագործարաններում, Տրապիզոնի հանքերում և այլն: Շատ լեռնագործական ձեռնարկություններում տեխնիկայի մակարդակն այնքան ցածր էր, որ հանքաքարի մշակման ժամանակ մետաղի 20—40 տոկոսի կորուստ էր լինում³: Տեխնիկայի մակարդակը շատ ցածր էր նաև գյուղատնտեսական հումքի նախնական վերամշակման ձեռնարկություններում: Տեղական արդյունաբերության դարգացման համար գրեթե անհաղթահարելի արգելքներ էին վարչական անօրինությունները, ներքին մաքսատուրքերը և հատկապես կյանքի ու սեփականության երաշխավորված անվտանգության բացակայությունը:

Արմատական վերափոխման կարիք ուներ Թուրքիայի պետական կառավարման սիստեմը: Կ. Մարքսը նշում էր, որ այդ սիստեմն ուղղակի խոչընդոտ է առաջադիմության ճանապարհին⁴:

Սուլթանական կառավարության և տեղական փաշաների կամայականությունները սահմաններ չէին ճանաչում: Երկրում

(բացառություն էր կազմում Պոլիսն իր շրջակա տարածքով) չկար կանոնավոր դատական կազմակերպություն, մշակված չէր պետական ֆինանսական քաղաքականություն, կանոնավոր հարկային սիստեմ, որի հետևանքով շահատակությունների դուռը չէր փակվում կաշառակեր պաշտոնյաների առջև: Ցանկացած ժամանակ պետական պաշտոնյաները կարող էին բռնագրավել հպատակների, հատկապես քրիստոնյա հպատակների, ունեցվածքը: Այդ էր պատճառը, որ, ասենք, Անատոլիայում արդեն զգալի փող կուտակած հույն, հայ, ինչպես նաև նոր-նոր ձևավորվող թուրք առևտրական բուրժուազիան խուսափում էր արդյունաբերության և բանկային գործի մեջ գումարներ ներդնելուց և ամեն ճիգ գործադրում էր, որպեսզի աչքի չընկնի, մնա ստվերում: Նրանք ամեն կերպ աշխատում էին գաղտնի պահել շահույթները, թաքցնել կուտակված փողը, որը շրջանառության մեջ կապիտալի վերածվելու փոխարեն թաքստոցներում դառնում էր մեռած գանձ:

Այդ ամենը նկատի ունենալով, Ֆ. էնգելսը գրել է. «Թուրքական, ինչպես և արևելյան ամեն մի տիրապետություն անհամատեղելի է կապիտալիստական հասարակության հետ. ստացված հավելյալ արժեքը ոչնչով երաշխավորված չէ սատրապների ու փաշաների գիշատիչ ձեռքերից, չկա բուրժուական ձեռնարկատիրական գործունեության առաջին հիմնական պայմանը՝ վաճառականի անձի ու նրա սեփականության անվտանգությունը»¹: Մի ուրիշ առիթով նա նշում էր. «Պետություններն Արևելքում միշտ ունեցել են միայն երեք գերատեսչություն. ֆինանսների (սեփական երկրի կողոպուտ), պատերազմների (սեփական երկրի և ուրիշ երկրների կողոպուտ) և հասարակական աշխատանքների (վերարտադրության մասին մտահոգություն)»²:

Թուրքիայի տնտեսության, հատկապես արդյունաբերության հետամնացության զլխավոր պատճառներից մեկն օտարերկրյա կապիտալի բռնացումն էր, նրա հետզհետե ուժեղացող ներխուժումը երկրի տնտեսություն: Զխոսելով արտաքին շուկայի մասին, թուրքական արդյունաբերությունն իր արտադրանքով ի վիճակի չէր դիմագրավելու օտարերկրյա ապրանքների մրցակցությունը նաև ներքին շուկայում: Օսմանյան կայսրության

¹ Տե՛ս **И. И. Голобородько (И. Южанин)**, Старая и новая Турция, М., книгоиздательство «Польза», 1908, էջ 165:

² Տե՛ս **Д. Е. Еремеев**, На стыке Азии и Европы. Очерки о Турции и турках, изд-во «Наука», Главная редакция восточной литературы, М., 1980, էջ 134:

³ Տե՛ս **Н. Р. Овсяный**, Современная Турция, СПб., 1877, էջ 135—136:

⁴ Տե՛ս **К. Маркс и Ф. Энгельс**, Соч., т. 9, էջ 25:

¹ **К. Маркс и Ф. Энгельс**, Соч., т. 22, с. 33.

² Նույն տեղը, հ. 28, էջ 221:

և օտարերկրյա պետությունների միջև կնքված առևտրական ան-
իրավահավասար պայմանագրերը, եվրոպական մրցակցության
պայմաններում, տեղական արդյունաբերությանը զրկում էին
ամեն տեսակ պաշտպանությունից:

Դարի կեսերին դրվեցին Օսմանյան կայսրությունն արտա-
սահմանյան կապիտալի կիսագաղութ դառնալու հիմքերը: Սուլ-
թանական կառավարության ֆինանսական դրության շարունակ-
վող վատթարացման հետևանքով պետական բյուջեում գոյացել
էր հսկայական ճեղքվածք: Օտարերկրյա տերություններից կայսր-
րության անընդհատ աճող կախվածության առավել ցայտուն
արտահայտություններից մեկն արտասահմանյան ֆինանսիստ-
ների և արդյունաբերողների կողմից երկաթուղիների կառուց-
ման, օգտակար հանածոների շահագործման, կոնցեսիաների,
բանկերի և դրանց բաժանմունքների ստեղծման իրավունքի ձեռք-
բերումն էր: Թուրքիան աստիճանաբար վերածվում էր արևմտ-
յան տերությունների ագրարային-հումքային կցորդի:

Տնտեսության մեջ ստեղծված ծանր վիճակը գնալով խորա-
նում էր կառավարման անարխիկ սիստեմի պատճառով: Թուր-
քական սուլթանները, կառավարության անդամները, պետա-
կան պաշտոնյաներն ամենից շատ մտահոգված էին իրենց անձ-
նական բարեկեցության, քան պետության կառավարումը բարե-
լավելու խնդրով: Այն դեպքում, երբ երկիրը գտնվում էր ֆինան-
սական ծանր պայմաններում, պաշտոնյաներից շատ քչերն էին
մտածում պետական միջոցները խնայողաբար օգտագործելու
մասին: Ծանապարհների ու դպրոցների փոխարեն կառուցվում
էին պալատներ ու զբոսանավեր, անարտադրողաբար վատնվում
էին ժողովրդի ստեղծած արժեքները:

Միջոցների մյուս մեծ բաժինը հատկացվում էր բանակի ու
նավատորմի պահպանմանը: Պետության հսկայական տարածքի
վրա սփռված ռազմական ամրությունների ու բերդերի, թուր-
քական ռազմական միավորումների պահպանման ծախսերն
իրենց ահռելի ծանրությանմբ ընկած էին կայսրության բոլոր
ժողովուրդների, այդ թվում թուրք աշխատավոր ժողովրդի վրա:
«Եվրոպայի հիվանդ մարդու» Օսմանյան կայսրության տրոհ-
ման, բաժան-բաժան անելու հեռանկարը, սարսափի մատնելով
սուլթաններին և թուրքական կառավարությանը, նրանց մղում
էր այն բանին, որպեսզի միջոցներ չխնայվեն բանակի մեծաց-
ման ու վերագինման համար: Իսկ դա նորանոր վիթխարի գու-

մարներ էր պահանջում: Դրանք չգտնելով սեփական գանձա-
րանում, կառավարությունը դիմում էր արտաքին նոր պարտքերի
ու փոխառությունների, ավելի ուժեղացնելով իր կախվածու-
թյունը եվրոպական պետություններից:

Ինչպես տեսնում ենք, օսմանյան տնտեսության անմխի-
թար վիճակի պատճառները բազմազան էին: Հարկ է նշել մի
կարևոր հանգամանք ևս՝ տիրապետող ազգի՝ թուրքերի արտա-
դրական փորձի պակասը, որ հիմնականում թելադրված էր
նրանց պատմական ավանդույթներով:

Կայսրության թուրք բնակչության հիմնական մասը չէր
մասնակցում առևտրարդյունաբերական գործունեությանը:
Թուրքական հասարակության վերին և միջին խավերը սերնդից
սերունդ արհամարհելի բան էին համարում ստեղծագործ աշխա-
տանքով, մասնավորապես արհեստներով և առևտրով զբաղվելը:
Կոիվն ու կողոպուտը թե՛ ավելի հեշտ էին, թե՛ ավելի պատվա-
բեր, ուստի թուրքերն իրենց զխավոր կոչումը չամարում էին
բանակային ծառայությունը, պատերազմելը և ավարառումը:
Միշտ գինավառ, ձիարշավի և ռազմական խաղերի մեջ մարզ-
ված, դեռ մանուկ հասակից սրի, նիզակի, նետի գործածու-
թյանը վարժված, արկածների անհուն ծարավով, իրենց ամեն-
օրյա պահանջմունքների մեջ ժուժկալ, մի խոսքով աշխարհա-
կալ ցեղերի բոլոր անհրաժեշտ «առաքինություններով» օժտված
թուրքերն իրենց հետ անհուն դժբախտություններ էին բերում
այն տարածքներում, որտեղով անցնում էին: Վիկտոր Հյուգոյի
«Այստեղով թուրքն է անցել» պատկերավոր արտահայտությունը
վկայություն էր դրա: «Հավատի մարտիկների» ընշաքաղցու-
թյունը, նրանց ավարառության կիրքը և թալանչիական ավյունը
սահմաններ չգիտեին¹:

¹ Տե՛ս Стефан Цвайг, Собр. соч., М., 1963, т. 3, էջ 24—30:

1453 թվականին գրավելով Կոստանդնուպոլիսը և ոչնչացնելով բյուզան-
դական պետությունը, թուրքերը խուժեցին Բալկաններ և եվրոպական այլ
տարածքներ, ամենուրեք ահ ու սարսափ սփռելով: 1454—1459 թթ. նրանք
նվաճեցին Սերբիան, 1456 թ.՝ Մոլդավիան, 1460 թ.՝ Հունաստանը, 1463 թ.՝
Բոսնիան, ապա՝ Տրապիզոնյան կայսրությունը: 1475 թ. Ղրիմի խանը իրեն
ճանաչեց թուրքական սուլթանի վասալ, մեկ տարի հետո (1476 թ.) իրեն վա-
սալ ճանաչեց նաև Վալախիան: 1516—1517 թվականներին թուրքերը գրավեցին
Սիրիան, Լիբանանը, Պաղեստինը, Հեջազը, ապա մտան Եգիպտոս: Թուրքական
սուլթանը մամլուքների ձեռքին խաղալիք դարձած արաբական վերջին խա-
լիֆից վերցնելով կրոնապետի իրավունքները, իրեն հռչակեց աշխարհի բո-

Անդրադառնալով թուրքական նվաճումներին, «Պատմության փիլիսոփայություն» աշխատության մեջ գերմանացի մեծ փիլիսոփա Գեորգ Վիլհելմ Ֆրիդրիխ Հեգելը գրել է. «Այն ժամանակ թուրքերը դեռ միանգամայն առողջ, ուժերով լի մի ազգ էին, որի հզորությունը հիմնված էր նվաճումների վրա, որն այդ պատճառով էլ շարունակ պատերազմներ էր մղում և զինազաղարներ կնքում: Նվաճված հողերը, ինչպես Ֆրանկների մոտ, բաժանվում էին ռազմիկների միջև, որոնք դրանք ստանում էին որպես անձնական, այլ ոչ թե որպես ժառանգական սեփականություն... Օսմանների բանակի ընտրանին՝ ենիչերիները, սարսափ էին ներշնչում եվրոպացիներին: Նրանց հավաքագրում էին գեղեցիկ և ուժեղ քրիստոնյա տղաներից, զլխավորապես՝ հունահպատակների շրջանում, ամեն տարի իրականացվող զինակոչային հավաքներում, ապա խստորեն դաստիարակում իսլամի ոգով և պատանի հասակից սովորեցնում տիրապետել զենքին: Ապրելով առանց ծնողների, եղբայրների և քույրերի, առանց կանանց, նրանք ճգնավորների պես միանգամայն անկախ և ահարկու ջոկատ էին»¹:

Թուրք-օսմանների կողմից նվաճված ժողովուրդներն ընկան ծանր լծի տակ, որը մեծապես արգելակում էր նրանց սոցիալատնտեսական զարգացումը:

Հաջող արշավանքներից ու արտաքին ավարառումներից հետո էլ թուրքերը չէին լծվում աշխատանքային գործունեության: Մասնավորապես նրանց առևտրական գործառնությունը, ինչպես նկատել է Ֆ. Հեգելը, սահմանափակվում էր «քարավաններ թալանելով»²:

Արհեստով զբաղվելն արժանավայել չհամարելով, բաժին էր

լոր մուսուլմանների հոգևոր առաջնորդ (խալիֆ): 16-րդ դարում օսմանյան հզոր նավատորմը վերահսկում էր համարյա ողջ Միջերկրածովյան ավազանը: 1521 թ. թուրքական զորքերը գրավեցին Բելգրադը: 1526 թ. թուրքերը տիրացան Հունգարիայի մեծ մասին, 1529 թ. հասան Վիեննայի դարպասներին: Միաժամանակ նրանք փոփոխակի հաջողություններով շարունակում էին կռիվներ մղել Պարսկաստանի դեմ: 1574 թ. մտան Թունիս, ապա իրենց ենթարկեցին Ալժիրն ու Մարոկկոն: 1672 թ. Լեհաստանից նրանք խլեցին Պոդոլիան և Աչափնյա Ուկրաինան: Օսմանյան կայսրությունը հասավ իր հզորության գագաթնակետին: Նրա սահմանները Վիեննայի դարպասներից տարածվում էին մինչև Պարսից ծոցը, Ատլանտյան օվկիանոսից մինչև Լեհաստան և Ղրիմ:

¹ Гегель, Сочинения, М.—Л., Соцэкгиз, 1935, с. 402.

² К. Маркс и Ф. Энгельс, Соч., т. 9, с. 25.

թողնված բացառապես երկրորդ կարգի մարդկանց, «գյավուրներին»՝ քրիստոնյա հպատակներին և հրեաներին: Արհեստավորական արտադրության հին կենտրոնների՝ Պուսի, Իզմիրի, Բրուսայի, Կոնիայի, Կեսարիայի, Ամասիայի, Տրապիզոնի, էրզրումի, Թոքատի (Եվզոկիա), Վանի արհեստավորները, շնչին բացառությամբ, քրիստոնյաներ էին, առավելապես՝ հայեր: Փոքր Ասիայի, Սիրիայի, Հայաստանի քաղաքներում դեռ թուրքերից շատ առաջ արհեստները հասել էին զարգացման բարձր աստիճանի, իսկ արհեստագործական տարբեր կենտրոններում շատ արհեստներ, առաջին հերթին ոսկերչությունը, հայ վարպետները հասցրել էին կատարելության: Հայկական ճարտարապետության, որմնանկարչության, մանրանկարչության, Լրաժըշտության, գրչության հետ միասին այն դարձել էր ազգային անկրկնելի արվեստի հռչակված ճյուղերից մեկը: Հայ ոսկերչներն ազնիվ մետաղներից, թանկագին և կիսաթանկարժեք բարերից պատրաստում էին անձեռակերտ շրջալիքներ՝ ոսկե հատիկներով կամ ուլունքաշար ապարանջաններ, շղթայանախշ վզնոցներ, մարջանից հյուսվածքներ ունեցող ասեղնագործ գոտիով ճարմանդներ, մատանիներ ու մատնոցներ, փիրուզի ակերով նրբահյուս արծաթե գոտիներ, նրբագույն զարդերով սուպեր՝ հիացմունք առաջացնող կափարիչներով: Նրանց ոսկի ձեռքերի ստեղծագործություններից էին նաև Եկեղեցական շատ սպասքներ, իրեր, ծիսական հանդերձանքներ՝ կանթեղներ, խորանի զարդախաչեր, մեռոնատուփեր, խնկամաններ, բուրվառներ, աշտանակներ, գավազաններ, սկիհներ, արծաթով ու փայլուն ակներով զարդարված ձեռագրերի պահպանակներ, ավետարանների ոսկյա կազմեր և այլն: Ամենուրեք հայտնի էին նաև արհեստների մյուս ճյուղերի հայ վարպետների ստեղծագործությունները՝ ինքնատիպ փայտյա փորագրություններ, մետաղյա գեղարվեստական ընտիր աշխատանքներ, մասնավորապես պղնձե նախշահյուս սկուտեղներ, ափսեներ, յուղամաններ, գավաթներ, զարդասալիկներ, այնուհետև արտակարգ գեղեցկության հախճապակե և ճենապակե սափորներ, թասեր, պնակներ: Բացառիկ հետաքրքրություն և արժեք էին ներկայացնում հայ վարպետների պատրաստած ասեղնագործ սփռոցներն ու ծածկոցները, անձեռոցիկները, հելունահյուս ժանյակները, կրոնական և պատմական կերպարներ պարունակող ոսկեթել և արծաթաթել մեծ ու փոքր վարագույրները, հոգևոր անձանց զգեստները, վակասները, կա-

նանց գոգնոցները, հողաթափերը, գույնզգույն ամպհովանիները, տղամարդկանց տնային հագուստները՝ բեհեզից կամ թանկագին կերպասից կարված դարդանախշ պատմուճանները, պարեգոտները և այլն:

Մեծապես հուշակված էին նաև հայ գորգագործները: Պատմական աղբյուրները վկայում են, որ կեսարիայում, Սեբաստիայում, Վասպուրականում, Արցախում, Սյունիքում և Հայաստանի այլ վայրերում գործած հայկական նուրբ ու շքեղ գորգերը (վիշապագորգեր, արծվագորգեր, օձագորգեր և այլն) դարեր շարունակ բարձր են գնահատվել նույնիսկ ամենահեռավոր շուկաներում: Դրանք աչքի էին ընկնում բազմազույն զարդանախշերով, գեղարվեստական հնարքների բազմազանությամբ:

Շվեյցարացի արևելագետ Ադամ Մեցը, արաբական խալիֆաթի 9—10-րդ դարերի պատմությանը նվիրված իր աշխատության մեջ գրում է, որ միջնադարում ամենաբարձր արժեք ունեին պարսկական, հայկական և բուխարական բրդյա գորգերը¹: Միաժամանակ նա նշում է, որ ժամանակակիցները, ինչպես օրինակ, միջնադարյան արաբ հեղինակ Սաալիբին նկատում էր, որ այն ժամանակներում այնուամենայնիվ «ամենից բարձր գնահատվում էին հայկական գորգերը»²: Այդպես է գրել նաև արաբ հեղինակներից մեկ ուրիշը՝ Աբու-լ-Վասիմը: Վկայակոչելով արաբական միջնադարյան աղբյուրները, Ա. Մեցը հիշատակում է, որ օմեյյադյան խալիֆ ալ-Վալիդ 2-րդի տան հատակն ու պատերը ծածկված էին հայկական գորգերով: Միջնադարում ընդունված էր ամենաթանկագին ու ամենահարգի նվերներից համարել հայկական գորգերը: Ի դեպ, խալիֆ ալ-Մուկտադիրին իր մեկ վասալից նվեր էր ստացել հայկական յոթ գորգ: Այդ ժամանակների հեղինակներից մեկը գրել է, որ պարսկական գորգերից ամենից շատ գնահատվում էին այն գորգերը, որոնք չէին զիջում հայկականներին: Իբն Բուստան հիշատակություն է թողել այն մասին, որ պարսկական լավագույն գորգերը և հատկապես Իսֆահանում գործած գորգերը գովում էին այն բանի համար, որ դրանք ամենից շատ էին նմանվում շքեղագույն հայկական գորգերին: Հետագայում Մարկո Պոլոն նկա-

տել է. «Հայաստանում գործում են ամենալավ և ամենագեղեցիկ գորգերը»³:

Իհարկե, Օսմանյան կայսրության տարբեր վայրերում կային նաև թուրք արհեստավորներ: Բայց նրանք գերազանցապես զբաղվում էին առանձին հմտություններ չպահանջող արհեստներով, որոնք կապված էին խաշնարածության հետ, այն է՝ կաշվի նախնական մշակում, թամբագործություն, թաղիքագործություն և այլն:

Նույնանման վիճակ էր առևտրի բնագավառում, այսինքն՝ գործունեության այն ոլորտում, որտեղ ամենից արագ էր կատարվում կապիտալի սկզբնական կուտակումը, հետևաբար՝ կապիտալիստական հարաբերությունների հասունացումը: Օսմանյան կայսրության մեջ առևտրով զբաղվում էին դարձյալ ոչ թուրք ազգության անձինք՝ հույները, հայերը, լեանտինցիները՝ Սիրիայի և Լիբանանի քրիստոնյաները, սլավոնները: Անդրադառնալով այդ իրողությանը, Ֆ. Էնգելսը հենց այդպես էլ գրում էր. «Ո՞վ է առևտուր անում Թուրքիայում: Համենայն դեպս, ոչ թուրքերը... ծովային խոշոր նավահանգիստներում հաստատված հույները, հայերը, սլավոնները և արևմտեվրոպացիներն իրենց ձեռքում են պահում ամբողջ առևտուրը...»²

Քանի որ թուրքերը և ընդհանրապես մահմեդականներն ամոթալի բան էին համարում առևտուր անելը, ուստի վաշխառուների և բանկիրների թվում նույնպես մուսուլմաններ չկային: Տոկոսներով փող պարտք տալու իսլամական արգելքն իր դավանակիցներին զրկում էր կապիտալի նախասկզբնական կուտակման այդ հնարավորությունից³:

Քրիստոնյաները, մասնավորապես հայերը, առևտրով զբաղվում էին ավանդաբար: Դեռ շատ հնուց հայերը բազմաթիվ երկրներում հայտնի էին առևտրատնտեսական իրենց ակտիվ գործառնությամբ: Հետաքրքրական է հայերի մասին գերմանացի փիլիսոփա Էմանուել Կանտի կարծիքը, որ նա արտահայտել է «Մարդաբանություն պրագմատիկական տեսանկյունից» աշխատության մեջ: Նա գրել է. «...հայերի մեջ տիրապետում է հատուկ տեսակի մի ինչ-որ առևտրական ոգի, այն է՝ նրանք

¹ *Слѣа Адам Мец. Мусульманский ренессанс, изд. 2-е, изд-во, «Наука», М., 1973, էջ 369:*

² *Նույն տեղը:*

¹ *Адам Мец. Мусульманский ренессанс, с. 369.*

² *К. Маркс и Ф. Энгельс, Соч., т. 9, с. 25.*

³ *Слѣа Д. Е. Еремеев, На стыке Азии и Европы, էջ 114:*

գրադվում են փոխանակությանը, ոտքով ճամփորդելով Չինաստանի սահմաններից մինչև Գվինեայի ափի Կորսոյի հրվանդանը: Դա վկայում է այդ խելամիտ և աշխատասեր ժողովրդի առանձնահատուկ ծագումը, որը հյուսիս-արևելքից դեպի հարավ-արևմուտք տանող ուղղությամբ անցնում է գրեթե ամբողջ Հին աշխարհը և կարողանում սիրալիք ընդունելություն գտնել բոլոր ժողովուրդների մեջ, որոնց մոտ նա լինում է: Դա ապացուցում է նրանց բնավորության (որի նախասկզբնական ձևավորումը մենք արդեն ի վիճակի չէինք հետազոտելու) գերզանցությունը...»¹ Հայերը, սակայն, չէին սահմանափակվում ցամաքային առևտրով: Դեռևս մեր թվարկությունից շատ առաջ հայ վաճառականները նավարկում էին Տիգրիս և Եփրատ գետերում և Հայաստանից ապրանքներ արտահանում հին աշխարհի շատ երկրներ: Հեգելը, հենվելով Հայաստանի և հայերի մասին հայտնած այն տեղեկությունների վրա, որ թողել են անտիկ աշխարհի մտածողներ Հերոդոտը², Քսենոֆոնը³, Պլուտարքոսը⁴, Ստրաբոնը⁵ և ուրիշներ, նշում էր, որ «Հայաստանից սկիզբ առնող այդ գետերի վրա շատ պարզացած է եղել նավագնացությունը, նավերը լողացել են դեպի Բաբելոն մասամբ Հայաստանից, մասամբ հարավից, և դրա շնորհիվ քաղաքում (Բաբելոնում:— Լ. Ս.) կուտակվում էին անհաշիվ հարստություններ»⁶:

Պատմական աղբյուրներում բազում հիշատակություններ կան, որոնք վկայում են, որ հետագա շատ դարերում նույնպես հայ վաճառականները ապրանքներ էին տանում ամենահեռավոր երկրներ, ինչպես ցամաքային ուղիներով ու գետերով, այնպես էլ ծովերով և օվկիանոսներով: Նրանք միջազգային ծովա-

յին առևտուր էին անում Արևելքի բոլոր երկրների հետ, մեծածավալ ու արժեքավոր բեռներ էին փոխադրում Միջերկրական ծովով, Պարսկական ծոցով, Մալակյան նեղուցով, Հնդկական օվկիանոսով, Հարավարևելյան Ասիայի ծովերով, հասնում էին մինչև Հնդկաստան, Չինաստան, Ճավա, Ֆիլիպիններ և այլուր, որիչ ուղղություններով նավարկելով գնում էին Զենովա, Վենետիկ, Ֆրանսիա, Իսպանիա, Ղրիմ, Աստրախան... Եվ ամենուրեք ցանկալի հյուրեր էին: Հայ վաճառականներն ունեին սեփական նավեր, իրենց ապրանքները կարողանում էին պաշտպանել ծովահենների հարձակումներից, միջազգային ապարեզում հաջողությամբ մրցում էին այլազգի առևտրականների հետ և շատ դեպքերում նրանց դուրս մղում շուկաներից:

Սակայն գաղութային ժամանակներում վիճակն աստիճանաբար փոխվեց ի վնաս հայ ծովագնացների և վաճառականների: Սրանց շահերը ակամայից ընդհարվեցին խորամանկորեն կամ զինու զորությամբ Հնդկական օվկիանոսի երկրներ թափանցող եվրոպական գաղութարարների շահերին: Չղիմանալով հայերի հետ տնտեսական ազատ մրցակցությանը, հատկապես 17-րդ դարում պորտուգալական, ապա անգլիական, ֆրանսիական, հոլանդական և մյուս գաղութարարները դիմեցին բռնի ուժի, իրենց մատչելի բոլոր միջոցներով (պետական ապարատ, ռազմական նավատորմ, ծովահենություն) ձգտելով ճնշել հայ վաճառականների ծովային առևտուրը: Այդ տեսակետից առանձին եռանդ էին դրսևորում անգլիացիները: Հայ մրցակիցներին տրանսպորտի սեփական միջոցներից զրկելու և դրանով իսկ նրանց միջազգային առևտուրը քայքայելու համար անգլիական գաղութարարները ծովահենների միջոցով բռնագրավում էին նրանց նավերը, թալանում ապրանքները: Այս հարցը հետազոտող Յու. Գ. Բարսեղովը «Եվրոպական ծովահենության դեմ հայ վաճառականության պայքարի պատմությունից» հոդվածում գրում է. «Հայերի ծովային առևտրի բազմադարյան պատմությունը միաժամանակ մի դրամատիկ պատմություն է աշխարհի տարբեր մասերում եվրոպական ծովահենության դեմ նրանց մղած պայքարի մասին»¹: Եթե այդ հակամարտության մեջ եվրոպական գաղութարարների նպատակը գաղութային թա-

¹ И. Кант, Соч. в шести томах, т. 6, М., 1966, с. 572—573.

² Տե՛ս Геродот, История, Л., 1972, էջ 73, 252, 253:

³ Տե՛ս Ксенофонт, Полн. собр. соч., т. 1, С.-Петербург, 1887, էջ 102, 103, 118:

⁴ Տե՛ս Плутарх, Сравнительные жизнеописания. В трех томах, т. II, М., 1963, էջ 183:

⁵ Տե՛ս Страбон, География. Изд-во «Наука», 1964, էջ 49, 54, 56—57, 68, 79, 83—87, 89, 118, 129, 264, 466—468, 472—477, 479—484, 491—502, 507—508, 513—515, 521—522, 524—525, 633, 625, 662, 686—687, 689, 691—693, 725, 756:

⁶ Гегель, Соч., т. 8, М.—Л., 1935, с. 38.

¹ «Պատմա-բանասիրական հանդես», № 2, 1984, էջ 35:

լանը և իրենց ծովային գերիշխանությունը հաստատելն էր, ապա «րնդհակառակը, հայերի, ինչպես նաև Արևելքի մյուս ժողովուրդների պայքարը եվրոպական գաղութարարների դեմ, դրսև-վորվելով տարբեր ձևերով, օբյեկտիվորեն և սուբյեկտիվորեն նպաստում էր նավագնացության ազատության, բաց ծովի առաջադիմական սկզբունքների հաստատմանը»¹:

Չնայած դրան, հայ վաճառականները հետագա դարերում նույնպես նշանակալի դեր ունեին միջազգային առևտրում: Նիկողայոս Ադոնցն իր ուսումնասիրություններից մեկում, անդրադառնալով տարբեր երկրներում կազմավորված հայ գաղթօջախների տնտեսական գործունեությանը 16—17-րդ դարերում, նշում էր, որ դրանք սերտորեն կապված էին իրար և ասես մի միասնական ցանց էին կազմում: «Այդ ցանցի բոլոր թելերը,— գրում էր նա,— միանում էին Հայաստանում, մի հանգույցի մեջ, Զուլֆա քաղաքում, Արաքս գետի ափին»²:

Թուրքական սուլթանները և մյուս իշխանավորները գնահատում էին հայերի աշխատասիրությունը, արհեստների մեջ և առևտրում նրանց ցուցաբերած տաղանդը: Տիեզերական մայրաքաղաքը՝ նորանվաճ և ավերակ Կ. Պոլիսը շենացնելու համար սուլթան Մեհմեդ 2-րդը ամենատարբեր տեղերից՝ Փոքր Ասիայից, Բալկաններից, անգամ Ղրիմից, տեղահան արեց և այնտեղ բերեց քրիստոնյաների, մասնավորապես հայերի, նրանց մի շարք արտոնություններ տալով: Իրուսայի հայոց առաջնորդ Հովակիմ եպիսկոպոսին Կ. Պոլիս բերելով, սուլթանը նրան պատրիարք կարգեց Թուրքիայում ապրող հայերի վրա (1462 թ.) և նրանց կրոնական ինքնավարություն տվեց: Հետագա դարերում նույնպես թուրքական սուլթանները հովանավորում էին բազմաշնորհ արհեստավորներին ու վաճառականներին³: Արդեն 19-րդ

դարի առաջին տասնամյակներին վերջիններս իրենց ծանրակշիռ խոսքն էին ասում ոչ միայն կայսրության ներքին շուկաներում, այլև ամուր կապեր էին հաստատել արտաքին շուկայի հետ: օտարերկրյա կապիտալի և կայսրության արտադրողների միջև հանդես էին գալիս իբրև միջնորդներ: Իսկ նույն դարի երկրորդ կեսից սկսած, երբ Օսմանյան կայսրությունն աստիճանաբար վերածվում էր արտասահմանյան կապիտալի կցորդի, կայսրության այլազգի բուրժուազիան սկսեց ստանալ այդ կապիտալի ակտիվ աջակցությունը: Նրա առավել աչքի ընկնող շատ ներկայացուցիչներ իրավունք ստացան օգտվելու և՛ թուրքական, և՛ եվրոպական որևէ երկրի նպատակությունից: Վերջին հանգամանքը նրանց համար ապահովում էր կապիտուլյացիոն առանձնաշնորհումներ, որն իր հերթին նպաստում էր ոչ թուրք բուրժուազիայի տնտեսական դիրքերի ամրապնդմանը, միաժամանակ նրան հնարավորություն էր տալիս իր ձեռքում էլ ավելի կենտրոնացնելու ոչ միայն ամբողջ արտաքին, այլև ներքին առևտրի և արդյունաբերական արտադրության գերակշիռ մասը:

Քրիստոնյաները, մասնավորապես հայերը, մեծ դեր էին խաղում Օսմանյան կայսրության ոչ միայն տնտեսական, այլև հասարակական-քաղաքական կյանքում, կայսրության վարչական գործերում, գիտության և մշակույթի բնագավառներում:

Կայն հետագայում թուրք-աղվան-նոմադական ցեղերի հարվածներից Սեֆևիդների դինաստիան կործանվեց, իսկ քրիստոնյա հայերը և արևապաշտ մնացած պարսիկները հալածանքների ենթարկվեցին: Հայ մեծահարուստներն անցան Հնդկաստան, Թուսաստան և այլուր, իսկ արևապաշտ պարսիկներն սպաստան գտան Հնդկաստանի արևմտյան տարածքներում: Ընդամենը մեկերկու տասնամյակում երկիրն աղքատացավ, ետ շարտվեց նրա զարգացումը: Անդրադառնալով այդ իրողությանը, Ֆրանսիացի մեծ լուսավորիչ, փիլիսոփա և գրող Շառլ Լուի դե Սեկոնդա Մոնտեսքիոն (1689—1775 թթ.) իր «Պարսկական նամականի» հայտնի վեպում (1821 թ.) գրում էր. «Հայերին քելով հույս ունեին (Սեֆևիդներից հետո ազգամիջյան կոիվներով իշխանությունն իրարից խլող պարսկական շահերը:— Հ. Ս.) պետության մեջ մեկ օրում վերացնել բոլոր վաճառականներին և գրեթե բոլոր արհեստավորներին: Ես հավատացած եմ, որ մեծ Շահ-Աբասը կգերադասեր, որ իր երկու ձեռքն էլ կտրեին, քան թե կստորագրեր մի այդպիսի հրովարտակ: Իր ամենաաշխատասերը հպատակներին Մեծ Մոռոլի և հնդկական մյուս թագավորների մոտ քշելը նրա համար հավասարազոր կլիներ իր երկրի կեսը կորցնելուն» (Montesquieu, Переидские письма, М., 1956, с. 205):

¹ Տե՛ս Ս. Բախտիկեան, Արաբկիր և շրջակա գյուղերը (Բնրութ, 1924), Գ. Սխալեան, Պարտիզական ու պարտիզակցին (Կահիրե, 1938), Թ. Ազատեան,

¹ «Պատմա-բանասիրական հանդես», № 2, 1984, էջ 35:
² «Սովետական Հայաստան» ամսագիր, № 3, 1985, էջ 13:
³ Նույն բանը մէկք տեսնում ենք հարևան Պարսկաստանում, որտեղ վեհապետները և այլ իշխանավորներ ստիպված սատարում էին քրիստոնյա, մասնավորապես հայ արհեստավորներին և ընդհանրապես հայությանը, որպես աշխատունակ տարրի: Թուրքական սուլթան Մեհմեդ 2-րդից մեկ և կես դար հետո նույն բանն արեց Շահ-Աբասը՝ Արևելյան Հայաստանի տարածքից հայ բնակչության մեծ գանգվածներ բռնի ուժով տեղափոխելով իր մայրաքաղաք՝ Սպահան, նրանց տալով արհեստների և պետական առևտրի մեծաշնորհ: Հայերը մայրաքաղաքի մոտ կառուցեցին իրենց քաղաքը՝ Նոր Զուղան և մեծ թափ հաղորդեցին պարսկական արհեստներին և առևտրին: Սա-

Հայերը բոլոր մարզերում հավատարմորեն ծառայում էին թուրքական պետությանը և այդ իսկ պատճառով նույնիսկ իշխանությունների կողմից ստացել էին «միլլեթ-ի սադրկա» («հավատարիմ ազգ») անունը¹: Գերմանացի զինվորական Մոլթկեն դրա համար հայերին անվանել է նույնիսկ «քրիստոնյա թուրքեր»:

Կայսրության մեջ հայերն առաջիններից մեկն էին, որ ուժ տվեցին թանգրիմայան բարենորոգումներին, ցույց տվեցին, թե ինչպես պետք է դեմոկրատացնել, բարեփոխել վարչակառավարական համակարգը՝ աչքի առաջ ունենալով եվրոպականը:

Եվրոպական կրթություն ստացած հայ նոր սերունդն արդեն 19-րդ դարի 40-ական թվականներին հանդես եկավ 100 հազարից ավելի հայ բնակչություն ունեցող Կ. Պոլսի համայնքի և հայոց պատրիարքարանի գործերը ժողովրդավարական հիմքերի վրա դնելու պահանջով: Ուսումնառած երիտասարդները մի շարժում ծավալեցին, որի նպատակն էր հասարակությանը մասնակից դարձնել ազգային բոլոր կարևոր գործերին, ինչպես նաև սահմանափակել պատրիարքի բացարձակ իշխանությունը, թուլացնել Պոլսի հայ ամիրաների ազդեցությունը, որոնք չէին ցանկանում որևէ փոփոխություն մտցնել համայնքի կյանքում:

Հենվելով եվրոպական ժողովրդավարական սկզբունքների վրա և ելնելով 1839 թվականի հաթթ-ի շերիֆի ընձևած հնարավորությունից, Պոլսի հայ նոր սերունդը մեծ եռանդով ու ջանքերով հասավ այն բանին, որ պատրիարքարանի գործերի համար կազմեցին հատուկ ժողովներ (հանձնաժողովներ), որոնք ընտրվում էին առանց դասակարգային խտրության: Առաջին՝

Ալմտական հանձնաժողովը կազմվեց 1841 թվականին: Ավելի ուշ՝ 1847 թվականին, պատրիարքարանին առընթեր գործող ընդհանուր վարչության համար ստեղծվեցին կրոնական և քաղաքական ժողովներ՝ բաղկացած համապատասխանաբար 14 և 20 անդամներից: 1853 թվականին ստեղծվեց ուսումնական խորհուրդ: Հանձնաժողովներ և խորհուրդներ կազմելուց հետո բնականաբար առաջ եկավ դրանց փոխադարձ իրավասությունները ճշտելու, այսինքն՝ կանոնադրություն ունենալու պահանջը: Դա այսպես կոչված Աղզային սահմանադրությունը կոչվեց, որ կյանքի կոչեցին պոլսահայ համայնքի երիտասարդ, լուսավորյալ գործիչներ Նահապետ Ռուսինյանը, Սերվիլեն, Գրիգոր Աղաթոնը, Գրիգոր Օտյանը և Նիկողայոս Պալյանը²:

Աղզային սահմանադրության մշակման արտոնությունը հայ ուսումնականները բխեցրել էին 1856 թվականի հաթթ-ի հումայունից, որով սուլթան Մեջիդը ոչ իսլամ ազգություններին թուլատրել էր ձեռնարկել իրենց ներքին կյանքի բարեփոխությունը³:

Սահմանադրության նախագիծը, որպեսզի ուժ ստանար և գործածության մեջ դրվեր, պետք է հաստատվեր կառավարության կողմից: Բայց Բարձր Գուռը դժվարությամբ գնաց դրան: Երեք տարի տևած բանակցություններից և ժողովրդական ցույցերից հետո միայն, 1863 թվականի մարտին, թուրքական կառավարությունը հատուկ ֆերմանով վավերացրեց և արտոնեց հայոց Ազգային սահմանադրությունը³: Այդ փաստաթուղթն իր լուսավոր (հայ ժողովուրդը կայսրության մեջ առաջինը և առաջմ միակն էր, որն ինչ-որ չափով ներքին սահմանադրական կյանքով ապրելու իրավունք էր ստանում՝ հիմքում ունենալով ժողովրդավարական սկզբունքներ) և ստվերոտ (Պոլսի մոտ 100 000 հայությունը տալիս էր 160, իսկ կայսրության մրնացած ողջ հայությունը՝ 60 երեսփոխան) կողմերով նշանակալից նվաճում էր հայոց կյանքում:

Հայերը վարչակառավարական բարձր ունակություններ էին

Ակն ու ակնեցիք (Ազգագրական և կենսագրական հիշատակարան), Իստամբուլ, 1943, շ. Ոսկանեան, Կարինն ու կարինցին (Վիեննա, 1950), Ա. Ալպոյանեան, Պատմութիւն Մալաթիոյ հայոց (Բեյրութ, 1951), նույնի՝ Պատմութիւն Եվզոկիոյ հայոց (Կահիրե, 1952), Ք. Ազատեան, Տատեան գերդաստանը և իր ականավոր դեմքերը (Իստամբուլ, 1952), Ս. Քելեան, Այնթապ հայոց (Լոս Անջելոս, 1953), Մ. Արսլանեան, Բարերդը և շրջակայքը (Փարիզ, 1954), Ի. Զարդգ. Հուշամատեն Բարձր Հայքի (Բեյրութ, 1957), Ա. Պերպերեան և Վ. Նիլիեան, Պատմագիրք Աղապազարի (Փարիզ, 1960), Շ. Սիմոնեան, Եղեւսի (Բեյրութ, 1963), Շ. Սիրունի, Պոլսը և իր դերը (Բեյրութ, 1965) և այլն:

¹ Տե՛ս Ж. Кайзер, Европа и новая Турция, Госиздат, М., 1925, էջ 64:

² Տե՛ս Առն Բյուրյունեան, Հայաստանեաց եկեղեցւոյ մեջ ամբողջնանշատ հասարակություն չկա, Պեյրութ, հրատ. «Զարթոնք-ի», 1956, էջ 6:

³ Տե՛ս Աղղե քհնյ. Փայլակեան, Եկեղեցական պատմություն հայոց, էջ 288:

¹ Տե՛ս Վահան Զարգաբեան, Յիշատակարան (1512—1933), Ա. հատոր, թիվ 1—10: Գահիրե, 1933, էջ 15, Աղղե քհնյ. Փայլակեան, Եկեղեցական պատմություն հայոց, Փարիզ, 1942, էջ 288:

² Տե՛ս Առն Բյուրյունեան, Հայաստանեաց եկեղեցւոյ մեջ ամբողջնանշատ հասարակություն չկա, Պեյրութ, հրատ. «Զարթոնք-ի», 1956, էջ 6:

³ Տե՛ս Աղղե քհնյ. Փայլակեան, Եկեղեցական պատմություն հայոց, էջ 288:

դրսեորում ոչ միայն ներքին՝ ազգային կյանքում, այլև պետական կառավարման մեջ: Բազմաթիվ հայեր վարում էին պատասխանատու պաշտոններ և ամենայն բարեխղճությամբ ու նվիրումով էին կատարում իրենց պարտականությունները:

Ինչպես վարչակառավարական, այնպես էլ առևտրաարդյունաբերական գործառնությունը ենթադրում է կուլտուրական զարգացման որոշակի աստիճան: Իսկ կայսրության իշխող թուրք բնակչությունը գտնվում էր կուլտուրական զարգացման ցածր մակարդակի վրա: Անդրադառնալով այդ իրողությանը, «Արվեստների և գիտությունների թշվառ վիճակը թուրքերի մոտ» վերտառությամբ իր ամենաառաջին աշխատություններից մեկում Հեգելը նշում էր, թե քաղաքակիրթ մարդուն դարմանք է պատճառում թուրքերի կուլտուրական ցածր աստիճանը¹: Եվ դա այն տերիտորիայի վրա, որը մի ժամանակ շքեղ Բյուզանդիոնն էր զբաղեցնում, որտեղ տարբեր ժամանակներում գոյություն են ունեցել իրենց առաջադիմությամբ այսօր էլ դարմանք պատճառող քաղաքակիրթ պետություններ՝ պատմական Պափլագոնիան, Կապադովկիան, Փոյուգիան, Կիլիկիան, Լիդիան, Բյուսանիան, Լիկիան, Պոնտոսը, Գաղատիան և այլն: Բավական է ասել, որ թուրքերեն առաջին գիրքը տպագրվել է միայն 1729 թվականին², այսինքն՝ Գուտենբերգի տպագրության գյուտից (1445 թ.) 284, հայերեն տպագիր գրքից (1512 թ.) 217, Թուրքիայում (Կոստանդնուպոլսում) առաջին հայերեն գրքի տպագրությունից (1567 թ.) 162 տարի հետո³: 19-րդ դարի սկզբին անգամ թուրքերի 90 տոկոսն անգրագետ էր, այն ղեպքում, երբ, ասենք, Անատոլիայի հույների շրջանում անգրագետների թիվը կազմում էր 50 տոկոս, իսկ հայերի շրջանում միայն 33 տոկոս⁴: 18-րդ դարի երկրորդ կեսին Թուրքիայում գործում էին բազմաթիվ հայկական տպարաններ, որից 3-ը՝ Կոստանդնու-

պոլսում⁵, 10-ից ավելին՝ Զմյուռնիայում⁶: Այդ տպարանները մեծ տպաքանակներով հրատարակում էին գրական, պատմական, գիտական, կրոնական բովանդակության գրքեր, օրացույցներ և այլն, որոնք լայնորեն տարածվում էին ոչ միայն մայրաքաղաքում և կայսրության հայ բնակչություն ունեցող մյուս քաղաքներում, այլև Արևմտյան Հայաստանի քաղաքներում և գավառներում:

Ի տարբերություն քրիստոնյաների, թուրքերի կուլտուրական կյանքի լծակներն ամբողջովին գտնվում էին ֆեոդալական «մտավորականության» միջնախավի՝ մուսուլմանական հոգեվորականության և օսմանյան բյուրոկրատիայի ձեռքին, որոնք հռչակված էին իրենց պահպանողականությամբ, տգիտությամբ ու խավարամոլությամբ:

Ծանր էր Օսմանյան կայսրության ոչ միայն ներքին, այլև միջազգային դրությունը:

Ինչպես վերևում ասվեց, թուրքական պետությունն իր հզորության գագաթնակետին էր հասել 17-րդ դարի 70-ական թվականներին: Բայց նույն դարի 80-ական թվականների սկզբներին եվրոպական երկրներում արդեն հասունացել էր համատեղ ուժերով թուրքերին ետ մղելու միտքը: Թուրքական ներխուժման սպառնալիքը նրանց ստիպեց համախմբվել ընդհանուր թշնամու դեմ: Հեգելը գրում էր. «Եվրոպական պետությունների ընդհանուր շահը արտաքին քաղաքականության ասպարեզում պայքարն էր ընդդեմ քուրճեթի, այն սոսկալի ուժի, որ սպառնում էր հեղեղել եվրոպան Արևելքից... Եվրոպական արևելքի բոլոր պետությունները՝ Ավստրիան, Հունգարիան, Վենետիկը և Լեհաստանը պետք է պայքարեին թուրքերի դեմ: Լեպանտոյի ճակատամարտը փրկեց Իտալիան և գուցե նաև ամբողջ եվրոպան բարբարոսների հեղեղից»⁷:

1683 թվականին, երբ թուրքերը կրկին պաշարել էին Վիեննան, լեհական թագավոր Յան Սոբեսկին, աջակից ունենալով ավստրիական բանակը և գերմանական իշխանությունների պինված ջոկատները, ետտինի ճակատամարտում զլխովին

¹ Տե՛ս Կуно-Фишер, Гегель, его жизнь, сочинения и учение. Первый полутом, Москва—Ленинград, 1933, էջ 5, Арсений Гулыга, Гегель, изд-во «Молодая гвардия», М., 1970, էջ 11, А. П. Дворцов, Гегель, М., 1972, էջ 4:

² Տե՛ս А. Х. Рафиков, Очерки истории книгопечатания в Турции, изд-во «Наука», Ленинград, 1973, էջ 103:

³ Տե՛ս Д. Е. Еремеев, На стыке Азии и Европы, էջ 114, А. Х. Рафиков, Очерки истории книгопечатания в Турции, էջ 66:

⁴ Տե՛ս Д. Е. Еремеев, На стыке Азии и Европы, էջ 114:

⁵ Տե՛ս А. Х. Рафиков, Очерки истории книгопечатания в Турции, էջ 66:

⁶ Տե՛ս С. А. Бабаян, Армянская книга, Ереван, 1956, էջ 32—33:

⁷ Гегель, Сочинения, с. 402.

չախջախեցին թուրքական բանակը: Դա թուրքերի առաջին խոշոր պարտությունն էր Արևմուտքում: Դրանից անմիջապես հետո 1684 թվականին ստեղծված հակաթուրքական «Արբազան լիգան» (Ավստրիան, Լեհաստանը, Վենետիկը և 1686 թվականից՝ Ռուսաստանը) մեկ և կես տասնամյակ (1684—1699) կռիվներ էին մղում թուրքերի դեմ, որի հետևանքով Հունգարիան ազատագրվեց թուրքական լծից: Սա սկիզբն էր երկանց: Օսմանյան ընդարձակ կայսրությունը սկսեց ճարձատել և դիմել դեպի անկում:

Օսմանյան կայսրությանն ուժգին հարվածներ էր հասցնում հատկապես Ռուսաստանը: 1768—1774, 1787—1791, 1828—1829 թվականների ռուս-թուրքական պատերազմներում Թուրքիան ջախջախիչ պարտություններ էր կրել և զրկվել իր բազմաթիվ տիրույթներից: 19-րդ դարի առաջին տասնամյակներին անկախություն ստացավ Հունաստանը, ձեռքով դարձավ Թուրքիայի տիրապետությունը Միջերկրական ծովի աֆրիկյան ափերի վրա, Անգլիան ձեռքը դրեց Եգիպտոսի վրա, մեծ ինքնուրույնության հասան արաբական թերակղզու շեյխերը: Չնայած Ղրիմի պատերազմում (1853—1856) Ռուսաստանի պարտությանը, Թուրքիայի համար, այնուամենայնիվ, այդ «հաղթությունը» պլուտոսյան հաղթանակի էր նման: Պատերազմի հետևանքով երկրի տնտեսությունը քայքայվել էր աներևակայելի չափերով: Թուրքիային ցույց տված ռազմական օգնության դիմաց պատերազմից հետո Անգլիան ու Ֆրանսիան ուղղակի քամում էին կայսրության տնտեսությունը, պահանջում հսկայական պարտքերի շուտափույթ մարում: Թուրքիան խնդրում էր երկարաձգել պարտքերի մարման ժամկետները և խրվում էր նորանոր պարտքերի մեջ:

Օգտվելով Օսմանյան կայսրության աճող տնտեսական կախվածությունից, եվրոպական երկրները սկսեցին ավելի հաճախակի միջամտել երկրի ներքին գործերին: Դա հիմնականում իրականացնում էին Պուլսի իրենց դեսպանների միջոցով, և մի շարք պատրվակներով, առաջին հերթին՝ «ոեֆորմներ անցկացնելու» գործում սուլթանական կառավարությանն «օգնելու» պատրվակով: 60—70-ական թվականներից դրան ավելացավ մի նոր՝ կայսրության քրիստոնյա բնակչությանը մասնագրականների կամայականություններից, հալածանքներից ու ջարդերից պաշտ-

պանելու պատճառաբանությունը: Իրականում եվրոպական պետությունները մտահոգված էին ոչ թե բուն այդ խնդրով, այլ իրենց մերկ շահերով: «Քրիստոնյաների պաշտպանությունը» լոկ մի պատրվակ էր, որից նրանք ձգտում էին օգտվել առավել արդյունավետությամբ:

Երկրի տնտեսական և քաղաքական կյանքին միջամտությունը եվրոպական երկրների համար հնարավորություն էր ստեղծում տիրապետող դիրքեր գրավել այնտեղ: Ավելին, ցանկության դեպքում նրանք կարող էին բաժան-բաժան անել կայսրությունը և այն վերածել գաղութային տերիտորիայի: Բայց գաղութարարները նման քայլի չէին դիմում: Պատճառը, ինչպես նշել է Ֆրանսիական մանրբուրժուական սոցիալիստ Պիեռ Ժոզեֆ Պրուդոնը, միջազգային ասպարեզում հավասարակշռության սկզբունքի պահպանման ձգտումն էր, «միջազգային նախանձը», պետությունների միջև եղած կատաղի մրցակցությունն ու պայքարը, որն իր խորքում մերժում էր որևէ առանձին տերության միահեծան իշխանությունը Օսմանյան կայսրության վրա:

Ինչպես տեսնում ենք, տվյալ ժամանակաշրջանում Օսմանյան կայսրության համար բնորոշ էին գյուղատնտեսության և արդյունաբերական արտադրության հետամնացությունը, արտաքին քաղաքական հարցերում ինքնուրույնության կորուստը, սոցիալական և ազգային հակասությունների հետագա սրումը:

Բուրժուազիայի կազմում թուրքերը երկրորդական դիրքերում էին: Ճիշտ է, քրիստոնյա բուրժուազիայի մեծ ակտիվությունը և նրա ձեռք բերած հաջողությունները չէին նշանակում, թե թուրքերը լիովին դուրս են մղված առևտրական և արդյունաբերական գործառնությունից: Անհամեմատ դանդաղ, սակայն սաղմնավորվում և քայլ առ քայլ դիրքեր էր նվաճում նաև թուրք արդյունարերական և առևտրական ազգային բուրժուազիան: Առայժմ չկարողանալով դուրս գալ արտաքին շուկա, նա իր խոսքն արդեն ասում էր ներքին շուկայում:

Ինչևիցե, կայսրության մեջ ստեղծվել էր չորսօրինակ մի

1 См. П. Ж. Прудон, Война и мир. Исследование о принципе и содержании международного права. М., изд. Черенца и Ко, 1864, էջ 195—196:

գլուխը. պետությունը թուրքական էր, բայց երկրի տնտեսու-
թյան մեջ իշխող դիրքեր էին նվաճում ոչ թուրքերը, այլ ազգի
«գլավորները»: Չխոսելով օտարերկրյա կապիտալի ամենազոր
մրցակցության մասին, բարձրացող երիտասարդ թուրքական
բուրժուազիան հենց սկզբից կեթ հանդիպել էր քրիստոնյա բուր-
ժուազիայի գրեթե անհաղթահարելի թվացող մրցակցությանը:
Պատմության և հասարակական հարաբերությունների ընթաց-
քից ետ մնացած թուրքական բուրժուազիան գտնում էր, որ ինքն
անիրավահավասար պայմանների մեջ է, ուստի ավելի ու ավելի
բացահայտ էր դժգոհություն արտահայտում ստեղծված իրա-
վիճակից: Նա այլևս չէր հանդուրժում, որ կայսրության ոչ
մահմեդական բուրժուազիան ենթակա չէ իշխող ազգի բուր-
ժուազիային, ավելին, իրեն նա մղել էր տնտեսական կյանքի
ետնախորշերը: Այլազգի բուրժուազիային արդյունաբերության
բնագավառից, ներքին ու արտաքին ասպարեզներից դուրս
մղելը, շուկային միանձնյա տիրելը, տնտեսական ամուր դիրքեր
նվաճելը դարձավ բարձրացող թուրք ազգային բուրժուազիայի
գլխավոր մտահոգությունը:

Իր համար ստեղծված աննպաստ վիճակի գլխավոր պատ-
ճառը բարձրացող թուրքական բուրժուազիան տեսնում էր կայսր-
րության քաղաքական կարգերի, սուլթանական պետության ռազ-
մաֆեոդալական ռեժիմի անկարողության մեջ: Ուստի, որպեսզի
կայսրության ներսի այլազգի բուրժուազիայի և օտարերկրյա
կապիտալի դեմ սկսվող իր պայքարը հաջողությամբ պսակվեր,
թուրք երիտասարդ ազգային բուրժուազիայի մեջ գնալով խորա-
նում էր այն համոզումը, որ պետք է փոխել դարձն ասպարեզ ֆեո-
դալական-սուլթանական բռնապետական ռեժիմը՝ ոչ թե այն ոչըն-
չացնելու, այլ բարեփոխելու միջոցով: Նա դժգոհ էր, որ գոյություն
ունեցող կարգերն արգելակում են երկրի առաջընթացը ընդհան-
րապես, բայց հատկապես դժգոհ էր, որ Բարձր Գուռը հարկ եղած
արգելքներ չէր դնում օտարերկրյա ասպարեզների ներթափանցման
դեմ, ինչպես պետքն է չէր ճնշում կայսրության այլազգի կոմպ-
րոդորական բուրժուազիային, նրան չէր զրկում բոլոր արտո-
նություններից և առանձնաշնորհումներից: Թուրքական բուր-
ժուազիան մտադիր չէր ձեռքերը ծալած սպասելու, թե իրադար-
ձություններն ինչպես են զարգանալու իր համար ոչ ձեռնտու
հունով, ինչպես է գնալով խորանալու կայսրության մեջ ծայր
առած տնտեսական և քաղաքական ճգնաժամը: Նա պահանջում

էր երկրի քաղաքական կարգն ու կառավարման սիստեմն այն-
պես վերափոխել, որպեսզի կայսրության այլազգիները հնարա-
վորություն չունենան տնտեսական մարզում «տեղ գցելու» թուր-
քերի հետ: Տնտեսության զարգացման մեջ չունենալով առաջա-
տար դեր, բայց լինելով տիրապետող ազգի բուրժուազիա, նա
պահանջեց առայժմ ապահովել իր դիրքերը քաղաքականության
մեջ, ձեռք բերել պետության կառավարման գործին ակտիվորեն
մասնակցելու լայն իրավունքներ: Այդ նպատակով նա նորանոր
ուղիներ էր փնտրում, հանդես էր գալիս տնտեսական կյանքում
և հասարակական հարաբերությունների մեջ հօգուտ իրեն բարե-
փոխումներ մտցնելու առաջարկություններով, առաջ էր քաշում
տնտեսական ու քաղաքական ծրագրեր: Նրա ծավալած պրակտիկ
գործունեությունը շուտով առաջ քաշեց դրանց գաղափարական
հիմնավորման պահանջը: Այլ խոսքով, թուրք ազգային բուր-
ժուազիան կարիք ուներ սեփական գաղափարաբանության, որի
մեջ պետք է մարմնավորվեին իր՝ որպես դասակարգի աշխաշ-
հայացքը, իշխերն ու նպատակները:

Եվ այսպես, բարձրացող երիտասարդ թուրքական բուրժուա-
զիան քաղաքական ասպարեզ էր խցնում իր նսլատակին հասնելու
հաստատ վճռականությամբ: Նա կովի մեջ էր մտնում երկու
ճակատով՝ ընդդեմ կայսրության այլազգի բուրժուազիայի, որն
իր ձեռքն էր գցել տնտեսության հիմնական լծակները, և ընդ-
դեմ արտասահմանյան կապիտալի, որը հարստահարում էր
կայսրության բոլոր ժողովուրդներին անխտիր, արգելակում երկ-
րի արտադրողական ուժերի զարգացումը, ետ պահում նրա առաջ-
ընթացը, խանգարում թուրք ազգային բուրժուազիայի տնտեսա-
կան դիրքերի ամրապնդմանը: Հետագա տասնամյակներին նա
կարևորություն էր տալու մերթ կայսրության այլազգի բուրժուա-
զիայի, մերթ օտարերկրյա կապիտալի դեմ մղվող պայքարին:

**ՍԱՀՄԱՆԱԴՐԱԿԱՆ ՀԱՐԺՈՒՄԸ: ՕՍՄԱՆԻՋՄԻ
ԳԱՂԱՓԱՐԱՆՈՍՈՒԹՅՈՒՆՆ ԱՌԱՋԻՆ ԳԾԻ ՎՐԱ**

Կայսրության տնտեսական և կուլտուրական առաջընթացի գլխավոր խոչընդոտը սուլթանական ֆեոդալական կարգերն էին:

Հարկ է նշել, որ ֆեոդալական արիստոկրատական վերնախավից, հատկապես նրա առավել կրթված ներկայացուցիչների շարքերից ելնում էին գործիչներ, որոնք երկիրն արդիականացնելու զանազան ուղիներ էին փնտրում, շեշտը դնելով եվրոպական քաղաքակրթությունն ընդօրինակելու անհրաժեշտության վրա:

Նրանցից մեկը նշանավոր պետական ու քաղաքական գործիչ, մեծ-եպարքոսի և արտաքին գործերի մինիստրի պաշտոններ վարած Ֆուադ փաշան էր: «Օսմանյան կայսրությունը վտանգի մեջ է,— գրում էր նա:— Մեր հարևանների ձեռք բերած սրընթաց առաջադիմությունը և մեր նախահայրերի գործած անըմբռնելի սխալներն այսօր մեզ դնում են շափազանց տագնապալի կացություն մեջ»¹: Մաղրելով այն «տգեստ հայրենասերներին», որոնք կարծում էին, թե «հին միջոցներով» կարելի է կայսրության «անցյալ մեծությունը վերահաստատել», Ֆուադ փաշան ասում էր, թե դա անհնարին բան է, քանի որ եվրոպական երկրները «առաջադիմեցին՝ մեզ ետ թողնելով... թեպետ մենք ևս փոքրիշատե առաջացել ենք»²: Մենք չենք կարող դանդաղ ընթացքով առաջադիմել, ասում էր նա, պետք է առաջադիմել այնպես, ինչպես Եվրոպայի մյուս ազգերը:

Այնուհետև Ֆուադ փաշան գտնում էր, որ «մեր բոլոր քաղաքական և քաղաքացիական հաստատությունները պետք է փոխվեն: Անցյալի բավականին օգտակար շատ օրենքներ մեր արդի հասարակությանը վնասակար են:

... Ամեն մի օգտակար գյուտ, ամեն նոր առաջադիմություն, ուր որ և ինչ ժողովրդի մեջ էլ երևան գան՝ հեթանոսների թե մահմեդականների, Մեդինեի թե Փարիզի մեջ, մահմեդականներին են վերաբերում, հետեաբար եվրոպացիների կողմից հանդես բերված օրենքները և կերպերը օրինակելու ոչ մի արգելք չունենք», մտնավանդ որ եվրոպական առաջադիմության մեջ «մեր կրոնի ոգուն հակառակ ոչինչ և բացարձակապես ոչինչ չկայ»³:

Այսպիսի տեսակետները և գործելակերպը, ըստ էության ուղղված լինելով ավատական կարգերի դեմ, օբյեկտիվորեն նպաստում էին երկրում բուրժուական հարաբերությունների ձևավորմանը:

Բայց Թուրքիայի առաջադիմությունը դրոշակակիրը բնավ էլ արիստոկրատական վերնախավը և նրա առավել կրթված ու լուսավորյալ ներկայացուցիչները չէին: Այդ դերում հանդես եկավ նորակիրթ, բայց տակավին սակավաթիվ իսլամ մտավորականությունը, որը լիանդիմաթի տարիներին սերվել էր թուրք միջին շերտերից⁴:

Հենց այդ մտավորականությունն էր դարձավ բարձրացող թուրք բուրժուազիայի և լիբերալ տրամադրված թուրք կալվածատերերի շահերի արտահայտիչը:

Զեկավորվող թուրք մտավորականության միջավայրում 60-ական թվականներին ծնունդ առան լիբերալ-բուրժուական սահմանադրական գաղափարներ, որոնք 70-ական թվականներին վերածվեցին քաղաքական մի շարժման, որը սահմանադրական շարժում անունը ստացավ:

1865 թվականին հիմնադրվեց գաղտնի մի կազմակերպություն, որը կոչվեց «նոր օսմանների ընկերություն»: Նրա անդամները շուտով հայտնի դարձան «երիտասարդ թուրքեր» կամ «նոր

¹ «Արոր» հանդես, Ա. տարի, 1910, № 6, էջ 178:
² Նույն տեղը:

³ «Արոր», Ա. տարի, 1910, № 6, էջ 179—180;
⁴ Տե՛ս А. Д. Желтяков, Ю. А. Петросян, История просвещения в Турции (конец XVIII — начало XX века), М., 1965, էջ 34—63:

օսմաններ» անուններով¹: Կազմակերպության անունը բխում էր նրա անդամների որդեգրած հիմնական գաղափարից՝ օսմանիզմի դոկտրինայից:

«Նոր օսմանների» սոցիալական կազմը խայտաբղետ էր. նրանց շարքերում կային ֆեոդալական-բյուրոկրատական վերնախավի ոչ քիչ թվով ներկայացուցիչներ, զինվորականներ, պետական գործիչներ, ուսուցիչներ, պաշտոնյաներ, լրագրողներ:

«Նոր օսմանների» ղեկավարներ և գաղափարական առաջնորդներ դարձան թուրք նշանավոր պոետ և գրող Մեհմեդ Նամըկ Քեմալը, հայտնի գրող ու հասարակական գործիչ Իբրահիմ Շինասին, գրող Աբդուլ Զիայ բեյը, գրականագետ և հրապարակախոս Արի Սուավի էֆենդին, գեներալ Հյուսեին Վասֆի փաշան, հասարակական գործիչներ Նուրի բեյը, Մեհմեդ բեյը և ուրիշներ: Ավելի ուշ շարժման ղեկավարներն իրենց կողմը գրավեցին ականավոր թուրք պետական գործիչ, երկրի եվրոպականացման ջատագով Ահմեդ Միդհատ փաշային²:

Իրենց հայացքներն ու գաղափարները «նոր օսմանները» քարոզում էին «Իթթիհադ» («Միասնություն»), «Ինկիլաթ» («Հեղափոխություն»), «Ուլյում» («Գիտելիք»), «Տասվիր-ի էֆկյար» («Գաղափարների արտահայտիչ»), «Մուխբիթ» («Թղթակից»), «Միրատ» («Հայելի»), «Ուտարիտ» («Սուրճանդակ»), «Իբրետ» («Խրատ»), «Խադիկա» («Այգի») և այլ թերթերի միջոցով³: Այդ պարբերականները հրատարակվում էին Փարիզում և Լոնդոնում, ապա գաղտնի ճանապարհներով փոխադրվում կայսրության տարբեր տերիտորիաներ, տարածվում զինվորականության, մտավորականության, հատկապես սովորող երիտասարդության շրջանում:

Ի՞նչ գաղափարներ էին քարոզում «նոր օսմանները», ինչպիսի՞ ծրագրերով էին նրանք ոգեշնչվում:

Ժամանակաշրջանի թուրքական լիբերալ վերնախավերի,

¹ Սովետական պատմական գրականության մեջ բնութագրված է «նոր օսմաններ» անվանել երիտթուրքական շարժման սկզբնավորման շրջանի գործիչներին, հատկապես՝ 60—70-ական թվականների սահմանադրականներին, իսկ 19-րդ դարի վերջի և 20-րդ դարի սկզբի դրանց հետևորդներին՝ «երիտասարդ թուրքեր»:

² Տե՛ս В. Стамбулов, Намык Кемаль, М., 1935:

³ Տե՛ս И. И. Голобородько (И. Южанин), Старая и новая Турция, էջ 107:

մասնավորապես բարձրացող թուրք ազգային բուրժուազիայի տրամադրությունների արտահայտիչները հիմնականում մտահոգված էին իրենց դասակարգի շահերի պաշտպանության խրնդրով: Իսկ թուրք նորածագ բուրժուազիայի շահերը պահանջում էին, որ այդ դասակարգն ունենա գործունեության լայն ասպարեզ, տիրի հումքի բազմազան աղբյուրների և ընդարձակածավալ շուկաների: Այդպիսի հնարավորություններ թուրք բուրժուազիային ընձեռում էր Օսմանյան կայսրությունն իր հսկայածավալ տարածքներով, մարդկային և նյութական անբավ ուսուցանելով: Բայց կայսրությունը ղեպի գահավեժ անկում էր գնում: Պետք էր նախ և առաջ կանգնեցնել երկրի կործանարար ընթացքը, այն փրկել վերահաս քայքայումից:

Այդ նպատակով «նոր օսմաններն» առաջ քաշեցին մի շարք ծրագրեր: Դրանք բազմարևույթ և բազմատեսակ լինելով, ենթակա էին իրենց հիմնական գաղափարին՝ օսմանիզմին:

Առաջին մտահոգությունը կայսրության ամբողջականության պահպանման հարցն էր: Հենց կայսրության ամբողջականության նախադրյալից էին ելնում միջնադարյան թուրքական հասարակության ավանդական երկու գաղափարները՝ օսմանիզմը և իսլամականությունը: Ավելին, օսմանիզմը (օսմանլըլըկ) պաշտոնական այն գաղափարախոսություն էր, որը մարմնավորված էր կայսրության քաղաքական սիստեմի մեջ:

Միջնադարյան պաշտոնական, իր ավանդական ձևով օսմանիզմի գաղափարը ելնում էր նրանից, որ Օսմանյան կայսրությունը նրանում ընդգրկված բոլոր ժողովուրդների ընդհանուր հայրենիքն է՝ «օսմանյան համայնքը» («ումմետ-ի օսմանիե»)։ Այդ ժողովուրդները, օսմանյան համայնքին պատկանող բոլոր անձինք, անկախ իրենց լեզվից ու դավանանքից, օսմանցիներ են՝ «օսմաններ», թուրքական սուլթանի հավատարիմ հպատակներ: Նրանք բոլորն էլ պարտականություններ ունեն աստվածատուր իշխանության հանդեպ:

Կարելի է մտածել, թե ավանդական օսմանիզմը ջատագով էր կայսրության ժողովուրդների իրավահավասարության սկզբունքին: Բայց իրականում այն մի գլխավոր նպատակ էր հետապնդում՝ օսմանյան համայնքի մեջ անառարկելիորեն պահպանել թուրքերի տիրապետող դիրքը հայերի, հույների, սլավոնների, արաբների, քրդերի և կայսրության մյուս բոլոր ոչ թուրք ժողովուրդների նկատմամբ: Ասելով, թե բոլոր ժողովուրդները պար-

տականություն ունեն սուլթանի հանդեպ, օսմանյան կառավարողները, սակայն, խստորեն զատորոշում էին տարբեր ժողովուրդների և կրոնական համայնքների պարտականությունների բնույթն ու ծավալները, սուլթանի «բարեհաճ վերաբերմունքից» օգտվելու նրանց հնարավորությունները, այսինքն՝ նրանց իրավունքները պետության ներսում:

Ավանդական օսմանիզմը կայսրությունը դիտում էր իբրև միասնական մի օրգանիզմ, որի գլուխը թուրքերն էին, մարմինը՝ արաբները, քրդերը, մյուս բոլոր մահմեդականները, իսկ բանող մասերը՝ ոտքերն ու ձեռքերը՝ քրիստոնյաները: Մեկն առանց մյուսի գոյություն ունենալ չէր կարող: Բայց այդ ժողովուրդներից յուրաքանչյուրը խիստ որոշակի տեղ ու դեր ուներ կայսրության մեջ: Թուրքը օսմանյան հասարակության սերուցքն էր, թանկագին տարրը, որին վերուստ վերապահված էր տիրող լինելու: Արաբն ու քուրդը թուրքի հենարանն էին: Մյուսները կոչված էին աշխատելու և պահելու կայսրության գլուխն ու մարմինը:

«Նոր օսմանները» օրինաչափ, բնական և արդարացի համարեցին ավանդական օսմանիզմի գաղափարը և գտան, որ նրա շուրջը կարելի է սերտորեն համախմբել կայսրության բոլոր ժողովուրդներին և նրանց միասնության հիմքի վրա պահպանել կայսրության ամբողջականությունը: Սրանից ելնելով, նրանք օսմանիզմը դրեցին իրենց ողջ գաղափարաբանության հիմքում:

Բայց, ելնելով ժամանակաշրջանի նոր պահանջներից, «նոր օսմանները» նոր ձևով սկսեցին մեկնաբանել օսմանիզմի տարբեր դրույթները, փորձեցին ավանդական այդ ձևին նոր բովանդակություն տալ, այն հարմարեցնելով թուրքական առաջացող բուրժուազիայի քաղաքական պահանջներին: Այլ խոսքով, նրանք հրապարակ հանեցին «նոր օսմանիզմը», որը պետք է դառնար բարձրացող թուրքական բուրժուազիայի կարևորագույն գաղափարաքաղաքական կոնցեպցիաներից մեկը:

Հիմնական և հապաղում չհանդուրժող հարցերից մեկը կայսրության տնտեսական դրույթան կարգավորումն էր: Գրավելով բնաաշխարհագրական բացառիկ բարենպաստ դիրք, ունենալով հումքային, մարդկային մեծաքանակ ռեսուրսներ¹, Թուրքիան,

¹ Թուրքական կառավարության 1876 թվականի պաշտոնական տվյալներով կայսրության ուղղակի հպատակների թիվը կազմում էր մոտ 23 միլիոն, իսկ կայսրությունից կախման մեջ գտնվող երկրների բնակչության հետ միասին՝

սակայն, չէր կարողանում հասնել նույնիսկ միջին զարգացում ունեցող պետություններին: Դրա հիմնական պատճառը շարունակում էին մնալ օսմանյան ռազմաֆեոդալական կարգերը:

Տնտեսական առաջադիմությունը խթանելու համար տենդայնորեն նոր ուղիներ փնտրելով, «նոր օսմանները» հանդես եկան որպես եվրոպական լուսավորության, գիտության և տեխնիկայի ջատագովներ, լայն պրոպագանդա սկսեցին Թուրքիան եվրոպական ուղիով տանելու, այսինքն՝ բուրժուական զարգացման օգտին:

Կայսրության հետզհետե վատթարացող տնտեսական դրությունը «նոր օսմանները» բացատրում էին մի շարք պատճառներով:

Քանի որ իրենց հիմնական մտահոգության առարկան թուրքերն էին, ուստի նրանք առաջին հերթին մատնացույց էին անում թուրք գյուղացիների տնտեսական ծանր դրությունը: Թուրք գյուղացու թշվառ վիճակի զլխավոր պատճառը նրանք համարում էին գոյություն ունեցող հարկային սխտեմը, վաշխառուների անսանձ կամայականությունները, պետական պաշտոնյաների շահատակությունները, որոնք ամեն քայլափոխի խախտում էին սահմանված պետական օրենքներն ու կարգը, անձնական հարստություն դիզում ժողովրդին և պետական գանձարանը կողոպտելու միջոցով:

«Նոր օսմանները» գտնում էին, որ կայսրության կառավարման համակարգը, սուլթանական կարգերը բխում են թուրքերի պատմական ավանդույթներից և հիմնականում համապատասխանում են նրանց շահերին: Բայց քանի որ նրանք ոչ միայն թրքության, այլ և ամենից առաջ նրանից սերված բուրժուազիայի շահերի արտահայտիչներն էին, ուստի տրտունջ էին հայտնում, որ այդ կարգերը բարենպաստ պայմաններ չեն ստեղծում թուրքական արդյունաբերության զարգացման, առևտրաարդյունաբերական բուրժուազիայի առաջադիմության համար:

Թուրքիայի արդյունաբերության հետամնացության պատճառը համարելով կառավարման բռնապետական սխտեմը, «նոր օսմանները» գտնում էին, որ սուլթանական կարգերն ի վիճակի չեն զարգացող թուրքական արդյունաբերությունը պաշտպանելու օտարերկրյա ապրանքների մրցակցությունից, արտասահման-

ավելի քան 47 միլիոն մարդ (տե՛ս Օ. Գ. Инджикян, Буржуазия Османской империи, изд-во АН Армянской ССР, Ереван, 1977, էջ 26):

յան կապիտալի կործանարար ճնշումից ու բռնադատումից: Նրանք գտնում էին նաև, որ այդ կարգերն ի վիճակի չեն զսպելու կայսրության տնտեսության մեջ ամուր դիրքեր հաստատած կամ հաստատող քրիստոնյա բուրժուազիային: Վերջինիս նկատմամբ ունեցած իրենց թշնամանքը նրանք տարածում էին հույն, հայ, հրեա, սլավոն բնակչության վրա, քրիստոնյա ամբողջ բնակչությունը դիտելով որպես օտարերկրյա հարստահարիչների աջակից:

Կայսրության հետամնացության, նրա տկարության գլխավոր պատճառներից մեկը «նոր օսմանները» համարում էին քուրֆ բնակչության կրթական ու կուլտուրական ցածր մակարդակը: Այլ Սուլթան գրում էր, որ Եվրոպայի սոցիալական, քաղաքական և կուլտուրական առաջադիմության կարևոր խթանիչը եղել և մնում է ժողովրդական լուսավորությունը: Ուստի, ասում էր նա, եթե թուրքերը մտադիր են առաջադիմության ուղին ընտրել, ապա անպայման պետք է յուրացնեն եվրոպական քաղաքակրթությունը:

Թուրք ժողովրդի կրթության և լուսավորության խնդիրներին հատկապես շատ է անդրադարձել «նոր օսմանների» նշանավոր տեսաբան, լուսավորիչ, նոր օսմանյան գրականության հայր Իբրահիմ Շինասին: Հիմնավոր կրթություն ստանալով Փարիզում, Շինասին 1862 թվականից սկսում է հրատարակել Թուրքիայում առաջին մասնավոր հասարակական-քաղաքական «Թասվիր-ի էֆկյար» («Գաղափարների արտահայտիչ») թերթը: Այս պարբերականում, ինչպես և իր խմբագրած «Թերջյուման-ի ախվալ» («Իրադարձությունների մեկնաբան») թերթում նա պահանջ էր առաջադրում՝ որքան հնարավոր է արագորեն ընդօրինակել կառավարման եվրոպական սիստեմը, Ֆրանսիայի, Գերմանիայի, Անգլիայի, Ավստրիայի տնտեսության և կուլտուրայի, գիտության և տեխնիկայի նվաճումները¹:

«Նոր օսմանները» մեծագույն ահաճությունը և անսթոգ զայրությունով էին շեշտում այն հանգամանքը, որ կայսրության ոչ թուրք ժողովուրդները, հատկապես հայերը, հույները, հրեաները, բուլղարները, իրենց կրթական մակարդակով ավելի բարձր են կանգնած թուրքերից և մյուս մահմեդական ժողովուրդներին:

Այս հանգամանքը նոր օսմանները բացատրում էին նրանով, որ, իբր, կայսրության ներսում քրիստոնյաների համար ապրուստի ավելի գերադասելի պայմաններ են ստեղծված, քան թուրքերի և մուսուլմանական մյուս ժողովուրդների: Այնինչ ճշմարտությունն այլ էր: Թուրքական դպրոցները գտնվում էին կառավարության հովանու ներքո, պահպանվում էին պետական միջոցներով: Ինչ վերաբերում էր ոչ թուրք դպրոցներին, ապա կառավարությունն ընդհանրապես դրանցով չէր զբաղվում: Այդ դպրոցները պահպանվում էին բացառապես ազգային-բարեգործական կազմակերպությունների ջանքերով՝ կայսրության կրոնական համայնքների համար պատմականորեն ստեղծված կրթական ինքնավարության իրավունքի հիման վրա: Բանն այն էր, որ թուրքական դպրոցների պահպանման համար կառավարության հատկացրած դրամական և այլ միջոցների մեծ մասն իր նպատակին չէր ծառայում: այն զարտուղի ճանապարհներով մտնում էր պետական պաշտոնյաների գրպանը: Վիճակն այլ էր քրիստոնյաների մոտ. քրիստոնյա բնակչության հանգանակություններից գոյացած գումարները, խիստ հաշվառված լինելով, լիովին տրամադրվում էին դպրոցական կարիքներին:

Թուրք բնակչության կրթության և լուսավորության ցածր մակարդակի պատճառների վերաբերյալ «նոր օսմանների» պատճառաբանությունները, հեռու լինելով իրականությունից, թուրք հասարակության մեջ խեղաթյուրված պատկերացում էին ստեղծում կրթության բնագավառում քրիստոնյաների կարծեցյալ «արտոնությունների» մասին, ատելություն բորբոքում «գյավուրների» հանդեպ, որոնց մեղքով էին մուսուլմանները իբր սոցիալական ու խավարի մեջ մնացել:

Իբրահիմ Շինասին և «նոր օսմանների» մյուս տեսաբանները շատ կարևոր նշանակություն էին տալիս Օսմանյան կայսրության մեջ տիրապետող թուրք-օսմաններին գրական լեզվի կամ «օսմաններին լեզվի» («լիսան-ը օսմանի») կատարելագործմանն ու ժողովրդականացմանը:

Թուրք-օսմանյան գրական լեզուն թուրքերենից, արաբերենից ու պարսկերենից փոխառված բազմաթիվ արտահայտությունների ու դարձվածքների յուրատեսակ խառնուրդ էր: Այդ լեզուն դիտվում էր իբրև օսմանյան պոեզիայի ու կուլտուրայի գոհար և նրան տիրապետում էին միայն ամենակրթված թուրքերը, մտավորականները, դեկավար անձինք, ավագանին և բարձր զինվո-

¹ См. Вл. Гордлевский, Очерки по новой османской литературы, Москва, 1912, էջ 4—13:

բականությունը: Ուստի օսմաներենի անադարտության պահպանումը կայսրությունը կառավարողների և մահմեդական կրոնի բարձրաստիճան սպասավորների գլխավոր մտահոգություններից մեկն էր:

Թուրք-օսմաներեն գրական լեզվի կողքին գոյություն ուներ այսպես կոչված «երկրորդ» լեզու, այսինքն՝ թուրք ժողովրդի խոսակցական լեզուն, ռամիկների լեզուն, որը վերնախավերն արհամարհանքով անվանում էին «թուրքերեն»՝ գեհճիկ իմաստով:

Նվ ահա «նոր օսմանները» առաջադրեցին օսմաներենի փոխարեն «թուրքական լեզու» («իսան-ը թյուրքի») ստեղծելու պահանջը: Նրանք գտնում էին, որ նախ օսմաներենը պետք է մաքրել օտարամուտ, գլխավորապես արաբական և պարսկական բառերից, որոնք անըմբռնելի, անհասկանալի էին թուրք ժողովրդի հասարակ խավերին: Ապա պետք է երկրորդ քայլն անել՝ օտարամուտ բառերից մաքրված օսմաներենը միաձուլել թուրք ժողովրդական խոսակցական լեզվին:

Օսմաներենը ժողովրդականացնելու և թուրքացնելու պահանջին զուգահեռ «նոր օսմանները» առաջադրեցին նաև գրականությունը թուրքացնելու խնդիրը, այն է՝ պարզեցնել գրելաձևը, թուրքական գրականությունն ազատագրել պարսկականի ուժեղ ազդեցությունից, գրական ստեղծագործությունները մոտեցնել թուրք հասարակ ժողովրդին, գրական երկերը ստեղծել նրա լեզվով: Նրանք հատկապես խանդավառված էին ժողովրդական պոեզիայով և գտնում էին, որ իսկական թուրքական պոեզիան ապրում է ժողովրդական ակունքներում, թուրք ժողովրդի ներքնախավերում, նրա լեզունդներում ու ավանդավեպերում, հետևապես ամենուրեք «թուրք» տարրի մեջ էին փնտրում ժողովրդական երգ ու պատում, ասք ու էպոս:

«Նոր օսմանները» նաև խնդիր առաջադրեցին ռեֆորմի ենթարկել մուսուլմանական աղոթքները, որոնք գրված էին և ասվում էին արաբերեն: Նրանք անհրաժեշտ էին համարում այդ աղոթքները թարգմանել թուրքերեն:

Թուրք լեզվի և գրականության ժողովրդականացման պահանջը, որ առաջադրեցին «նոր օսմանները», ձևավորվող թուրք մտավորականության ազգային ինքնագիտակցության մի թույլ առկայծում էր, սաղմն էր թուրքական բուրժուազիայի դեռևս չկազմակերպված տարերային նացիոնալիզմի: Հարևանցիորեն

նշենք, որ նման պահանջ ժամանակին առաջադրել են և այսօր էլ առաջադրում են ազգային կուլտուրայի և ազգային ոգու դրոշակակիր հռչակված, բարձրացող բուրժուազիայի գաղափարախոսները, և ըստ էության դա առաջադեմ պահանջ էր: Բայց թուրքական անագորույն իրականության պայմաններում «նոր օսմանների» առաջ քաշած այդ առաջադեմ գաղափարը դարի վերջին դառնալու էր թուրք ազգային բուրժուազիայի վայրենի շովինիզմի՝ թուրքիզմի գաղափարախոսության բաղկացուցիչ մասը: Ինչպես հետո կտեսնենք, թուրք ժողովրդի լեզվի անադարտության ու մաքրության մասին Իբրահիմ Շինասիի և «նոր օսմանների» մյուս գաղափարախոսների մտքերը հետագայում օգտագործեցին նաև պանթուրքականները իրենց մարդատյաց գաղափարները հիմնավորելու համար:

«Նոր օսմաններին» շատ էր զբաղեցնում կրոնի խնդիրը: Դա պատահական չէր, քանի որ օսմանյան կայսրության հասարակական-քաղաքական կյանքի բոլոր ոլորտներում իսլամի դերը հսկայական էր: Բացառիկ մեծ նշանակություն տալով մահմեդականությանը, նրանք բոլորն էլ գտնում էին, որ Օսմանյան կայսրության միասնականության պահպանման համար կրոնը վիթխարի ուժ է և որ այն թուրքերի հետագա հզորության գլխավոր երաշխիքն է ինչպես կայսրության ներսում, այնպես էլ նրա սահմաններից դուրս:

Առաջադրելով Օսմանյան կայսրության կառավարման համակարգը սահմանադրական հիմքերի վրա վերափոխելու պահանջը, «նոր օսմանները» միաժամանակ համոզված էին, որ մուսուլմանական կրոնը, շարիաթի սկզբունքներն ու նորմերը ոչ միայն չեն հակասում սահմանադրական կառավարման գաղափարներին և, ընդհանրապես, լիբերալ ռեֆորմներին, այլև ներդաշնակ են դրանց: Մահմեդական կրոնում, ասում էին նրանք, խտացված են Արևելքի դարավոր իմաստությունները, մի բան, որ չի կարելի աչքաթող անել:

«Նոր օսմանները» գտնում էին, որ կայսրության շահերը պահանջում են Արևելքի կրոնական սկզբունքները սերտորեն միավորել Արևմուտքի գիտական նվաճումների հետ, մշտապես հետևել, որպեսզի մուսուլմանական կրոնն արգելք չլինի եվրոպական գիտական և տեխնիկական մտքի յուրացման ճանապարհին: Այսպիսով, «նոր օսմանները» ձգտում էին կրոնը դարձ-

նել նաև իրենց հասարակական-քաղաքական գաղափարների իրականացման ակտիվ միջոց:

Ինչպես տեսնում ենք, ձևավորման առաջին իսկ քայլերից թուրքական ազգային բուրժուազիան իրեն հուշակեց մասնաբաժանության հետևողական պաշտպան: Ի տարբերություն եվրոպական բուրժուազիայի, որը վերընթաց զարգացման ժամանակաշրջանում ֆեոդալական կարգերի դեմ պայքարը, որպես կանոն, զուգորդում էր միջնադարյան եկեղեցու և նրա գաղափարախոսության դեմ պայքարի հետ, թուրքական բուրժուազիան հենց սկզբից սատարեց իսլամը: Կրոնի հարցին այս առանձնահատուկ մոտեցումը կամա թե ակամա նրան նախանձախնդիր էր դարձնում ջատագովելու իսլամիզմը և կրոնի հիմնական հարցերում համերաշխվելու սուլթան-խալիֆի, մուսուլմանական բարձրագույն կղերի հետ:

Թուրքական լիբերալ-բուրժուական շարժման գործիչները մեծ նշանակություն էին տալիս այնպիսի մի կարևոր խնդրի, ինչպիսին Օսմանյան կայսրությունում ազգային հարցն էր:

Եթե տնտեսության, քաղաքականության ու կուլտուրայի հարցեր քննարկելիս «նոր օսմանները» ունակցիոն գաղափարների հետ արտահայտում էին նաև այնպիսի մտքեր, որոնք 19-րդ դարի երկրորդ կեսի Օսմանյան կայսրության մուսլ իրականության սեռ, անկասկած, առաջադիմական էին, ապա նույնը չի կարելի ասել ազգային հարցում նրանց հայացքների ու գաղափարների մասին:

Ազգային հարցում «նոր օսմանների» գաղափարների ձևավորումը համընկավ կայսրության քրիստոնյա ժողովուրդների ազգային-ազատագրական շարժման վերելքին:

1861 թվականին թուրքերի դեմ ապստամբություն բարձրացրին Հերցեգովինայի և Բոսնիայի գյուղացիները: Նույն թվականին Բարձր Դուռը ճանաչեց ուսմին ժողովրդի պետականությունը: 1862 թվականին թուրքական վերջին կայազորները հեռացան Սերբիայից: 1866 թվականին պայքարի ելան Կրետե կղզու հույները, իսկ 1875 թվականին նորից ապստամբություն բռնկվեց Բոսնիայում և Հերցեգովինայում:

Թուրքական բռնակալության հասցրած տառապանքներից, կեղեքումներից, հալածանքներից ու անիրավություններից գավառների հայ ժողովուրդը դարձել էր դժբախտ ու հալածական: Կայսրության քրիստոնյա ժողովուրդների ապստամբական շար-

ժումները չէին կարող անհետևանք մնալ հայության համար: Արևմտյան Հայաստանի տարբեր վայրերում նույնպես ծնունդ էին առնում դիմադրական շարժումներ: Մերթ այստեղ, մերթ այնտեղ հայերը դիմում էին զենքի: Իր մասշտաբներով և բնութագրով հակասուլթանական ապստամբությունների շարքում առանձնապես մասսայական էր Զեյթունի հայ լեռնականների 1862 թվականի ապստամբությունը: Զեյթունի հերոսական պաշտպանությունը հույս ու հավատ ներշնչեց արևմտահայությանը: Հայրենասիրական խանդավառ ալիքը տարածվեց հայկական լեռնաշխարհով մեկ: Թուրքական իշխանություններին մեծ հոգսեր պատճառեցին նաև Մուշի հայերի 1863 թվականի զինված ելույթները և Չարսանջակի հայերի հուզումները 1865 թվականին: Օսմանյան առաջին մեջլիսի նախագահ Ահմեդ վեֆիք փաշան, Ռյուշտու փաշան, Կադրի բեյը և սուլթանական ուրիշ բարձրաստիճան պաշտոնյաներ խոստովանում էին, որ հայ ժողովրդի դժգոխության ու ընդվզումների պատճառը սուլթանական բռնակալական վարչակարգն ու կառավարման սխտեմն է²: Սակայն Զեյթունի և Արևմտյան Հայաստանի տարբեր շրջանների հայ բնակչության անջատ-անջատ դիմադրական ելույթները մնացին իբրև առանձին դրվագներ: Արևմտահայ գավառը մնաց հարստահարիչների ճանկերում:

Ազգային հարցի մասին թուրքական առաջին սահմանադրականների հայացքների զարգացմանը զգալիորեն նպաստեց արդեն հիշատակված Ֆուադ փաշան՝ 1856 թվականի հաթի-ի հումայունի հղացողն ու ներշնչողը: 1869 թվականին, մահվանից մեկ օր առաջ նա Աբդուլ Ազիզ սուլթանին ուղարկեց իր «քաղաքական կտակը», որտեղ Օսմանյան կայսրության ապագայի նկատմամբ մեծագույն մտահոգությամբ ներշնչված շարադրել էր իր մտքերը: Ֆուադ փաշան Աբդուլ Ազիզին խորհուրդ էր տա-

¹ Տե՛ս Մ. Գ. Ներսիսյան, Զեյթունի 1862 թվականի ապստամբությունը, «Պատմա-բանասիրական հանդես», 1962, 4 (19), 2. Ղազարյան, Արևմտահայերի սոցիալ-տնտեսական և քաղաքական կացությունը 1800—1870 թթ., ՀՍՍՀ ԳԱ հրատարակչություն, Երևան, 1967, էջ 484—499. 2. Մ. Պողոսյան, Զեյթունի պատմությունը 1909—1921 թթ., «Հայաստան» հրատ., Երևան, 1969, էջ 161—191. Գ. Գալստեան, Մարաշ կամ Գերմանիկ և հերոս Զեյթուն, Նյու Յորք, 1934:

² Տե՛ս Ե. Գ. Աղաբոն, Կենսաբան յիշատակներ, Ժնև, 1931, էջ 125, 132, 149:

լիս բոլոր միջոցներին դիմել գահավեժ ընթացքով կործանում գնացող Օսմանյան կայսրությունը փրկելու համար: Շարադրելով իր կարծիքն Անգլիայի (որին «մեր օտար դաշնակիցներին» շարքում համարում էր առաջինը), Ֆրանսիայի («որի հետ միշտ ամենամեծ հարգանքով են վերաբերվում»), Ավստրիայի (որը «Բարձր Դուան ամենահարմար դաշնակիցը պետք է լինի»), Պրուսիայի (որը վաղ թե ուշ պետք է զբաղվի արևելյան խնդրով՝ Տոկոս Թուրքիայի) և, վերջապես, Ռուսաստանի (որը «մեր կայսրության բնական թշնամին» է) մասին, Ֆուադ փաշան այնուհետև անցնում էր երկրի ներքին կացությանը և դրա հետ կապված խնդիրներին¹:

Այս խնդիրների թվում ամենակարևորը Ֆուադ փաշան համարում էր ազգային-ազատագրական շարժումների դաժան ճնշումը, կայսրության ամբողջականության պահպանումը: Շարադրելով իր հայացքները Օսմանյան կայսրության քրիստոնյա ժողովուրդների մասին, Ֆուադ փաշան խիստ բացասաբար էր արտահայտվում նրանց հանդեպ: Նա գտնում էր, որ բնավ չպետք է մտածել քրիստոնյաներին երբևիցե ինքնավարություն, առավել ևս՝ անկախություն տալու մասին: «Արդի պետությունների կազմության մեջ միակ հաստատուն դրությունը, — ասում էր նա, — մեծ համախմբումների մեջ է»²: Նա հակաբնական և մեծագույն սխալ էր համարում Հունաստանի անկախության փաստի հետ հաշտվելը: Հունաստանը, ասում էր Ֆուադ փաշան, ըստ էության ոչնչություն է, իսկ նրա ժողովուրդը՝ արհամարհանքի արժանի մի դանգված: «Պետք չէ, որ մոռանանք Հունաստանին՝ ինքնին անկարևոր մի երկիր, բայց ձանձրացուցիչ մի գործիք թշնամի պետության ձեռքում: Եվրոպացի բանաստեղծները, կազմելով այս ուրվական թագավորությունը, կարծեցին, թե պետք է կարողանային վերակենդանացնել մի ազգի, որ երկու հազար տարուց ավելի մեռել էր արդեն: ...Հեղինական ցեղի ոգին միշտ մեր դատի թշնամին պետք է լինի: ...Այս նենգավոր ու շարասիրտ ժողովրդի ոտնձգությունների դեմ լավագույն պաշտպանությունն իր եպրեկի սնափառության և բացարձակության մեջ է, որոնցով նա մեր բոլոր արևելյան ազգերի աչքում օրէցօր ավելի ատելի, ավելի անտանելի է դառնում: Մեր քաղաքականության նպատակը պետք է լինի՝ հնարավոր չափով անջատել հույներին մեր

մյուս քրիստոնյաներից: Ամեն բանից ավելի՝ մենք պարտավոր ենք բուլղարներին հեռացնել հույն եկեղեցու տիրապետությունից՝ առանց նրանց կցելու ուս կամ հոռմեական կղերականությանը»: Ֆուադը նույնպեսի որակումներ էր տալիս սլավոնական մյուս ժողովուրդներին և հրեաներին՝ նրանց առավել կարող, բանիմաց ներկայացուցիչներին կայսրության շահերին ի նպաստ օգտագործելու վերապահության մեջ հանդերձ:

Ապա, անդրադառնալով Օսմանյան կայսրության մեջ բռնափակված հայությանը, Ֆուադ փաշան, որն, իմիջիայլոց, ակտիվ դեր էր խաղացել թուրքահայոց Ազգային սահմանադրության, կամ ավելի ճիշտ, ինչպես ասվեց վերևում՝ Կ. Պոլսի հայ համայնքի կանոնադրության կազմման ժամանակ, գրում էր. «Բարձր Դուադը երբեք չպետք է ների որևէ մեքենայություն, որի նպատակը լինի հայ և օրթոդոքս եկեղեցիների միությունը»³: «Մասնավորապես հայերը հակում են ցույց տալիս դեպի ոտնձգություն, և խելացի բան է նրանց եռանդը չափավորելը, ասպարեզը տալով միայն նրանց, ովքեր պարկեշտորեն ընդունում են մեր կայսրության միավոր սկզբունքը»⁴:

Մեծագույն արհամարհանք տածելով կայսրության ոչ թուրք ժողովուրդների նկատմամբ և վճռականապես մերժելով նրանց որևէ ինքնուրույնություն տալու գաղափարը, Ֆուադ փաշան գրում էր. «Մի մեծ Դերմանիա 40 000 000 բնակչության գրում էր. «Մի մեծ Դերմանիա 40 000 000 բնակչության գրում էր. «Մի մեծ Դերմանիա 40 000 000 բնակչության կողմից զորավոր կերպով պաշտպանված մի Անգլիա. այս բոլոր ավգությունները կկարողանան իրենց զորավոր և օգտակար անհատականությունը պահպանել ժամանակի ընթացքում: Բայց մի Մոնթենեգրո, մի սերբիական իշխանություն, մի հայկական թագավորություն, ամենափոքր օգուտ չտալով ո՛չ իրենց և ո՛չ մարդկությանը, կարող են առավել կամ նվազ ցնորական պետություններ լինել, մարդկային հին բաժանումների դժբախտ մնացորդներ, ամեն նոր աշխարհակալի անխուսափելի որսը՝ դրանով իսկ վտանգելով աշխարհի խաղաղությունը»⁵:

Բարեխղճորեն սերտելով Ֆուադ փաշայի տված դասերը, թուրքական առաջին սահմանադրականներն Օսմանյան կայսրու-

¹ «Արթ», Ա. տարի, № 6, 1910, էջ 181—182:

² Նույն տեղը:

³ Նույն տեղը, էջ 185:

⁴ Նույն տեղը:

¹ Տե՛ս «Արթ», Ա. տարի, № 6, 1910, էջ 181—182:

² Նույն տեղը, էջ 185:

թյան մեջ ազգային հարցի լուծմանը մոտենում էին ակնհայտ ռեակցիոն մեծապետական դիրքերից: Խոսելով սահմանադրական կարգերի, քաղաքական ազատությունների և այլ բարեմասնությունների մասին, նրանք այդ բոլորը կիրառելի էին համարում միմիայն կայսրության թուրք տարրերի շրջանում:

Հանդես գալով որպես կայսրության ամբողջականության պահպանման մոլեռանդ ջատագույններ, «նոր օսմանները» գրտնում էին, որ նրանում լիովին պետք է բացառել ոչ թուրք ժողովուրդների ազգային-ազատագրական շարժումները և կրոնական սլաքաբար: Նրանց մտքով չէր էլ անցնում ազգային անկախություն տալ կայսրության մեջ բռնափակված որևէ ժողովրդի: Աներկրայորեն ժխտելով ոչ թուրք ժողովուրդների ազատ դառնալու իրավունքը, նրանք գտնում էին, որ սուլթանի տիրապետությունից ազատվելու ամեն մի փորձ պետք է արյան մեջ խեղդել: Բալկանյան սլավոնների, հույների, հայերի, արաբների, քրդերի և կայսրության մյուս ոչ թուրք ժողովուրդների ազատագրական շարժումները որակվում էին իբրև եվրոպական տերությունների կողմից հրահրվող խռովություններ, իսկ դրանց դաժան ճնշումը համարվում՝ արդար գործ: Իրենց երկրի անկախության համար պայքարող շեռնոգորցիներին որակում էին «ավազակներ», Կրետե կղզու հույների ապստամբությունը՝ «սատանայական խռովություն»:

Ինչպես վերևում ասվեց, «նոր օսմանները» ոչ թուրք ժողովուրդների ապստամբությունների հիմնական պատճառը համարում էին կայսրության ներքին գործերին եվրոպական տերությունների միջամտությունը, դրսից պարբերաբար կրկնվող հրահրումները: Առանձին դեպքերում նրանք ընդունում էին, որ ճնշված ժողովուրդների մի շարք ապստամբությունների պատճառը, իրոք, իշխանությունների դեսպոտիզմը և պետական շինովիկների կամայականությունն է: Բայց նույնիսկ այդպիսի դեպքերում էլ նրանք ոչ մի արդարացում չէին տեսնում այդ շարժումների համար: Առանձին վերապահումներով հանդերձ, այդ հարցում նրանք հետևողականորեն պաշտպանում էին կառավարությանը: Ավելին, սուլթանական ռեժիմը խստորեն քննադատում էին ոչ թե այլազգիների նկատմամբ անլուր բռնություններ գործադրելու, այլ եվրոպական տերությունների ճնշման տակ Մուղավիային, Վալախիային, Սերբիային անկախություն տալու և այն բանի համար, որ հարկ եղած վճռակա-

նություն չի դրսևորում վերջ տալու կայսրության ժողովուրդների կենտրոնախույս ձգտումներին, մեկընդմիջտ խեղդելու ազգային-ազատագրական շարժումները:

Արդարացնելով թուրք նվաճողների դաժան ասիմիլյատորական քաղաքականությունը և անտեսելով ոչ թուրք ժողովուրդների դարավոր ազգային տառապանքների փաստերը, «նոր օսմանները» պնդում էին, թե իշխանությունների կամայականություններից քրիստոնյա ժողովուրդներն ավելի քիչ են տուժել, քան կայսրության մեջ իշխող թուրքերը և մյուս մուսուլման ժողովուրդները: Դրա պատճառը նրանց կարծիքով այն էր, որ կայսրության քրիստոնյա ժողովուրդները, իբր, օգտվում են եվրոպական տերությունների հովանավորությունից ու պաշտպանությունից, իսկ թուրքերը և մահմեդականները միայն արժանանում են այդ նույն տերությունների հակակրանքին ու թըշնամությանը, որոնք գումարվելով սուլթանական իշխանության կամայականություններին, անտանելի վիճակ են ստեղծում նրանց համար:

Շարունակելով իրենց խորհրդածությունները Օսմանյան կայսրության քրիստոնյա ժողովուրդների մասին, «նոր օսմաններն» ավելի հեռուն են գնում: Նրանց գլխավոր գաղափարախոսներից Միդհատ փաշան 1878 թվականին Փարիզում լույս ընծայած իր «Թուրքիան, նրա անցյալն ու ապագան» գրքում էլ, թե ոչ թուրք բոլոր ժողովուրդների համար Օսմանյան կայսրությունն իսկական բարիք է եղել, որովհետև նրանք իբր հնազանդվել են ոչ թե օսմանյան դաժան ու արյունոտ լծին, ոչ թե թուրքական սուլթանների յաթաղանին, այլ նրանց ողորմածությանը: Սուլթաններն իբր եղել են արդարադատ ու անկողմնակալ, ոչ մի ճնշում չեն գործադրել նվաճած ժողովուրդների հանդեպ: Այս տեսակետը հավատարմորեն պաշտպանում և խորացնում էին «նոր օսմանների» մյուս ղեկավարներն ու տեսաբանները:

Այսպիսով, բարձրացող թուրքական բուրժուազիան, ինչպես կրոնի, այնպես էլ ազգային հարցում տարակարծիք չէր տիրապետող պետական-քաղաքական ռեժիմի հետ: Սա նույնպես բարձրացող թուրքական բուրժուազիայի առանձնահատուկ գծերից մեկն էր: Եթե Եվրոպայում, բուրժուական հեղափոխությունների դարաշրջանում, բուրժուազիան գոնե առժամանակ և ձևականորեն ընդունում էր ազգերի ազատության և

ինքնուրույնության սկզբունքը, ապա թուրքական բուրժուազիան լսել անգամ չէր ուզում այդ մասին:

Օսմանյան կայսրության ամբողջականության պահպանման մտահոգությամբ տարված, առաջին թուրք սահմանադրականները կայսրության ոչ թուրք ժողովուրդների ազատագրական շարժումներին ամբողջ ուժով հակադրում էին միասնական հայրենիքի, հետևաբար նաև՝ օսմանյան ընդհանուր հայրենասիրության գաղափարը: «Միասնական երկիր՝ միասնական ժողովրդով», — ասում էր Միդհատ փաշան: Այլի Սուլային գրում էր, թե օսմանյան ընդհանուր հայրենիքի սահմաններում բոլոր ժողովուրդները կազմում են մի օրգանիզմ, մի ամբողջություն:

19-րդ դարի 70-ական թվականներին «ընդհանուր հայրենիքի» գաղափարի պրոպագանդումը նոր օսմանների կողմից այնքան ուժգին էր տարվում, որ այդ գաղափարը շուտով լայնորեն թափանցեց նաև երկրի տիրող շերտերը, կառավարական շրջանները, սուլթանի արքունիքը: Նախկինում ընդունված «օսմանյան համայնք» («ումմետ-ի օսմանիե») տերմինի փոխարեն թերթերի էջերում ու բանավոր վիճարանությունների ժամանակ ավելի ու ավելի հաճախ էր օգտագործվում «օսմանյան ժողովուրդ» («օսմանլը միլլետի») տերմինը: Ավելին, Այլի Սուլային առանձին դեպքերում նույնիսկ օգտագործում էր «օսմանյան ազգ» տերմինը, դրա տակ, իհարկե, նկատի չունենալով կայսրության ժողովուրդների էթնիկական-բիոլոգիական միասնությունը: «Օսմանյան ազգը» նրա մոտ նույնացած էր «օսմանյան ժողովուրդ» հասկացության հետ: Այդ հետո, երեք տասնամյակ հետո էր, որ «օսմանյան ազգ» հասկացության տակ երկրորդ սերնդի թուրք ազգայնականները՝ «երիտասարդ թուրքերը», նկատի էին ունենալու կայսրության բոլոր ժողովուրդների համատարած ձուլումը թուրք ազգի մեջ:

Ազգային հարցում «նոր օսմանների» բացահայտ շովինիստական դիրքորոշումը խիստ բացասաբար անդրադարձավ ֆեոդալական ինքնակալ ռեժիմի դեմ նրանց պրակտիկ պայքարի վրա, որովհետև այն խանգարում էր թուրք սահմանադրականների և կայսրության քրիստոնյա բուրժուական գործիչների միջև ընդհանուր դաշինք ստեղծելուն:

Ինչպես հետո կտեսնենք, հետագա տարիներին «նոր օսմանների» օսմանիզմի գաղափարը զգալի փոփոխություններ կրեց: Փոխվեց նաև նրանց վերաբերմունքը այդ ղոկտրինայի նկատ-

մամբ: Նրանցից շատերն աստիճանաբար հեռացան օսմանիզմից և, որդեգրելով ավելի ռեակցիոն գաղափարներ, շեշտը դրեցին իսլամիզմի վրա, այսինքն՝ սկսեցին քարոզել թուրքերի գլխավորությամբ ոչ թե կայսրության բոլոր ժողովուրդների, այլ միայն մուսուլման ժողովուրդների միավորման գաղափարը:

«Նոր օսմանների» գաղափարական գիտանոցում միայն իսլամիզմի և օսմանիզմի ղոկտրինաները չէին, որ տեղ ունեին: Թուրք առաջին սահմանադրականների տեսական գործունեության օրինաչափ արդյունքն այն եղավ, որ նրանք հետագայում էլ ավելի նեղացրին իրենց հայրենասիրության շրջանակները: «Միասնական ժողովրդի» օսմանիստական գաղափարից անցնելով Օսմանյան կայսրության մահմեդական ժողովուրդների միավորման գաղափարին, «նոր օսմանները» հաջորդ քայլն արեցին: Նրանք առաջինն էին, որ քաղաքական հողի ընդերքը նետեցին թուրքական նացիոնալիզմի սերմերը, որոնք հետագայում վերածեցին պանթուրքիզմի ռեակցիոն գաղափարախոսության¹:

«Նոր օսմանները» առաջինը սկսեցին խոսել այն մասին, թե «թուրքական ուսան» («թյուրքը բրկը») իր բոլոր՝ պատմական, քաղաքական, ռազմական և կուլտուրական կողմերով ամենաբարձր ու ամենահին ուսան է, որն անգնահատելի դեր է խաղացել մարդկության պատմության մեջ: Իբրահիմ Շինասին, Նամըկ Քեմալը և ուրիշները շատ հաճախ էին օգտագործում ու լայնորեն պրոպագանդում ֆրանսիացի պոետ, պատմաբան և քաղաքական գործիչ Ալֆոնս դե Լամարթինի (1791—1869) խոսքերը, որ նա արտասանել էր Ֆրանսիայի ազգային ժողովում, 1839 թվականի հունիսի 24-ին: Այդ ծայրահեղ ռեակցիոնների մասին Ֆր. Էնգելսն ասել է. «Վերամբարձ սրիկա Լամարթինը ժողովրդին դավաճանելու այդ դարաշրջանի դասական հերոսն էր, դավաճանություն, որ թաքնված էր բանաստեղծական ծաղիկների և հոետորական խաբուսիկ փայլի ներքո»²: Եվ ահա այդ «դասական հերոսը» իր ճառում թուրքերին կոչ էր անում շթուլացնել կրոնական մոլեռանդությունը, որի ուժով է «անվթար մնում Օսմանյան կայսրությունը», «այլապես հույներն ու հա-

¹ Шко Ю. А. Петросян, Младотурецкое движение, изд-во «Наука», М., 1971, էջ 130:

² К. Маркс и Ф. Энгельс. Соч., т. 7, с. 203.

յերը գլուխ կբարձրացնեն»։ Այս բառերն արտասանել է այն նույն մարդը, որը Վենետիկի Մխիթարյան հայերի միաբանության Փարիզի Մուրադյան վարժարանում ժամանակին հայասիրական խանդավառ ճառեր էր ասում։

«Նոր օսմաններին» հատկապես հետաքրքրում էր Լամարթինի՝ թուրքերի մասին հայտնած հիացական կարծիքը։ «Թուրքերը, — ասել էր նա, — արևելյան ժողովուրդների մեջ առաջին տեղն են գրավում։ Ե՛վ իբրև մարդ, և՛ իբրև ազգ նրանք ազնվագույն են։ Իրենց նկարագիրը բոլորից ազնվական է և զարգացած։ Նրանց քաջասրտությունը մինչև այժմ անաղարտ է մնացել, նրանց կրոնական, ազգային ընտանեկան առաքինությունները բոլոր անկողմնակալ մարդկանց հիացումն են առաջ բերում։ Այդպիսի մի ցեղ մարդկությանը միայն պատիվ է բերում»¹։

Իր հերթին Լամարթինը թուրքերին բնութագրելիս հենվում էր միջնադարյան մուսուլմանական հեղինակների գրական այն երկերի վրա, որոնցում գովերգվում էին թուրքական ցեղերի «աստծու տված» «բարեմասնությունները»։

«Մարդկությանը պատիվ բերող» թուրքական ցեղը կայսրությունյան սահմաններից դուրս ուներ իր բազմաթիվ ճյուղավորումները, որոնց նկատմամբ «նոր օսմանների» հետաքրքրությունը գնալով աճում էր։ Նրանք մի առանձին շահագրգռություն հանդես բերեցին Միջին Ասիայի, Ղազախստանի և թուրքալեզու մյուս ժողովուրդների հանդեպ՝ առաջ քաշելով դրանց պատմությունը խորապես ու լայն ծավալով ուսումնասիրելու պահանջ։ Դրա առաջին օրինակներից մեկը տվեց Ալի Սուավին, որը «Ռւլյում» հանդեսում մի շարք նյութեր տպագրեց թուրքալեզու ժողովուրդների մասին։ Նա գրում էր, թե ինքը չի կարող անտարբեր լինել այն «թուրքական մուսուլմանների պատմական բախտի հանդեպ, որոնք դավանում են մեր կրոնը, պատկանում են մեր ցեղին ու ընտանիքին»²։ Կարելի է ասել, որ հենց այստեղից էլ սկիզբ է առնում պանթուրքիզմը, իհարկե, դեռ նախնական, դեռ տարերային ու անկազմակերպ ձևով։ Պանթուրքիզ-

մի դեռևս աղոտ այս առկայծումը որոշ ժամանակ անց թափանցեց թուրք մտավորականության նեղ շրջանակից ներս, առայժմ, սակայն, մնալով որպես մշուշապատ գաղափար։

Դեպի թուրքալեզու ժողովուրդները «նոր օսմանների» նման բուռն հետաքրքրությունը արդյունք էր օսմանիզմի կենսունակության նկատմամբ իրենց մոտ առաջ եկած հիմնավոր կասկածների։ «Նոր օսմանների» գաղափարախոսների այս կամ այն հոգվածում ժամանակ առ ժամանակ, ճիշտ է դեռ անորոշ ձևով, փայլատակում էր այն միտքը, թե պատմական կտրուկ շրջադարձերի պահերին կայսրության ոչ թուրք մուսուլմանները նրա ամբողջականությունը պահպանելու հարցում հազիվ թե նույնպիսի շահագրգռություն հանդես բերեն, ինչպես նրա թուրք քաղաքացիները։

«Նոր օսմանները» պարզ տեսնում էին, որ Օսմանյան կայսրությունյանն ամենից շատ սպառնում է Ռուսաստանը։ Սա ակտիվորեն աջակցում էր բալկանյան սլավոնական և հայ ժողովուրդների ազատագրական պայքարին։ Դրան հակառակ քաղաքականություն էին վարում Անգլիան և եվրոպական այլ տերությունները, որոնք այն ժամանակ կայսրության ամբողջականության պահպանման կողմն էին և հանդես էին գալիս ճնշված ժողովուրդների ազգային-ազատագրական շարժումների դեմ։ Եվ որքան «նոր օսմանները» ատելությամբ էին լցված դեպի Ռուսաստանը, նույնքան անսքող համակրանք էին տածում Անգլիայի և եվրոպական մյուս տերությունների հանդեպ։

Հայտնի է, որ Կ. Մարքսը անիրագործելի և հետադիմական էր համարում եվրոպական տերությունների ձգտումը՝ պահպանելու Օսմանյան կայսրությունն այնպիսի տեսքով, ինչպիսին այն ժամանակ էր։ «Փաստն այն է, — գրել է Կ. Մարքսը 1853 թվականին, — որ հարկ կլինի այսպես թե այնպես թուրքերի վերջը տալ (նկատի ունի թուրքական կայսրության վերջը։— Հ. Ս.)»։

Իհարկե, Անգլիայի օսմանամետ քաղաքականությունը կեղծ էր։ Օսմանյան կայսրության ամբողջականության պահպանման պատրվակով անգլիական կառավարությունը ձգտում էր իր գերիշխող ազդեցությունը տարածել նրա ընդարձակածավալ տարածքների վրա, խոչընդոտել Ռուսաստանի ազդեցության ուժե-

¹ «Տրպալիզոնի թեմի վիճակավոր Յովհաննես արք. Նազլեանի յուշերը Մերձավոր արևելքի 1914—1928 շրջանի քաղաքական-կրոնական դեպքերուն մասին», Ա. հատոր, Պելլուր-Լիբանան, 1960, էջ 31։

² Քաղված է՝ Ю. А. Петросян, Младотурецкое движение, էջ 130։

¹ К. Маркс и Ф. Энгельс, Соч., т. 9, с. 392.

դացմանը Բալկաններում և Արևելքում: Այսպես թե այնպես, Թուրքիայի պատմության մեջ «նոր օսմաններն» առաջինն էին, որ առաջ քաշեցին Արևելքում, մասնավորապես Օսմանյան կայսրության մեջ ռուսական ազդեցության ուժեղացման դեմ վճռական պայքար ծավալելու խնդիրը: Այս պահանջը հետագայում դարձավ բոլոր պանթուրքականների հավատո հանգանակը:

«Նոր օսմանների» սոցիալ-քաղաքական և գաղափարական հայացքները կարևոր նշանակություն ունեցան Թուրքիայի հասարակական-քաղաքական և փիլիսոփայական մտքի զարգացման համար: Բաղմազան կոնցեպցիաներով հարուստ նրանց գաղափարական դիմանոցում, ինչպես տեսանք, այնուամենայնիվ առանձնանում էր հիմնականը՝ օսմանիզմը: Օսմանյան կայսրությունը կարելի է վերահաս կործանումից փրկել և նրա ամբողջականությունը պահպանել երկրի կառավարման համակարգը բարելավելու, սուլթանի անեղր իշխանությունը սահմանադրությամբ և եվրոպական պառլամենտով սահմանափակելու միջոցով. սա էր «նոր օսմանների» հիմնական քաղաքական եզրակացությունը և պահանջը: Առաջադրելով սահմանադրական միապետության խնդիրը, «նոր օսմանները» այնուհետև ավելի հեռու գնացին՝ պահանջելով նաև իրարից անջատել օրենսդիր և գործադիր իշխանությունները: Ըստ նրանց մշակած նախագծի, պառլամենտը պետք է քննարկեր և որոշումներ ու օրենքներ ընդուներ, սուլթանին վերապահվում էր դրանք հաստատելու կամ մերժելու իրավունքը, իսկ հասարակության պարտքն էր՝ հաստատված որոշումներն ու օրենքները իրականացնել կյանքում:

Այս ընդհանուր խնդիրներից բացի «նոր օսմանները» նաև մասնավոր խնդիր էին առաջադրում՝ ձգտել այն բանին, որպեսզի երկրի կառավարման համակարգի բարելավումը ամենափոքր շահով իսկ շահամանափակի կայսրության հիմնական իշխող տարրի՝ Թուրքերի արտոնություններն ու առանձնաշնորհումները:

«Նոր օսմանների» գաղափարները հող նախապատրաստեցին պրակտիկ սահմանադրական շարժման համար, որի բարձրակետը եղավ օսմանյան առաջին սահմանադրության ընդունումը և Թուրքական առաջին պառլամենտի գումարումը: Բայց այդ բարձրակետին «նոր օսմանները» հեշտությամբ չհասան: Իրենց գաղափարներն իրականացնելու ճանապարհին նրանք հանդի-

պեցին կայսրության կառավարող վերնախավերի բուռն դիմադրությանը: Սուլթանական պահպանողական կառավարությունը չսել անգամ չէր ուզում որևէ ռեֆորմի, հասարակական-քաղաքական կյանքում որևէ փոփոխության մասին: Եվ ահա, ճակատ առ ճակատ հանդիպեցին հին, իրենց դարն ապրած սուլթանական կարգերը և եվրոպական հովերով տարված «նոր օսմանները»: Մեկը մյուսին տեղի տալ չէր ուզում: «Նոր օսմանները» մտադիր չէին հաշտվել գոյություն ունեցող կարգերի հետ, հետևապես նրանք սուլթանի դեմ բռնեցին բացահայտ պայքարի ճանապարհը: Սուլթանական բռնապետական կարգերի տապալման հեռանկարն այնպես էր գրավել նրանց միտքը, որ այդ նպատակի իրականացման համար նրանք ներգրավեցին նույնիսկ հակասուլթանական քրիստոնեական ուժերին, դրդեցին նրանց խոտովությունների ու ըմբոստությունների: Ավելին, նրանցից շատերը նույնիսկ մասնակցեցին Թուրքական տիրապետության դեմ ուղղված այն խոշոր ապստամբություններին, որոնք 70-ական թվականների կեսերին տեղի ունեցան նախ Բոսնիայում և Հերցեգովինայում, ապա՝ Բուլղարիայում:

Մեծ տերությունները պատրաստվում էին միջամտել գործին՝ Թուրքիային ստիպել անկախություն շնորհել ապստամբ երկրներին: Երկչուղ կրելով տերությունների միջամտությունից, «նոր օսմաններին» համակիր Միդատ փաշան կառավարության մի շարք ուրիշ անդամների հետ միասին կազմակերպեց և 1876 թվականի մայիսի 30-ին պետական հեղաշրջում իրականացրեց, որի հետևանքով գահին կեց արվեց սուլթան Աբդուլ Ազիզը: Հեղաշրջումից հետո որոշ ժամանակ իշխանությունը փաստորեն գտնվում էր Միդատ փաշայի և նրա գործակիցների՝ «նոր օսմանների» ձեռքին: Աբդուլ Ազիզին հաջորդեց սուլթան Աբդուլ Համիդ II-ը: Գեռ իրեն ամուր չզգալով գահի վրա, սա ստիպված էր ընդունել Միդատ փաշայի և նամըկ Քեմալի կողմից մշակված սահմանադրության նախագիծը, որը և հանդիսավորությունյամբ հռչակվեց 1876 թվականի դեկտեմբերի 23-ին:

Սահմանադրությունը Թուրքիայի համար, անկասկած, կարևորակետ էր, որով նախատեսվում էր ստեղծել երկպա-

¹ Այդ շրջանում Միդատ փաշայի գլխավոր խորհրդականներից և ջերմ աջակիցներից մեկը Գրիգոր Օտյանն էր (տե՛ս «Արօր», Ա. տարի, № 6—7, 1910, էջ 116):

լատյա պառլամենտ, ազդարարել օրենքի առջև բոլոր օսմանցիների իրավահավասարություն՝ անկախ կրոնի տարբերությունից, բուրժուական «ազատություններ» և այլն¹: Օսմանյան կայսրության կառավարման սիստեմը հուշակվում էր իբրև սահմանադրական միապետություն, որի պայմաններում սահմանափակվում էին սուլթանի իրավունքները:

Շուտով, սահմանադրության հիման վրա, 1877 թվականի ամռանը հրավիրվեց օսմանյան առաջին պառլամենտը, որում ընտրվել էր 119 անդամ (71 մուսուլման և 48 քրիստոնյա): Դրանց թվում կային թուրքեր, արաբներ, հայեր, հուլյներ, հրեաներ, բուլղարներ, սերբեր, բոսնիացիներ և քրդեր: Պառլամենտի կազմում պետական ոչ մի պաշտոնյա չկար, որովհետև օսմանյան սահմանադրության համաձայն պետական ծառայության մեջ գտնվողները չէին կարող ընտրվել պառլամենտի անդամ: Պառլամենտը քննարկեց և ընդունեց մի շարք կարևոր օրինագծեր, պառլամենտականները համարձակորեն խիստ քննադատության կրակի տակ առան սուլթանին և արքունիքը:

Մեծ էր առաջին թուրքական պառլամենտի առաջադիմական նշանակությունը, այն թուրքական բուրժուազիայի՝ իր իրավունքների համար լեգալ պայքարի առաջին դպրոցը եղավ: Բարձր գնահատելով այդ պառլամենտի գործունեությունը, 1877 թվականի հունիսին Տ. էնգելսը գրել է. «Ա՛յ, եթե մեզ մոտ Գերմանիայում այնպիսի պառլամենտ լիներ, ինչպես Կոստանդնուպոլսում»²:

Շատ շանցած, արդեն 1877 թվականի սկզբին, Աբդուլ Համիդը, երբ բավականաչափ ամրապնդել էր իր դիրքերը, ռեպրեսիաներ սկսեց «նոր օսմանների» դեմ, բանտ նետեց կամ աքսորեց շարժման մասնակիցներից շատերին: Նա մեծ վեզիրի պաշտոնից զրկեց Միդհատ փաշային և նրան արտաքսեց երկրից: Բայց սուլթանն իրեն հանգիստ չէր զգում, քանի դեռ կենդանի էր Միդհատ փաշան: Երկյուղելով նրա տակավին ուժեղ ազդեցությունից, սուլթանը որոշեց վերացնել Միդհատին. նրա հրամանով նախկին մեծ վեզիրը խեղդամահ արվեց³:

1878 թվականի փետրվարին սուլթան Աբդուլ Համիդը լուծարեց ենթարկեց պառլամենտը և արգելեց սահմանադրությունը: Ավարտվեց «նոր օսմանների» գործունեության ժամանակաշրջանը, շարժումը կես ճանապարհին մնաց: Թուրքիայի գլխավոր դժբախտությունը այն է, 1878 թվականի փետրվարին գրել է Կ. Մարքսը Վիլհելմ Լիբկնեխտին, որ «թուրքերը ժամանակին հեղափոխություն չարեցին Կոստանդնուպոլսում...»¹

Թուրք սահմանադրականների պարտությունից հետո հաստատվեց սուլթան Աբդուլ Համիդի ինքնակալ բռնապետական դաժան ռեժիմը, որը տևեց ավելի քան երեսուն տարի:

¹ Տե՛ս Ա. Փ. Миллер, Краткая история Турции, էջ 95:

² К. Маркс и Ф. Энгельс, Соч., т. 34, с. 216.

³ Տե՛ս Կ. Քումանեան, Պատմություն արևելյան խնդրոյ և առաջնորդ հայկական հարցի, հատոր Բ., Լոնտոն, 1905, էջ 511—512:

**ԱԲԴՈՒԼԱՄԻԴՅԱՆ ՄՂՁԱՎԱՆՁԻ ՏԱՐԻՆԵՐԸ:
ՊԱՆԻՍԼԱՄԻՉՄԸ ՈՐՊԵՍ ԿԱՅՍՐՈՒԹՅԱՆ ՊԱՇՏՈՆԱԿԱՆ
ՈՒՍՄՈՒՆՔ**

«Նոր օսմանների» շարժման ճնշումից հետո սկսվեց արդու-համիրյան արյունալի ուժերի ժամանակաշրջանը:

Ընդդիմադիր ուժերի ընդհատակ անցնելուն զուգընթաց առժամանակ դանդաղեց թուրքականության գաղափարների նետած սերմերի ծլարձակումը, այնպես որ մինչև 80-ական թվականների վերջերը թուրքական բարձրացող ազգային բուրժուազիայի գաղափարախոսության հետագա ձևավորման պրոցեսը տեղատվության մեջ էր:

19-րդ դարի վերջին քառորդում Օսմանյան կայսրությունը շարունակում էր մնալ հետամնաց վիճակում: Գյուլատնտեսության քայքայման ընթացքն ավելի մեծ թափ էր առել: Մշակելի հողատարածությունների մոտ երկու երրորդը (65,5%) գտնվում էր ֆեոդալների և կալվածատերերի ոչ մեծ խմբի ձեռքին: Այդ հողերի միայն մեկ երրորդն էր պատկանում գյուղացիությանը, և հենց դա էր գլխավոր պատճառը, որ վերջինիս չէր հաջողվում թոթափել տևական թշվառությունը¹:

Անմխիթար վիճակում էր նաև արդյունաբերությունը: Ճիշտ է, քաղաքներում տեղական բուրժուազիայի կողմից կառուցվում էին բամբակազտիչ, բրդի գզման ու լվացման, ծխախոտի և հումքի այլ տեսակների նախնական վերամշակման նոր գործարաններ, բայց դրանք գլխավորապես կոչված էին բավարարելու օտարերկրյա կապիտալի պահանջմունքները:

Դրան հակառակ, եվրոպացիների կապիտալ ներդրումները հնարավորություն էին տալիս օգտակար հանածոներով լի վայ-

րերում կառուցել հանքահորեր, գցել առաջին երկաթուղիները: Վերջիններս հատկապես կարևոր նշանակություն էին ձեռք բերում Անատոլիայում, որի խորքերից դեպի ծովային նավահանգիստներ էին տարվում քրոմի հանքաքար, ածուխ, բամբակ, բուրդ, ծխախոտ և հումքի այլ տեսակներ:

Այդ մասնակի առաջընթացը, սակայն, չէր կարող փոխել արդյունաբերության ընդհանուր վիճակը: Բավական է ասել, որ նույնիսկ 90-ական թվականներին կայսրության լայնարձակ տարածքում հաշվվում էր ընդամենը 40—50 հազար արդյունաբերական բանվոր²:

Կայսրության շուկան ավելի մեծ չափերով հեղեղվեց արտասահմանյան էժան ապրանքներով, որոնք տակնուվրա էին անում երկրի ավանդական արհեստագործական արտադրությունը, նրան մղում լճացման ու անկման: Եթե նախկինում Թուրքիան արտահանում էր զգալի քանակությամբ արհեստագործական պատրաստի արտադրանք, մասնավորապես տարբեր տեսակի մետաքսե և բրդյա գործվածքներ, ապա այժմ անգլիական թավիչը, ֆրանսիական սատինը, իտալական մետաքսե գործվածքները վերջնականապես ետնախորշեր էին մղում տեղական արտադրությունը³:

19-րդ դարի վերջին քառորդում երկրի տնտեսության հիմնական ճյուղերն արդեն եվրոպական խոշոր տերությունների ֆինանսատնտեսական վերահսկողության տակ էին: Արտաքին առևտուրը վնասով էր կատարվում: Մեծ չափերով կնքվում էին արտաքին նոր փոխառություններ, որ ավելի էր խորացնում տնտեսական դժվարությունները: Միայն 1854—1878 թվականներին Թուրքիան եվրոպական երկրների հետ կնքել է մոտ 5,3 միլիարդ ֆրանկի փոխառություն³: Հետագա տարիներին եվրոպական երկրները ավելի կատարելագործեցին փոխառությունների կնքման մեխանիզմը, մի բան, որ Արևմուտքից Թուրքիայի կալվածության աստիճանական ուժեղացման արդյունք էր: Օսմանյան կայսրությունը վերջնականապես վերածվում էր արևմտյան տերությունների կիսազաղուծի:

¹ Տե՛ս Ա. Փ. Миллер, Краткая история Турции, էջ 115:

² Տե՛ս Д. Е. Еремеев, На стыке Азии и Европы, изд-во «Наука», Главная редакция восточной литературы, М., 1980, էջ 121—122:

³ Տե՛ս АБ. Алимов, Турция. В книге «Очерки по истории Востока в эпоху империализма», Союзгиз, М.—Л., 1934, էջ 15:

¹ Տե՛ս А. Ф. Миллер, Краткая история Турции, էջ 114—115:

Երկրի ղեկի մոտ շարունակում էին մնալ այն ժամանակվա թուրքական հասարակության ամենառեակցիոն խավերի ներկայացուցիչները: Սուլթանական ռեժիմի ամրապնդմանը հիմնականում տոն էին տալիս թուրք, արաբ, շերքեզ և քուրդ կալվածատերերը, մուսուլմանական բարձր հոգևորականությունը, ֆեոդալական-սուլթանական բյուրոկրատիան:

Պետության կառավարումն իրականացնում էին տգետ ու խավարամիտ մարդիկ: 80—90-ական թվականներին Օսմանյան կայսրության միևնույնիստների թվում բարձրագույն կրթություն ունեցող չկար: Ավելին, պետական այն շինությունները, որոնք քիչ թե շատ կանոնավոր կրթություն էին ստացել, համարվում էին անբարեխոյ տարրեր:

Ֆեոդալական-միապետական ռեժիմի նեխվածությունն իր տիպիկ մարմնավորումն էր գտել սուլթանի արքունիքում՝ բաղկացած մոտ 12 հազար հոգուց, որի պահպանման վրա ծախսվում էին հսկայական միջոցներ: Միայն սուլթանի հարեմին, որտեղ կար ավելի քան 300 կին, այնքան միջոցներ էր տրամադրվում, որը կրավականացներ 10 հազար հոգուց բաղկացած մի զորագունդ հանդերձավորելու և կերակրելու: Որոշ տվյալներով այդ ժամանակ թուրքական սուլթանների անձնական ծախսերը կազմում էին կայսրության բոլոր ծախսերի 1/7 մասը¹:

Աբդուլ Համիդի կառավարման տարիները սարսափի տարիներ էին: Մոլեզեղ ռեակցիան ավերներ էր գործում լուսավորության և կրթության մարզերում: Ամենուրեք խեղդվում էր առաջադեմ ու աղատամիտ ամեն միտք ու գաղափար: Ուժեղ հսկողության տակ դրվեցին դպրոցները, որոնց ծրագրերն արմատապես վերաձևվեցին: Ուսումնական պլաններից հանվեցին այն բոլոր առարկաները, որոնք կարող էին «շփոթ առաջ բերել» սովորողների մտքերում: Էպպես ուժեղացավ կրոնի ազդեցությունը դպրոցների վրա. աշակերտները պարտավոր էին ողջ մանրամասնությամբ սովորել մուսուլմանական սրբերի վարքը, նրանց մասին եղած զանազան պատմություններ²: Մուսուլմանական դպրոցները շարունակում էին մնալ սխոլաստիկայի և խավարամոլության օջախներ:

¹ *Տե՛ս* П. И. Чихачев, Великие державы и восточный вопрос. М., 1970, էջ 190—191:
² *Տե՛ս* И. И. Голобородько (И. Южанин), Старая и новая Турция, էջ 83—92:

Անտանեսլի վիճակ էր ստեղծվել մամուլի համար: Փակվեցին բազմաթիվ թերթեր. եղած մի քանի թերթերը կոշված էին միայն փառաբանելու սուլթանին, նրա վարած ներքին ու արտաքին քաղաքականությունը: Ամլության դատապարտվեց թուրքական մշակույթը, գրականությունն ու արվեստը:

Ամենուրեք թագավորում էին անօրինականություններն ու կամայականությունները, անասելի չափերի հասան պետական պաշտոնյաների շարաշահումները: Զուր չէ, որ աբդուլհամիդյան ժամանակաշրջանը հենց իրենք՝ թուրքերը, անվանեցին «գուլումի» («ճնշման», «բռնության») ժամանակաշրջան: Ստեղծված ծանր վիճակը թուրքիայի աշխատավոր մասսաներին պարբերաբար սոցիալական ընդվզումների էր մղում տիրող դասակարգելի դեմ:

Աբդուլ Համիդ II-ի կառավարման տարիները բնութագրվում էին հատկապես ոչ թուրք ազգերի ու ժողովուրդների հանդեպ հալածանքների ուժեղացմամբ:

Կայսրության մահմեդական այլազգի ժողովուրդները՝ արաբներ և քրդերը, ձգտելով ազատագրվել թուրքական տիրապետությունից, ժամանակ առ ժամանակ դիմում էին զենքի:

Ավելի համառ, տևական էին կայսրության քրիստոնյա ժողովուրդների հակասուլթանական ընդվզումներն ու ապստամբությունները: Դրանք մեծ ծավալ ընդունեցին հատկապես կայսրության բալկանյան տիրույթներում: Ապստամբական մի ելույթից մի նոր ելույթի էր դիմում բուլղար ժողովուրդը: Զնայած թուրքերն արյան մեջ խեղդում էին այդ ելույթները, բայց 1876 թվականին բուլղարները նորից զենք վերցրին:

Դիմադրական նոր շարժումներ ծնունդ առան նաև Արևմտյան Հայաստանի տարբեր վայրերում: Բայց թուրքական իշխանություններն ինչպես ամենուր, այնպես էլ Արևմտյան Հայաստանում արյան մեջ խեղդում էին դիմադրական բոլոր փորձերը: Ամեն մի ելույթ ճնշելուց հետո թուրքերն ավելի ու ավելի կատաղի ու անզիջում էին դառնում հայերի նկատմամբ:

Հայերի հանդեպ գործադրած դաժանություններն ու վայրենի կամայականությունները սպասված արդյունքը չէին տալիս: Արևմտահայ ժողովրդի համար սկսվեց ազգային-քաղաքական զարթոնքի, ազգասիրության և հայրենասիրության ուժգին պոթկումի և եռուզեռի մի ժամանակաշրջան: Դա վառ հույսերի ու բյուրեղյա երազանքների, եվրոպական դավաճանության

և դառն հուսախաբությունների, թուրքական նոր ոճիրների և հայկական նոր ընդզվզումների ժամանակաշրջան էր լինելու:

4. Պոլիսը դարձել էր հայ ազգային գարթոնքի ու հայրենասիրության քուրա: Ինչպես նշում էր հայ ազգային գործիչներից Մ. Սերոբյանը, Հայաստան անունը նոր նշանակություն էր ստացել պոլսահայի համար: Թերթերի հիմնական նյութը Հայաստանում կատարվող իրադարձություններն էին: Հայ գյուղացու անկյր տառապանքների մասին հնչեցնելով տխուր լաբեր, բանաստեղծները նաև երգում էին Զեյթունի քաջությունը: Կայսրության մայրաքաղաքի կյանքը կարծես հայացել էր: Նույնիսկ արևածագից մինչև վերջալույս դառն դատող մշեցի բեռնակիրներն ազգային գարթոնք էին ապրում:

Ազատության բաղձանք փայփայող հայ գործիչների մի մասը ելնում էր նրանից, որ հայ ժողովուրդը միայնակ, սեփական ուժերով չի կարող ազատություն նվաճել: Ուստի ինչպես բռնակալների ճիրաններում հեծող փոքր ժողովուրդների մեծ մասը, այնպես էլ հայ ժողովուրդը տեսնում էր օգնություն ստանալ դրսից, տվյալ դեպքում քրիստոնյա որևէ պետությունից:

Պիեռ ժոզեֆ Պրուդոնը գտնում էր, որ Օսմանյան կայսրության «ասիական նահանգներում, որտեղ թուրքերը բազմաբանակ են և մոտ են իսլամիզմի կենտրոնին»¹, փոքր ժողովուրդներն ուղղակի անկոր են օսմանյան դիակի դիմաց և նրանց ազատագրության գործը շատ ավելի դժվար կլինի, քան կայսրության եվրոպական նահանգների ժողովուրդներինը: «Որտե՞ղ է բնիկ ցեղերի այն ուժը, որը կարողանար այդ իրավիճակում փոխարինել թուրքական կառավարությանը Կանդիայում, Ռոզոսում, Կիպրոսում, Սիրիայում, Անատոլիայում, Հայաստանում», — հարցնում է Պրուդոնը և անմիջապես պատասխանում, որ այդ ուժը պետք է դրսում տեսնել, որ թուրքական լծից բնիկների, այդ թվում հայերի ազատագրությունն անհնարին է առանց մեծ տերությունների անմիջական աջակցությունից²:

1877 թվականի ապրիլի 12-ին Ռուսաստանը պատերազմ հայտարարեց Թուրքիային՝ Օսմանյան կայսրության քրիստոնյաներին ազատագրելու նշանաբանով:

1877—1878 թվականների ռուս-թուրքական պատերազմում ռուսական զորքերի տարած հաղթանակների շնորհիվ Բուլղարիան վերջապես ազատագրվեց օսմանյան դարավոր բռնակալական լծից և 1878 թվականին անկախություն ստացավ:

Բուլղարների և բալկանյան մի քանի ուրիշ ժողովուրդների հակաթուրքական ապստամբությունների հաջող ելքը պայմանավորված էր Ռուսաստանի ուղղակի աջակցությամբ: Եվ թեպետ ցարիզմը Բալկաններում շահագիտական ու զավթողական նպատակներ էր հետապնդում, այն է՝ այնտեղ ամրապնդել իր դիրքերը, ապա գրավել Ստամբուլը և նեղուցները, այնուամենայնիվ ռուսական քաղաքականությունը նպաստում էր թուրք կեղեքիչներին Բալկաններից դուրս մղելուն, բալկանյան ժողովուրդների ազատագրությանը, և դրանով իսկ օբյեկտիվորեն դրական դեր էր խաղում:

Բալկանյան ժողովուրդների ազատագրական շարժումները ոգեշնչում էին Օսմանյան կայսրության մեջ բռնակալված հայ ժողովուրդին, որը հույս ուներ բախտակից դառնալ բուլղարների երջանկությանը: Դեսպան կոմս Իգնատևի հետ հանդիպման ժամանակ Պոլսի հայոց պատրիարքարանի փոխ-առաջնորդ Տ. Գեորգ ժ. վրդ. Ռուսճուլջյանը ասել է, թե «այս պատերազմը քրիստոնեայի փրկության պատերազմ է, ինչպես պուլկարներն ազատուեցան, հայերն ալ, ոչ նուազ հարստահարեալ, հավատացած են, թե՛ պիտի փրկուին»³:

Արևմտահայության հոգում վառ հույսեր արթնացրին հատկապես Կովկասյան ճակատում ռուսական բանակների տարած փայլուն հաղթանակները: Արևմտյան Հայաստան մտած հաղթական ռուսական զորքը գեներալ Տեր-Ղուկասովի զխավորությամբ հասավ մինչև էրզրում: Հայերի գիտակցության մեջ զնալով խորանում էր այն համոզումը, որ թուրքական անազորուն լծից կարելի է ազատագրվել միմիայն Ռուսաստանի օգնությամբ, նրա զենքի ուժով: Ուստի նրանք ռուսական զորքերին ամենուրեք դիմավորում էին անսքող խանդավառությամբ, ցրն-ծում էին, տոնում մոտալուտ ազատության հաղթանակը: Ռուսական զորքերի գլուխ հայազգի զորահրամանատարների՝ Լորիս

¹ П. Ж. Прудон, Война и мир. Исследование о принципе и содержания международного права, с. 194.

² Տե՛ս նույն տեղը, էջ 194—196:

³ Արտավազը վարդապետ, Տաթև, տարեցոյց կրոնական-բանասիրական-գրական, 1928, Գ. տարի, Հայկ-Սուրիա, էջ 122:

² Տե՛ս «История СССР с древнейших времен до наших дней». В двенадцати томах, т. V, изд-во «Наука, Москва, 1968, էջ 258:

Մևիթովի, Տեր-Ղուկասովի, Լազարևի գտնվելն արևմտահայերն ընկալեցին որպես ուսահայերի կողմից ուղարկված օգնություն:

Բայց ավա՞ղ, ամառային գիշերվա երազը շատ շուտով փոխվելու էր մոռյլ իրականության:

Դեպքերը զարգանում էին ի վնաս հայության: Պատերազմը, հատկապես նրա ավարտը, արևմտահայ ժողովրդի պատմության մեջ նոր, օրհասական ժամանակների սկիզբը դարձավ:

Հայ ժողովրդի ազատագրության ճանապարհին այնպիսի մի անհաղթահարելի խոչընդոտ կանգնեց, ինչպիսին անգլո-ուսական հակամարտությունն էր: Անգլիան չէր կարող հանդուրժել Ռուսաստանի կողմից Հայաստանի գրավումը, որովհետև դա կնշանակեր դեպի իր ասիական գաղութները, ամենից առաջ դեպի Հնդկաստան տանող ճամփաների կորուստ: Ուստի դիվանագիտական վարագույրների ետևում նա ամեն ինչ արեց, որպեսզի Ռուսաստանը հրաժարվի Հայաստանում իր գրաված տարածքներից:

1878 թվականի ապրիլի 19-ին (մարտի 3-ին) Սան Ստեֆանոյում, հայ մեծահարուստ Տատյանի ապարանքում հաշտության նախնական պայմանագիր կնքվեց Ռուսաստանի և Թուրքիայի միջև: Ռուսաստանի պահանջով պայմանագրի մեջ մտցրվեց 16-րդ կետը, որտեղ ասված էր. «Նկատի առնելով այն, որ ռուսական զորքերի դուրս բերումը նրանց կողմից գրաված Հայաստանի՝ Թուրքիային վերադարձվելիք վայրերից կարող է այնտեղ առիթ տալ բախումների և բարդությունների, որոնք երկու պետությունների բարի հարաբերությունների վրա կունենան վնասակար ազդեցություն, Բարձր Դուռը պարտավորվում է անհապաղ կենսագործել հայաբնակ մարզերի տեղական կարիքներից հարուցվող բարելավումներ և բարենորոգություններ և զերծ պահել հայերի անվտանգությունը քրդերից և շերքեզներից»¹:

Ինչպես տեսնում ենք, պայմանագրի 16-րդ հոդվածը պաշտոնապես ընդունում էր երեք իրողություններ՝ որ կա Հայաստան անունով երկիր, մի բառ, մի աշխարհագրական անուն, որ օս-

մանյան կառավարողների ջանքերով վաղուց էր դուրս մղվել դիվանագիտական փաստաթղթերից, թուրքական քարտեզներից, որ հայերի ապահովությունը վտանգված է քրդերից ու շերքեզներից և, վերջապես, որ Թուրքիայի կողմի մեջ մտնող հայ բնակչություն ունեցող մարզերը կարիք ունեն անհապաղ բարենորոգումների²:

Թե Բ. Դուռն ինչպես էր «անհապաղ կենսագործելու» այդ բարենորոգությունները, Սան Ստեֆանոյի պայմանագրում ոչինչ չէր ասված: Ենթադրվում էր, որ նախնական պայմանագրի այդ բացը լրացնելու էր Բեռլինի կոնգրեսը, որը այնտեղ է մշակեց Թուրքիայի հետ կնքվելիք պայմանագրի վերջնական տեքստը:

Բեռլինի կոնգրեսը գումարվեց 1878 թ. ամռանը Անգլիայի և Ավստրո-Հունգարիայի պահանջով՝ գլխավորապես Ռուսաստանի տերիտորիալ ձեռքբերումները և Բալկաններում ու Փոքր Ասիայում նրա ազդեցության ուժեղացումը սահմանափակելու համար: Կոնգրեսին հայության պահանջները ներկայացնելու նպատակով Կ. Պոլսից Բեռլին դնաց նաև հայկական պատվիրակություն:

Բայց ճնշյ Բեռլինում հօդս ցնդեցին արևմտահայության ակնկալությունները: 1878 թվականի հուլիսի 13-ին կնքված պայմանագիրը, որը ստորագրեցին Ռուսաստանի, Գերմանիայի, Ավստրո-Հունգարիայի, Ֆրանսիայի, Մեծ Բրիտանիայի, Իտալիայի և Թուրքիայի ներկայացուցիչները, իր մեջ ներառեց 61-րդ հոդվածը, որը փոխարինեց Սան Ստեֆանոյի նախնական պայմանագրում Ռուսաստանի պահանջով մտցված 16-րդ կետին: Չարաբաստիկ 61-րդ հոդվածը ձևակերպվեց այսպես. «Բարձր Դուռը պարտավորվում է առանց հետագա հապաղման իրագործել հայաբնակ մարզերում տեղական կարիքներից հարուցված բարելավումներն ու բարենորոգումները և ապահովել հայերի անվտանգությունը շերքեզներից և քրդերից: Բարձր Դուռը տեղություններին պարբերաբար կհաղորդի այն միջոցների մասին, որոնք ինքը ձեռք է առել այդ նպատակի համար, իսկ տեղությունները կհսկեն դրանց կիրառմանը»²:

¹ Հարկ է նշել, որ Սան Ստեֆանոյի պայմանագրի 51 և 52 հոդվածները նույնպես, որոնք նվիրված էին կրոնական իրավունքների հարցին, անուղղակիորեն շոշափում էին հայության շահերը, չնայած հոդվածներում «հայ» կամ «Հայաստան» անունը ուղղակի չկար:

² «Հայաստանը միջազգային դիվանագիտության և սովետական արտաքին քաղաքականության փաստաթղթերում (1828—1923)», էջ 128:

¹ «Հայաստանը միջազգային դիվանագիտության և սովետական արտաքին քաղաքականության փաստաթղթերում (1828—1923)», Երևան, Հայաստան, 1972, էջ 92:

ինչպես տեսնում ենք, հողվածից դուրս էր մղված «Հայաստան» անունը, իսկ թուրքերի կողմից իրագործվելիք բարենորոգությունները եվրոպական տերությունների հավաքական պաշտպանության տակ էր դրվում, մի բան, որ, ինչպես հետագա իրադարձությունները ցույց տվեցին, ձևական էր ամբողջությամբ և գոհի նկատմամբ դահճի մոլեգնություն խտացման մի հարմար առիթ եղավ միայն: Հողվածն իրական ոչ մի երաշխիք չէր տալիս, թե հնարավոր կլինի հայկական տերիտորիաներում հաստատել քիչ թե շատ տանելի կարգ ու կանոն, հայերին զերծ պահել բռնություններից ու շարժերից:

Այն ժամանակ, երբ եվրոպական դիվանագիտությունը Բեռլինի կոնգրեսում գերմանական կանցլեր Բիսմարկի ղեկավարությամբ սպանում էր հայերի՝ մոտալուտ ազատության բոլոր հույսերը, փշրում նրանց բյուրեղյա երազները՝ դրա փոխարեն տերությունների ձևական պրոտեկտորատը թողնելով հայկական վեց վիլայեթների վրա, ցարական ղորքերը, հեռանալով գրաված հայկական տերիտորիաներից, վերադառնում էին Ռուսաստան: Ռուսաստանի հանդեպ արևմտահայության անսքող ու բուռն համակրանքը չէր վրիպել թուրք բռնադատիչների աչքից: Նրանք շտապեցին հայերից վրեժ լուծել ինչպես այդ համակրանքի, այնպես էլ պատերազմում կրած իրենց պարտության համար: Հուսահատ հայ բնակչությունը սկսեց բողոքի ձայն բարձրացնել: Պոլսի հայ պատրիարքարանը բազմաթիվ տեղեկագրեր ուղարկեց կառավարությանը՝ բողոքելով կատարվող ոճիրների դեմ: Բայց բոլոր խնդրանքները անհետևանք մնացին: Ավելին, սուլթանի կառավարությունը մշակեց հայկական վիլայեթներում հայությունը հրով ու սրով ոչնչացնելու դիվային պլան:

Արդուլ Համիդը, մահմեդական վերնախավը, թուրք կառավարողները նոր ուժով շարունակեցին բորբոքել թուրքերի, քրդերի և չերեղների մոտ առանց այն էլ ուժեղացող ատելությունը հայերի նկատմամբ: Հայ ժողովուրդը Սան Ստեֆանոյի համար պետք է վարձահատույց լիներ անլուր տառապանքներով և արյան հեղեղներով:

Բարձրացող և կերպարանք առնող հայկական հարցի նկատմամբ թուրք կառավարողների վերաբերմունքի ցայտուն դրսևորումներից մեկը մեծ վեզիր, հայատյաց Քյամիլ փաշայի մտո-

րումներն էին, որ նա թղթին է հանձնել 1879 թվականին: Ահա թե ինչ էր մտորում փաշան:

«Եթե եվրոպայում մեր ծոցում օձ տաքացրինք, ապա պետք չէ, որ նույն հիմարությունն անենք մեր ասիական Տաճկաստանում. խելոքությունն այն է, որ ջնջենք ու վերացնենք այն բոլոր տարերքները, որոնք մի օր կարող են մեզ համար նույն վտանգը ծնել և օտարների միջամտության համար առիթ ու նրանց ձեռքին գործիք լինել»¹:

Ապա, անցնելով Հայաստանի և հայ ժողովրդի նկատմամբ թուրքական կառավարության վարելիք քաղաքականության խնդրին, Քյամիլ փաշան գրում էր. «Հիմա, այսօր, գոնե Անգլիայի շահերը պահանջում են, որ Փոքր Ասիայի (մենք և Անգլիան «Հայաստան» բառը ոչ միայն չենք ճանաչում, այլև այդ անունը արտասանողների կզակները պետք է ջախջախենք) մեր ունեցած երկրները ազատ մնան օտարի միջամտությունից և միջամտության ամեն առիթներից. ուստի այդ սուրբ նպատակի համար պետք է, և պետական իրավունքը պահանջում է, որ անհետացնենք ամեն մի կասկածելի տարր, որպեսզի ապագան ապահովենք. ուրեմն այդ հայ կողմից ազգը պետք է վերացնենք, անհետացնենք, ճգմենք: Այդ բանը գլուխ բերելու համար մեզ որևէ բան չի պակասում. պատրաստի ունենք ամեն գործիք՝ քուրդ, շերքեզ, կուսակալ, դատավոր, հարկահան, ոստիկան, վերջապես ամեն ինչ. կրոնական պատերազմ կհայտարարենք, և դա հեշտ պատերազմ կլինի այնպիսի մի ազգի դեմ, որը ոչ զենք ունի, ոչ զինվորություն և ոչ պաշտպան: Ընդհակառակը, մենք զենք էլ ունենք, զինվորություն էլ, և, բացի այդ, աշխարհիս ամենամեծ և ամենահարուստ տերություններից մեկը (խոսքը Անգլիայի մասին է. — Չ. Ս.) մեր զինակիցն է, մեր ասիական աշխարհի երաշխավորը»²:

Առաջին անգամ այսպես բացահայտորեն առաջ քաշելով հայությունը հրով և սրով վերացնելու խնդիրը, Քյամիլ փաշան նշում էր, որ այդ դեպքում կվերանա հայկական հարցը, հետևվապես և կայսրության ներքին գործերին եվրոպական տերությունների միջամտության գլխավոր առիթը: «Եվ եթե այդ հայ ազգը բնաջինջ լինի և քրիստոնյա եվրոպան տաճկական Ասիայի

¹ «Փոքր» հանդես, 1879, № 7, էջ 204:

² Նույն տեղը, էջ 204—205:

մեջ կրոնակիրց փնտրի, բայց չգտնի, այն դեպքում մեզ կթողնի հանգիստ և մենք հնարավորություն կունենանք զբաղվելու մեր ներքին գործերով և բարեկարգություններով...»¹

Քյամիլ փաշայի խոսքերից պարզ երևում է նաև, որ թուրքական կառավարող շրջաններում տակավին վաղ էր ձևավորվել այն անհեթեթ և զրպարտչական մտայնությունը, թե Օսմանյան կայսրության բոլոր դժբախտությունների հիմնական պատճառը հայ ժողովուրդն է, հետևապես նրա ոչնչացմամբ կբարելավվեն թուրքերի գործերը: «Այն ժամանակ կարող ենք մեր ձայնը բարձրացնել, այն ժամանակ կարող ենք մեր հին փառքը կենդանացնել, մեր ելմտական վիճակը կանոնավորել, մեր դատարաններն օրինավորել, արհեստներ, գիտություններ ծաղկեցնել, փոխանակ դաս առնելու նվրոպայից, դաս տալ նրան...»²

Հայ ժողովրդի նկատմամբ ծայր առած բռնությունների ծավալման գործոնների շարքում 70-ական թվականների վերջերից ևս մեկը ավելացավ. օսմանյան լուծր թոթափած Բուլղարիայից և եվրոպական մյուս մարզերից մուսուլման բնակչությունը մասսայաբար գաղթում և բնակություն էր հաստատում Ասիական Թուրքիայում: Այսպես կոչված մուհաջիրների այդ հոսանքը սուլթանն ուղղեց Արևմտյան Հայաստան: Հայկական բոլոր վիլայեթները դարձան անլուր կամայականությունների ասպարեզ: Մուհաջիրները հայ շինականներից բռնազրավում էին ունեցվածքը, լավագույն հողերը, մասսայաբար բնակություն հաստատում այնտեղ: Միայն երեք տարվա ընթացքում (1879—1882) Արևմտյան Հայաստանի հայաբնակ վայրերում բնակություն հաստատեցին ավելի քան 78 հազար թուրքեր³:

19-րդ դարի 60-ական թվականներից սկսած Արևմտյան Հայաստանում մշտական բնակություն հաստատեցին նաև տասնյակ հազարավոր ռուսաստանյան մահմեդականներ:

Ջախջախելով իմամ Շամիլի պիտավորած կովկասյան լեռնականների ապստամբական շարժումը, ռուսական իշխանությունները նրանց առջև պայման դրեցին՝ թողնել անառիկ լեռները և Հյուսիսային Կովկասի հարթավայրերում հողաբաժին-

ներ ստանալով մշտական բնակություն հաստատել այնտեղ. հրաժարվելու դեպքում նրանց հրամայված էր հեռանալ Ռուսաստանից:

Իր հերթին թուրքական կառավարությունը, որ ակտիվ աջակցություն էր ցույց տվել լեռնականներին և քաջալերել նրանց ապստամբությունները, այժմ նրանց շրջանում ծավալեց հակառուսական ուժգին պրոպագանդա: Օսմանյան կայսրության դոները լայնորեն բացելով լեռնականների առջև և օգտագործելով իսլամի ռեակցիոն գաղափարախոսությունը, կառավարությունը նրանց կոչ արեց գալ Թուրքիա:

Ռուսական պաշտոնական տվյալներով, Շամիլի կոիվների ընթացքում և հետո Թուրքիա են գաղթել 418 հազար լեռնականներ՝ շերքեզներ, աբխազներ, օսեր, կաբարդիններ, բալկարներ, ինգուշներ, շեչեններ, կարաչաևցիներ, լեզգիներ, ավարցիներ: Լեռնականների Թուրքիա մեկնելու պատճառներից էին նաև ազգային և գաղութային ճնշման ուժեղացումը, ֆեոդալների կամայականությունները, սակավահողության և հողազրկության աճը¹:

Թուրքիա մեկնած կովկասյան մուհաջիրներից 200 հազարն ուղղվեց Արևմտյան Հայաստան՝ գլխավորապես Սեբաստիայի վիլայեթը, մասամբ էլ էրզրումի, Տիգրանակերտի, Բիթլիսի և Վանի վիլայեթները:

Կովկասյան լեռնականների Թուրքիա գաղթելը մի կատարյալ աղետ էր հայության գլխին:

Իրենց հարադատ բնակավայրերը թողած լեռնականները մերկ ու սոված ընկան Արևմտահայաստան: Սկզբնական շրջանում կառավարությունն ինչպես հայ և հույն, այնպես էլ թուրք գյուղացիներին պարտավորեցրեց՝ ոչ միայն ապաստան տալ շերքեզներին, այլև կերակրել ու խնամել նրանց: Բայց շատ շանցած

¹ Տե՛ս Մ. Կ. Աբաև, Балкария. Исторический очерк, էջ 624: Գ. Ա. Дзидзария, Мухаджирство и проблемы истории Абхазии XIX столетия, Сухуми, 1982: Դեպի Թուրքիա լեռնականների գաղթի մասին մանրամասն տե՛ս Ա. Մ. Касумов, Разные судьбы, Нальчик, 1967, Գ. Մ. Кумыков, Казн Атажукни, Нальчик, 1967:

² Թեպետ գաղթած լեռնականները պատկանում էին կովկասյան դանազան ցեղերի և ժողովուրդների, բայց նրանց բոլորին Թուրքիայում անվանում էին շերքեզներ:

¹ «Փորձ», 1879, № 7, էջ 205:

² Նույն տեղը:

³ Ա. Համբարյան, Ազրաբային հարաբերությունները Արևմտյան Հայաստանում, Երևան, 1965, էջ 33:

Թուրք գյուղացիներն ըմբոստացան և հրաժարվեցին կատարել իրենց վրա դրած պարտականությունը: Չերքեզները իշխանությունների ակնհայտ քաջալերանքով սկսեցին կենտրոնանալ քրիստոնյաների, գլխավորապես հայերի բնակեցված շրջաններում, իսկ նրանց վարելահողերը, տիրանալ շարժական և անշարժ գույքին: Սպառազեն շերքեզները շատ անգամ գյուղերից դուրս էին վճռում հայ գյուղացիներին և տեղավորվում նրանց տներում: Այն վայրերում, ուր շերքեզները ոտք էին դնում, անպակաս էին ամենավայրենի բռնությունները, թալանը, սպանությունները:

Գաղթն աղետաբեր էր նաև իրենց՝ շերքեզների համար: Թուրքիայի խարդախ դավերը, նրա թիկունքում կանգնած արևմտյան տերությունների մեքենայությունները շատ թանկ նստեցին կովկասյան մուհաջիրների վրա: Խաբեություն և բռնության զոհ դարձած դժբախտ լեռնականներից շատերը մեռան ճանապարհներին, տեղ հասածները խոստացած դրախտի փոխարեն օտարություն, աղքատություն ու զրկանք տեսան: Մյուսները Թուրքիայից տուն էին վերադառնում քայքայված, հյուծված, երբեմն էլ ընտանիքի անդամների մի մասը կորցրած:

Կովկասյան լեռնականների մեծ զանգվածներով հոսքը Թուրքիա ըստ էության խաղաքարտի վրա դրեց այդ ժողովուրդների բուն ֆիզիկական գոյությունը: Չնայած Թուրքիայում հաստատված շերքեզները վայելում էին սուլթանական կառավարության հովանավորությունը, բայց, շունենալով ազգային որոշակի դիմագիծ և ինքնուրույն մշակույթ, նրանք շատ շուտով ձուլվեցին Թուրքերին: Այնպես որ երեք-չորս տասնամյակ հետո մոտ կես միլիոնի հասնող այդ խոշոր բազմությունից մնացել էին միայն փոքրիկ խլիականեր:

Մյուս կողմից լեռնականների գաղթը մեծ հարված էր Հյուսիսային Կովկասի, Դաղստանի, Աբխազիայի սոցիալ-տնտեսական և կուլտուրական զարգացմանը: Բավական շատ էին այն գեպերը, երբ Թուրքիա մեկնելու նպատակով լեռնականները շնչին գնեցրով վաճառում էին ողջ ունեցվածքը, սակայն ինչ-ինչ պատճառով ետ էին կանգնում իրենց մտադրությունից՝ բայց արդեն լիակատար աղքատության դուռը հասած:

Լեռնականների շրջանում հանդես եկած առաջադեմ գործիչները ցույց էին տալիս գաղթողների ողջ ողբերգությունը, դատապարտում իրենց իշխանների և սպանվածների թուրքամետ

կողմնորոշումը, մերկացնում Թուրքական պրովոկատորների և գործակալների կործանարար գործելակերպը, ամեն ինչ անում, որպեսզի իրենց խաբված հայրենակիցները իմանան ճշմարտությունը և հրաժարվեն Թուրքիա մեկնելու մտադրությունից¹:

Առաջավոր այդ մարդկանց գործունեությունը հսկայական դրական նշանակություն ունեցավ իրենց ժողովուրդների համար: Կովկասում մնացած լեռնականները, որոնց շարքերը խիստ նոսրացել էին, ամուր կապված մնացին հարազատ լեռներին, դրանով իսկ պաշտպանելով իրենց ֆիզիկական գոյությունը:

Հայ ժողովրդի գլխին եկած բազում դժբախտություններին գումարվում էին խաշնարած և զինված քրդերի շղաղարող հարստահարումներն ու բռնագրավումները:

Թուրքիայի քրդերն իրենց թվաքանակով զգալի չափով զիջում էին Թուրքահայերին²: Սակայն վայելելով սուլթանների, երկրի կառավարիչների բարեհաճ վերաբերմունքը, զինված կատարելագործված զենքերով, նրանք թափանցեցին Արևմտյան Հայաստանի սահմաններից ներս: Քրդական հետամնաց խավերը Թուրք կառավարողների ձեռքին հարմար գործիք էին իրենց հայաջինջ քաղաքականությունն իրականացնելու համար: Թուրքական իշխանությունները մի շարք միջոցների դիմեցին, որպեսզի հայերն ավելի հոծ զանգվածներով թողնեն ու հեռանան հայրենի երկրից:

Դեռևս 60—70-ական թվականներին Արևմտյան Հայաստանից ծայր առած պանդխտության հետևանքով շատ տեղերում հողը զրկվել էր մշակողից: Կառավարությունը կյանքի կոչեց խարդախ մի օրենք, որի համաձայն այն հողատարածությունները, որոնք մի քանի տարի շարունակ մնում էին անմշակ, համարվում էին մահչուլ (անտեր) և շնչին գնով վաճառվում էին մահմեդականներին, նրանց տալով նաև կալվածատիրական արտոնագրեր: Նույն կերպ էին վարվում նաև վանքապատկան կալվածքների հետ: «Օրենքի համաձայն» հայերի կալվածքների և արտատվայրերի մեծ մասն ուղղակի բռնագրավվեց: Ամռան

¹ Տե՛ս «Общественно-политическая мысль одыгов, балкарцев и карачаевцев в XIX — начале XX века (Материалы конференции 28—29 марта 1974 года)», Нальчик, 1976, էջ 141—142, 233, 258—259, 270:

² 20-րդ դարի սկզբին Թուրքիայում քրդերի թիվը հաշվվում էր 1—1,5 միլիոն, իսկ Պարսկաստանում՝ 800 հազար:

ամիսներին քրդերն իրենց հոտերով բարձրանում էին հայկական արոտավայրերը, դրանք հետզհետե դարձնում իրենցը¹։ Այդ երևույթը գնալով մասսայական բնույթ ընդունեց։ Լեռնային բարձր արոտավայրերը գրավելուց հետո քրդերն իջան դաշտային շրջաններ։ Դրեթե ամենուրեք և ամեն օր քուրդ ցեղապետերը, աղաները, դերեթեյները, ապա՝ մուֆթիները, շաղիները գրավում էին հայերի հոտերը, այգիներն և դաշտերը, տները և դյուղերը։ Այս ապօրինությունների հետևանքով պանդխտությունից վերադարձած և տուանց հողի մնացած հայ գյուղացիները, ինչպես նաև պանդխտության չմեկնած, բայց թալանված ու աղքատացած հայ բնակչությունը վերածվում էին մարաբաների (բատրակներին, ճորտերին)։ Արդեն հողագործի դարձած հայ գյուղացիներն ամենափոքր դիմադրության համար հաճախ կյանքով էին հատուցում։ Որոշ տեղերում հայերը կատարելապես ստրկացվում էին և ձուլվում քրդերին։ Բազմաթիվ վայրերից ծայր էին առնում գաղթականների նոր զանգվածային քարավաններ։ Հայը ստիպված թողնում էր հարազատ երկիրը, քրդին զիջելով տունը, այգին, արտը, արոտավայրերը։ Հայ աղջիկներին հափշտակումը մասնագրականների համար սովորական բան էր դարձել։

Այնպես որ 19-րդ դարի կեսերին կենտրոնական Հայաստանի լեռներն արդեն քրդերի ձեռքին էին։ Դարի վերջին Արևմտահայաստանի լեռների զգալի մասը քրդաբնակ էր, քաղաքները՝ կիսով չափ թուրքաբնակ, համեմատաբար զուտ հայկական էին մնացել լեռների ու քաղաքների միջև եղած հովիտներում ընկած գյուղերը։

Ստեղծված պայմաններում դժբախտ ժողովուրդը երեք ընտրություն ուներ՝ լիովին հարմարվել ստեղծված ստրկական իրավիճակին։ Թողնել հայրենի երկիրն ու հեռանալ օտար հորիզոններ. ազատության համար դիմել վեճքի։ Համակերպվել այդ վիճակին անհնարին էր։ Հայրենի բնաշխարհից հեռացողների թիվն էլ քիչ չէր։ Բայց հայ ժողովրդի կենսունակ մասը, հատկապես երիտասարդությունը, արմատապես տրամադրվեց իր անագուրույն ներկայի և ապագա բախտի հանդեպ։

¹ Տե՛ս Սարգիս և Միսակ Բղևաններ, Հարազատ պատմություն Տարոնոյ, էջ 9։

² Տե՛ս Голобородько (И. Южанин), Старая и новая Турция, էջ 229։

1877—1878 թվականները և դրանց հաջորդած երկու-երեք տարիները նոր ընթացք տվեցին հայ ժողովրդի ազատագրական ոգորումներին։ Ռուս-թուրքական պատերազմի ժամանակ ազատության կարճատև պահեր այրած արևմտահայությունը, որ կարծես շոշափել էր այդ ազատությունը և երազել ապագա բախտավոր օրերի մասին, ավելի ուժգին էր դրում գաղանային ձևեր ընդունած նոր ոճիկները։ Այս պայմաններում կարճատև ժամանակում սպառվեց արևմտահայ հասարակական-քաղաքական մտքի ուժանտիղմի շրջանը։ Եկավ պատրանքապատ մտայնություն և անհող ակնկալությունների վերջը, որոնց սնուցող երակն այն թյուր տեսակետն էր, թե բացառված չէ խնդրանքներով ու պաղատանքներով Թուրքիայի կազմում հայության օգտին բարեփոխումների հասնելը։

Իրենց պատիվն ու ինչքը պաշտպանելու համար հայերը սկսեցին հակադարձ միջոցների դիմել։ Հրացանը զայիս էր փոխարինելու աղաչանքին։ Սկսվում էր հայ ժողովրդի սրբազան դատի համար պայքարի՝ ազգային-ազատագրական շարժման ժամանակաշրջանը¹։ Դայլից պաշտպանվելու համար պետք էր գավազանի դիմել։

¹ Հայ ժողովրդի ազգային-ազատագրական շարժման պատմության շարքերին հանգամանորեն անդրադարձել են բազմաթիվ ուսումնասիրողներ ինչպես մեզ մոտ, այնպես էլ արտասահմանում։ Առաջիններից մեկը մեծավաստակ Առն էր (Առաքել Բաբախանյան)։ Արժեքավոր աշխատություններով հայագիտությունը հարստացրած տաղանդալատ պատմաբանը, սակայն, առանձին ուսումնասիրություններում՝ «Թուրքահայ ճեղագիտության գաղափարաբանությունը» երկհատոր մենագրության մեջ (հատոր I, Փարիզ, 1934 թ., հատոր II, Փարիզ, 1935 թ.), «Անցյալից» (Թիֆլիս, 1925), «Հայոց պատմություն». նորագույն շրջան» (անտիպ) գրքերում տուրք տվեց ժամանակի պատմագիտության մեջ տեղ գտած մի շարք սխալ միտումների։ Կանգնած լինելով լիբերալ-բուրժուական, սուրյեկտիվ-իդեալիստական պատմահայեցողության դիրքերում, նա անկարող եղավ ճիշտ լուսաբանելու հայ ժողովրդի ազգային-ազատագրական շարժման առանձին շարքեր։ Ավելին, դատապարտելով շարժումը, այն համարեց հայ քաղաքական կուսակցությունների կողմից արհեստականորեն հրահրված մի բան, ուսական ցարիզմի արտաքին քաղաքականության սաղրանքների հետևանք։ Լեռն փորձում էր հիմնավորել այն անընդունելի տեսակետը, թե Արևմտյան Հայաստանի հայ բնակչությունը սկամայից պետք է համակերպվեր իր ստրկական վիճակին, մերվեր անագորույն հակաազգրին, շվետք է ինքնապաշտպանության դիմելու։ Նա գտնում էր, որ իրենք՝ արևմտահայերը, բնավ տրամադիր չէին զենք վերցնելու և որ նրանց այդ բանին են դրդել արևելահայերը։

Հայ ժողովրդի ազգային-ազատագրական շարժման պատմության գի-

Այդ տարիների իրադարձություններն իրենց հողմապտույտի մեջ առան նաև Արևելյան Հայաստանը: Արևմտահայության վզին դրված թուրքական անագորույն լուծը դեն շարտելուն սատարեց և նրա ազատագրական պայքարն իր հարազատ գործը համարեց ռուսահայությունը:

Գիտակցելով, որ միայնակ չեն կարող շահել կոնվըր, արևմտահայերը գործնական օգնություն էին սպասում կովկասահայերից: Նրանք իրենց կովկասցի եղբայրակիցներին խնդրում էին զենք տալ հանուն ինքնապաշտպանության, հանուն ազատության պայքարի: Եվ կովկասահայերը չհապաղեցին: Անձնագոհության աննախադեպ օրինակներ էր տալիս երիտասարդությունը, կազմվում էին հայդուկային ջոկատներ, որոնք թափանցում էին Արևմտահայաստան, իրենց հետ բերելով հույս և ոգևորություն:

Կովկասահայ գրողներն ու մտավորականության այլ ներկայացուցիչներ, գալով Արևմտյան Հայաստան, տեսնում էին իրենց ազգակիցների վիճակը, ընթերցողներին պատմում նրանց դառն ճակատագրի, թուրքական դաժան լծի տակ նրանց անեզր տվալտանքների մասին:

Արևմտահայաստանում սկսված ազատագրական շարժման և թուրքական բռնակալության տակ հեծող իր եղբայրների նկատմամբ կովկասահայության բուռն համակրանքի հողի վրա ձևավորվեց հայ ժողովրդի ազգային-ազատագրական շարժման գաղափարաբանությունը, որի սկզբնավորողը ռուսահայ առաջադեմ մտավորականությունն էր:

Ազատագրական շարժման գաղափարախոսությունն ըստ

տական մշակման գործում հստակապես մեծ են ակադեմիկոսներ Աշոտ Հովհաննիսյանի, Արզար Հովհաննիսյանի և Մկրտիչ Ներսիսյանի ծառայությունները: Ըստ էության նրանք են մշակել նաև մարքսիստական-լենինյան դիրքերից այդ շարժման ուսումնասիրության կոնկրետ մեթոդները: Եթե նկատի ունենանք, որ շարժման պատմությունը դեռ շատ մոթ ծալքեր ունի, ապա գիտական պորբլեմներին նրանց մշակած մեթոդներով մոտեցումը մեծապես հեշտացնում է ներկա և գալիք հետազոտողների գործը: Շարժման պատմության լուսարանմանը արժեքավոր աշխատություններ են նվիրել ակադեմիկոսներ Ս. Պ. Աղայանը, Գ. Ա. Գալոյանը, Գ. Բ. Ղարիբջանյանը, պրոֆեսորներ Մ. Վ. Արզումանյանը, Զ. Տ. Գրիգորյանը, Հ. Գ. Ինճիկյանը, Հ. Ն. Կաբալետյանը, Զ. Ս. Կիրակոսյանը, Ա. Ն. Մնացականյանը, Ա. Ս. Համբարյանը, Ա. Հ. Հարությունյանը, Շ. Ռ. Հարությունյանը, Հ. Մ. Ղազարյանը, Վ. Ա. Պարսամյանը, Հ. Մ. Պողոսյանը, Ե. Ղ. Սարգսյանը, Ռ. Փ. Հովհաննիսյանը և ուրիշներ:

էության երկու անմիջական նպատակ էր հետապնդում: Առաջին, հայ ժողովրդի մեջ խորացնել սերը և նվիրվածությունը Ռուսաստանի, ռուս ժողովրդի հանդեպ: Ռուսաստանի կազմի մեջ մտնելուց հետո հայ ժողովրդի պատմական ճակատագրում տեղի էր ունեցել արմատական շրջադարձ: Ժողովրդի ազգային հարցը լուծվել էր այն առումով, որ նա ոչ միայն փրկվել էր ֆիզիկական ոչնչացման վտանգից, այլև բռնել էր տնտեսական և կուլտուրական աստիճանական վերելքի ուղին: Դա հայ ժողովրդի՝ դարերից եկող ռուսական կողմնորոշման գաղափարի հաղթանակն էր: Այժմ հայ հասարակական-քաղաքական մտքի գլխավոր մտահոգությունը թուրքական լծի տակ տառապող հայության ֆիզիկական գոյության պահպանումն էր, նրա՝ որպես ազգային հավաքականության փրկությունը: Օրինակն արդեն կար և այն շափազանց ոգևորիչ էր. Ռուսաստանը ձեռք էր մեկնել հայ ժողովրդի մի կործանելիղ հատվածին, նրան ազատել պարսիկ զվլբաշների բռնադատումից:

Հայ ազատագրական շարժման գաղափարախոսության երկրորդ գլխավոր խնդիրն արևմտահայության հոգեբանության արմատական վերափոխումն էր: Թուրքական դարավոր բռնակալությունը խաթարել էր ժողովրդի ազգային գիտակցությունը, կտորել նրա կորովը, պատվաստել շարին շղիմադրելու, ուժեղին հնազանդվելու արատները: Հարկավոր էր հայ ժողովրդի միջից հանել ստրկամտության ախտը, թոթափել նրա դարավոր թմբիրը, սթափեցնել անտարբերության նիրհից, բացել աչքերը, ինքնագիտակցության բերել, վստահություն ներշնչել սեփական ուժերի նկատմամբ: Պետք է ընդգրկմանալ բոնությունը՝ մարդկայնորեն ապրելու բնական իրավունք ձեռք բերելու համար. այս էր եզրակացությունը:

Խաչատուր Աբովյանն (1809—1848) իր «Վերք Հայաստանի» վեպով առաջինը սկիզբ դրեց ազգային վերածնության գաղափարին: Ժամանակակիցներից ոչ մեկն այնպիսի խորությամբ չըմբռնեց մեծ Ռուսիայի հետ Արևելյան Հայաստանի միավորման պատմական նշանակությունը, ինչպես Աբովյանը: Ավելին, նա ռուսական տիրապետությունը դիտում էր իբրև հայության տենչանքները պսակող մի հանգամանք, իբրև մի հանգրվան հայկական հարազատ պետականության վերականգնման ճանապարհին: Անդրադառնալով ռուսական զորքերի կողմից Երև-

վանի ազատագրման պատմական նշանակությունը, Աբովյանը գրում էր. «Քանի Հայաստանն իր փառքը կորցրել էր, քանի հայք իրանց զլուխն էին թրի տեղ թշնամու ձեռքը քցել, էս օրը, էս ուրախությունը չէին տեսել, չէին վայելել»¹:

Աբովյանը քաջ գիտակցում էր, թե հայ ժողովրդի համար ինչ մեծագույն բարիք էր պարսկական բիրտ լծից ազատագրվելը և Ռուսաստանի հետ միավորվելը:

Նա ըմբռնում էր, որ Ռուսաստանը ազատագրական առաքելություն ունի ոչ միայն հայ ժողովրդի, այլև ուրիշ ժողովուրդների նկատմամբ:

Ի՞նչ պետք է անի Ռուսաստանի կազմի մեջ մտած հայությունը: Աբովյանը պատասխանում էր. նոր պայմաններում նա պետք է առավելագույնս օգտվի ստեղծված կացություններից, կազդուրվի անարդ լծի վերքերից, ռուս ժողովրդի հետ միասին ընթանա առաջադիմության ուղիներով: Նա հայ մարդուն պատվիրում էր՝ «... ռուսաց հզոր քաջ ձեռքի տակին» հանգրստություն ստանալուց հետո ազատություն ստացած քո երկրին «մուղայիթ կենաս, արյունդ թափես, քո ազգը պահես, քեզ անուն ճարես»²: «Ազգը պահելու» հիմնական պայմանը նոր պայմաններում նա համարում էր ազգասիրությունը, հայրենասիրությունը, մայրենի լեզվի պահպանությունն ու զարգացումը: Դիմելով հայ մատաղ սերնդին, Աբովյանն ասում էր. «Երեխեք, ձեր ջանին մեռնիմ, ձեզ եմ ասում իմ դարդը, ձեզ համար եմ գրում, ձեր երեսին դուրբան. հողումն էլ ըլիմ, եկեք, վրես կանգնեցեք. թե ազգասիրությունն ու հայրենասիրությունը ձեզ վնաս տա, անիծեցեք ինձ, թե օգուտ՝ օրհնեցեք և լսեցեք ձեր ընկերների լացն ու սուգը, նրանց հորըմոր կսկիծն ու ձեր հորըմոր ծոցումը դինջ հանգստանալիս՝ ասածներս մտքներդ բերեք»³: Ապա՝ «Մեկ ազգի պահողն էլ լեզուն ա ու հավատը, թե սրանց էլ կորցնենք, վայն եկել ա մեր օրին»⁴: «... Լեզուդ փոխիր, հավատդ ուրացիր, էլ ընչո՞վ կարես ասիլ, թե ո՞ր ազգից ես: Ինչ քաղցր, պատվական կերակուր էլ տաս երեսին, էլի իր

մոր կաթը նրա համար շաքարից էլ ա անուշ, մեղրից էլ»⁵: Ուստի նա կոչով դիմում էր հայոց նոր սերնդին. «Ձեզ եմ ասում, ձեզ, հայոց նորահաս երիտասարդք, ձեր անումին մեռնիմ, ձեր արեվին դուրբան. տասը լեզու սովորեցեք, ձեր լեզուն, ձեր հավատը դայիմ բռնեցեք»⁶:

Թուրքական անագորույն լծի տակ տառապող հայության համար իբրև կոչ էր հնչում մեծ հայրենասերի հետևյալ խոսքերը. «Անտեր երկրի, անօգնական ազգի կամ անձար մարդի ցավն ո՞վ կքաշի, թե ինքը չքաշի»⁷: «Թուր որ շունիս՝ գլուխդ կտրում են, օղուշաղդ քաշում, կերածդ հարամ անում, դատածդ խլում, քեզ էլ եսիր անում. աշխարհքն էսպես ա, ի՞նչ կարաս անիլ: ... Աղոթքն իր տեղը, թուրն՝ իրը: Աստված դշին, հայվանին էլ յա շանգ ա տվել, յա պոչ, յա ատամ, որ շանգոի, հարու տա, կծի, իր զլուխը պահի»⁸: Աբովյանն այն միտքն էր անցկացնում, թե ազգը չի կարող հարգանք ներշնչել ուրիշ ժողովուրդների, եթե նա շունի արժանապատվության խոր զգացում, գլխահակ է օտարի սրի առջև, հաշտ է նրա կրնկին, որ եթե դարավոր թըշնամիները անպատիժ ամեն ինչ անում են, ապա «... մեղավորը նրանք չեն, մենք ենք: Մենք, որ իրար թասիբ քաշենք, իրար քոմակ անենք, իրար պայծառացնենք, շենացնենք, ծովն էլ տեղիցը վեր կենա մեզ տակով չի կարալ անիլ, ինչ թե օսմանցին, յա պարսիկը...»⁹

Հայ հասարակական-քաղաքական մտքի հետագա ամբողջ զարգացումը գնաց ժողովրդի մեծ զավակի թողած պատգամների, նրա ռուսասեր հայացքների հզոր ազդեցության ներքո:

Իր ստեղծագործություններում պաշտպանելով ու զարգացնելով համընդհանուր աշխատանքի և նրա արդյունքներից հավասարապես օգտվելու տեսակետը, հայ առաջին սոցիալիստ Միխայել Նալբանդյանը (1829—1866) դրանից մակարերել էր հայոց ազատության գաղափարը: Նրա «Ազատություն» բանաստեղծությունը բոլորի շուրթերին էր⁶, իսկ հայրենիքի ազատության համար իր եղբորը կրակի դաշտ ուղարկող իտալուհու

¹ Խաչատուր Աբովյան, Երկեր, Երևան, 1984, էջ 228—229:

² Նույն տեղը, էջ 204:

³ Նույն տեղը, էջ 142:

⁴ Նույն տեղը, էջ 103:

⁵ Նույն տեղը, էջ 77:

⁶ Տե՛ս Միխայել Նալբանդյան, Երկեր, Երևան, 1985, էջ 19—20:

¹ Խաչատուր Աբովյան, Երկեր, Երևան, 1984, էջ 228—229:

² Նույն տեղը, էջ 204:

³ Նույն տեղը, էջ 142:

⁴ Նույն տեղը, էջ 9:

մասին նրա շքնաղ բանաստեղծությունը երգի էր վերածվել և դարձել արևմտահայ ազատագրական շարժման հիմնը¹:

Նմենայն տեղ մահը մի է,
Մարդ մի անգամ պիտ մեռնե.
Բայց երանի՞, որ յուր ազգի
Ազատության կրղոճվի:

Նալբանդյանը նույնպես Ռուսաստանի մեծ շատագովն էր: Լինելով ժամանակի ռուս առաջադիմական հասարակական մտքի ներկայացուցիչները՝ Բելինսկու, Գերցենի, Ջերնիշևսկու, Դոբրոլյուբովի, Օգարյովի գաղափարակիցն ու գինակիցը, Նալբանդյանը տեսնում էր երկու Ռուսաստան՝ ցարի ու կալվածատերերի և շահագործվող ու հարստահարվող ժողովրդական Ռուսաստանը: Նա վերջիններիս ազատագրական շարժման հետ էր կապում Ռուսաստանի լուսավոր ապագան, իսկ Ռուսաստանի կազմի մեջ գտնվող բոլոր ժողովուրդների, այդ թվում հայ ժողովրդի սոցիալական և ազգային ազատագրությունը կապում էր հզոր ու անպարտելի Ռուսաստանի վերածնության հետ: «Ռուսիո մեջ խմուրված ազատությունը,— գրում էր նա,— համարձակ կառելի է մադեղկային ազատություն անվանել, վասնզի ազատությունը հողի վրա կհիմնվի, քանզի ոչ միայն ինքը ռուսը կուզե իր ազատությունը, այլև կքարոզե, թե ինչպես, Ֆինլանտիա, Փոքր Ռուսիա (15 միլիոն ժողովուրդ), Կովկաս, Վրաստան և Հայաստան պետք է որ ազատ ըլլան... Ռուսիո ազատությունը ընդհանուր մարդկության ազատության վերաբերմամբ մեծ խորհուրդ ունի...»²

Դեպի Ռուսաստան գաղափարական-քաղաքական կողմնորոշման նման ավանդույթների ու պատգամների ուժգին ազդեցության տակ էր ձևավորվում հայ ժողովրդի ազատագրական շարժման գաղափարաբանությունը:

Ռուսաստանի օգնությամբ թուրքական լծից հայ ժողովրդի ազատագրության ջերմ երկրպագուներից էր Ստեփանոս Նազարյանցը (1812—1879): «Հյուսիսափայլում» լույս ընծայած «Հայերի կոշումը մարդկության մեջ» հոդվածում նշելով, որ նրանց քաղաքական ձգտումներն անձնավորվում են Ռուսաս-

տանի կազմում, Նազարյանցը գրում էր. «...Հայերը ճշմարտապես և իրավացի շնորհակալ են Ռուսաստանին, որ ազատել է նորանց մի անտանելի, անարգական ստրկությունից և բացել է նոցա առջև մի նոր քաղաքական կեանքի ասպարեզ: Բայց թող մեր հայերը ճանաչեն յուրեանց մեծ բարերարի շնորհը և գործ դնեն նրան արժանապես, ամենայն պատրաստութեամբ և յոժարությամբ ընդունելով Ռուսաստանի ձեռքից եվրոպական լուսավորութեան թանկագին պարգևը և ավանդելով յուրեանց ազգին այնպիսի կերպով, ինչպես կարող էր դա օրհնաբեր լինել հայերին»¹:

Նազարյանցը գտնում էր, որ հայերը չպետք է բնավ մոռանան, որ ռուս վեհապետները, մանավանդ Պետրոս Մեծը և Եկատերինա II-ը հյուրընկալում էին Ռուսական կայսրության սահմաններից ներս ապաստան փնտրող տարաբախտ հայորդիներին, նրանց թույլ էին տալիս ստեղծել ապրելու տանելի պայմաններ: Դրա վկայությունը, ասում էր Նազարյանցը, ռուսական տարբեր քաղաքներում եղած և այսօր էլ իրենց գոյությունը դեռ պահող հայկական գաղթօջախներն են:

«Ազգային մտածությունը» հոդվածում նշելով, որ հայ ժողովուրդն իր պատմական բախտը հավերժ կապել է Ռուսաստանի հետ և որ հայության և Ռուսաստանի շահերը իրար միաձուլված են, Նազարյանցը գրում էր, որ ներքին կյանքում կամ արտաքին ճակատի վրա Ռուսաստանի ձեռք բերած ամեն մի հաջողություն հայ ժողովրդի հաջողությունն է, ընդհակառակը, նրա անհաջողությունը կամ պարտությունը հայ ժողովրդի անհաջողությունն ու պարտությունն է: «Հայերս... ունեմք նոյն օգուտը և վնասը, ինչ որ ունի թագավորություն (ռուսաց:— Հ. Ս.) ներքուստ և արտաքուստ»²:

Հայ ազատագրական շարժմանը հզոր լիցք էր հաղորդում Ռաֆայել Պատկանյանի (1830—1892) մարտական պոեզիան: Բանաստեղծը գովերգում էր ազատ ու անկախ Հայաստանը, նրա սքանչելի բնությունը, մարդկանց: «Արաքսի արտասուքը» հիշեցնում էր անցած-գնացած վաղնջական դարերի ազատ Հայաստանը, երբ Արաքսն իր ժիր ու կայտառ ալիքներով ուրախություն էր բերում երջանիկ հային: Այժմ գետը ողբում էր իր ժողովրդի

¹ Տե՛ս Միքայել Նալբանդյան, Երկեր, էջ 33—36:

² Նույն տեղը, էջ 480:

¹ «Հյուսիսափայլ», 1859, հունվար, էջ 12:

² «Հյուսիսափայլ», 1864, մարտ, 227:

ստրկական վիճակը: Նրա ափերը, նրա կանաչապատ մարգագե-տիններն ու այգիները նամազի վայր էին դարձել թուրքերի հա-մար: Պոետին տանջում էր հարազատ ժողովրդի դժբախտ վի-ճակը: Նա հակաբանական էր համարում հայության լուռ համա-կերպությունը օտարի լծին, նրա անեզր համբերությունը: «Վար-դանի երգը» բանաստեղծությունում հորձանք են տալիս Պատ-կանյանի հայրենասիրական գրադյունքները.

«Հիմի է՛լ լուենք, եզբարբ, հիմի է՛լ,
նրբ մեր թշնամին իր սուրն է դրել,
Իր օրհասական սուրբ մեր կրծքին,
Ականջ չի դնում մեր լաց ու կոծին.
Ասացե՛ք, եզբարբ հայեր, ի՞նչ անենք,—
Հիմի է՛լ լուենք»¹:

70—80-ական թվականների հայ ժողովրդի ազգային-ազա-տագրության խոշորագույն գաղափարախոսը Գրիգոր Արծրունին (1845—1892 թթ.) էր, որն այդ տարիներին հայ հասարակական գործիչների թվում ամենահեղինակավոր զեմքն էր:

1872 թվականի Նունվարին Գր. Արծրունին լույս բնծալեց և սկսեց խմբագրել «Մշակ» թերթը, որի շուրջը համախմբվեցին երիտասարդ տաղանդավոր գրողներ: Թերթի աշխատակիցներից էին Բաֆֆին, Արփիար Արփիարյանը, Մկրտիչ Փորթուգալյանը և ուրիշներ, որոնք իրենց նվիրել էին ժողովրդի լուսավորու-թյան, նրա մեջ քաղաքական կյանքի նկատմամբ հետաքրքրու-թյուն սերմանելու գործին: Այդ գրողները «Մշակի» էջերում պսակազերծում էին կովկասահայ կյանքի արատները, բազմա-թիվ թղթակցություններում և ուսումնասիրություններում ցույց տալիս կովկասահայերի համակրանքը թուրքիայում հարստա-հարվող իրենց եղբայրների և բույրների նկատմամբ²: Ինքը՝ «Մշակի» խմբագիրը գտնում էր, որ արևմտահայությունը թուր-քական լծից կարող է ազատագրվել միայն ու միայն Ռուսաս-տանի օգնությամբ, ռուսական զենքի ուժով:

«Մշակում» սկսեցին լույս տեսնել տաղանդաշատ Բաֆֆու (1835—1888) պատմվածքները, վիպակներն ու վեպերը, որոն-

ցից շատերում նա պատմում էր բարբարոս թշնամիներից գեր-ված ու հարստահարված արևմտահայության դառն կյանքի մա-սին, միաժամանակ խթանում տառապող ժողովրդի ազգային զարթոնքը, բորբոքում հայրենասիրության կրակը, հայ երիտա-սարգույնները բացահայտ պայքարի մղում թուրքական բրո-նապետության դեմ: Իր ստեղծագործություններով Բաֆֆին եր-կար ժամանակ իշխում էր հայ հասարակության տարրեր խա-վերի հողու և մտքերի վրա:

«Վայժեր» վեպում Բաֆֆին նկարագրում է մի խումբ երի-տասարդ հայ հեղափոխականների պայքարը թուրքական կառա-վարության դեմ:

«Ջալալեղդին» վիպակի (1878 թ.) գլխավոր հերոսը՝ Սար-հատը, դաժանորեն պատժում է թուրքերի հասցրած վերքերից արդեն մահացող հարազատ հորը, անիծում նրան և նրա հետ միասին հայ հին սերնդին, որ համաներպվել էր ստրկության հետ, համարձակություն չունեի զինվելու և կովի կննելու ինք-նապաշտպանության համար: Որդին նախատում է նրան այն բա-նի համար, որ նա մշտապես քարոզել է՝ հնազանդ լինել շա-րին (ասել է թե՛) շարագոթձի ձեռքը եթե շես կարող կտրել, ուրեմն պետք է համբուրես և զնես զլիխդ), նրա ամենադաժան արարչներին անզամ պատասխանել բարությունք («Մենք հայեր ենք, մեր գլուխը պետք է միշտ ցած ծռած լինի, մեր լեզուն միշտ մունջ պետք է լինի և մեր ձեռքը պետք չէ, որ բարձրանա օտարի գլխի վրա...»): Պապերի ստրկական խոնարհության հա-մար գայլույթով նոյնիլով նրանց հիշատակը, Սարհատը միա-ժամանակ վճռականապես բմբոստանում է «հալածողի ոտները լիզելու»² մտայնության դեմ: Նա համազգային ողբերգություն է համարում «հայրենիքի գերեզմանական անշարժությունը»³: «Ջա-րի հետ պետք է շար լինել, բարիի հետ՝ բարի»,— ասում է նա: «Եվ ո՞վ կարող է օգնել մի ժողովրդի, որ ինքն իր ձեռքով է սրում թշնամու սուրը: Ավելի քան բռնակալը, մենք ինքներս մեզ հա-մար պատրաստեցինք ստրկության շղթաները... նրանց զարբ-նեցին մեր պապերը և կաշկանդեցին պավակներին: Եվ թող անիծյալ լինեն նրանք... որ խլեցին մեզանից ամեն մի երկաթի

¹ Բաֆայել Պատկանյան, Երկերի ժողովածու, հ. II, Երևան, 1964, էջ 27:
² Տե՛ս և. Մալումյան, Մտքի մշակը. Գրիգոր Արծրունու գրական գործու-նեություն 25-ամյակի առիթով, Թիֆլիս, 1890:

¹ Բաֆֆի, Երկերի ժողովածու, հ. IV, Երևան, 1984, էջ 24:

² Նույն տեղը:

³ Նույն տեղը, էջ 37:

կտոր և մի դանակ էլ չթողեցին մեզ մոտ...»¹ «Ջալալեդդինի» հերոսներից մեկ ուրիշը, դիմելով հայրերին ու պապերին, ասում է. «Եթե դուք այս վանքերի տեղը, որոնցով լիքն է մեր երկիրը, բերդեր շինեիրք. եթե դուք սուրբ խաչերի և անոթների փոխարեն, որ սպառեցին ձեր հարստությունը, զենքեր գնեիրք. եթե դուք այն անուշահոտությանց տեղ, որ խնկվում են մեր տաճարներում, վառող ծխեիրք, այժմ մեր երկիրը բախտավոր կլիներ: Այլևս քուրդերը մեր երկիրը չէին քանդի, մեր որդիքը չէին կոտորի և մեր կանայքը չէին հափշտակի...»²

Ինքնապաշտպանական պայքարի դուրս գալու անհրաժեշտության մասին «Ջալալեդդինում» արտահայտած մտքերը Բաֆֆին շարունակում է «Խենթի» վեպում (1880 թ.): Վեպի հերոսներից Հայրապետը ցավով նշելով, որ հայ ազգը անմիաբան է, ասում է. «...Քանի մենք այդպես կլինենք, մեր վիճակը միշտ անբախտ կմնա... Մեր գլխին կտան, մեր երեսին կթքեն, մեր կիներ, մեր աղջիկը, մեր ապրանքը, մեր հողը մեր ձեռքից կխլեն... և մենք ստիպված կլինենք համբերել ամեն տեսակ անպատվությունների, ամեն տեսակ շարշարանքների, և մի ողորմելի գրաստի նման պետք է մեր թշնամու համար աշխատենք, որ նա գո՛հ և բախտավոր ապրի: Իսկ մենք պիտի փառք տանք աստրծուն, որ գոնե խնայում են մեր կյանքին, գոնե թույլ են տալիս մի չնչին զեռունի նման քարշ գալ երկրի վրա...»³

Ստրկությանը համակերպվելու բարոյախոսությունը զայրույթով մերժող Բաֆֆին խոր վիշտ էր ապրում այն բանի համար, որ դեռ շատ «փոքր է սարճատների թիվը»⁴: Բայց հուսադրողն այն էր, որ Սարճատը և նրա ընկերները արդեն անվերադարձ ընտրել էին հայրենիքի ազատության համար պայքարի փշոտ ճանապարհը:

Արևմտահայ ժողովրդի տառապալից կյանքի սև պատտառի վրա առկայծում էր ապագա ազատ Հայաստանի կերպարանքը: «Խենթի» գլխավոր հերոս Վարդանի (Խենթ) երազում գալիք 200 տարվա հեռավորությունից հայտնվում է այդ Հայաստանը՝ «բոլորովին կերպարանափոխված, բոլորովին վերանորոգված»՝ կա-

ռավարման դեմոկրատական համակարգով, համալսարաններով ու թանգարաններով, համայնական ֆաբրիկաներով և գործարաններով⁵:

Ազատության երգիչների ստեղծագործությունները հայերի, հատկապես աշխատավորների՝ գյուղացիների, արհեստավորների ու բանվորների համար ազդեցիկն վերածնության ճանապարհին ողելնշման անսպառ աղբյուր էին:

Հայ ժողովրդի ազգային-ազատագրական շարժման գաղափարախոսության ձևավորման ժամանակաշրջանին է վերաբերում նաև հայության հետ քրդերի մերձեցման, հայ-քրդական դաշինքի ստեղծման ուղղությունները հայ մտավորական, հասարակական-քաղաքական գործիչների կատարած առաջին լուրջ փորձերը: Դա պատահական չէր, քանզի հայության ազգային-ազատագրական շարժման ելքը մեծապես պայմանավորված էր նրանով, թե վերջինիս նկատմամբ ինչպիսի դիրք կրոնի ամենամոտ հարեանը՝ քուրդ ժողովուրդը:

Քաղաքական հողի վրա հայերի և քրդերի մերձեցմանը կարող էին նպաստել պատմական, մշակութային, կենցաղային և բազմաթիվ այլ հանգամանքներ: Դարեր շարունակ հայերն ու քրդերն ապրում էին կողք կողքի, նույն հողի վրա, նույն երկրների տակ: Նրանք միմյանցից փոխառել էին բազմաթիվ սովորույթներ, կենցաղային գծեր և այլն: Այսպես, շատ քրդեր սովորություն ունեին իրենց հանգուցյալներին մահմեդական ծիսակատարություններ թողնելուց հետո շիրիմն օրհնել քրիստոնեական ծեսով ու խաչով: Հայերից փոխառված էին նաև ավանդական այլ սովորույթներ⁶:

Դեռևս 1860-ական թվականներին հայերն առաջին լուրջ փորձերն արեցին քրդերի հետ մերձեցման ուղղությամբ: Սկզբնական շրջանում հայկական միջավայրում իշխող մտայնությունն այն էր, որ անհրաժեշտ է քրդերի մեջ լուսավորական լայն աշխատանքներ տանել, նրանց օգնել բարձրացնելու կուլտուրական մակարդակը, որպեսզի հնարավոր լինի «մեղմելու անոնց բարքերը», կարգավորելու հայ-քրդական հարաբերությունները: 1862 թվականին այդ նպատակին լծվեց «Բարեկարգություն արե-

¹ Բաֆֆի, Երկրի ժողովածու, հ. IV, էջ 22:

² Նույն տեղը, էջ 53:

³ Նույն տեղը, էջ 212:

⁴ Նույն տեղը, էջ 33:

⁵ Բաֆֆի, Երկրի ժողովածու, հ. IV, էջ 411—423:

⁶ Տե՛ս Եղիշե Յ. Մեյիբեան, Հարթ-Խուս, տպ. կաթողիկոսութեան հայոց Մեծի Տանն Կիլիկիոյ, Անթիլիաս, Լիբանան, 1964, էջ 44—45:

վելեան» կազմակերպությունը: Նման խնդիր ուներ նաև Վանի վարժապետանոցը:

Քրդերի մեջ լուսավորություն տարածելու և կրթելու միջոցով նրանց հայերին մոտեցնելու, ավելին, քաղաքական հողի վրա նրանց հետ դաշինք ստեղծելու գաղափարը հայ մտավորականության շրջանում լայն տարածում ուներ նաև 70—80-ական թվականներին: Բաֆֆու «Խենթի» հերոսներից մեկը՝ Սալմանը (Գուդուկչյան), «մի ուրախալի բան» էր պատմում. «...այսօր տեսություն ունեցա մի քանի քրդերի հետ, խոսում էի նրանց դպրոցի և կրթության օգտավետության մասին: Մեծ եղավ իմ զարմանքը, երբ նրանք ցույց տվին ամեն տեսակ պատրաստակամություն, հայտնելով, թե սիրով կհանձնեն իրենց որդիները հայոց դպրոցներում, երբ ուսումը այդքան լավ բան է: Նրանց խոսակցությունից երևում էր, թե իրանք էլ շատ գոհ չեն, որ իրանց որդիները ավաղակներ են լինում: Եվ իրավ, այդ ժողովուրդը ինչով է մեղավոր, որ մնացել է վայրենի, որ իր ապրուստը որոնում է ավազակության և մարդասպանության մեջ: Մեղավորը մենք ենք, որ մինչև այսօր շաշխատեցինք կրթել նրանց: Մեր սեփական շահերը պահանջում են անել այդ: Եթե ցանկանում ենք ազատ մնալ գաղանների կատաղությունից, պետք է աշխատենք նրանց ընտելացնել, պետք է աշխատենք նրանց վարժեցնել ավելի խաղաղ և ավելի քաղաքակրթված կյանքի: Թուրքիան հոգ չէ տանում քրդերի կրթության մասին, և այդ շատ հասկանալի է, որովհետև քրդի վայրենությունը ավելի նպաստավոր է նրան: Բայց մենք պետք է հոգ տանենք, որովհետև վնասը մեզ է հասնում: Մենք չենք դիպչի նրանց կրոնին, մենք միայն կկրթենք նրանց: Այնուհետև «ջուրը իր բնական ճանապարհը կգտնե...»¹

Նկատի ունենալով քրդերին, Բաֆֆին իր հերոսներից մեկի բերանով ասում էր. «Ահա մի գեղեցիկ ժողովուրդ իր սկզբնական պարզության մեջ, դրանից կարելի է հրաշալի բան շինել: Վայրենի տունկը, երբ պատվաստվում է մշակված և ավելի քաղաքակրթված տունկի հետ, հիանալի պտուղներ է տալիս: Խոնջ կլինենք, եթե այդ առողջ և կենդանի տարրը խառնվեր հայերի հետ...»²

¹ Բաֆֆի, *Երկերի ժողովածու*, հ. IV, էջ 278:

² Նույն տեղը, էջ 365:

Առանձին քուրդ գործիչներ հետաքրքրություն և շահագրգռություն հանդես բերեցին հայ-քրդական համերաշխություն ստեղծելու հանդեպ: Լեոյի վկայությամբ Բեդրի-խան Բեյի գլխավորած քրդական մեծ ապստամբության ժամանակ (1846 թ.) նրա երկու զավակները քրդերին կոչ էին անում հայերի հետ համագործակցություն ստեղծել, որը սակայն չհաջողվեց գլուխ բերել: Նման փորձեր եղան նաև Եզդանշիրի կոնվենտի (1854 թ.) ժամանակ: 80-ական թվականներին Շամդինանի շեյխ Ուբեյդուլլահն իր նախագահությամբ գումարված ցեղապետերի ժողովում բուռն կերպով ընդդիմանում էր թուրքերի կողմից կաշառված այն շեյխերի դեմ, որոնք հայերի ընդհանուր ջարդ կազմակերպելու առաջարկություն էին արել: Երևելի այդ քուրդն իր ազգակիցներին բացատրում և խստորեն ազդարարում էր, թե թուրքերը: քրդերին կհանդուրժեն և կարևորություն կտան այնքան ժամանակ, քանի դեռ կան հայերը:

Հաշվի առնելով առանձին քուրդ առաջնորդների նման տրամադրությունները, 1880 թվականին Կ. Պոլսի հայ քաղաքական շրջանները Դերսիմ և Միջագետքի սահմաններ ուղարկեցին Փիլիպոս Քելեյանին (Փիլիկ), խնդիր առաջադրելով գաղտնի բանակցել և համագործակցության կապեր հաստատել քրդերի հետ: Վեց տարի հետո՝ 1886 թվականին նա վերադարձավ Պոլս՝ բերելով անհրաժեշտ տեղեկություններ քրդերի կյանքի, կենցաղի, հայ-քրդական դաշինքի ստեղծման հնարավորությունների վերաբերյալ:

Բայց այդ և նման ձեռնարկների դրական արդյունքները չընչին էին: Հայերի հետ գործակցության համար իբրև վարձատրություն քրդերը, որպես կանոն, պահանջում էին մեծ քանակությամբ դրամ և զենք, մի սլահանջ, որի կատարումն անհնարին էր: Իբրև կրոնակիցներ նրանք հակված էին դեպի թուրքերը: Իրենց հերթին վերջիններս քաջատեղյակ լինելով խաշնարած քրդերի ցեղային նկարագրին, դյուրությամբ գրգռում էին նրանց ավարառության ախորժակները, դրանով իսկ խափանում քրդերի հետ մերձենալու հայերի բոլոր փորձերը:

Թուրքական բարբարոսական բռնատիրության տակ հեծող հայության ընդերքից վերջիվերջո ծնունդ առան առաջին գաղտնի ազատագրական-քաղաքական կազմակերպությունները, որոնք իրենց առջև նպատակ դրեցին համախմբել հայ երիտասարդու-

թյանը և պայքար սկսել սեփական հայրենիքը թուրքական տիրապետությունից ազատագրելու համար:

Առաջիններից մեկը «Պաշտպան հայրենյաց» գաղտնի կազմակերպությունն էր, որ հիմնվեց էրզրումում (Կարին), 1881 թվականին: «Ազատություն ձեռք բերելու համար,— ասում էր կազմակերպության ղեկավարներից մեկը,— հարկավոր է զենք...: Տվեք մեր ժողովրդին զենք, վարժեցրեք նրան արյուն թափել, և նա կգտնի իր ճանապարհը»¹:

1882 թվականի նոյեմբերին թուրքական կառավարությունը հայտնաբերեց Կարինի «Պաշտպան հայրենյաց» կազմակերպությունը և դաժան հաշվեհարդար տեսավ նրա անդամների հետ: Սակայն կազմակերպությունը խոր հետք թողեց հայ ազատագրական շարժման մեջ: «Պաշտպան հայրենյացով» այդ շարժումը թևակոխեց կազմակերպված պայքարի ուղին:

Առաջ եկած համալգային ընդհանուր շարժման հողի վրա ձևավորվեցին հայ քաղաքական կուսակցությունները՝ իրենց որոշակի կազմակերպություններով և գործողությունների մշակված պլանով:

1885 թվականի աշնանը Մկրտիչ Ավետիսյանի ղեկավարությամբ Վանում հիմնվեց արմենական կուսակցությունը: Դա հայ ազգային-ազատագրական շարժման քաղաքական ծրագրով հիմնված առաջին կազմակերպությունն էր և միակը, որ ծնունդ էր առել Հայաստանի հողի վրա: Ծարժման հեղափոխական օրգանը դարձավ «Արմենիա» եռօրյա թերթը, որը սկսեց լույս տեսնել 1885 թվականի օգոստոսի 1-ից Մարսելում (Ֆրանսիա): Թերթը հիմնադրեց և խմբագրում էր Մկրտիչ Փորթուգալյանը, որը մինչ այդ Վանում հիմնել էր «Հայոց հայրենասիրական միություն» գաղտնի կազմակերպությունը և հետապնդումներից խուսափելով անցել էր Մարսել: «Արմենիան» գաղտնի ճանապարհներով թափանցում էր երկիր և կարողացավ մեծ հետաքրքրություններ: Թերթը շարունակեց գոյություն ունենալ մինչև 1900 թվականը: Արմենականները հետապնդում էին հայ ժողովրդի և նրա պատմական հայրենիքի ազատության նպատակը

¹ Ռ. Փ. Հովհաննիսյան, Արևմտահայ ազգային-ազատագրական շարժումները և Կարինի «Պաշտպան հայրենյաց» կազմակերպությունը, Երևան, 1964, էջ 303, «Կարնո յիշատակին», Վիեննա, 1896, էջ 79:

և վճռել էին ընդհատակում երիտասարդ սերունդ պատրաստել ինքնապաշտպանության համար:

1887 թվականի օգոստոսին ժնևում ռուս նարոդովուցներին ազդեցության տակ գտնվող հայ ուսանողների խմբի կողմից կազմակերպվեց հնչակյան կուսակցությունը (պաշտոնական անունը՝ սոցիալ-դեմոկրատական հնչակյան կուսակցություն): Հիմնադիր խմբի ղեկավարն էր բազմաշնորհ մտավորական Ավետիս Նազարբեկյանը²: Նույն թվականին ժնևում սկսեց հրատարակվել գլխավոր օրգանը՝ «Հնչակ» թերթը³, որի էջերում այլազան նյութերի հետ միասին տպագրվում էին նաև կիսասոցիալիստական և սոցիալիստական բովանդակությամբ հոդվածներ:

1896 թվականին հնչակյան կուսակցության շարքերում ծնունդ առավ այսպես կոչված վերակազմյալ շարժում, որի մեջ ընդգրկվեցին կուսակցության արևելահայ գործիչներից ոմանք և արևմտահայ հատվածի մեծ մասը: Ծարժման ղեկավարներն էին Միհրան Տամատյանը, Արփիար Արփիարյանը, Միհրան Սվազը և ուրիշներ⁴, որոնց ջանքերով նույն տարում կոնդոնում ստեղծվեց վերակազմյալ հնչակյան կուսակցությունը: Վերակազմյալները չէին մերժում սոցիալիստական սկզբունքները, բայց գրտնում էին, որ սոցիալիզմը Թուրքիայում հեռավոր նպատակ է, ուստի առայժմ պետք է հրաժարվել սոցիալիստական հարցեր արծարծելուց, կրկորդական գծի վրա մղել դասակարգային պայքարի քարոզչությունը, ջանքերն ուղղել ազգային-ազատագրության նպատակին: Նրանք առաջին և անմիջական նպատակ էին համարում արևմտահայ ժողովրդի արթնացումը և երիտասարդության պատրաստումը գալիք ինքնապաշտպանական կռիվներին⁵:

1890 թվականին Թիֆլիսում ստեղծվեց դաշնակցություն

¹ ՏԵՍ Արսեն Կիտուր, Պատմություն Ս. Գ. հնչակյան կուսակցության, 1887—1962, էջ 29:

² «Հնչակ» թերթը մի քանի ընդհատումներով լույս է տեսել մինչև 1930 թվականը:

³ ՏԵՍ Անդրանիկ Անդրեասեան, Մեր գաղափարն ու գործը, Բ. տպագրություն, Պոսթըն, 1979, էջ 10:

⁴ ՏԵՍ Արտաշես Անդրեասեան, Ուրուագիծ հայոց պատմության և հայկական մշակույթին, 1968, էջ 191:

բուրժուազգայնական կուսակցությունը, որի հիմնադիրներն էին Քրիստափոր Միքայելյանը, Սիմոն Զավարյանը և Ստեփան Զորյանը (Ռոստոմ): Կուսակցության օրգանը «Կրոշակ» թերթն էր, որը հրատարակվում էր նախ Թիֆլիսում, ապա Փնևում:

Հնչակյան և դաշնակցություն կուսակցություններն իրենց մերձավոր խնդիրն էին համարում թուրքական բռնադատումից արևմտահայության ազատագրությունը, ուստի որպես իրենց գործունեության հիմնական դաշտ ընտրել էին Արևմտյան Հայաստանը՝ այնտեղ ծավալելով նախապատրաստական աշխատանքներ: Արևմտահայաստանում գիտական սոցիալիզմի գաղափարների պրոպագանդայի և պրոլետարիատի՝ իբրև դասակարգի, բացակայության պայմաններում Հնչակյան և դաշնակցություն մանրբուրժուական կուսակցություններն այդ շրջանում նարավորություն էին ստացել տիրելու քաղաքական գործունեության ապարեզին:

Կայսրության մի ծայրից մյուսը բռնկված ոչ թուրք ժողովուրդների աղգային-ազատագրական պայքարի նոր բուռն վերելքի պայմաններում, երբ օսմանյան պետության գահավիժման և երկրի տարածքների բաժան-բաժան լինելու վտանգն անորոշ հեռանկարից վերածվում էր կենդանի իրականության, թուրքական բուրժուազիան չէր կարող անտարբեր հայեցողի դերում մնալ, կողքից դիտել, թե ինչպես է կործանվում «հայրենիքը»: Նա նորից ամբողջ ուժով դրեց կայսրության ամբողջականության, հետևաբար՝ ազգային ընդարձակ շուկայի պահպանման խնդիրը: Այդ տեսակետից նրա և աբդուլհամիդյան ռեժիմի նպատակները լիովին համընկան: Ուստի պատահական չէր, որ նա սերտ դաշինք էր փնտրում սուլթանի, նրա արքունիքի, օսմանյան ընտրանիի հետ: Բայց սուլթանական ռեժիմը միշտ չէ, որ ընդառաջում էր թուրք բուրժուազիային, վստահում նրան: Աբդուլ Համիդը չէր մոռացել սահմանադրական շարժման օրերը, երբ «նոր օսմանները» փորձում էին սահմանափակել սուլթանի և նրա կառավարության իրավունքները:

Չնայած դրան, չնայած իր հանդեպ սուլթանական կառավարության անվստահությանը, այնուամենայնիվ, թուրք ազգային բուրժուազիան լավ գիտեր, որ սուլթանիզմն իր բնական դաշնակիցն է, ուստի վաղ թե ուշ նրանք միանալու են ընդհանուր թշնամու՝ ապստամբ ժողովուրդների դեմ:

Բալկանյան տիրույթների զգալի մասից զրկվելը և երկիրը կապիտալիստական արտադրության մեջ ներքաշելը կատարվում էր համարյա զուգահեռաբար: Գնալով սեղմվում էր կողպուտի ոլորտը: Իհարկե, սուլթանը և նրան շրջապատող բարձրաստիճան պաշտոնեությունը նույնպես տեսնում էին, որ թուրքիան ակամալից ներգրավվում է կապիտալիստական հարաբերությունների մեջ: Նրանք գնալով համոզվում էին, որ երկրի փրկությունը վերջին հաշվով բուրժուական զարգացման ուղին թեև օրինակում մեջ է, բայց միաժամանակ երկյուղում, սոսկում էին այդ զարգացման հեռանկարներից: Նրանք լավ գիտեին, որ արտոնյալ վիճակի բերումով դարերով աշխատանքից խուսափած, զենքի ու ձիու հետ եղբայրացած թուրքերը կապիտալիստական զարգացումից բոլորից քիչ են օգտվելու: Ընդհատ է, թուրքերի մի զգալի մասը 19—20-րդ դարերի սահմանագծում արդեն ստիպված էր ձիուց իջնել, ավելին, ստիպված էր ձի պաշտել սովորել: Բայց աշխատելու, արժեքներ ստեղծելու ոլորտում թուրքերը առաջվա նման չէին կարողանում մրցել քրիստոնյաների, այդ թվում աշխատատեղ ու ձկուն հայրաշայի հետ: Այլ խոսքով, թուրքերը դեռ անպատրաստ էին կապիտալիզմին անցնելու: Կապիտալիզմի հետագա զարգացումից ամենից առաջ օգտվելու էին այլազգիները, որոնք արհեստավորական և մասամբ առևտրաարդյունաբերական գործառնության համար ունեին զարբերով կուտակված ունակություններ ու փորձ: Թե՛ սուլթանը, թե՛ թուրք նորածագ բուրժուազիան երկյուղում էին, որ կապիտալիստական հարաբերությունների զարգացման ընթացքում, ինչպես երբեք, պարզորոշ կուրվագծվի ռայայի գերազանցությունն իշխող թուրքերի նկատմամբ և որպես դրա բնական հետևանք կուժեղանան կայսրության քրիստոնյա ժողովուրդների ապակենտրոն ձգտումները:

Այստեղից էլ «հիվանդ մարդու»՝ թուրքիայի տեսական հիվանդությունը շրտվելու հիմնավոր պատճառներից մեկը: Այստեղից էլ ատելության լեռնացումը դեպի ներքին թշնամիները՝ քրիստոնյաները, մասնավորապես հույները և հայերը: Ստեղծված պայմաններում ի՞նչ էլք էին տեսնում թուրքերը: Այն է՝ պարբերաբար կազմակերպել ջարդեր, արյունաքամ անել գյավուրներին, որպեսզի նրանք չմտածեն հավասարության կամ ազատության մասին: Եվ մասսայական խժոժություններից նրանք անցան մասսայական կոտորածների:

Մասսայական կոտորածներին անմիջապես նախորդող տարիներին, այսինքն՝ 80-ական թվականներին, կտրուկ փոխվեց նաև օտարերկրյա կապիտալի, հետևաբար նաև՝ արևմտյան տերութունների վերաբերմունքն Օսմանյան կայսրության քրիստոնյա բուրժուազիայի, առավելապես հույն և հայ բուրժուազիայի նկատմամբ: Նախկինում հանձինս այլազգի բուրժուազիայի եվրոպական կապիտալը տեսնում էր կայսրությունից ներս բռնաթափանցելու իր աչակցին: Քրիստոնյա բուրժուազիային հատկացված էր հումքի նախնական արդյունաբերական մշակումը և կայսրության սահմաններից դրա արտածումը կազմակերպելու գործը: Բայց այժմ վիճակը փոխվել էր. եվրոպական կապիտալիզմը թևակոխում էր իր զարգացման բարձրագույն՝ իմպերիալիզմի փուլը: Կապիտալիզմի զարգացման այդ փուլին բնորոշ է նախամոնոպոլիստական կապիտալի ժամանակաշրջանին հատուկ «ազատ նախաձեռնություն» և «ազատ» մրցակցության փոխարինումը մոնոպոլիաների բռնատիրությունում, կապիտալի համապարփակ իշխանության հաստատմամբ, ուրիշ ազգերի և երկրների նկատմամբ թշնամանքի խորացմամբ, միաժամանակ գաղութներում և կիսագաղութային երկրներում հետամնաց հասարակական հարաբերություններն ամեն կերպ կոնսերվացնելու ձգտմամբ: Այդ տեսակետից Օսմանյան կայսրությունը չէր կարող բացառություն կազմել: Արևմտյան տերություններն իրենց գաղութատիրական քաղաքականությունն անցկացնելու, նոր շուկաներ ու տարածքներ գտնելու նպատակով հովանավորում էին սուլթանին, ճնշված փոքր ազգերին ու ազգություններին զոհաբերում նրա ջարդարարական քաղաքականությանը: Հետևապես սուլթանը և թուրքական բուրժուազիան գուր էին կայսրության քրիստոնյա բուրժուազիային սովորույթի ուժով շարունակում համարել եվրոպական կապիտալի հետևողական աչակիցը: Արևմտյան տերությունները շահագրգռված չէին Օսմանյան կայսրության մեջ բուրժուազեմոկրատական վերափոխումներով, ավելին, ամեն ինչ անում էին նրանում status quo-ն պահպանելու, ավատատիրական հարաբերությունները կոնսերվացնելու, կայսրության ողջ տարածքը իրենց ապրանքների շուկա ծառայեցնելու համար: Ընդհակառակը, կայսրության ոչ թուրք, հատկապես քրիստոնյա ազգերի բուրժուազիան երազում էր վերափոխումների մասին: Ահա թե ինչու ի դեմս տեղական

բուրժուազիայի Արևմտյան տերությունները տեսնում էին իրենց մրցակցին, որն ինքն էր ցանկանում գերիշխել իր ազգի վրա, ավելին՝ ստեղծել սեփական ազգային շուկա: Այստեղից էլ նրանց թշնամանքը կայսրության ոչ թուրք բուրժուազիայի հանդեպ, որն իրերի բերումով փոխվելու էր ընդհանրապես ոչ թուրք ազգերի նկատմամբ թշնամանքով:

Թուրք բնակչության սոցիալական հուզումները, այլազգի, հատկապես քրիստոնյա ժողովուրդների, այդ թվում հայ ժողովրդի ազատագրական շարժումները սուլթանական կառավարությունը ճնշում էր վաղուց փորձված դեմքով՝ թշնամանք սերմանելով մահմեդական և քրիստոնյա ժողովուրդների միջև, կայսրության մի ծայրից մյուսը բորբոքելով հետամնաց մուսուլման բնակչության կրոնական մոլեռանդությունը:

Կրոնական թշնամանքը հասավ շտեմնված ծայրահեղ շափերի: Կառավարման հիմնական մեթոդ դարձնելով երկրի մահմեդական և քրիստոնյա ժողովուրդների միջև ազգային ատելություն և կրոնական թշնամանքի հրահրումը, Աբդուլ Համիդը կայսրության պաշտոնական դոկտրինա հռչակեց իսլամիզմը և պանիսլամիզմը (համիսլամականությունը):

Օսմանիզմի դոկտրինան, որն ինչ-որ տեղ գոնե ձևականորեն հնարավոր էր համարում քրիստոնյաների որոշ իրավունքների ճանաչումը, երկրորդ պլան մղվեց, իսկ սահմանադրական շարժման տարիներին դեռ նոր երևակված և դեռ տարածում չգտած համաթուրքականությունը (պանթուրքիզմը), որի գաղափարական-քաղաքական նպատակի իրականացումը, այնուամենայնիվ, ենթադրում էր այլ երկրների կազմում գտնվող թուրքալեզու ժողովուրդներով բնակեցված տերիտորիաների կցում Օսմանյան կայսրությանը, համարվեց անիրագործելի, նույնիսկ վնասակար գաղափար: Սուլթանին կասկածելի էր թվում թուրքիզմով ու պանթուրքիզմով արտահայտվող ազգայնականության ամեն մի արտահայտություն՝ իբրև ազատականության ախտանիշ: Քաշի որ պանթուրքիզմը, թեկուզև սաղմնային վիճակում, գալիս էր իրենով փոխարինելու պանիսլամիզմի գաղափարների վրա հիմնված օսմանցիությունը, ուստի նա չէր կարող չհանդիպել կայսրության մեջ դրությունն անփոփոխ թողնելու կողմնակիցների դիմադրությանը:

Գլխավոր խնդիրը շարունակում էր մնալ կայսրության առ-

կա ամբողջական տարածքի պահպանումը: Քանի որ ազատագրական շարժումը հիմնականում ընդգրկել էր կայսրության քրիստոնյա ժողովուրդներին, իսկ արաբական և քրդական ազատագրական շարժումները դեռ խանձարուրի մեջ էին, ուստի սուլթան-խալիֆի, թուրք ավագանու մոտ գնալով խորանում էր այն համոզումը, որ երկրի ամբողջականությունը կարելի է պահպանել միայն ու միայն վստահելի մահմեդականության միջոցով: Քրիստոնյա ժողովուրդների վրա այլևս հույս դնել չէր կարելի: Նրանց պետք էր կրկնի տակ պահել բոլոր մահմեդականների միացյալ ուժերով:

Եվ ահա թուրքերի անունով հրապարակ նետվեց «Բոլոր մուսուլմանների հետ՝ ընդդեմ անհավատների» կարգախոսը: Սուլթանի կառավարությունն իսլամի դրոշով հանդես էր գալիս քրիստոնյա ժողովուրդների ազատագրական շարժումն արյան մեջ խեղդելու վճռականությամբ: «Իսլամը ազգություն չի ճանաչում», — ազդարարում էին մուսուլմանական կղերը:

Իսլամը, որպես սոցիալական ինստիտուտ, անցել է բարդ և իրադարձություններով հարուստ ուղի: Իր գոյության առաջին դարերի ընթացքում այն իրենից ներկայացնում էր նվաճողական արշավանքներ ու պատերազմներ վարող մի շարք հզոր աստվածապետական ֆեոդալական-պետական կազմավորումների կրոնական-գաղափարախոսական ձև: Նրա առանձին ուղղություններն ու աղանդները միևնույն ժամանակ հասարակության ճնշված դասակարգերի օպոզիցիոն շարժումների արտահայտման ձև էին: Մուհամմեդի կանաչ դրոշով էին թուրքական հորդաները նվաճում երկրներ, ժողովուրդներ, իսլամի ոգին էր թևածում կայսրության մի ծայրից մյուսը:

Մահմեդական կրոնապետության սկզբունքով ամբողջ բնակչությունը բաժանվում էր երկու մասի՝ հավատացյալների (մուսուլման) և անհավատների (գյավուր): Կայսրության բոլոր մահմեդականները՝ թուրքերը, արաբները, քրդերն իշխողներ էին, այդ պետության լիիրավ քաղաքացիներ, իսկ քրիստոնյա «գյավուրները»՝ ենթականեր: Մահմեդական լինելը հպարտության աղբյուր էր, քաղաքակրթության չափանիշ, մի զգացում, որի խորացմանն ամեն կերպ նպաստում էին երկրի կառավարող շրջանները: Մուսուլմանին ասված էր, որ նա ի վերուստ կոչված է իշխելու «գյավուրներին», այսինքն՝ կայսրության քրիստոնյա իրավազուրկ բնակչությանը: «Ռայա» արհա-

մարհական անունով էին անխտիր կոչվում բոլոր քրիստոնյաները՝ անկախ թուրքիայում իրենց ունեցած դիրքից կամ Օսմանյան կայսրությանը մատուցած ծառայություններից: Քրիստոնյա հպատակների գլխին դամոկլյան սրի պես շարունակ կախված էր կողոպտվելու, անարգվելու և սպանվելու սպառնալիքը: «Նայած տեղին և հանգամանքին, — գրել է Կ. Մարքսը, — թուրքը լինում է բանվոր, վարձակալող գյուղացի, մանր հողատեր, վաճառական, ֆեոդալիզմի ամենացածր և բարբարոսական աստիճանի վրա կանգնած ֆեոդալ հողատեր, պաշտոնյա կամ զինվորական: Բայց սոցիալական ինչ դիրք էլ որ նա գրավի, նա պատկանում է արտոնյալ կրոնին և ազգությանը, միայն նա իրավունք ունի զենք կրելու, և ամենաբարձրաստիճան քրիստոնյան պարտավոր է դեմ առ դեմ գալիս ճանապարհ տալ հասարակության ամենացածր խավին պատկանող մուսուլմանին»²:

Մահմեդական երկրների տիրապետող դասակարգերի համար իսլամը ամենահարմար հենարանը եղավ, որին կոթնեցին նրանք, նրա անունով իրենց շուրջը համախմբեցին սեփական շահագործվող ու տգետ մասսաներին, սրանց ներշնչելով այն համոզումը, թե իսլամից դուրս մնացած ամբողջ մարդկությունն առանց բացառության քյաֆիր է, գյավուր և թե իսլամը երբեք չի կարող հաշտվել ու բարեկամանալ նրանց հետ:

Անդրադառնալով այդ իրողությանը, Ի. Գոլբորոդկոն գրել է. «Օսմանցիների մտքերում կրոնի և ազգության գաղափարը միաձուլվել է, և նրանք շարունակ խառնել են այդ երկու հասկացությունները: Կրոնը դադարելով ներքին համոզմունք լինելուց, ումանց համար դարձել է արտոնությունների և առանձնաշնորհումների, իսկ մյուսների համար՝ քաղաքացիական անիրավահավասարության աղբյուր: Կայսրությունը բաժանվել է երկու անիրավահավասար և միմյանց նկատմամբ թշնամական դասակարգերի՝ մուսուլմանների և քրիստոնյաների»³:

«Հունական ապստամբությունը» հողվածում Կ. Մարքսը նշում է, որ թուրքական ռազմաֆեոդալական մուսուլմանական թեո-

¹ ՏՆՍ Ս. Ս. Карсевич, Мусульманское право и последняя государственная реформа в Турции, М., 1877, էջ 32—35:

² К. Маркс и Ф. Энгельс, Соч., т. 9, с. 6.

³ ՏՆՍ Ս. Ս. Голобородько (И. Южанин), Старая и новая Турция, էջ 1:

կըրատիկ պետութիւնն ինքն է մշտապես սերմանում ու խորացնում հակասութիւնները մուսուլմանների և քրիստոնյաների միջև, քանի որ հավասարութեան մասին ոչ մահմեդականների պահանջը կնշանակէր եկեղեցու անջատում պետութիւնից, կրօնի անջատում քաղաքականութիւնից, մի բան, որ բնավ չէին ցանկանում թուրք կառավարողները¹:

Թուրքական պետութեան քաղաքականութիւնն ի սկզբանէ «խարսխված էր կրօնական դոգմաների վրա», որոնք չէին հանդուրժում «մուսուլմանների հետ նույն պայմաններում դնել» ոչ մուսուլման ժողովուրդներին: Իսկ դա կնշանակէր «իսլամի հավատի սիմվոլի հիմնական կանոնի խախտում»²: Նման խախտումը հավասարազոր էր սուլթանի իրավունքները սահմանափակելուն: Իսկ սուլթանը մարմնավորում էր երկմիասնական գերագույն իշխանութիւնը. աշխարհիկ՝ որպէս պետութեան ղեկավար, և հոգևոր՝ որպէս բոլոր մուսուլմանների խալիֆ: Սուլթան-խալիֆը, մուսուլմանների այդ կայսրն ու հոգևոր առաջնորդը համարվում էր աստուծու ստվերը երկրի վրա: Հավատի սիմվոլի խախտում թույլ չտալը գործնականում նշանակում էր, որ սուլթանական կառավարութիւնը արգելակում է ինչպէս քրիստոնյաների, այնպէս էլ մուսուլմանների վարդապետներ: Իսլամը հետևողականորեն օգտագործելով իբրև տիրապետութեան գործիք, թուրքական կառավարութիւնը հավերժացնում էր հենց իսլամի գոյութիւնը, որը Կ. Մարքսի արտահայտութեամբ «անհավատներին դնում է օրենքից դուրս և անընդհատ թշնամանքի վիճակ է ստեղծում մուսուլմանների և անհավատների միջև»³:

Մուսուլմանական անզիջում մոլեռանդութիւնը հատկապէս ուժգին դրսևորումներ ունէր Անատոլիայում և կայսրութեան արևելեան շրջաններում: Մերձավոր արևելքի խորքերում, Ռուսաստանի և Եվրոպայի աչքից հեռու գտնվող հայ ժողովուրդը շարունակում էր իր գոյութիւնը մահմեդականների անպատիժ կամայականութիւնների պայմաններում: «Հայերը և թուրքերը, — գրում է Արշակ Ալպոյաճեանը, — իբրև բնակակից ժողովուրդներ կապրելին միասին՝ իբրև տիրապետեալ և տիրապետող: Հայը համակերպված էր իր վիճակին, վասնզի ոչ մէկ յոյս կամ նեցուկ

ունէր իրեն համար, իսկ թուրքը սանձարձակ կը գործէր, վասնզի ոչ ոք իր ձեռքը բռներ, արգիլելու համար, որ իր ուզածը չընէ»¹:

Հայ ժողովուրդի կրած տառապանքները, նրա նկատմամբ գործած անիրավութիւնները սահման չունեին: Արևմտյան գավառները հեծում էին մտրակի տակ: Ամենուրեք սպանութիւն, խժոժութիւններ, առևանգումներ, բռնաբարութիւն, ավերում, հրդեհներ, թալան, տանջանք, տանջանք... Հայը գրկված էր մարդկային ամենատարրական իրավունքներից: Ահա թէ իր վիճակն ինչպէս էր ներկայացնում Բասենի դաշտի գյուղերից մէկի հայ գյուղացին. «Թուրքը քանի կերթա ավելի զալըմ կը դառնայ. մեր ցանքը, մեր հերկը, մեր խորն ու արորը նրան կը պատկանին, մենք սեփականութիւն չունինք: Կամաց-կամաց այնպէս պիտի ըլլա, որ թուրքը պիտի գայ և պիտի ըսէ մեզի, որ ամեն ինչ իրենն է և մենք միայն աշխատողները»²:

Քանի որ մահմեդական լինելն իր հետ բերում էր արտոնութիւններ ու առանձնաշնորհումներ, ուստի մուսուլմանները, ելնելով հատկապէս տնտեսական արտոնութիւններից, շահագրգռված չէին կրօնադարձութեան միջոցով իրենց շարքերը համալրելու քրիստոնյաներով: Սովետական թուրքագետ Վ. Ա. Գորդլևսկին նկատում է, որ «թուրքերը ձեռնպահ էին մնում մասսայական իսլամ ընդունել տալու քաղաքականութիւնից, քանի որ այդ քաղաքականութիւնը նյութական վնաս էր հասցընում պետական գանձարանին. կրօնափոխներն ազատվում էին քրիստոնյաներից գանձվող խարաջից և ջիզեյից, վճարելով միայն համեմատաբար թեթև աշարը»³:

Այդ էր պատճառը, որ մինչև 19-րդ դարի 80—90-ական թվականները, այսինքն՝ մինչև Օսմանյան կայսրութեան քրիստոնյա ժողովուրդների ազգային-ազատագրական շարժման նոր հուժկու վերելքը, այստեղ մասսայական կրօնադարձութիւն չէր նկատվում:

Բայց նոր պայմաններում իսլամիզմը, որ մերժում էր մուսուլման ժողովուրդների ազգային առանձնահատկութիւնները, սկսեց «տեսականորեն» հիմնավորել բոլոր ոչ մուսուլման

¹ Արշակ Ալպոյաճեան, Պատմութիւն Մալաթիոյ հայոց, հրատարակութիւն Մալաթիոյ կրթասիրաց ընկերութեան, Պեյրութ, 1961, էջ 825:

² Արսէն Մարմարեան, Զոր. Անդրանիկ և իր պատերազմները, 1920, Պոլիս, էջ 38:

³ В. А. Гордлевский, Избранные сочинения, т. III, М., с. 41.

¹ St. K. Маркс и Ф. Энгельс, Соч., т. 10, էջ 130:

² М. Макколы, Султан и державы, СПб, 1897, с. 156.

³ К. Маркс и Ф. Энгельс, Соч., т. 10, с. 167.

ժողովուրդների իսլամացման անհրաժեշտությունը: Իր հերթին պետությունը բոլոր միջոցներով ձեռնարկեց գլուխ բերել իսլամացումը¹:

Հարկ է նշել, որ Օսմանյան կայսրության բոլոր ժողովուրդներից իսլամի դրոշին ամենահավատարիմը միջնադարյան օրենքներով ապրող քրդերն էին, որոնք մոլեռանդ մահմեդականներ էին: Մեծ վստահություն տածելով քուրդ ցեղապետերի նկատմամբ, Աբդուլ Համիդը նրանց հետ առանձին հույսեր էր կապում: Մյուս կողմից առանձնակի ատելություն տածելով հայերի նկատմամբ, նա նրանց դիտում էր իբրև կայսրության միասնության ամենավտանգավոր թշնամի, իբրև «զավաճան ժողովուրդ», հետևաբար՝ իսլամիզմի ճանապարհի բնական դոճ:

Եվ այսպես, կողք կողքի հազարամյակներ ապրած երկու ժողովուրդները՝ քրդերը և հայերը, պետական պաշտոնական քաղաքականության ուժով կրոնական հողի վրա հայտարարվում էին միմյանց ոխերիմ թշնամիներ: Սուլթանական արքունիքի լիակատար պաշտպանության տակ անսլացած քրդական ավազանին մտավ մի անպատվարեր դերի մեջ՝ թուրք կառավարողների հրահրմամբ ալան-թալանի տվեց հայության ունեցվածքը, ապա ձեռքերը թաթախեց նրա արյան մեջ:

Քրդերի հարստահարումները, կողոպուտն ու բռնությունները ահավոր շափեր ընդունեցին 90-ական թվականների սկզբին: Նրանց էլ ավելի ոգեշնչելու և սիրաշահելու համար սուլթան Աբդուլ Համիդը հայաբնակ վեց նահանգներից վաշկատուն ռազմատեսնչ քուրդ ավատատեր ցեղապետերին հրավիրեց Պոլիս՝ սալով բարձր պատիվներ, շքանշաններ ու նվերներ: Արյու-

նարբու ցեղապետերի հետ ունեցած հանդիպման ժամանակ սուլթանը նրանց լիազորեց զինել իրենց ցեղերի բոլոր տղամարդկանց, միաժամանակ խոստացավ նրանց համար պետության հաշվին հայթայթել զենք, զինամթերք, համազգեստ, ինչպես նաև տալ ամսավարձ: Պայմանավորվածության համաձայն հարյուր մարդ տրամադրող ցեղապետին հարյուրապետի, իսկ հազար մարդ տրամադրողին՝ հազարապետի կոչում էր շնորհվելու:

Վերագտնալով իրենց բնակավայրերը, քուրդ ցեղապետերն անմիջապես ձեռնամուխ եղան հայերին կողոպտելու և ոչնչացնելու մասին սուլթանի հրամանի իրազորմանը: Կառավարության կողմից առատորեն տրված զենքերով նրանք մասսայաբար զինեցին ցեղակից տղամարդկանց: Զինված խմբերն արդարացնում էին սուլթանի ակնկալությունները: Աբդուլ Համիդը դոճ էր քուրդ ավազանու սանձալձակ գործողություններից, որը սարսափ էր սփռել ամենուրեք, ահավոր տեղորի ենթարկելով հայաբնակ շրջանները:

Սուլթան Համիդը շուտով նոր քայլի դիմեց. 1892 թվականից սկսած նրա հրամանով կյանքի կոչվեցին մուսուլմանական ոչ կանոնավոր հեծելազորային գնդերը, որոնք կնքվեցին Համիդի անունով՝ («համիդիե ալայի» — «համիդյան գնդեր»):

«Համիդիե» զորքը կազմակերպվում էր ոչ միայն Հայկական բարձրավանդակում, այլև Սիրիայում և արաբաբնակ ուրիշ երկրներում: Այստեղ ստեղծված «համիդիները» կազմված էին արաբ ցեղերից, դրուզներից (դուրզիներից) և տակավին ֆեոդալական զարգացման աստիճանին մնացած այլ լեռնցիներից: «Համիդիները», այնուամենայնիվ, հիմնականում հավաքագրվում էին քրդերից՝ քուրդ ցեղապետերի միջոցով, կառավարության անմիջական օժանդակությամբ: 1899 թվականին «համիդիե» զորքում հաշվվում էր 63 գունդ, որոնցից 50-ը կազմված էր քրդերից, 9-ը՝ արաբական ծագում ունեցող ցեղերից, 3-ը՝ կարափափախներից, իսկ մեկը՝ թուրքմեններից²: Հայկական

¹ Հարկ է նշել, որ Օսմանյան կայսրության բոլոր քրիստոնյաների իսլամացման գաղափարը նոր չէր: Այդ գաղափարի իրականացման ջերմ կողմնակիցներից մեկը ժամանակին սուլթան Սելիմ I-ն էր (1469—1524): «Սուլթան Համիտ ալ.— գրում էր արևմտահայ կրոնական գործիչներից մեկը,— կայսրության բոլոր տարրերուն համաձայման վրայ կը մտածեր. «Սլավները իսլամացուցած շրջալուս յանցանքը մեր նախնիքներունն է, թեև դուրսին գործ չէր,— ասում էր նա:— Քյուրտերը պետք է ձուլել և վերածել մեկ ցեղի մը, և յոյներու ու հայերու ձուլումը դժուար չպիտի ըլլայ մեզի համար»: Սելիմ և Համիտ կը կարծեին, թե իսլամացումով և կրոնական միացմամբ պիտի կրնային քաղաքական միասնականություն ստեղծել, մինչդեռ խոշորագույնները որչափ ոչ թուրքերեն՝ նոյնչափ իսլամներեն կը բխեն» («Տրապիզոնի թեմին վիճակավոր Յովհաննես արք. նազկեանի յուշերը Մերձավոր արևելքի 1914—1928 շրջանի քաղաքական-կրոնական դեպքերուն մասին», Ա. հատոր, էջ 92):

¹ Տե՛ս Սարգիս և Միսակ Բղէեանեւ, Հարազատ պատմություն Տարոնոյ, էջ 95:

² Տե՛ս И. И. Голобородько (И. Южанин), Старая и новая Турция, էջ 185:

³ «Համիդիե» զորքի մասին տե՛ս նաև «Вооруженные силы Турция», изд. главного управления Генерального штаба, СПб., 1907, էջ 50—58.

բարձրավանդակում «համիդիեները» կազմվում էին միայն քրդերից: Կ. Պոլսում բացվեց հատուկ զինվորական վարժարան (Զատակեն զապիթե մեքրեպի), որտեղ մարզվում, ապա զինվորական աստիճաններ էր ստանում «համիդիե» զորախմբերի հրամանատարական կազմը:

Համիդյան զնդերում ծառայել ցանկացող քրդերը և արաբները պարտավոր էին ներկայանալ սեփական ձիերով, իսկ հրացան տալիս էին իշխանությունները: Ըստ որում նրանք ազատվում էին ամեն տեսակ հարկերից: Այդ հեծելազորը իր ռազմական կառուցվածքով տիպիկ ֆեոդալական բանակ էր, որի գեներալական պաշտոնները գրավում էին քուրդ և արաբ առավել խոշոր ֆեոդալներն ու սրանց ազգականները, ավելի նվազ ֆեոդալները գնդապետի աստիճան ունեին, իսկ կրտսեր սպայական աստիճանները գտնվում էին սնանկացած ֆեոդալական ընտանիքների ներկայացուցիչների ձեռքին²:

Բոլորը զգում էին, որ մոտ ապագայում հայ ժողովրդի գլխով ան խորշակ է անցնելու: Ուստի հայերը նախապատրաստվում էին դիմագրավելու գալիքի մեծ փորձությունը:

Հայ ժողովրդի նկատմամբ սուլթանական կառավարության, թուրք ֆեոդալական վերնախավի և նոր ձևավորվող թուրքական բուրժուազիայի անզուսպ թշնամանքը հատկապես իր բարձրակետին հասավ 1894—1896 թվականներին: Օսմանյան կայսրության մեջ սկսվեցին հայկական ահավոր ջարդերը, որով սկիզբ դրվեց հայերի համատարած կոտորածներին: Համիդն անցավ «ռուսասեր գյավուրներին» գլխովին ոչնչացնելու, երկիրը «հայազրկելու» կուրսին:

Ջարդերի առիթ դարձավ երկրում ստեղծված ծանր վիճակի դեմ հայերի լուրջ ընդվզումները: Բազմաշարշար հայ գյուղացիության համբերության բաժակն արդեն լցված էր, երբ սուլթան Համիդը դիմեց մի նոր պրովոկացիայի, նպատակ ունենալով գրգռել հայերին, առիթ փնտրելով նրանց կոտորելու համար: Ի լրումն իր բազմաթիվ ստոր արարքների, սուլթանը, հայ «ռայային» իսպառ քայքայելու համար քուրդ ցեղապետե-

րին հանձնեց նրանցից հարկ հավաքելու մենաշնորհը, դրանով իսկ շղթայազերծ անելով և հայություն դեմ ուղղելով ոչ միայն թուրքերի արյունառուտ բնազդները, այլև քուրդ ցեղապետերի ընչաքաղցությունը: Սուլթանի այդ ավազակաբարո գործողություններից զայրացած՝ 1894 թվականի ամռանը ոտքի ելան Սասունի՝ Արևմտահայաստանի լեռնային, լավ պաշտպանված այդ շրջանի հայերը: Ապստամբները քարուքանդ արեցին նոր կառուցվող թուրքական բերդը: Ի պատասխան սասունցիների ապստամբության, Համիդը կարգադրեց ամենայն դաժանությամբ արյան մեջ խեղդել այն: Նա Սասուն ուղարկեց «համիդիե» հեծելազորը և զինվորական այլ միավորումներ՝ Զեքի փաշայի հրամանատարությամբ: Բարձրահասակ, մկանուտ լեռնաբնակ սասունցիները խիզախաբար էին կռվում թուրքական մեծաքանակ զորքերի դեմ: Կանայք ոչ պակաս հերոսություն էին ցուցաբերում: Երբ թուրքերի ջոկատն անսպասելիորեն հարձակվեց գյուղերից մեկի վրա, որի տղամարդիկ գնացել էին գլխավոր զորքի դեմ կռվելու, կանայք հավաքվելով բարձր ժայռի վրա՝ հերոսաբար ետ էին մղում գրոհը: Իսկ երբ թուրքերը գրավեցին ժայռադիրքը, նրանք բարձր ժայռից նետվեցին ձորը՝ թշնամու ձեռքը չընկնելու համար: «Սա Հոմերոսից վերցրած առասպել չէ, այլ իրականություն, որ նկարագրվել է եվրոպական մամուլում»¹,— այսպես էր գրում Լոնդոնում ռուսերեն լույս տեսնող «Жизнь» հանդեսը:

Սասունը, շնայած հերոսական պաշտպանությանը, ընկճվեց: Զորքը հեռացավ՝ ճանապարհին ջարդելով հովտի խաղաղ բնակչությանը: Քրդական ցեղերը դա համարեցին ազդանշան և սկսեցին անպաշտպան բնակչության ընդհանուր կոտորածը: Արյունալի այդ սպանդի մասին այսպես է գրում սովետական թուրքագետ Ա. Տ. Միլլերը. «Սասունում ծայր առավ հայերի մասսայական ջարդը, որը վերածնեց ամենախավար միջնադարի սարսափները: «Համիդիե» զորախմբերը սպանում էին հայկական գյուղերի ու քաղաքների բնակիչներին՝ շխնայելով ո՛չ երեխաներին, ո՛չ կանանց, ո՛չ ծերերին: Սասունի կոտորածը տաս-

О. Г. Инджикян, Буржуазия Османской империи, էջ 38, Ա. Համբարյան, Ագրարային հարաբերությունները Արևմտյան Հայաստանում, էջ 32—33:

¹ Տե՛ս Եղիշե 3. Մեխիբեան, Հարբ-հնուս, էջ 299:

² Տե՛ս АБ. Алимов, Турция (в книге «Очерки по истории Востока в эпоху империализма»), ОГИЗ Соцэкгиз, М.—Л., 1934, էջ 23:

¹ «Жизнь», 1902, № 4, июль, с. 10. (Գրական, գիտական և քաղաքական սոցիալ-դեմոկրատական հանդես: Մեջբերումը կատարված է հանդեսի «յանց» ստորագրությամբ «Հայկական հարցի շուրջը» հոդվածից: Բացառված չէ, որ հեղինակը Բոգդան Կունյանցն է):

նյակ հազարավոր զոհեր խլեց, իսկ մարշալ Զեքի փաշան այդ ջարդերի համար պարգևատրվեց շքանշանով¹։ Մասունից ջարդերը տարածվեցին Արևմտահայաստանի այլ վայրեր։

Պետությունը սրկէ արգելք չէր հանդիսանում սպանություններին, առավել ևս ավարառությունը, որովհետև ամեն ինչից զատ դա շահաբեր էր գանձարանին։ Հայերից թալանված արժեքավոր գույքն ուղղակի արձանագրվում էր թուրքական կառավարության հաշվին, իսկ անարժեք ավարը բաժին էր ընկնում անմիջական շահի ակնկալությունից մոլեգնած թուրք ելուզակներին։

Հաջորդ՝ 1895 թվականին հայկական կոտորածների ալիքը տարածվեց մյուս բոլոր հայաբնակ վայրերը։ Այդ մասին Ի. Գոլբորովը գրում է. «Հայկական ջարդերը, սկսվելով Մշո մոտակա Մասունի լեռնային գյուղերում, տարածվեցին Փոքր Ասիայի 10 վիլայեթներում... էրզրումը, Գիարբեքիրը, Բիթլիսը, Վանը, Սեբաստիան, Տրապիզոնը և մյուս վիլայեթները դարձան արյունալի գաղանթությունների ասպարեզ...»²

Վերջապես 1896 թվականին ջարդեր սկսվեցին կայսրության մայրաքաղաքում՝ Ստամբուլում։ Եվրոպական կառավարությունների ուշադրությունը հայկական հարցի վրա բեկեռելու, մասնավորապես Արևմտյան Հայաստանում բարենորոգումներ իրականացնելու մասին տված խոստումները հիշեցնելու նպատակով դաշնակ երիտասարդներից կազմված մի զինված ջոկատ 1896 թվականի օգոստոսի 14-ին հարձակում գործեց Կ. Պոլսի «Բանկ Օթոման» դրամատան վրա և գրավեց այն։ Թուրքական կառավարությունն առավելագույն շտիով օգտագործեց առիթը և համարձակություն ունեցավ այս անգամ հենց մայրաքաղաքում, Եվրոպայի քթի տակ հայերի արյան նոր բաղնիք սարքել։ Մի քանի օրում գազանային հաշվահարդարին զոհ գնաց 14 հազար պոլսահայ³։

Սուլթանը մայրաքաղաքի հայության ջարդին մասնակից դարձրեց ոչ միայն զորքն ու ոստիկանությունը, այլև Կ. Պոլսի ապաղասակարգայնացված խավերին։

Պետք է ասել, որ ընդհանրապես հայ և կայսրության քրիստոնյա մյուս ժողովուրդների զլխին իսկական դժբախտություն էր թուրքական իրականությունից ծնունդ առած թուրք լյութայենը, կամ Կ. Մարքսի ասած՝ «թուրքական խուժանք»։ Բնութագրելով կիսաքաղց ու ապաղասակարգայնացված սոցիալական այդ խավին, Կ. Մարքսը գրել է. «Եվրոպայում թուրք բնակչության զլխավոր հենարանը... Կ. Պոլսի և մի քանի ուղ ջաղաճների խուժանն է։ Այդ խուժանը գերազանցապես թուրքական ծագում ունի, և չնայած այն բանին, որ նրան աշխատանք տվողը գլխավորապես քրիստոնյա կապիտալիստներն են, այդ խուժանը, այնուամենայնիվ, մոլեռանդորեն պաշտպանում է իր երևակայական գերազանցությունը և խժոժություններ կատարելու իր իրավական իրավունքը, որը երան, ի հակակշիռ քրիստոնյաների, տալիս է արտոնյալ կրոնին՝ իսլամին պատկանելի։ Շատ լավ հայտնի է, որ ամեն մի կարևոր coup d'état-ի (պետական հեղաշրջման։— Հ. Ս.) ժամանակ կաշառելու և շոշկու միջոցով այդ խուժանին անհրաժեշտ է իրենց կողմը գրավել...»¹

Արևմտյան Հայաստանի վրայով անցած արյունալի խորշակը, մուսուլմանական-թուրքական մոլեռանդությունը երկու տարվա ընթացքում տարավ այն ամենը, ինչ ձևոր էր բեղվել բազմադարյա աշխատանքով։ Ի. Գոլբորովի ավյաններով 1894—1896 թվականների հայկական ջարդերի մասնակի «չցկիղվեց ու քարուքանդ արվեց մոտ 50 հազար տուն, ավելի քան 8 հազար գյուղ։ Հոշոտվեց 40 հազար տղամարդ, կին և երեխա, վիրավորվեցին մոտ 100 հազար, անօթևան և առանց գոյություն միջոցների մնաց 300 000 հայ բնակիչ»²։ Տասնյակ հազարավոր հայեր Թուրքիայից փախչելով ապաստանեցին այլ երկրներում։ Ջարդերի ընթացքում միայն Կովկաս անցան 120 հազար արևմտահայ գաղթականներ։

Անդրադառնալով 1894—1896 թվականների հայկական ջար-

¹ К. Маркс и Ф. Энгельс, Соч., т. 9, с. 6—7.

² И. И. Голобородько (И. Южанин), Старая и новая Турция, с. 251.

Իր ավյանները Ի. Գոլբորովը հավանաբար բաղել է թուրքական ազբյուրներից։ Իրականում, ինչպես հաստատում են հայկական տվյալները և Եվրոպացիների ուսումնասիրությունները, միայն սպանված հայերի թիվը հասել էր 300 հազարի։

¹ А. Ф. Миллер, Краткая история Турции, с. 107.

² СГ «И. И. Голобородько (И. Южанин), Старая и новая Турция, с. 251.

³ СГ «Ենթհրդային Հայաստան», 4 դեկտեմբերի 1921 թ.։

դերին, սովետական թուրքագետ Բ. Դանցիգը նշում է. «Հայկական բնակչության շարժերը վրդովմունք առաջ բերեցին ամբողջ աշխարհում: Թուրքական կառավարության նկատմամբ միայն գերմանական դիվանագիտությունը բռնեց կարեկցական դիրք, իսկ Վիլհելմ II-ը ցուցադրաբար Աբդուլ Համիդ II-ին ուղարկեց իր նկարը՝ բարեկամական մակագրությամբ¹: Ճիշտ է, որ Համիդին բացահայտորեն պաշտպան կանգնեց միայն կայզերական Գերմանիան, բայց ճշմարիտ է նաև այն, որ մեծ տերություններից ոչ մեկը չբռնեց թուրքերի ձեռքը, պաշտպան չկանգնեց սրածվող ժողովրդին: Սովորություն դարձավ հայկական ամեն կոտորածի նախօրյակին Թուրքիայից պահանջել որևէ բան, կոտորածի ընթացքում նրան սպառնալ «բարենորոգումների» գործադրման պահանջով, կոտորածից հետո ստանալ ուզածը և լռել: Հենց դրանից էլ առավելագույնս օգտվում էր Թուրքիան, որը դիմահակվելով մեկ այս, մեկ մյուս տերությանը, իր փրկությունը տեսնում էր եվրոպական ուժերի մրցակցային ոգին հրահրելու մեջ: Սուլթանական կառավարությունը քաղաքական, տնտեսական, երբեմն էլ հողային գիշումներով կաշառում էր եվրոպական տերությունների կառավարություններին, ապա հակաքրիստոնեական ատելության իր ամբողջ թույնը կենտրոնացնելով «անհավատների» վրա, հերթով թափում էր հույների, հայերի, բուլղարների, մարոնիթների, ասորիների, կրկին հույների և կրկին ու կրկին հայերի արյունը:

Այդ տարիներին հայերի համար դժվարին կացություն էր ստեղծվել նաև Օսմանյան կայսրությունից դուրս, մուսուլմանական մի շարք երկրներում, որոնց արևելյան բռնապետները մոլեռանդ հավատարմություն դրսևորելով իսլամի դրոշին, անառակելիորեն կատարում էին թուրքական սուլթան-խալիֆի հրահանգները: Այսպես, օրինակ, թուրքական իշխանությունների պատվերով, անձամբ սուլթան Համիդի թելադրանքով 1897 թվականին Աֆղանստանի էմիր Աբդուլ Ռահման խանը ցրեց մայրաքաղաք Քաբուլի նախկինում լավ կազմակերպված, բայց այդ ժամանակ արդեն նվազած ու հոգեվարք ապրող հայկական գաղութը: Պոլսից եկած հրահանգով հայությունից «մաքրվեց» իսլամի «սուրբ» հողերից մեկը: Նախ հայերից խլվեց նրանց ունեցվածքը, ապա կարճ ժամկետ տրվեց թողնել երկիրը:

¹ Б. Данциг, Турция, Военное издательство, М., 1949, с. 30.

Հեռանալով Քաբուլից, աֆղանահայերը ցրվեցին Բրիտանական կայսրության տարածքներում, գլխավորապես ապաստան գրտնելով Հնդկաստանի Փեշավար քաղաքում¹:

Մեծ աղետը՝ առաջին զանգվածային կոտորածը², ահարկուցնցում պատճառեց բովանդակ հայությունը: Հալածական ժողովրդի համար օրերը մտայլ էին, քաղաքական հորիզոնը՝ բլուրովին մթնած: Ամենուրեք ընդհանուր սարսափ, զարհուրանք, հուսահատություն... Իսկ սուլթան Համիդն իր էլըտրեզի քեռշքի մեջ նստած տարված էր ճիվաղային հաղթանակների մեղրալուսնի տոնախմբությամբ:

¹ Քաբուլի հայ գաղութի ճակատագրի մասին տե՛ս Մեսրոպ Թաղիադյան, Պատմություն հին Հնդկաստանի, 1840, էջ 228; Հարություն Ք. Տեր-Հովհաննիսյան, Պատմություն Նոր Զուղայու որ յԱսպահան, գիրք Բ., 1881, էջ 111; «Ազգասեր» հանդես, Դ. հատոր, թիվ 108, 1947, «Արև» (Կահիրե), 22 մայիսի և 8 հունիսի 1957:

² Բնականաբար կարող է հարց առաջանալ, թե ինչու մասնեղական թուրքերն իշխող դրության բերումով միջնադարում, այսինքն՝ խավարամուլթյան և կրոնական անհանդուրժողականության դարերում չունեցան իրենց քրիստոնյա հպատակներին, այդ թվում հայերին, թե ինչու հայության բնաջնջման գործին նրանք ձեռնամուխ եղան պատմական ոչ հեռավոր անցյալում՝ 1880-ական—1915 թվականներին, քաղաքակիրթ մարդկության անտարբեր աչքերի առջև Դրա պատճառներից մեկն այն է, որ թուրքերը, ինչպես վերևում ասվեց, զբաղված լինելով երկրներ նվաճելով և թալանով, խուսափում էին աշխատանքային գործունեությունից: Բայց քանի որ առանց նյութական արժեքների ընդհանրապես անհնարին է մարդկային կենսագործունեությունը, ուստի նրանք հանդուրժում էին հայերի և մյուս քրիստոնյաների, այսինքն՝ իրենց համար աշխատող ու արտադրող ձեռքերի գոյությունը նույնիսկ իրենց տիրապետության ամենադժան ժամանակներում (տե՛ս Մ. Մեսրոբյան, Մեր պաշարը հայ ազատագրության ուղիով, էջ 208—209): Հայտնի է, օրինակ, որ էրու Սաիդ-Բահադուր խանը, տեսնելով, որ հայերը բազում տուրքերի անտանելի ծանրությանը չդիմանալով զաղթում են իրենց երկրից, 1239 թվականին Անի քաղաքի մզկիթի վրա մի հրովարտակ փորագրել տվեց, նրանց խոստանալով ամեն դյուրություն, հանգստություն և սուրբերի ներում, միայն թե հրաժարվեն այլ տեղեր մեկնելուց: Բայց հրովարտակը ազդեցություն չգործեց Անիի և շրջակա տարածքների հայության վրա, որոնք խորապես համոզվել էին, որ թուրքերի հետ համատեղ կյանքն անհնարին է այլևս: Եվ նրանք ճանապարհ ընկան հեռավոր ու անժանոթ եզերքներ: Բայց, ինչպես նշում է հետազոտողներից մեկը, «առանց հայու իրենք ևլ շապրեցան հայու արյունով լուացած երկրին մեջ: Թշուստացած, դժբախտացած անոթի գայլերու պես քաշուեցան ուրիշ տեղեր՝ իրենց շահատակությունները շարունակելու համար, թողնելով երկիրը անտեր ու ամայի» («Անահիտ», 1911, էջ 21):

Այս պայմաններում արևմտահայ մի շարք գավառներում, այդ թվում Տարոնի գավառում շարժում սկսվեց, որի նպատակը դավանափոխությունն էր: Հայերի մի մասը «յուսարով ապահովութեան յնասնեա մը գտնել», պատրաստ էր գոհաբերել պապենական հավատամքը և ընդունել ռուսական օրթոդոքս եկեղեցու դավանանքը՝ հուսարով ստանալ ռուսական պետության և ռուսական եկեղեցու ավելի ակտիվ բարոյական աջակցությունը՝ գեթ մեղմելու համար հետգհետե բաղմապատկիող զուլումները¹:

Հիրավի, հայ ժողովուրդը երկար ապրեց թուրքական անարգ տիրապետության տակ, կարողացավ դիմագրավել իրեն վիճակված անողոք ճակատագիրը: Ծիշտ էր ասվում, թե «Թուրքիայում հայ ծնվելը դժբախտություն է, հայ ապրելը՝ հերոսություն»: Հարյուրամյակներ շարունակ հայ ժողովուրդը իր գոյությունը պահպանում էր տաժանակիր աշխատանքով, տառապանքի, ծով արցունքի գնով, իր վաստակի մեծ մասը տալով թուրք զավթիչներին, լցնում նրանց որկորը, ապրեցնում հաբազատ հայրենիքը բռնադատողներին, հարստացնում թուրքական պետության դանձարանը: Եվ որպես դրա վարձատրություն, այդ պետությունը հայ ժողովրդին թաթախեց արյան լճերի մեջ:

Մայրահեղ հուսահատության և ընդհանուր լքումի այս անտանելի մթնոլորտում միակ մխիթարությունը հայ կտրիճ ֆիդային էր, խիզախ հայդուկը՝ ինքնամոռաց ու անսակարկ, որը տուն-տեղ թողած, ընկերացած հրացանին, ապավեն ունենալով հաբազատ լեռներն ու անտառները, վախ ու դադար չունենալով կռիվ էր տալիս թուրքական բռնակալության դեմ՝ վրեժի անմար կրակը սրտում:

Հայկական կոմիտեներն իրենց ուժերը կենտրոնացրին մի շաքք կարևոր վայրերում՝ բնակչությունը պաշտպանելով քրդապան ցեղերի ու զորքի դազանություններից: Կոտորածների խանձարուրից ծնունդ առան հայդուկային նոր ջոկատներ, որոնք շատ տեղերում փայլուն կերպով կատարեցին իրենց խնդիրը: Պատահական չէ, որ բոլոր այն վայրերում, որտեղ կային անձ-

նազոհ ֆիդայիներ, թուրքերը և հատկապես քուրդ հրոսակները, չկարողացան շատ գոհեր խլել: Ըստ որում Թուրքիայի ողջ տարածքի վրա միայն Տարոնի աշխարհն էր, որ ղերծ մնաց ջարդերից: Պատճառն այն է, որ այնտեղ էին գործում հայդուկ Անդրանիկ Օղանյանը և նրա նման առյուծասիրտ քաջեր, որոնք փակել էին արյունոտ աշիրապետերի ջուրղի ու թալանի ախորժակը: Սասունում նկատելի կորուստներ տալով, ջարդարարները հետագա մի քանի տարիներին նույնպես սիրտ չէին անում կռվի մեջ մտնել Տարոնի դինյալների հետ:

Թուրքական իշխանություններն ու ջարդարարները իրենց արյունոտ արարքները փորձում էին արդարացնել նրանով, թե իրենք ստիպված են եղել «հայերին պատժել» և նրանց «պատժել են» պետության դեմ ապստամբելու համար:

Բայց ինքը՝ թուրքական կառավարությունը, շատ լավ գիտեր, որ հայերը ղենքի են դիմում ստիպված, ճարահատյալ, ակամաչից, առանց բուռն ցանկության, իբրև ինքնապաշտպանության և փրկության վերջին միջոցի: Արևմտահայության միակ ձրգատուձր բարենորոգումներն էին, այսինքն՝ ապրելու և աշխատելու հնարավորություն ունենալը: Հայերը թշնամանք չունեին թուրքերի, իբրև ժողովրդի, հանդեպ: Դեռևս հայ ազատագրական շարժման սկզբնավորման շրջանում իր հերոսներից մեկի բերանով Բաֆֆին ասում էր. «Եթե մեզ հանգիստ թողնեն, եթե մեր ընտանիքը շանպատվեն, եթե մեր վաստակը մեր ձեռքից չխլեն, եթե մեզ հետ մարդու նման վարվեն և անասունի պես շտանջեն, այն ժամանակ մենք գոհ կլինենք: ... Բռնակալը ինքն էր պատրաստում իր համար թշնամիներ... Եթե թուրքը այսպես չվարվեր մեզ հետ, մենք մինչև անգամ կսիրեինք նրան, թող նա մեր մսից և արյունից չլիներ»¹: Այա՛՜ ժողովրդի համար զենքեր հայթայթելը «ոչ թե ապստամբության նպատակ ունե, ... այլ՝ անձնապաշտպանության»²: Այո, հայ ժողովրդի ազգային-ազատագրական շարժման սկզբնավորման, այդ շարժման գաղափարախոսության առաջացման, հայդուկային շարժման ծագման, Սասնո այսպես կոչված «ապստամբությունների» միակ դրդա-

¹ Տե՛ս Սարգիս և Միսակ Բղեաններ, Հարազատ պատմություն Տարոնոյ, էջ 222—223:

² Տե՛ս Արսեն Մարմարեան, Զոր. Անդրանիկ և իր պատերազմները, 1926, Պոլիս, էջ 38:

¹ Բաֆֆի, Երկրի ժողովածու, հ. IV, էջ 311—312:

² Նույն տեղը, էջ 401:

պատճառը թուրքական պետության անմարդկային և բարբարոսական վերաբերմունքն էր խաղաղասեր և շինարար հայ ժողովրդի հանդեպ:

Ապստամբության միջոցով Օսմանյան կայսրությունից Արևմտյան Հայաստանի անջատման և անկախ պետության ստեղծման հարց չէին դնում նաև հայ քաղաքական կուսակցությունները:

Հայտնի է, որ չնայած հայության անտանելի կացությանը, առաջին քաղաքական հայ կազմակերպությունը, կամ ավելի ճիշտ՝ հոսանքը, հանձինս առմենականների, իր սկզբնավորման հենց սկզբից հանդես էր գալիս ոչ թե Օսմանյան կայսրությունից Հայաստանը անջատելու, ազգային անկախություն ձեռք բերելու պահանջներով, այլ օսմանյան ընդհանուր հայրենիքի բարեկարգության ծրագրով: Ծարժման ղեկավարներից Մ. Փորթուզալյանն իր ծավալած դործունեությունը դիտում էր իբրև «յուր ազգի և օսմանեան տերութեան զոյգ շահերին նուիրուած գործ»:

«Հնչակ» կուսակցությունը նույնպես, դնելով արևմտահայության ազատագրության հարցը, նպատակ չունեի Արևմտյան Հայաստանն անջատել Օսմանյան կայսրությունից և ստեղծել անկախ հայկական պետություն: Կուսակցությունը մի կողմից ձրգտում էր թուրքիայի կազմում ձեռք բերել հայկական ինքնավարություն՝ հայության վիճակը տանելի դարձնելու համար, մյուս կողմից ղանկանում էր թուրքիայում հաստատված տեսնել մանրբուրժուական ըմբռնումով սոցիալիստական էարգեր: 1894—1896 թվականների հայկական ջարդերից և հատկապես Սասունի 1904 թվականի ինքնապաշտպանական կռիվներից հետո միայն «Հնչակը» հակվեց դնելու հայկական անկախ պետություն ստեղծելու հարցը:

Եթե «Հնչակը» հետագայում այնուամենայնիվ դրեց ինքնուրույն հայկական պետություն ստեղծելու հարցը, ասլա ղաշնակցությունը սկզբից մինչև վերջ հաստատ մնաց Օսմանյան ֆեդերացիայի սկզբունքին: Նրա ծրագրում խոսք անգամ չկար թուրքիայից անջատվելու և անկախ Հայաստան ստեղծելու մասին¹:

Այսպիսով, արդուհամիդյան ջարդարարների կողմից հայերին հարուցված մեղադրանքը, թե նրանք Օսմանյան կայսրությունից անջատվելու նպատակ ունեն, բոլորովին չէր համապատասխանում իրականությանը:

Չնայած պարբերաբար սանձազերվող կոտորածներին ու անլուր հարստահարումներին, հայկական հողերի պլանաչափ զավթումներին և չնայած այն բանին, որ այդ բոլորի հետևանքով հարազատ երկրից հայերի մասսայական արտագաղթ էր ծայր առել, այնուամենայնիվ, 19-րդ դարի վերջին հայ ժողովրդի հիմնական մասը շարունակում էր ապրել հայրենի բնաշխարհում, ամուր կառչած հարազատ լեռներին ու դաշտերին՝ միշտ հուսո կայծը սրտում, անսասան պահելով կենսունակության կովանները:

Արդուհամիդյան սարսափի ուժիմն ավելի կամ պակաս ուժգնությամբ շարունակվեց նաև մեծ բռնապետի տիրապետության հետագա բոլոր տարիներին: Ծիշտ է, այդ ժամանակաշրջանում 1895—96-ի ղանգվածային կոտորածները չկրկնվեցին, սակայն դրանց մղձավանջը շարունակ թառած էր մնում բազմապիսի կեղեքումների և բռնությունների երեսից հյուժվող ու հալվող արևմտահայ ժողովրդի գլխին:

Թուրքական սուլթանը մահմեդականներին հրահրում էր ոչ միայն հայերի, այլև կայսրության մյուս քրիստոնյա ժողովուրդների դեմ: Այդ տարիներին նրա հրահրմամբ կոտորածներ եղան Մակեդոնիայում, Կրետե կղզում և այլուր: Իր դաժանություններով Արդուլ Համիդ II-ը վաստակեց «կարմիր սուլթան», «արյունոտ սուլթան» մականունները: Վ. Ի. Լենինը նրան անվանել է «թուրքական Նիկոլայ II»:

Կրոնական անհանդուրժողականության մթնոլորտը, սակայն, կարիքից ու թշվառությունից չէր կարող փրկել թուրքերին, արաբներին, քրդերին, կայսրության մյուս մահմեդական ժողովուրդներին: Ամեն անգամ, երբ մուսուլմանական ֆանատիզմի բորբոքումից հետո վրա էր հասնում հարաբերական խաղաղության մի շրջան, անմիջապես ցցոն երևում էր, որ մահմեդական կրոնն անկարող է մուսուլման ժողովուրդներին զերծ պահել օսմանյան կարգերի բռնադատումից: Թուրքական մակաբույծ պետությունը

¹ Հատկանշական է, որ Հայաստանի անկախության պահանջը դաշնակցությունը առաջին անգամ պաշտոնապես առաջադրել է 1919 թվականին ըն-

դունած իր ծրագրի մեջ, այսինքն՝ այն ժամանակ, երբ արդեն de facto գոյություն ուներ Հայաստանի «անկախ» հանրապետությունը:

շարունակում էր իսկական շարիք մնալ կայսրության բազմա-
ցեղ, բազմաբնու և այլադավան բոլոր ժողովուրդների համար:
Քանի որ Աբդուլ Համիդ II-ը և նրա շրջապատը չէին հրաժար-
վել Օսմանյան կայսրության տարածքների ընդլայնման գաղա-
փաբից, ուստի իսլամիզմը՝ կայսրության գաղափարական-քա-
ղաքական հիմնական «սուրբ» գաղափարախոսությունը, գնալով
ձեռք էր բերում ունակցիոն նոր գծեր, որոնք նրան տանում էին
դեպի պանիսլամիզմ (համիսլամականություն): Իսլամիզմի մեջ
հատկապես ուժեղացան այն տենդենցները, որոնց սնող գաղա-
փաբը ինկադրում էր, թե թուրքական սուլթանը, իբրև մուսուլ-
մանների խալիֆ, իշխանություն ունի ո՛չ միայն Օսմանյան կայսր-
րության հպատակների, այլև ամբողջ աշխարհի մուսուլման-
ների վրա:

Խալիֆի պիսավորությամբ համաշխարհային մուսուլմանա-
կան պետություն ստեղծելու գաղափարը նոր չէր. այն առաջ էր
քաշվել դեռևս իսլամի գոյության առաջին տասնամյակներին:
7-րդ դարի կեսերից սկսած այն դարձել էր արաբների նվաճո-
ղական պատերազմների գաղափարական դրոշ:

«Օմարի ժամանակ էր, — գրում է գաղութահայ մտավորա-
կան Լևոն Մարտիրոսյանը, — որ իսլամը դուրս եկավ Արաբիոյ
սահմաններեն իբրև զինուած ոյժ և հրով ու սրով իր տիրապե-
տությունը տարածեց Սիրիոյ, Իրանի, Պաղեստինի, Հայաստանի
և Եգիպտոսի վրայ: Այս նուաճումները կատարուեցան անհա-
վատալի արագությամբ: Ամբարտավան Բյուզանդիոնի ուժը
չկրցավ թուփ կանգնեցնել իսլամներու նորելուկ բանակներուն
առջև, որոնք ամեն տեղ յաղթանակներ կը տանեին «Ալլահ էք-
պար» («Ո՛վ մեծն Աստուած») աղաղակներով: Երեվոթապես
կրոնական մոլեռանդությունն էր մահմեդական ամբոխը. հրա-
հրողը, բայց իրապես անոր հիմքը ընշաքաղցությունն էր: «Ան-
հավատները» հարստացեր էին, հավատացեալները պետք էր
տիրանային անոնց հարստություններուն. այդպես էր Ալլահին
հրամանը»¹:

Համաշխարհային մուսուլմանական պետություն ստեղծելու
գաղափարը չհաջողվեց իրականացնել միջնադարում, նույնիսկ
Աբաբական և Օսմանյան կայսրությունների հզորության շրջան-

ներում: Այդ գաղափարը, որ հետագա դարերում խլացվել էր
պատմության ունալ ընթացքով, արդուհամիդյան ժամանակա-
շրջանում նորից կենդանություն առավ:

Նոր ժամանակներում պանիսլամիզմի խոշորագույն քարո-
զիչներ դարձան Ջեմալ Աֆղանին, Աբդուլ Գուդան և ուրիշներ:
Սուլթան Համիդը մեծ ակնածանք էր տածում հատկապես նորա-
գույն պանիսլամիզմի նշանավոր գաղափարախոս Ջեմալ-ադ-
դին ալ-Աֆղանու (1839—1909) նկատմամբ: Սա տարիներով
«հյուր» լինելով Համիդի պալատում, առատ «նվերներ» էր ստա-
նում սուլթանից պանիսլամական ակտիվ պրոպագանդա կազ-
մակերպելու համար:

Մուսուլմանական «Մանար» հանդեսում պարբերաբար լույս
ընծայած հոդվածներում, առանձին գրքերում, մեջիդներում կար-
դացած քարոզներում Ջեմալ Աֆղանին և մյուսները հիմնավո-
րում էին նորագույն պանիսլամիզմի գաղափարները:

Ելնելով այն գաղափարից, թե իսլամը իր հավատացյալ-
ների համար ապահովում է վերագգային և վերդասակարգային
ընդհանրություն, նորագույն պանիսլամականները գտնում էին, թե
պատմության մեջ եղած բոլոր պետական և քաղաքական միա-
վորումներից ամենակատարյալը մահմեդական կրոնապետու-
թյան սկզբունքներով ստեղծված օսմանյան պետությունն է՝ սուլ-
թանի գլխավորությամբ: Հիմք ընդունելով այդ միավորումը, աշ-
խարհի բոլոր ազգերի մուսուլմանները պետք է միավորվեն հա-
մաշխարհային իսլամական պետության մեջ՝ այս դեպքում
նույնպես գլուխ ունենալով Բարձր Գուռը, սուլթան-խա-
լիֆը, որի անձի մեջ պետք է միաձուլվեին համաշխարհային
մուսուլմանական պետության և՛ աշխարհիկ, և՛ հոգևոր իշխա-
նությունը²: Նոր պետության շրջանակներում պետք է միավոր-
վեին Օսմանյան կայսրությունը, Իրանը, Աֆղանստանը, Հընդ-
կաստանի մուսուլմանական բնակչություն ունեցող մարզերը,
ամբողջ Միջին Ասիան, Ինդոնեզիան, Աֆրիկայի մի շարք երկրը-
ները: Պահպանելով ներքին ինքնուրույնությունը, արևելքի ֆեո-
դալական այդ պետությունները հոգևոր և գաղափարական տե-

¹ Տե՛ս «Панисламизм и пантюркизм», «Мир ислама», т. II, 1913, вып. VII, էջ 559—566:

² Տե՛ս «К вопросу о панисламизме», «Мир ислама», т. II, 1913, вып I, էջ 1—12, А. Аршаруни и Х. Габидуллин. Очерки панисламизма и пантюркизма в России, М., 1931, էջ 4:

¹ Լևոն Մարտիրոսյան, Գաղափարային կոիվներու գիծը ազգերու պատ-
մութեան մեջ, էջ 94:

սակետից անառակելիորեն պետք է ենթարկվեին սուլթան-խալիֆին¹:

Արդու Համիդը, որ կրում էր խալիֆի տիտղոսը, հույս ուներ, որ առաջինը հենց իրեն կվիճակվի դառնալ ապագա համաշխարհային իսլամական պետության ղեկավար:

Խոսելով նորագույն պանիսլամականության մասին, հարկ է նշել, որ քրիստոնյա և մուսուլման մյուս ժողովուրդների հանդեպ այն ավելի անհանդուրժող, ավելի ագրեսիվ դրսևորումներ ունեցավ, քան միջին դարերի պանիսլամականությունը:

Չնայած դրան, պանիսլամիզմի նորագույն տարբերակը աչակցություն էր գտնում Մեծ Բրիտանիայի կողմից և պատահական չէ, որ այդ պատճառով պանիսլամիզմի հակառակորդները երբեմն այդ գաղափարախոսությունը «անգլիական պանիսլամիզմ» էին անվանում: Քանի որ Թուրքիան այդ շրջանում Անգլիայի վասալն էր, ուստի նրա տարածքների ընդլայնումը, նրան մեծ թվով երկրների միացումը փաստորեն Բրիտանական կայսրության միջազգային հեղինակության բարձրացում կնշանակեր:

Պանիսլամիզմի գաղափարը, որ տեսականորեն հեշտ ընկալելի էր և թվում էր, թե կյանքում կիրականացվի առանց մեծ դժվարությունների, գործնականում սակայն անհնարին եղավ իրականացնել դասակարգային և ազգային քաղաքական շահերի, մուսուլմանական և քրիստոնեական պետությունների խճճված փոխհարաբերությունների բարդ միանյութման իրադրության մեջ:

19-րդ դարի վերջին քառորդում մուսուլմանական երկրներն ավելի ու ավելի մեծ շահով էին գաղութային կախման մեջ ընկնում օտարերկրյա կեղեքիչներից: Այդպիսի պայմաններում իսլամ հոգևորականությունը, ամբողջությամբ վերցրած մահմեդական կրոնը սկսեցին հակասական դեր խաղալ:

Մի կողմից մահմեդականությունն օբյեկտիվորեն խոչընդոտներ էր ստեղծում եվրոպական գաղութարարների համար, որոնք ձգտում էին նվաճել Արևելքը: Հակազգաղութային շարժումների որոշ մեծ խալիֆ գաղափարախոսության մեջ գտնում էին իրենց նկրտումների և լեզուներին կրոնական արտահայտությունը:

Մուսուլմանական հոգևորականությունը, ապա և պանիսլամականության քառորդները լողունգներ էին հուշակում, որոնք ինչոր շահով նպաստում էին օտարերկրյա նվաճողների դեմ արեվելյան ժողովուրդների միավորմանը: Բայց հենց դրանով էլ սպառվում էր իսլամի և պանիսլամիզմի դրական լիցքը: Այդ լիցքը շնչին էր այն բացասական հետևանքների համեմատ, որ թողնում էր իսլամը մուսուլմանական միլիոնավոր զանգվածների վրա:

Նախ առենք, որ գաղութային տերությունների նվաճողական քաղաքականությունը լուռ պաշտպանություն էր գտնում ֆեոդալական տներից սերված առավել ունակցիոն բարձրաստիճան հոգևորականության կողմից: Օղտվելով մասսաների վրա ունեցած իր ազդեցությունից, այդ հոգևորականությունն ամեն ինչ անում էր, որպեսզի նրանց մեջ պահպանի հնազանդության ոգին, և հենց դրանով էլ օբյեկտիվորեն աչակցում էր գաղութարարներին:

Պանիսլամականները նույնիսկ Արևելքը նվաճող գաղութարարների դեմ պայքարի լողունգներ հուշակելիս խեղաթյուրում էին ռեալ գոյություն ունեցող դասակարգային ու ազգային հարաբերությունները, իսլամը հակադրում քրիստոնեությանը, Արևելքի կուլտուրան ու քաղաքակրթությունը՝ եվրոպականին: Հենց այդ պատճառով պանիսլամիզմն օբյեկտիվորեն հարվածում էր մուսուլման ժողովուրդների հակագաղութային ազատագրական շարժմանը:

Ասիայի և Աֆրիկայի մուսուլմանական երկրների շահագործող դասակարգերը, բնականաբար, միատարր չէին. ֆեոդալակղերական վերնախավի կողքին ձևավորվում էր երիտասարդ բուրժուազիան: Ուստի այս երկու հասարակական խմբերը տարբեր մոտեցում ունեին պանիսլամիզմի հանդեպ, յուրաքանչյուրն այդ գաղափարախոսությանը մոտենում էր՝ ելնելով իր դասակարգային շահերից:

Ֆեոդալները և մուսուլմանական կղերը պանիսլամիզմը օգտագործում էին իբրև դրոշ նոր բարձրացող բուրժուազիայի դեմ մղվող պայքարում: Նրանք այդ բուրժուազիային ներկայացնում էին որպես մի դասակարգ, որը, պաշտելով փողը, միաժամանակ մերժում է մուսուլմանական քաղաքակրթության արժեքները, խախտում իսլամիզմի դարերով սրբազորված կանոնները, ոտնատակ տալիս շարիաթի սուրբ սկզբունքները: Նրանք

¹ S. M. T. Creswell. Ислам в политическом и общественном аспектах средневекового Востока. Изд-во «Наука», Москва, 1974, էջ 39-46:

փորձում էին տգետ ամբոխի կրոնական մոլեռանդությունն ուղղել արդեն իսկ իրենց մրցակիցը դարձած բուրժուական խավերի ու դասերի դեմ: Միաժամանակ կղերաֆեոդալական վերնախավերը շատ հաճախ փորձում էին մուսուլման մասսաներին համոզել, թե նոր բարձրացող բուրժուալիան: Եվրոպական տերությունների դաշնակիցը, գործակալն է, որն ամեն կերպ աջակցում է մահմեդական աշխարհը նվաճելու համար այդ տերությունների սկսած պայքարին:

Ի տարբերություն մուսուլմանական երկրների ֆեոդալա-կղերական վերնախավերի, որոնք պանիսլամիզմը խորամանկորեն օգտագործում էին իրենց դասակարգային մրցակցի՝ նոր բարձրացող մուսուլմանական բուրժուազիայի դեմ, վեցջինս, ընդհակառակը, չկարողացավ պանիսլամիզմն օգտագործել ֆեոդալների դեմ մղվող պայքարում: Դրա փոխարեն նա պանիսլամիզմը, իբրև զենք, հաջողությամբ օգտագործում էր եվրոպական բուրժուազիայի դեմ մրցակցային պայքարում:

Ինչ վերաբերում է մուսուլմանական երկրների ժողովրդական մասսաներին, ապա նրանք չէին կարող պանիսլամիզմն ծառայեցնել իրենց դասակարգային նպատակներին, այն չէր կարող նրանց համար պայքարի զաղափարախոսություն դառնալ ընդդեմ իսլամի դրոշով հանդես եկող ֆեոդալների, առևտրականների և վաշխատուների:

Իսկ ի՞նչ դիրք բռնեց թուրք ազգային բուրժուազիան սուլթան Համիդի կողմից կայսրության մեջ ֆանատիկ իսլամականության բորբոքման և ռեակցիոն ու ագրեսիվ նորագույն պանիսլամիզմի նկրտումների հանդեպ:

Չենց սկզբից ասենք, որ թուրք բուրժուազիան ողջունեց և՛ մեկը, և՛ մյուսը:

Թուրք բուրժուազիան ձգտում էր իսլամն առավելագույն շահով հարմարեցնել իր դասակարգային շահերին, երկրում կայտալիստական հարաբերությունների զարգացմանը այնպես, որպեսզի կրոնական դոգմաները նրան չխանգարեն ուժեղացնելու վարձու աշխատանքի շահագործումը, ավելացնելու ապրանքների արտադրությունն ու վաճառքը, մեծացնելու շահույթը: Նա շահագրգռված էր նաև այն բանում, որպեսզի մահմեդական կրոնը, մուսուլմանական մոլեռանդությունն իրեն չխանգարեն անարգել կերպով ֆինանսական և այլ կարգի գործարքների մեջ մտնելու եվրոպացի «գլավուրներին» հետ:

Կայսրության մեջ իսլամի դերի բարձրացումը նա դիտում էր իբրև իր ազգային դիրքերի ամրապնդման հզոր միջոց: Անգիջում ատեղություն տածելով երկրի՝ քրիստոնյա բուրժուազիայի նկատմամբ, նա գտնում էր, որ իսլամն այն ուժն է, որի միջոցով հնարավոր է կրոնական անհանդուրժողականության և ստեղծության մթնոլորտ ստեղծել իր մրցակցի շուրջը, խարխել նրա տնտեսական դիրքերը, նրան դուրս մղել գործառնության ասպարեզից:

Վերջապես, մուսուլմանական մոլեռանդության բորբոքումը թուրքական բուրժուազիայի համար հատկապես կարևոր նշանակություն էր ստանում եվրոպայում բանվորական մասսայական շարժման առաջացման ու զարգացման առթիվ: Չնայած այդ շարժումն իր ծագման հենց սկզբից հանդես էր եկել իբրև դադութային ու կախյալ երկրների ժողովուրդների ազգային-ազատագրական շարժման բնական դաշնակից, բայց և այնպես երկրի կղերաֆեոդալական վերնախավերի օրինակով թուրքական բարձրացող բուրժուազիան ևս եվրոպական սոցիալիստական շարժումը համարեց «զուտ քրիստոնեական» շարժում և այն, ինչպես եվրոպական հասարակական մտքի և հասարակական գործունեության համարյա մյուս բոլոր դրսևորումները, հայտարարեց թշնամի իսլամին: Այդ եղանակով թուրք բուրժուազիան փորձում էր պատնեշել դասակարգային պայքարի մասին ուսմունքները, թույլ շտալ օսմանյան մուսուլմանական «միասնական» հասարակության երկփեղկում, խանգարել մուսուլման աշխատավոր մասսաների դասակարգային գիտակցության զարգացմանը:

Ինչ վերաբերում է կայսրությանից դուրս մուսուլմանական երկրների վրա թուրքական սուլթանի իշխանության տարածման գաղափարին, ապա թուրք ազգային բուրժուազիան այդ հեռանկարով ոգեշնչված էր ոչ պակաս, քան թուրքական ֆեոդալական արիստոկրատիան: Նրա երևակայությունը բորբոքվում էր այն մտքից, որ համաշխարհային մուսուլմանական պետության կազմավորումը զլուխ բերելու դեպքում կստեղծվի անժայռածիր, ընդարձակ ներքին շուկա, որտեղ ինքը կթելագրի իր կամքը՝ իբրև ընտրյալ ազգի բուրժուազիա:

Այնուհետև, թուրք ազգային բուրժուազիան գտնում էր, որ պանիսլամիզմի գաղափարները կարող են մուսուլմանական երկրների ուժերը և մուսուլմանական Արևելքի ողջ հզորությունը

հակադրել եվրոպական տերութիւնները բռնութեամբ, եվրոպական կապիտալին, որը հալածում է թուրքական ազգային կապիտալին: Բայց պանիսլամիզմի գաղափարը նրանց համար ավելի կոնկրետ, ավելի պրակտիկ նպատակ էր հետապնդում. պանիսլամիզմը կայսրութեան մահմեդական ժողովուրդների՝ լազերի, ալբանացիների, քրդերի և արաբների մեջ ամրապնդում էր այն համոզումը, որ թուրքական սուլթանը ոչ միայն իրենց աշխարհիկ տերն է, այլև բոլոր մուսուլմանների հզոր խալիֆը, որին պետք է ենթարկվել անառարկելիորեն, և անթերի կատարել նրա բարձր կամքը:

Սուլթան Համիդը և նրա համախոհները հետևում էին, որ պետքի պանիսլամիզմի գաղափարախոսները չհետևեն քրիստոնեական եկեղեցու ռեֆորմատորների օրինակին, չխոտորվեն ուղղափառ իսլամի ուսմունքից, նրա դոգմաները վերանայելու փորձ չանեն:

Սակայն, շնայած Համիդի գերագույն զգոնութեանը և ձեռնարկած միջոցներին, մահմեդականների մեջ ծայր առավ բարենորոգչական շարժում, որն ըստ էության ձեռնտու էր մուսուլման բուրժուազիային, և այդ իսկ պատճառով նրա առավել առաջադեմ ներկայացուցիչները սատարում էին դրան:

Շարժման ղեկավոր նպատակն էր՝ այնպես բարեփոխել իսլամը, որ այն կանխորոշեր մուսուլմանական կրոնի տարբեր ճյուղավորումների և աղանդների վերամիավորումը՝ արդիականացված, «լուսավորյալ», ժամանակակից քաղաքակրթությանը չհակասող դոգմաների հիմքի վրա:

Ինչպես հայտնի է, դավանաբանական-դոգմատիկ տեսակետից իսլամի տարբերիչ գծերից մեկը նրա միաստվածութեան հատուկ ընդգծվածությունն ու հետևողականությունն է: «Ձկա աստված Ալլահից բացի» բանաձևումն իրոք որ միաստվածութեան հավատի դավանման շարժանուն է: Բայց այդ ամենը միայն առաջին հայացքից, միայն արտաքինապես: Իրականում եթե իր ծագման սկզբում իսլամը միաստվածութեան հանդեպ ավելի մեծ հետևողականություն էր հանդես բերում, քան մյուս համաշխարհային կրոնները, ապա ժամանակի ընթացքում նա կորցրեց այդ հատկությունը: Աստու հակոտնյա սատանայի, հրեշտակների ու դևերի նկատմամբ հավատը, սրբերի պաշտամունքը, այն ամենը, ինչ բնութագրում է բոլոր համաշխարհային կրոնների միաստվածութեան պայմանականությունն ու ան-

հետևողականությունը, հետագա դարերում իսլամի մեջ ծավալվեց այնքան լայնորեն, որ այդ տեսակետից նա հավասարվեց քրիստոնեությանն ու բուդդայականությանը:

Եվ ահա, 19-րդ դարի վերջին քառորդում, իսլամում սկսվեցին աղանդավորական, բարենորոգչական նոր շարժումներ, որոնց գաղափարախոսները իսլամի «զարթոնքի» մեջ տեսնում էին Արևելքի ժողովուրդների տեխնիկական և կուլտուրական դարավոր հետամնացության վերացման միջոցը:

Բարենորոգչական նոր շարժումն այնքան տպավորիչ էր, որ նրա ոլորտից չկարողացավ դուրս մնալ նույնիսկ նորագույն պանիսլամիզմի հիմնադիր Ջեմալ-ադ-դին ալ-Աֆղանին:

Ծայր առած բարենորոգչական շարժման մեջ հենց սկզբից նշմարվեց երկու ուղղություն՝ պահպանողականների և արմատականների: Պահպանողականներն առավել խոշոր ներկայացուցիչը դարձյալ Ջեմալ Աֆղանինն էր: Սրա ռեֆորմիզմը շատ էր տարբերվում մուսուլմանական ռեֆորմացիայի մյուս գործիչների քարոզած նպատակներից. այն սահմանափակ էր և կոչված էր ծառայելու Օսմանյան կայսրության կղերաֆեոդալական վերնախավերի շահերին: Ջեմալ Աֆղանին գտնում էր, որ հասարակական վերափոխումների համար սկսած պայքարի կենտրոնը քաղաքական և տնտեսական կյանքի ոլորտներից պետք է փոխադրել կրոնական բարեփոխումների բնագավառ: Իսկ կրոնական բարենորոգում ասելով նա սահմանափակվում էր միայն իսլամն իր նախնական տեսքին բերելու կոչերով: Նրա կարծիքով մահմեդական կրոնը պետք է վերադառնար այդ հավատի գոյության առաջին հարյուրամյակների ժամանակներում ստեղծված սկզբունքներին՝ պարզ կենցաղին, պարզ սովորություններին, ասկետիկ կյանքին, վայելքներից հրաժարվելուն, սկզբունքներ, որոնք միանգամայն անընդունելի էին մուսուլմանական բուրժուազիայի համար¹:

Պայքարը քաղաքական և տնտեսական կյանքի միջավայրից կրոնական ռեֆորմների բնագավառ փոխադրելու պահանջը թելադրված էր մուսուլմանական աշխարհի ներքին «անդորրը» պահպանելու մտահոգությամբ: Դրանով իսկ նորագույն

¹ Ջեմալ-ադ-դին ալ-Աֆղանու՝ որպես բարենորոգչի հայացքների մասին տե՛ս М. Т. Степанянц, Ислам в философской и общественной мысли зарубежного Востока, էջ 89—95:

պանրարմիզմի գաղափարախոսները ժողովրդական մասսաների ուշադրությունը շեղում էին ունակցիոն դասակարգերի և նրանց շահնակից օտարերկրյա իմպերիալիստների դեմ մղվող պայքարից:

Այդ ատումով եզրպատկան շեյխ Մուհամմեդ Աբդոն (1834—1885) ազգի ձևում էր գնում: «Տրակտատ միաստվածության մասին», Ղուրանի մեկնաբանությունները աշխատություններում Աբդոն, ի տարբերություն Ջեմալ-ադ-դին ալ-Աֆղանու, պահանջում էր այնպես արդիականացնել իսլամը, որպեսզի այն լիովին հարմարեցվի կապիտալիստական հարաբերությունների նոր պայմաններին, որի մեջ լայնորեն ներթաշվել էր եզրպատկան ձևերը, ինչպես և մյուս բարենորոգիչները, նաև նույնպես ազդեցություն էր ցանսխալական աստվածաբանությանը՝ Ղուրանի ձեղինակությունը, այն պաշտպանում էր միջոցառումներով: Ջեմալ Աֆղանու նման Աբդոն հավատացյալներին կոչ էր անում չետևել «մարտը» իսլամին՝ նրա վաղնջական ձևով: Իրականում սակայն Աբդոն և մյուս բարենորոգիչները վերանայում էին ասուրբ գիրքը, փաստորեն իսլամը վերածնունդ նրա դուրանական ձևով: Աբդոն ուղղակի պնդում էր, թե անգլիական գաղութարարների դեմ քաղաքական, առաջին ևս ուղղակի պայքարը միայն վնաս կարող է բերել: Ավելին, նա գտնում էր, որ իսլամի վերածնունդյան և նորացման գործը հաջողությամբ գլուխ բերելու նպատակով պետք է ստեղծել անգլիացիների աջակցությունից և օգնությունից՝ Աբդոնը քաղաք, բնականաբար, ջերմ արձագանք էր գտնում անգլիական իմպերիալիստների կողմից, որոնք ամբողջովին կհասնում էին մուսուլմանական մոդեռնիստ բարենորոգիչների տեսակետները: Անգլիացիների օգնությամբ գառնալով եզրպատկան գեղեցիկ մուֆտի, Աբդոն լայն նախաձեռնություն ստացավ ազդելու երկրի կրոնական-գաղափարախոսական և քաղաքական կյանքի վրա:

Բարենորոգչական շարժման մյուս՝ արմատական ուղղության ներկայացուցիչները, որպես կանոն, շեղվում էին պանթի-

լամիզմի ավանդական գաղափարներից, իսկ նրա առանձին գործիչներ էլ բնա էություն մերժում էին պանիսլամիզմի ծավալապաշտական կողմերը: Այդ տեսակետից հատկապես հատկանշական էր Հեղկաստանի մի շարք մուսուլմանական գործիչների վերաբերմունքը պանիսլամիզմի հանդեպ:

Հնդկաստանը 19-րդ դարի երկրորդ կեսին եզրպատկան հետո դարձել էր մուսուլմանական օնֆորմացիայի երկրորդ խոշոր կենտրոնը: Ի հակակշիռ անգլի բուրժուական ազգայնականության, անգլիացիների ակտիվ աջակցությամբ 80-ական թվականների սկզբներից Հնդկաստանում լայն գործունեություն ծավալեցին մուսուլմանական լուսավորական կազմակերպությունները, որոնք էլ հակազդուլթային ազգային-ազատագրական շարժման մեջ մտցրին հնդկա-մուսուլմանական թշնամանքը: Մուսուլմանական լուսավորական շարժման խոշոր պարագլուխը դարձավ նշանավոր կրոնական և քաղաքական գործիչ Մայիդ Անմադ խանը (1817—1898), որը բազմակողմանիորեն զարգացած մարդ էր, լուսավորչալ մուսուլմանական ֆեոդալների և խոշոր առևտրականների տրամադրությունների և շահերի արտահայտիչը: Նա մուսուլմանների շրջանում ստեղծեց լուսավորական ընկերություններ, հիմնեց Ալիգարիսիայի նշանավոր կոլեջը, որտեղ մուսուլմանական երիտասարդությունից շինովնիկներ էին պատրաստում գաղութային վարչակազմի համար: Մայիդ Անմադ խանը հանդես էր գալիս որպես գաղութային օնծիմի հետևողական պաշտպան:

Հիմնավորելով իսլամի նորացման անհրաժեշտությունը, Մայիդ Անմադ խանը միաժամանակ իր բազմաթիվ աշխատություններում ցույց էր տալիս դրան հասնելու եղանակները և ուղիները: Մայիդ Անմադը, Մուհամմեդ Աբդուլի նման, իսլամի արդիականացման համար ծավալած գործունեությունը փորձում էր հիմնավորել հենց մահմեդական կրոնի դիրքերից: Բայց այդ բանը միշտ չէ, որ նրան հաջողվում էր: Նրա մոտ լրիվ ուժի մեջ

554 М. В. Малюковскій. Начальный этап мусульманской реформации в Британской Индии. Института востоковедения АН СССР, т. XVII, № 1, 1959, էջ 114—115. М. Т. Степанянц. Мусульманские тенденции в философии и политике XIX—XX вв., М., 1982, էջ 13—14, 53, 57—71, 115—123.

¹ См. К. А. Антонова, Г. М. Бонгард-Левин, Г. Г. Котовский. История Индии. Краткий очерк, изд. «Мысль», М., 1973, էջ 342:
² См. Л. Р. Гордон-Полонская. Мусульманские течения в общественной мысли Индии и Пакистана (Критика «Мусульманского национализма»), изд-во Восточной литературы, М., 1963, էջ 114—160:

էր մնում միակ աստծու մասին դավանանքը, միաստված, որը ստեղծել է և՛ բնությունը, և՛ մարդուն, և՛ հասարակութիւններ: Բայց աստծու հասկացութիւնը նրա մոտ այնքան վերացական է, որ մոտենում է նրա պանթեիստական և դեիստական մեկնաբանմանը: Բնությունը Սայիդ Ահմադ խանի դավանաբանական համակարգում այլ բան չէ, քան աստծու այլազոյութիւնը, իսկ նրա օրենքներն անխախտելի են և հանդիսանում են նրա էութեան արտահայտութիւնը: Այսպիսով, ստվերի տակ է մնում ուսմունքն անձնական աստծու մասին, հրաշքների մասին, աշխարհի գերբնական արարչութեան մասին: Կասկածի տակ էին դրվում մուսուլմանական դավանաբանութեան այնպիսի հիմունքներ, ինչպիսիք են ուսմունքներն աշխարհի վախճանի մասին, անդրշիրիմյան հատուցման, նախասահմանութեան մասին¹:

Սայիդ Ահմադ խանի գաղափարների ազդեցությամբ, 19-րդ դարի 80-ական թվականների վերջին, Հնդկաստանում ձևավորվեց և հատկապէս Փենջաբում լայն տարածում գտավ մուսուլմանական արմատական ռեֆորմատորական ուղղութեան մեջ ծագած մի հոսանք, որի գլուխ կանգնեց Միրզա Գուլամ Ահմադ Կադիանին²:

Գուլամ Ահմադը, որին «նոր մարգարե» հռչակեցին, այն կարծիքին էր, որ կարելի է վերացնել համաշխարհային կրօնների միջև եղած թշնամանքը, ավելին, մերձեցնել քրիստոնեութիւնը և մահմեդականութիւնը: Քրիստոնյաների և մահմեդականների միջև բարեկամական հարաբերութիւններ ստեղծելու նպատակով նա այն տեսակետն էր քարոզում, թե Հիսուս Քրիստոսը հարութիւն առնելուց հետո ոչ թե երկինք է համբարձվել, այլ մնացել է երկրի վրա, ապրել ու մեռել է Հնդկաստանում՝ մշտական շփման մեջ գտնվելով նրա բնակիչների հետ: Մուսուլմանների հետ հնդուականութեան հետևորդների մերձեցմանն էր վերաբերում նրա այն տեսակետը, թե ինքը զգում է, որ իր մեջ մարմնավորված է նաև Վիշնու³ աստվածը:

¹ Տե՛ս Կ. Ա. Крывелев, История религий, т. II, изд-во «Мысль», М., 1976, էջ 271:

² Տե՛ս նույն տեղը, էջ 271—272:

³ Վիշնու — բրահմայականության և հինդուականության մեջ Բրահմայի և Շիվայի հետ մեկտեղ Վիշնուն բարձրագույն աստվածութիւնն է: Այն պահպան աստված է, որը մարմնավորում է հավերժ կենդանի բնութիւնը: Որպէս արևի աստվածութիւն Վիշնուն հիշատակվում է Ռիշվեդում: Հնդիկները Վիշ-

Շեյխ Աբդուլի նման Գուլամ Ահմադը նույնպէս մերժում էր հակաանգլիական մոլեռանդութիւնը և հավատացյալներից պահանջում ենթարկվել գաղութային իշխանութիւններին: Ավելին, նա մեծ հույսեր էր կապում գաղութային զավթումների միջոցով անգլիական տիրապետութեան հետագա ընդլայնման հետ, որն իբր հեռանկարներ էրացրել ոչ իսլամ ժողովուրդների մեջ մահմեդականութիւն տարածելու համար¹:

Գուլամ Ահմադը հիմնավորեց աստվածաբանական այն թեզը, թե Ալլահը չուրաբանչուր հարյուրամյակը մեկ մարդկանց ուղարկում է մի նոր մարգարե, և որ 19-րդ դարում (կամ հիշրի 12-րդ դարում) Ալլահն ուղարկած այդ մարգարեն հենց ինքն է:

Կանոնավոր կերպով մեկը մյուսին հաջորդող մարգարեների մասին Ահմադի ուսմունքն ուղղված էր պանիսլամիզմի ծայրահեղութիւնների, իր տիրապետութիւնն աշխարհի ողջ մահմեդականութեան վրա հավերժ հաստատելուն ձգտող, իրեն Մուհամմեդի ժառանգն համարող թուրքական սուլթանի հիմքից զուրկ պահանջների դեմ²:

Մավալված գաղափարախոսական և քաղաքական պայքարում անգլիական գաղութարարներն ամբողջովին եզիպտացի և հնդիկ մոլեռեիստների կողմն էին: Իսկ թուրքական սուլթանն ու նրա շրջապատն այդ բարենորոգիչների նկատմամբ գրավել էին թշնամական դիրք, քանի որ հենց ուղղափառ իսլամն էր նրանց մեծ հնարավորութիւններ տալիս պանիսլամական և պանթուրքական խարդախներին համար:

Բարենորոգչական շարժման ազդեցութեան տակ սկզբնավորվեց նաև մահդիստական շարժումը:

Մահդիի³ իբրև մուսուլմանական մեսիայի և փրկարար տաջ-նորդի (շիաների մոտ՝ «թաքուն» իմամ) մասին վարդապետութիւնը, որ ծնունդ էր առել դեռևս միջին դարերում, 19-րդ դարի երկրորդ կեսին նորից վերակենդանացավ՝ հրապուրելով մուսուլմանաբնակ գաղութների ճնշված ու շահագործվող մասսա-

նուին երկրպագում են նաև որպէս «Ռամայանա» էպոսի հերոս Ռամայի և Կրիշնայի երկրային մարմնավորում:

¹ Culam Ahmad Gadiani, A humble patition to the Government Tlryag-ul-Quloob, Qadian, 1902, pp. 309-310.

² Տե՛ս Կ. Ա. Крывелев, История религий, т. II, էջ 272:

³ Մահդի — արաբերեն՝ ճշմարիտ ուղիով առաջնորդող:

ներին: Մահդիզմի նոր ժամանակների քարոզիչները հավատաց-
յալներին համոզում էին, թե շուտով, նախքան «աշխարհի վախ-
ճանը», հայտնվելու է մահդին, որպեսզի երկրի վրա վերա-
կանգնի արդարությունը: Մահդիզմը լայն տարածում գտավ
արևբակյան արևելքի հակաֆեոդալական և ազգային-ազատա-
գրական շարժումների մասնակիցների շրջանում, հատկապես
նգիպտոսում ու Սուդանում, դառնալով հակազաղութատիրական
շարժումների կրոնական արտահայտություններից մեկը¹:

1881 թվականին Սուդանում ապստամբություն բռնկվեց՝
ուղղված թուրք-եգիպտական իշխանությունների և անգլիական
գաղութարարների դեմ: Ապստամբությունը գլխավորեց նախկի-
նում սամմանիա դերվիշական ուխտի շեյխ, ապա իրեն մահդի
հռչակած Մուհամմեդ Ահմեդը: Մեկը մյուսի ետևից գրավելով
մի շարք քաղաքներ, ապստամբները 1883 թվականի նոյեմբերին
Կորդոֆան մարզի կենտրոն Ալ-Օբեյդիի մատույցներում գլխովին
ջախջախեցին 10 հազարանոց անգլիական ջոկատը: 1885 թվա-
կանի հունվարին նրանք զրոհով վերցրին երկրի վարչական
կենտրոն հարթումը, որտեղ սպանվեց Սուդանի անգլիացի նա-
հանգապետ Չ. Գորդոնը:

Մահդիականների համառ պայքարի շնորհիվ թուրք-եգիպտա-
կան և անգլիական զավթիչները վճռվեցին Սուդանից, երկիրն
անկախ հայտարարվեց, ստեղծվեց ֆեոդալական-աստվածապե-
տական պետություն: Մահդիի մահից հետո երկրի ղեկն անցավ
նրա ժառանգորդ Աբդուլհաք իրն ալ-Սաիդ Մուհամմեդի ձեռքը:
Անկախության տարիներին Սուդանում վարգանում էին առե-
տուրը, արճեստները, կառուցվում էին ճանապարհներ, բացվում
էին դպրոցներ: 1896 թվականին անգլիական գաղութարարները
վերսկսեցին կոիվները, իսկ 1898 թվականի սեպտեմբերին Օմ-
դուրմանի ճակատամարտում ջախջախեցին մահդիականներին:
Սուդանում հաստատվեց անգլիական գաղութարարների միա-
հեծան տիրապետություն:

Մահդիական շարժման հաջողության և Սուդանի կարճատև
անկախության նշանակությունը մեծ էր. մուսուլման հավա-
տացյալների մոտ համոզում ստեղծվեց, թե հնարավոր է կրո-
նական «սրբազան» պատերազմի միջոցով թոթափել գաղու-

թարարների լուծը և տիրանալ անկախության: Շարժումը մեծ
հարված էր նաև մահմեդականների մեջ դարերով արմատացած
այն մտայնությանը, թե թուրքական սուլթանը միաժամանակ
աշխարհի բոլոր մուսուլմանների հոգևոր առաջնորդն է: Ապս-
տամբ մահդիականները ղեկը էին բարձրացրել ոչ միայն քրիս-
տոնյա անգլիացի գաղութարարների, այլև մահմեդական թուրք
զավթիչների դեմ: Այդպիսով, մահդիական շարժումը դուրս էր
եկել ավանդական իսլամիզմի շրջանակներից:

Իսլամի դավանարանական կողմերի արդիականացման հա-
մար բարենորոգչական շարժումից զերծ չմնաց նաև Ռուսաս-
տանը:

Ինչպես հայտնի է, իսլամը ցարական Ռուսաստանի համար
ներքին պրոբլեմ էր դարձել դեռևս 16-րդ դարի երկրորդ կեսից,
երբ մեկը մյուսի ետևից ռուսական դորքերը նվաճեցին Թուր-
քիայի և Ղրիմի խանության վասալ մուսուլմանական տարածք-
ները:

Նույն՝ 16-րդ դարի սկզբներից խիստ աճել էր սուլթանական
Թուրքիայի ռազմաքաղաքական հզորությունը: Զիբրալթարից
մինչև Սև ծովի արևելյան եզրերներն ընկած ողջ տարածքների
վրա իրենց տիրապետությունը հաստատած օսմանցիների հա-
մար Սև ծովը ներքին ծով էր՝ շրջապատված նրանց կողմից
զավթած հողերով: Թուրքական կառավարողներն անսքող և ակ-
տիվ աջակցում էին Ղրիմի և Կազանի թաթարական խաներին,
նրանց ազրեսիայի մղում ռուսական պետության դեմ: Դեռ 15-րդ
դարի վերջին, գրավելով Դոնի գետաբերանը, օսմանյան զավ-
թիչներն ալնաեղ կառուցել էին Աղով բերդը, որտեղից Ղրիմի
թաթարների և նողայացիների օդնությունները հարձակումներ էին
գործում նաև Տյուսիս-կովկասյան հարթությունների վրա, հրով
ու սրով մահմեդականություն տարածում ադիգեյների, կաբար-
դինցիների, շերքեզների և այդ վայրերի մյուս ժողովուրդների
շրջանում: Անդրկուրանյան հողերի վրա օսմանյան զավթիչների
և Ղրիմի նրանց վասալների հարձակումներն ուժեղացան հատ-
կապես 16-րդ դարի կեսերին²: Թուրքերի ու թաթարների կո-

¹ Տե՛ս «История СССР с древнейших времен до наших дней», в
двенадцати томах, т. II, изд-во «Наука», Москва, 1966, էջ 561—562,
т. III, 1967, էջ 646:

² Տե՛ս նույն տեղը, հ. II, էջ 562:

¹ Տե՛ս М. Т. Степанянц, Ислам в философской и общественной
мысли зарубежного Востока, էջ 20:

դուպուտի ու բռնությունների» գաղափարական հիմքը «անհավատների» նկատմամբ կրոնական անհանդուրժողականությունն էր:

Արևելքից և հարավից եկող սպառնալիքի վերացումը և թիկունքի ամրապնդումը Ռուսաստանի համար ձեռք էր բերում ռազմաստրատեգիական խոշոր նշանակություն, որպես Բալթիկ ծով դուրս գալու համար պայքարի նախապայման: Կազանի և Ղրիմի խաների դեմ պատերազմելը դարձել էր ռուսական պետության հրատապ խնդիրը:

Իվան IV ցարի գլխավորած ռուսական զորքերը Երկարատև կռիվներից հետո 1552 թվականին ջախջախեցին Կազանի թաթարական խանությունը և այն միացրին Ռուսաստանին¹: 1556 թվականին Ռուսաստանին ենթարկվեց Աստրախանի թաթարական խանությունը²: 1557 թվականին պարտություն կրելուց հետո նոգայական մեծ հորդան վերացվեց և նրա տարածքները նույնպես մտցվեցին ռուսական պետության կազմի մեջ³: Նույն տարում ռուսները գրավեցին Բաշկիրիան: Ապա մեկը մյուսի ետևից Ռուսաստանի տիրապետությանը ենթարկվեցին Միջին Պովոլժիեն, Հարավային Մերձուրալյան շրջանները⁴: Հաջորդ, 17-րդ դարում, ռուսները գրավեցին Միբիրի խանությունը, Ենիսեյ և Ամուր գետերի հսկայական տարածքները և շարժվեցին դեպի Խաղաղ օվկիանոս⁵:

Ռուսաստանը շարժվում էր նաև հարավի ուղղությամբ: 18-րդ դարում նվաճվեց Ղրիմի խանությունը: 19-րդ դարի սկզբին Ռուսաստանին միացավ Ադրբեջանը: Յարիզմն իր գաղութային քաղաքականությունը ակտիվացնում էր նաև Հյուսիսային Կովկասում: Այստեղ ամբողջ կովկասյան գծով ընթանում էր ռազմական ամրությունների ինտենսիվ շինարարություն: Նպաստելով Կովկասում Ռուսաստանի դիրքերի ամրապնդմանը, այդ գիծը միաժամանակ խոչընդոտում էր Թուրքիայի և Իրանի նվաճողական նկրտումների իրականացմանը, որոնց թիկունքին կանգնած էին արևմտյան տերությունները:

Մինչև ռուսական նվաճումը Միջին Ասիայում կար ֆեոդալական երեք խանություն՝ Կոկանդի, Բուխարայի և Խիվայի:

¹ Տե՛ս «История СССР...», т. II, էջ 173:

² Նույն տեղը:

³ Նույն տեղը, էջ 173:

⁴ Նույն տեղը, էջ 174:

⁵ Նույն տեղը, էջ 340—345:

1865 թվականին ռուսական զենեքալ Մ. Չերնյակի զորքերը գրավեցին Տաշքենդը: Գրավված հողերի վրա 1867 թվականին ստեղծվեց Թուրքեստանի զենեքալ-նահանգապետությունը: 1873 թվականին Խիվայի խանության զորքերը առանց դիմադրության ռուսներին հանձնեցին մայրաքաղաքը, և խանությունը դարձավ Ռուսաստանի վասալը: Շուտով Ռուսաստանի վասալը դարձավ նաև Բուխարայի խանությունը: 1876 թվականին ռուսական զորքերը զենեքալ Մ. Սկոբելևի գլխավորությամբ նվաճեցին Կոկանդի խանությունը և նրա տարածքները միացրին Թուրքեստանի զենեքալ-նահանգապետությանը: 1881 թվականին ցարական զորքերը գրավեցին Աշխաբադը և նրա շրջակա տարածքները նույնպես մտան Ռուսաստանի կազմի մեջ¹:

Մուսուլմանական այդ երկրների միացումը Ռուսաստանին, չնայած ցարիզմի գաղութային տիրապետությանը, հսկայական առաջադիմական նշանակություն ունեցավ դրանց ժողովուրդների համար, օբյեկտիվորեն շեշտակի շրջադարձ նշանավորեց նրանց պատմական ճակատագրում: Դրանց մեծ մասի, հատկապես Կովկասի մահմեդական ժողովուրդների վրա մշտապես կախված էր վաղեմի ախոյաններ շահական Պարսկաստանի և սուլթանական Թուրքիայի վտանգը: Արևելյան այդ հին բռնապետությունները, որոնք գտնվում էին «ֆեոդալիզմի ամենացածր ու բարբարոսական աստիճանի վրա»², փորձում էին հրով ու սրով իրենց ենթարկել միմյանցից անջատ խանությունները: Անկախության համար մղած պայքարում ադրբեջանական, դաղստանյան, հյուսիսկովկասյան, Թաթարիայի, Բաշկիրիայի, Ղազախստանի, Միջին Ասիայի ժողովուրդների առաջավոր, հեռատես մարդիկ շարունակ օգնության էին դիմում Ռուսաստանին, հյուսիսային այդ մեծ հարևանի հետ կապելով դարավոր արտաքին թշնամիներից պաշտպանվելու, խաղաղության պայմաններում ապրելու հույսերը:

Տ. Էնգելսը, որը ցարիզմի անհաշտ թշնամի էր, այնուամենայնիվ, հաշվի առնելով Ռուսաստանի տնտեսական և կուլտուրական գերազանցությունը, արձանագրում էր, որ «Ռուսաստանը իրոք առաջադիմական դեր է խաղում Արևելքի նկատմամբ... Ռուսաստանի տիրապետությունը քաղաքակրթիչ դեր է կատա-

¹ Տե՛ս «История СССР...», т. V, 1968, էջ 281—286:

² К. Маркс и Ф. Энгелс, Соч., т. 9, с. 6.

րում Սև և Կասպից ծովերի ու Կենտրոնական Ասիայի համար, բաշխիրների և թափարների համար...»¹

Ռուսաստանի կազմի մեջ մտնելն այդ երկրները ներքաշեց անհամեմատ ավելի առաջադիմական տնտեսական ու հասարակական-քաղաքական զարգացման հունի մեջ, հեռավորություն տվեց բավական արագ ու նշանակալի շափով առաջ շարժվելու նախկին տնտեսական և կուլտուրական հետամնացության հաղթահարման ուղիով: Առաջինն շարժումը հատկապես արագացավ հետոստորյան ժամանակաշրջանում, երբ, Վ. Ի. Լենինի խոսքերով ասած, «կապիտալիզմի զարգացումը Ռուսաստանում ընթացավ այնպիսի արագությամբ, որ մի քանի տասնամյակներում կատարվեցին այնպիսի փոփոխություններ, որպեսիք եվրոպական մի քանի հին երկրներում տեղ էին ամբողջ հարյուրամյակները»:

Չնայած դրան, ցարիզմի գաղութային քաղաքականությունը 18-րդ դարի վերջերից սկսած պարբերաբար առաջ էր բերում մուսուլման բնակչության ընդվզումներ և ապստամբություններ:

Փաթարիայում, Բաշկիրիայում, Պովոլժիեում, Հյուսիսային Կովկասում, Դաղստանում ցարիզմի ազդեցության ուժեղացումը դժգոհություն առաջ բերեց սեղական ֆեոդալների մի մասի մոտ, քանի որ դինավորական վարչակազմի հաստատումը թուլացրել էր նրանց տնտեսական և քաղաքական ազդեցությունն իրենց ցեղակիցների վրա: Օղտագործելով ծանր տնտեսական վիճակից և ցարիզմի գաղութային քաղաքականությունից ժողովրդական մասսաների դժգոհությունը, հետագեմ ֆեոդալական-ազնվականական վերնախավը ձգտում էր գյուղացիական հակաֆեոդալական շարժումն ուղղել հակառուսական հունով, միաժամանակ որոշակի հույսեր կապելով օտարերկրյա, ամենից առաջ Թուրքիայի միջամտության հետ:

Այսպես աստիճանաբար ձևավորվեցին տեղական ֆեոդալների հակառուսական խմբեր, որոնց որոշ ժամանակ հաջողվեց բողոքել իրենց իսկական քաղաքական նպատակները և լայն մասսաներին մղել ինքնակալության դեմ:

Մասնակցելով գյուղացիների ելույթներին, իսկ երբեմն նաև

գլխավորելով այդ ելույթները, ֆեոդալները բնավ մտահոգված չէին թեթևացնելու ժողովրդական զանգվածների քաղաքական և տնտեսական դրությունը:

Ինչպես նշվեց, տեղական ֆեոդալական արիստոկրատիան գյուղացիներին օգտագործում էր ցարական վարչակազմի դեմ մղվող պայքարում և, հանդես գալով ժողովրդի անունից, փորձում էր սահմանափակել ցարիզմի միջամտությունն իր քաղաքական կյանքին, այն հաշվով, որպեսզի անձեռնմխելի մնան իշխողների նախկին դիրքերը, դրանով իսկ ապահովելով ֆեոդալաճորտատիրական կարգերի անսասանությունը: Տեղական վերնախավը գյուղացիների շրջանում եռանդազին պրոպագանդում էր հակառուսաստանյան լոզունգներ՝ հագեցված մուսուլմանական աշխարհի ամբողջյան և մուսուլմանների ու գլավուրների հավերժական թշնամության մասին թուրքամետ հեքիաթներով:

Իր կողմից ցարական կառավարությունը ձգտում էր սահմանափակել տեղական ֆեոդալների քաղաքական իրավունքները և տեղական բնակչության վրա հաստատել գաղութային մարմինների անսահմանափակ իշխանությունը:

19-րդ դարի 30-ական թվականներին ցարական գաղութային վարչակազմի դեմ մասսայական տարերային ելույթներ բերուն կլվեցին Ադրբեջանում: Այստեղ հատկապես համառ էին 1831 թվականին Քալիշի, իսկ 1837 թվականին Ղուբայի գավառներում ծագած ապստամբությունները: 40—60-ական թվականներին ցարական բազմաբանակ զորքերի դեմ համառ կռիվներ էին մղում Արևմտյան Կովկասի լեռնականները՝ աղբյուրները (չերքեզներ), նրանց ցեղակից ուրիխները, լեռնային աբխազները (սադձիներ): 20—30-ական թվականներին ապստամբական շարժումն իր մեջ էր առել Պովոլժիեի և Մերձուրալյան շրջանների հազարավոր մուսուլման գյուղացիների: 30—40-ական թվականներին հակագաղութային լայն շարժում էր տարածվել Ղազախստանում և Սիրիում:

Թերևս ցարիզմին ցույց տված համառ ու երկարատև դիմադրության ցցուն օրինակ է կրոնական պատերազմի ձևով ընթացած այն պայքարը, որ Կովկասի լեռնականները

¹ К. Маркс и Ф. Энгельс, Соч., т. 27, с. 241.

² Վ. Ի. Լենին, ԵԼԺ, հ. 20, էջ 213:

¹ Տե՛ս «История СССР...», т. IV, 1967, էջ 428—429:

² Տե՛ս նույն տեղը, էջ 436—443:

մղում էին 19-րդ դարի 20-ական թվականների կեսերից մինչև 1864 թվականի վերջը:

Դադստանի և Չեչնիայի տեղական բնակչության շրջանում մոտավորապես 1824 թվականից լայն տարածում էր գտել մյուս-բիդիզմը՝ մուսուլմանական ուսմունքը կրոնական անձնավորու-թյունների մասին, որն այստեղ ուներ դազավաթին (չիհադին) առավել անձնագոհ ու ինքնամոռաց մասնակցության իմաստ¹: Հոգևոր ինքնակատարելագործում և անմնացորդ նվիրում դա-զավաթին, այս էր մյուսբիդիզմի գլխավոր պահանջը: Իր կող-կասյան տարբերակում մյուսբիդիզմը քարոզում էր, որ ամեն մի «ճշմարտություն որոնող», այսինքն՝ մյուսբիդ աստծուն կարող է մերձենալ միայն այն դեպքում, եթե հետևողականորեն կենսա-գործի դազավաթին, այսինքն՝ «անհավատների», ոչ մուսուլ-մանների դեմ «սրբազան պատերազմի» պատվիրանները²:

«Բոլոր մուսուլմանների հավասարության» և «սրբազան պա-տերազմի» լողունգները, որ առաջադրում էին մյուսբիդիզմի քա-րոզիչները, գյուղացիական մասսաների կողմից սխալմամբ ըն-կալվում էին որպես սոցիալական լողունգներ, ուստի և սկզբնա-կան շրջանում նրանք համակրանք էին տածում մյուսբի-դիզմի նկատմամբ, կանգնում նրա դրոշի տակ: Ֆեոդալական ճնշումը և ցարիզմի գաղութային քաղաքականությունը նպաս-տում էին մյուսբիդիզմի կողմնակիցների շարքերի համալրմանը, հեշտացնում աշխատավոր մասսաներին խաբելու գործը: Թեև մյուսբիդիզմը սկզբնական շրջանում նպաստում էր հակազաղու-թային պայքարում Հյուսիսային Կովկասի լեռնականների միա-վորմանն ու համախմբմանը, սակայն իր ունակցիոն բնույթի թելադրանքով այն օբյեկտիվորեն բորբոքում էր կրոնական ֆանատիզմ, առաջ բերում ազգային երկպառակություններ, ատիլություն՝ քրիստոնեություն դավանող ժողովուրդների նկատ-մամբ, հանգեցնում էր լեռնականների մեկուսացմանն ու առանձ-նացմանը Կովկասի և Ռուսաստանի մյուս ժողովուրդների ազա-տագրական պայքարից, նրանց ներքաշում օտարերկրյա տերու-թյունների ագրեսիվ քաղաքականության ոլորտը:

Շեխերի ու մուլանների առաջնորդությամբ մյուսբիդների ջո-կատները զինված հարձակումներ էին գործում ուսական քա-

ղաքացիական հիմնարկների և զորքերի վրա, ինչպես նաև պատ-ժում այն ցեղակիցներին, որոնք առանց մարտի հանձնվում էին ցարական իշխանություններին: Շուտով շարժումը ծնունդ տվեց քաղաքական կուռ կազմակերպության՝ հիմնվեց ձևով թեոկրատական ֆեոդալական մի պետություն՝ իմամար: 20-ական թվականների վերջերին Դադստանի և Չեչնիայի իմամ հռչակվեց մուլա Ղազի Մուհամմեդը: Սկսվեցին ուղղակի գործողություններ Թերեքի ուսական կայագրորների դեմ: Ընդ-հարումներից մեկում Ղազի Մուհամմեդը սպանվեց: 1832 թվականին նրան հաջորդեց ավարացի բեկ Համզաթը, որը, շանցած երկու տարի, ղոհ գնաց դավադրության: 1834 թվակա-նին երրորդ իմամ հռչակվեց Շամիլը: Լինելով կրակոտ ագի-տատոր և քաջ մարտիկ, նա լեռնականների շրջանում ձեռք բե-րեց հսկայական հեղինակություն: Հազարավոր լեռնական գյու-ղացիներ նրա մեջ տեսնում էին իրենց քաջակորով առաջնոր-դին, հույս ունենալով նրա ղեկավարությամբ ազատագրվել սո-ցիալական շահագործումից և գաղութային իշխանությունների կամայականություններից: Երկար ժամանակ Շամիլը ուսա-կան զորքերի դեմ հաջող կիսապարտիզանական կռիվներ էր մղում, նրանց մատնելով մի քանի լուրջ պարտությունների: 1845 թվականին նա գլխովին ջախջախեց ուսական այն զորա-մասերին, որոնց մարտաբերթի էր առաջնորդում ինքը՝ Կովկասի փոխարքա կոմս Մ. Ս. Վորոնցովը: Միայն այդ կռիվների ժա-մանակ ուսական կորուստները կազմեցին ավելի քան 3,5 հա-զար զինվոր ու սպա¹:

Թիկունքն ամրապնդելու նպատակով Շամիլը ստեղծեց նա-չիբների սոցիալական ուժեղ միջնախավ, մի յուրօրինակ արխ-տոկրատիա, որը կենսականորեն շահագրգռված էր իմամաթի պահպանմամբ: Իսլամիզմի դրոշի տակ իմամը լայն օգնություն էր ստանում սահմանամերձ պետություններից՝ Թուրքիայից և Իրանից: Նա բազմիցս իր հավատարմությունն էր հավաստել թուրքական սուլթան Աբդուլ Մեջիդին: Իսկ Ղրիմի պատերազմի ժամանակ (1853—1856 թթ.) Շամիլը երկու անգամ փորձ արեց ձեռքել ուսական զորքերի դասավորությունը և ընդառաջ գնալ հարավից Վրաստանի վրա հարձակվող թուրքական զորքերին²:

¹ Տե՛ս Н. А. Смирнов, Мюридизм на Кавказе, М., 1953, էջ 140—160:

² Տե՛ս «История СССР...», т. IV, էջ 432:

¹ Տե՛ս «История СССР...», т. IV, էջ 433:

² Տե՛ս նույն տեղը, էջ 434:

Յրաից ստացած օգնութեան շնորհիվ էր, որ Շամիրը կարողանում էր երկար ժամանակ շարունակել դիմադրութիւնը:

Սակայն կովկասյան լեռնականներն իրենց հիմնական մասով բնավ էլ ոգեշնչված չէին թուրքական սուլթանի տիրապետութեանը ենթարկվելու հեռանկարից: Նրանք չէին բաժանում իմամի և նախքան թուրքամետ կողմնորոշումը: Մյուրիդիզմը չէր կարող ապահովել ո՛չ սոցիալական ապստամբութիւն, ո՛չ էլ ազգային անկախութիւն: Կովկասի ժողովուրդների ազատագրութեան ուղին անցնում էր ուսուս ժողովրդի հետ մերձենալու և սոցիալական ու ազգային կեղեքման դեմ մղվող հեղափոխական պայքարին աշորդակից դառնալու միջոցով:

Իմամաթում ծայր առած ներքին խոր հակասութիւնները և ուսական 200 հազարանոց զորքի դնալով ուժեղացող ճնշումը էանխորոշեցին Կովկասի լեռնականների «սրբազան պատերազմի» բխտը: 1859 թվականին Շամիրը գերի վերցվեց: Շատ չանցած ամբողջ Կովկասն ընկավ ցարական իշխանութիւնների ձեռքը¹:

Կովկասի լեռնականների ապստամբութեան ճնշումից հետո էլ ուսական կայսրութեան մուսուլմանական տարածքներում չէին դադարում հուզումներն ու ապստամբութիւնները, որոնք հաճախ ընդունում էին կրոնական գունավորում: Այդ ձևով ընթացան, օրինակ, թաթարների ապստամբութիւնները Կազանի նահանգում 1878—1879 թթ., ապստամբութիւնը Բուխարայի խանութիւնում (1888 թ.), Տաշքենդում (1892 թ.), Անդիջանում (1898 թ.) և այլն²:

Իշխանութիւնների համար պարզ էր դառնում, որ կայսրութեան թուրքալեզու ժողովուրդներով բնակեցված վայրերում՝ Ղրիմի թերակղզում, Կազանի և Բաշկիրիայի շրջաններում, Վոլգայի միջին հոսանքներում, Թուրքեստանում, Կիրգիզիայում (Երրխըզիա), Հյուսիսային Կովկասի առանձին շրջաններում, Կովկասյան Ադրբեջանում պետք է վարել հատուկ քաղաքականութիւն: Եվ այն ցարական իշխանութիւնները որոշեցին մուսուլմանական կրոնն օգտագործել իրենց քաղաքական շահերին

և այդ նպատակով դիմեցին փորձված մեթոդի: Կաշառք և առանձնաշնորհումներ տալու միջոցով նրանք իրենց կողմը քաշեցին մուսուլման հոգևորականութեանը, հատկապես նրա վերնախավին: Այդ հոգևորականութիւնը հաճույքով գնաց ցարական իշխանութիւններին ընդառաջ, որպեսզի պահպանի իր հակայական հարստութիւններն ու եկամուտները:

Ռուսաստանի մուսուլման հոգևորականութիւնն ամուր տնտեսական դիրքեր ուներ: Բավական է նշել, որ 19-րդ դարի վերջերին Բուխարայում մզկիթապատկան (վակուֆային) հողերը կազմում էին 130 հազար դեսյատին, նույն ժամանակ Ղրիմի միայն հինգ գավառներում վակուֆային սեփականութիւն էր մոտ 88 հազար դեսյատին հողատարածութիւն, մոտ 500 տուն ու խանութ³: Ցարական իշխանութիւնները ձեռք չէին տալիս վակուֆներին և մուսուլման հոգևորականութեան եկամուտների մյուս աղբյուրներին: Ամբողջովին այդ հոգևորականութեան էր հանձնված նաև մուսուլմանական ժողովուրդների կրթական և մշակութային գործը: Կրթական մարզում լիովին տնօրինութիւն էին անում իսլամի անկիրթ սպասավորները: Աշխարհիկ դպրոց չկար, իսկ եղած դպրոցները շնչին գիտելիքներ էին տալիս սովորողներին: Ուսուցումը խիստ ցածր մակարդակի վրա էր հատկապես տարրական դպրոցներում (մեքթեբներում), ուր պատանիները սովորում էին երկու-երեք տարի, մեխանիկորեն սերտում Ղուրանի արաբական տեքստերը, միաժամանակ ճիգ թափում վերարտադրելու արաբական գրի տառերը՝ իրենց բարդ գծագրութեամբ, որոնք չէին հաղորդում կովկասյան, միջինասիական, թաթար-բաշկիրական լեզուներին հատուկ մի շարք յուրահատուկ հնչյուններ, ուստի և խորթ էին կենդանի ժողովրդական խոսքին: Այդ պատճառով արաբական գիրը, ինչպես Թուրքիայում, այստեղ նույնպես մնում էր որպես մուսուլման բնակչութեան սոսկ մի փոքր խավի՝ հոգևորականութեան սեփականութիւնը:

Մեքթեբներ ավարտած պատանիների որոշ մասն ուսումը շարունակում էր մեդրեսներում, որտեղ պատրաստում էին մուլլաներ, հոգևոր դատավորներ (կադիներ), գրագիրներ: Մեդրեսներում սովորողները (մութալիմները) նույնպես ժամանակի մեծ մասը վատնում էին կրոնական դոգմաների ուսում-

¹ Տե՛ս «История СССР...», т. IV, էջ 435:

² Տե՛ս Б. Гафуров. Об андижанском «восстании» 1898 года.—«Вопросы истории». 1953, № 2 էջ 50—61: «История СССР...», т. V, էջ 426, 431:

³ Տե՛ս Л. П. Климович, Ислам в царской России, էջ 100—102, 110:

նասիրութիւնն վրա, իսկ բնական առարկաների իմացութիւնը խղճուկ էր:

Մուսուլմանական հոգևոր ուսումնական հաստատութիւնների թիվն առաջին հայացքից դաւա՛ր էր: Բայց եթե նկատի ունենանք, որ յուրաքանչյուր դպրոց ուներ ընդամենը 20—30 սովորող, ապա պարզ կլինեն, որ դրանք ընդգրկում էին դպրոցական տարիքի երեխաների միայն մի փոքր մասին: Այսպես, Ադրբեջանում 19-րդ դարի կեսերին կար 299 մեթթեբե և մեդրեսե, որոնցում սովորում էր ընդամենը 4700 մարդ¹:

Այսպիսով, ինչպես տեսնում ենք, ցարական կառավարութիւնը մուսուլմանական կղերին լայն իրավունքներ էր սվել ինչպես տնտեսական, այնպես էլ հոգևոր մարզերում:

Իբրև ինքնակալութիւն նկատմամբ երախտագիտական տուրք՝ մուսուլման հոգևորականութիւնը սկսեց իր հոտին բացատրել, որ ցարական իշխանութիւնների կողմից ոչ մի սպառնալիք չկա իրենց հավատի նկատմամբ: Նա ավելի ու ավելի բացահայտ ու հետևողականորեն էր իր նվիրվածութիւնը հայտնում ցարիզմին:

Օրինակ, 1894 թվականին Օրենբուրգի մուֆթի Մ. Սուլթանովը բոլոր ախունդներին և մզկիթների հոգևորականութիւններն ուղղված հատուկ շրջաբերականում նշում էր, որ ցարական իշխանութիւնները որևէ արգելք չեն հարուցում իսլամ հոգևորականութիւնն առջև մզկիթներ և այլ կրոնական հաստատութիւններ կառուցելիս, ուստի Ռուսաստանի բոլոր մուսուլմանները պետք է բարձր գնահատեն այդ վեհանձն վերաբերմունքը և անկեղծ հավատարմութիւնով ծառայեն Ռոմանովների գահին²:

Ուֆայի մուֆթի Աբու-Սալիմ Աբդուռահիմովը հոգևոր-կրոնական խրատներից մեկում մուսուլմաններին պատվիրում էր հնազանդ ու հավատարիմ լինել ցարին և առաջարկում էր իր կազմած տեքստով երգում տալ նրան: Երգման տեքստում կային նաև այս բառերը. «Երգվում եմ ամենազոր աստծով և նրա սուրբ ալ-Ղուրանի առջև, որ ցանկանում եմ և պետք է հավատարմորեն ու անկեղծորեն ծառայեմ համայն Ռուսիայի միա-

պետին ու նորին կայսերական մեծութիւն համառուսաստանյան գահի օրինական ժառանգին և ամեն ինչում հպատակվել, շխնայել իմ կյանքը, արյան վերջին կաթիլը...»³

Ցարերի թագադրման և այլ առիթներով Ռուսաստանի մուսուլման հոգևորականութիւնն անհաշիվ թվով ուղերձներ և դիմումներ էր հղում կառավարութիւնը, նորից ու նորից իր հպատակի հավատարմութիւնը հավաստում: Ցարական իշխանութիւնները հավատում էին մուսուլման հոգևորականութիւնն նվիրվածութիւնը գահին և իսլամը պաշտպանում իրենց տրամադրութիւնն տակ եղած միջոցներով⁴:

Պատահական չէ նաև, որ մուսուլման աշխատավորների հակացարական հուզումների և ապստամբութիւնների ժամանակ մահմեդական հոգևորականութիւնը կանգնում էր իշխանութիւնների կողմը և նպաստում «կարգի վերականգնմանը»: Օրինակ, ցարական կառավարութիւնը, պատերազմ մղելով Շամիլի դեմ, լայնորեն օգտվում էր մուլլաների ծառայութիւններից, նրանց ուղարկելով իմամաթի տարածքը ոչ միայն քայքայիչ-ագիտացիոն, այլև լրտեսական ֆունկցիաներ կատարելու համար⁵: 70-ական թվականների վերջին Կազանի նահանգում տեղի ունեցած ելույթներից մեկից հետո ժանդարմական վարչութիւնն պետ, գեներալ-մայոր Ժիտկովը զեկուցում էր Պետերբուրգ. «Մահմեդական հոգևորականութիւնը խառնված չէ, նա իրեն պահել է նվիրվածաբար և ողջամտորեն, իրենք՝ մուլլաներն էին մատնացույց անում անկարգութիւնն սադրողներին»⁶:

Ավելին, շատ տեղերում մահմեդական ավագանուն և հոգևորականութիւնը վստահված էր հսկողութիւն հաստատել կայսրութիւնն ոչ միայն մուսուլման, այլև քրիստոնյա հպատակների վրա: Հետագայում մենք կտեսնենք, թե ինչպիսի «սրբազան դաշինք» էր ստեղծվել ցարական կառավարութիւնն և մուսուլմանական կղերի, ինչպես նաև բեգերի, խաների, աղալարների ու կայսրութիւնն մուսուլմանական հասարակութիւնն մյուս պարագիտային խավերի միջև, թե ցարական իշխանութիւններն

¹ А. И. Крывелев, История религий, т. II, с. 279.

² Сб'у В. В. Бартольд. История культурной жизни Туркестана. Соч., т. II, М., 1953, էջ 351:

³ Сб'у И. Дроздов. Начало деятельности Шамиля (1834—1836 гг.). «Кавказский сборник», т. XX, Тифлис, 1899, էջ 290—292:

⁴ Л. И. Климович. Ислам в царской России, с. 46.

¹ Сб'у «История СССР...», т. IV, էջ 670:

² Сб'у «Сборник циркуляров и иных руководящих распоряжений по округу Оренбургского магометанского духовного собрания. 1841—1901 гг.», Уфа, 1902, էջ 72:

ինչպես էին ամեն անգամ դիմում մուսուլման հոգևորականության աջակցությանը, լայնորեն օգտագործում մասմեդական բնակչության հետամնացությունն ու ֆանատիզմը Ռուսաստանում ծայր առած բանվորական, հեղափոխական շարժումները ճնշելու համար:

Ահա այսպիսին էր իսլամի բանը Ռուսաստանում մինչև նորագույն պանիսլամիզմի հանդես գալը:

Եթե իսլամիզմը Օսմանյան կայսրությունում ուղղված էր քրիստոնյաների, հատկապես հայերի դեմ, ապա կայսրությունից դուրս այն պանիսլամիզմի տեսքով ուղղվեց Ռուսաստանի դեմ, որի կազմում էին հիմնականում գտնվում Օսմանյան կայսրությունից դուրս բնակվող թուրքալեզու մուսուլման ժողովուրդները:

Դեռ մինչև պանիսլամիզմի գաղափարների երևան գալը Ռուսաստանի մուսուլմանների շրջանում կրոնական և ազգայնական դանազան գաղափարներ ու շարժումներ էին ծագում, որոնք, իբրև կանոն, լայն տարածում չէին գտնում:

19-րդ դարն այդ տեսակետից խիստ նշանակալից եղավ: Ռուսաստանի մուսուլմանների շրջանում առաջ եկան գաղափարական լուրջ խմորումներ, ծնունդ առավ և ծավալվեց մտավոր շարժում՝ իր ազատական և հետադեմ ուղղություններով:

Այդ մտավոր շարժման համար նախապայմաններ ստեղծեց հենց ցարիզմը: Ռուսաստանի ազգային ծայրամասերը արդյունավետությամբ կառավարելու համար իշխանություններին անհրաժեշտ էր ունենալ տեղական ժողովուրդներից սերված, այդ ժողովուրդների կենցաղին, բարքերին, սովորություններին քաջատեղյակ թարգմանիչներ, աստիճանավորներ և այլն, որոնք պատրաստակամությամբ, հավատարմորեն ու նվիրվածությամբ ծառայեին Ռոմանովների գահին: Այդ նպատակով ազգային շերտաններում, այդ թվում մուսուլմանական ծայրամասերում բացվում էին աշխարհիկ ուսական տարրական և միջնակարգ դպրոցներ, որոնք օբյեկտիվորեն մեծ դեր էին խաղում լուսավորության և կրթության տարածման, ազգային տարատոհմիկ մտավորականության ձևավորման գործում: Դրանից բացի տեղական ազնվականությունից սերված պատանիները, անկախ դավանանքից, ընդունվում էին կայսրության ներքին նահանգներում գտնվող կադետական կորպուսները, գիմնազիաները,

համալսարանները: Հումանիզմի և սոցիալական արդարության գաղափարներով հարուստ ուսական առաջավոր մշակույթն էր ոլորտի մեջ էր առնում տարբեր ազգությունների պատանիների, նրանց հաղորդակից դարձնում քաղաքակրթության նվաճումներին, համաշխարհային մշակույթի գանձերին: Այդ ամենը հիմք հանդիսացավ մտավոր շարժման ծագման ու դարգացման համար:

Ռուսաստանի մուսուլման ժողովուրդների շրջանում ծնունդ առած առավել հզոր շարժումը լուսավորական շարժումն էր:

Այդ ժողովուրդները, մի կողմից, գտնվելով դարգացման տարբեր աստիճանների վրա, ունենալով զանազան առանձնահատկություններ, ապրում էին ֆեոդալական կարգերի քայքայման, բուրժուական հարաբերությունների սաղմնավորման, աշխատավորների ինքնակալական-կապիտալիստական և ազգային-գաղութային ճնշման ուժեղացման պայմաններում: Մյուս կողմից, իրենց պատմական բախտը վերջնականապես կապելով Ռուսաստանի, ուսումնառելով ժողովրդի հետ, նրանք բոլորն էլ բուռն կերպով ձգտում էին դեպի ուսական առաջավոր մշակույթը, հաղորդակից դառնում դրան: Ռուսաստանի կազմում միավորված մուսուլման ժողովուրդներն այդ մշակույթի անմիջական ազդեցությամբ թևակոխեցին կուլտուրական զարթոնքի շրջանը:

Դրիմի և Կազանի թաթարների, բաշկիրների, կովկասյան թուրքերի (ադրբեջանցիներ), ուզբեկների, թուրքմենների, տաջիկների, կիրգիզների, ղազախների և մուսուլման մյուս ժողովուրդների ծոցից դուրս եկան տաղանդավոր լուսավորիչներ, որոնք իրենց գործունեությամբ մեծ ծառայություն մատուցեցին հարադատ ժողովրդին: Դրանցից էին ադրբեջանցիներ Միրզա Շաֆի Վազեխը, Միրզա Ֆաթալի Ախունդովը, Աբբաս-Կուլի Բակիրխանովը, Հասան բեկ Զարդաբին (Մելիքով), Զադիլ Մամեդ-Կուլի զադեն, Սեիդ Ազիմ Շիրվանին, հեղափոխական-դեմոկրատ Սաբիրը, թաթարներ Կայում Նասիրին, Գաբուլաթուբայը, Գալիսկար Քամալը, Մաժիտ Գաֆուրին, բաշկիրներ Ակմուլլան, Մ. Ումիտբահր: Կուսավորիչ-մտավորականների մի փայլուն համաստեղություն էին կազմում ուզբեկներ Աբուսաթ-Թարխանին, Իսհակ խան Ֆուրքաթը, Զավթին, Համգա Հա-

քիմ զագե նիյազին, տաջիկներ Ահմադ Գոնիշ Ասիրին, Սադրիդդին Այնին, թուրքմեններ Մուլանեպեսը, Մամեդ-վելի Կեմինեն, Միսկին-կլըշը, կիրգիզներ Տոկտոգուլ Սատըլ-գանովը, Տոգուկ Մուղոն, ղազախներ Չոքան Վալիխանովը, Իբրայ Ալթինսարինը, Աբայ Կունանբաևը: Զերքեզների, կաբարդիների, ադիգեյների, բալկանների, շեչենների, ինգուշների, կարաշանների, լեզգիների, ավարցիների, օսերի, աբխազների միջավայրից նույնպես դուրս եկան կրթված, առաջադեմ հասարակական-քաղաքական լիբերալ գործիչներ՝ Շորա Նոգմովը, Ադիլ-Գիրեյ Կեշևը, Յակուբ Շարդանովը, Խան-Գիրեյը, Աբդուլա Օմարովը, Վլադիմիր (Էլբազդուկո) Կուդաշևը, Սուլթան բեկ Աբաևը, Կադի Աթաթուկինը, Նուրի Ցագովը, Միսոս Աբաևը, Տխոստովը, Կոստա Խետագուրովը, Դմիտրի Գուլիան և ուրիշներ: Սրանք բոլորն էլ կրել էին ռուսական հեղափոխական-դեմոկրատական լուսավորականության բարերար ազդեցությունը, տարբեր աստիճանի ու ղանազան ձևերով կապված էին ռուս առաջավոր գրողների ու գիտնականների հետ¹:

Լուսավորիչները պրոպագանդում էին ռուսաց լեզուն, ռուսական մշակույթը, նախաձեռնում և բացում էին աշխարհիկ դպրոցներ, պահանջում էին ռուսական դպրոցական համակարգի օրինակով անցկացնել մուսուլմանական դպրոցները՝ մեդրեսաների ռեֆորմ՝ ձգտելով դրանցում մտցնել ռուսաց լեզվի և աշխարհիկ գիտությունների ուսումնասիրություն: Ավելին, դեռ այն ժամանակ թուրքեստանում հրապարակ բերվեց աշխարհիկ առարկաների դասագրքեր կազմելիս արաբական այբուբենը սլավոնականով փոխարինելու առաջարկը: Նման առաջարկով հանդես էին գալիս նաև լեռնական լուսավորիչները², առաջադեմ թաթար գործիչները:

Ղազախ մեծ հումանիստ և դեմոկրատ, ռուս քաղաքական բանտարկյալների բարեկամ Աբայ Կունանբաևը, որն առաջինը ղազախ ժողովրդին ծանոթացրեց Պուշկինի և Լերմոնտովի պոեզիային, ռուսական կուլտուրային, դիմելով իր երիտասարդ ժամանակակիցին, գրել է. «Ռուսները տեսնում են աշխարհը:

Եթե դու իմանաս նրանց լեզուն, աշխարհի վրա կբացվեն նաև քո աչքերը... Սովորիր ռուսների կուլտուրան և արվեստը: Դա բանալի է դեպի կյանք: Եթե դու այն ստանաս, քո կյանքը դուրին կդառնա»: Որդուն ուղղված բանաստեղծական խոսքում նույն միտքն է արտահայտել ադրբեջանցի լուսավորիչ Սեիդ Ազիմ Շիրվանին³: Իր ազգակիցներին ռուսաց լեզվին և կուլտուրային տիրապետելու կոչ էր անում հյուսիսկովկասյան լուսավորիչ Կադի Աթաթուկինը⁴: Կաբարդին լուսավորիչ Շորա Նոգմովն իր հայրենակիցներին ցույց էր տալիս, որ թուրքական սուլթանները և նրանց վասալ Ղրիմի խաները շատ տասնամյակների ընթացքում դաժան պատերազմներ են մղել Հյուսիսային Կովկասի ժողովուրդների դեմ, բռնի կերպով նրանց վզին փաթաթել իրենց կրոնը: Նա նկարագրում էր, թե Ղրիմի խաներ Դեվլեթ-Գիրեյը և Խան-Գիրեյը որպիսի դաժանությամբ էին երկրամասի տարածքի մեծ մասում արմատավորում մահմեդականությունը: Հյուսիսային Կովկասի լեռնականներն ամեն կերպ ընդդիմանում էին իրենց համար խորթ մահմեդական հավատքին բերելու ճիգերին, արյունահեղ մարտեր մղում օտար զավթիչների դեմ: Նոգմովը գրում էր, որ իր ժողովուրդը վաղուց է փնտրել մեծ և բարի հարևանի՝ ռուս ժողովրդի աջակցությունը, և այն ստանալով՝ ընդմիջտ ազատվել է թուրք զավթիչների և Ղրիմի թաթարների ասպատակություններից ու բռնություններից: Նա շեշտում էր, որ կաբարդիների և Հյուսիսային Կովկասի մյուս ժողովուրդների անվտանգությունը երաշխավորված է Ռուսական կայսրության սահմաններում⁵: Ռուսները և կաբարդիները եղբայրներ են, և այդ եղբայրությունը ոչ ոք չի կարող խախտել, ասում էր նա⁵:

Պրոպագանդելով ռուսական առաջավոր մշակույթը և հանդես գալով որպես ժողովուրդների կրթության և առաջադիմության ջերմ ջատագովներ, լուսավորիչներից ոմանք էլ ավելի հեռուն էին գնում՝ մերկացնում բուրժուական բարոյականությունը, նույնիսկ տիրող կարգերը: Ուլբեկ լուսավորիչներ

¹ Абай Кунанбаев, Избранное, Алма-Ата, 1958, с. 308.

² ՏՆ՝ Ս. Ա. Ширвани, Избранное, Баку, 1958, էջ 16.

³ ՏՆ՝ Կաзи Атажукин, Избранные труды, Нальчик, 1971, էջ 135.

⁴ ՏՆ՝ Ս. Ш. Ногмов, История адыгейского народа, Нальчик, 1958, էջ 143—144.

⁵ ՏՆ՝ «Правда», 6 июля 1957 г.

¹ ՏՆ՝ «История СССР...», т. IV, 1967, էջ 668—701:

² ՏՆ՝ А. О. Хоретлев, Влияние России на просвещение в Адыгее (XIX—начало XX в.), Мәҗкоп, 1957, էջ 25:

Ֆուրքաթը, Մուքիմին և Զավթին քննադատում էին առանձին բեյերի, պաշտոնատար անձանց, հոգևորականությանը: Այդպիսի գործիչներ կային նաև ադրբեջանցի և ղազախ լուսավորիչների շրջանում:

Ռուսաստանի մուսուլման մտավորականության միջավայրում ծագած ռուսասեր լուսավորականության կողքին ծնունդ առավ և ծավալվեց նաև իսլամական կրոնի նորացման համար շարժումը, որի շատ ներկայացուցիչներ բացահայտորեն ռուսաստացի դիրքերում էին:

Ռուսական կայսրության մուսուլման բնակչություն ունեցող տարածքներում բուրժուական հարաբերությունների սաղմնավորումն ու զարգացումը պահանջում էր լուրջ փոփոխությունների ենթարկել իսլամի ֆեոդալական ձևերը՝ դոգմատիկ հավատալիքները, շարիաթի մեջ մարմնավորված կրոնական իրավունքի համակարգը, հասարակության և հասարակական հարաբերությունների նկատմամբ եղած հայացքները՝ այդ ամենը հարմարեցնելով նոր ժամանակի պահանջներին:

Յարական իշխանությունների առջև իսլամական կրոնի բարձրաեւթիճան ծախու սպասավորների բացահայտ թծնանքն ու հաճոյախոսությունը հավատացյալ մասսաների մեջ առաջ էին բերում խիստ դժգոհություն: Աշխատավոր մուսուլմաններն իրենց կղերին սկսեցին դիտել իբրև կառավարության կողմից կարգված շինովնիկների, ազմինիստրացիայի դրածոների՝ ամենեկին վստահություն չտածելով նրանց նկատմամբ:

Իրենց հավատի ծառայողների հանդեպ մուսուլմանական համայնքների ծայրահեղ անբարեհաճության ուղղակի հետևանքը եղավ կրոնապաշտության արտամզկիթային ձևերի զարգացումը և տարբեր աղանդների առաջացումը, որոնք էլ հենց հող նախապատրաստեցին Ռուսաստանում մուսուլմանական կրոնի բարեփոխական շարժման համար:

Թեև Ռուսաստանում իսլամի մեջ ծագած աղանդավորական և բարենորոգչական շարժումներն այնպիսի լայն զարգացում չստացան, ինչպես Օսմանյան կայսրությունում, Եգիպտոսում և Հնդկաստանում, այնուամենայնիվ դրանք մի կողմից առաջ բերեցին ցարական կառավարության բուռն հակազդեցությունը, իսկ մյուս կողմից՝ իշխանությունների հետ սերտ շփման մեջ գտնվող և նրանց հովանավորությունը վայելող իսլամական

կրոնի սպասավորների լուռ ցուցադրական անբարյացակամությունը:

Աղանդավորական և բարենորոգչական շարժումները ցարական իշխանությունների կողմից խիստ դիմադրության հանդիպեցին ամենից առաջ այն պատճառով, որ դրանք, ի տարբերություն լուսավորական շարժման, առաջադրում էին Ռուսական կայսրության տարածքում ապրող բոլոր մուսուլմաններին նախ մշակութային-լեզվական, ապա նաև քաղաքական հողի վրա միավորվելու պահանջ: Միավորման միտումներն արտահայտվում էին Ռուսաստանի մուսուլման ժողովուրդների և՛ տնտեսական կյանքում, և՛ դավանաբանական հողի վրա նրանց շփման մեջ: Թաթարների, ղազախների, ուզբեկների, կիրգիզների, ադրբեջանցիների կրոնական ընդհանրությունը նրանց լեզվական հատկանիշների միասնության հետ մեկտեղ հող էր ստեղծում էթնիկական մերձեցման համար:

Նման հեռանկարը ցարական կառավարությանը ձեռնտու չէր: Հավասար արդյունավետությամբ առանձին-առանձին իր նպատակներին օգտագործելով իսլամի հիմնական դավանանքները՝ սուննիզմը և շիիզմը, որպես լոկալ միավորներ դիտելով մուսուլմանական համայնքները և հանդուրժելով մուսուլմանական կրոնի ակտիվ գործունեությունն իբրև տեղական երևույթ, ռուսական ինքնակալությունը դրա հետ միասին չէր հանդուրժում մուսուլմանների միավորման բարենորոգչական զաղափարը, ամեն կերպ աշխատում էր պահպանել պառակտումը իսլամում և ընդհանրապես նպաստում էր այն պրոցեսներին, որոնք բաժանում, այլ ոչ թե միավորում էին կայսրության մուսուլման բնակչությանը: «Տեղական պետական իշխանությունների համար լավ օգնություն է ռուսական մուսուլմանության տարացեղությունը...», — գրում էր ցարական շինովնիկներից մեկը. — ամենամոտ ժամանակ տարացեղ մուսուլմանական խմբերի ամեն մի միավորում մեկ կրոնական-թաթարական համայնքի մեջ մեծագույն անխոհեմության ակտ կլիներ»:

Ինչ վերաբերում է մուսուլման հոգևորականությանը, որ առիթը բաց չէր թողնում ամեն քայլափոխի իր հավատարմությունը հավաստելու իշխանություններին, ապա նա, իրականում երազելով կրոնական հողի վրա Ռուսաստանի բոլոր մուսուլ-

¹ Л. И. Климович, Ислам в царской России, с. 222.

մանների ցեղային միավորում, հանդես էր գալիս, սակայն, այդ միավորման դեմ, հնազանդաբար հավանություն տալիս միավորմանը խոչընդոտող ցարական իշխանությունների գործողություններին:

Դեռ 1860-ական թվականներին Թաթարիայում և Մերձվոլգյան ուրիշ շրջաններում որոշ տարածում ստացավ վախսովականների աղանդը: Կազանցի վաճառական Բ. Վախսովը առևտրական գործերով Միջին Ասիա կատարած ուղևորությունների ժամանակ ծանոթացել էր սուֆիստական նաքշբենդին միաբանության գործունեությանը և ուսմունքին: Այդ ուսմունքի մեջ Վախսովին հատկապես հրապուրել էր այն, որ նրա հետևորդները որպես հոգևոր հեղինակություններ ճանաչում էին ոչ թե պաշտոնական հոգևորականներին, այլ խոջաններին և ուսուցիչներին: Նաքշբենդիականներն իրենց քարոզներում պահանջում էին վերադառնալ նախնական, «մաքուր» իսլամին: Վախսովը իրեն հայտարարեց այդ նպատակի անմնացորդ ջատագով, պնդելով, թե իր տոհմածառի արմատները գնում են մինչև «մաքուր» իսլամի ժամանակները: Նա հավատացյալներին համոզում էր, թե ինքը մի տոհմից է ծագում, որը սերվել է մարգարեի զինակցից և Վոլգյան բուլղարական միջնադարյան խաներից, որոնց շրջանում էր միայն այն ժամանակներում պահպանվում «մաքուր» իսլամը¹: 1862 թվականին Վախսովը Կազանում հիմնադրեց այսպես կոչված «Վախսովյան աստվածային գնդի մուսուլմանների հնահավատ ընկերությունը», որի անդամները լայն գործունեություն ծավալեցին «վաղնջական իսլամին վերադառնալու» նշանաբանով:

Որպես սոցիալական և կրոնագաղափարախոսական կարգի երևույթ, վախսովականների շարժումն ուղղված էր գոյություն ունեցող հասարակական-քաղաքական կարգերի դեմ²: Դավանաբանական-դոգմատիկ տեսակետից կրկնելով մուսուլմանական ազանդավորական հոսանքների շրջանում լայնորեն հայտնի «մաքուր» իսլամին վերադառնալու լոզունգը, դրանով իսկ վախ-

¹ Տե՛ս Ե. В. Молостова, Вансов божий полк. «Мир ислама», т. 1, 1912, № 2, էջ 143—152:

² Տե՛ս Н. Ф. Катанов, Новые данные о мусульманской секте ваисовцев. Казань, 1909; С. Вансов. Воззвание от центральной организации волжских болгарских мусульман, ваисовских божьих воинов. Казань, 1917; М. Сагидуллин. К истории ваисовского движения. Казань, 1930:

սովականներն ակնարկում էին մինչուսական տիրապետության անցած-գնացած ժամանակները, և ընդհակառակը, ժխտում ինքնակալությունը, նրա շինովնիկական ապարատը, ցարական կարգերն ու հաստատությունները: Ելնելով դրանից, վախսովականները հրաժարվում էին հարկեր վճարելուց, խուսափում էին ծառայել բանակում, չէին ենթարկվում ցարական դատարանների վճիռներին և այլն:

Չճանաչելով պաշտոնական մուսուլման հոգևորականության հեղինակությունը, վախսովականներն անխնա մերկացնում էին նրա անբարոյականությունն ու ստորաքարշությունը: Այդ մերկացումները, սակայն, ցարական իշխանությունների համար էական չէին: Էականն ու անհանդուրժելին այն էր, որ վախսովականներն իսլամ հոգևորականությանը հիմնականում քննադատում էին նրա համար, որ նա մուսուլմանական հավատը վաճառել էր «սլավոնական հրեշին», այնպիսի մի իշխանության, որը, իբր, բնականից իսլամի անհաշտ թշնամին է:

Այսպիսով, ինչպես տեսնում ենք, վախսովականների կողմից ինքնակալության և մուսուլմանական կղերի քննադատությունը ոչ այլ ինչ էր, քան սոցիալական և ազգային ճնշման ենթակա մարդկանց սոցիալ-քաղաքական բողոքի կրոնական արտահայտություն:

Ցարական իշխանությունների հավանությանը և դրդմամբ Կազանի մուսուլման հոգևորականությունը վախսովական աղանդի դեմ ուղղեց իսլամ ուղղահավատների մուլեռանդությունը: 1884 թվականին վախսովական աղանդը ջախջախվեց, նրա ղեկավարները դատապարտվեցին բանտարկության և աքսորի: Ինքը՝ Վախսովը խելագար ճանաչվեց և մի քանի տարի անց մահացավ հոգեբուժական հիվանդանոցում: Վախսովական աղանդը, որքան էլ սկզբնական շրջանում հրապուրիչ էր, լոկ տեղական նշանակություն ունեցավ և էական ազդեցություն չթողեց Ռուսաստանի մուսուլմանների վրա: Աղանդը, սակայն, լիովին չվերացավ առպարեզից, այս կամ այն կերպ շարունակելով իր գոյությունը նաև հետագա երեք տասնամյակներին¹:

19-րդ դարի 80—90-ական թվականներին Ռուսաստանի մու-

¹ Տե՛ս А. И. Крывелев, История религий, том II, էջ 283—284:

սուլմանական ծայրամասերում տարածում գտավ նաև մահդիս-տական ուսմունքը:

Ինչպես վերևում նշվեց, մահդիստական շարժումը ծնունդ էր առել Սուդանում և տարբեր ձևերով ընթացող հակազազութա-լին շարժումների նկրտումների ու լուզունգների կրոնական ար-տահայտությունն էր իսլամի մեջ: Սուդանում տեղի ունեցած մահդիստական իրադարձությունների արձագանքները, թափան-ցելով Ռուսաստանի մուսուլմանական տարածքները, ունե-ցան իրենց անխուսափելի հետևանքները: Այստեղ ամե-նուրեք թափառում էին օտարականներ, դերվիշներ, քարո-զիչներ, որոնք կանխագուշակում էին վերահաս ահեղ դա-տաստանի օրը, հայտարարում մահդիի գալստյան մասին: Բացի այդ, հենց տեղում հայտնվում էին տնարույժ մահդիներ: Ուֆա-յում, օրինակ, որպես մահդի հայտնվեց բաշկիր Ա. Չուվաշևը, իսկ նրա առաքյալ իրեն հայտարարեց նույնպես բաշկիր Ֆ. Աբ-դալովը: Նրանք կանխագուշակում էին իսկական մահդիի վերա-հաս ծնունդը Ռուսաստանում, որին սպասելով՝ մուսուլմանները պետք է արմատապես փոխեին իրենց ամբողջ ապրելակերպը, այսինքն՝ այն ապրելակերպը, որ ստեղծվել էր «անիծյալ ուս-ների» կողմից կազանի, Ղրիմի և մյուս խանությունների նվա-ճումից հետո¹:

Ռուսաստանում մահդիզմը հրապուրիչ դարձավ իբրև անկա-խություն գաղափարախոսություն: Մահդիստներն այստեղ մտա-ծում էին մոտավորապես այսպես. եթե Սուդանի մուսուլմաննե-րին հաջողվել է մահդի Մուհամմեդ Ահմեդի գլխավորությամբ ջախջախել անգլիացի գաղութարարներին և անկախ պետություն ստեղծել, ապա ինչու նույն բանը չեն կարող անել Ռուսաստանի մուսուլմանները՝ ունենալով այնպիսի աջակից, ինչպիսին թուր-քիան է: Նրանց մոտ այն համոզումն էր ամրապնդվել, որ իրենք ի վիճակի են թոթափելու ուս «անհավատների» իշխանությունը և ստեղծելու սեփական պետություններ՝ «հարազատ» Օսմանյան կայսրության հովանավորության տակ:

Ինչպես վախճվականները, այնպես էլ մահդիականները

նկատելի հետք չթողեցին Ռուսաստանում մուսուլմանական կրոնի ներսում սկսված բարենորոգչական ընթացքի վրա: Բայց դրանք որոշակիորեն նախապատրաստեցին այն շարժումը, որի անվան հետ է կապված Ռուսաստանում պանիսլամիզմի, իսկ հետո նաև՝ պանթուրքիզմի գաղափարների լայն տարածումը: Խոսքը ջադիդների շարժման մասին է: Ընդհանուր շատ կողմեր ունենալով մերձավորարևելյան և հնդկական իսլամում տեղի ունեցող բարենորոգչական շարժման հետ, ջադիդիզմը՝ դրսևո-րեց նաև բազմաթիվ յուրօրինակություններ, մեծ նշանակություն ունենալով Ռուսաստանում իսլամի կրոնագաղափարախոսական մտքի զարգացման և արդիականացման տեսակետից²:

Ջադիդները նույնպես լուսավորիչների նման առաջարկում էին արևմտյան մանկավարժության հիմունքներով նոր մեթոդներ մտցնել դպրոցական ուսուցման մեջ, բարեփոխել կրոնական դպրոցները՝ մեղրեսները և մեքթեբները: Ըստ որում ռեֆորմը պետք է վերաբերվեր ոչ միայն դասավանդման մեթոդիկային, այլև նրա բովանդակությանը: Նկատի էր առնվում մտցնել մի շարք աշխարհիկ ուսումնական առարկաներ՝ մաթեմատիկա, քնագիտություն, ռուսաց լեզու, օտար լեզուներ: Մուսուլ-մանական դպրոցների ուսուցման մեթոդը, այնտեղ իշխող սխոլաստիկ մեթոդորտը, որտեղ յոթ-ութ տարի շարունակ աշա-կերտները գետնին նստած իրենց միանգամայն անձանոթ արա-բերենով Ղուրան կարդալ էին սովորում, «նոր մեթոդական-ների» կարծիքով ենթակա էին արմատական փոփոխության:

Ջադիդիզմը սկզբում շուներ հստակորեն արտահայտված քա-ղաքական գիծ: Շարժման մեջ մտնում էին տարբեր, երբեմն հակասական, հայացքների տեր մարդիկ՝ «չափավոր» ազատա-միտներ, դեմոկրատական հովերով տարված մտավորականներ, որոնց պահանջները սահմանափակվում էին գլխավորապես վրթության կազմակերպման հարցերով:

¹ «Ջադիդիզմ» տերմինն առաջացել է արաբերեն «ուսուլ ի ջեդիդե» ար-տահայտությունից, որը նշանակում է «նոր մեթոդ»:

² Տե՛ս «Два течения». «Мир ислама», т. II, 1913, вып. I, էջ 31—42. С. Рыбаков. Новометодисты и старометодисты в религиозном мусуль-манстве. «Мир ислама», т. II, 1913, вып. XII, էջ 852—871; А. Арша-руни и Х. Габидуллин. Очерки панисламизма и пантюркизма в Рос-сии, էջ 11—14:

¹ Տե՛ս А. И. Крывелев. История религий, том II, էջ 283; «Миссио-нерский противомусульманский сборник. Труды студентов миссионер-ского противомусульманского отделения при Казанской духовной академии», вып. XX. Казань, 1894, էջ 159—162:

Բայց, ի տարբերություն լուսավորական շարժման, ջադի-դական շարժումն ուղղված էր ուսական կուլտուրայի, ուսական իշխանությունների դեմ: Ջադիդները ձգտում էին կրոնական դպրոցների ռեֆորմն իրականացնել, հիմք ընդունելով Պոլսի թուրքերենը: Նրանք վճռակրօնապես հանդես էին գալիս ուսասան լուսավորիչների այն տեսակետի դեմ, թե կարելի է փոխել թուրքերենի գրությունն ձևը և այն հարմարեցնել սլավոնական այբուբենին և այլն:

Հենց այդպիսի գաղափարներ էր պրոպագանդում ջադիդիզմի հիմնադիր, Ղրիմցի թաթար հրապարակախոս Իսմայիլ բեյ Գասփրինսկին, որը դարձավ Ռուսաստանում նորագույն իսլամիզմի և թուրքիզմի խոշորագույն տեսաբանն ու քարոզիչը:

Մնվել է 1851 թվականին Ղրիմում, կրթությունը ստացել Մոսկվայում, ճամփորդել է Ֆրանսիայում և Թուրքիայում, 1875 թ. նշանակվել է դպրոցի տեսուչ, ապա ընտրվել նախկին Ղրիմի խանության մայրաքաղաքի՝ Բախչիսարայի քաղաքապետ: Ղրիմում նա խոշոր կալվածքներ ուներ:

Դեռևս 1881 թվականին Սիմֆերոպոլում Գասփրինսկին ուսերեն հրատարակեց «Ռուսական մուսուլմանություն: Մուսուլմանի մտքերը, նոթերը և դիտարկումները» գիրքը¹, որտեղ շարադրեց Ռուսական կայսրության մահմեդական ժողովուրդների արդիականացման, մասնավորապես մուսուլմանական դպրոցների վերակառուցման մասին իր հիմնական գաղափարները: Գիրքն ըստ էության նաև գործունեության ծրագիր էր, որը նախատեսում էր մուսուլման կանանց հոգևոր ազատագրում, Պոլսի բարբառի հիման վրա միասնական թուրքերենի մշակում և տարածում, թուրքալեզու մամուլի հիմնադրում, թուրք ազգային մտավորականության ստեղծում և այլն:

Գասփրինսկին գտնում էր, որ առաջավոր ազգերի առաջընթացի ու քաղաքակրթության հիմնական գործոններից մեկը գիտությունների զարգացումն է, ուստի նա մուսուլման գործիչներին կոչ էր անում կողմնորոշվել դեպի ժամանակակից քաղաքակրթությունը, մասնավորապես ճշգրիտ գիտությունները: Գասփրինսկին նույնպես, Աբդոյի և մյուս բարենորոգիչների

նման, յուրատեսակ էր մեկնաբանում Ղուրանի և Սուենայի այսօր-ները, փորձում էր ապացուցել, որ իսլամական դավանաբանությունը չի հակասում գիտությունը:

Թուրքերենը և իսլամը Գասփրինսկին դիտում էր իբրև հզոր ազդակներ Ռուսաստանի թուրքալեզու ժողովուրդների ազգային ինքնությունը և գիտակցությունը զարգացնելու համար: Նա հրաշակեց թրքականության (թուրքուլուկ) սկզբունքը: Նրա կարգախոսներից մեկն էր՝ «Լեզվի, մտածումի և գործի միասնություն» («Դիլդե, ֆիքիրդե, իշդե բիրլըկ»):

Պոլսի թուրքերենը դիտելով որպես թուրքալեզու բոլոր ժողովուրդների ընդհանուր լեզու և պարտադիր Ռուսաստանի թուրքալեզու ժողովուրդների համար, դրանով իսկ Գասփրինսկին հանդես էր գալիս պանթուրքիզմի դիրքերից և ըստ էության նրա առաջին գաղափարախոսներից մեկն էր¹:

1883 թվականի ապրիլից Գասփրինսկին Բախչիսարայում սկսեց հրատարակել «Թերջուման» («Թարգման») թերթը՝ երկու լիզվով, որը տարածվում էր Ռուսաստանում և Օսմանյան կայսրությունում: Թերթի էջերում նույնպես նա սկսեց շատ ակտիվ պրոպագանդել «նոր մեթոդը» և ընդհանրապես իր ազգայնական գաղափարները:

Խոսքից գործի անցնելով և գործնականում իրականացնելով իր մտքերը, Գասփրինսկին, մեծ ջանքեր գործադրելով, Ղրիմում ստեղծեց նոր մեթոդի դպրոցներ, որտեղ Ղուրանի հետ միասին ուսումնասիրում էին մայրենի լեզու, աշխարհագրություն, թվաբանություն և ուրիշ աշխարհիկ առարկաներ: Շուտով նրա օրինակին հետևեցին Ռուսաստանի մուսուլմանական այլ կենտրոնները: Գասփրինսկին մեծ թվով համախոհներ ունեցավ ոչ միայն Ղրիմում, կազանի թաթարների մոտ և Ադրբեջանում, այլև Պովոլժիեում, Ուրալում, Միջին Ասիայում: Ամենուր լույս էին տեսնում մոզեռնիստական ոգով զրված գրքեր, հրապարակ էին գալիս ջադիդական ուղղության թերթեր ու հանդեսներ:

Առաջ քաշելով իսլամի բարելավման, բարեփոխման ծրագիր, Ի. Գասփրինսկին և նրա հետևորդները գտնում էին, որ այդ բարեփոխումը հնարավոր կլինի իրականացնել միայն Ռուսա-

¹ И. Гаспринский. Русское мусульманство. Мысли, заметки и наблюдения мусульманина. Симферополь, 1881.

¹ Ի. Գասփրինսկու օրինակն ունենալով, որոշ իմաստով կարելի է նույնիսկ ասել, որ պանթուրքիզմի գաղափարն առաջին անգամ ծագել է Ռուսաստանում ապրող թուրք-թաթարական շրջաններում:

կան կայսրութեան մուսուլմանական բոլոր տարածքների հավատացյալների միացյալ ջանքերով, նրանց գաղափարական, իսկ ապա նաև՝ քաղաքական միավորման դեպքում: Այստեղից էլ բխում է ջադիդների բացահայտ պանիսլամիզմը, որն ըստ էության բարենպաստ հող էր ստեղծում պանթուրքիզմի գաղափարների տարածման համար: Այդ գործում հատկապես լայն գործունեություն ծավալեցին ջադիդական ազգայնական մամուլի օրգանները:

Դեռ 80-ական թվականներից Թաթարիայում սկսեց հրատարակվել «Թուրք Նուրդու» թերթը՝ հենց սկզբից մղելով ակտիվ պանիսլամական պրոպագանդա: Նման դեր ստանձնեց նաև ավելի ուշ այդտեղ հրատարակ եկած «էրլուրդ» օրաթերթը՝ Թաթար մտավորական Մաքսուդովի խմբագրությամբ: Ռուսաստանում պանիսլամիզմի պրոպագանդան ուղղությամբ մեծ ջանքեր էր գործադրում Ազրբեջանում նրա գլխավոր ձայնափողը՝ «Կասպի» թերթը:

Արդեն 90-ական թվականների վերջերին ջադիդական շարժումը մեծ ուժ էր դարձել: Նրա գործունեությունը դարձրեցական ռեֆորմի շրջանակներից աստիճանաբար դուրս գալով, ըստ էության, ստացավ ամբողջ մուսուլմանական կրոնի արդիականացման համար պայքարի բնույթ:

Ինչպես ասվեց, Ռուսաստանի սահմաններից դուրս պանիսլամիզմը որոշ դրական լիցք էր կրում այնքանով, որքանով այն ուղղված էր նաև եվրոպական գաղութարարների դեմ: Իր հերթին իսլամում ծագած բարենորոգչական շարժումը Եգիպտոսում և Հնդկաստանում ինչ-որ շափով ուղղված էր պանիսլամիզմի դեմ, որովհետև շարժումն արտահայտում էր այդ էրկրների բարձրացող ազգային բուրժուազիայի շահերը, որը ձգտում էր անկախ և ինքնուրույն լինել Օսմանյան կայսրությունից. ունենալ սեփական ազգային պետություն և ներքին ազգային շուկա: Այդ պատճառով եվրոպական գաղութարարները Օսմանյան կայսրության մեջ և մուսուլմանաբնակ իրենց գաղութներում մասնեղական կրոնի բարեփոխման համար ծնունդ առած շարժմանը երբեմն հաշտ աչքով էին նայում, նույնիսկ աջակցում բարենորոգիչներին:

Բարենորոգիչների հանդեպ իշխանությունների վերաբերմունքը միանգամայն այլ էր ցարական Ռուսաստանում: Ռուսական իշխանությունները դեմ էին իսլամին և, ինչպես տեսանք,

աջակցում էին նրան: Ինչ վերաբերում է պանիսլամիզմին և դրա կրողներին, ապա դրանց հանդեպ ցարիզմը հենց սկզբից թրջնամական դիրք բռնեց: Դա պատահական չէ, որովհետև պանիսլամիզմի նպատակը Ռուսաստանի մուսուլմանական և թուրքալեզու տարածքները ռուս «անհավատների լծից ազատագրելն» էր և դրանք ապագա համաշխարհային մուսուլմանական կայսրությունը կցելը: Ռուսաստանում բարենորոգչական շարժումը հենց սկզբից ընթացավ ոչ միայն պանիսլամիզմի, այլև պանթուրքիզմի դրոշմով: Այստեղ սեփական ազգային պետության և ներքին շուկայի ստեղծումը կապված էր շատ ավելի մեծ դժվարությունների՝ Ռուսական կայսրության քայքայման և մուսուլմանների «ազատագրության» հեռանկարի հետ, որի իրականացումը հնարավոր կլիներ միայն Օսմանյան կայսրության քաղաքական-դիվանագիտական աջակցությամբ և հատկապես ռազմական ակտիվ միջամտությամբ:

Այլ խոսքով, եթե բանը վերաբերում էր Օսմանյան կայսրությանը, ապա այստեղի բարձրացող թուրք բուրժուազիան միշտ չէ, որ նույնացնում էր պանիսլամիզմը և պանթուրքիզմը: Իսկ եթե խոսքը գնում էր ցարական Ռուսաստանի մասին, ապա այդ նույն բուրժուազիան և Ռուսաստանի նոր ձևավորվող թուրքալեզու բուրժուազիան որևէ հակասություն չէին տեսնում պանթուրքիզմի և պանիսլամիզմի գաղափարների միջև: Դա այդպես էլ պետք է լիներ, որովհետև եթե Օսմանյան կայսրության մեջ մեծամասնություն էին կազմում ոչ թուրք մուսուլմանները, ապա Ռուսական կայսրության մեջ համարյա բոլոր մուսուլմանները թուրքալեզու էին:

Ջադիդների բարենորոգչական շարժումը հենց սկզբից ուժեղ դիմադրության հանդիպեց կայսրության մուսուլման հոգևորականության հետադեմ մասի, բոլոր ուղղահավատ մուսուլմանների, այլ խոսքով՝ բոլոր պահպանողական հավատացյալների կողմից, որոնք իրենց ավանդապաշտության շնորհիվ ստացել էին բազմապիսյան անունը: Ջադիդների գործունեությունը խիստ հետապնդվում էր հատկապես Բուխարայի և Խիվայի կրոնապետական խանություններում²:

¹ Քաղիմականներ — «քաղիմ», այսինքն՝ անփոփոխ, վաղեջական բառեր:

² Տե՛ս «Очерки истории Коммунистической партии Таджикистана». Третье издание, дополненное и переработанное. Том I (1903-1937 гг.). Душанбе, 1980, էջ 27:

ինչպես տեսանք, 19-րդ դարի վերջին քառորդում մուսուլմանական կրոնը արդիականացման բուռն պրոցես ապրեց: Մահմեդական խոշոր գործիչներից ոմանք մի կողմից ձգտում էին իսլամականությունը և պանիսլամիզմը հարմարեցնել հակազաղութային պայքարի խնդիրներին, մյուս կողմից՝ բարձրացող մուսուլմանական բուրժուազիայի շահերին: Իսլամի հիմքի վրա բոլոր մահմեդականներին միավորելու մասին քարոզը, համաշխարհային իսլամական պետություն ստեղծելու գաղափարը դեմ առավ բազմաթիվ արգելքների: Պանիսլամիզմի քարոզն անխուսափելիորեն հանդիպեց քրիստոնեական երկրների բացահայտ թշնամանքին, ինչպես նաև հակասության մեջ մտավ Արևելքի ձևավորվող ազգերի ներսում սաղմնավորվող բուրժուական նացիոնալիզմի, առանձին ազգային պետությունների ստեղծման գաղափարի հետ: Ավելին, պանիսլամիզմը ստիպված էր հաղթահարել հենց իսլամի ներսում հանդես եկած հակապանիսլամական հոսանքների դիմադրությունը:

19-րդ դարի վերջերից պանիսլամիզմը աստիճանաբար կորցրեց հակազաղութային ուղղվածությունը: Սուլթան Աբդուլ Համիդի և մուսուլմանական աշխարհի մյուս կառավարողների, մուսուլմանական վերնախավերի ձեռքին այն արդյունավետ միջոց էր մասսաների գիտակցությունը մթազնելու, նրանց ուշադրությունը սոցիալական հուզող հարցերից շեղելու համար:

Այսպիսով, շնայած իսլամի նորացման համար սկսված շարժման մեջ երբեմն հանդես էին գալիս կիսաառաջադիմական տենդենցներ, բայց և այնպես ամբողջության մեջ այն շարունակում էր ծառայել մուսուլմանական աշխարհի կղերաֆեոդալական վերնախավերի շահերին: Ազգային գաղութային հարցի վերաբերյալ իր թեզիսներում Վ. Ի. Լենինը վճռականապես դատապարտել է պանիսլամիզմը, որը սոսկ ամրապնդում է «խաների, կալվածատերերի, մուլաների և նմանների դիրքերը»: Հասարակական զարգացման ընթացքում «հեղափոխական» շարժումների մուսուլմանական կրոնագաղափարախոսական ձևն անփոփոխ կերպով երևան էր բերում դրանց պատմական սահմանափակությունը:

**ԵՐԻՏՅՈՒՐՔԵՐԻ ՀԱՆԴԵՍ ԳԱԼԸ: «ՕՍՄԱՆՅԱՆ ԱՉԳԻ»
ԳԱՂԱՓԱՐԸ: ՊԱՆԻՍԼԱՄԻԶՄԸ ԹԻՒՐԲ ԱՉԳԱՅՆԱԿԱՆՆԵՐԻ
ՏԵՍԱԿԱՆ ԶԻՆԱՆՈՅՈՒՄ**

Աբդուլ Համիդի կառավարման տարիներին թվում էր, թե ամրապնդվել են Թուրքիայի ֆեոդալական-բռնապետական կարգերը՝ կասեցնելով բուրժուական առաջադիմական զարգացման տենդենցները: Իրականում, սակայն, թեև շատ դանդաղ, բայց որոշակի սոցիալ-տնտեսական տեղաշարժեր էին կատարվում երկրում: Օսմանյան կայսրության մեջ անշեղորեն շարունակվում էր կապիտալիստական հարաբերությունների զարգացումը: Եվ դա ոչ միայն ծովափնյա քաղաքներում, որտեղ այդ զարգացման տոն տվողը նախկինի պես Թուրքիայի այլազգի բուրժուազիան էր, այլև երկրի կենտրոնական շրջաններում: Ուժեղանում էին ձևավորվող թուրք ազգային բուրժուազիայի դիրքերը տնտեսության զանազան ոլորտներում:

Չնայած այդ ամենին, թուրքական բուրժուազիայի տնտեսական դիրքերը երկրում դեռ երերուն էին, դեռ նա նոր էր ամրապնդվում իբրև դասակարգ: Նրա զարգացման ճանապարհին առաջվա պես լուրջ խոչընդոտ էր ֆեոդալական-սուլթանական բռնապետական ռեժիմը, որին բացահայտորեն իրենց կամքն էին թելադրում եվրոպական մեծ տերությունները, օտարերկրյա կապիտալը: Ամեն ինչից երևում էր, որ սուլթանական-բռնապետական կարգերի դեմ ընդդիմությունն առաջիկայում անխուսափելի և լուրջ էր լինելու:

Ընդհատակ անցած «նոր օսմանների» գաղափարները թուրք մտավորականության առանձին խավերի և զինվորականության մեջ տակավին կենսունակ էին: Արդեն 80-ական թվականների վերջերից թուրքական բուրժուազիայի շահերն արտահայտող իսլամ մտավորականության որոշ ներկայացուցիչներ, աս-

Վ. Ի. Լենին, ԻԼԺ, հ. 41, էջ 199:

տիճանաբար սթափվելով արգուհամիդյան ռեակցիայի ծանր հարվածներից, երազում էին սահմանադրական շարժման տարիների համեմատաբար տանելի քաղաքական ազատությունների մասին: Գնալով հող էր ստեղծվում օրվա ռեժիմի դեմ գաղափարական-քաղաքական շարժման համար:

19-րդ դարի 60—70-ական թվականներին, այսինքն՝ սահմանադրական շարժման տարիներին ձևավորված թուրք մտավորական ուժերը նոր ժամանակներում՝ 19-րդ դարի վերջին և 20-րդ դարի սկզբին դառնում էին մի նոր շարժման՝ «երիտասարդ թուրքերի» շարժման սկզբնավորման նախօրինակ:

1889 թվականին Ստամբուլի ռազմաբժշկական ուսումնարանում ձևավորվեց մի գաղտնի քաղաքական կազմակերպություն՝ ծագումով այբանացի ուսանող Իբրահիմ Թեմոյի գլխավորությամբ: Որդեգրելով 60—70-ական թվականների սահմանադրականների հիմնական սկզբունքներն ու լուզունքները, կազմակերպությունն իր առջև խնդիր դրեց պայքար սկսել Աբդուլ Համիդի բռնապետական կարգերի դեմ: Կազմակերպության հիմնադիր կոմիտեում, բացի թուրքերից, կային կայսրության մուսուլմանական տարբեր ազգությունների ներկայացուցիչներ: Իբրահիմ Թեմոյից բացի նրա մեջ էին մտնում թուրք Շերեֆեդդինը, բոսնիացի Ալի Ռյուշտյուն, քրդեր Իսխակ Սուկուտին, Աբդուլլա Ջեվդեթը և ուրիշներ¹: Կազմակերպությունը պաշտոնապես ընդունեց «Միություն և առաջադիմություն» կոմիտե անունը, որը երիտասարդ թուրքերի շարժման սկիզբն ավետող առաջին կազմակերպությունն էր:

Սակայն երիտթուրքական շարժման ձևավորման շրջանում, այսինքն՝ 90-ական թվականներին, այդ շարժման կենտրոնը Փարիզն էր դարձել: Նույն տարիներին Փարիզում ապրած հընչակյան գործիչ Սապահ-Գյուլյանը հետագայում վերհիշում է. «Պարիզը ուխտատեղի էր, մի տեսակ թուրք Արշակավան: Ով պաշտոն էր ուզում կամ պաշտոնի բարձրացում և չէր կարողանում իր առաջադրած նպատակին հասնել, վազում գալիս էր Պարիզ և իրեն «երիտասարդ» հայտարարում: Բավականություն ստացողը խղճի ամենայն հանդարտությամբ վերադառնում էր: «Երիտասարդ թուրքությունը» մի տեսակ միջոց էր դարձել սուլթան Համիդի կառավարությունից պաշտոններ, դրամներ, առա-

վելություններ կորզելու և անձնական վրեժխնդրություններ առաջ մղելու համար: Բացի շատ սահմանափակ թվով անհատներից, մնացածները հարափոփոխ տարրեր էին, որոնք գաղափարական տեսակետից ոչինչ չէին ներկայացնում և դրա համար էլ իրենց թիվը երբեմն ահագին չափեր էր առնում, երբեմն էլ շատ ոչնչի իջնում»¹:

Հենց այստեղ էլ՝ Փարիզում, 1894 թվականին թուրք քաղաքական վտարանդիների շրջանում ձևավորվեց մի նոր կազմակերպություն, որտեղ ղեկավար դեր ստանձնեցին մտավորականներ Նազըմը և Ահմեդ Ռիզան: Այս կազմակերպությունը նույնպես կոչվեց «Միություն և առաջադիմություն» կոմիտե, որը շուտով դարձավ երիտթուրքերի արտասահմանյան կենտրոն: Ահմեդ Ռիզան կանգնեց այդ կենտրոնի գլուխ՝ դառնալով երիտթուրքական շարժման ղեկավարներից և նշանավոր գաղափարախոսներից մեկը: Փարիզում սկսելով ֆրանսերեն հրատարակել «Մեշվերեթ» («Քննարկում»), իսկ թուրքերեն՝ «Շուրա-ի ումմետ» թերթերը, նա դրանց էջերում տեսականորեն հիմնավորում էր երիտթուրքերի քաղաքական նպատակները²: Ի տարբերություն երիտթուրքերի Ստամբուլի կազմակերպության, որն արմատականորեն էր տրամադրված սուլթանական ռեժիմի նկատմամբ, Փարիզի կենտրոնը կանգնեց չափավոր դիրքերում:

1895 թվականին Փարիզում հայտնվեց երիտթուրքերի մի կազմակերպություն ևս՝ ձևավորվելով նախկինում Եգիպտոսում լույս տեսած, իսկ այժմ Եվրոպայում վերահրատարակվող «Միզան» («Կշեռք») ռազմաշունչ շաբաթաթերթի շուրջը: Թերթը վերստեղծել և խմբագրում էր հայտնի պատմաբան Մուրադ բեգը: Նա ծագումով դադստանցի էր, որտեղից անցել էր Թուրքիա, գնացել Եգիպտոս, այնտեղից եկել Փարիզ: Շատ շանցած սա նույնպես դարձավ երիտթուրքերի ղեկավարներից ու գաղափարախոսներից մեկը: Սուլթանի նկատմամբ Ահմեդ Ռիզայի կազմակերպության չափավոր դիրքի համեմատությամբ նույնիսկ Մուրադ բեյի խումբը կանգնած էր ծայրահեղ աջ դիրքերի վրա: Բացահայտորեն պաշտպանելով Աբդուլ Համիդի ազգային ջար-

¹ Ս. Սապահ-Գյուլյան, Պատասխանատուները, տպ. «Երիտասարդ Հայաստանի», Փրավիտես, 1916, էջ 137:

² Տե՛ս Ա. Փ. Միլլեր. Краткая история Турции, էջ 117:

¹ Տե՛ս А. Ф. Миллер. Краткая история Турции, էջ 116:

դարար քաղաքականությունը, նա հատկապես արդարացի էր համարում սուլթանի հայակուլ գործելակերպը:

Մոտավորապես այդ ժամանակ ժնկում հիմնվում է երիտթուրքերի մի ուրիշ կազմակերպություն, որը 1897 թվականից սկսում է լույս ընծայել «Օսմանլը» («Օսմանցի») թերթը: Նույն թվականին Կահիրեում ստեղծվում է «Միություն և առաջադիմություն» կազմակերպության բաժանմունքը, որը Հոշա Գատրիի խմբագրությամբ սկսում է հրատարակել «Կանուն-ի էսասի» («Սահմանադրություն») և «Բասիրետ ուշ-շարկ» («Արևելքի իմաստություն»), իսկ Ահմեդ Սանբայի խմբագրությամբ՝ «Սանջակ» թերթերը¹: Այս կազմակերպության ղեկավար անդամներից մի քանիսը տարիներ անց՝ 1902 թվականին, հիմնում են մի ուրիշ կազմակերպություն՝ «Օսմանյան համաձայնության ընկերություն» անունով: 1904 թվականին Ստամբուլում սկսեց գործել երիտթուրքական շարժման ևս մի բջիջ՝ «Հեղափոխական ընկերություն» անունով: Նույն թվականին ժնկում հիմնադրվում է «Միության և հեղափոխության օսմանյան ընկերություն» կազմակերպությունը: Երիտթուրքական կազմակերպություններ էին ստեղծվել նաև Ռումինիայում, Բուլղարիայում, Ալբանիայում և այլուր:

Վերը նշված թերթերից բացի երիտթուրքերն ուրիշ մի շարք երկրներում ևս ունեին տպագիր օրգաններ: Օրինակ՝ Իտալիայում (Նեապոլում) լույս էին տեսնում «Իստիկբալ» («Ապագա»), ժնկում՝ «Խիզմեթ» («Դատողություն»), Լոնդոնում՝ «Հյուրիեթ» («Ազատություն») թերթերը: Բացի այդ, Լոնդոնում և Նյու Յորքում արաբերեն լույս էին տեսնում «Խիլյաֆեթ» («Խալիֆաթ») և «Սուրիե» («Սիրիա»), Բրյուսելում՝ արաբերեն «Ալբանիա», Կահիրեում՝ քրդերեն «Քուրդիստան» թերթերը²:

Երիտասարդ թուրքերի շարժումը խիստ կտրված էր մասսաներից. նրա պարագլուխները խորշում էին ժողովրդական խավերից, մասսայական շարժման փոխարեն գերադասում պրակտիկ գործողությունների ղավադրական մեթոդները:

Երիտասարդ թուրքերի բոլոր կազմակերպություններին միավորում էր երեք հիմնական քաղաքական պահանջ՝ պալատա-

կան հեղաշրջման միջոցով Աբդուլ Համիդի բռնապետական ուժի տապալում, 1876 թվականի սահմանադրության վերականգնում, պառլամենտի գումարում: Այս բոլոր հարցերում նրանք համակարծիք ու միակամ էին:

Շարժումը խարսխված էր «նոր օսմանների» գաղափարական-տեսական ժառանգության վրա: Նրանց բազմաթիվ գաղափարներ ու մտքեր երիտթուրքերն ընդօրինակեցին առանց որևէ փոփոխության: Որոշ գաղափարներ էլ սրանք կոնկրետացրին 19-րդ դարի վերջին և 20-րդ դարի սկզբին ստեղծված նոր պայմանների համեմատ, դրանք «զարգացրին» ծայրահեղ աջ դիրքերից, իրենց վերաբերմունքը մշակեցին թուրքական ազգային բուրժուազիային հուզող համարյա բոլոր հարցերում:

Վերաբերմունք երկրի կառավարման համակարգի նկատմամբ: Երիտթուրքերի կարծիքով սուլթանական-բռնապետական կարգերը պետք է վերացվեին: Նրանք համոզված էին սակայն, որ կայսրությունը չի կարող յուր գնալ առանց սուլթանի, միայն թե նա լինի «բարի», «լավ» սուլթան: Հետևապես պետք է պայքարել սահմանադրական միապետության համար, որի պայմաններում միայն կարելի է ապահովել երկրի տնտեսական և կուլտուրական արագ առաջադիմությունը: Ինչպես նշում էր Ի. Գուլբորոզկոն, երիտթուրքերի շարժումը «ապստամբում էր ուժի մի, բայց ոչ սուլթանի դեմ»: Իր հրատարակություններից մեկում Փարիզի «Միություն և առաջադիմություն» կոմիտեն ազդարարում էր. «Սո՛ղ բոլորին հայտնի լինի, որ մենք սահմանադրական ուժի մի պայմաններում էլ չենք կարող մեր գահը պատկերացնել առանց այժմ թագավորող դինաստիայի»³:

Վերաբերմունք դեպի մուսուլմանական կրոնը: Երիտթուրքական բոլոր կազմակերպություններին հուզող մյուս կարևոր խնդիրը կայսրության մեջ տիրող կրոնական գաղափարախոսության՝ իսլամի հանդեպ որոշակի դիրքորոշում մշակելն էր:

Մեծագույն պատկառանք տածելով մահմեդական կրոնի սկզբունքների և նորմերի հանդեպ, երիտթուրքերի գաղափարախոսները փորձում էին հիմնավորել, թե դրանք բնավ չեն հակասում սահմանադրական կարգերին, որոնց իրենք ձգտում են:

¹ Տե՛ս Սողամոն Քենդիբեան, Վերլիշումներ, Գահիրե, 1953, էջ 28—29:

² Տե՛ս Գ. Յ. Ալևե, Турция в период правления младотурок, изд-во «Наука», М., 1972, էջ 58:

³ Տե՛ս И. И. Голобородько (И. Южанин) Старая и новая Турция, էջ 212:

⁴ Նույն տեղը:

Ահմեդ Ռիզան և նրա համախոհներն այն տեսակետին էին, թե մահմեդական կրոնը ոչ միայն առաջադիմության արգելք չէ (այդ տարիներին մուսուլմանական կրոնի՝ որպես արգելքի մասին շատ էին գրում հատկապես եվրոպացի հետազոտողները), այլև բարենպաստ հանգամանքների բերումով կարող է առաջադիմության մեծագույն խթան դառնալ:

Մուսուլմանական կրոնի հանդեպ երիտթուրքերի խոր ակնածանքը և իրենց նպատակներին հասնելու համար այն օգտագործելու կարևորությունը նրանց անխուսափելիորեն կանգնեցրեց պանիսլամիզմի գաղափարական դիրքերի վրա: Նրանք նույնպես թուրքական սուլթանին դիտում էին որպես բոլոր մուսուլմանների խալիֆ և այս հանգամանքը ձգտում էին առավելագույնս ծառայեցնել կայսրության շահերին:

Վերաբերմունք օսմանիզմի գաղափարախոսության նկատմամբ: Օսմանիզմի հանդեպ վերաբերմունքն ըստ էության դարձել էր կայսրության այլազգի, մասնավորապես քրիստոնյա ժողովուրդների նկատմամբ վերաբերմունքի հարց և այն սկզբնական շրջանում կենտրոնական տեղ էր գրավում երիտասարդ թուրքերի հայացքների համակարգում:

19-րդ դարի ընթացքում թուրքական սուլթանների տիրապետությունը թոթափել էին Ղունաստանը, Բուլղարիան, Սերբիան, Չեռնոգորիան, Ռումինիան, Բոսնիա-Հերցեգովինան, Կրեսե և Սամոս կղզիները, այսինքն՝ մոտ մեկուկես միլիոն քառակուսի կիլոմետր տարածություն զբաղեցնող 28 միլիոնից ավելի ազգաբնակչություն:

Երիտթուրքական բոլոր կազմակերպությունները միակամ և միակարծիք էին մի հիմնական հարցում, այն է՝ բոլոր միջոցներով պահպանել կայսրության ամբողջականությունը, թույլ չտալ նրա հետագա քայքայումն ու փլուզումը: Բայց ինչպիսի՞ միջոցներով զլուխ բերել դա, ինչ մեթոդներով խափանել կայսրության ժողովուրդների ազգային անկախության հասնելու ձգտումը:

Եվ ահա օսմանիզմի ըմբռնման հարցում երիտթուրքերի տարբեր հոսանքների միջև առաջ եկան լուրջ տարաձայնություններ:

Երիտթուրքերի մի մասը, որն արտահայտում էր միջազգային առևտրական գործառնության ոլորտում ընդգծված թուրքական բուրժուազիայի շահերը (Շերեֆեղդին և ուրիշներ), հանդես էր գալիս կայսրության թուրք և այլազգի բուրժուազիայի միջև

ամուր դաշինք ստեղծելու պահանջով: Իսկ ինչպե՞ս հասնել այդ նպատակին: Իբրև դրան հասնելու միջոց նրանք առաջարկում էին ապակենտրոնացնել կայսրության վարչական կառավարման համակարգը, ինչպես նաև տնտեսական և քաղաքական իրավահավասար համագործակցություն հաստատել եվրոպական տերությունների հետ: Թե ինչպիսին էր լինելու այդ դաշինքի ներքին բովանդակությունը՝ երիտթուրքերի այդ լիբերալ մասը դեռ որոշակի պատկերացում չուներ: Բայց նրանց օսմանիզմը չէր բացառում կայսրության մեջ առանձին ազգերի գոյությունը տեսանելի ապագայում: Ավելին, նրանք առայժմ նույնիսկ ձեռնարկներ, հանդես էին գալիս գոնե կայսրության ոչ թուրք ազգերի իրավահավասարության օգտին:

Ինչպես վերևում տեսանք, կայսրության մեջ առանձին ազգերի գոյությունը ժամանակին չէր բացառում նաև «նոր օսմանների» ղեկավարներից Ալի Սուլվին՝ իր «օսմանյան ազգի» գաղափարով: Երիտթուրքերի լիբերալ մասը նույնպես, ինչպես Սուլվին, գտնում էր, որ կայսրության հպատակ ժողովուրդները երկար ժամանակ ապրելով թուրքերի հետ կողք կողքի, նրանց իշխանության տակ, դեռ շատ վաղուց ամբողջովին կորցրել են ինքնուրույն ապրելու կարողությունը և, բնականաբար, միասնական «օսմանյան ազգ» ստեղծելու համար բացառիկ հարմար տարրեր են: Այդ նպաստավոր պայմաններում բոլոր ոչ թուրքերը աստիճանաբար կձուլվեն թուրքերի մեջ և տեսանելի ապագայում կստեղծվի միասնական «օսմանյան ազգ»: Այդ նպատակին հասնելու ճանապարհին նրանք կարևոր էին համարում կայսրության ողջ տարածքում ժողովրդական կրթության միասնական համակարգի ստեղծումը: Մասնավորապես գտնում էին, որ նախ դպրոցները հիմնականում պետք է կենտրոնացած լինեն պետության: ձեռքին, ապա՝ թուրք և ոչ թուրք երեխաների ուսուցումը պետք է ընթանա համատեղ՝ նույն ղրպորոցներում, որոնցում դասավանդումը տարվելու էր միայն ու միայն թուրքերեն՝ իբրև առաջիկայում ստեղծվելիք «օսմանյան ազգի» միասնական լեզու:

Այսպիսով «օսմանյան ազգը» ըստ էության պետք է լիներ թուրք ազգի և նրա մեջ ձուլված, արդեն լիովին ուժացած ոչ թուրք ազգերի էթնիկական ամբողջություն:

Երիտթուրքերի մյուս մասը, որ արտահայտում էր կայսրության տիրապետող ազգի բարձրացող արդյունաբերական բուր-

ժուազիայի, մասնավորապես Անատոլիայի նոր ձևավորվող թուրք բուրժուազիայի շահերը (Մուրադ բեգ, Ահմեդ Ռիզա և ուրիշներ), վճռականորեն պահանջում էր նախ խափանել երկրի ներքին գործերին օտար պետությունների ամեն մի միջամտություն, հենց սկզբից առաջին պլան մղել Օսմանյան կայսրության բոլոր ժողովուրդների ոչ թե համագործակցության, այլ միասնության գաղափարը: Այդ նպատակին հասնելու միջոցը նրանք համարում էին ոչ թե երկրի կառավարման համակարգի ապակենտրոնացումը, այլ, ընդհակառակը՝ ծայրահեղ կենտրոնացումը: Նրանք գտնում էին նաև, որ միասնական «օսմանյան ազգի» ստեղծումը շպետք է թողնել անորոշ ապագային, այլ պետք է գլուխ բերել հնարավորին կարճ ժամանակում:

Առաջին հայացքից կարող է թվալ, թե շնայած «օսմանյան ազգի» գաղափարի հանդեպ երիտթուրքերի երկու թևերի միջև եղած զգալի տարբերություններին, այնուամենայնիվ, ամբողջության մեջ օսմանիզմի երիտթուրքական մեկնաբանումն առաջադիմական կողմեր ունեւ գոնե այնքանով, որքանով այն առաջադրում էր խաղաղ միջոցներով կայսրության մեջ ազգային-էթնիկական միասնություն ստեղծելու պահանջ: Բայց իրականում բանն այդպես չէր: Երիտթուրքերի օսմանիզմի նպատակը, վերջին հաշվով, Օսմանյան կայսրության ամբողջականության պահպանումը, հետևաբար թուրքական սուլթանի բիրտ տիրապետության հավերժացումն էր ոչ թուրք ժողովուրդների վրա, որոնք պայքարում էին բռնապետությունից ազատագրվելու և ինքնուրույն կյանքով ապրելու բնական իրավունք ձեռք բերելու համար: Որքան էլ օսմանիզմի քարոզով հանդես եկող երիտթուրքերը ձգնում էին ոչ թուրք ժողովուրդներին համոզել, թե իրենք կայսրության բոլոր ժողովուրդների իրավահավասարության կողմն են, սակայն նրանց մեծապետական շովինիզմն իսկույն մերկանում էր, երբ ոչ թուրք ժողովուրդներին կոչ էին անում հրաժարվել ազգային-ազատագրական շարժումներից, ամեն առիթով ընդգծում թուրքերի «բացառիկ» լինելը, տարփողում նրանց «հերոսական պատմության», նրանց անցած «պանծալի ուղու» մասին և այլն: Միաժամանակ այլազգիների մեջ ոչ լիարժեքության գիտակցություն պատվաստելու նպատակով երիտթուրքերն ամեն կերպ փորձում էին ապացուցել նրանց հանդեպ թուրքերի անառարկելի գերազանցությունը, նրանց մոտ երախտագիտության զգացում առաջ բերել «օսմանյան մեծ

սուլթանների» հանդեպ, որոնց նրանք իբր պարտական են իրենց գոյության և «առաջադիմության» համար:

Եթե երիտթուրքերի հրապարակ գալու առաջին շրջանում նրանց օսմանիզմը զգալիորեն տարբերվում էր արդուհամիդյան օսմանիզմից, ապա հետագայում դրանց միջև տարբերություն համարյա չէր նկատվում: Սուլթանական օսմանիզմը, իբրև կայսրության ամբողջականության պահպանման գաղափար, թելադրում էր որքան հնարավոր է շատ մարդ ունենալ պետության մեջ՝ կարելիվույն շափ շատ հարկ հավաքելու համար: Երիտթուրքական օսմանիզմը, իբրև կայսրության ամբողջականության պահպանման գաղափար, թուրք ազգային բուրժուազիայի համար պետք է ապահովեր հումքի աղբյուրներ և ապրանքների վաճառքի լայն շուկա: Այնպես որ երիտթուրքերի հանդես գալուց մեկ տասնամյակ հետո սուլթանական և երիտթուրքական հասկացությունները նույնացան: Դարեր շարունակ լինելով կայսրության պաշտոնական գաղափարախոսություն, օսմանիզմը դառնում էր նաև ձևավորվող թուրք ազգային բուրժուազիայի շահերի արտահայտիչ երիտթուրքերի գաղափարախոսությունը:

Երիտթուրքական կազմակերպությունները քաղաքական զբաղվոր հարցերում միակարծիք լինելով, տարակարծիք էին մի գլխավոր և մի շարք երկրորդական հարցերում: Գլխավոր հարցը, որի շուրջը ծավալվում էին տարաձայնությունները, այն էր, թե Աբդուլ Համիդի բռնապետական ռեժիմի տապալումից հետո ինչ աստիճանի են սահմանափակվելու սուլթանի իրավունքները: Կայսրության ապագա պետական կառուցվածքի մասին միասնական տեսակետ չկար նույնիսկ երիտթուրքական շարժման աջ և ձախ թևերի ներսում: Միմյանց հետ չէին կարողանում լեզու գտնել, օրինակ, Ահմեդ Ռիզան և Մուրադ բեգը, շնայած երկուսն էլ պատկանում էին շարժման աջ թևին:

Երիտթուրքական շարժման մեջ առաջացած տարաձայնությունները պատահական չէին: Դրանց հիմնական պատճառը շարժման մասնակիցների խայտաբղետ սոցիալական կազմն էր: Շարժման հիմնական ուժը թուրքական ռազմաչինովնիկական երիտասարդ մտավորականությունն էր, որն արտահայտում էր թուրք ազգային բուրժուազիայի և լիբերալ կալվածատերերի տնտեսական ու քաղաքական շահերը: Բայց շարժման մեջ ներգրավվել էին նաև ֆեոդալական բյուրոկրատիայի շատ ներկայացուցիչներ, շարժմանը հարել էին նաև պետական-բյուրոկրատ-

տական ապարատի բարձրաստիճան շինովնիկներ, նույնիսկ՝ սուլթանական արքունիքի անդամներ: Այս ամենի հետևանքով շարժումն աստիճանաբար ավելի ու ավելի ունակցիոն էր դառնում:

Երիտթուրքերի տարբեր խմբերի ու կազմակերպությունների միջև ամուր կապի բացակայությունը և նրանց բաժան-բաժան գործունեությունը լուրջ խոչընդոտ էին ուժեղացնում քաղաքական պայքարի զարգացման համար: Ահա թե ինչու շարժման շատ ակտիվ մասնակիցներ պահանջում էին շուտափույթ կերպով միավորել բոլոր ուժերը:

Առաջին փորձն արվեց 1899 թվականին, երբ միավորման նախաձեռնությունն իր վրա վերցրեց երիտթուրքերի Կահիրեի բաժանմունքը, որը, սակայն, հաջողությամբ չպսակվեց: Չնայած դրան, միասնական քաղաքական կազմակերպություն ունենալու գաղափարը գնալով խորանում էր: Միավորման համար շարժմանը շատ նպաստեց Դամադ Մահմուդ փաշայի ծավալած ակտիվ աշխատանքը: Սա, որ սուլթան Աբդուլ Համիդի քրոջ ամուսինն էր և թուրքական պետական բյուրոկրատիայի խոշոր ներկայացուցիչներից մեկը, գծովելով սուլթանի հետ, իր երկու որդիները՝ Մեհմեդ Սաբահեդդինի և Ահմեդ Լյուտֆուլլահի հետ միասին 1899 թվականի վերջերին անցավ Փարիզ և միացավ Ահմեդ Ռիզային: Դա ոգևորեց երիտթուրքերին, նրանց մոտ նոր հույսեր արթնացրեց: Շատ շանցած Մեհմեդ Սաբահեդդինը դարձավ երիտթուրքական էմիգրացիայի խոշոր գործիչներից մեկը և իր հերթին բուռն գործունեություն ծավալեց երիտթուրքական կազմակերպությունների միավորման ուղղությամբ:

Մինչ երիտթուրքերը զբաղված էին իրենց շարքերում համերաշխություն ստեղծելու խնդրով, թուրքական լծից ազատվելու համար շարունակում էին մաքառել մակեդոնացիները, արաբները, հայերը և այլ ժողովուրդներ:

Վայրենի ճնշումը, անսանձ կամայականությունները, անտանելի ծանր հարկերը հայության կյանքը դարձրել էին դժոխք: Հարկերի հավաքման բարբարոսական եղանակը խարխլում, քայքայում էր հայության տնտեսական կյանքը: Քուրդ ցեղերի հարձակումներն ու բռնադատումները լրացնում էին մղձավանջը: Հայ գյուղացին այլևս ի վիճակի չէր քիչ թե շատ կարգին զբաղվելու դաշտերի մշակմամբ, քանի որ բերքից բացի նրանից խլում էին նաև բանող անասունը:

Նոր՝ 20-րդ դարի սկզբին երկու կողմերն էլ՝ մի կողմից

թուրքական բռնակալությունը, մյուս կողմից՝ բազմաշարժար հայերը, վճռել էին ամենի ընդհարումով վերջացնել խնդիրը: Հայկական շարժումը պայքարի ցուցադրական-դժայացունց փուլից (Բանկ Օթոման, Խանասոր և այլն) արդեն անցել էր բացահայտ ճակատային կռվի փուլին:

Հայերի նոր ընդվզումները հավասարակշռությունից հանել էին սուլթանին և արքունիքին, որոնք նրանց դեմ մի դավը մյուսի հետևից էին նյութում: Ոճրագործների ուղեղում գնալով բյուրեղանում էր մի նոր մարդատյաց ծրագիր՝ Կովկաս անցած 40—50 հազար արևմտահայ գաղթականներին ոչ թե թուլլատրել վերադառնալու Արևմտահայաստան, այլ բռնի կերպով գաղթեցնել Կրետե կղզի:

Ի պատասխան սուլթանի նոր ստոր դավերի, հայ ահաբեկիչների մի խումբ Կ. Պոլսի պալատական մզկիթի առջև նրա վրա մահափորձ կատարեց, բայց Մեծ Ոճրագործը պատահական դիպվածով կենդանի մնաց:

Հայերը նախապատրաստվում էին դիմագրավելու գալիքի մեծ փորձություններին և ուղիներ էին փնտրում դրանք մեղմելու համար: Դարձյալ մնում էր Եվրոպայից օգնություն ստանալու հույսը, մի մոլորություն, որ շարունակում էր թանկ նստել հայ ժողովրդի վրա: Սակայն թուրքական յաթաղանին դիմագրավելու գաղափարը գնալով ավելի ուժգնորեն էր թափանցում ժողովրդական լայն մասսաներից ներս: Առաջին պլան մղվեցին երկու կարևորագույն խնդիրներ՝ կայսրության այլազգի հակասումանյան ուժերի հետ համագործակցություն ստեղծելու և հայ բնակչությանը զինելու խնդիրները:

Եթե 19-րդ դարի երկրորդ կեսին հայերի առջև կանգնած էր քրդերի հետ քաղաքական դաշինք ստեղծելու խնդիրը, ապա այժմ առաջ էր քաշվում սուլթանական բռնակալության դեմ կայսրության բոլոր ժողովուրդների հետ ակտիվորեն համագործակցելու հարցը:

Հայության համար առաջվա նման առավել կարևորը հայ-քրդական հարաբերությունների կարգավորումն էր: Հայ քաղաքական կուսակցությունների ասպարեզ գալուց հետո հայ-քրդական դաշինքի խնդիրը լուսավորության մարզից արդեն անցել էր քաղաքական գետնի վրա: Մինչև 90-ական թվականների կեսերն այդ կուսակցությունների դեկավար շրջաններում այն մտայնությունն էր իշխում, թե

«տաճկական կառավարությունն արդեն փտած է, իսկ քյուրտերը մեր առաջին հաջողություններուն վրայ մեր կողմը պիտի անցնին»¹:

Բայց 90-ական թվականների երկրորդ կեսը բեկումնային եղավ հայ-քրդական հարաբերությունների և այդ հարաբերական կառավարությանը գնահատելու տեսակետից: Թուրքական կառավարությանը հաջողվել էր քրդական ավագանուն իր կողմը քաշել, նրան մղել 1894—1896 թվականների հայերի մասսայական կոտորածներին և հետագա տարիների խժժություններին: Հայ-քրդական դաշինքը, որը հայերի համար առաջվա նման բաղձանք էր մնում, այժմ անհավանական էր թվում: Նրանք երկրնտրանք չունեին և նրանց մնում էր մի բան՝ գոնե շեղոփացնել քրդական վտանգը, ճիգեր թափել, որպեսզի քրդերը չմասնակցեն թուրքերի կողմից հետախու կազմակերպվելիք հայերի նոր կոտորածներին: Քրդերին շեղոփացնելու հարցը ճակատագրական նշանակություն էր ստանում հայության համար:

Քրդերի հետ համաձայնության գալու ջերմ կողմնակիցներ էին արմենական կուսակցության շատ ղեկավարներ ու շարքայիներ: Առանձին դաշնակցական գործիչներ նույնպես փորձեր էին անում համաձայնության եզրեր գտնելու քուրդ երևելիների հետ: Բայց կուսակցությունն ամբողջովին վերցրած կրավորական դիրք էր ընդունել այդ կարևոր խնդրի հանդեպ: Դաշնակցություն կուսակցության հիմնադիրներից Քր. Միքայելյանը, գրտնում էր, որ թուրքերի դեմ քրդերի հետ համաձայնություն պրակտիկորեն անհնարին է գլուխ բերել, քանի որ հայ և քուրդ ժողովուրդները գտնվում են հասարակական, տնտեսական, կուլտուրական զարգացման տարբեր աստիճանների վրա և ինչին ձգտում է հայը, անըմբռնելի ու խորթ է քրդի համար և ընդհակառակը²: Դրանից բացի, նրա կարծիքով, հայ-քրդական համաձայնության համար մեծագույն խոչընդոտներ էին հայերի դեմ քրդերին գրգռելու թուրքական կառավարության քաղաքականությունը և կրոնական տարբերությունները³: Նա չէր ժխտում, սակայն, որ քրդական առաձին ցեղերի

հետ կարելի է հարաբերությունների մեջ մտնել և դրա օգտին վերակողում էր այն, որ այդ ցեղերի մի շարք հրաժարվել է մասնակցել «համիդիեներին» և տեղ-տեղ պահպանել է իր կիսաանկախ դրությունը: Բայց նրա կարծիքով առանձին քուրդ ցեղապետերի հետ կարելի է որոշ համաձայնություն կայացնել այն դեպքում միայն, եթե հայերն ապացուցեն, որ իրենք ընդունակ են զենքով պաշտպանվելու: Լեռնի վկայությամբ Քր. Միքայելյանը բազմիցս շեղտել է, որ հայ-քրդական դաշինքը իրականացվել կարող է միայն այն դեպքում, «երբ հայերը կուժեղացնեն իրենց ռազմական կազմակերպությունները մինչ այն աստիճան, որ նրանցով երկյուղ ներշնչեն քրդերին: Եվ որովհետև այս անհնարին է, պետք է, ուրեմն, անհնարին համարել և հայ-քրդական միությունը»¹:

Ի տարբերություն դաշնակցականների, քրդերի հետ գործնական հարաբերությունների մեջ մտնելու ուղղությամբ բավականին աշխատանք թափեցին հնչակյանները: «Արեցինք այն, ինչ կարող էինք և մեր միջոցները թույլ էին տալիս,— գրում էր հնչակյան Ս. Սալահ-Գյուլյանը: ... Քրդերին թուրքերից բաժանելը շատ մեծ հեռանկարներ էր բացում մեր առջև,— բայց ցեղայնությունը, դարավոր սխալությունները, թշնամությունները, թրքական խարդավանքների ցանցերը, որ այդ ցեղերից շատերի սիրտն արդեն մագիլների մեջն էին առել, մեզ անկարող դարձրին որոշեալ և դրական արդյունքներ ձեռք բերելու»²:

Պետք է նշել, որ քրդերը բոլորովին զուրկ չէին այն գիտակցությունից, որ հայերի բնաջնջումից հետո հերթը գալու է իրենց, ուստի նրանց ցեղապետերից և աշիրեթապետներից ոմանք ընդունում էին հայ գործիչների բարեկամական առաջարկները: Հայ-քրդական մերձեցման օգտին ավելի հաճախ էին ձայներ լսվում նոր-նոր ձևավորվող քուրդ մտավորականության շարքերում: Այդ տեսակետից հատկապես հետաքրքրական է Բեդրի-հան բեգի որդի, «Քուրդիստան» թերթի խմբագիր Աբդուլահման բեգի կողմ քրդերին³, ինչպես նաև հայ-քրդական հարաբե-

¹ Համբարձում Երամեան, Յուլամատեան վան-Վասպուրականի, հ. Ա, Այբքսանդրիա, 1929, էջ 352:

² Տե՛ս Քր. Միքայելյան, Հեղափոխականի մտքերը, Ժրնկ, 1906, էջ 113—114:

³ Տե՛ս նույն տեղը, էջ 114.—118:

¹ Լեո. Թուրքահայ յեղափոխութեան գաղափարաբանությունը, հատոր Բ., Փարիզ, 1935, էջ 45: Տե՛ս նաև Մ. Սերոբեան, Մեր պայքարը հայ ազատագրության ուղիով, էջ 174—175:

² Ս. Սալահ-Գյուլեան, Պատասխանատուները, էջ 252:

³ Տե՛ս «Գրոշակ», № 4 (115), հունիս, 1901, էջ 67—68:

րություններին նվիրված նրա մի քանի հողավածները, որոնցով նա իր ցեղակիցներին կոչ էր անում համերաշխություն ստեղծել հայերի հետ: Սակայն քրդական իրականության հանգամանքների պատճառով այդպիսի հաջվագյուտ քուրդ մտավորականներն ի վիճակի չէին իրենց մտածումները փոխանցելու ժողովրդական լայն մասսաներին:

Ինչևիցե, հայերի կողմից տենդագին քայլեր էին արվում, որոնք առանձին դեպքերում վերջանում էին դրական արդյունքներով: Դա առաջին հերթին վերաբերում էր քրդական այն ցեղերին ու աշիրեթներին, որոնք զբաղվում էին նաև երկրագործությամբ: Օրինակ, Միջագետքի և Վանի նահանգի միջև ընկած տարածքում ապրող քրդերի ցեղապետը՝ Մահմեդ աղան, հայերի լավ բարեկամներից էր և նրա զինված ջոկատները մեկ անգամ չէ, որ կովի էին բռնվել «համիդիե» զորախմբերի հետ, որոնք փորձում էին ջարդել ու թալանել այդ հողերի վրա ապրող հայերին: Հայերի հետ լավ հարաբերությունների մեջ էին շատախյր խաղաղ ցեղախմբերը: Որոշ դրական արդյունքներ էին տվել նաև հաւանցիների, գիլանցիների, հայդարանցիների, ջիպրանցիների, զրսրքցիների, բակուրցիների, մոտկանցիների, միրանցիների, տուտերցիների, ալանցիների և այլ աշիրեթների պետերի հետ հայ գործիչների հանդիպումները:

Քանի որ քրդական ոչ բոլոր ցեղախմբերն ու աշիրեթներն էին միատեսակ նկարագրով, ուստի նրանց հետ հարաբերությունները տարբեր արդյունքներ էին տալիս:

Շփումը քրդերի հետ Վասպուրականում հիմնականում այն արդյունքն ունեցավ, որ նրանք որոշ ժամանակ դադարեցրին իրենց հարձակումները և նրանց գերիշխանությունը նահանգի հայ գյուղացիության մեծ մասի վրա փաստորեն դադարեց:

Պարսկա-տաճկական սահմանի վրա էին բնակվում հայդաբանցի, իսկ ավելի հյուսիսում՝ ջելալցի քուրդ ցեղախմբերը: Հայդարանցի ցեղապետեր Կոփ Մահմեդը, Մուստաֆա բեգը, Ալի բեգը բարեկամական կապեր էին պահպանում հայ քաղաքական գործիչների հետ և համարյա ազատություն էին տվել իրենց շրջանների հայ գյուղացիներին:

Հայերի հանդեպ նկատելիորեն դեպի լավն էր փոխվել նաև Ատրպատականի քրդերի վերաբերմունքը: Այստեղ քուրդ ցեղերից շատերը չէին համարձակվում հարձակվել հայ զինակիր խմբերի վրա, իսկ առանձին դեպքերում էլ առանձին քրդեր օգ-

նում էին հայերին զենքի փոխադրման և սուրհանդակային գծերի կանոնավորման գործում:

Քրդերի հետ բարեկամություն ստեղծելու համար պակաս ջանքեր չեն գործադրվել Տարոնում: Տարոնի հերզանի քուրդ Շեկոյի տուն կոչված աշիրեթը դեռ 90-ական թվականների կեսերից շահագրգռություն էր հանդես բերել հայերի հետ մերձենալու համար: Դրան դրդում էր այն խոր թշնամանքը, որ կար այդ աշիրեթի և քրդական այն ցեղի միջև, որի գլուխն էր կանգնած հետագայում Սերոբ Աղբյուրի նահատակության կազմակերպիչ աշիրեթապետ Պշարե Նալիլը¹: 1900-ական թվականների սկզբներին արդեն Հովտի շրջանի և Մշո դաշտի մի մասի քսան քրդական գյուղեր համակիր էին դարձել հայերին: Այդ շրջանում տարբեր հայ կազմակերպություններ նույնիսկ փորձեցին իրենց ազդեցությունը տարածել քրդերի վրա: Առանձին քրդեր նույնիսկ կատարում էին այդ կազմակերպությունների դեկավարների հանձնարարությունները: Դրանցից էին Ղասրմ բեգը, ջիբրանցի Դավրիշը, ալմանցի Ֆաթիմ, խոշկանցի Ռեզկոն, բալակցիների և բաթկանցիների բեգերը, խորժմընկցի Զեյնալ բեգը, Տարոնի դաշտից ուրիշ աղաներ, բեգեր, աշիրեթապետներ:

Հայերի բարեկամներից էին հնուսի գավառի հասանցի քրդերը, հատկապես Աճմու տան աշիրեթը²:

Սակայն բեգերի հետ ստեղծած համագործակցությունը չէր կարող ամուր հիմքերի վրա լինել: Ամենափոքր իսկ առիթով հանդուցալուծվում էր ժամանակավոր, մեծ ջանքերի գնով ձեռք բերված որևէ համաձայնություն: Այսպես, Ատրպատականի Հեքթյարի ցեղապետ Շեյխ Մեհմեդը, որը խոստացել էր գործակցել հայերի հետ, մերժեց այդ համագործակցությունը միայն այն պատճառով, որ վերջիններս չկատարեցին նրա պահանջը իր շրջանում փամփուշտի արհեստանոց ստեղծելու մասին: Մյուս կողմից կայսրության այլազգի ժողովուրդների միջև եղած ցեղային և կրոնական տարբերությունները վարպետորեն շահագործող թուրքական իշխանությունները հատկապես մեծագույն ջանադրությամբ էին գործում հայ-քրդական մարզում, խափանելով այդ ժողովուրդների մերձեցման ամեն մի փորձ:

¹ Տե՛ս Առն Լյուլեհեան, Անդրանիկի բերանով Առաքելոց վանքի կոփը և Նալիլ պեկի սպանությունը, Պեյրութ, 1966, էջ 147:

² Տե՛ս Նվիշե Յ. Մելիքեան, Հարբ-նուս, տպ. կաթողիկոսութեան հայոց Մեծի տանն Կիլիկիոյ, Անթիլիաս, Կիբանան, էջ 44—45:

Քրդական ցեղերից մեկը եզիդիների ցեղն էր, որը վաղուց ի վեր ամենասերտ շփումների և բարեկամական կապերի մեջ էր հայության հետ: Եզիդիները ենթադրաբար հաշվվում էին 50 հազար¹, ապրում էին Տաճկաստանի և Պարսկաստանի սահմանակից հողերի վրա, ինչպես նաև Հայաստանում:

Եզիդիները հակամարտության մեջ էին կուրմանճի քրդերի հետ, որի պատճառը կրոնական և կենցաղային զգալի տարբերություններն էին: Եզիդիների կրոնը մազդեզական կրոնի հավանական մի շառավիղն է՝ խառնված քրիստոնեական և մահմեդական տարրերով: Նրանք Քրիստոսին ընդունում և մեծարում են որպես մարդեղեն հրեշտակ, իսկ Մուհամմեդին համարում են մարգարե, գուրգուրանքով պահում արևագալին ու մայրամուտին աղոթելու զրազաշտական սովորությունը²:

Հայաստանում ապրող եզիդիների թիվը մեծ չէր: Նրանց մի աշիրեթ բնակվում էր Վասպուրականում, զբաղեցնելով ընդամենը երկու գյուղ: Հայերին միշտ բարեկամ եզիդիները շատ պարագաններում էլ սերտորեն գործակցում էին նրանց հետ: Ավելին, իրենց բախտը կապելով հայերի հետ, նրանք կողք կողքի կովում էին թուրքական իշխանությունների դեմ: Սրանց առաջնորդը՝ Ջահանգիր աղան, միշտ մնաց հայերի հետ: Հետագայում, 1918 թվականին, իր քաջերի հետ միասին նա հերոսաբար կովեց Սարդարապատի ճակատամարտում:

Եզիդիների համեմատաբար հոծ բնակչություն էր տեղավորված Տիգրանակերտի ու Սինջար լեռան շրջանում: Սրանք ևս սերտ հարաբերությունների մեջ էին հայերի հետ: Սինջարի եզիդիները նույնիսկ էջմիածին էին ուղարկել իրենց ղեկավարներից մեկին՝ կաթողիկոսից խնդրելու ուսուցիչներ ուղարկել իրենց գյուղերը՝ երեխաներին հայկական կրթություն տալու և հայությանն ավելի սերտ հարելու համար: Եզիդիների մի հատված էլ, որ ապրում էր Տարոնում, միշտ սեղմած էր պահում հայերի մեկնած բարեկամական ձեռքը:

Եզիդի ցեղի՝ հայոց նկատմամբ բարեկամական վերաբերմունքի ակնհայտ դրսևորումներից էր այն, որ 1909 թվականին ս. ծննդյան տոնի առթիվ նրա կրոնապետ Միր Իսմայիլը այցելեց էջմիածին և ներկա եղավ սուրբ պա-

տարագին¹, ապա հանդիպումներ ու զրույցներ ունեցավ հայ մտավորականների, հասարակական և քաղաքական գործիչների հետ: Անջնջելի տպավորություններով վերադառնալով իր ցեղի մարդկանց մոտ, նրանց քարոզում էր միշտ հավատարիմ մնալ հայ-քրդական բարեկամությանը:

Հայերը բարեկամական սերտ կապերի մեջ էին ասորիների հետ:

Իրենց պետականությունը կորցնելուց հետո ասորիները հետագա դարերում սփռվել էին Մերձավոր արևելքի երկրներով մեկ՝ Թուրքիա, Իրան, Սիրիա, Լիբանան և այլուր: Նրանց հոծ խմբեր բնակություն էին հաստատել նաև Արևմտահայաստանում: Սրանք գլխավորապես ապրում էին Վասպուրականի հարավարևելյան շրջաններում՝ Տիար-Տխուբ և Ջուլամերիկ գավառներում: Լեռնային այդ գավառներից դուրս ասորիների հոծ բազմություն կար նաև Ուրմիո շրջանում, որոնք կուլտուրապես և տնտեսական տեսակետից ավելի բարվոք վիճակում էին: Ասորիները Հայաստանում հիմնականում նստակյաց կյանք էին վաճառում, զբաղվում էին իրենց համար ավանդական դարձած հողագործությամբ և այգեգործությամբ², ինչպես նաև առևտրով և արհեստներով, մշտական կապ էին պահպանում կովկասում հաստատված իրենց ազգակիցների հետ, հաղորդակից դառնում Ռուսաստանում տեղի ունեցող հեղափոխական իրադարձությունների³: Այդ ամենը բարենպաստ հող էր ստեղծում հայ-

¹ Տե՛ս Ելիշ 3. Մելիքեան, *Հարթ-հնուս*, էջ 306:

² Տե՛ս «Известия штаба Кавказского военного округа», № 3—4, Тифлис, 1904, էջ 55; А. Д. Ерецова. Лйсоры и Эриванской губернии. «Известия Кавказского отдела имп. Русского Географического общества», т. VI, № 1—3, Тифлис, 1881, с. 48—49.

³ Ասորիները բնակվում էին նաև Արևելյան Հայաստանում և սկստ շփման մեջ էին հայերի հետ: 1826—1828 թվականների ռուս-պարսկական պատերազմի ժամանակ Իրանի ասորիները ռուսական բանակին ակտիվ աջակցություն էին ցույց տվել՝ մատակարարելով պարենամթերք և ֆուրած, ինչպես նաև իրենց լավ ծանոթ տեղանքում հանդես էին եկել որպես հետախույզներ և ուղեցույցներ: Այդ ծառայությունների համար 1829 թվականին, Թուրքմենչայի պայմանագրի ստորագրումից անմիջապես հետո, ռուսական իշխանությունների թույլտվությամբ հարյուր ասորի ընտանիք Իրանից տեղափոխվեց Արևելյան Հայաստան (П. Эйвазов. Некоторые сведения о селе Койласар и об ай-сорах. Сборник материалов для описания местностей и пламен Кавказа, вып. IV, отд. I, Тифлис, 1884, с. 286) և բնակություն հաստատեց ներքին

¹ Տե՛ս Ելիշ 3. Մելիքեան, *Հարթ-հնուս*, էջ 303:

² Տե՛ս նույն տեղը, էջ 306:

ասորական միասնական գործակցութեան համար: Դրան որոշ շահով նպաստում էր նաև ասորիների, որպես քրիստոնյա փոքրամասնութեան, նկատմամբ թուրքական իշխանութիւններին մշտական հալածանքները և քրդերի ճնշումը: Դեռևս 1843 թվականին Բեդրի խանի ապստամբութեան ժամանակ քրդերը Հաք-յարիի շրջանում ասպատակեցին ասորական գյուղերը, բնաջնջելով հազարավոր խաղաղ բնակիչներին¹: Հետագա տասնամյակներին ասորիները, ինչպես և հայերը, թուրքական իշխանութիւններին և քրդական ավագանու մշտական հարստահարումների օրյեկտ էին:

Հայ-ասորական համագործակցութեան ջատագուժները շատ-շատ էին ասորի գործիչների շրջանում: Դրանցից մեկն ասորի ճանաչված բժիշկ Աբրահամն էր, որը շրջելով ասորական գյուղերը, հայերի հետ համատեղ պայքարի կոչ էր անում: Նրա ջանքերով մի քանի տասնյակ ասորի երիտասարդներ մտել էին հայ ֆիդայիների շարքերը և մասնակցում էին նրանց ինքնապաշտպանական կռիվներին:

Որոշ աշխատանք տարվեց նաև հուլյն-մակեդոնական, ալբա-

Ղուլասար (այժմ՝ Դմիտրով), Վերին Դվին, Գյուլ, Արզնի և Փոքր Շահրիար գյուղերում (С. П. Зеленский. Племенной состав, различия и происхождение государственных крестьян Закавказского края, т. II, Тифлис, 1887, с. 16): Հայաստանում և Անդրկովկասի այլ շրջաններում բնակութիւն հաստատած ասորիների համար հանգիստ ապրելու և խաղաղ աշխատանքով զբաղվելու հնարավորութիւն ստեղծվեց: Բայց ցարական կարգերի պայմաններում նրանք, ինչպես և մյուս ազգային փոքրամասնութիւնները, մեծ ղովարութիւններ էին կրում մայրենի լեզվով կրթութիւն ստանալու և իրենց աղջային մշակույթը զարգացնելու տեսակետից: Տասնամյակներ հետո միայն Հայաստանի ասորիների երեխաների համար մեկ երկամյա դպրոց բացվեց՝ Ղուլասար գյուղում: Չնայած դրան, 20-րդ դարի սկզբներին ասորիների նորանոր հոծ խմբեր թուրքիայից և Իրանից հեռանալով հանգրվան էին գրտնում ռուսական իշխանութիւնների հովանու տակ: «Կավկազ» թերթը «Ասորիները» վերտառութեամբ հոդվածում գրում էր. «Ամեն տարի հազարավոր ասորիներ Ռուսաստան են գալիս աշխատանք փնտրելու: Անդրկովկասի զարգացումը և Քիֆլիս, Բաթում ու Բարու քաղաքների աճը որակյալ և ոչ որակյալ բանվորների պահանջարկ ստեղծեցին և ասորի հյուանները, որմնադիրներն ու օրավարձու բանվորները շահավետ վաստակ գտան (газ. «Кавказ», 1903, № 241)»:

¹ Տե՛ս Կ. Ս. Մатвеев (Бар Баттай), И. И. Мар-Юханна, Ассирийский вопрос во время и после первой мировой войны, М., 1968, էջ 22:

նական, արաբական հակասումանյան ուժերի հետ համագործակցութիւնն ստեղծելու ուղղութեամբ:

Հայ քաղաքական ուժերը մեծ ջանքեր էին թափում նաև թուրք «հեղափոխական» գործիչների հետ հարաբերութիւնները երկրի ներսում բարելավելու համար: Եվ դա առանձին դեպքերում հաջողվում էր: Այսպես, 1907 թվականին Վանում հայ և թուրք կազմակերպութիւնները միասնաբար որոշում կայացրին տեղորի ենթարկել վասպուրականի նախկին վալի Ալի բեգին:

Փաստերը ցույց են տալիս, որ ոչ միայն թուրք գյուղացիները, այլև առանձին թուրք պաշտոնյաներ ու զինվորականներ երբեմն միանում էին հայերին՝ երկրի ընդհանուր վիճակը նկատի առնելով: Արտասահմանից ստացված երիտթուրքական «Մեղ-վերեթ» և ուրիշ թերթեր հայերը տարածում էին թուրքերի մեջ: Տարոնում հայերը ձեռնարկեցին նույնիսկ թուրքերեն մի ձևազարթ թերթի՝ «Հուրիեթի» ստեղծումը, որն արտագրվում էր Առինջ գյուղում և ուղարկվում թուրք և քուրդ մտավորականներին ու պաշտոնյաներին: Հայերը հրատարակում էին հայերեն և թուրքերեն թոուցիկներ և կոչեր, որոնցում միասնականութեան, իշխանութեան դեմ պայքարի կոչ էին անում: Այդ ամենի հետեւանքով 1905-1907 թվականներին վասպուրական-Տարոնից քուրդ և թուրք շողափելի թվով պաշտոնյաների, զինվորականների, զարգացած անձանց մոտ ստեղծվել էր նոր մտայնութիւն. նրանք հայերին այլևս չէին դիտում որպես օտարի ձեռքի մի գործիք, ինչպես առաջ, այլ դիտում էին որպես օսմանյան կյանքի հեղաշրջման կարևոր մի գործոն:

Թուրքիայի մեջ արթնացող հեղափոխական տրամադրութիւններն ու մտածելակերպը, չնայած մակերեսային, բայց և այնպես որոշ շահով մեղմացրին հայ-թուրք թշնամութիւնը, արթնացրին համերաշխութեան և համագործակցութեան ոգի:

Սակայն, չնայած քիչ թե շատ թափած ջանքերին, ինչպես Օսմանյան կայսրութեան տարբեր ժողովուրդների քաղաքական ուժերին, այնպես էլ հայ հասարակական-քաղաքական կազմակերպութիւններին ու գործիչներին այդպես էլ չհաջողվեց ստեղծել հակասուլթանական ընդհանուր ճակատ: Դա պատահական

¹ Շատ է գրվել այն մասին, որ օսմանյան կարգերի դեմ ընդհանուր ճակատի ստեղծումը հնարավոր է եղել գլուխ բերել և եթե այն գլուխ չի եկել, ապա դրա մեղքը հայ քաղաքական կուսակցութիւններինն է, որովհետև սրանք

չէր և բացատրել միայն այս կամ այն ժողովրդի քաղաքական ուժերի թերացումով, սխալ կլինե՞ր: Իրականությունն այն է, որ նույնիսկ 20-րդ դարի սկզբին Թուրքիայում բանվորների թիվը մեծ չէր: Ծիշտ է, փոքրաթիվ բանվորությունը բազմազգ էր, բայց երկրում բացակայում էր կազմակերպված բանվորական շարժումը: Ինչպես հայտնի է, միայն այդ շարժման հողի վրա կարող էին ծլարձակել պրոչետարական ինտերնացիոնալիզմի գաղափարները, միայն այդ գաղափարների ուժով կարելի էր համախմբել տարբեր ժողովուրդների և ազգերի աշխատավորներին, նրանց համատեղ պայքարի հանել սովթանական բռնակալությունից:

Եթե Թուրքիայում կազմակերպված բանվորական շարժում չկար, հետևապես բազմազգ աշխատավորների դասակարգային սերտ դաշինքի մասին խոսք լինել չէր կարող: Ոչ պրոչետարական քաղաքական ուժերի հակասովթանական ճակատ ստեղծելու ջանքերը պետք է որ ձախողանքի մատնվեին և մատնվեցին: Եվ եթե առանձին դեպքերում հաջողվում էր քաղաքական հողի վրա այս կամ այն կոնկրետ հարցի շուրջը համաձայնություն կայացնել, ապա այդ համաձայնությունը լինում էր վերնախավային, հետևապես՝ ոչ տևական:

Գալիք դաժան փորձություններին դիմադրավելու համար հայ քաղաքական ուժերի առջև կանգնած երկու կարևորագույն խնդիրներից մյուսը հայ բնակչությանը զինելն էր:

Չէր իրականանում հակասովթանյան ուժերի սերտ միասնություն ստեղծելու գաղափարը: Փրկություն սեփական ուժերով՝ այս էր դառնում օրվա մտայնությունը: «Միայն զենքով կա հայոց փրկություն», — ասվում էր այն ժամանակվա երգերից մեկում: Ազատության բռնկված հավատը ամենուրեք ստեղծել էր քաջության մեղմանը վարակիչ տրամադրություն:

Ամբողջ հասակով մեկ կանգնեց զենք ու զինամթերք ձեռք

այդ հարցում հանդես չեն բերել անհրաժեշտ հետևողականություն կամ ընդհանրապես այդ խնդրով չեն զբաղվել: Երկու կարծիք լինել չի կարող, որ նման ճակատի և հատկապես հայ-քրդական դաշինքի ստեղծումը կողոնեհին առանց բացառության հայ հասարակության բոլոր խավերը, քաղաքական բոլոր ուղղությունները: Գաշինք ստեղծելու ուղղությամբ, ինչպես տեսանք, քայլեր արվել են, բայց դրանք ընդհանուր առմամբ արդյունավետ չեն եղել: Ինչ վերաբերում է քրդերի և հայերի ընդհանուր ճակատի ստեղծմանը, ապա դա, ինչպես սկսա՞նու երեսը, միայն վերջիններիս ցանկությամբ չէր պայմանավորված:

բերելու պահանջը: Պետություններից ոչ մեկը տրամադիր չէր հայերին զենք տալու: Մնում էր այն հայթայթել սեփական միջոցներով: Տևական վտանգի պայմաններում հայերն Արևմտահայաստանի զանազան վայրերում փոքրիկ զինագործարաններ էին հիմնում և գաղտնի զենք պատրաստում: Մյուս միջոցը զենքի պատահական գնումներն էին: Ինչպես քրդերի, այնպես էլ հայերի ձեռքին եղածը հիմնականում մարտիկ սիստեմի հրացան էր և մատուցե՞ր: Դրանք բարոյապես հնացած զենքեր էին: Այդ ժամանակ ամենակատարելագործված հրացանը պահուստակ ունեցող մուսլիմ սիստեմի հրացանն էր, որ հնարել էր հրաձգային զենքի ռուս գյուտարար Սերգեյ Մոսինը 1890 թվականին¹: Թուրքերը համեմատաբար հեշտությամբ էին ձեռք բերում այդ նոր հրացանը, իսկ հայերը ձեռք էին բերում մեծագույն դժվարությունների գնով: Հիմնական պատճառն այն էր, որ հային զենք վաճառելը Թուրքիայում ծանրագույն քրեական հանցանք էր դիտվում և վաճառողը, եթե հայտնաբերվում էր, դատապարտվում էր մահապատժի կամ լավագույն դեպքում՝ 101 տարվա բանտարկության: Հայերը մոսին հրացանը գնում էին վճարելով ոչ պակաս 100 օսմանյան ոսկի, այն դեպքում, երբ հայ ուսուցչի ամսական աշխատավարձը ընդամենը 2 օսմանյան ոսկի էր²: Չնայած դրան, 90-ական թվականների վերջերից սկսած հայ ֆիդայիների մի մասը զինված էր մոսիններով:

Սակայն թե՛ փոքրիկ զինագործարաններում զենք պատրաստելը և թե՛ զենքի պատահական գնումները բավարար չէին ժողովրդին զինելու համար: Երկրում նվազագույնը 100 հազար հրացանի պահանջ կար, իսկ հայթայթվել էր, այն էլ հսկայական դժվարություններով և կորուստներով, ընդամենը 2—3 հազարը:

Իրենց արևմտահայ եղբայրներին օգնության էին շտապում Կովկասի հայերը: Հատուկ կազմակերպված արհեստանոցներ

¹ Տե՛ս ԵՇՅ, Կ. 17, Մ., 1974, էջ 3: Մոսին սիստեմի հրացանը եռագծանի էր, այսինքն կրակելիս զնդակը խողովակում երեք անգամ պտույտ էր գալիս և զարգացնելով բարձր արագություն ու հեռահարություն, անցնում մինչև 2700 ոտք տարածություն: Հրացանի փամփուշտն անձուխ էր, իսկ զնդակի տրամագիծը երկու անգամ փոքր էր մարտիկ սիստեմի հրացանի զնդակի տրամագծից, հետևապես՝ երկու անգամ թեթև: Մոսին հրացանով զինվածը կարող էր իր վրա կրել 250—300 փամփուշտ:

² Տե՛ս Անդրանիկ Չելեպեան, Զորավար Անդրանիկ և հայ յեղափոխական շարժումը, Լոս Անճելես, 1984, էջ 236:

րում նրանք զենք էին պատրաստում և մտցնում Երկիր: Կովկասի շատ հայ գյուղացիներ ու արհեստավորներ իրենց ունեցվածքը, շատ բանվորներ՝ աշխատանքային կոպեկները չէին խնայում իրենց սրտին մոտ գործի համար: Հավաքված փողերով կոմիտեները զենք էին գնում, տեղափոխում Երկիր, զինում հայ-գուկների ջոկատները: Այդպիսի գործունեությունը միաժամանակ արգյունավետ էր անդրադառնում կովկասահայ մասսաների վրա՝ նրանց վարժեցնում էր քաղաքական մտածողության, մզում ընթերցելու հեղափոխական գրականություն, վերին աստիճանի բնկալունակ էր դարձնում յուրացնելու սոցիալիստական գաղափարները:

Կովկասահայ մտավորականների մի մասը Երկիր անցնելով և մտնելով արևմտահայ ժողովրդի մեջ, եռանդուն պրոպագանդա էր մղում: Կովկասի և Պարսկաստանի կողմերից անընդհատ խուժում էին նորանոր զինված խմբեր: Ցարական իշխանություններն ամենախիստ միջոցների էին դիմում սահմանն անցնող խմբերի նկատմամբ: Այն զինված ջոկատները, որոնց հաշտվում էր խորանալ Արևմտյան Հայաստանի սահմանից ներս, հենց սահմանամերձ վայրերում ընդհարվում էին թուրքական զորքերի հետ: Ինչպիսին ճիգերով սահմանն անցածները, կոիվ տալով, ընկնում էին հայրենիքի ազատազնվյալ ճանապարհին, իրենց հերթին քաղմապատիկ զոհեր խլելով թշնամուց:

Եթե հայ աշխատավոր դասակարգերը ոչինչ չէին խնայում արևմտահայության ինքնապաշտպանությունը կազմակերպելու համար ազգա հայ բուրժուազիան թե՛ Պոլսում և թե՛ Կովկասում շարժվածք չլիսա էլ ազգային-ազատագրության գործի հանգանակ:

Պոլսահայ բուրժուազիայի հայ ամբարշտության կողմնորոշումը, ամենայն դեպս մինչև 1878 թվականը, թուրքական էր: Նրանք իրենց վրա չէին կրում քրդերի խեղճությունները, գավառական պաշտոնյաների կամաչականությունները: Պոլսահայ բուրժուազիան անտարակամ բուրժուազիան շահագրգռված չէր ինքնամ կաշտության մասնատումով, որովհետև դա, քննադատաբար, կենդանի իր գործունեության դաշտը: Ավելին, հայ բուրժուազիան թե՛ Պոլսում և թե՛ Անդրկովկասում շտապեցին թուրքալիսում հայերի ջարդի մեղքը բարդիլ ազատագրական շարժման մասնակիցների վրա և նախահեղափոխական պրոպագանդա սկսեցին: Մակալն, ջնայած դրան, ժողովրդի համա-

կրանքը շարունակում էր մնալ արևմտահայ ազատագրական շարժման կողմը: Իսկ շարժումը չէր դադարում, շարունակվում էր խմորվել նոր բնկումների համար:

Դարեր շարունակ հայ ժողովուրդը կառչել է իր ժայռերին և, իբրև ազատության տուրք, առատորեն տվել իր արյունը: 1904 թվականին նորից ստիպված էին զենքի դիմելու Սասունի հայերը՝ մի նոր փայլուն էջ գրելով հայ ժողովրդի ազատագրական պայքարի ցնցող տարեգրության մեջ: Այդ տարվա գարնանը, մարտի վերջերին, թուրքական 15 հազարանոց կանոնավոր բանակը և 40 հազարի հասնող՝ քրդերից ու թուրքերից բաղկացած անկանոն զորախմբերը տասնյակ թնդանոթներով պաշարեցին Սասունը: Սասնո ֆիդայական շարժման ղեկավարներ Հրայրը, Վահանը և մյուսները գիտեին, որ թուրքական կառավարությունն իր վերջին և ուժղին ջանքն է թափում ըմբոստ լեռնավայրը ոչ միայն ընկճելու, այլև իսպառ քարուքանդ անելու համար: Հայերն ունեին միայն մի քանի հարյուր հրացան և սակավաքանակ ռազմամթերք: Չնայած դրան, քաջ հայդուկ Անդրանիկ Օզանյանի ղլխավորությամբ նրանք կովի բռնվեցին՝ զարմանալի խիզախությամբ ետ մղելով բազմաքանակ թշնամու գրոհները: Ռազմամթերքի բացակայության ծանր տագնապը պաշարվածներին հարկադրեց սեղմել դիմադրության ճակատը: Նրանք այրեցին իրենց գյուղերը և կենտրոնացան անառիկ լեռներում ու կիրճերում, շարունակելով կռիվները:

Պաշտոնական եվրոպան լուռ էր և կոնկրետ քայլեր չէր անում թուրքական ոճիրների ճանապարհը փակելու համար: Աշխարհի հզորները բավարարվեցին միայն նրանով, որ մի քանի հյուպատոսներ ուղարկեցին Մուշ:

Որքան քաջ ու անվեհեր էին փոքրաքանակ հայ մարտիկները, նույնքան բազմաքանակ էր թշնամին: Կոիվ մղելով թուրքական կանոնավոր զորքերի և քրդական համիդիեների դեմ, նրանք ստիպված էին նաև կոիվ տալու Սասունում և այլուր հրապարակ եկած թուրք ավազակախմբերի, այսպես կոչված «զանբեզարների» («գլխից ձեռք քաշածների») դեմ, որոնք իրենց կյանքի նպատակն էին համարում հայերի արյուն թափելը: Բազմաքանակ թշնամու ճնշման տակ հայ ֆիդայիները ստիպված էին տեղի տալ և հեռանալ Սասունից¹:

¹ Տե՛ս Արսեն Մարմարեան, Ջեր. Անդրանիկ և իր պատերազմները, Պոլիս, 1920, էջ 85:

Բայց քաջ Սասունն իր դերը կատարեց: Հայերի հերոսական դիմադրությունը, Սասնո սարերի և Մշո դաշտի վրա ծավալված անհավասար կռիվները հիացրել էին աշխարհը: Ամենուրեք հայության հանդեպ համակրանքի ալիքներ բարձրացան: 90-ական թվականների հայկական կոտորածներից հետո հայասիրական մի լայն շարժում էր սկսվել Եվրոպայում: Մայրցամաքի տարբեր երկրների զանազան ուղղության թերթեր ու հանդեսներ անդրադառնում էին հայոց մարտիրոսությանը, մարդկային քաղաքակրթությանը մատուցած ծառայությունների համար զրկատում հայ ժողովրդին, ներբողներ հյուսում հայ ազատագրական շարժման հերոսները հասցեին: Ամենուրեք կազմակերպվում էին հայասերների մասսայական ցույցեր ու ժողովներ, որտեղ զեկուցումներով ու ճառերով հանդես էին գալիս պետական ու հասարակական հայտնի դեմքեր, գիտության ու մշակույթի նշանավոր գործիչներ:

Իտալական ժողովրդի ազգային մեծ հերոս Զուզեպպե Գարիբալդիի որդին՝ զորավար Ռիչիոտտի Գարիբալդին, դեռ Սասունի կռիվներից առաջ ասում էր, թե իր և իր բարեկամների ամբողջ համակրանքը դժբախտ հայ ժողովրդի կողմն է, ուստի իրենք իրենց լիովին դնում են նրա տրամադրության տակ¹:

Գեռեա 1902 թվականի հուլիսին Բելգիայում տեղի էր ունեցել Եվրոպայի հայասերների առաջին կոնգրեսը, որին մասնակցել էին 150-ի շուրջ պատգամավորներ՝ քաղաքական տարբեր հայացքներ ունեցող նշանավոր մտավորականներ՝ գրողներ, գիտնականներ, հասարակական ու նախկին պետական գործիչներ, որոնց թվում՝ Ժան Ժորեսը, էլիզե Ռեկկյուն, Ֆրանսիս դը Պրեսանսը, Բեռնար Լուզարը, Պիեռ Քիառը, Լաֆոնտեն և ուրիշներ: Իրենց կրակոտ ելույթներով և կոնգրեսի ընդունած փաստաթղթերում նրանք անարգանքի սյունին էին գամել թուրքական կառավարությանը և քաղաքակիրթ մարդկությանը կոշարել ամեն կերպ նպաստել այնքան ողբերգական և այնքան վաղուց լքված հայ դատի լուծմանը: Այդ կոնգրեսից հետո նոր թափ էր ստացել Եվրոպական տարբեր երկրների մտավորականության լավագույն ներկայացուցիչների բողոքը թուրքական օճրագործ կառավարության դեմ:

Հայ ժողովրդի ազատագրական շարժման կողքին էր Եվրո-

պայի սոցիալիստական շարժումը: Այդ շարժման նույնիսկ ամենաաջ գործիչներից շատերը, համակրանք տածելով բազմաշարժար հայ ժողովրդի նկատմամբ, միաժամանակ խոր համոզմունք էին հայտնում, որ այդ ժողովուրդը ունի ոչ մի աջակցություն չի ստանալու այն Եվրոպայից, որը նրան մշտապես խաբել է: Հայկական ազատագրական շարժումը հաջողություն կարող էր ունենալ միայն Ռուսաստանի աջակցությամբ. այսպիսին էր նրանց համոզմունքը:

Գերմանական և Եվրոպական սոցիալ-դեմոկրատական շարժման խոշորագույն պարագլուխ էդուարդ Բեռնշտայնը «Հայկական տանջանքները և Եվրոպան» գրքույկում, անդրադառնալով հայ ժողովրդի պատմական ճակատագրում Ռուսաստանի դերին, գրում էր. «Հայ ժողովրդի և Թուրքիայի բրիտանյա ժողովուրդների համար զոհն Ռուսաստանը իսկապես քանի-քանի անգամ պաշտպան է հանդիսացել: Թե ինչ բանից թելադրված է պաշտպանում, այդ ժողովուրդների համար միևնույն է: Երբ ժողովուրդները տառապում են, չեն հարցնում, թե ինչու են իրենց օգնության հասնում...»¹

Այս անգամ էլ հայերի պաշտպանը Ռուսաստանն էր, բայց ոչ պաշտոնական Ռուսաստանը: Այստեղ հայերի օգտին բողոքի հուժկու ալիք բարձրացավ: Ռուսական սոցիալ-դեմոկրատիան, առաջադեմ մտավորականությունն անարգանքի սյունին էին գամում թուրքական արյունարբու կառավարությանը, դատապարտում նրա գործած ոճիրները: Միաժամանակ նրանք մերկացնում էին ժողովրդական ազատության թշնամի, բռնակալ ցարական կառավարությանը, ինքնակալության հակահայ գործողությունները:

Ռուսաստանի իրավ մարքսիստները, նրանց առաջնորդ Վ. Ի. Լենինը հանդես էին գալիս հայ ժողովրդի ազգային-ազատագրական պայքարի պաշտպանությամբ և միանգամայն բնական ու օրինալափ էին համարում այդ պայքարը: Արտահայտելով հայ մարքսիստ-լենինյանների վերաբերմունքը արևմտահայության ազատագրական պայքարին, «Պրոլետարիատի կռիվը» թերթը գրում էր. «Ուղարկելով Տաճկահայաստանում կռվող եղբայրներին մեր սոցիալիստական ուղույնը, մենք բա-

¹ Տե՛ս Դրոշակ, № 3 (94), մարտ, 1899 թ.:

¹ Էդուարդ Բեռնշտայն, Հայկական տանջանքները և Եվրոպան, Ժընև, 1906, էջ 5:

ցարձակ կերպով հայտարարում ենք մեր համակրությունը բազմաշառչար տանկահայ ժողովրդի ազատաբար գործին և մեր անկեղծ ցանկությունն է, որ այդ ազատությունը հասնի որքան կարելի է շուտ»¹:

Օսմանյան կայսրության ժողովուրդների շղարող ազգային-ազատագրական պայքարը շարունակում էր տազնապել երիտթուրքերին: Ուստի նրանք տենդայնորեն հակազդեցության միջոցներ էին փնտրում, որոնցից մեկը երիտթուրքական կազմակերպությունների միավորումն էր և միաձույլ կուսակցության ստեղծումը: Իսկ դա ամենից առաջ ենթադրում էր հաղթահարել սեփական շարքերում եղած լուրջ տարաձայնությունները:

1902 թվականի փետրվարի 4—9-ը Փարիզում գաղտնի պայմաններում տեղի ունեցավ երիտասարդ թուրքերի առաջին կոնգրեսը, որին մասնակցում էին 60-ից ավելի պատվիրակներ երիտթուրքական կազմակերպություններից, ինչպես նաև ոչ երիտթուրք թուրքեր, հայեր, հույներ, արաբներ, ալբանացիներ, շեքեզներ, քրդեր, հրեաներ: Երիտթուրքերի շարքերում եղած տարաձայնությունները և հենց կոնգրեսի բազմազգ կազմը կանխորոշեցին, որ նիստերն անցնեն բուռն վիճաբանությունների մրթնուղորտում: Պատվիրակների մի զգալի մասը կոնգրես էր եկել արտահայտելու կայսրության ազատության ձգտող քրիստոնյա բնակչության տրամադրությունները: Գոյություն ունեցող ռեժիմի տապալման գաղափարում միաբան լինելով հանդերձ, պատվիրակները տարակարծիք էին պայքարի ուղիների և մեթոդների հարցում: Կոնգրեսը չկարողացավ իրականացնել իր նպատակը, այն է՝ միավորել երիտթուրքերին և ստեղծել միասնական քաղաքական կազմակերպություն: Կոնգրեսից հետո նկատելի չափով թուլացավ երիտթուրքերի շարժումը, է՛լ ավելի խորացան նրանց միջև եղած տարաձայնությունները:

Այդ ամենով հանդերձ, երիտթուրքական շարժումը տենդայնորեն համախմբման նոր ուղիներ էր որոնում: Դրան նպաստեցին այն իրադարձությունները, որոնք ծավալվեցին հարևան Ռուսաստանում: 1905—1907 թթ. ռուսական հեղափոխությունը

վիթխարի ազդեցություն գործեց աշխարհի շատ երկրների և առաջին հերթին Ռուսաստանին հարևան երկրների վրա: Թուրքիան ևս բացառություն չկազմեց: Չնայած սուլթանական կառավարության ձեռնարկած բոլոր արգելքներին, այնուամենայնիվ, ռուսական հեղափոխությունը կենդանի արձագանք գտավ այնտեղ: Երիտթուրքական շարժումը նույնպես զգալիորեն աշխուժացավ: Երկրում առաջ եկան երիտթուրքերի արտասահմանյան կենտրոնների նոր բջիջներ: Շուտով առաջ քաշվեց երիտթուրքերի և համիդյան ռեժիմի դեմ հանդես եկող մյուս ուժերի միավորման խնդիրը:

Չնայած բաժան-բաժան լինելուն, երիտթուրքական կազմակերպությունները շարունակում էին իրենց գաղափարները տարածել ինչպես բուն կայսրության մեջ, այնպես էլ Եվրոպայում և Ռուսաստանում:

Ռուսական առաջին հեղափոխությունը և դրա շնորհիվ երկրում ստեղծված քաղաքական որոշ ազատությունները նպաստավոր հող էին ստեղծել այնտեղ երիտթուրքերի գործունեության համար: 1905—1907 թվականների հեղափոխական շարժումը համարելով Ռուսաստանի «փլուզման» նախանշան, նրանք սկսեցին նրա դեմ աշխատանքներ տանել հատկապես պանիսլամիզմի գծով: Թուրքիայից և Եվրոպայից երիտթուրքերն ակտիվ փորձեր էին անում անմիջական սերտ կապեր ստեղծելու ռուսաստանյան մուսուլմանության բուրժուականացման և քաղաքական շերտերի և ռեակցիոն կղերականության հետ: Այդ աշխատանքների հաջողությանը մեծապես նպաստեց քաղաքական սահմանափակ ազատությունների պայմաններում ռուսաստանյան մուսուլմանական կրոնի սպասավորների և մուսուլման բուրժուական մտավորականության քաղաքական ակտիվության խիստ աշխուժացումը:

Այդ ժամանակ արդեն Ռուսաստանի մուսուլմանաբնակ տարածքներում վերջնականապես ձևավորվում էր գաղափարաքաղաքական շորս հոսանք: Ֆեոդալական-կղերական, որը, ինչպես վերևում ասվեց, ստացել էր քաղիմիզմ անունը (հնի կողմնակիցներ), բուրժուազգայնական՝ ջադիդիզմ (նորի կողմնակիցներ), լուսավորական-դեմոկրատական և սոցիալ-դեմոկրատա-

¹ «Պրոլետարիատի կոիզը», № 2—3, 1903 թ.:

² См. Г. З. Алиев, Турция в период правления младотурок, с. 61—64.

¹ См. Г. З. Алиев, Турция..., с. 77—79:

կան: Դրան համապատասխան էլ սկսեցին ձևավորվել քաղաքական շորս խմբեր ու կազմակերպություններ¹:

Նախ ֆեոդալական-կղերական ուղղության մասին:

1905—1907 թվականների հեղափոխության ընթացքում և դրան հաջորդած ուսուցիչային տարիներին Ռուսաստանի մահմեդական կրոնաֆեոդալական վերնախավը, ինչպես և նախկիններում, ցարիզմի հետ էր: Ինքնակալությանը հավատարմորեն ծառայելու մեջ հատկապես շգերազանցված ստորաքարշություն էին անում կրոնական բարձրաստիճան սպասավորները:

Մուսուլմանական կղերը և ֆեոդալաբայական վերնախավը հիացմունքով ընդունեցին 1905 թվականի հոկտեմբերի 17-ի ցարական մանիֆեստը: Օրինակ, Օրենբուրգի մուֆթի Մ. Սուլթանովը մանիֆեստը թաթարերեն թարգմանությամբ ուղարկեց իրեն ենթակա թեմի հոգևորականությանը, դրան կցելով մի չրահանգ, որտեղ նա պատվիրում էր նամագից հետո պարտադիր կերպով մզկիթներում կարգալ «արևափայլ տիրոջ աստվածային նվերը», բնակչությանը մանրամասն պարզաբանել նրա բովանդակությունը, շնորհակալով անպայման աղոթել «նորին մեծություն ցարի ու նրա հարգարժան ընտանիքի» առողջության համար: Հեղափոխության յուրաքանչյուր փուլում իսլամ հոգեվորականության ղեկավարները հանդես էին գալիս կոչերով, հորդորներով, սպառնալիքներով, խոստումներով, որոնք ուղղված էին այն նպատակին, որ մուսուլման աշխատավորներին կտրեն հեղափոխական պայքարից և ի սպաս դնեն ուսուցիչային նրանք չրապարակայնորեն դատապարտում էին հեղափոխական շարժումը և նրա ղեկավարներին, փորձում վարկաբեկել սոցիալիզմի գաղափարները: Ահա թե ինչ ենք կարդում 1907 թվականին ներքին գործերի մինիստրին հասցեագրված մուսուլմանական եկեղեցու պետերի ստորագրած մի գրության մեջ. «Մենք, Ռուսաստանի մուսուլմաններս, լինելով ամենահավատարիմը ռուսաստանյան ինքնակալությանը, և վախենալով... պանիսլամիզմի, սոցիալիզմի և անարխիզմի՝ ժողովուրդների կյանքը քայքայող գաղափարների տարածումից և մեր իսլամի

հիմունքներին այդ գաղափարների հակառակ լինելու հետևանքով, որոշել ենք օրինական կարգով պայքարել այդ բաների դեմ: Մենք, Ռուսաստանի մուսուլմաններս, զերծ ենք ամեն տեսակ նոր գաղափարներից..., որոնք եկել են զանազան այլ պետություններից: Մենք մեր սպիտակ ցարին ու նրա գահին ծառայելու ենք նույնպիսի հավատարմությամբ, ինչպես նրան ծառայել են մեր պապերը...»¹

Ինքնակալության նկատմամբ իր հավատարմությունը հաստատելու մուսուլմանական կղերաֆեոդալական վերնախավի ճիգերի արտահայտություններից մեկը հեղափոխական իրադարձությունների թեժ պահին համառուսաստանյան մուսուլմանական երեք համագումար (կոնգրես) անցկացնելն էր:

Առաջին համագումարը հրավիրվեց 1905 թվականի օգոստոսին, Նիժնի Նովգորոդի տոնավաճառի օրերին, մի շոգենավում: Համագումարին մասնակցող մի քանի հարյուր պատգամավորներ ներկայացնում էին Ռուսաստանի զանազան մասերի՝ Ղրիմի, Կովկասի, Սիբիրի, Թուրքեստանի, Օրենբուրգի, Սիմբիրսկի, Կազանի մահմեդական վերնախավերին: Համագումարն անցավ թաթարական բուրժուազիայի գաղափարական ազդեցության ներքո: Հենց համագումարի օրերին թաթար գործիչների նախաձեռնությամբ ստեղծվեց «Իթթիֆակ մուսլիմին» («Մուսուլմանների միություն») կուսակցությունը, որը կանգնեց սկսված ռուսական հեղափոխության թշնամիների կողմը: Դասակարգային սուր պայքարի պայմաններում, 1905—1907 թթ. «Իթթիֆակ մուսլիմինը» բլոկ կազմելով կադետական կուսակցության հետ, պայքարում էր բուլշևիկների գլխավորած հեղափոխական շարժման դեմ²: Համագումարն առաջադրեց ազգային շրջանների տեղական կառավարման բնագավառում մուսուլմանական բուրժուազիային նախապատվություն տալու, մուսուլմանական կրոնի չիակատար ազատության և այլ պահանջներ³: Ցարական ճնշման դեմ միավորվելու մուսուլմանական դեմոկրատական մտավորականության և ժողովրդական մասսաների տարերային հակումը

¹ Տե՛ս «Национальный вопрос накануне и в период проведения Великой Октябрьской социалистической революции». Материалы в сессии научного совета. Выпуск I, М., 1964, изд-во «Наука», էջ 50—51:

² Տե՛ս Լ. Մ. Климович, Ислам в царской России, էջ 270:

¹ Л. И. Климович, Ислам в Царской России, с. 270.

² Տե՛ս Գ. Ибрагимов, Татары в революции 1905 г., Казань, 1926, էջ 220, X. X. Хасанов, Революция 1905—1907 гг. в Татарии, М., 1965, էջ 120—121:

³ Տե՛ս «История СССР...», т. VI, էջ 182:

մուսուլմանական բուրժուազիան ամեն կերպ ձգտում էր օգտագործել իր քաղաքական նպատակներին: Համագումարի օրերին նա բացահայտորեն խոսում էր պանիսլամիզմի և պանթուրքիզմի գաղափարախոսությունների՝ իբրև «հարազատ» գաղափարների մասին: Համագումարին մասնակցում էին նաև «տանգալարները» (թաթար էսէնների կուսակցության) և մանրբուրժուական նացիոնալիստական մի շարք ուրիշ տատանվող խմբավորումների ներկայացուցիչներ: Սրանց աջակցությամբ թաթարական, բաշկիրական, ադրբեջանական և դազախական բուրժուազիայի ներկայացուցիչները համագումարում առաջ քաշեցին Ռուսաստանի մուսուլմաններին միավորելու պահանջը¹, մի բան, որ, բնականաբար, գլուխ չեկավ:

Ռուսաստանի մուսուլմանների առաջին համագումարի ընդունած բանաձևերում աներկմտորեն և բարձրաձայն արտահայտված էր մուսուլմանական կղերի ունակցիոն դիրքորոշումը բանվորների և գյուղացիների շահերի, աշխատավորների բարձրացող հեղափոխական շարժման հանդեպ:

1906 թվականին Պետերբուրգում հրավիրվեց Ռուսաստանի մուսուլմանների երկրորդ համագումարը: Համագումարի հրավիրումը թույլ տալու խնդրանքով նախաձեռնողների խումբը գրում էր, որ այդ համաժողովի հրավիրման նպատակը անկարգությունների դեմ թումբ կանգնեցնելու մտադրությունն է: Չնայած նամակում սոցիալիզմն ու պանիսլամիզմը դրված էին մի մակարդակի վրա, բայց դա տուրք էր դիվանագիտությանը: Ճշմարիտ է, որ բուրժուակալվածատիրական կարգերը և ինքնակալության շահերը պաշտպանող իսլամ կղերաֆեոդալական վերնախավը թշնամաբար էր տրամադրված «սոցիալիզմի, անարխիզմի» նկատմամբ և այս հարցում նամակի հեղինակներն անկեղծ էին: Ինչ վերաբերում է պանիսլամիզմի մասին հիշատակությանը, ապա դրանով մուսուլմանական վերնախավն առիթը բաց չէր թողնում նորից մեկ անգամ ցարական կառավարությանը հավաստիացնելու, թե Ռուսաստանի մահմեդականներն անկեղծորեն հավատարիմ են Ռոմանովների գահին և բնավ մտադիր չեն թուրքական սուլթանի տիրապետությունը գերադասելու ուսական ինքնակալությունից:

Որոշ ժամանակ անց Նիժնի Նովգորոդի մոտերքում գումարվեց մահմեդականների համառուսաստանյան երրորդ համագումարը, որին մասնակցում էին 800 պատվիրակներ: Այս համագումարը նույնպես վերածվեց ուսական ինքնակալության նկատմամբ երկրի մահմեդական վերնախավի հավատարմության ցույցի:

Ցարական իշխանություններն իսլամ հոգևորականությանը դրդում էին հեղափոխության դեմ օգտագործել մուսուլմանական կրոնի բոլոր հնարավորությունները, մասնավորապես մահմեդականների կրոնական մոլեռանդությունը: Այդ նպատակով ոչ միայն մուսուլմանական թուրքալեզու, այլև մուսուլմանական ուսույնը թերթերի ու հանդեսների էջերում, ինչպես նաև ուս սեհարյուրակային պարբերականներում և այլ հրատարակություններում հաճախ էին երևում ամենատարբեր բնույթի այնպիսի նյութեր, որոնց գլխավոր միտքն այն էր, թե մուսուլմանական կրոնի դոգմաներն անհամատեղելի են տիրող կարգերի դեմ ուղղված հեղափոխական պայքարի հետ: «Առաջնորդվեք... ոչ թե Մարքսի «Կապիտալով», այլ ամենից առաջ Ղուրանով և շարիաթով...», — մուսուլման հավատացյալներին իր հողվածներից մեկում այսպես էր պատվիրում Պետերբուրգում լույս տեսնող «Վ միրե մուսուլմանստվա» կղերաիսլամական թերթը¹:

Ավելին, հեղափոխության ընթացքում և նրան հաջորդած ռեակցիայի տարիներին մուսուլմանական հոգևորականությունը կազմակերպում էր սեհարյուրակային միություններ, ընկերություններ, «եղբայրություններ», դինված ղոշիների ջոկատներ, որոնք կրոնական լողուններով ոգեշնչված հարձակումներ էին գործում բանվորական միտինգների և ցույցերի վրա, ճնշում գյուղացիական հուզումները: Այդպիսին էր, օրինակ, «Սիրաթ-ի մուսթաբիմ» («Ճշմարիտ ուղի») կուսակցությունը, որ ստեղծելու ղեկավարում էր պետերբուրգի մուլլա Ս. Բայագիտովը: Բացումված չէր, որ այդ կուսակցության աշխատանքը ֆինանսավորվում էր ցարական իշխանությունների կողմից:

Ի պատասխան ուսական արքունիքին և տիրող կարգերին մուսուլմանական բարձրաստիճան կղերի և ֆեոդալական-բայական վերնախավերի կողմից ցույց տված գովելի հավատարմության, ցարական իշխանություններն իրենց հերթին ամեն

¹ Տե՛ս «История СССР...», т. VI, էջ 182:

¹ «В мире мусульманства», 11/24 ноября 1911 г.

տեսակ աշակցություն էին ցույց տալիս նրանց հեղափոխական շարժման դեմ մղվող պայքարում: Ինքնակալությունը մուսուլման հոգևորականությանը շատ հեշտությունը էր օգտագործում հատկապես հեղափոխությունը ճնշելու նպատակով ազգային թշնամություն բորբոքելու իր պրակտիկայում:

Հեղափոխության հենց սկզբին Կովկասում իշխանություններն արյունալի ընդհարումներ առաջ բերեցին քրիստոնյա հայերի և մասնադական ադրբեջանցիների միջև: 1905 թվականի փետրվարի 6-ից 10-ը Բաքվում սկսած կոտորածից հետո աղետն ընդգրկեց ողջ Անդրկովկասը՝ Նախիջևան, Երևան, Շուշի, Գանձակ, Քիֆլիս, տեղիով ամբողջ մեկ ու կես տարի: Խաղաղ բնակչությունը երկու կողմից հազարավոր անմեղ զոհեր տվեց:

Կոտորածների ընթացքում ադրբեջանական ազգայնամուլպանիսլամականներն օգնություն էին ստանում Թուրքիայից¹: Պոլսում հաստատված ադրբեջանցի պանիսլամական գործիչները պաշտոնական շրջանների գիտությունը և ակտիվ աշակցությունը կարողացան մեծ քանակությամբ դենք ու դրամ հայթայթել և հասցնել Կովկաս: Ադրբեջանական մարտնչող ազգայնականության մյուս պարագլուխները՝ Հյուսեին-զադե Ալի բեգը, որը նոր էր Պոլսից Կովկաս վերադարձել, Ահմեդ Աղաևը և Ալի Մերզան Թոփչիբաշևը իրենց շտաբը հաստատել էին Բաքվում և ադրբեջանցի նավթատերերի օգնությամբ գինում էին ղոշիների ջոկատները:

Ընդհարումների ընթացքում հայ ազգայնականները, հատկապես դաշնակցականները, կազմակերպում էին պատասխան «արշավանքներ» ադրբեջանական գյուղերի վրա, պատճառ դառնում նոր զոհերի, նոր արյունահեղությունների դուռ բացում: Նրանք վարում էին հայ աշխատավորության ազգային մեկուսացման քաղաքականություն, ձգտելով նրանց կտրել համառուսական հեղափոխական շարժումից, շեղել դասակարգային պայքարի ուղուց:

Հարկ է նշել, որ հեղափոխական տրամադրությունների աճի ազդեցության տակ հնչակյան կուսակցության Անդրկովկասի կազմակերպությունների անդամներից շատերը աստիճանաբար հրաժարվում էին նարոդովոլեցների տեղորիստական տակտի-

կայից և էվոլյուցիա կատարում դեպի սոցիալ-դեմոկրատիա: Կուսակցության ձախ թևն արդեն 1905 թվականից ձգտեց միասնական գործողությունների ՌՍԴԲԿ-ի հետ: Ձախ հնչակյաններից շատերը մտան ՌՍԴԲԿ շարքերը: Դրանց թիվը շատ էր հատկապես Բաքվում: Միաժամանակ կուսակցության մեջ կենդանի էին մնում հայ աշխատավորության ուշադրությունը միայն զուտ «հայկական» հարցերի լուծման վրա կենտրոնացնելու միտումները: Այդ իսկ պատճառով բոլշևիկները առաջվա պես պայքարում էին հնչակյան սոցիալիզմի դեմ, քննադատում կուսակցության այ թևի գործիչներին, որոնք իրենց մանրբուրժուական-ազգայնական պրոպագանդայով շարունակում էին պառակտում առաջ բերել երկրամասի բազմազգ աշխատավորության շրջանում:

Իսկ կոդոպուտը, հրդեհումները, ոճիրները անարգել շարունակվում էին. ցարական կառավարությունը գոհ էր, որ դարերով կողք կողքի ապրած երկու հարևան ժողովուրդները միմյանց հետ կռվի են բռնվել: Ցարական սատրապները և մասնադական հոգևորականությունը գործում էին համատեղ ջանքերով: Բոլշևիկ հրապարակախոս Վ. Վ. Վորովսկին նշում էր, որ կոտորածների ժամանակ «ոստիկանական պրովոկատորի տեղը գրավեց սրբազան կանաչ շալմայով մուսուլմանական ագիտատորը»: Ցարիզմը հույս ուներ, որ այդպիսով Կովկասը դուրս կմնա սկսված հեղափոխության փոթորիկներից: Կառավարությունը կատարեց ոչ միայն հանդիսատեսի, այլև ակտիվ հրահրողի դեր, իսկ ապա իր և պանիսլամականների սարքած ոճիրը պսակեց «պատժիչ արշավախմբերով»:

Հեղափոխական ընդվզումները ճնշելու համար կառավարությունը մուսուլմանական բնակչությունից գինվորական ծառայության կանչված երիտասարդությանն ընդգրկում էր հատուկ ազգային զորամասերի մեջ և դրանք տեղաբաշխում քրիստոնեաբնակ «անհանգիստ» վայրերում: Օրինակ, մուսուլման կաբարդիններից կազմված ազգային զորամասեր էին տեղաբաշխված Կարսում և Ալեքսանդրապոլում:

Սակայն ցարական իշխանություններին ոչ միշտ էր հաջողվում մուսուլմանական զորամիավորումներն օգտագործել հեղափոխական շարժումները ճնշելու համար: Բոլշևիկները բա-

¹ Сбъ В. А. Старосельский, Кавказская драма. Книгоиздательство «Амиранъ», Петербург, 1906, էջ 20:

¹ В. В. Воровский, Соч., т. III, М., 1933, с. 107.

ցատրական լայն աշխատանք էին տանում այդ զորամասերի զինվորների շրջանում, նրանց քաշում հեղափոխության կողմը: Այսպես. 1905 թվականի սեպտեմբերին ՌՄԴԲԿ Ալեքսանդրապոլի զինվորական կազմակերպության գաղտնի տպարանում տպագրվեց և քաղաքում տեղաբաշխված Կաբարդինյան հետևակային զնդում տարածվեց «Նղբայր կաբարդիններ» պրոկլամացիան, որով մերկացվում էր ցարական կառավարության հակաժողովրդական մեծապետական քաղաքականությունը, զինվորներին կոչ էր արվում շիրակել հեղափոխական բանվորների և գյուղացիների վրա, զենքն ուղղել ցարի և նրա կամակատարների դեմ: Սոցիալ-դեմոկրատների տարած եռանդուն աշխատանքի հետևանքով զնդի զինվորները հայտարարում էին. «Մենք այլևս զենք չենք ուղղի մեր հարազատների և եղբայրների դեմ»¹:

Ռուս ժողովրդի ամենալայն զանգվածները, ռուսական մտավորականության լավագույն ներկայացուցիչները հրապարակայնորեն դատապարտում էին հայ-ադրբեջանական ընդհարումները, դրանց կազմակերպողներին, անարգանքի սյունին գամում ցարական իշխանություններին:

Բոլշևիկները բուռն զայրույթով դատապարտեցին կոտորածները: Բոլշևիկյան մամուլի օրգանները ցույց էին տալիս շարդերի իսկական մեղավորներին, մերկացնում կառավարության հերթական ոճիրը:

Ինչ վերաբերում է ռուսական կայսրությունում ձևավորվող մուսուլմանական բուրժուազիային և նրա շահերի արտահայտիչ շադիդներին, ապա հենց սկզբից նկատենք, որ նրանց գաղափարախոսությունն ու պրակտիկական զգալիորեն տարբերվում էին քաղաքականների, իսլամ կղերաֆեոդալական վերնախավերի մտածելակերպից ու գործունեությունից:

19-րդ դարում, այսինքն՝ իր ծագման սկզբնական շրջանում, Թաթարիայում, Արևմտում, Պովոլժիեի Թաթարաբնակ շրջաններում տարածված շադիդիզմը, ինչպես տեսանք, դեռ չունեի հրատակորեն արտահայտված քաղաքական գիծ, իսկ Միջին Ասիայում, Ղազախստանում, Ադրբեջանում, Կովկասի լեռնականների մոտ այն դեռ սաղմնային վիճակում էր: Բայց նոր՝ 20-րդ դարի սահմանազլխին վիճակը փոխվում էր:

Ինչպես խորությամբ, այնպես էլ լայնությամբ Ռուսաստանում զարգացող կապիտալիզմն իր ոլորտի մեջ էր առնում ազգային ծայրամասերը, դրանք ընդգրկելով համառուսաստանյան հասարակական բաժանման և համառուսական շուկայի մեջ, ծայրամասերի տնտեսությունն ավելի ու ավելի ինտենսիվ կերպով դարձնելով Ռուսաստանի տնտեսության անբաժանելի մասը:

Հումքի նկատմամբ ռուսական արդյունաբերության աճած պահանջարկի ազդեցության տակ Ադրբեջանի և Միջին Ասիայի գյուղատնտեսության մեջ արագորեն զարգանում էին ապրանքային ճյուղերը՝ բամբակագործությունը, մետաքսագործությունը, ծխախոտագործությունը, խաղողագործությունն ու գինեգործությունը: Հատկապես բամբակագործության մեջ ուժգնորեն ներթափանցում էր ռուսական առևտրաարդյունաբերական կապիտալը: Դանդաղ, բայց անշեղորեն առաջադիմական փոփոխություններ էին տեղի ունենում գյուղատնտեսական գործիքների գործածության, հողօգտագործման և ջրօգտագործման մեթոդների մեջ: Գյուղատնտեսության մի քանի ճյուղերում արդեն կիրառվում էր բատրակների վարձու աշխատանքը:

Հողագործության զարգացման հետ միասին աճում էին գյուղատնտեսության ապրանքային արտադրանքների նախնական մշակման ձևերը: Բոժոժից թել քաշելու և մետաքսամանման արհեստանոցներն ու ֆաբրիկաները, բամբակազտիչ գործարանները, գինեգործական և գինեթորման հաստատությունները, ծխախոտի ֆաբրիկաները: Դրանց մեջ գերակշռում էին տնայնագործական տիպի ձևերը: Երեւելան էին գալիս նաև կապիտալիստական բնույթի ձևերը: Թեև թեև մեքենայական սարքավորումներով և տասնյակ վարձու բանվորներով:

Ռուսական կապիտալի հետ միասին Ադրբեջան և Միջին Ասիա էր թափանցում նաև օտարերկրյա կապիտալը, որը նույնպես արագացնում էր կապիտալիստական հարաբերությունների սաղմնավորումը և խորացումը:

Այդ ամենին մեծապես նպաստում էր տրանսպորտի միջոցների զարգացումը: Մասնավորապես Ադրբեջանի և Թուրքեստանի սոցիալ-տնտեսական զարգացման գործում լուրջ դեր խաղացին Կասպից ծովի առևտրական նավագնացության, իսկ Թաթարիայում և Բաշկիրիայում՝ գետային նավագնացության

¹ «Հայաստանի կոմունիստական կուսակցություն պատմության ուրվագծեր», Երևան, 1967, էջ 94:

աճը և տեխնիկական առաջընթացը: 1883 թվականին Անդրկովկասյան երկաթուղու Բաքու—Փիֆլիս և 1900 թ. Դերբենտի հատվածների շահագործման հանձնումը թույլ տվեց Բաքուն կապել Ելիզավետպոլին, իսկ Անդրկովկասը՝ Դոնի Ռոստովի վրայով՝ Ռուսաստանին: Երկաթուղային լայն շինարարություն էր սկսվել նաև Միջին Ասիայում և Ղազախստանում:

Երկաթուղիները շատ կարևոր դեր խաղացին նախկին տրնտեսական ներկավածությունը հաղթահարելու գործում, հեռավոր շրջաններին հարմար ելքեր տվեցին դեպի Կասպից և Սև ծովերի նավահանգիստները, դեպի Կենտրոնական Ռուսաստան, հեշտացրին ու կայունացրին կապերն ընդհանուր ռուսաստանյան և արտասահմանյան շուկաների հետ, իսկ դա, իր հերթին, խթանեց գյուղատնտեսության կարևորագույն ճյուղերի ձեռնարկատիրական, առևտրական զարգացումը, նպաստեց արտադրողական ուժերի հետագա աճին, կայսրության մուսուլմանական շրջանների արդյունաբերության կապիտալիստական զարգացմանը: Դառնալով կովկասյան, թուրքեստանյան և մուսուլմանական այլ երկրամասերի ու շրջանների էկոնոմիկայի ներվը, երկաթուղիները հաղորդակցության ժամանակակից միջոցներով իրար հետ կապեցին գյուղական վայրերը և քաղաքները, որոնց մեջ աչքի էին ընկնում և զարգանում պրոլետարական Բաքուն, Տաշքենդը, Կազանը և այլ քաղաքներ, որոնք դառնում էին նաև հասարակական-քաղաքական կյանքի կենտրոններ:

Սակայն, եթե չհաշվենք Բաքուն և Կազանը, մուսուլմանաբնակ բոլոր վայրերի մյուս քաղաքներում կապիտալիստական գործարանների, ֆաբրիկաների, երկաթուղային ցանցի, բանկերի ու բորսաների զարգացումը տեղի էր ունենում աուլների և կիշլակների համեմատաբար կայուն ֆեոդալական հարաբերությունների պայմաններում: Դրանց երևան գալը ֆեոդալական հարաբերությունների քայքայման հետևանք չէր, այլ գլխավորապես դրսի՝ ռուսական և օտարերկրյա կապիտալի ներթափանցման հետևանք:

Ահա տնտեսական այդ հողի վրա էլ ձևավորվում էր կայսրության մուսուլմանական բուրժուազիան, իր շահերի գաղափարական արտահայտիչ ունենալով ջադիդիզմը:

Մինչև 1905—1907 թթ. հեղափոխությունը հարյուրավոր ու հազարավոր երիտասարդներ՝ մեղրեսենների աշակերտներ, գյուղացիների, արհեստավորների, մանր առևտրականների զավակներ, արդեն ներգրավվել էին կուլտուրական կյանքի ոլորտը, սովո-

րում էին նոր մեթոդներով գործող դպրոցներում, ինչպես նաև ռուս տեղական դպրոցներում, ռուսաց լեզվի դանազան դասընթացներում, ներգրավված էին ինքնագործ զանազան խմբակների մեջ և այլն: Դրանց շրջանից դուրս էին գալիս նորամեթոդ դրպրոցների ուսուցիչներ, խմբակների կազմակերպիչներ, աշխարհիկ գիտելիքների պրոպագանդիստներ, կենցաղի և ընտանեկան հարաբերությունների ռեֆորմների և կանանց դրուժյան բարելավման կողմնակիցներ, առաջադիմական գաղափարների կրողներ: Ահա կուլտուրական այդ ընդհանուր վերելքի պայմաններում մուսուլմանական ազգային բուրժուազիան աշխատում էր ժողովրդի կուլտուրական զարթոնքն օգտագործել իր սեփական շահերի և քաղաքական նպատակների համար: Փորձելով գրավել մասսաների վրա գաղափարական ներգործության բոլոր լծակները, նրանք ստեղծում էին գաղափարախոսական պայքարի և ժողովրդական զանգվածների հոգևոր ստրկացման իրենց ապարատները:

Հանդես գալով որպես գաղութային Կովկասի, Միջին Ասիայի, Ղազախստանի, Թաթարիայի, Բաշկիրիայի մուսուլման բուրժուազիայի ազգայնական գաղափարախոսություն, ջադիդիզմը ձևավորվում ու զարգանում էր հեղափոխական բանվորական շարժման, ինչպես նաև մասսայական ազգային-ազատագրական շարժման աճման ժամանակաշրջանում, այսինքն այն ժամանակ, երբ մուսուլման բուրժուազիան, կտրված իսլամ ժողովրդական զանգվածների հոգսերից ու կարիքներից, նրանց շահագործման գործում հանդես էր գալիս իբրև ցարիզմի և ռուս բուրժուազիայի դաշնակից:

Նման պայմաններում ջադիդական շարժումը, որի մասնակիցների կազմը շատ խայտաբղետ էր, տվեց աջ և ձախ ճյուղավորումներ: Արդեն 1905—1907 թվականներին ջադիդիզմը ձեռք էր բերել քիչ թե շատ հստակ քաղաքական գունավորում: Նրա առավել առաջադեմ ներկայացուցիչները, թողնելով քաղաքական գործունեության դաշտը, իրենց նվիրում էին ժողովրդի լուսավորության և կրթության գործին, մերձենում կամ ձուլվում լուսավորիչ գործիչների հոսանքին:

Սակայն ամբողջությամբ վերցրած ջադիդիզմը, որպես բուրժուական քաղաքական, ազգային-կրոնական հոսանք, խիստ տարբերվում էր լուսավորության, կուլտուրայի և կենցաղի բնագավառում նորամուծությունների ժողովրդական առաջադի-

մական միտումից, որը, ինչպես տեսանք, սկսել էր նշմարվել դեռ 19-րդ դարի 80—90-ական թվականներին: Այժմ ջաղիղները աշխատում էին այդ միտումն առավելագույնս օգտագործել տեղական ազգային բուրժուազիայի կարիքներին: Նրանց բացարձակ մեծամասնությունը խորշում էր ժողովրդական մասսաներից, հեռու էր կանգնում նրա հոգսերից ու ցավերից: Ճիշտ է, ջաղիղները հանդես էին գալիս էմիրների, խաների, բեգերի, բայերի ֆեոդալական կամայականությունները սահմանափակելու, տեղական բուրժուազիային իրավունքներ տալու օգտին: Բայց նրանք դրանից հեռու չգնացին. նրանց սահմանափակ բարենորոգչական պահանջները չէին արտահայտում ֆեոդալական բռնապետական ճնշման դեմ պայքարող մուսուլման աշխատավորների իսկական ձգտումները: Զաղիղական հանդեսներում և թերթերում ոչինչ չէր ասվում ժողովրդի ծանր դրության մասին, աշխատավոր գյուղացիների ու արհեստավորների աղքատացման ու քայքայման մասին, բայերի, վաշխառուների, գործարանատերերի կողմից նրանց կողոպտման, գաղութային իշխանությունների անօրինականությունների մասին, հարցեր, որոնք ամենից շատ էին հուզում ժողովրդին: Դա էր պատճառը, որ ջաղիղյան գաղափարախոսներն ազդեցություն չունեին աշխատավոր ժողովրդի շրջանում:

1905—1907 թվականների հեղափոխության և դրան հաջորդած ռեակցիայի շրջանում ջաղիղները բաժանում էին «սահմանադրական» միապետության պաշտպանությամբ հանդես եկող կադետների և օկտյաբրիստների հայացքները: Նրանք տնտեսական և քաղաքական հողի վրա փաստորեն հանդես էին գալիս որպես ռուսական բուրժուազիայի գործակալներ, չնայած իբրև մուսուլմանական բուրժուազիայի շահերի արտահայտիչներ, այդ նույն հարցերում նաև հակադրվում էին այդ բուրժուազիային: Դա պատահական չէր, քանի որ ջաղիղների մյուս աչքը հառած էր Ստամբուլին՝ սուլթան-խալիֆի նստավայրին:

Այդ տարիներին Ռուսաստանի մուսուլմանական բուրժուազիան դեռ չունի իր քաղաքական կուսակցությունները: Ազդեցւած չանում որոշ փորձեր եղան այդպիսիք ստեղծելու համար, բայց դրանք վերջացան անհաջողությամբ: Զաղիղիզմի գաղափարախոսները Միջին Ասիայում փորձեցին կազմակերպչորեն ձևակերպել և ստեղծել մուսուլմանների համախմբված, քաղաքական, ազգային-կրոնական կուսակցություն, բայց նրանց էլ այդ բանն

այն ժամանակ չհաջողվեց: Զաղիղները, պանիսլամականները համախմբված էին քաղաքական ուղղություն ունեցող թերթերի և այլ պարբերականների շուրջը, որոնց էջերից լայնորեն քարոզում էին իրենց հայացքները: Այսպես, ազդեցւածական տեղական բուրժուական պանիսլամական գործիչներն իրենց գաղափարախոսներ Ահմեդ բեգ Ալաևի և Ալի Մերգան բեգ Թոփչիբաշևի գլխավորությամբ խմբավորվել էին «Կասպի» թերթի շուրջը, որ ձեռք էր բերել միլիոնատեր Թաղիլը:

Հեղափոխության տարիներին իսլամական բուրժուական գործիչները պրակտիկ լայն աշխատանքներ տարան իրենց թերթերի թիվն ավելացնելու, ազգային գրահրատարակչական գործը ծավալելու ուղղությամբ: Այսպես, 1905 թվականի հոկտեմբերի 17-ի մանիֆեստի հրապարակումից հետո ուղբեկական ջաղիղների պարագլուխները համառորեն ձգտում էին թուլլովություն ստանալ գոնե մի թերթ հրատարակելու համար: Բայց մեկի փոխարեն 1906—1909 թվականներին նրանք հրատարակեցին մի քանիսը՝ «Թերաքքի», «Հուրշեդ», «Շուհրատ», «Ասիլ» և այլն¹:

1905—1907 թվականներին մուսուլմանական բուրժուական գործիչները մեծ ուշադրություն էին դարձնում նաև ինքնագործունեության խմբակների, բարեգործական ընկերությունների, գրադարանների և այլնի կազմակերպման վրա, այդ կուլտուրլուսավորական հիմնարկների միջոցով փորձում էին ներգործել ժողովրդի գիտակցության վրա և այն մշակելով, ծառայեցնել իրենց շահերին:

Ի տարբերություն Ասիայի և Աֆրիկայի մուսուլմանական երկրների բուրժուազիայի ազգայնական գաղափարախոսության, որը ձևավորվում էր թույլ զարգացած բանվորական շարժման պայմաններում, Ռուսաստանի գաղութային մուսուլմանական ծայրամասներում, մասնավորապես Ազդեցւածում, Թաթարիայում, Միջին Ասիայի մի շարք շրջաններում բուրժուական գաղափարախոսությունը ձևավորվում էր այնպիսի պայմաններում, երբ բուրժուազիայի դեմ հանդես էր գալիս հզոր սոցիալիստական մի ուժ, որն ի վիճակի էր տիրող կարգերի փլատակների տակ թաղելու ազգային ճնշմբ: Դա ռուս հեղափոխական պրոլետարիատն էր, Ռուսաստանի բանվոր դասակարգը:

¹ Տե՛ս «Национальный вопрос накануне и в период проведения Великой Октябрьской социалистической революции», էջ 53:

Կովկասում, Թուրքեստանում, Ղազախստանում և այլուր ինքնակալության դեմ կազմվեց բոլոր ազգությունների ճնշված դասակարգերի միասնական դեմոկրատական ճակատ: Ժողովրդական լայն մասսաներն ավելի ու ավելի էին համոզվում, որ ցարիզմն անողոք է կայսրության բոլոր ազգությունների և կրոնների աշխատավորների նկատմամբ: Աշխատավոր մուսուլման մասսաները սկսել էին ավելի հստակորեն տարբերել կալվածատերերի ու կապիտալիստների ցարական Ռուսաստանը բազմաշարժար աշխատավորական Ռուսաստանից: Նրանք ավելի ու ավելի էին համոզվում, որ իրենց իսկական եղբայրները ուս բանվորներն ու գյուղացիներն են, Ռուսաստանի բոլոր աշխատավորները:

Այդ բուն ժամանակներում, օրինակ, Թուրքեստանի ուս վերաբնակները տեղի մուսուլման աշխատավորական մասսաների կողմն էին: Ցարական վերաքննիչ կոմս Կ. Պալենը գրում էր. «Հեռավոր ժայռամասում ուսական պետականության հենարանը հանդիսանալու փոխարեն հին գյուղերի գյուղացիները պատրաստ են իշխանության համար ստեղծված դժվարին դրությունն օգտագործել իրենց նպատակների համար: Ֆերզանայի մարզում որոշ գյուղեր (ուսական— 2. Ս.)... մշտական սպառնալիք են հասարակական հանգստության համար»¹:

Ընդհանուր գծերով ահա այդպիսին էր Ռուսաստանի մուսուլմանական բնակչություն ունեցող տարածքների սոցիալ-տնտեսական և քաղաքական վիճակը ուսական առաջին հեղափոխության տարիներին: Այսպիսին էր այն զանգվածը, որի հետ գործ ունեին թուրքական ազգային բուրժուազիան և նրա գաղափարական-քաղաքական շահերի արտահայտիչ երիտասարդ թուրքերը՝ իրենց պանիսլամական գաղափարներով ու պլաններով:

Ռուսաստանի մահմեդականության բոլոր խավերի ու հասարակական-քաղաքական ուղղությունների թվում ազգային-բուրժուական, ջադիդական հոսանքը առավել ընկալունակ եղավ պանիսլամական պրոպագանդայի հանդեպ: Դա պատահական չէր: Իսլամ կղերաֆեոդալական վերնախավը հավատարիմ էր ցարին (համենայն դեպս ամեն կերպ ճգնում էր ցույց տալ, թե հավատարիմ է): Այս հոսանքի դիրքորոշումն ինչ-որ տեղ նույ-

նիսկ դուր էր գալիս թուրքական սուլթանին, նաև ձեռնառու էր նրան, քանի որ բնակալ Աբդուլ Համիդը, կամ Վ. Ի. Լենինի խոսքերով ասած՝ «թուրքական Նիկոլայ II-ը», բնավ չէր ցանկանա խարխլված տեսնել հարևան երկրի՝ իր նման բռնապետի՝ Նիկոլայ II-ի, կամ ուսական Աբդուլ Համիդի, գահը: Թուրքական սուլթանը երկյուղ ուներ, որ տեղի ունեցող հակացարական հեղափոխական շարժումը կարող է շղթայական ձևով տարածվել Օսմանյան կայսրության վրա և սպառնալ Բարձր Դուռը: Պատահական չէ, որ Կովկասում տեղի ունեցող հեղափոխական դեպքերի ժամանակ հայերի ընդվզումների առիթով թուրքական արքունիքից Նիկոլայ II-ը կշտամբանքներ էր ստացել ժողովրդական ելույթները ժամանակին չխեղդելու համար¹: Ինչպես միշտ, դասակարգային բնագոյը համերաշխության էր մղում նույնիսկ ավանդաբար հակամարտող երկրների տիրողներին՝ հանուն իրենց արքունական շահերի:

Ինչ վերաբերում է Ռուսաստանի մահմեդականության դեմոկրատական-լուսավորական շերտերին, առավել ևս մուսուլման բանվորներին ու գյուղացիներին, ապա նրանց համար խորթ էին պանիսլամիզմի ոեակցիոն գաղափարները:

Երիտթուրքերի համար գործունեության դաշտ մնում էր ուրեմն Ռուսաստանի մուսուլման բուրժուազիան և նրա շահերի արտահայտիչ ջադիդական շարժումը: Հանձինս նրանց երիտթուրքերը տեսան սոցիալական առումով իրենց համար հարազատ ու գաղափարակից մի միջավայր: Ձէ՞ որ, ինչպես ասում են, ձկնորսը ձկնորսին հեռվից է տեսնում:

Երիտթուրքերը, որպես Օսմանյան կայսրության թուրք մուսուլման բուրժուազիայի շահերի արտահայտիչներ, հանդես էին գալիս թուրքական սուլթանի դեմ, բայց ոչ Թուրքիայում շահագործողական կարգերի վերացման համար: Իրենց հերթին ջադիդները Ռուսաստանում հանդես էին գալիս ինքնակալության հետ դաշինքի մեջ մտած իսլամ կղերաֆեոդալական վերնախավի և նրա շահերի գաղափարական արտահայտիչների՝ քադիմականների դեմ, որը սակայն ուղղված չէր Ռուսաստանում շահագործողական կարգերի վերացմանը:

Ինչևիցե, իսլամական բուրժուազիան և ջադիդները դարձան

¹ К. К. Пален, Переселенческое дело в Туркестане, СПб, 1910, с. 330.

¹ Տե՛ս Նիկոլայ II ցարի՝ Կովկասի փոխարքա Վորոնցով-Պաշկովին ուղղված նամակի վերջին հատվածը («Հերոսական պայքարի վավերագրեր», էջ 333):

երիտթուրքերի քաղաքական հնարքների գլխավոր հենարանը Ռուսաստանում:

Երիտթուրքերն այդ գործի մեջ ամենից առաջ ներգրավեցին Ռուսաստանի իսլամական տարածքներից արտասահման անցած և երիտթուրքերին միացած գործիչներին, որոնք մշտական խորհուրդներ էին տալիս պանիսլամական պրոպագանդան այնտեղ առավել արդյունավետությամբ կազմակերպելու համար: Իսկ կովկասյան գործերի գլխավոր գիտակ համարվող երիտթուրքերի պարագլուխներից Մուրադ բեգի խորհուրդները նրանց համար ուղեցույց էին երկրամասում քայքայիչ աշխատանքներ տանելու համար:

Ստանալով բանիմաց խորհուրդներ, երիտթուրքերի գաղտնի գործակալները թափանցում էին Ռուսաստան, ամուր կապեր հաստատում այնտեղի մուսուլմանական կազմակերպությունների հետ, ցուցումներ տալիս վերջիններիս, թե ինչպես լայն պրոպագանդա մղել Ռուսաստանի բոլոր մահմեդականներին Թուրքիայի գլխավորությամբ մեկ միասնական մուսուլմանական պետության մեջ միավորելու վերաբերյալ: Նրանք իդեալականացնում էին ֆեոդալական անցյալը, հին ժամանակներն ու նահապետական կյանքը, կոչ էին անում վերադառնալ մուսուլմանների երբեմնի «միասնությանը», իսլամը փառաբանում էին որպես «մուսուլման ժողովրդի վերածննդի ու նորացման» գլխավոր միջոցի: Քողարկվելով անկախ սոցիալական դրությունից բոլոր մուսուլմանների «համազգային խնդիրների», նրանք «շահերի ընդհանրության և միասնության» գաղափարներով, երիտթուրքական պանիսլամականները սքողում էին դասակարգային հակասություններն աշխատավորների և նրանց շահագործողների ու կեղեքիչների միջև, ժխտում մուսուլման ժողովուրդների դասակարգային պայքարը և դրա փոխարեն առաջին գծի վրա քաշում տարբեր դավանանք ունեցող ազգերի միջև մղվող պայքարը: Արմատավորելով ազգային բացառիկության զգացում և թշնամանք, նրանք ճգնում էին խարխուլել աշխատավորների ինտերնացիոնալ միասնությունը և մուսուլման աշխատավորներին շեղել հեղափոխական շարժումից:

Երիտթուրքերի այս բոլոր գաղափարներն ու գործելակերպը ակտիվ արձագանք էին գտնում Ադրբեջանի բուրժուական ազգայնականների, Թուրքեստանի և կասրուլթյան այլ վայրերի շա-

դիղների շրջանում¹: Զադիդական տպագիր օրգանները, ի հակակշիռ մուսուլման ժողովուրդների՝ իրենց դրուժյունը թեթեվացնելու ձգտումներին, իրենց հերթին լայնորեն պրոպագանդում էին պանիսլամական գաղափարները, ժողովրդին կոչ անում համախմբվել Մուհամմեդի դրոշի ներքո, իրենց ազգեցիկ անձանց՝ բեգերի, բայերի, մանապների շուրջը, հավատացյալներին նախագգուշացնում ռուս և այլազգի բանվորների հետ սերտ շփման «վտանգից»:

Ռուսաստանում պանիսլամական պրոպագանդայի կազմակերպման գործում հենց սկզբից մեծ ակտիվություն էր դրսևորում Ահմեդ Ռիզայի գլխավորած Փարիզի «Միություն և առաջադիմություն» կազմակերպությունը: Այդ աշխատանքները գլխավորելու գործը դրված էր նրա ղեկավարներից Բեհհեդդին Շաքիրի և Նազիմի վրա:

1906 թվականի նոյեմբերի 23-ին Բեհհեդդին Շաքիրը մի նամակ ուղերձով դիմեց Կովկասի պանիսլամ պարագլուխներին՝ առաջարկելով միավորման գործը գլուխ բերել ոչ միայն Կովկասի, այլև ողջ Ռուսաստանի մասշտաբով: Ահա նամակի տեքստը.

«Կովկասի մեր իսլամ եղբայրներին:

Թանկագին եղբայրներ, ստացանք ձեր նամակը, որ կարդացինք մեր «Ճեմիյեթի» (կազմակերպության:— Ն. Ս.) ժողովում: Միաձայնությամբ ողջունում ենք իսլամական և ազգային իրավունքների պաշտպանության համար ձեր կողմից Կովկասի բոլոր վայրերում գիտական ու քաղաքական ընկերությունների ստեղծումը, դպրոցներում և հրատարակություններում օսմանյան թուրքերեն գործածելը, մեզ հետ հարաբերությունները սերտացնելու համար Եվրոպա ներկայացուցիչներ ուղարկելու ձեր մտադրությունները:

1. Առաջին խնդիրը Կովկասի և նույնիսկ ամբողջ Ռուսաստանի մուսուլմաններին միավորելն է: Ձեր դրացիները՝ դաղըստանցիները, չերքեզները պատերազմիկ, քաջ մարդիկ են, լավ գիտեն զենք գործածել: «Հավատացյալների մեջ եղբայրություն»

¹ См. М. А. Игамбердиев, Панисламизм, пантюркизм—орудие империалистической агрессии. «Труды ТУИ им. С. Айни», вып. 2, Самарканд, 1954, էջ 43—68:

Մարգարեի խոսքերի համաձայն ձեզ եղբայրական օգնության ձեռք կմեկնենք: Այդ մասին բնավ կասկած մի ունեցեք:

2. Լեհերը ուսական լծից ազատվելու համար մեկ-երկու տարուց ի վեր աշխատում են շատ մեծ հայրենասիրական վճռականությամբ: Բոլորս լսել ենք այդ մասին: Կովկասում գտնվող իսլամները այդ գոհաբերող ազգից եթե ոչ նյութական, գոնե բարոյական ծառայություն են սպասում: Թե՛ նրանց, թե՛ Օղեսայի հեղափոխական հրեաների հետ բարեկամական կապեր ունենալը օգտակար կլինի մի շարք տեսակետներով:

3. Ջանացիք ամեն քաղաքում գաղտնի կազմակերպություններ ստեղծել:

4. Բոլորին հայտնի է այն պարագան, որ առանց դրամի աշխարհում որևէ բան անել անհնար է: Ամենից առաջ ձեր կազմակերպությունը իր ուշադրությունը այս կետի վրա պետք է կենտրոնացնի: Մեր պարտականությունն ենք համարում այս մասին հիշեցնել ձեզ:

5. Գաղտնի պահեցեք ձեր «ճեմիյեթի» կենտրոնի անդամների անունները:

6. Առայժմ դուրս եղեք ուսական կառավարության դեմ հրապարակավ ապստամբություն կատարելու փորձերից:

7. Մեր թշնամին հանդիսացող և ձեզ ուսման լծից ազատելու դեմ ամենամեծ արգելքներից մեկը հայերն են: Մշակեցե՛ք մի կանոնավոր ծրագիր նրանց ջլատելու համար (ընդգծումը մերն է:— Շ. Ս.):

ԲԺ. Բեհաեդդին Շաքիր¹:

Նվ այսպես, դեռ այն ժամանակ երիտթուրքերի համար պարզից պարզ էր, որ ուսական պետության անդամահատման գրվազով արգելքներից մեկը հայ ժողովուրդն է, Ռուսահայաստանը, ուստի նախ և առաջ պետք է հարվածել հայերին:

Բայց հայությունը միայնակ չէր: Հայ աշխատավորների հետ էին ուսական դեմոկրատիան, բուլղարիկյան կուսակցությունը: Հայ աշխատավորների հետ էին նաև Անդրկովկասի մուսուլման աշխատավորները, որոնք մերժում էին պանիսլամիզմի և պանթուրքիզմի ռեակցիոն գաղափարախոսությունները, ուսու, հայ, վրացի և այլազգի բանվորների ու գյուղացիների հետ ուս ուսի

կանգնում ինտերնացիոնալիզմի դրոշի տակ, գնում բուլղարիկներին հետևից:

Ցարական ինքնակալության տապալման համար մղվող պայքարին գնալով ավելի ու ավելի ակտիվորեն էին ներգրավվում ադրբեջանցի պրոլետարները: «Նրանց մեջ,— նշում էր բուլղարիկյան նշանավոր գործիչ Ս. Մ. էֆենդիևը,— ուժեղ էր ձգտումը դեպի գիտելիքները, դեպի իրենց շահերի պաշտպանությունը, որի հետևանքով նրանք սիրով էին լսում մեր կուսակցության ագիտատորների կենդանի խոսքը»¹:

Բաքվի բուլղարիկներն ադրբեջանցի աշխատավորների շրջանում կազմակերպչական և ագիտացիոն-պրոպագանդիստական լայն աշխատանքներ էին տանում, նրանց ներգրավում հեղափոխական շարժման մեջ: Նրանք որոնում ու գտնում էին մուսուլման աշխատավորների շրջանում ծավալվելիք գործունեության առավել արդյունավետ ձևեր ու մեթոդներ: Ստեղծագործական մոտեցում դրսևորելով տեղական կոնկրետ պայմաններին, ադրբեջանցի աշխատավորների կուլտուր-կենցաղային առանձնահատկություններին (լեզու, կենցաղ, բարքեր, սովորություններ, ավանդույթներ և այլն), բուլղարիկներն ի վերջո գտան նրանց մեջ տարվող կուսակցական-քաղաքական աշխատանքի անհրաժեշտ կազմակերպական ձևը: 1904 թվականի վերջին Պ. Ս. Ջափարիձեի, Ս. Մ. Ստոպանիի, Գ. Վ. Ֆոնշտեյնի, Ս. Մ. էֆենդիևի ակտիվ մասնակցությամբ Բաքվում ստեղծվեց սոցիալ-դեմոկրատական «Հումմեթ» («էներգիա») խումբը՝ ՌՍԴԲԿ Բաքվի կոմիտեին կից: Հետագայում «Հումմեթի» գործունեության մեջ ղեկավար դեր խաղացին Ս. Ա. Ազիզբեկովը, Ն. Ն. Նարիմանովը, Ս. Գ. Շահումյանը և ուրիշներ:

Կինելով Բաքվի կուսակցական կազմակերպության անբաժանելի մասը, «Հումմեթը» գործում էր քաղաքի բուլղարիկյան կոմիտեի՝ մուսուլման պրոլետարների շրջանում տարվող աշխատանքի բաժնի իրավունքներով: Այդ խումբը հեղափոխական աշխատանք էր տանում նաև դաղստանցի և թաթար բանվորների շրջանում:

Կարճ ժամանակում «Հումմեթ» խումբը ճանաչվեց և հեղինակություն նվաճեց, դարձավ Բաքվի բուլղարիկների առաջավոր պոստը ադրբեջանցի բանվորների շրջանում: Հումմեթականները:

¹ Հայկազն Գ. Ղազարեան, Յեղասպան թուրքը, Պեյրուֆ, 1968, էջ 153—154:

¹ С. М. Эфендиев, Из истории революционного движения азербайджанского пролетариата, Баку, 1957, с. 15.

սկսեցին լույս ընծայել «Հումմեթ» անլեզալ թերթը, թուրքիկներ տպագրել ադրբեջաներեն, որոնք այնուհետև տարածվում էին ոչ միայն Բաքվում, այլև Ադրբեջանի գավառներում:

Հումմեթականների հրատարակած թերթը և թուրքիկները պարզաբանում և պրոպագանդում էին հեղափոխական գաղափարներ, բանվորներին դաստիարակում պրոլետարական ինտերնացիոնալիզմի ոգով, մերկացնում բուրժուական նացիոնալիզմը, պանիսլամիզմը և պանթուրքիզմը, աշխատավորներին պայքարի կոչում ինքնակալության, կապիտալիստների և կալվածատերերի դեմ, հանդես գալիս կրոնական մոլեռանդության և խավարամոլության դեմ, կանանց ազատագրության և իրավահավասարության կոչով:

«Հումմեթի» ղեկավարները, ինչպես իր հուշերում գրում էր 1906 թվականին Բաքվում աշխատած, ՌՍԳԲԿ աշխի ընկնող գործիչ Վ. Պ. Նոգինը, «շատ ընդունակ մարդիկ էին»¹, ինտերնացիոնալիստներ, ժողովուրդների բարեկամության պրոպագանդիստներ, հայ-ադրբեջանական բարեկամության ջատագովներ: Խմբի ղեկավար կորիզի շուրջը համախմբվել էին այնպիսի փորձված ընդհատակայիններ ու կոնսպիրատորներ, հմուտ կազմակերպիչներ ու ագիտատորներ, ինչպես Բահրամ Աղաևը, Կավի-Մուհամմեդ Աղասիևը, Ասադուլա Ախունդովը, Մուխթարի Այդինբեկովը, Սուլթան էֆենդիևը, Մուխթար Հաջիևը, Բալա Ամիր Դադաշևը, Մամեդ Մամեդյարովը, Նարիման Նարիմանովը, Բունիյաթ Սարդարովը, Խանլար Սաֆարալիևը, Սեյիդ Յակուբովը և ուրիշներ:

Բուլչեկի հումմեթականների եռանդուն աշխատանքը նպաստում էր ադրբեջանցի բանվորների քաղաքական ակտիվության աճին, Բաքվի պրոլետարիատի ինտերնացիոնալ համախմբվածության, Անդրկովկասի բազմազգ աշխատավորների շրջանում դասակարգային համերաշխության հետագա ամրապնդմանը:

ՌՍԳԲԿ Բաքվի կոմիտեին կից գործում էին նաև «Ցարուկ» («Արդարության ջատագովներ») և «Բեբլեկ» («Միասնություն») խմբերը, որոնք հեղափոխական-պրոպագանդիստական լայն աշխատանք էին տանում համապատասխանաբար լեռնական ժողովուրդների և Բաքվի թափար բանվորների շրջանում:

Նորից վերադառնալով Թուրքիայի գործերին: 1907 թվականի գեկեմեթերի 27-ից 29-ը Փարիզում հրավիրվեց երիտթուրքերի հերթական՝ երկրորդ կոնգրեսը, որին մասնակցում էին նաև հայկական և հրեական կազմակերպությունների ներկայացուցիչներ: Կոնգրեսը պահանջեց. ա) սուլթան Համիդի գահընկեցություն, բ) գոյություն ունեցող ուժի մի արմատական փոփոխություն, գ) խորհրդարանի գումարում: Կոնգրեսը դիմում ընդունեց, որտեղ առաջ էր քաշվում համիդյան բռնապետության դեմ համատեղ պայքարն ուժեղացնելու խնդիրը: Երիտթուրքերի պարագլուխների հետ միասին դիմումը ստորագրեց նաև դաշնակցություն կուսակցությունը:

Այն ժամանակ, երբ երիտթուրքերի և դաշնակների պարագլուխները համատեղ ժողովներ էին գումարում, որպեսզի միավորեն իրենց ջանքերը, այդ նույն ժամանակ դաշնակ ղեկավարությունը հրաժարվում էր ընդունել սուլթանական կարգերի դեմ միասնաբար գործելու հայ մյուս քաղաքական կազմակերպությունների առաջարկները: Այսպես, դաշնակցությունն իր 4-րդ ընդհանուր ժողովում (Վիեննա, 1907 թ.) կտրականապես մերժեց հայ երեք ազգային կուսակցությունների համաժողով հրավիրելու և նրանց ջանքերը համատեղելու մասին հնչակյան վենտրոնի առաջարկը:

Ինչ վերաբերում է արմենական և վերակազմյալ հնչակյան կուսակցություններին, ապա սրանք բռնել էին այն ուղեգիծը, որ Թուրքիան, ինչ նոր վարչակարգ էլ որդեգրի, պիտի մնա հայոց և նրանց հայրենիքի ազատության անողոք թշնամի, որ նույն վայրագ հալածանքներով ու ջարդերով պիտի փորձի ոչնչացնել հայությանը և զավթել նրա հայրենիքը: Ուստի նրանք գտնում էին, որ ժողովրդի միակ փրկությունը ազգային-ազատագրական կռիվն է ինքնապաշտպանության համար:

Այդ տարիներին հնչակյան կուսակցությունն արդեն իր ծրագրում ուներ Օսմանյան կայսրությունից Հայաստանի անջաման և պետական անկախություն ձեռք բերելու պահանջը: Չնայած նման արմատական, հստակ ծրագրային ձևակերպմանը, պետք է ասել, սակայն, որ հետագա տարիներին նույնպես հնչակները գործնականում, պրակտիկ պայքարի ընթացքում չէին դնում անկախ Հայաստանի ստեղծման խնդիրը: Միևնույն ժամանակ նրանց ղեկավարությունը, ի տարբերություն դաշնակ ղեկավարության, վճռականապես հրաժարվում էր համագործակ-

¹ В. Ногин. 1906 год в Баку. В кн. «Двадцать пять лет Бакинской организации большевиков», с. 20.

ցել երիտթուրքերի հետ, գտնելով, որ սրանք, դեպքերի բարեհաջող ընթացքի դեպքում ավելի մեծ աղետներ են բերելու հաջողվողին:

Մոտավորապես պայքարի նման ուղեգիծ որդեգրեց 1908 թվականին Կահիրեում հիմնադրված սահմանադիր ռամկավար կուսակցությունը, որին ձուլվեց արմենական կուսակցությունը: Ռամկավարները նույնպես համոզված էին, որ ինչպիսի վարչակարգ էլ ստեղծվի թուրքիայում, նրա կառավարող շրջանների անփոփոխ նպատակը պիտի մնա թաքուն կամ բացահայտ հալածանքներով, բռնագաղթով կամ կոտորածներով քաջբայել ու ոչնչացնել հայ ժողովրդին, ամայացնել Հայաստանը և այն ընդմիջտ կցել թուրքիային: Նրանք գտնում էին, որ հայ քաղաքական կազմակերպությունների և հոսանքների առաջադրանքը պիտի լինի՝ հայության համար իր պատմական հայրենիքում ապահովել տանելի զոչավիճակ՝ որպես ազգային վերապրումի նախապայման: Ամեն մի մասնակի բարեկարգում նրանք դիտում էին իբրև մի քաջ օսմանյան դարավոր լծից վերջնականապես ազատագրվելու ճանապարհին:

Այսպիսով, բոլորովին իրականությանը չի համապատասխանում այն միտումը, թե հայ քաղաքական կուսակցությունները ձգտում էին Արևմտյան Հայաստանն անհապաղ անջատել Օսմանյան կայսրությունից: Առավել ևս իրականությանը չի համապատասխանում հետագա տարիներին հրապարակ բերված այն տեսակետը, թե այդ կուսակցությունները նպատակ ունեին ստեղծելու «ծովից-ծով» Հայաստան¹: Հայաստանի անկախության գաղափարը որպես գործնական խնդիր ծնունդ էր առնելու միայն առաջին համաշխարհային պատերազմի վերջին տարում: Անկախության հարցը խաղաղության բանակցությունների ժամանակ ևս դիվանագիտական սեղանների վրա արծարծվել սկսեց այն ժամանակ միայն, երբ արդեն Արևմտյան Հայաստանում հայ ժողովուրդը բնաջնջված էր:

Երիտթուրքերի 1907 թվականի Փարիզի կոնգրեսից հետո

¹ Հավանաբար այդպես մտածողների համար առիթ էր դարձել հայ ժողովրդական կուսակցության ծրագրի հետևյալ ձևակերպումը. «Հայ ժողովրդական կուսակցության նպատակն է Հայաստանի անջատված մասերից ստեղծել միացյալ և անկախ Հայաստան իր սեփական ժողովին կից» (տե՛ս «Ծրագիր հայ ժողովրդական կուսակցության, ընդունված Բ. համագումարում 1917 թվի 7—15 սեպտեմբերի», Երևան, տպ. «Լոյս», 1919, էջ 3):

նրանց կազմակերպություններն ավելի ուժեղացրին իրենց գործունեությունն ինչպես արտասահմանում, այնպես էլ երկրի ներսում:

Իրենց գաղափարները լայնորեն պրոպագանդելով, երիտթուրքերը միաժամանակ քաջ դիտակցում էին, որ դրանց կենսագործումն անհնարին է այնքան ժամանակ, քանի դեռ իրենք չեն վերջրել իշխանությունը և չեն հաստատել սահմանադրական, «ազատական» կարգը: Ուստի նրանց հիմնական մտահոգությունն առաջվա նման մնում էր աբզուլյամիդյան ուժի մի տապալումը:

Դեռ 1905 թվականի վերջերից երիտթուրքերն իրենց հակառակվարական գաղտնի աշխատանքների կենտրոնների մի մասն արտասահմանից տեղափոխեցին Մակեդոնիա և Ալբանիա, սերտ կապեր հաստատելով բալկանյան ժողովուրդների ազատագրական շարժումների ղեկավարների հետ: 1906 թվականին «Միություն և առաջադիմություն» կոմիտեն իր նստավայրը արտասահմանից փոխադրեց Սալոնիկ և ձեռնամուխ եղավ ընդհատակյա բջիջների ստեղծմանը: Երիտթուրքերը բուռն գործունեություն ծավալեցին հատկապես այստեղ տեղաբաշխված բանակային զորամիավորումների շրջանում: Շատ շանցած նրանց ազդեցության տակ ընկավ սպայական կազմի մեծ մասը:

1908 թվականի հուլիսի 3-ին Մակեդոնիայի Ռեսնե քաղաքի թուրքական կայազորի պետ, լեյտենանտ Նիյազի բեյն իր միավորման հետ միասին խոռվություն բարձրացրեց և գրավեց Մակեդոնիայի արևմտյան մի շարք շրջաններ: Նրա օրինակին հետևեցին նաև ուրիշ թուրք սպաներ, որոնց թվում և էնվեր բեյը (հետագայում՝ էնվեր փաշա): Կառավարությունը փորձեց ճնշել սկսված ապստամբությունը, բայց հաջողություն չունեցավ: Հուլիսի 22-ին ապստամբները գրավեցին Մոնաստիր (Բիտոլ) քաղաքը և ազատեցին բանտարկյալներին: Հուլիսի 23-ին երիտթուրքերի կոմիտեի գլխավորությամբ Սալոնիկում մասսայական ցույցեր սկսվեցին: Ցուցարարները այստեղ նույնպես քանտերից ազատեցին բանտարկյալներին¹:

Սուլթան Աբդուլ Համիդը, տեսնելով, որ երիտթուրքերի հիմնական պահանջի՝ 1876 թվականի սահմանադրության վերա-

¹ Տե՛ս «История македонского народа», Скопле, изд-во «Посветно дело», 1975, էջ 204:

կանգնման հետագա ձգձգումը կարող է ճակատագրական լինե՞ր ոչ միայն իր գահի, այլև կյանքի համար, մասսայական շարժման ճնշման տակ տեղի տվեց:

1908 թվականի հուլիսի 24-ին Ստամբուլի թերթերը հրատարակեցին սուլթանական իրադե՝ սահմանադրությունը վերականգնելու և դեպուտատների պալատի առաջիկա գումարման մասին: Այսպես, համարյա խաղաղ, տեղի ունեցավ երիտթուրքական հեղափոխությունը:

Երիտթուրքերը դարձան դրուժյան տերը: Հեղաշրջումը նրանց ձեռքը տվեց ոեալ իշխանությունը երկրում: Բայց նրանք սուլթանին գահընկեց չարեցին. դա չէր մտնում նրանց ծրագրի մեջ:

Սուլթանի և կառավարության կապիտուլյացիայից հետո ողջ Մակեդոնիայում, Ստամբուլում և Օսմանյան կայսրության շատ քաղաքներում մի քանի շաբաթ շարունակ ցույցեր ու միտինգներ էին տեղի ունենում: Ամենուրեք ցնծություն էր. ցուցարարները փողոց էին դուրս գալիս կայսրության դրոշներով, լողունգներով, նվագախմբերով: Անվերջ ճառեր էին ասվում: Հոնտորներն արտահայտում էին իրենց ուրախությունը կատարվածի առթիվ, պատիվ էին մատուցում հերոս երիտթուրքերին, կեցցեններ էին հուշակում նրանց հասցեին, ցուցարարներին խանդավառում էին Օսմանյան կայսրության պայծառ ապագայի հեռանկարով¹:

Իսկապես որ որոշ բաներ փոխվում էին դեպի լավը: Բացի հրապարակային ցույցերից, միտինգներից, դասախոսություններից գումարվում էին քաղաքական տարբեր գունավորում ունեցող հավաքույթներ, կարգի էին բերվում հին դպրոցները և բացվում էին նորերը նույնիսկ երկրի ամենահետամնաց գյուղերում: Վերացվել էր կաշկանդիչ գրաքննությունը, և ամեն ոք կարող էր անարգել թերթ ու գիրք հրատարակել, իր ուզած գործը ձեռնարկել, տեղափոխվել ուր կամենար և այլն: Հայերը նույնիսկ սկսեցին խոսել համիդյան սարսափների տարիներին քրդերի և թուրքերի կողմից բռնագրավված իրենց հողերը հետ ստանալու մասին, իսկ երիտթուրքերը թղթի վրա ճանաչեցին հայերի «օրինական իրավունքը»:

Տեղի ունեցող քաղաքական ցույցերի, միտինգների ու ժողով-

ների ամենաբնորոշ առանձնահատկություններից մեկն այն էր, որ մասսայաբար եղբայրանում էին բոլորն իրար հետ. թուրքերը՝ ոչ թուրքերի, մուսուլմանները՝ ոչ մուսուլմանների: Երիտթուրքերը հատկապես արաբներին ու հայերին հայտարարելով թուրքերի եղբայրներ, հույս ունեին, որ այդ ժողովուրդները կբավարարվեն հուշկած «սահմանադրական» կարգերով և կդադարեցնեն ազգային-ազատագրական պայքարը: Օրերի ականատեսը գրում է, որ «ամեն օր հրապարակային ցույցեր տեղի կունենային, թուրք և հայ ճառախոսները կը շատագովելին երկու ազգերու համերաշխությունը և հավասարությունը»²: Մասսայական միտինգների ու ժողովների ժամանակ թուրքերը և հայերը գրկախառնվում էին, համբույրներ էին փոխանակում հայ տերտերներն ու թուրք մուլաները: «Բազմաշարժար հայերը, մոռացության տալով իրենց բոլոր կրածները, անկեղծորեն նվիրվեցին Փոքր Ասիայում սահմանադրականության ամրապնդմանը»³,— դեպքերի թարմ հետքերով գրում էր երիտթուրքերի հեղափոխության պատմության ոուս հետազոտողներից մեկը: Հեղափոխությամբ խանդավառված, հայերը ակնկալում էին ստանալ իրենց արդար բաժինը նրա բարիքներից: Վերհիշելով այդ օրերի հայոց խանդավառությունը, ականատեսը նշում է. «... Սկզբի օրերն այնքան վառ ու խոստումնալից եղան, հուշակուած սահմանադրութենեն ակնկալություններն այնքան մեծ, որ հայերս հավատացինք, թե այլևս վերջ գտած են մեր դարավոր տառապանքները, այսինքն թե՛ ո՛չ թուրքը և ո՛չ ալ մանավանդ քյուրդ ավազակը ա՛լ պիտ չհալածեն ու շկոտորեն մեզի»³:

Այդ ընդհանուր խանդավառությունից թերևս դուրս էր մնացել միայն Քուրդիստանը: Ծայրահեղ հետամնացության մեջ գրտնըվող քուրդ ժողովրդական մասսաների համար անըմբռնելի էին երիտթուրքական հեղափոխությունը, նրա հուշկած սահմանադրական կարգը: Ինչ վերաբերում է քուրդ աղաներին ու ցեղապետներին, որոնք տարիներ շարունակ սուլթան Աբդուլ Համիդի

¹ Մաթգիս և Միսակ Բզևանենե, *Հարազատ պատմություն Տարոնոյ, էջ 261*:

² «Турецкий сборник» (К событиям на Ближнем Востоке). Под редакцией И. М. Бикермана, С. Петербург, типография «Север», 1909, с. 224.

³ «Պատմություն Պաղեստան», էջ 133:

¹ Տե՛ս Գ. Յ. Ալիև, *Турция в период правления младотурок, էջ 109—113*:

բունապետական ռեժիմի շերմ պաշտպաններն էին և նրա հենարանը, հեղափոխության հաղթանակի լուրն ընդունեցին բացահայտ թշնամանքով: Այդ ֆեոդալները տաղնապ էին ապրում, թե նոր իշխանությունները կարող են երկրում օրինական կարգ հաստատել, որի պայմաններում անհնարին կլինի ցանկացած ձևով հարստահարել քուրդ աշխատավորներին և շարունակել անլուր բռնությունները անպաշտպան հայերի նկատմամբ¹: Քուրդ աղաների և բեգերի մի մասը, վախենալով հեղափոխությունից, փախավ Պարսկաստան²: Քրդական հետամնաց մասսաների մեջ հայերի դեմ կրթեր բորբոքելու նպատակով շեյխերն ու ավագանին նրանց համոզում էին, թե սահմանադրությունը մեծ դժբախտություններ է բերում քրդերին և որ դրա պատճառը «գյավուր» հայերն են՝ սահմանադրության հեղինակները, որոնք ցանկանում են ոտնատակ տալ շարիաթը և մահմեդականների հետ հավասար իրավունքներից օգտվել³:

Ինչևիցե, երկիրը հիմնավորապես «սահմանադրական գարուն» էր ապրում: Սակայն, այն ինչ չէին տեսնում և չէին կարող տեսնել հեղափոխությունից խանդավառված մասսաները, պարտավոր էին տեսնել, վերլուծել, կանխատեսել ազգի քաղաքական ուժերը. բայց ավաղ, հայ քաղաքական գործիչներից շատերն ընդունակ չեղան այդ բանն անելու: Ընդհանուր խանդավառության մթնոլորտում ազգային-ազատագրական շարժման մի շարք կազմակերպություններ (հատկապես արաբական և հայկական) շարեշար խաբվեցին՝ հավատալով երիտթուրքերի կեղծ խոստումներին: Նրանք շլացել էին հռչակված «սահմանադրական» կարգերից: Աններելի, ճակատագրական անհեռատնություն հանդես բերեց հատկապես դաշնակցությունը:

Հեղափոխության հաղթանակից մի շաբաթ հետո, 1908 թվականի հուլիսի 30-ին, դաշնակցություն կուսակցության Պոլսի պատասխանատու մարմինը շրջաբերական-թուղթիկ հրատարակեց ու տարածեց, որտեղ մասնավորապես ասված էր. «Օսման-

յան կայսրության մի ծայրից մյուսը հնչում է ազատության, հավասարության, եղբայրության կոչը: Երեկեան հանրաբանտը վերածուած է ազատաշունչ երկրի: Մուսլ, երկշոտ դեմքերի տեղ երևում են բերկրալից աչքեր. լուսնեան փոխարեն թագավորում է շարժում. ատելություն և քենի ավերակների վրա փշում է սիրոյ շունչը: Եվ ժողովրդական ամենադժբախտ խավերն անգամ, սովոր ստրկի համակերպության, անտեղևակ ազատության վայելքին, շարժվում, ծփում են ինչպես փոթորկուած ալիքներ, նախանշանը քաղաքական ավելի երջանիկ օրերի:

Հանրային կեանքը կերպարանափոխուած է. փողոցներում այլևս չկայ երեկեան բունապետության սոսկաբեր գործակալը՝ գաղտնի լրտեսությունը: Բանտերը դատարկուած են: Ազատության մարտիկները, ենթակա քաղաքական բանտարկության դժոխային ռեժիմի, ազատ օդումն են՝ գրկախառնուած ժողովրդի հետ, որին նրանք այնքան անձնուիրաբար ծառայեցին:

«Դեպի՛ բանտ» գոչողները իրենք են գնում բանտերը: Արտասուք տարածողները իրենք են ողբում: Շքազարդ փաշաներն ու մինիստրները, երեկեան ամենակարող տերերը արքունիքի, կառավարության և երկրի, սողում են յեղափոխության ոտքերի տակ, փախուստ տալիս ժողովրդական ցասման ճանկերից: Դերերը փոխուած են և սկսուած է մի ավերմունք այն բոլորի, ինչ... շնորհիվ բունապետական ռեժիմի, նկատվում էր անսասան, անփոփոխ, յավիտենական իսկ»⁴:

Այդ օրերին դաշնակցության պաշտոնական պատմարան Միքայել Վարանդյանը գրում էր. «1908 թվականը ոսկե տառերով կ'արձանագրուի համաշխարհային պատմության էջերում: Նոր հորիզոններ բացվեցան Ազատության գաղափարի առջև, մարդկային նոր դանգուածներ վեր բարձրացան մրափի ու անեություն անդունդներից և գրկեցին համամարդկային քաղաքակրթության դրոշը: ...«Իթիհադը» չի բավականանում Ֆրանսիական մեծ յեղափոխության երրորդության նշանաբանով. «Ազատություն», «Հավասարություն» և «Եղբայրություն» շարանին նա ավելացնում է «Արդարություն»⁵:

¹ Տե՛ս Գ. Յ. Алиев, Турция в период правления младотурок (1908—1918 гг.), էջ 113—114:

² Տե՛ս Ա. Ա. Համբարյան, Ազրարային հարաբերությունները Արևմտյան Հայաստանում, էջ 238:

³ Տե՛ս Ա. Ա. Համբարյան, Երիտթուրքերի ազգային ու հողային քաղաքականությունը և ազատագրական շարժումները Արևմտյան Հայաստանում (1908—1914), Երևան, 1979, էջ 17:

⁴ «Նյութեր 2. Յ. Դաշնակցության պատմության համար», Ա. հատոր, Բեյրութ, էջ 175:

⁵ Միքայել Վարանդյան, Վերածնունդ հայրենիքը և մեր դերը, Ժրնև, 1910, էջ 91—92, 94:

Դաշնակցութիւնը պաշտոնապէս հանդես եկավ երիտթուրքերի հետ անվերապահ «եղբայրանալու» և ազգային-ազատագրական շարժումից հրաժարվելու պահանջով՝ պարզ ու որոշակի հայտարարելով, թէ Արևմտյան Հայաստանը Օսմանյան կայսրութեան անբաժանելի տարածքն է:

1908 թվականի սեպտեմբերի 1-ին այսպէս կոչված «Հ. Յ. Դ. ներկայացուցիչներու խորհուրդը» մի փաստաթուղթ ներկայացրեց երիտթուրքական կառավարութեանը, որը կրում էր «Հայ. Յեղ. Դաշնակցութեան պահանջները» խորագիրը: Այդ փաստաթղթում, որը լույս տեսավ «Դրոշակի» նույն թվականի սեպտեմբեր-հոկտեմբերի միացյալ թվով (9—10), շեշտվում էր, որ «Թուրքաց Հայաստանը կը կազմէ կայսրութեան անբաժան մասը...»¹

Իր շորորդ համագումարում դաշնակցութիւնը նախատեսեց աներկրա պաշտպանել օսմանյան պետութեան ֆեդերատիվ սկզբունքը: Ի լուր ամենքի համագումարը հայտարարեց, որ դաշնակցութիւնը Թուրքիայում երբեք չի ունեցել և չունի անշատողական որևէ ձգտում, որ նա մերժում է Արևմտյան Հայաստանի անկախութեան գաղափարը: Համագումարում ընդունած դաշնակցութեան նոր ծրագրում ասված էր. «Թուրքահայաստանը կը կազմէ օսմանյան սահմանադրական պետութեան անբաժան մասը, հիմնուած տեղական լայն ինքնավարութեան վրա»:² Միքայել Վարանդյանը գրում էր, որ այդ ծրագիրն ընդունվեց՝ վերջ տալու համար թուրքերի մեջ տարածված այն «անհիմն թյուրիմացութիւններին», թէ դաշնակցականները պայքարում են Հայաստանի ինքնուրույնութեան համար:³

Դաշնակցութեան ղեկավարներն ու մտավորականները համառորեն պնդում էին, թէ «մենք բոլորս օսմանցի ենք», ուստի պետք է պայքարենք «հանուն հասարակաց հայրենիքի» ամբողջականութեան պահպանման ու ամրապնդման: Էդուարդ Ակնունին (Խաչատուր Մալումյան), Ատոմը (Հարութիւն Շահրիկյան), Կոմսը (Վահան Փափազյան), Գարեգին Խաժակը (Գարեգին Չազալյան), Արմեն Գարոն (Գարեգին Փաստրմաջյան), Վարդգեսը (Սերենկյուլյան) և ուրիշներ ամենուրեք հորդորում էին հայու-

թեանը՝ այլևս որևէ հիշատակութիւն չանել Բեռլինի կոնգրեսի 61-րդ հոդվածի մասին, դադարեցնել հակաթուրքական պրոպագանդան, թուրքերի հետ միասնաբար լծվել ողջ կայսրութեան վերելքի գործին: Նրանք իրենց խանդավառութեամբ թմրեցնում էին արևմտահայութեան զգոնութիւնը, սառը ջուր լցնում իր հայրենիքը զենքով փրկելու նրա ձգտումների վրա:

Պահանջելով ֆեդերատիվ սկզբունքի վրա կառուցված պետական կարգ, դաշնակցական պարագլուխները միաժամանակ հրաժարվեցին խզել կապերն իթթիհադի հետ, որը վճռականորեն հանդես էր գալիս այդ ֆեդերացիայի դեմ, ձգտում ստեղծել կառավարման այնպիսի ռեժիմ, որն ապահովեր պետութեան առավելագույն կենտրոնացում: Ավելին, նրանք իսկական սիրախաղ սկսեցին այդ ոճրագործ կուսակցութեան հետ՝ իրենց հռչակելով նրա անկեղծ բարեկամը:

Իթթիհադականների հետ մի բլոկ կազմած՝ դաշնակները գնացին դեպի օսմանյան խորհրդարանի (պառլամենտի) ընտրութիւնները, խիստ կարևորելով դրանց: Նախընտրական կամպանիայի օրերին փոխադարձ գովեստներն անպակաս էին: Խորհրդարանի կազմում հայերից ընտրվեցին դաշնակցականներ, հնչակյան հայտնի գործիչ Մուրատը (Համբարձում Պոյաճյան), «անկախներ»⁴: 1908 թվականի դեկտեմբերի 17-ին բացված խորհրդարանի առաջին նիստով սկսվեց Օսմանյան կայսրութեան «ժողովրդավարական» կյանքը: Խորհրդարանի 266 երեսփոխաններից 20-ը հույներ էին, 12-ը՝ հայեր, 5-ը՝ հրեաներ, 4-ը՝ բուլղարներ, 3-ը՝ սերբեր, մեկական երեսփոխան ունեին ուլահները, դրուզները և մարոնիթները: Մնացած 219 երեսփոխանները թուրքեր և մահմեդականներ էին:

Սահմանադրութեան համաձայն խորհրդարանից բացի ստեղծվեց նաև Մերակույտ (Սենատ): Բայց հակառակ սահմանադրութեանը, նրա անդամները ոչ թէ ընտրվում, այլ նշանակվում էին, այն էլ՝ սուլթանի կողմից: Ոմանք առարկեցին այդ կարգի դեմ,

¹ Տե՛ս Արսեն Մարմարեան, Զոր. Անդրանիկ և իր պատերազմները, էջ 186: Ավելորդ չէ նշել, որ Անդրանիկ Օզանյանի ընկերները նրան առաջարկել էին թեկնածութիւնը դնել պառլամենտում ընտրվելու համար, բայց նա կտրակապապէս մերժել էր այդ առաջարկը, ասելով, թէ այդ պառլամենտ կոչվածը մի նոր ծուղակ է, որ հայութեան համար սարքել են երիտթուրքերը (տե՛ս նույն տեղը):

² Տե՛ս «Մարմարա», 26 հոկտեմբերի 1965 թ.:

¹ «Նյութեր Հ. Յ. Դաշնակցութեան պատմութեան համար», Ա. հատոր, էջ 176:

² Տե՛ս «Դրոշակ», № 5 (183), մայիս, 1907, էջ 72:

³ «Մրագիր Հ. Յ. Դաշնակցութեան», Փրնկ, 1911, էջ 15—16:

⁴ Տե՛ս Մ. Վարանդեան, Հ. Յ. Դ. պատմութիւն, Բ. հատոր, 1950, էջ 2—3:

բայց Աբդուլ Համիդը, Սենատի անդամներ ընտրելու իրավունքն ու առանձնաշնորհումը վերջնականապես իրեն վերապահած համարելով, նրանց պատասխանեց. «Մերակույտը ազգի և սահմանադրության վերաքննիչ ուժն է, և նրա անդամների բացահայտ ճշնող մեծամասնությունն անպայման և անպայման պետք է լինեն թուրքեր ու մահմեդականներ»¹:

Պաշնակցականները դժգոհ չէին. նրանք իրենց լիովին բավարարված էին համարում Խորհրդարանում մի քանի տեղ ստանալով և Երախտապարտ էին «եղբայր» երիտթուրքերին:

Պաշնակցության պարագլուխները «սահմանադրության վեց տարիներու ընթացքին, ըլլայ ժողովներու մեջ, ըլլայ անհատապես, բոլորին կը քարոզեին, թե այլևս սահմանադրություն է, հավասարություն է, այլևս զենքի ուժով չէ, որ մենք ձեռք պիտի բերենք մեր ինքնուրույնությունը, այլ ժողովրդեան բոլոր խավերուն մեջ՝ նոյն իսկ քյուրդերուն մեջ ուսմունք տարածելով է, որ մենք կը հասնինք մեր բուն նպատակին»²: Եվ երբ ժողովների ընթացքում դաշնակցական ղեկավարներին հարց էին ուղղում, թե հարկ եղած դեպքում ինչպես պետք է ինքնապաշտպանություն կազմակերպել, նրանք, առանց հապաղելու, անպատասխանատու կերպով հայտարարում էին. «Սուրի դարը անցավ, աշխատեցեք կրթություն տալ ժողովրդին»³:

Հատկանշական է, որ երբ այդ օրերին դաշնակցականներն անվերապահորեն հավատ էին ընծայում երիտթուրքերի կեղծապատիր խոստումների հանդեպ և անզուսպ խանդավառության մեջ էին, թուրքերից շատերը զարմանք էին հայտնում, թե որքան միամիտ են նրանք: Թուրք պաշտոնյաներից մեկն իր ծանոթ հայերին ասում էր. «Պետք չկա անտեղի և ավելորդ ցույցերի և ուրախությունների: Մենք ձեզնից լավ ենք ճանաչում մեր սուլթանին. նա ֆերմաներ է հրատարակում ձեզ ուրախացնելու համար, և հետո ֆերմանը չի գործադրում մեզ ուրախացնելու համար: Եվ դուք գիտեք, թե որի ուրախությունն է տևական՝ մե՞րը, թե ձերը»⁴:

¹ «Մարմար», 26 հոկտեմբերի 1965 թ.:

² Սարգիս և Միսակ Բղևաններ, Հարազատ պատմություն Տարոնոյ, էջ 263:

³ Նույն տեղը, էջ 294:

⁴ Վեր. Յակոբ Կյուրլեքեան, Հայուն հրաշալի գոյատևումը և յառաջդիմությունը անցեալի և ներկայի ապագա հեռատեսիլով, Շիբակո, Իլինոյ, 1970, էջ 19:

Չնայած դաշնակցական գործիչների անվերապահ խանդավառությանը և իրենց տրամադրությամբ հայությունը վարակելու նրանց բոլոր ջանքերին, այնուամենայնիվ քիչ չէր նաև զգաստ մտածող հայերի թիվը: Օսմանյան սահմանադրության մուսլ խոստումներին, «Նուրիթ» կոչվածին հատկապես չէին հավատում հայ ազգային-ազատագրական շարժման ակտիվ մասնակիցները, մարտիկ-ֆիդայիները, որոնք անցել էին ավելի քան երկու տասնամյակների պայքարի ու տառապանքների բովով: «Սահմանադրությունն Լտք,— գրում էր նրանցից մեկը,— մենք՝ մեր անցեալ քսան տարիներու դառն փորձութեան տուած դասերով, բնավ երբեք հավատք չունեինք թուրք կառավարութեան անկեղծութեան վրա, կը փափակեինք, որ մեր կազմակերպութեան բոլոր գաղտնիքները չհաղորդուեն երիտասարդ թուրքերուն. ընդհակառակն, մենք ավելի պետք է հետամուտ ըլլայինք իմանալու անոնց գաղտնիքները: Մենք պետք է մտահոգուեինք մեր ինքնապաշտպանութեան խնդրով, անոր համար միջոցներ խորհեինք և զենք ու ռազմանյութ ձեռք բերելու մասին լրջորեն խորհրդակցեինք»¹:

Դեռ «մեղրամիսը» չլրացած, պարզ դարձավ, որ երիտթուրքերի 1908 թվականի հուլիսյան քաղաքական կատակերգությունը շատ հեռու է հեղափոխություն կոչվածից: Երիտթուրքական շարժումը, իբրև բողոք ֆեոդալական ինքնակալական ուժի դեմ, ավարտվեց հուլիսյան իրադարձություններով: Երիտթուրքերը լսել անգամ չէին ուղում ինքնակալության տապալման մասին: Նրանք թուրքական բուրժուազիայի և լիբերալ կալվածատերերի շահերի հարազատ արտահայտիչներն էին, չափավոր բուրժուական բարենորոգիչներ, ուստի լիովին բավարարված էին, որ սուլթանը իրենց թույլ է տվել մասնակցելու երկրի քաղաքական կյանքի ղեկավարմանը:

Ահա թի ինչու 1908 թվականի հուլիսի 24-ից հետո երիտթուրքերը շեշտակի շրջադարձ կատարեցին իրենց բարձրագույն հեղափոխական լողուններից, ամեն կերպ սկսեցին կծկել հեղափոխությունը, սանձել մասսաների հեղափոխական պաթոսը:

Երիտթուրքերի ղեկավարներից բժ. Նազրմը այդ օրերին ասում էր. «Երբ բորբոքվեց հեղափոխությունը և հռչակվեց սահմանադրությունը, կոմիտեն հասկացավ, որ իր հեղափոխական

¹ Սարգիս և Միսակ Բղևաններ, Հարազատ պատմություն Տարոնոյ, էջ 263:

դերը վերջացած է, և որ այսուհետև իր գործունեության մեջ պետք է հետևի էվոլյուցիոն և խաղաղ մեթոդին»¹:

Ահմեդ Ռիզան ուղղակի դավաճանություն էր համարում սուլթանական կարգերի նպատակահարմարությունը կասկածի տակ դնելը՝ գտնելով, որ ինքնակալը պետք է ամուր նստած մնա գահի վրա: «Իմ սերը հայրենիքի հանդեպ ինձ ստիպում է շկասկածել սուլթանի բարեխղճության վրա»²,— գրում էր նա այդ օրերին: Հեղափոխությունը, ասում էր նա, լիակատար հաղթանակ է տարել, ամբողջովին կատարել իր խնդիրը՝ կորզել է սուլթանական իրադե սահմանադրության վերականգնման և դեպուտատների պալատի առաջիկա ընտրությունների մասին: Հետևապես հեղափոխությունը խորացնելու ոչ մի հարկ չկա, և, ընդհակառակը, պետք է բավարարվել ձեռք բերածով: Հեղափոխության հետագա խորացումից, ասում էր Ահմեդ Ռիզան, կօգտավեն միայն օտարերկրյա տերությունները և ներքին անջատողական ուժերը, որոնք երազում են քայքայել կայսրությունը:

Եվ այսպես, իրենց սուլթանի թշնամի հռչակած երիտթուրքերը սկսեցին նախ երկչոտաբար, իսկ որոշ ժամանակ հետո՝ նաև բացահայտ գովաբանել Աբդուլ Համիդին այն բանի համար, որ ժողովրդին «պարզեցրել է» սահմանադրություն: Շատ շանցած նրանք հայտարարեցին, որ պատրաստվում են լայնորեն համագործակցել ֆեոդալական-ինքնակալական վարչության և սուլթանի արքունիքի հետ: Երիտթուրքերը վարելու էին այնպիսի քաղաքականություն, որն ուղղված էր լինելու միայն ու միայն թուրք բուրժուազիայի դասակարգային շահերի պաշտպանությանը և թուրքական էթնոսի դոմինացիային:

Ինչպես տեսնում ենք, 1908 թվականի հունիս-հուլիս ամիսներին հեղափոխությանը մասնակցած երիտթուրքական ուժերը նախապես հետապնդում էին տարբեր ծրագրեր, տարբեր կերպ էին պատկերացնում հեղաշրջման նպատակներն ու խնդիրները: Հեղափոխության հաղթանակից հետո ավելի պարզ ու որոշակի դրսևորվեցին այդ ուժերի միջև եղած խոր հակասությունները,

որոնք գլխավորապես արտահայտվում էին սուլթանի և սուլթանական կարգերի պահպանման կամ վերացման հարցերի շուրջը:

Երիտթուրքերի հակահեղափոխական տրամադրությունները հատկապես ցայտուն դրսևորվեցին ազգային հարցի նկատմամբ նրանց վերաբերմունքի մեջ:

Հենց «եղբայրացման» առաջին իսկ օրերին երիտթուրքերի պարագլուխներն ազգային-ազատագրական շարժման կազմակերպություններից ու կոմիտեներից պահանջեցին իրենց մոտ եղած զենքերը հանձնել նոր իշխանություններին:

Հետևելով «եղբայր» երիտթուրքերի հորդորներին, ազգային-ազատագրական շարժման շատ կազմակերպություններ կատարեցին այդ պահանջը: Մի շարք տեղերում այդպես վարվեցին նաև հայերը: Դաշնակ գործիչների քարոզների հետևանքով նրանցից շատերի մոտ այն համոզումն էր ստեղծվել, թե սահմանադրական երկրում ավելորդ է անձնական զենք պահելը: Այդ էր պատճառը, որ, ինչպես վերհիշում է դեպքերի ականատեսը, «հին գործիչ ընկերներեն շատերը՝ իրենց արյան գնով ձեռք բերած զենքերը այլևս անպետք նկատելով, սկսան աժան գնով զանոնք ծախել թուրքերուն և քյուրդերուն և անոնց փոխարեն՝ իրենց ունեցած գոմեշներուն, եզներուն, ոչխարներուն վրայ նորեր ավելացնել, և այդ կողմեն մրցիլ իրարու հետ»¹: Այդ բոլորի համար նրանք հետագայում պետք է շատ զղջային:

Օգտագործելով դաշնակցության քաղաքական կուրուքությունը, իթթիհադականները այնքան «մոտեցան» նրան, որ լիովին իմացան նրա ծրագրերն ու նպատակները, տեղեկացան նրա կառուցվածքին, ղեկավար կենտրոններին, զենքի կուտակման վայրերին, նույնիսկ՝ արխիվներին, իրենց ձեռքը գցեցին կուսակցության տեղական կազմակերպությունների ցուցակները, ճանաչեցին համարյա բոլոր ղեկավարներին: Դաշնակցականներ ջավեն և վարդուհի նալբանդյանները խոստովանում էին, որ իրենց կուսակցության նման ընթացքը «կաշկանդեց հայ ինքնապաշտպանության թևերը» և անպատրաստ ժողովուրդը մատնեց նոր արհավիրքների²:

¹ А. А. Алимов, Революция 1908 г. в Турции (в сб. «Пробуждение Азии», М., 1935, с. 44).

² Г. З. Алиев, Турция в период правления младотурок (1908—1918 гг.), с. 116.

¹ Սարգիս և Միսակ Բղևանեհե, Հարազատ պատմություն Տարոնոյ, էջ 294—295:

² Տե՛ս Զարեվանդ, Ինչ կժրագրեն թուրքերը՝ միացեալ անկախ Թուրանիս Թոստոն, 1926, էջ 140:

ինչ վերաբերում է քրդերին, ալբանացիներին և մանավանդ մակեդոնացիներին, ապա սրանց մտքով նույնիսկ չէր անցնում, թե կարելի է զինքերը հանձնել կառավարությանը կամ վաճառել:

Սահմանադրության հռչակումից հետո երիտթուրքերը ձեռնամուխ եղան «համիդիե» զորքի լուծարքին: Շուտով հրաման եղավ «համիդիեները» Սիրիայում և կայսրության արաբաբնակ մյուս վայրերում վերացնելու մասին: Բայց նոր իշխանությունները բնավ ձեռք չտվեցին քրդերից կազմված «համիդիեներին»: Հայկական լեռնաշխարհը ասպատակող քրդական հեծելազորային զնդերը ոչ միայն չէին զինաթափվում, այլև գաղտնի կամ բացահայտ գնեք ու զինամթերք էին ստանում իշխանություններից: Բանը վերջացավ միայն նրանով, որ «համիդիե» զնդերը, որոնց թիվն այդ ժամանակ հասել էր 65-ի և որոնցում հավաքագրված էր 30 հազար հոգի, վերանվանվեցին «իթիհադ» զորամիավորումների: Հեղափոխությունից վախեցած և Պարսկաստան փախած քուրդ աղաները և բեգերը երիտթուրքերի առաջարկով վերադարձան իրենց տեղերը:

Ձեռքերը իշխանություններին հանձնելու կարգադրությունները բացահայտ թշնամանքով դիմավորեցին հատկապես մակեդոնացիները: Երիտթուրքերի համառ պահանջներին հակառակ, մակեդոնական ապստամբ շեռնիկական ջոկատները զենքերը հանձնեցին ոչ թե թուրքական իշխանություններին, այլ իրենց ազգային կոմիտեներին:

Ինչպես հետագա իրադարձությունները ցույց տվեցին, մակեդոնացիների այդ զգուշավորությունը մի կողմից թելադրված էր անցյալի պատմական փորձով, մյուս կողմից իրենց ղեկավարների քաղաքական հեռատեսության և հաշվենկատության արդյունք էր:

Ոչ թուրք ժողովուրդների ազատագրական շարժման այն ղեկավարները, որոնք մեծ զգուշություն էին հանդես բերում, համոզված էին, որ երիտթուրքերը անպայման կիսախտեն կայսրության քրիստոնյա ժողովուրդների համար իրավահավասարություն ստեղծելու մասին տված խոստումները:

Ձեռքերը նոր իշխանություններին հանձնելու մասին երիտթուրքերի պահանջը շատ բան էր ասում: Արդեն նույն՝ 1908 թրվականի ամռան վերջերից սկսած ոչ թուրք ժողովուրդների ազգային-քաղաքական շրջաններում կասկածներ էին հայանվում հնարավոր վերափոխումների հարցերի շուրջը: Այդ շրջանները

չահանադրված էին հեղափոխությունն ուղղել ինքնակալության դեմ: Այլ խոսքով, նրանք այն կարծիքին էին, որ սահմանադրության վերականգնումով չի վերջացել պայքարը, որ այն դեռ առջևում է:

Խոսքով հռչակելով կայսրության բոլոր ժողովուրդների իրավահավասարությունը, երկրի բոլոր քաղաքացիների իրավունքների ու պարտականությունների միանմանությունն օրենքի առջև, երիտթուրքերը դրանով իսկ փորձում էին ոչ թուրք ժողովուրդներին համոզել, թե Օսմանյան կայսրության մեջ այլևս ազգային հարց չկա, թե այդ հարցը մեկ հարվածով լուծել է հեղափոխությունը: Իրականում երիտթուրքերի հեղափոխությունը չէր լուծել ու չէր կարող լուծել ազգային կնճռոտ հարցը: Նոր կառավարողների կիսատ-պռատ խոստումներն այդպես էլ մնում էին խոստումներ: Կայսրության ողջ տարածքը ծվատվում էր ազգային հակասություններից: Ոչ թուրք ժողովուրդները մերժում էին ձևական իրավահավասարությունը՝ ձգտելով անկախության, ինքնուրույն պետականության հաստատման: «Օսմանիզմի» գոկտրինայից բխող ազգային քաղաքականությունը չէր կարող գոհացնել անկախ կյանք երազող քրիստոնյա և մահմեդական ոչ թուրք ժողովուրդներին:

Կիովին բավարարվելով հեղափոխության կիսահաղթությամբ, երիտթուրքերը գործի դրեցին բանակն ու ժանդարմերիան՝ խեղդելու համար այս կամ այն վայրում տակավին շարունակվող կամ նոր ծագող ապստամբական հուլումները: 1908 թվականի հուլիս-օգոստոս ամիսներին երիտթուրքերը դաժանորեն ճնշեցին Թուրքիայի բանվոր դասակարգի առաջին հեղափոխական ելույթները¹: Նույն տարվա սեպտեմբեր-հոկտեմբեր ամիսներին նրանց կողմից վերահսկվող սուլթանական կառավարությունն ընդունեց գործադուլներն արգելող մի շարք օրենքներ, դրանց թվում՝ «Գործադուլների մասին» դրակոնյան օրենքը²: Առավել անհանդուրժողականությամբ ու դաժանորեն ճնշվում էին ոչ թուրք ժողովուրդների սոցիալական շարժման ամենափոքր իսկ դրսեվորումները: Ոչ ոք այլևս իրավունք չունեի դուրս գալու «օրինական» «սահմանադրական» շրջանակներից:

Եվ այսպես, պարզ էր դառնում, որ երիտթուրքերի կատա-

¹ Տե՛ս Ю. А. Петросян, Младотурецкое движение, էջ 308:

² Տե՛ս Г. З. Алиев, Турция в период правления младотурок, էջ 169—170:

րած հեղափոխութիւնը իր զարգացման մեջ բացահայտորեն աչ է գնացել՝ նպատակ ունենալով անշարժ թողնել Օսմանյան կայսրութեան ֆեոդալական կարգերի հիմքերը: Երիտթուրքական հեղափոխութեանն ամենաճիշտ բնութագրումներ տվեցին Վ. Ի. Լենինը և նրա զինակիցները: Հեղափոխութեան հաղթանակից ընդամենը մի քանի օր հետո Վ. Ի. Լենինը «Պրոլետարի» թերթի 1908 թվականի № 33-ում գետեղված «Դյուրավառ նյութ համաշխարհային քաղաքականութեան մեջ» հոդվածում գրեց. «Թուրքիայում հաղթանակեց երիտթուրքերի ղեկավարած հեղափոխական շարժումը զորքերի մեջ... Այդ հաղթանակը կես հաղթութիւն կամ նույնիսկ հաղթութեան մի փոքր մասն է, որովհետև թուրքական նիկոլայ երկրորդը առայժմ գլուխն ազատել է թուրքական հռչակավոր սահմանադրութիւնը վերականգնելու խոստումով»¹:

Երկու ամիս հետո Վ. Ի. Լենինը վերստին անդրադառնում է երիտթուրքական հեղափոխութեանը: Ճշգրտորեն բնութագրելով իշխանութեան գլուխ անցած թուրքական բուրժուազիայի և լիբերալ կալվածատիրութեան շահերն արտահայտող երիտթուրքերի քաղաքականութիւնը և դրա հանդեպ եվրոպական պետութիւնների համակրանքը, Վ. Ի. Լենինը նույն թվականի հոկտեմբերին «Պրոլետարի» թերթի № 37-ում գրում էր. «Երիտթուրքերին գովում են շահավորութեան և զսպվածութեան համար, այսինքն՝ թուրքական հեղափոխութիւնը գովում են այն բանի համար, որ նա թույլ է, այն բանի համար, որ նա չի արթնացնում ժողովրդի ստորին խավերին, չի հարուցում մասսաների իսկական ինքնուրույնութիւնը, այն բանի համար, որ այդ հեղափոխութիւնը թշնամի է Օսմանյան կայսրութեան մեջ սկսվող պրոլետարական պայքարին...»²

Տարիներ հետո Վ. Ի. Լենինը, կրկին անդրադառնալով երիտթուրքերի հեղափոխութեանը, «Պետութիւն և հեղափոխութիւն» աշխատութեան մեջ գրել է. «Եթե օրինակի համար վերցնենք XX դարի հեղափոխութիւնները, ապա հարկ կլինի, իհարկե, պորտուգալական ու թուրքական հեղափոխութիւններն էլ բուրժուական համարել: Բայց նրանցից ո՛չ մեկը, ո՛չ էլ մյուսը «ժողովրդական» չեն, որովհետև ժողովրդի մասսան, նրա վիթխարի

մեծամասնութիւնը ակտիվ, ինքնուրույն, իր սեփական տնտեսական ու քաղաքական պահանջներով նկատելիորեն հանդեպ չի գալիս այդ հեղափոխութիւններից և ոչ մեկի մեջ»³:

1909 թվականի մայիսին, «Թուրքիայի իրադարձութիւնների շուրջը» հոդվածում բուլղարիկյան կուսակցութեան ականավոր գործիչ, Վ. Ի. Լենինի զինակից Բոզդան Կնունյանցը նշում էր, որ Ռուսաստանի բուրժուական գործիչները հիացած են երիտթուրքերի կիսամիջոցներով ու զգուշավորութեամբ, անարյուն հեղափոխութեամբ, որի դերակատարները, նրանց խոսքերով ասած, «հանճարեղ կերպով տարան ազգային գործը» և առանց որևէ «դասակարգային պայքարի ու պրոլետարական պահանջների» «նվաճեցին ազատութիւն»⁴: Իսկ ինչո՞ւ ոուս բուրժուաներն ու կիբերալները կեղծավորաբար այդպիսի գովեստներ են շռայլում երիտթուրքերի հասցեին: Իհարկե, ասում էր Կնունյանցը, ոչ թե թուրքական հեղափոխութեան և նրա գործիչների նկատմամբ տածած համակրանքից («ըստ էութեան նրանցից շատերը թքել են երիտասարդ թուրքերի վրա»), այլ «ոուսական հեղափոխութիւնն ու հատկապես նրա կողմին՝ բանվոր դասակարգին վարկաբեկելու թաքուն նպատակով»: Նրանք բոլոր կտուրներից նշավակում են «հայրենի հեղափոխականներին», որոնք, իբր, նրանց խոսքերով ասած, «ոչինչ անել չկարողացան, այլ միայն Ռուսաստանը դարձրին պատժիչ ջոկատների և ռազմադաշտային արդարադատութեան երկիր»⁵:

Կնունյանցը այնուհետև նշում է, որ չնայած ոուսական հեղափոխութեան պարտութեանը և երիտթուրքական հեղափոխութեան հաղթանակին, հասարակական զարգացման վրա ոուսական հեղափոխութեան ազդեցութիւնն անշահելի է, այն ունի պատմական վիթխարի նշանակութիւն: «Ռուսական հեղափոխութիւնը, — գրում էր Կնունյանցը, — չնայած իր պարտութեանը, հսկայական գործ կատարեց: Նա ալեկոծեց ոուսական կյանքն ամբողջ խորութեամբ: Նա նպաստեց բազմամիլիոնանոց գյուղացիութեան արթնացմանը, տեղից շարժեց պրոլետարիատին և դասակարգային պայքարի առաջին լուրջ դասերը տվեց նրան, բուրժուազիային մղեց քաղաքական կազմակերպման ուղին, խո-

¹ Վ. Ի. Լենին, ԾժԺ, հ. 17, էջ 211:

² Նույն տեղը, էջ 268:

³ Վ. Ի. Լենին, ԾժԺ, հ. 33, էջ 49—50:

⁴ Բոզդան Կնունյանց, Ընտիր երկեր, «Հայաստան» հրատարակչութիւն, Երևան, 1978, էջ 540:

⁵ Նույն տեղը, էջ 540—541:

շոր հողատերերին ստիպեց մոբիլիզացնել իրենց ուժերը և կանգնել իրենց արտոնությունները պառլամենտի միջոցով պաշտպանելու ուղու վրա: Այդ ամենը մեծ պլյուս է մասսաների քաղաքական դաստիարակության համար: Դեռևս չհասնելով իր անմիջական նպատակին՝ քաղաքական այնպիսի կարգի նվաճմանը, որը համապատասխանում է զարգացող բուրժուական հասարակարգի շահերին, ռուսական հեղափոխությունը, այնուամենայնիվ, վիթխարի զարկ տվեց Ռուսաստանի առաջխաղացմանը՝ նրա քաղաքական ու սոցիալական հարաբերություններին եվրոպականացման ճանապարհին»¹:

Իսկ ի՞նչ տվեց հաղթանակած թուրքական հեղափոխությունը, որին անզուսպ գովեստներ էին շռայլում ռուսական հեղափոխության հակառակորդները: «Այն ժամանակ, երբ ռուսական հեղափոխության գործող ուժը բնակչության բազմապիսի դասակարգերն էին»², որոնք իրենց առջև մեծ ու բազմադան խնդիրներ էին դրել, թուրքական հեղափոխությունը, ընդհակառակն, շատ սահմանափակ ու նեղ խնդիրներ էր դրել իր առջև: Մյուս կողմից այն ընթանում էր սոցիալական ավելի պարզ իրադրության մեջ: Բացի այդ, թուրքական հասարակությունը դասակարգային տեսակետից դեռևս խիստ շերտավորված չէր, նրանում Բ. Կնունյանցի արտահայտությամբ, կապիտալիզմը դեռ նոր էր բացում իր առաջին արահետները, բնակչության վիթխարի մեծամասնությունը ապրում էր բնատնտեսության պայմաններում, ամբողջ շրջաններ բնակեցված էին քոչվորներով: Պետական կարգը տիպիկ ասիական բռնապետություն էր, որտեղ սուլթանը, նույն ինքը՝ խալիֆը, իր հպատակների կյանքի և ունեցվածքի լիիրավ տերն էր³:

Ի տարբերություն Ռուսաստանի, գրում էր Բ. Կնունյանցը, Թուրքիայի հասարակական կյանքում ամենալուրջ հակասություններն առաջանում էին ազգային հողի վրա, որի խորացմանը նպաստում էր սուլթանական ռեժիմը, մշտապես ատելություն և թշնամանք բուրբոքելով կայսրության ազգերի միջև: Դա թուլացնում էր պետությունը, նրան դեպի կործանում էր տանում, որի հետ հաշտվել չէին ուզում թուրք ազգի առավել կուլտուրական մասի տրամադրություններն արտահայտող և երիտթուրքերի

գաղափարական ազդեցության տակ գտնվող բարձրագույն շինվածիկությունն ու սպայությունը: Սրանք էին, որ կանգնած լինելով «ազգի միակ կազմակերպված ուժի՝ զորքի զուլխ... գարձան հեղաշրջման ակտիվ ուժ»: Հեղաշրջում կատարելով, նրանք նպատակ ունեին «Թուրքիան ասիական բռնապետությունից վերածել եվրոպական քաղաքական ռեժիմ ունեցող երկրի, սահմանադրական երկրի, ուր դուռ քաղաքական բնույթի ունեցողները հեղաշրջման գլխավոր խնդիրն էին»: Երիտթուրքական հեղափոխությունը «երկիրը հասցրեց զորքի գերիշխանությանը, քաղաքական այնպիսի կարգի, երբ ազգը ենթարկվում է զինվորի հրամանին: Բնակչության լայն խավերը, գյուղացիները և քաղաքային մանր արհեստավորներն առայժմ բոլորովին մի կողմ են քաշված հեղաշրջումից և իրենց պահանջներով հանդես չեն գալիս»¹: Ժողովրդական մասսաներին ոչ ոք հաշվի չէր առնում, որովհետև հեղաշրջումը ոչ թե մասսան, այլ մի խումբ հեղափոխականներ էին կատարել:

Ի մի բերելով թուրքական հեղաշրջման մասին իր մտքերը, Բ. Կնունյանցը եզրակացնում էր. «Երիտասարդ թուրքերի հեղափոխությունը զարկ կտա օսմանյան ազգի զարթոնքին. սա է նրա պատմական հսկայական նշանակությունը, բայց այդ հեղափոխությունն ինքնին դեռ բնավ չի նշանակում անցում արեվելյան բռնապետությունից դեպի եվրոպական պառլամենտարիզմ»²:

Երիտթուրքերի հեղափոխությանը նման գնահատական էր տալիս նաև ապագա անձնագործ բուլշևիկ Արսեն Ամիրջանը: Իր հողվածներից մեկում, որն անտիպ է և պահպանվում է արխիվում, նա գրում էր, որ հակահեղափոխական բոլոր ուժերը ողջունում են այդ հեղափոխությունը, քանի որ «թուրք բուրժուազիան ոչ մի վախ չունի պրոլետարիատից, որը ներկայացնում է, գոնե առայժմ, մի արհամարհելի ուժ: Ինչ վերաբերում է գյուղացիությանը, նա թեև բազմամիլիոն, բայց գտնվում է այնպիսի աննպաստ պայմանների մեջ, որ անկարող է ինքնուրույն դեր կատարելու»³: Ա. Ամիրջանը հիմնականում թուրք գյուղացիությանը դիրքորոշմամբ էր բնութագրում երիտթուրքական հեղափոխու-

¹ Բոգդան Կնունյանց, Ընտիր Երկեր, էջ 543--544:
² Նույն տեղը, էջ 541:
³ Նույն տեղը, էջ 542:

¹ Բոգդան Կնունյանց, Ընտիր Երկեր, էջ 542:
² Նույն տեղը, էջ 544:
³ ՄԼԻ ՀՄԿԱ, ֆ. 4021, ց. 1, գ. 18, թթ. 2—3:

թյունը: «Իսկ այն նահապետական դժբախտ սոցիալ-տնտեսական պայմանները,— գրում էր նա,— որոնց մեջ գտնվում է թուրք գյուղացին, դարձնում է նրան մի անօգնական խեղճ արարած, զուրկ միանգամայն փոքր ի շատե գիտակցական կոիվ մղելու ընդունակությունից: Ճիշտ է, հարստահարությունը և հալածանքը տիրող դասակարգի կողմից համբերատար թուրք գյուղացիությանը երբեմն հասցնում են վրդովմունքի աստիճանի, բայց այդ վրդովմունքը նա միշտ մղել է ամենաթույլ դիմադրության ուղղությամբ: Անկարող լինելով գիտակցել իր դժբախտության իսկական պատճառները կամ ուժ չունենալով դիմադրել ուժեղ թշնամուն՝ տիրող դասակարգին, թուրք գյուղացիությունն իր կատաղությունը միշտ թափել է ստրուկ քրիստոնյա ազգերի վրա, որոնց վերաբերմամբ նա վայելել է տիրող ազգության արտոնությունները: Այսպիսով, թուրք գյուղացիությունը ոչ միայն ոչ մի հեղափոխական դեր չկատարեց, այլև գործիք հանդիսացավ կուլտուրայես ավելի բարձր ազգերին սուլթանական բռնապետության ձեռքին պահելու համար»¹:

Օգտվելով նոր ուժի մի անկայունությունից և անհետևողականությունից, սուլթանական ռեակցիան մոբիլիզացրեց իր ուժերը և 1909 թվականի ապրիլի 13-ին հակահարված տվեց երիտթուրքերին՝ նրանց քշելով պառլամենտից և կառավարությունից: Եվ ահա երկրորդ անգամ երիտթուրքերը ստիպված էին պայքարել իշխանության համար: Աբդուլ Համիդի դեմ այս անգամ դարձյալ հանդես եկավ Եվրոպական թուրքիան՝ Սալոնիկ կենտրոնով: Երիտթուրքերին միացան մակեդոնական ազգային-ազատագրական շոկատները²: Ենթոյա համառ կոիվներից հետո, 1909 թվականի ապրիլի 24-ին, սուլթանը նորից պարտություն կրեց և ապրիլի 27-ին գահընկեց արվեց: Այս անգամ էլ երիտթուրքերը վերջ շտվին նրա կյանքին և բավարարվեցին նրանով, որ նրան մայրաքաղաքից հեռացրին Սալոնիկ³: Նորից վերականգնվեց երիտթուրքերի տիրապետությունը: Նոր սուլթան հռչակվեց արդեն ծեր, թուլակազմ ու անգործունյա գահաժառանգ Ռեշադը՝ Աբդուլ Համիդի եղբայրը՝ Մեհմեդ V անվամբ:

¹ ՄԼԻ ՀՄԿԱ, ֆ. 4021, ց. 1, գ. 18, թթ. 5—6:

² ՏԵՄ «История македонского народа», էջ 205:

³ Բալկանյան պատերազմի ժամանակ, 1912 թ., երիտթուրքերը Համիդի բերեցին Պոլիս, որտեղ և արյունարբու սուլթանը մահացավ բնական մահով, 1918 թվականին:

Սուլթան Համիդի գահընկեցությունից անմիջապես հետո, օսմանյան խորհրդարանի նախագահ ընտրված իթթիհադի պարագլուխ Ահմեդ Ռիզան շտայեց հայտարարել, թե «մենք արյան մեջ կխեղդենք անջատողական ամեն մի շարժում»: Թուրք պաշտոնեությունը սպասում էր հարմար առիթի:

1909 թվականի ապրիլյան քաղաքական իրադարձությունները զուգորդվեցին հայ ժողովրդի համար մի նոր ծանր աղետի հետ: Երիտթուրքերը և սուլթանի կողմնակիցները, որոնք ատամները կրճատացնում էին հայերի վրա, նրանց «մի լավ դաս տալու» հարցում տարածայնություն չունեին: Այդ նպատակով մշակված ծրագրի համաձայն նրանք հերթական նախճիրը գործեցին: Այս անգամ նոր խժոճությունների ասպարեզ դարձան Կիլիկիայի Ադանա քաղաքը և շրջակա հայկական գյուղերը: Թուրք կանոնավոր զորքը և շտվինիստական մոլուցքից կուրացած ապադասակարգայնացված խուժանը 1909 թվականի ապրիլին այս վայրերում կոտորեցին 30 հազար հայի: Միաժամանակ հրոճարակ դարձավ 300 ագարակ, հափշտակվեց ավելի քան 10 հազար գլուխ անասուն: Նյութական ընդհանուր վնասը կազմեց ավելի քան 80 միլիոն դոլար¹: Այդ ամենի համար ոչ մի թուրք պաշտոնյա պատասխանատվության չկանչվեց: Իբրև ջարդի մեղավորներ երիտթուրքերը մատնացույց էին անում համիդականներին, բայց իրականում իրենք էին ջարդը կազմակերպել և մասնակցել հայերի նոր կոտորածին: Երիտթուրքական կառավարությունը հարցը փակեց, մեղքը բարդելով Աբդուլ Համիդի վրա: Ավելին, շատ շանցած ջարդարարների հասցեին անսքող կերպով գովեստի խոսքեր ասվեցին, իսկ Ադանայի նահանգապետը կառավարական պարզև ստացավ:

Ադանայի արյունոտ ջարդը ցույց տվեց, որ ազգային հարցում երիտթուրքական կառավարությունը լիովին համախոհ է համիդյան ուժի մեջ, և ըստ էության ոչինչ չի փոխվել, որ երիտթուրքերը անուղղելի ազգայնամոլներ են, հայատյաց և դավադիր, գառան մորթով հին գայլեր: Այդ կոտորածների ժամանակ և հետո օսմանյան սահմանադրությունը մնաց օդից կախված: «Օսմանիզմը» վերջնականապես վերածվեց թունոտ շովինիզմի: Պարզ դարձավ, որ երիտթուրքերի ուժի մեծ աղետներ է բերելու հայ ժողովրդի գլխին:

¹ ՏԵՄ Հայկազն Գ. Ղազարեան, Ցեղասպան թուրքը, էջ 173:

Երկրում շովինիզմի լայն տարածումը, հատկապես հայկական ջարդերի նոր ալիքի բարձրացումը, հետևանք էր նաև այն բանի, որ վերահաս համաշխարհային պատերազմին նախորդող տարիներին շովինիստական մոլուցքը լիովին սանձադնեցվել էր Անգլիայում, Գերմանիայում, ցարական Ռուսաստանում և կապիտալիստական մյուս երկրներում: Թուրք օսմանների արյունոտ պատմության օրինաչափ շարունակությունը պետք է լիներ շովինիստական այդ մոլուցքի պայմաններում անլուր խժոժությունների նոր ալիքի բարձրացումը, որն իր հետ բերելու էր նոր ողբերգություններ:

Թվում էր, թե գոնե Ադանայի դեպքերից հետո դաշնակցություն կուսակցությունը վերջապես կսթափվի, ուշքի կգա և լիովին իր կայերը կխզի երիտթուրքերից: Դժբախտաբար այդ բանը տեղի չունեցավ, շնայած շարքային շատ դաշնակցականներ իրենց ղեկավարների առջև համառորեն դնում էին իթթիհադական կառավարող կուսակցության հետ կապերը խզելու պահանջը: Չունկնդրելով սթափ ձայներին, դաշնակցության պարագլուխները շարունակում էին բարեկամություն անել երիտթուրքերի հետ:

1909 թվականի սեպտեմբերին դաշնակցություն կուսակցության 5-րդ համագումարը որոշում ընդունեց շարունակել սերտ հակագործակցությունը իթթիհադի հետ: Համագումարից շատ շանցած իթթիհադի և դաշնակցության ղեկավարները մի փաստաթուղթ ստորագրեցին, որը լույս տեսավ «Դրոշակ» թերթում՝ «Համերաշխություն իթթիհատի և դաշնակցության միջև» խորագրով: Այդ փաստաթղթի 3-րդ կետում հանդիսավորապես ասված էր. «Օսմանեան նվիրական հայրենիքը անշատումե և բաժանումե զերծ պահելը՝ երկու կազմակերպութեանց միացած գործունեութեան նպատակակետը ըլլալով, անոնք (իթթիհադը և դաշնակցությունը:— Ն. Ս.) պիտի աշխատին գործնականապես ցրել հանրային կարծիքին մեջ բռնակալ ուժի մեջ ժառանգ մնացած այն սուտ գրոյցները, թե հայերը անկախութեան կը ձգտին»¹:

Դաշնակցությունը սերտորեն գործակցում էր իթթիհադի հետ, նրա պատգամավորները թուրքական պառլամենտում պաշտ-

պանում էին կառավարության ներքին և արտաքին քաղաքականությունը:

Դաշնակցական մամուլը, մտավորական ուժերը, գործիչները լայնորեն պրոպագանդում և լուսաբանում էին իրենց կուսակցության V համագումարի որոշումները, իթթիհադի հետ համագործակցության մասին դաշնակ ղեկավարության ստորագրած փաստաթուղթը: Ահա մի բնորոշ ու արտաոտց օրինակ:

1910 թվականին Պոլսում լույս տեսավ դաշնակցական հայտնի գործիչներից մեկի՝ Ատոմի «Մեր հավատամքը» գրքույկը, որտեղ նա հայ ընթերցողներին հրամցնում էր հետևյալ «գոհարները»: «Այսօր,— գրում էր նա,— Թուրքիոյ մեջ օսմանեան սահմանադրութիւնը կը պահպանուի բանակին ուժով. վաղը անպայման պիտի պահպանուի օսմանեան միութիւնը կազմող աշխատավոր, սահմանադրական ժողովուրդներու կազմակերպուած ուժով»²: «Ազգերու համագործակցութեան ստանձնելիք դերն է, որ պիտի փրկէ ընդհանուր հայրենիքը, պիտի հաստատուի ամբապնդե ունկալար սահմանադրութիւնը»³:

Եվ այս ամենը դաշնակ գործիչը գրում էր Կիլիկիայի աղետից շատ շանցած: Ավելին, հեղինակը նախատում էր այն հայ սթափ գործիչներին, որոնք Ադանայի կոտորածներից հետո հայությունը ղզուշացնում էին, թե իթթիհադականները նոր աղետներ են նախապատրաստում հայ ժողովրդի համար: Այդպիսիներին նա մեղադրում էր... «ազգադավության» մեջ: «Թերահավատները», գրում էր նա, «Կիլիկեան աղետը և անոր հետևանք միջադեպերը շահագործեցին սրտացավութեան, ազգասիրութեան դիմակի տակ, ամենաճարպիկ ազգադավութեամբ»⁴: «Հակահարված տալով» այն «հոռետեսներին», որոնք ասում էին, թե ուր որ է հայ ժողովրդի գլխով մի նոր սև խորշակ է անցնելու, Ատոմը գրում էր. «Կարող ենք ապահով ըլլալ, որ այլևս ամենաձայրահեղ դժբախտութեան պարագային, գեթ միայնակ կոտորուելու չենք: Կոտորելու եկող հորդաններուն դեմ թուրք և հայ, իթթիհադական ու դաշնակցական միասին կանգնած միասին պիտի դիմագրավեն վտանգը»⁵:

Այսպես էր դաշնակցությունը օրոր ասում ժողովրդին՝ երիտթուրքական գազանի բացված երախի առջև:

¹ «Դրոշակ», 10—11 (հոկտեմբեր-նոյեմբեր), 1909, էջ 152:

¹ Ատոմ, Մեր հավատամքը, Պոլիս, 1910, էջ 16:

² Նույն տեղը, էջ 88:

³ Նույն տեղը, էջ 16:

⁴ Նույն տեղը, էջ 106:

ԹՈՒՐՔԻՉՄ

Դեպքերը զարգանում էին արագ: Գնալով ակնհայտ էր դառնում, որ «օսմանյան ազգի» գաղափարն անիրագործելի է: Երիտասարդ թուրքերի կիսատ-պուստ հեղափոխությունից հետո բոլորի համար պարզ դարձավ, որ կայսրության այլացեղ ու այլադավան ժողովուրդներին միավորելու նպատակին ուղղված երիտթուրքերի ձգտումն անիրագործելի է:

Չնայած մինչև 1908 թվականի հեղափոխությունը և դրան հաջորդած մեկ-երկու տարիներին էլ օսմանիզմը դեռևս շարունակում էր մնալ երիտթուրքերի հիմնական գաղափարական կոնցեպցիան, սակայն փոփոխված նոր պայմաններում այն այլևս անկարող էր բավարարություն տալու թուրքական բուրժուազիայի քաղաքական ձգտումներին: Օսմանիզմի քարոզն այլևս չէր կարող հրապուրել կայսրության ոչ թուրք ժողովուրդներին, որոնք շարունակում էին պայքարը թուրքական բռնապետությունից ազատագրվելու և անկախ ազգային պետություններ ստեղծելու համար:

Երիտթուրքերի գաղափարական-տեսական զինանոցում, ինչպես մենք տեսանք, տեղ էին գտել ոչ միայն օսմանիզմի գաղափարները, այլև պանիսլամիզմի և այլ գաղափարատեսական կոնցեպցիաներ, որոնք հիմնականում ժառանգել էին թուրքական սահմանադրականների առաջին սերնդից:

Բայց երիտթուրքերը չբավարարվեցին միայն օսմանների գաղափարների վերակենդանացմամբ և դրանք իրենց քաղաքական պահանջներին հարմարեցնելով: Ավելի առաջ գնալով, նրանք հանդես եկան սեփական գաղափարներով, որոնք մինչ այդ, իբրև մշակված տեսական կոնցեպցիաներ, բացակայում էին թուրք

ազգային բուրժուազիայի տեսական զինանոցում: Դրանք թուրքիզմի և պանթուրքիզմի գաղափարական կոնցեպցիաներն էին՝ երիտթուրքերի սեփական տեսական ստեղծագործությունները:

Հարկ է նշել, որ «օսմանյան ազգի» գաղափարի ճշմարտացիությունը կասկածի տակ էր առնվել դեռ երիտթուրքերի հեղափոխությունից մի քանի տարի առաջ: Արդեն դարասկզբին նրանց շրջանում ձայներ էին լսվում, թե օսմանիզմի գաղափարը հնացել է և այն չի կարող նպաստել կայսրության միասնության պահպանմանը: Միաժամանակ երիտթուրքերը սկսեցին փնտրել կայսրության միասնության պահպանման ուրիշ ուղիներ: Դրանցից մեկը թուրքիզմի (թուրքճյուլյուք) ուղին էր՝ Օսմանյան կայսրությունը ազգային տեսակետից «միատարր» դարձնելու յուրօրինակ ցեղապաշտական մի գաղափար:

Թուրքիզմի ծագման հենց սկզբից նրա նկատմամբ երիտթուրքերի շարքերում բուռն հետաքրքրություն առաջացավ: Շատ շանցած այդ գաղափարը դարձավ թուրք բուրժուազիայի սաղմնավորվող ազգայնամոլության հիմնական տեսական արտահայտություն:

Թուրքիզմի ձևավորման գլխավոր կենտրոնը Սալոնիկը դարձավ: Արդեն 1909 թվականի կեսերից այստեղ այդ գաղափարը վերածվեց քաղաքական շարժման, որի գլուխ կանգնեցին զբոսավորապես մակեդոնական թուրքերը:

Սալոնիկում էր հիմնավորվել նաև «Միություն և առաջադիմություն» կուսակցության ղեկավար մարմնի գործուն անդամ, բանաստեղծ Մեհմետ Ջիա բեյը, նույն ինքը՝ թուրքացած քուրդ՝ Ջիա Գեոք Ալիը (Գեոքալի): Նա յստեղ սկսեց խմբագրել «Գենճ կալեմլեր» («Genc Kalemler» — «Երիտասարդ գրիչներ») թերթը, որը շատ շուտով թուրքիզմի գլխավոր ձայնափողը դարձավ: Ինքը՝ Գեոքալիը դարձավ թուրքիզմի ամենախոշոր գաղափարախոսը Օսմանյան կայսրությունում:

Սալոնիկից հետո թուրքիզմի երկրորդ գլխավոր կենտրոնը Պոլիսն էր: Այստեղ թուրքիզմի առավել ակտիվ գործիչները հիմնականում Ռուսաստանից թուրքիա եկած թաթար մտավորականներն էին², որոնց մեջ ամենահայտնի դեմքը Յուսուֆ Աքչուրաօղլին էր՝ Կազանից:

¹ Որոշ աղբյուրներում նշված է, թե Գեոքալիը թուրքացած հրեա էր:

² Տե՛ս В. В. Готлиб, Тайная дипломатия во время первой мировой войны, изд-во Социально-экономической литературы, М., 1960, էջ 40:

Այսպիսով, կայսրության երկու քաղաքներում՝ Սալոնիկում և Պոլսում էին հավաքվում բոլոր նրանք, ովքեր թուրքերի ապագան տեսնում էին թուրքիզմի հաղթանակի մեջ: Այնպես ստացվեց, որ թուրքիզմի երկու խոշորագույն գաղափարախոսներն ազդուվյամբ թուրք չէին:

1909 թվականի վերջերին իթթիհադի կենտրոնական մարմինը Սալոնիկից փոխադրվեց և վերջնականապես հաստատվեց Պոլսում, ուր տեղափոխվեց նաև Զիա Գեոքալփը: Բալկանյան պատերազմի նախօրյակին նա այստեղ սկսեց սերտորեն համագործակցել Յուսուֆ Աքչուրայի հետ: Նրանք կայսրության ողջ տարածքում տեղագրին քարոզչություն ծավալեցին թուրքիզմի գաղափարների վերջնական հաստատման նպատակով:

Թուրքիզմի հողի վրա կյանքի կոչվեցին բազմաթիվ պարբերականներ, որոնք գլխավորապես լույս էին տեսնում Սալոնիկում, Պոլսում, Իզմիրում: Թուրքիզմի գաղափարները Սալոնիկում ակտիվորեն պրոպագանդում էին վերևում նշված «Գենճ կալեմլեր» թերթը, Պոլսում՝ «Թյուրք յուրտու» կիսամյա հանդեսը, «Թյուրք տերնեկի» պարբերաթերթը, «Պիլկի» և «Սիլահ» պարբերականները, «Յենի մեճմուասը» և «Թյուրք գատընը» շաբաթաթերթերը, Իզմիրում՝ «Քեոյլճու» թերթը, Կոնիայում՝ «Պապալըգ» և «Թյուրք սեոզլու» օրաթերթերը: Այդ պարբերականները վաճառվում էին շատ էժան գներով, իսկ դրանցում տպագրված հոդվածներն ունեին պարզ ոճ ու հասարակ լեզու, որպեսզի մատչելի լինեին թուրք հասարակության ամենալայն խավերին: Հիշյալ թերթերին ու հանդեսներին մեծ ակտիվությամբ աշխատակցում էին հալիտ Զիան, Աքա Գյունդյուզը, Զեյալ Սահիրը, Իսմայիլ Հոգը, Համդուլլահ Սուբհին, Ահմետ Ռեֆիքը, կին գրող Խալիդե էդիպը և ուրիշներ:

Իսկ ո՞րն է թուրքիզմի գլխավոր միտքը, ի՞նչ էին քարոզում Զիան, Աքչուրան և մյուսները:

Թուրքիզմի գաղափարների ելակետը դարձյալ թուրքական կայսրության պահպանման մտահոգությունն էր: Թուրքականներն այսպես էին խորհում. ավանդական օսմանիզմի և նոր օսմանիզմի տեսակետով կայսրության ամբողջականության պահպանումը, անկախ ազդուվյունից ու կրոնից, բոլոր օսմանցիների պարտքը և գործն էր: Բայց բոլոր օսմանցիների համար չէ, որ հարադատ եղավ օսմանիզմի գաղափարը: Այն խորթ էր և այժմ էլ խորթ է ամենից առաջ քրիստոնյաներին, որոնք երա-

զում էին և երազում են փլուզված տեսնել կայսրությունը և անկախությունն ստանալ: Քրիստոնյաների մի մասը, ինչպես օրինակ, բուլղարները, կարողացան իրականացնել իրենց երազը: Դրանից հետո էր, որ հրապարակ եկավ իսլամիզմի աբդուլհամիդյան տարբերակը, որը կայսրության սահմանների անձեռնմխելիության պահպանման երաշխիքը տեսավ միայն ու միայն երկրի բոլոր մուսուլմանների միասնության մեջ՝ ընդդեմ քրիստոնյաների: Բայց դա էլ չփոխեց իրերի դրուվյունը, հնարավոր չեղավ ստեղծել մուսուլմանների միասնություն: Կայսրության եվրոպական մասում ըմբոստանում էին մուսուլման ալբանացիները, արևելքում՝ դարձյալ մուսուլման արաբները, որոնք ձրգտում էին անջատվել պետությունից: Մյուս կողմից մեծ տերությունները ճնշում էին գործադրում թուրքերին Եվրոպայից վերջնականապես դուրս քշելու համար, իսկ գնալով ուժեղացող այդ ճնշմանը դիմագրավելն ուժից վեր բան էր:

Եվ եթե ներկայումս կայսրությունը գահավեժ անկում է ապրում, եթե այն կանգնած է կորստյան և կործանման եզրին, խորհում էին թուրքականները, ապա դա, որքան էլ ծանր է ասել, միանգամայն օրինաչափ է և բնական: Այլացեղ ժողովուրդների կամ «օսմանյան եղբայրների» համերաշխության գաղափարն անբնական է, ուստի և՛ սնանկ: Կրոնական համերաշխության քարոզն էլ սպասված արդյունքը չէր տալիս: Ո՛չ օսմանիզմը, ո՛չ իսլամականությունն ընդունակ չէին պահպանելու կայսրության ամբողջականությունը: Միմյանցից խիստ տարբեր հոգեբանություն և մշակույթ ունեցող այլացեղ ժողովուրդներով բնակեցված հսկա տարածքները կայսրության մեջ պահելը այլևս անհնարին էր, ավելին՝ անբնական:

Այդ ամենից հետևում է, ասում էին թուրքականները, որ թուրքերը մենակ են մնացել կայսրության մեջ և միայնակ կանգնած են գալիք փոթորիկներին դեմ հանդիման: «Ի՞նչ պետք է անել, ուրեմն»,— այս էր օրվա հարցը, որն անհետաձգելիորեն պատասխան էր պահանջում:

Եվ Զիա Գեոքալփը, Յուսուֆ Աքչուրան, թուրքիզմի մյուս գաղափարախոսները տվեցին հարցի պատասխանը: Փրկության միայն մի հույս կա, ասում էին նրանք, դա թրքությունն է: Նախ՝ կառավարությունը պետք է հենվի բացառապես թուրք տարրի վրա, երկրորդ, չպետք է ափսոսալ Եվրոպայի ըմբոստ տարածքների կորստյան համար, այլ պետք է ետ քաշվել ու հզորանալ

բնական սահմաններում, երրորդ, թուրքերի քաղաքական իղ-
ձերն իրականացնելու համար անհրաժեշտ է ամենից առաջ թուր-
քացնել Թուրքիան, և, վերջապես, չորրորդ, մերժելով «օսմանյան
ևղբայրների» անբնական միասնությունը, ստեղծել էթնիկական-
ազգային միատարրություն և միասնություն բուն Թուրքիայում:
Դա նշանակում է, որ «բուն Թուրքիայի» բոլոր ժողովուրդները
պետք է ամենաարագ կերպով ուժացվեն, կորցնեն լեզուն և ազ-
գային բոլոր մյուս հատկանիշները, ձուլվեն թուրքերին, այ-
սինքն՝ թուրքացվեն: Դա, բնականաբար, նշանակում էր նաև, որ
«բուն Թուրքիայում» իսլամից բացի այլ կրոնի համար տեղ չի
լինելու: Օրվա կարգախոս էր դառնալու «Նկեղեցիների զանգերի
ատելի ղողանջը պետք է իսպառ վերացնել այս երկրից» պա-
հանջը:

Թուրքիզմի քարոզիչներն իրենց ուսուցիչներից մեկն էին հա-
մարում այս աշխատության նախորդ գլուխներում արդեն հիշա-
տակված մեծ վեզիր Տուադ փաշային, որը 1869 թվականին գրած
և թուրք հետազոտողներին թողած իր կտակում առաջարկում
էր՝ կայսրության այլազգիների կենտրոնախույս ձգտումները
մարելու, ոչ թուրք ժողովուրդների ազգային-ազատագրական
շարժումները բացառելու նպատակով արմատականորեն լուծել
ազգային հարցը, այսինքն՝ բոլոր այլազգիներին ձուլել թուրք
ազգի մեջ և նրանց թուրքացնելու միջոցով կայսրության ներ-
սում ստեղծել էթնիկական-կենսաբանական միատարրություն:
«Ներքին գործերի մարզում մեր բոլոր ջանքերը, — գրում էր նա, —
պետք է ձգտեն դեպի մի նպատակ միայն, այն է՝ մեր ցեղերի
համաձուլումը: Առանց այս համաձուլման մեր կայսրության
միությունը ինձ անկարելի է թվում»¹:

Կայսրության ոչ թուրք ժողովուրդների բնի ձուլման և թուր-
քացման միջոցով ամրացնել թուրքական պետությունը. այս էր
Տուադ փաշայի պահանջը²: Նրա այս տողերը բազմաթիվ ան-
գամներ վերատպվում էին երիտթուրքական թերթերի էջերում:
Տուադ փաշայի կտակի և սուլթան Համիդի մեծ վեզիր Քյամիլ
փաշայի՝ հայության մասին մարդատյաց խորհրդածությունների

շուրջը հրապարակային դասախոսություններ ու ղեկուցումներ
էին կարդում թուրքիզմին համակրող պատմաբանները:

«Բուն Թուրքիայի» միջուկը թուրքականները համարում էին
Անատոլիան, որին երկրի թուրքացման խնդրի առնչությամբ
առանձնահատուկ դեր էր հատկացվում: Անատոլիայի նկատ-
մամբ թուրք բուրժուական ազգայնականների բուն հետաքրքրու-
թյունը պատահական չէր: Նրանք շեշտում էին, որ Թուրքիան
բուն է գերազանցապես ասիական պետություն դառնալու ճա-
նապարհը, հետևապես գնալով բարձրանում է Անատոլիայի և
արևելյան մյուս տիրույթների արժեքը: Նրանք ականատես էին
կայսրության գահավեժ անկմանը, ուստի նրանց գլուխներում
ժամանակ առ ժամանակ առկայծում էր մոտակա գալիքի մոայլ
պատկերը: Հեռանկարում Եվրոպայից դուրս մղվելու նրանց մտա-
հոգությունն ավելորդ չէր: Անհրաժեշտ էր մտածել ազգային
միատարր կազմով «վաթանի» և նրա «ազգային սահմանների»
մասին: Թուրքականները Անատոլիան հուշակեցին թուրքերի «սուրբ
հայրենիք», որի հետ էլ կապեցին ապագայի ողջ հույսերը: Զիա
Գեռքալիք խոր համոզմունքով գրում էր, թե Անատոլիայի «կոշտ»
գյուղացու «բնական և բնազդական թուրքության վրա» իրենք
պատվաստելու են «գիտակից թուրքություն», այսինքն՝ լուծելու
են արդի խնդիրների խնդիրը:

Անատոլիայի թեման սկզբնապես լայնորեն քննարկվում էր
Կահիրեում լույս տեսնող «Անագոլու» և «Թուրք» թերթերի էջե-
րում, իսկ հետո նաև՝ երիտթուրքական մամուլի մյուս օրգան-
ներում:

«Անատոլիա» հասկացության մեջ թուրքականները մտցրին
ոչ միայն Անատոլիայի աշխարհագրական տարածքը, այլև ողջ
Արևմտյան Հայաստանը, այն անվանելով արևելյան Անատոլիա:
Դա նշանակում էր, որ այդ տարածքում ապրելու իրավունք էին
ունենալու միայն ու միայն նրանք, ովքեր խոսելու էին թուրքե-
րեն և դավանելու էին իսլամը:

Հարկ է հիշեցնել, որ աբդուհամիդյան մղձավանջի տարի-
ներին հուշակված նորագույն իսլամականությունը կայսրության
ամբողջ տարածքի վրա որևէ ժողովրդի համար այնպիսի դժոխա-
յին հետևանքներ չունեցավ, ինչպիսին արևմտահայության հա-
մար, հասցնելով 90-ական թվականների զանգվածային արյունա-
լի ջարդերին: Այժմ էլ հրապարակ էր գալիս թուրք ազգային
բուրժուազիայի ցեղապաշտական ուսմունքը՝ թուրքիզմը, որը

¹ «Արոր», Ա. տարի, № 6, 1910, էջ 185:

² Տե՛ս Օ. Գ. Инджикян, Буржуазия Османской империи, изд.-во
АН Арм. ССР, Ереван, 1977, էջ 43:

կայսրութեան ժողովուրդները թվում ամենամեծ արհավիրքները բերելու էր դարձյալ հայութեան գլխին: Իր երկրի աշխարհագրական դիրքի պատճառով և պատմական բախտի բերումով հայութեանը, շրջապատված մուսուլմանական ժովով, կանգնում էր մերկացված սրի առջև:

Զիա Գեոքալփը, Յուսուֆ Աքչուրան և նրանց շուրջը համախմբված «Թուրքճիություն» քարոզող մտավորականությունը «բուն Թուրքիայում» նպատակ ունեին լուծելու երկու հիմնական, արմատական խնդիր: Առաջին՝ թուրք ժողովրդի կյանքը ազատագրել «տարամուտ և սպանիչ տարրերից», այն մաքրել այլազան ազդեցություններից, ազգային դարձնել թուրքական լեզուն, գրականությունը, կրոնը, վերակենդանացնել թուրքական հին մշակույթն ու ավանդույթները, ժողովրդականացնել նախասոմանյան թուրք պատմությունը: Երկրորդ, թուրք ազգաբնակչության ցեղային բնազդները լիովին «ազատագրելու», այսինքն՝ սանձազերծելու, թուրք ժողովրդի ազգային ինքնագիտակցությունն արթնացնելու միջոցներով նրա մեջ խորացնել ազգային հպարտության և բացառիկության գագաթումը: Իր հերթին դա հետագայում էր գրել-խավոր նպատակ՝ ազգային-էթնիկական, լեզվական-կուլտուրական առումով թրքությունը դարձնել կուռ ամբողջություն, այնպիսին, որն ի վիճակի լիներ իր մեջ ձուլելու այլ մշակույթներ և լեզուներ:

Թուրքականները գտնում էին, որ անհնարին է պատկերացնել միասնական թուրք ազգ առանց միասնական թուրքական լեզվի: Ուստի, ասում էր Գեոքալփը, անհրաժեշտ է օսմաներենը վերջնականապես ձուլել թուրքերենին, միաժամանակ վերջինիս վերագարձնել իր պարզությունը՝ այն հետ տանելով մինչև թուրանական թափառական ցեղերի բարբառները: Թուրքիզմ քարոզողները «նոր օսմանների» օրինակով լայն ճակատով պայքար ծավալեցին թուրք գրական լեզուն ժողովրդական լեզվին մոտեցնելու, լուսավորության միջոցով թուրքերի ազգային ինքնագիտակցությունը դարգացնելու համար:

Պատմագրությունը և գրականությունը երեսով շուտ եկան դեպի թուրքերի անցյալը: Հատկապես թուրքական պոեզիայում կենտրոնական տեղ գրավեցին պատերազմների, «անհավատների» դեմ կռիվների, ավազակային խմբերի «քաջագործությունների», երկրից երկիր թափառող թուրք ասպետների «խիզախությունների» մասին ասքերն ու լեգենդները:

Թուրքիզմ քարոզողները լայնորեն օգտագործում էին նաև ժողովրդական մասսաների վրա ներգործելու ուրիշ միջոցներ: Կարևոր նշանակություն էր տրվում մասսայական թատրոններին, որոնց ներկայացումները ձրի հաճախում էին թուրք հասարակության բոլոր խավերը: Ամենուրեք լայն մասսայականություն էր վայելում օսմանյան ժողովրդական «կարա-գյոզ» թատրոնը, որի խաղացանկը ուղղված էր թուրքերի անցյալի փառաբանմանը¹:

Այս ամենի առնչությամբ անհրաժեշտ էր դառնում ձևակերպել «ազգ» հասկացությունը, բնորոշել ազգը: Յուսուֆ Աքչուրան և Զիա Գեոքալփը թուրքականության ըմբռնումով տվեցին ընդհանրապես ազգության գաղափարի, մասնավորապես թուրք ազգի սահմանումը: Նշելով, թե ազգային գաղափարը զգացմունք է, Գեոքալփը ազգը դիտում էր իբրև անհատների խումբ, որն ունի ընդհանուր լեզու, կրոն, բարոյականություն, գեղագիտություն: Նա կայսրության ոչ թուրք ժողովուրդներին և էթնիկական խմբերին ուրույն ազգեր չէր համարում, գտնելով, որ, շունենալով ազգային և կրոնական իրավունքներ, թուրքանալու ճանապարհով նրանք պետք է ասպարեզից վերանան: Օսմանյան հայրենիքի իսկական քաղաքացիներ էին հռչակվում միայն թուրքերը, ինչպես նաև այն այլազգիները, որոնք հրաժարվում էին իրենց կրոնից, մշակույթից, ազգությունից ու լեզվից, ձուլվում թուրքերին, դառնում թուրք: Թուրքճիության այս գաղափարի հիման վրա էլ առաջ քաշվեց ու գործողության մեջ դրվեց «Թուրքիան՝ թուրքերի համար» մարդատյաց շովինիստական գաղափարը: Մեկնակետը և սկզբունքը պարզ էր. ով մեզ հետ չէ, մեր դեմ է, մեր թշնամին: Իռացիոնալիզմի և միստիցիզմի անթափանց խավարով էր պարուրված «թուրքճյուլյութի» գեոքալփական կոնցեպցիան:

1909—1910 թվականներն այն տարիներն էին, երբ թուրքիզմը լայնորեն թափանցեց իթթիհազից ներս: Աստիճանաբար լքելով օսմանիզմը, երիտթուրքերը իբրև հավատո հանգանակ էին որդեգրում թուրքճիությունը՝ թուրքիզմը:

Ազգայնականության թանձր մթնոլորտում թուրքականների ցանած սերմերն առատ պտուղներ էին տալիս. ամենուրեք օսման-

¹ Տե՛ս И. И. Голобородько (И. Южанин), Старая и новая Турция, էջ 111:

ցիությունը լքում և մեկը մյուսի հետևից դեպի թուրքիզմ էին գալիս թուրք մտավորականության նորանոր ներկայացուցիչներ, քաղաքական ու պետական գործիչներ: Օսմանցիության գաղափարն արագորեն թուրքության գաղափարի էր փոխակերպվում ո՛չ միայն թուրք վերնախավի, այլև հասարակ ժողովրդի առանձին շերտերում, իսկ կրոնական մոլեռանդությունը տեղի էր տալիս ցեղային մոլեռանդության: «Ես թուրք եմ» գիտակցությունն իբրև հպարտության կոչ էր հնչում բնակչության բոլոր խավերի համար: Թուրքականությունը դառնում էր նաև ամբոխի սեփականություն:

Նորից այլազգիների նկատմամբ ատելության կենտրոնում հայերն էին:

1910 թվականի հոկտեմբերի 13-ին Սալոնիկում իր աշխատանքները սկսած «Իթթիհադ վե թերագգ» կուսակցության համագումարը, որը տևեց 13 օր, քննարկելով կայսրության նախազգային հարցը, այնուհետև առանձին՝ հայկական հարցը, պաշտոնապես ընդունեց հայերին ազգովին ջարդելու մասին որոշում, այն ձևակերպելով այսպես. «Պատե՛հ առիթով արմատապես բնաջնջել հայկական բարձրավանդակի հայությունը»¹:

Հայկական հարցի քննարկման ժամանակ համագումարում հանդես եկավ իթթիհադի ղեկավարներից բժ. Նազըմը, որը տեսականորեն հիմնավորեց հայ ժողովրդի ոչնչացման անխուսափելիությունը: Նշելով, որ կայսրության «անկումն այնքան է առաջացել», որ «մեր նախկին հպատակ բոլոր քրիստոնյա ողորմելի ժողովուրդները՝ ռումիները, սերբերը, հույները, բուլղարները, արդեն անչատված են» և որ «մեր սահմանները ցամաքամասի վրա վերստին ընդարձակելու հույսերը ամբողջապես չբացել են», Նազըմը ասել է. «Պիտի հաշտվենք, ուզենք թե չուզենք, այդ կացութեան հետ, ընդունելով, որ դրանից հետո մեր հարե՛նիքը միայն ու միայն կարող է լինել Անադոլուն...»² Տալով հայությունը ոչնչացնելու տեսական հիմնավորումը, Նազըմը այնուհետև նշել է. «Այս պահին կարևորը մեզ համար գաղափարի ոչ թե տեսական վերլուծումները և հիմնավորումներն են կազմում, այլ նրա իրականացման գործնական միջոցների ճշտումը»³:

1911 թվականի հոկտեմբերին Սալոնիկում տեղի ունեցավ

¹ Ա. Ամուրեան, *Հայ դատ*, 1977, էջ 23:

² Նույն տեղը, էջ 24:

³ Նույն տեղը, էջ 25:

իթթիհադ կուսակցության հերթական համագումարը: Երիտթուրքերի այդ նշանավոր համաժողովը մշակեց ու վերջնական տեսքի բերեց թուրքիզմի «գործնական» հետևողական գիծը. կայսրության բոլոր հպատակների իսլամացումն ու թուրքացումը պաշտոնապես հռչակվեց իբրև պետական քաղաքականություն:

Այս տեսանկյունով էլ համագումարը մի շարք որոշումներ ընդունեց, այն է՝ երկրում արգելել ազատամիտ գաղափարների տարածումը. պետական բոլոր կարևոր պաշտոնները պետք է վարեն միայն թուրքերը. Թուրքիայում պետք է միայն թուրքերեն խոսեն. Թուրքիան պետք է ունենա լիակատար մասնագրական նկարագիր. մյուս բոլոր լեզուներն ու կրոնները պետք է ասպարեզից անհապաղ վերանան:

Թուրք ազգային բուրժուազիայի կողմից երկրի ներսում թուրքականության դրոշի բարձրացումը նրա քաղաքական գործունեության յուրատեսակ դրսևորումներից մեկն էր: Իհարկե, վերջին հաշվով դա թելադրված էր թուրք ազգի ձևավորման բնապատմական օրինաչափ ընթացքով, որը, ինչպես հայտնի է, ընդհանրական է: Ազգայնականության դրոշով հանդես եկող բոլոր երկրների բուրժուազիային հատուկ է ազգի ձևավորման ընթացքի արագացման, իր «ազգային» տերիտորիայի վրա միասնական ազգային պետություն ստեղծելու գաղափարը էթնիկական միատարրություն ստեղծելու գաղափարի հետ սերտորեն շաղկապելու, այդ երկու գաղափարների իրականացումը միմյանցով պայմանավորելու բուռն ձգտումը: Մինչ այն ժամանակ, երբ բուրժուազիան փորձում է այդ խնդիրը լուծել խաղաղ միջոցներով, կապիտալիստական հարաբերություններին հատուկ տնտեսական-հասարակական կյանքի ինտերնացիոնալացման օրինաչափ ընթացքով ստեղծված նպաստավոր իրավիճակն օգտագործելու ճանապարհով, մինչ այդ ժամանակ բուրժուական նացիոնալիզմն իր վրա դրական լիցքեր է կրում: Բայց երբ տիրող ազգի բուրժուազիային չի հաջողվում իր ազգի ձևավորման ընթացքին գուգահեռ, բազմազգ երկրի սահմաններում հասնել էթնիկական միատարրության, ապա առանց վարանելու նա դեն է նետում լիբերալ գործողությունների զսպանակը և այլազգիների հանդեպ որդեգրում ձուլման դաժան քաղաքականություն, որը տարբեր երկրներում տարբեր ծավալներ և ձևեր է ընդունում: Անկախ դրանից, ազգայնականությունը միշտ մնում է իբրև տիրող ազգային բուրժուազիայի հիմնական գաղափարախոսություն՝

շովինիզմի վայրենի, բարբարոսական դրսևորումներով հանդերձ, որը թուրքական ռազմաֆեոդալական և ասիական տիպի բուրժուական հարաբերությունների պայմաններում պետք է հանգեցնե՞ր արյունալի հաշվեհարդարների:

Թուրքիզմը՝ թուրքական բուրժուազիայի գաղափարաբանությունը, կոչված էր շեղելու թուրք աշխատավոր զանգվածների ուշադրությունը դասակարգային պայքարից և այն բևեռելու հպատակ քրիստոնյա ժողովուրդների դեմ մղվող պայքարի, նրանց նկատմամբ ազգային թշնամություն տածելու վրա:

Այլազգիների նկատմամբ որդեգրելով դաժան ասիմիլյացիայի քաղաքականություն, երիտթուրքերը շուտով ազգային հարցում գերազանցեցին սուլթան Համիդին:

Թուրքերենի տարածումը և այլազգիներին թուրքացնելու գործը հեշտացնելու նպատակով վայրագ հալածանք սկսվեց կայսրության մյուս ժողովուրդների լեզուների դեմ: Առևտրական գրասենյակների, խանութների, հյուրանոցների և հասարակական այլ հաստատությունների վրայից հանվում էին այլ լեզուներով գրված ցուցանակները: Քաղաքային իշխանությունները մեկ-երկու օրում շարդեցին Ստամբուլի փողոցների ֆրանսերեն ցուցանակները և դրանք փոխարինեցին թուրքերեն ցուցանակներով: Ամենուրեք լսվում էր «թուրքճև՛ եսզմալը»՝ «թուրքերեն պետք է գրվի» սպառնալից պահանջը: Ստամբուլի, Իզմիրի և այլ վայրերի հայ առևտրականները, ահաբեկված այդ սպառնալիքներից, իրենց խանութների ձակատներից հանեցին բոլոր հայատառ ցուցանակները:

Կայսրության մեջ ամենուրեք սարսափի մթնոլորտ էր տիրում: Քրիստոնյաները, արաբները և հրեաները ամենօրյա սպառնալիքների տարափի տակ, նվաստացած ու ահաբեկված սպասում էին թուրքերի մասսայական նոր խժոճություններին:

Եվ չնայած այդ ամենին, նրանք, ամենից առաջ հայերն ու հույները, շարունակում էին իրենց ամենօրյա զբաղմունքները, դժոխային կացության պայմաններում ստեղծում և ստեղծագործում, գերմարդկային ճիգեր թափում սեփական ազգային կյանքով ապրելու և տոկալու համար:

Թուրքականների համար շուտով պարզ դարձավ, որ թուրքական էթնոսը չի կարող խաղաղ, կուլտուրական ձևով ճանապարհով ձուլվել մահմեդական այլազգի արաբներին, առավել ևս հպատակ քրիստոնյաներին, այդ թվում հայերին: «Գըտ-

նըվելով զարգացման համեմատաբար շատ ցածր աստիճանի վրա,— գրում է սովետական թուրքագետ Ա. Գ. Նովիչևը,— թուրքերն ի վիճակի չէին ձուլվելու բազմաթիվ ժողովուրդների, որոնց իրենք հպատակեցրել էին սրով»¹: Ակնհայտ էր դառնում նաև, որ այդ նպատակին իրենք չեն կարողանալու հասնել նույնիսկ ամենադաժան, բայց մասնակի հաշվեհարդարներով²: Այդ մասին ղեռ անցյալ դարի կեսերին գրել է նաև ֆրանսիացի փիլիսոփա Պիեռ Ժոզեֆ Պրուդոնը³:

Երիտթուրքերի թուրքիզմը, որը ենթադրում էր թուրքերի մեջ ձուլել այլ ժողովուրդների, իրականանալ չէր կարող նաև այն պատճառով, որ կայսրության մեջ թուրքերը մեծամասնություն չէին կազմում: Թուրքիայում ապրող բոլոր ժողովուրդները և ցեղերը, սկսած թուրքերից, փոքրամասնություններ էին: Արևմտյան շրջաններում մեծամասնություն էին կազմում քուրճերը, փոքրամասնություն՝ հայերը, հույները, քրդերը և այլն, արևելյան շրջաններում մեծամասնություն էին կազմում հայերը, փոքրամասնություն՝ թուրքերը, քրդերը և այլ ժողովուրդներ, հարավարևելյան շրջաններում մեծամասնություն էին կազմում քրդերը, փոքրամասնություն՝ թուրքերը, հայերը և ասորիները: Հիրավի, «Օսմանյան կայսրությունը չի ունեցել տնտեսական և էթնիկական միասնություն,— կարդում ենք սովետական հեղինակավոր մի հրատարակության մեջ:— Թուրք ազգությունն ուրիշ ազգությունների համեմատ կազմավորվում էր շատ ավելի դանդաղ և կայսրության մեջ փոքրամասնություն էր կազմում: Չնայած թուրք ֆեոդալների ձուլման դաժան քաղաքականությանը, թուրք բնակչության քիչ թե շատ հոծ խմբեր զոյացան միայն Անատոլիայում և Արևելյան Թրակիայի Ստամբուլին հարող մասում: Մնացած շրջաններում թուրքերն այնպես էլ չկարողացան ձուլել արմատական բնակչության հիմնական զանգվածները և իրենք էլ չձուլվեցին, մնալով ըստ էության ռազմական օկուպանտներ

¹ А. Д. Новичев, Очерки экономики Турции до мировой войны. М.—Л., 1937, с. 11.

² Տե՛ս В. А. Гурко-Кряжин, История революции в Турции, М., 1923, էջ 46:

³ Տե՛ս Прудон Пьер Жозеф, Война и мир, Исследование о принципе содержания международного права, Москва, изд. Черенца и К. 1864, т. 1, էջ 104:

(ընդգծումն իմն է:— Ն. Ս.)»¹: Նույնը հաստատում էր սովետական թուրքագետ պրոֆ. Գուրկո-Կրյաժինը, գրելով, թե «Թուրքիայում ազգային փոխհարաբերությունների առավել բնորոշ գիծն այն է, որ, բացառությամբ Անատոլիայի, տիրապետող ազգությունը, այսինքն՝ թուրք օսմանիները ոչ մի տեղ բնակչության գերակշռող մասը չէին կազմում: Թե՛ Արաբիայում և Միջագետքում, թե՛ Քուրդիստանում և Հայաստանում թուրքերը ներկայացված էին սոսկ պաշտոնյաների և զինվորների խմբով, որոնք միանգամայն խորթ և օտար էին այդ երկրների արմատական բնակչությանը»²:

Գալով Ասիայի հեռուներից, նվաճելով Բյուզանդական կայսրությունը և այլ առաջավոր երկրներ, թուրքերը, սակայն, դարերի ընթացքում ի վիճակի չեղան յուրացնելու այն վիթխարի կուլտուրական ժառանգությունը, որ ստացել էին: Իրենց հերթին նվաճված ժողովուրդները միշտ ընդդիմադիր ու անհաշտ եղան նվաճողներին: Կապիտալիստական հարաբերությունների սաղմնավորմանն ու դարգացմանը զուգընթաց գնալով է՛լ ավելի խորացավ իշխողների և նվաճողների միջև եղած անջրպետը կրոնական, մշակութային և տնտեսական հարցերում, ազգային հարաբերություններում:

Կառավարող իթթիհադական կուսակցության ներքին և արտաքին ունակցիոն քաղաքականությունը երկրում առաջ բերեց դժգոհության լայն ալիք: Դժգոհությունները խորացան կայսրության արաբաբնակ տարածքներում, որտեղ տեական կոիվ էր մղվում օսմանյան տիրապետության դեմ: Ապստամբեցին ալբանացիները: Երիտթուրքերից դժգոհ էին ոչ միայն կայսրության տարածքում ապրող այլազգիները, այլև թուրք հասարակության զանազան խավերը, այդ թվում նաև թուրքական առևտրական և արդյունաբերական բուրժուազիայի որոշ շրջաններ: Աստիճանաբար ձևավորվում էր հակաթթիհադական քաղաքական օպոզիցիան: 1909 թվականին կազմակերպվեց «Լիբերալների» («Ահրար»), 1910-ին՝ «Ժողովրդական» («Ահրար ֆրոկասի») կուսակցությունները: Ասպարեզ եկան նաև քաղաքական ուրիշ կազմակերպություններ: Այդ բոլոր օպոզիցիոն ուժերը 1911 թվա-

կանին միավորվեցին և ստեղծեցին «Ազատություն և համաձայնություն» («Հյուրեթ վե իթթիլաֆ») կուսակցությունը: Այն հրաշակեց մի շարք բուրժուազեմոկրատական սկզբունքներ, այդ թվում նաև կայսրության ոչ թուրք ժողովուրդներին որոշ ինքնուրույնություն տալու սկզբունքը³: Իթթիլաֆը բուռն գործունեություն ծավալեց իշխանությունը գրավելու համար:

Դրան նպաստեցին մի շարք հանգամանքներ և առաջին հերթին՝ իտալա-թուրքական պատերազմը:

1911 թվականի սեպտեմբերի 29-ին Իտալիան ռազմական գործողություններ սկսեց Թուրքիայի դեմ: Տրիպոլիտանյան անունով այդ պատերազմը, որը տևեց մեկ տարուց ավելի (վերջացավ 1912 թվականի հոկտեմբերի 15-ին), թանկ նստեց Թուրքիային: Իտալիան գրավեց Թուրքիայի աֆրիկյան վերջին տիրույթները՝ Եգիպտոսից դեպի արևմուտք, մինչև Թունիս ընկած տարածությունները, այսպես կոչված Կիրենայիկան²:

Անդրադառնալով Թուրքիայի ներքաղաքական վիճակին, բուշակյան «Պրավդա» թերթը «Թուրքական իրադարձություններ» վերնագրով հոդվածում, 1912 թվականի հուլիսին, նշում էր. «Իտալական պատերազմը է՛լ ավելի բարդացրեց գործը: Այժմ մենք Լանգնած ենք հենց անմիջականորեն Օսմանյան կայսրության գոյության հարցի առջև»³: Թերթը գրում էր, որ Թուրքիայի պարտությունը պատահական չէր. իրենց վարած շովինիստական քաղաքականության հետևանքով երիտասարդ թուրքերը չկարողացան նվաճել մասսաների վստահությունը, նրանց տանել իրենց հետևից: Դրա փոխարեն, սակայն, «երիտթուրքերն իրենց առաջին իսկ բալլերով ասես դիտմամբ, սկսեցին իրենցից վանել Օսմանյան կայսրության ժողովուրդներին: Նրանք ի հայտ բերեցին լիբերալ բուրժուազիայի բոլոր արատները և թուլությունները, իսկ մյուս կողմից՝ իշխանության գլուխ անցած զինվորական-

¹ Տե՛ս Ա. Ս. Համբարյան, Երիտթուրքերի ազգային ու հողային քաղաքականությունը և ազատագրական շարժումները Արևմտյան Հայաստանում (1908—1914), էջ 17:

² Տե՛ս В. И. Киселева, Дипломатическая подготовка Уши-Тозанского мира 1912 г., Труды Московского гос. историко-архивного института. 1958, т. 12.

³ «Правда», 27 июля 1912 г.

¹ БСЭ, т. 43, с. 495.

² В. А. Гурко-Кряжин, История революции в Турции, с. 46.

սպայական կաստայի ամբողջ դեսպոտիզմը: Խոսքով լիբերալություն անելով, ցույց տալով, թե այրվում են ժողովրդի համար, իրականում սարսափում էին նրանից, ատում նրան: Բնակչության լայն խավերի ամեն մի ինքնագործունեություն նրանց կողմից հանդիպում էր անվստահության ու խոչընդոտների: Խոստացած ռեֆորմները, որոնք գոնե ինչ-որ չափով պետք է թևեկացնեին աղքատացած բնակչության դրուժությունը, չկատարվեցին, իսկ նոր մարդիկ, կանգնելով կառավարման գլուխ, պատվախնդրության խաղ էին անում և զբաղվում մութ գործերով, որով վերջնականապես իրենց վարկաբեկեցին ժողովրդական մասսաների մոտ»¹: Թերթը հատկապես շեշտում էր կայսրության ոչ թուրք ժողովուրդների նկատմամբ երիտթուրքերի անհանդուրժող շովինիստական քաղաքականությունը, նշելով, որ նրանց «ձգտումը՝ թուրքացնել Օսմանյան կայսրությունում բնակվող սլավոններին, հայերին, հրեաներին, հույներին և այլն, ընդունեց ավելի կոպիտ և բռնի բնույթ, քան Աբդուլ Համիդի ժամանակ»²:

Օգտվելով Տրիպոլիտանյան պատերազմում իթթիհազական կառավարության կրած անհաջողությունից, իթթիլաֆ օպոզիցիոն կուսակցությունը 1912 թվականի հուլիսին կարողացավ վերցնել իշխանությունը: Այդ օրերին հատկապես ակտիվ էին գործում իթթիլաֆականների շարքերում գտնվող ահրարականները, որոնք հակահեղափոխական շարժման նախօրյակին նույնիսկ գաղտնի գործարքի մեջ էին մտել Աբդուլ Համիդի հետ:

Իթթիլաֆականների օրոք, սակայն, երկրի ներքին դրուժությունը ոչնչով չփոխվեց: Գնալով վատթարանում էր աշխատավոր մասսաների վիճակը, շարունակվում էին հալածանքներն ու բռնությունները կայսրության ոչ թուրք ժողովուրդների, հատկապես հայերի նկատմամբ: Թուրքիզմի պրոպագանդան առաջվա պես մղվում էր ուժգին թափով: Ինչպես գրում է Ա. Ալպոյաճյանը, այդ տարիներին «Հայաստանի մեջ համիտական շրջանի յատուկ կեղևքումները, հարստահարությունները և ջարդի սպառնալիքները շարունակուեցան թերևս ավելի յավելելալ և ճոխացեալ, հայերը որոշ տեսան, թե խաբեություն մը և կեղծիք մըն էին...

երկրին մեջ արդարություն և ապահովություն հաստատելու խոստումները, որոնք թուրքերը կ'ընեին»³:

Իտալա-թուրքական բանակցությունները դեռ չավարտված, փոքրիկ Չեռնոգորիան 1912 թվականի հոկտեմբերի 8-ին պատերազմ հայտարարեց Թուրքիային, իսկ 10 օր հետո, 1912 թվականի հոկտեմբերի 18-ին, սրտառուչ նվիրումով Չեռնոգորիային միացան Հունաստանը, Սերբիան և Բուլղարիան՝ Թուրքիայի երբեմնի հպատակները: Բալկանյան փոքր երկրների զինված ուժերը կարճ ժամանակում ջախջախեցին թուրքական բանակները: Բուլղարական բանակը հասավ Չաթալճա և սպառնաց Կ. Պոլսին: Օսմանյան կայսրությունը ծանր պարտություն կրեց բալկանյան քրիստոնյա ժողովուրդների՝ երեկվա ռայայի հարվածներից: Խանդավառ էին նաև հայերը, որոնք կամավորների փոքրիկ մի զորախմբով կովում էին բուլղարական բանակի շարքերում: Թուրքիայից անջատվեցին եվրոպական բոլոր վիլայեթները՝ Սալոնիկը, Արևելյան Ռումելիան, էդիրնեն, Մոնաստիրը, Շքորթան, Յանյան: Եվրոպական տիրույթներից Թուրքիային մնաց միայն Ստամբուլը և Արևելյան Թրակիայի մի մասը⁴:

Գնահատելով Թուրքիայի դեմ 1912 թվականին մղված Բալկանյան պատերազմի արդյունքները, Վ. Ի. Լենինը գրել է. «Չնայած Բալկաններում կազմակերպված է միապետությունների դաշինք և ոչ թե հանրապետությունների դաշինք, չնայած դաշինքը գոյացել է պատերազմի շնորհիվ և ոչ թե հեղափոխության, չնայած դրան, խոշոր առաջընթաց քայլ է արված ամբողջ Արևելյան Եվրոպայում միջնադարի մնացորդները կործանելու համար»⁵:

Բայց մեծ պետությունների հակամարտությունները Բալկաններում հրահրեցին ուխտագավության ոգին: Ավարի բաժանման խնդրում հաղթողների միջև ծագեց անհամաձայնություն:

¹ Արշակ Ալպոյանեան, Պատմություն Մալաթիոյ հայոց, էջ 879:

² Տե՛ս А. А. Морилевич, М. Э. Айрапетян, На путях к мировой войне 1914—1917 гг., Ленинград, 1940; П. Помиллов, Введение в историю первой Балканской войны 1912—1913 гг., Петроград, 1917; А. А. Рябинин, Балканская война, СПб, 1913, Արամ Անտոնեան, Հեղարձակ պատմություն Բալկանեան պատերազմի, հ. 1, 2, Բեյրութ, 1940:

³ Վ. Ի. Լենին, Ելժ, հ. 22, էջ 189:

¹ «Правда», 27 июля 1912 г.

² Նույն տեղը:

նախկին զինակիցներին երեք միացան Ռումինիային՝ իրենց գեներալ զարձնելով Բուլղարիայի դեմ: Սկսվեց Բալկանյան երկրորդ պատերազմը (1913 թ. հունիսի 19-ից 1913 թ. օգոստոսի 10-ը), որի ընթացքում Բուլղարիան պարտվեց: Այդ դժվարին կացությունից կրկին օգտվեց Թուրքիան: Առանց լուրջ դիմադրության հանդիպելու, էնվերը մտավ Ազրիանապոլիս (Էդիրնե) և շահեց ձրի հաղթանակի պսակը: Թուրքերը գրավեցին նաև Մալկարան¹:

Ֆրանսիացի պատմաբան Ժ. Կայզերը, անդրադառնալով Տրիպոլիտանյան և Բալկանյան պատերազմներին, գրում է. «1911 թ. սեպտեմբերին կար երեք Թուրքիա. Եվրոպական, Ասիական և Աֆրիկյան: 1912 թ. սեպտեմբերին Աֆրիկյան Թուրքիան վերացավ և մնացին միայն երկուսը. 1913 թ. սեպտեմբերին մնաց միայն մեկ, Ասիական Թուրքիան»²:

Իտալա-թուրքական և հատկապես բալկանյան պատերազմների օրերին ու դրանից հետո ընդհանուր դժգոհության և հուսախարության ալիքն ալեկոծեց ամբողջ Թուրքիան: Լիովին հեղինակագրկվեց իշխանության գլուխ կանգնած իթթիլաֆ կուսակցությունը: Նախկին սուլթանական կարգերի վերականգնումը նրազող ուժերը շարախնդում էին, խոսում այն մասին, որ կայսրության կործանման պատճառը 1908 թվականի հեղափոխությունն է, որ երիտթուրքերը, ապա նաև իթթիլաֆականները չկարողացան պահպանել այն հզոր կայսրության ամբողջականությունը, որի սահմաններն անխախտ էին մնացել Աբդուլ Համիդի երեսնամյա կառավարման տարիներին:

Իրենց հերթին երիտթուրքերը, օգտվելով ստեղծված իրադրությունից, ուժեղացրին հարձակումները իթթիլաֆական կառավարության դեմ, նրա վրա բարդելով բալկանյան պատերազմում թուրքերի կրած պարտության մեղքը: 1913 թվականի հունվարին իթթիլահականները պետական հեղաշրջում կատարեցին, տապալեցին իթթիլաֆականներին և վերահաստատեցին իրենց կառավարությունը³:

Նորից իշխանության գլուխ անցած երիտթուրքերը դաժան ռեպրեսիաների դիմեցին իրենց քաղաքական հակառակորդների նկատմամբ, էլ ավելի ուժեղացրին մասսաների սոցիալական ճնշումը և կայսրության ոչ թուրք ժողովուրդների հարստահարումը: Միաժամանակ ստեղծված իրավիճակը նրանք օգտագործեցին նաև թուրքիզմը կայսրության պետական գաղափարախոսություն հռչակելու համար:

Թուրքական ողջ հետադիմությունը ոտքի վրա էր: Բալկաններում կրած ծանր պարտությունը թուրքերի կողմից ընկալվել էր իբրև ազգային խոր վիրավորանք, իբրև ազգային խայտառակություն: Ոչ միայն թուրք վերնախավերում, այլև ցածր շերտերում աստիճանաբար տիրապետող էր դառնում այն տեսակետը, որ եթե ժամանակին իրենց նախորդները թուրքացրած կամ կոտորած լինեին Բուլղարիայի, Ռումինիայի, Սերբիայի, Չեռնոգորիայի, Ալբանիայի, Մակեդոնիայի և գրաված մյուս երկրների բնակիչներին, ապա այդ տարածքներն այժմ ոչ թե Թուրքիայից անկախ կլինեին, այլ կգտնվեին օսմանյան պետության կազմի մեջ: «Այս գաղափարով գինովցած, թուրքերը սկսան ամբաստանել սուլթան-խալիֆները, իրենց կայսրութեան հիմնադիրները, որ ատենին ամենակատարեալ կերպով որդեգրած չէին այս լուծումը, զոր մասնակի կերպով միայն գործադրած էին»⁴: Թուրքերը սկսեցին նաև խիստ դատապարտել արշունարբու սուլթան Համիդին այն բանի համար, որ աններելի կերպով չէր կարողացել վերջ դնել կայսրության այլազգիների գոյությունը:

Երիտթուրքերի պարագլուխներից և թուրքիզմի հայտնի գաղափարախոսներից Ջելալ Նուրին 1912 թվականին հրատարակած «Օսմանյան անկման պատմությունը» գրքում նշելով, որ թուրքերի միակ փրկությունը անցյալում այլազգիներին ձուլելու մեջ կարող էր լինել, միաժամանակ նաև խոստովանելով, որ ավելի քան կես հաղարամյակի ընթացքում թուրքերին չի հաջողվել ձուլման միջոցով կայսրության ներսում ազգային միատարրություն ստեղծել, նա գտնում էր, որ ընդհանրապես ձուլման քաղաքականությունը չի կարող ազգային-էթնիկական միատարրության հասնելու միջոց լինել: Նման միջոց չէին կարող

¹ Сб. Ю. В. Ключников, А. Сабанин. Международная политика новейшего времени в договорах, нотах и декларациях. ч. 1. М., 1925.

² Ж. Кайзер, Европа и новая Турция, Госиздат, М., 1925, с. 6.

³ Сб. У. У. Համբարյան, Երիտթուրքերի ազգային ու հողային քաղաքականությունը և ազատագրական շարժումները Արևմտյան Հայաստանում (1908—1914), էջ 17:

⁴ «Տրապիզոնի թեմին վիճակավոր Յովհաննես արք. Նազլեանի յուշերը», Ա. հատոր, էջ 5:

լինել նույնիսկ ամենամասսայական հաշվեհարդարները, ինչպես օրինակ՝ 90-ական թվականների հաշկական կոտորածը: Հետևապես մի ճանապարհ կա միայն՝ «բուն թուրքիայում» ղիւնկ ալլազգիներէի աւմատական բնաշնչման:

Նրիտթուրք թուրքականներն իրենց համար առավելագոյն արդունավետութեամբ օգտագործեցին թուրք բնակչութեան հոգեկան ալեկոծումները: Քաղաքական հերթական դեմագոգիայի դիմելով, նրանք հրապարակայնորեն հառաչում էին եւրոպական վիլայեթների կորստեան առթիւ: Բայց իրականում ներքնապես բնավ ցավ չէին զգում, որ իտալա-թուրքական և բալկանեան պատերազմների հետեանքով անդամահատվել է կայսրութեանը: Իրականանում էր Գեոքալփի, Աքչուրայի և մյուս թուրքականների գուշակութեանը օսմանիզմի լիակատար կրախի մասին: Կայսրութեան հատկապես եվրոպական մասի հողերի կորուստը նրանք դիտում էին իբրև անհրաժեշտ անդամահատութեան, մարմնից անպետք մասերի հեռացում, մի բան, որ ավելի է ուժեղացնում և կենսունակ դարձնում օրգանիզմը, փրկում «հիվանդ մարդուն»:

Միաժամանակ թուրք բնակչութեան մեջ հրահրելով ամենավայրենի շովինիզմ և մարդատեցութեան, թուրքճիները նրան արագ սթափվելու կոչ էին անում: Ասելով, թե «դեռ որոշ բան կարելի է փրկել փլատակներից», նրանք թուրքերին հուշում էին, որ դեռ «կա փրկութեան մի խարիսխ»՝ «մեր ապագայի հուշը»՝ Անատոլիան, որի կազմում, ինչպես ասացինք, նրանք մտցրել էին նաև Արևմտեան Հայաստանը՝ «Արևելեան Անատոլիա» անվամբ: Թուրքականները ազգակիցներին կոչ էին անում ամբողջ ուշադրութեանը կենտրոնացնել հենց այդ տարածքի վրա: Ստեղծվում էր մի մտայնութեան, որ եթե թրքութեանը ուզում է փրկվել վերահաս կործանումից և գոյատևել, ապա միայն մի ելք ունի՝ «Արևելեան Անատոլիայի» լիակատար թրքացումը: Թուրքական բռնապետութեան փրկութեան հուշը կապելով հայ ժողովրդի արևմտեան հատվածի ազգային-ֆիզիկական ոչնչացման հետ, նրանք խանդավառ էին, որ ճակատագրական այդ քայլերով Օսմանեան կայսրութեան աճյուններից կյանք կանի, կվերածնվի մանուկ նոր Թուրքիան՝ հարազատ թուրք բնակչութեամբ:

Իսկ այդ «նոր Թուրքիայի» ստեղծումը թուրքերի համար այ-

լևս հապաղում շահնդուրթող հրամայական անհրաժեշտութեան էր: Պետք էր ստեղծել ազգային-էթնիկական միատարրութեան ամեն գնով: Եվ հրապարակ նետվեց «Ով չի թրքանում, պետք է սրի քաշվի» մարդատեցաց սպանալիք-կարգախոսը, որը թուրք ազգային բուրժուազիայի գաղափարական ժառանգութեան և թուրքական բռնակալութեան դարավոր պատմութեան արդունատ արարի համահոտ բանաձևումն էր:

ՊԱՆԹՈՒՐՔԻՉՄ

Թուրքիզմի գաղափարախոսության սաղմնավորման, զարգացման և Թուրքիայում այն տիրապետող գաղափարախոսություն դառնալուն ղուզընթաց թուրք ազգային բուրժուազիայի ծոցում ջերմանում, ձևավորվում և վերջնական տեսք էր ստանում նաև պանթուրքիզմը:

Եթե պանիսլամիզմը թուրքական սուլթան-խալիֆի գլխավորությամբ բոլոր մուսուլմաններին մի միասնական պետության մեջ միավորելուն ուղղված հետադեմ գաղափար է, ապա պանթուրքիզմը Թուրքիայի հովանու ներքո բոլոր թուրքալեզու ժողովուրդների միավորմանը ձգտող առավել հետադեմ ցեղապաշտական ուսմունք է: Ի տարբերություն պանիսլամիզմի, որն իր մի ծայրով է միայն ուղղված Ռուսաստանի դեմ, պանթուրքիզմը, կարելի է ասել՝ ամբողջովին ուղղված է Ռուսաստանի դեմ, նրան է համարում իր գլխավոր թշնամին: Դա այդպես է, որովհետև հիմնականում Ռուսաստանի կազմում են գտնվում թուրքալեզու ժողովուրդները, որոնց հետ են պանթուրքականները կապում թուրքական պետությունը մեծ ծավալներով ընդարձակելու պլանները:

Պանթուրքիզմը, որպես գաղափարախոսություն, իր սաղմնավորման շրջանից (19-րդ դարի 60-ական թվականներ) մինչև վերջնական ձևավորումը երկար ճանապարհ է անցել: Այդ սաղմներն առաջին անգամ մենք տեսնում ենք «նոր օսմանների» գրական-տեսական ստեղծագործություններում: Նրանք էին, որ Օսմանյան կայսրության մեջ և նրանից դուրս ցանկեցին պանթուրքիզմի առաջին սերմերը:

Պանիսլամիզմին ապավինած պանթուրքիզմի տակավին ազոտ

գաղափարները թուրք սահմանադրականների առաջին սերնդի ուժգին պրոպագանդայի հետևանքով արդեն 19-րդ դարի 70-ական թվականների կեսերին թափանցեցին Ռուսաստանի թուրքալեզու տարածքները:

Հենց սկզբից կրելով ազգային-ցեղապաշտական ուժգին լիցք, այն շափազանց հրապուրիչ եղավ Ռուսաստանի թուրքալեզու տիրապետող դասակարգերի ու առանձին շերտերի համար:

Ռուսաստանում պանթուրքիզմի սաղմնավորման և գաղափարական ձևավորման առաջին կենտրոնը Թաթարիան էր: Դեռ անցյալ դարի 80-ական թվականներին Հյուսիսային Թաթարիայում հրատարակվող «Թյուրք Յուրդու» թերթն այդ գաղափարի անդրանիկ ձայնափողը եղավ: Ավելի ուշ այստեղ սկսում է լույս տեսնել Վոլգյան շրջանի իսլամական շարժման առաջնորդներից մեկի՝ Մաքսուդովի (Սադրի Նիզամօղլու) խմբագրած «Յըլդըզ» օրաթերթը, որի շուրջն էին համախմբվել թաթար մտավորականության մի շարք ճանաչված դեմքեր: Պանթուրքական և պանիսլամական ուղղության այս առաջին երկու թերթերին միացավ Կազանում հրատարակվող «Քազան մուսթերիին»:

Թաթարիայում ձևավորվող պանթուրքիզմը հենց սկզբից ընդունեց բացահայտ հակառուսական ուղղություն: Վերոհիշյալ թերթերը պրոպագանդում էին Ռուսաստանի լծից «ճնշված արյունակից ժողովուրդների ազատագրության», նրանց «փառավոր անցյալի» վերականգնման և «անխախտ միություն» ստեղծման գաղափարները: Թաթարիայի համիսլամական մտավորականությունը միաժամանակ հայացքն ուղղեց Թուրքիային, նրա մայրաքաղաք Կ. Պոլսին, թուրքական սուլթանին՝ նրա մեջ տեսնելով «բնական» առաջնորդին:

«Յըլդըզ» թերթում Մաքսուդովը գրում էր, թե թուրք-թաթարական ժողովուրդների մեջ արթնացած ազգային գիտակցությունը զորացնելու, նրանց միջև եղբայրական միություն ստեղծելու և «գլավուրներից» ազատվելու ունակություն ձեռք բերելու փափագին կարող է հազուրդ տալ միայն այդ ժողովուրդների միակ անկախ ու զորավոր պետությունը՝ Թուրքիան, Ռուսաստանի անհաշտ թշնամին:

Արդեն նույն 80-ական թվականներին ազգայնականության գաղափարները Վոլգայի թաթարաբնակ շրջաններից թափանցեցին Ղրիմի թաթարների միջավայրը: Ղրիմը դարձավ պանթուրքիզմի ձևավորման երկրորդ կենտրոնը Ռուսաստանում: Այստեղ

պանիսլամական պրոպագանդայի հետ միասին պանթուրքական լայն պրոպագանդա սկսեց արդեն մեզ ծանոթ թաթար հրապարակախոս Իսմայիլ Գասփրինսկին՝ իր «Թերճյուման» թերթի էջերում: Նա ասում էր, որ ճակատագիրը Օսմանյան կայսրության ամենավստահելի տարրին՝ թուրքին է հանձնել Ռուսաստանից ազատագրվելու համար պայքարի ելած «կրտսեր եղբայրներին» աջակցելու և ղեկավարելու, նրանց զբաղեցրած տարածքներից մի ընդհանուր թուրքալեզու կայսրություն ստեղծելու պատմական միսիան: Ռուսական կայսրությունը թեև մեծ է, գրում էր նա, բայց անհաղթ չէ: Ելնելով Ռուսաստանի հետ ունեցած իրենց հարաբերություններից, եվրոպական երկրները ոչ միայն արգելք չեն լինի պանթուրքիզմի գաղափարի հաղթանակին, այլև կնպաստեն դրան:

19-րդ դարի վերջերին, երբ կազմավորված ռուսական բուրժուազիայի կողքին նոր-նոր սաղմնավորվում էր նաև կայսրության թուրքալեզու բուրժուազիան, պանթուրքիզմը պանիսլամիզմի աջակցությամբ միացավ հակառուսական նացիոնալիզմին:

Ռուսաստանի թուրքալեզու բուրժուազիայի կողմից պանթուրքիզմի գաղափարախոսության որդեգրումը պայմանավորված էր տնտեսական, սոցիալական և քաղաքական մի շարք հանգամանքներով ու պատճառներով: Դրանցից առաջնակարգը կայսրության թուրքալեզու ճնշված աղգերի բուրժուազիայի՝ «սեփական» ազգային պետություն ստեղծելու և «սեփական» աշխատավորներին միահեծան շահագործելու բուռն ձգտումն էր:

Թաթարիայի, Բաշկիրիայի, Ղազախստանի, Միջին Ասիայի, Ադրբեջանի նոր ձևավորվող թուրքալեզու բուրժուազիան, փայփայելով ազգային շուկա և ազգային պետություն ստեղծելու գաղափարը, ըմբռնում էր, որ դրա իրականացումը հնարավոր է միայն Ռուսաստանի կազմից դուրս գալու միջոցով: Բայց ինչպե՞ս դուրս գալ Ռուսաստանի կազմից, չէ՞ որ դա չէր կարող հանդուրժել ռուսական բուրժուազիան: Այդ բանը շատ լավ էր ըմբռնում թուրքալեզու բուրժուազիան, ուստի միակ ելքը նա տեսնում էր Ռուսաստանի դեմ բռնի գործողությունների մեջ: Հանդես գալով ազգային-ազատագրության դրոշով, նա կոչ էր անում սրբազան կոիվ սկսել Ռուսաստանի դեմ: Այդ պայքարում սեփական ուժերով հաջողության հասնելու երաշխիք չունենալով, թուրքալեզու բուրժուազիան հայացքը հռոնց Ռուսաստանի դա-

րավոր թշնամուն՝ Օսմանյան կայսրությանը, իր «ավագ եղբորը» նրանից աջակցություն ստանալու և նրա օգնությամբ ռուսներին «լծից» ազատագրվելու հույսով:

Ռուսաստանում մուսուլմանական ազգայնականության ձևավորման գլխավոր կենտրոնն այդ ժամանակ դարձել էր Բաքուն: Այստեղ պանթուրքական գաղափարներ էր պրոպագանդում վերևում արդեն հիշատակված «Կասպին»: Ռուսաստանում ոչ միայն պանիսլամիզմի, այլև պանթուրքիզմի տարածման գործում մեծ դեր խաղացին ադրբեջանական բուրժուական նացիոնալիզմի ճանաչված դեմքեր Ալի Հուսեյն զադեն, Ահմեդ Աղաօղլուն (Աղան), Ալի Մերդան Թոփչիբաշևը: Սրանցից Ահմեդ Աղանը այն կարծիքին էր, որ Թուրքիան կարող է և պետք է թուրքալեզու ժողովուրդների անկախության ու միավորման գաղափարը վերածի անհաղթահարելի ու անդիմադրելի կամքի, որ այդ ժողովուրդների համար նա պետք է այն դերը խաղա, ինչ դեր խաղաց Պրուսիան գերմանական կայսրության ստեղծման գործում: Ուստի յուրաքանչյուր իսկական մուսուլմանի պարտքն է՝ ամեն կերպ կնպաստել Թուրքիայի և նրա ամենաարժեքավոր տարրի՝ թրքության հզորացմանը: Ադրբեջանցի պանթուրքականները մոլեռանդ կրթությունը հանդես էին գալիս Ռուսաստանի մյուս թուրքալեզու ցեղակից ժողովուրդների հետ սերտ միություն ունենալու, միասնաբար «ազատագրական կովի» ելնելու, թուրքաթաթարական միատարր կայսրություն ստեղծելու ծրագրով:

Ռուսաստանում պանթուրքական նացիոնալիզմը գործելու լայն հնարավորություններ ստացավ ռուսական առաջին հեղափոխության և նրան հաջորդած ժամանակաշրջանում: Օգտվելով հեղափոխության ընձեռած քաղաքական որոշ ազատություններից, Ռուսաստանի մուսուլման ազգայնական գործիչներն իրենց գաղափարները տարածելու համար առավելագույն շափով օգտագործում էին գրականությունը, ժողովների ու միտինգների հրավիրման լեզու հնարավորությունները, Պետական դրաման, առանձնապես մամուլը: Մեկը մյուսի հետևից լույս տեսան ազգայնական ուղղության նոր թերթեր ու հանդեսներ, որոնց թիվն անցավ հիսունից: Դրանց մեծ մասը հրատարակվում էր Բաքվում և Կազանում: Բաքվում լույս տեսնող մամուլի օրգաններից հատկապես ակտիվ պանթուրքական պրոպագանդա էին մղում «Հայաթ» (խմբագիրներ՝ Ահմեդ Աղան և Ալի Հուսեյն զադե), «Թագե» և «Սևադա» (խմբագիր՝ Հաշիմ բեգ), «Իրշադ» և «Թերաքքը» (խմբ-

բազիր՝ Ահմեդ Աղաև), «Հաքիբաթ» և «Իբբալ» (խմբագիր՝ Օրու-ջով), «Ֆեվլուդաթ» (խմբագիր՝ Ալի Ղուսեհին զադե) պարբերա-կանները, որոնք շարունակում էին ֆինանսավորվել ադրբեջանցի միլիոնատերերի կողմից: Թունդ ազգայնականություն էին քարո-ղում նաև Աթթար Օսմանովի խմբագրությունում բնույթ տեսնող «Դանկ», «Դանկ Յրլըզըր», «Բեյան յուբ Հարբթ» պարբերական-ները:

Պանթուրքական ուղղության թերթերի էջերում քննարկվող հիմնական թեման «թուրքական ցեղի» տարբեր ճյուղերի միջև համերաշխություն և միություն, թուրք-թաթարական միասնու-թյուն ստեղծելու խնդիրն էր: Այդ առնչությամբ քննարկվում էր նաև այն հարցը, թե թուրք-թաթարական լեզուներից որի՞ն պետք է առաջնություն տալ, այսինքն՝ ո՞րը պետք է լինի գալիք պան-թուրքական կայսրության ընդհանուր լեզուն՝ թաթարերե՞նը, կիր-գիզերե՞նը թե թուրքերենը: Հիմնական կարծիքն այն էր, որ պետք է իբրև ազգային լեզու ընդունել թուրքերենը, ինչպես նաև Ռուսաստանի բոլոր «թուրք համայնքների» համար որդեգրել Օսմանյան կայսրության մեջ գործող կրթական սիստեմը: Առա-ջարկվում էր Պոլսի թուրքերենով թերթեր հրատարակել Թիֆլի-սում, Ղրիմում, Պետերբուրգում և այլուր, տարածել թուրք գրա-կանություն, մեծացնել Թուրքիայի ազդեցությունը Ռուսաստանի թուրքալեզու ժողովուրդների վրա: Այդ ամենը նպաստում էր նրան, որ այդ ժողովուրդների վերին խավերում ուժեղանում էին կայսրությունից անջատվելու տրամադրությունները, առաջ էր գալիս համաթուրքական ազգայնականություն և Թուրքիայի հետ միավորվելու բուն ձգտում:

Ռուսաստանյան պանթուրքականներն իրենց հայացքներն ուժգնորեն պրոպագանդելով ոչ միայն Ռուսաստանում, մեծ դեր էին խաղում նաև պանթուրքիզմն Օսմանյան կայսրության մեջ տարածելու գործում: Հենց այստեղ ասենք, որ թուրքական սուլթանը, նրա արքունիքը երկար տարիներ խեթ աչքով էին նա-յում պանթուրքականների գործողություններին, բազում արգելք-ներ հարուցում կայսրությունից ներս նրանց գաղափարների տա-րածման առջև: Առաջին հայացքից դա կարող է անբնական թվալ, բայց իրականում այդպես էր: Եվ դա այն պատճառով, որ, ինչպես տեսանք, «նոր օսմաններին» շարժման ճնշումից հետո Օսմանյան կայսրության հիմնական պաշտոնական գաղափարա-խոսությունը դարձել էր իսլամականությունը, աբդուլհամիդյան

պանիսլամիզմը, որոնք ելնում էին բոլոր մուսուլմաններին միա-վորելու գաղափարից: Պանթուրքիզմը գալիս էր ճեղք բացելու պանիսլամականության մեջ, քանի որ քարոզում էր ոչ թե բոլոր մուսուլմաններին, այլ միայն դրանց մի մասին՝ թուրքերին միա-վորելու գաղափարը, դրանով իսկ սպառնում էր Օսմանյան կայսրության գաղափարական հիմքերին, նրա ամբողջակա-նությունը:

Ինչևիցե, դեռևս անցյալ դարի 90-ական թվականներից սերտ կապեր հաստատվեցին ռուսաստանյան թուրքալեզու ազգայնա-կանների և Թուրքիայի քաղաքական-հասարակական շրջանների միջև: Կ. Պոլիսը իսկական սրբավայր դարձավ ազգայնականների համար: Գալով Թուրքիա, նրանցից շատերն այլևս չէին վերա-դառնում Ռուսաստան և համիսլամական ու համաթուրքական բուն գործունեություն էին ծավալում Պոլսում, Իզմիրում, Սալո-նիկում, կայսրության ուրիշ վայրերում:

Այսպես, օրինակ, Կազանից Կ. Պոլիս գնաց «Յրլըզըր» թերթի-ակտիվ աշխատակից Յուսուֆ Աքչուրան, որը որոշ ժամանակ հետո այնտեղից անցավ Եգիպտոս և Կահիրեում թուրքերեն լույս տեսնող «Իթթիհադ» թերթում հրատարակեց «Ուլ թարգը սիա-սեթ» («Երեք տեսակի քաղաքականություն») խորագրով հոդվա-ծաշարը, որը քաղաքական ծրագրի նշանակություն ունեցավ պանթուրքական շարժման համար, իսկ հոդվածի հեղինակը որոշ ժամանակ անց ճանաչվեց իբրև պանթուրքիզմի խոշոր տե-սաբան:

Ռուսական առաջին հեղափոխության նախօրյակին Յուսուֆ Աքչուրայի հետքերով Ղրիմից Պոլիս անցավ Իսմայիլ Գասփ-րինսկին, իսկ հեղափոխության ժամանակ և նրանից հետո այն-տեղ հաստատվեցին ադրբեջանցի պանթուրքականներ Ահմեդ Աղաևը և Ալի Ղուսեհին զադեն: Հեղափոխության ժամանակ Պո-լիս անցավ նաև ծննդով Պենզայի նահանգից Մուսա էֆենդին: Ավարտելով ռուսական գիմնազիան, նա Պոլսում դասավանդում էր ռուսաց լեզու, իսկ 1907 թվականից սկսած միաժամանակ այստեղ թաթարերեն լույս էր ընծայում և խմբագրում «Մաթեն» թերթը: Ի. Գուրբորոդկոն գրում էր. «Այդպիսի ռուսականացված մուսուլմաններ կամ, ավելի ճիշտ, թուրքացած ռուսաստանցի-ներ բավական շատ են Օսմանյան կայսրության մեջ: Աշխատելով գրական, ռազմական կամ ուսումնական ասպարեզներում, նրանք

մեծապես նպաստում են թուրքական մուսուլմանների մոտ հասարակական գիտակցության արթնացմանը»¹:

Պոլսում և այլուր բնակություն հաստատած, ծագումով Ռուսաստանից թուրք-թաթարական գործիչներից շատերը կարճ ժամանակում դարձան Թուրքիայի քաղաքական կյանքի աչքի ընկնող դեմքեր: Իրենց հիմնած թերթերի էջերից նրանք մղում էին կատաղի պանթուրքական պրոպագանդա, բորբոքում հակառուսական և հակաքրիստոնեական տրամադրություններ, իրականացնում կապը երիտթուրքական կազմակերպությունների և Ռուսաստանի թուրք-թաթարական ազգայնական կենտրոնների միջև, այդ կենտրոններին պատվիրում էին, թե ինչպես պետք է գործել, նրանց փոխանցում էին երիտթուրքական պարագլուխների ցուցումները: Այսպես, օրինակ՝ 1906-ի սեպտեմբերի 22-ին թվագրած մի նամակ-ուղերձում, որ երիտթուրքերը ազդրեջանական պանթուրքականների հետ Կովկաս էին ուղարկել, առաջ էր քաշվում Ադրիատիկի ափերից մինչև Ջինաստան ընկած տարածքի վրա օսմանյան թուրքերի գլխավորությամբ թուրքալեզու բոլոր ժողովուրդներին միավորելու խնդիրը: Միայն այդ կերպ, միայն Օսմանյան կայսրության ամրապնդման և ընդարձակման միջոցով բոլոր թուրքալեզու ժողովուրդները կփրկվեն կործանումից, ասված էր նամակ-ուղերձի մեջ:

Պանթուրքիզմի գաղափարը երիտթուրքերի համար հենց սկզբից հարազատ դարձավ: Գեռ իր սկզբնավորման շրջանում երիտթուրքական թուրքիզմի մեջ արդեն պարզորոշ դրսևորվում էին պանթուրքական երանգներ, որոնք գնալով ավելի ու ավելի ցայտուն դարձան և սկսեցին զբաղեցնել թուրքական նացիոնալիզմի գաղափարախոսներից շատերին: 1908 թվականին անցնելով իշխանության գլուխ, երիտթուրքերն իրենց գաղափարախոսական զինանոցը հենեցին երկու սյուների՝ թուրքիզմի և պանթուրքիզմի վրա: Եթե թուրքիզմը իթթիհազ կուսակցության, հետևապես նաև թուրքական կառավարության պաշտոնական գաղափարախոսություն դարձավ երիտթուրքական հեղափոխությունից մեկուկես-երկու տարի անց, ապա պանթուրքիզմը այդպիսին դարձավ ավելի ուշ՝ իթթիլաֆի կառավարությունը 1913

¹ И. И. Голобородько (И. Южанин), Старая и новая Турция, с. 111.

թվականի սկզբին տապալելուց հետո, այսինքն՝ երբ երիտթուրքերը երկրորդ անգամ անցան իշխանության գլուխ:

Թուրքիզմի բոլոր նշանավոր գաղափարախոսները տրամաբանության բերումով դարձան նաև պանթուրքական գործիչներ: Դա այդպես էլ պետք է լիներ, քանի որ թուրքիզմը, կազմելով պանթուրքիզմի միջուկը, վերջին հաշվով սրա հետ մի ամբողջություն է կազմում: Պանթուրքիզմը բարձրանում է թուրքիզմի ուսերին կամ, կարելի է ասել՝ վերջինս վերածվում է պանթուրքիզմի: Եթե թուրքիզմն Օսմանյան կայսրությունը, հատկապես «բուն Թուրքիան» ազգային տեսակետից «միատարր» դարձնելու ծրագիր էր, ապա պանթուրքիզմը գերաճում է թուրքիզմից, ընդլայնում գործունեության դաշտը, տարածվում Թուրքիայի սահմաններից դուրս՝ իր ոլորտի մեջ առնելով ուրիշ երկրներ ու ժողովուրդներ:

Երիտթուրքական պարագլուխներից բժ. Նազըմը իր գործակիցների հետ այդ առթիվ մտքեր փոխանակելիս ասել է. «Ասիական հողամասի վրա դեպի Արևելք անսահման կարելիություններ են գտնվում մեր զարգացման և ընդարձակման համար: Մի մոռացեք, որ մեր նախահայրերը Թուրանից են եկել ու այսօր Անդրկովկասի, ինչպես նաև Կասպից ծովից դեպի արևելք տարածվող ընդարձակ հողամասերի վրա թուրք ցեղերն են ապրում, գրեթե միատարր, ավա՛ղ, մեր դարավոր թշնամի Ռուսաստանի լծի տակ»¹: Այսպիսով, շեշտել է Նազըմը, «մեր քաղաքական հորիզոնը միայն այդ ուղղությամբ է բաց մնում», հետևապես «մեր սրբազան պարտքն է՝ իրականացնել թուրք ցեղի միությունը Միջերկրականից մինչև Արալ ծովը»²: Այդ պարտքի կատարումը մեծագույն իրականացում է: Նազըմը գտնում էր, որ «իրենց ծագմանն ու պատմական կոչմանը գիտակից թուրք մտավորական և քաղաքական գործիչները միայն այս հեռանկարով կարող են առաջնորդվել և նրանով խանդավառել նաև ժողովուրդին և երիտասարդությանը, որոնք իրար հաջորդող պարտություններից և ձախորդություններից կարծես մատնված են հուսալքման: Իր ներքին կենսունակությունը և հմայքը խորացնող պանիսլամության գաղափարի փոխարեն մեր քաղաքականութեան հիմնաքարը պետք է դառնա պանթուրանականությունը»³:

¹ Ա. Ամուրյան, Հայ դատ, էջ 24:

² Նույն տեղը:

իրբև ոգի և ձգտում»¹: Նա հիշեցնում էր, որ «մի քանի տարիներ ի վեր այս գաղափարն արդեն շատ մտքերի մեջ տեղ է գրավել ու մեր ղեկավարությունն մեջ այսօր նրա դեմ արտահայտվող չկա: Ավելորդ եմ գտնում, հետևաբար, իբրև քաղաքական տեսություն բացատրել նրա արժեքը և կարևորությունը մեզ համար, երևան հանել այն պատմական, դինվորական, քաղաքական և տնտեսական տվյալները, որոնք բոլորը ներդաշնակվում են առաջ մղելու համար մեր համաթուրանական գաղափարը»²:

Թուրքական-պանթուրքականները մի կողմից Օսմանյան կայսրության թուրք բնակչության մեջ ազգային հպարտության խոր զգացում էին առաջ բերում, մյուս կողմից՝ պրոպագանդում էին, թե թուրանական ժողովուրդները ցեղաբանական և կուլտուրական տեսակետից էթնիկական մի ամբողջություն են կազմում, ուստի ամեն կերպ նրանց մեջ պետք է զարգացնել միասնական ժողովրդի զգացումը, նրանց համախմբել մի գաղափարի՝ պանթուրքիզմի շուրջը:

Ինչպես արդեն ասվեց, թուրքիզմի ծավալման առնչությամբ, Զիա Գեոքալփը, հենվելով Յուսուֆ Աքչուրայի «Երևք տեսակի քաղաքականություն» ճորձածում արտահայտած մտքերի վրա, տվել էր ազգի, մասնավորապես թուրք ազգի բնորոշումը: Ըստ Գեոքալփի, թուրք ազգն անհատների ընդհանրությունն է՝ ընդհանուր լեզվով, կրոնով, բարոյականությամբ, գեղագիտությամբ: Այդ բնորոշումը, սակայն, վերաբերում էր միայն Օսմանյան կայսրության, ավելի ճիշտ՝ Անատոլիայի թուրքերին: Բայց եթե պանթուրքիզմի գաղափարի իրականացման դեպքում մի պետություն մեջ միավորվեին թուրքալեզու, բայց տարբեր բարոյական սկզբունքներ ու սովորություններ, տարբեր կենցաղ ու մշակույթ ունեցող բազմաթիվ ժողովուրդներ, այն դեպքում արդյոք թուրքիզմի դիրքերից տված ազգի սահմանում պիտանի կլինե՞ր նաև այդ պետության ողջ թուրքալեզու «ազգը» բնորոշելու համար: Ինչ խոսք, նման պայմաններում թուրքիզմի դիրքերից թուրք ազգին տված արևմտյան բնորոշումը խիստ թերի էր դառնում և այն չէր կարող տարածվել ապագա կայսրության թուրքալեզու «ազգ» համարվող ժողովուրդների վրա: Ահա թե ինչու առաջ եկավ «թուրք ազգին» պանթուրքական բնորոշում տալու պա-

հանջը: Եվ Գեոքալփը, «հենված» ցեղաբանական, ընկերաբանական, պատմական, հոգեբանական և այլ տվյալների վրա, տվեց այդ բնորոշումը, որն արվեն զգալի շահով տարբերվում էր ազգի՝ թուրքիզմի դիրքերից ձևակերպված սահմանումից: Գեոքալփը այս անգամ պանթուրքական «ազգը» դիտում էր որպես անհատների ընդհանրություն, որն ունի ընդհանուր լեզու, ընդհանուր կրոն և ընդհանուր տերիտորիա («թուրքերի ապրած տեղեր»): Ինչպես տեսնում ենք, թուրք ազգի արևմտյան-թուրքալեզու սահմանումից դուրս էին թողնվել «բարոյականություն» և «գեղագիտություն» բառերը և ավելացվել էր «տերիտորիա» բառը:

Պանթուրքականները վճռականապես մերժեցին նաև պանիսլամականների կողմից «մահմեդական ազգին» տված բնորոշումը, ըստ որի այդ «ազգը» բոլոր կրոնական համայնքների՝ մյուսլիմների գումար է: Նշելով, որ իսլամ ազգ չկա, պանթուրքականներն անհանդուրժելի էին համարում մահմեդականին թուրքի հետ շփոթելը:

Մադրելով օսմանիզմի՝ «օսմանյան եղբայրներ» արտահայտությունը, Զիա Գեոքալփը նաև մերժում էր իսլամի այն պատգամը, թե բոլոր մահմեդականները եղբայրներ են: Դա կեղծ է, անիրական, դա երեսպաշտություն է, որ պետք է մի կողմ նետել, ասում էր նա: Անատոլիայի թուրքը չի կարող եղբայր լինել նրա հետ, ով մահմեդական է, բայց թուրք չէ, ասենք՝ չի կարող եղբայր լինել սեմական արաբի կամ մարական պարսիկի հետ: Բայց նույն անատոլիացի թուրքը եղբայր է շամանիզմ դավանող տունգուսի կամ յակուտի հետ, որոնք մահմեդական չեն, բայց թուրքալեզու են: Պատահական չէ, որ Գեոքալփը և մյուս նշանավոր պանթուրքականները բուռն հարձակումներ էին կատարում մահմեդականության շրջա թևի վրա, որին պատկանում են պարսիկները և մի քանի ուրիշ ժողովուրդներ: Իսկ ինչպե՞ս վարվել այն ժողովուրդների, ասենք՝ կովկասյան թուրքերի (ադրբեյջանցիների) հետ, որոնք թուրքալեզու լինելով դավանում են շիիզմ: Գեոքալփը, որ կրոնի համեմատությամբ առաջնայինը միշտ ազգային էր համարում, պարզապես խնամքով շրջանցում էր այդ հարցը: Իսկ մի շարք արևմտյան-պանթուրքականներ, անդրադառնալով նման «բացառություններին», գտնում էին, որ այդ խնդիրը հրատապ չէ, նրանով առայժմ զբաղվելու հարկ չկա, իսկ հետագայում, ապագա պանթուրքական կայսրություն-

¹ Ա. Ամուրյան, Հայ դատ, էջ 24:
² Նույն տեղը, էջ 25:

նում այն անպայման կլուծվի (իհարկե, նկատի ունենին, որ գալիքում բոլոր թուրքերը դավանելու են սունիզմ):

Բոլոր թուրքական ժողովուրդների եղբայրությունն ու միությունը համարելով աստվածային նախախնամության պատգամ, պանթուրքականները զգացական-պաթետիկ ոճով սկսեցին երգել վերացական հայրենիքը՝ Թուրանը¹: «Գենճ կալեմլերում» հրատարակած «Թուրան» բանաստեղծության մեջ ընթերցողի երեւակայությունը բորբոքելով վերածնված հզոր Թուրանի վերացական պատկերով, Զիա Գեոքալփը գրում էր, որ իր սիրտը ներշնչում է թուրքերի նախահայր Օղուզ խանը: Թուրքերի բնօրրան հայրենիքը Թուրքիան չէ, ասում էր նա, նույնիսկ Թուրքեստանը չէ, այլ հեռու մեծ երկիրը՝ Թուրանը: «Մի մոռացեք, Օղուզի որդիներ, այն երկրի մասին, որը կոչվում է Թուրան: Ո՞ւր է Ղրիմը, ի՞նչ է եղել Կովկասի հետ: Կազանից մինչև Տիբեթ ընկած հողերը գրավված են ռուսների կողմից», զրանք պետք է ետ գրավել արյան գնով: Այսպես էր Գեոքալփը թուրանիզմի շովինիստական մոլուցքով գրգռում ամբոխին:

Գեոքալփը և լավականներն ասում էին, թե Թուրան անծայրածիր հայրենիքում ապրող թուրքալեզու բոլոր ժողովուրդները ցեղակից են, նույն ընտանիքից սերված եղբայրներ և նույն արյունն է հոսում նրանց երակներում: Ապացույց: Թեկուզ թամբիր մի ձի, ճամփա ելիր Դարդանելի ափերից, Անատոլիայով անցիր Թուրքեստան, այնտեղից կտրիր վիթխարի մի ճանապարհ դեպի Ալթայներ ու Հյուսիսային Չինաստան, ապա թեքվիր հյուսիս, կտրիր ողջ Սիբիրը, վերադարձիր Վոլգայի ափերը, այնտեղից անցիր Ղրիմ. այս ողջ տարածքի վրա դու կխոսես մի լեզվով՝ թուրքերեն, և ամենուրեք քեզ կհասկանան քո եղ-

¹ Թուրանը ծագումնաբանությամբ պարսկերեն բառ է, որն առաջին անգամ հիշատակվել է հին պարսկական զորաստորիզմ կրոնի սուրբ գրքերի ժողովածու «Ավեստայի» մեջ Թուրա կամ Թուրիա ձևով: Ըստ «Ավեստայի» Թուրանը մեկն էր այն երեք եղբայրներից, որոնցից սերվել են մարդկային ցեղերը: Մյուս երկու եղբայրներն էին Արիան, որ տիրացավ Իրանին, և Սայրիման, որին բաժին ընկան արևմտյան երկրները: Պատմաբանների վկայությամբ, «Թուրան» ասելով առաջնորդում նկատի են ունեցել նախկին Թուրքեստանը, առանձնապես Իսսեկուլ տարածքը և Ալթայի լեռները շրջապատող վայրերը: Այդ վայրերում ապրած, իսկ հետագայում Ասիայի ու Եվրոպայի այլ տարածքներում բնակություն հաստատած ժողովուրդները, հնում ստանալով «Թուրանի ժողովուրդներ» և «Թուրանի ցեղեր» անունը, հետագայում էլ պահպանեցին այդ անվանումը:

բայրները: Այդ բոլոր թուրքալեզու ժողովուրդները, աննշան բացառություններով, մահմեդականներ են և խոսում են թուրքերենի զանազան բարբառներով: Չնայած թուրք էթնիկական խումբերը տերիտորիալ տեսակետից միմյանցից կտրված են, գրում էին սլավականները, սակայն դրանք բոլորն էլ պատկանում են նույն ռասային, թուրանական միասնական ազգին: Թուրանական բոլոր ժողովուրդները միևնույն ցեղի զանազան աշխրեթներն են, որոնք անցյալում միանում և կազմում էին Ոսկե հորդայի, շինգիդների մեծ կայսրության նման հսկա պետական-քաղաքական միավորումներ: Եթե անցյալում թուրքական ժողովուրդներն ունակ էին ստեղծելու նման ընդհանուր պետական միավորումներ ու միություններ, ապա այժմ նույնպես նրանք կարող են հզոր կայսրություն ստեղծել, այս անգամ թուրք միակ անկախ պետության՝ Թուրքիայի գլխավորությամբ: Դա անխուսափելի է, որովհետև թուրքալեզու բոլոր ժողովուրդները, որոնք ունեն նույն հոգեբանությունը, սկսել են գիտակցել, որ իրենք թուրք են, մեկ ազգի զավակներ: Պատմությունը կրկնվում է, պատմությունը պետք է կրկնվի. այս է նախախնամության պատվիրանը: Եվ պետք է փառարանել այդ կրկնվող պատմությունը, անցյալի մեծ դեմքերին, ուժի աստվածներին՝ Աթիլլային, Արփ Արսլանին, Տուղրիլին, Թեմուրլենկին, անողոք Չինգիզ խանին:

Պանթուրքականների մոտ անզուսպ հիացմունք էին առաջ բերում «թուրանական մեծ ցեղի» երևակայական բարեմասնությունները՝ ֆիզիկական քաջությունը, ամուր ջղերը, տոկունությունը, հերոսությունը, վճռականությունն ու խիզախությունը, զինվորական տաղանդը, սակավապետությունը, բնազդական համերաշխության և կարգապահության ոգին, այլ խոսքով՝ զինվորներ ժողովելու, բանակներ կազմելու, երկրներ նվաճելու և բռնակալելու, շահագործելու ու քանդելու անզիջում մոլուցքը: Երկինք բարձրացնելով այս հատկությունները, պանթուրքականները, իհարկե, ամեն կերպ ժխտում էին իրենց վաշկատուն ու արկածախնդիր նախահայրերին վերագրած բարբարոսությունները, նրանց ավարառություններն ու ավերները, սպանություններն ու կոտորածները: Թուրքը ոճիր չի գործել, ասում էին նրանք, թուրքերն ուղղակի տիրապետող և հրամայող ցեղ են, նրանք աշխարհ են եկել իշխելու համար: Թուրքն ունի նյարդային և մկանային անսպառ ուժ. հենց այդ առանձնաշնորհով էլ

նա բարձր է դասված մյուս բոլոր ազգերից ու ռասաներից: Ավելի-ին, պանթուրքական փիլիսոփայության մեջ դարգացվում էր նաև այն տեսակետը, թե վրա է հասել թուրանների համաշխարհային տիրապետություն հաստատելու ժամանակը, թե բոլոր ազգերն անցնում են ծննդի, զարգացման, հզորացման ու վայրէջքի փուլերը: Հետևապես իրենց դարն ապրել ու պատմության ետնախորշերն են մտել Հարավային Ասիայի և Աֆրիկայի ցեղերն ու ժողովուրդները, պարսիկները, եգիպտացիները, որոնք այլևս ասելիք ու անելիք չունեն: Իրենց փառքի ու հզորացման բարձրակետին հասած եվրոպական ժողովուրդները նույնպես աստիճանաբար վայրէջք են ապրում, նրանք ևս գտնվում են անկման փուլի եզրին և մի քանի տասնամյակ հետո կիջնեն պարսիկների, եգիպտացիների և անհուսորեն այլասերման դատապարտված այլ ժողովուրդների մակարդակին: Աստվածային նախասահմանամբ եկել է Կենտրոնական Ասիայի ժողովուրդների ժամը: Ապագան նրանցն է: Առնական, առողջ, հնարամիտ ու տաղանդավոր թուրք ազգին՝ բոլոր ազգերից լավագույնին է վիճակված տիրող լինելու: Նրա դրոշն է հաղթական: Նա է ի վիճակի կենարար թուրանական թարմ արյունը ներարկելու զառամած աշխարհի թոշնած երակներին, կյանքի կոշիլու նրան: Նա անպայման վերականգնելու է ցեղի անցյալ մեծությունը, հեռավոր հայրենիքը, հեռավոր փառքը:

Իսկ ո՞րն էր «թուրք աշխարհը» կամ «Թուրան» կոչվածը, որո՞նք էին պանթուրանականների կոնկրետ տերիտորիալ հավակնությունները:

Այս հարցում պանթուրքականները հենց սկզբից տարակարծիք եղան, «թուրք աշխարհի» սահմանները գծելիս հանդես չբերեցին միաբանություն:

Առավել ծայրահեղ պանթուրքականները առաջ էին քաշում առավելագույն ծրագիր, այն է՝ ստեղծել «Մեծ Թուրան»,

¹ Թուրքական առասպելներից մեկի համաձայն մի ժամանակ թուրքերը պարտություն կրելով, թաքնվել են էրզնեկոնի լեռներում և այնտեղ, առանց դուրս գալու, մնացել 400 տարի: Վերջապես աստված գթացել է և նրանց օգնության է ուղարկել «գործ գայլին» (բոզբուրթ) և ուղեկցող Բերտեչիներին: Դրանց աջակցությամբ թուրքերը ջախջախել են իրենց թշնամիներին և դուրս եկել էրզնեկոնից: Ինչպես պնդում էին պանթուրքականները, այդ ժամանակից էլ սկսվում է թուրք ազգի հզորության ծաղկումը (տե՛ս Ջ. «Большевик», № 10—11, май-июнь, 1944, էջ 82):

որե՛ն սահմանները պետք է տարածվեն ճապոնական ջրերից մինչև Սևանդինավյան լեռները և բևեռային օվկիանոսից մինչև Տիբեթի բարձրավանդակը: Դրանց մի մասը «Մեծ Թուրանի» մեջ մտցնում էր այն բոլոր տարածքները, ուր թուրքը երբևիցե (լինի միջնադարում, թե դրանից առաջ) ոտք էր դրել: Նրանք պահանջում էին նոր ստեղծվելիք կայսրության սահմանների մեջ ներառել նաև մահմեդական շատ երկրներ, որոնց ժողովուրդները թեպետ թուրքալեզու չեն, բայց նրանց իշխող արքայական տները երբևիցե ունեցել են թուրանական ծագում: Մասնավորապես նրանք նկատի ունեին Հնդկաստանի մեծ մասը, Աֆղանստանը, Պարսկաստանը, արաբական երկրները, որոնք պետք է վասալական սկզբունքներով մտնեին «Մեծ Թուրանի» մեջ: Այլ խոսքով, ծայրահեղ հիվանդ երևակայության տեր պանթուրանականների համար «Մեծ Թուրանը» Մարոկկոյից ձգվում է մինչև Կորեա: «Մերն է այն երկիրն ընդարձակ, որ երեք աշխարհներ է ընդգրկում»,— գրում էր թուրք ազգային բանաստեղծ Մեհմեդ էմինը: Ավելին, նրանցից ոմանք «արյունակից» ժողովուրդներ համարեցին բուլղարներին, հնագույն ֆինն-ուգրերին, հետևապես՝ ֆիններին, էստոնացիներին, հունգարներին և այլն²: «Զկա ավելի դժվար գործ, քան որոշել աներևակայելի չափերով ընդարձակ և հպարտ թուրքական աշխարհի իսկական սահմանները»,— ասում էր Ահմեդ Աղալը:

Պանթուրանականների մյուս, այսպես կոչված «իրատես» մասը քննադատաբար էր մոտենում ծայրահեղ թուրանականների պահանջներին, աշխատում էր ներկայանալ «գիտականության» թիկնոցով: «Իրատես» պանթուրանականները հանդես էին գալիս «Փոքր կամ նոր Թուրան» ստեղծելու պահանջով, «մեծահոգաբար» թուրանյան կամ Ուրալ-Ալթայան «մեծ ընտանիքը» սահմանափակելով դուրս թուրքալեզու ժողովուրդներով բնակեցված տարածքներով, այսինքն՝ 4 միլիոն քառ. կիլոմետր տարածութվամբ:

¹ Տե՛ս Ա. Ս. Համբարյան, Երիտթուրքերի ազգային և հողային բաղաբանությունը և ազատագրական շարժումները Արևմտյան Հայաստանում (1908—1914), էջ 19:

² Հնագույն ֆինն-ուգրերը եղել են ֆինների, էստոնացիների, մարիների, կոմիների, խանտերի, մանսիների, հունգարացիների և այլ ժողովուրդների ընդհանուր նախնիները:

³ Տե՛ս Ա. Սապան-Գյուլևան, Պատասխանատուները, էջ 136:

«Փոքր Թուրանի» սահմանները «իրատես» պանթուրանականները տարածում էին Կ. Պոլսից մինչև Բայկալ լիճ և Մոնղոլիայից մինչև Կազան: Այս սահմանների մեջ նրանք ներառում էին Բալկանները, Փոքր Ասիան, Ղրիմը, Կովկասը, Աստրախանը, Վոլգայի ափերը, Սարատովը, Սամարան, Կազանը, Ուֆան, Օրենբուրգը, Միբիրը, Միչին Ասիան, Կասպիականի բոլոր եղերքները, Հյուսիսային և Հարավային Ադրբեջանները:

«Իրատես» պանթուրանականներն առաջ էին քաշում «թուրք մեծ ընտանիքի» էթնիկական կազմի վերլուծության երկու տարբերակ: Առաջին տարբերակով նրանք այդ «ընտանիքի» մեջ էին ներառում հետևյալ «արյունակից» ժողովուրդներին. սիբիրյան թուրքեր (կիրգիզներ, դադարներ, ուզբեկներ, կարակալպակներ, թուրքմեններ), պոլովցյան թուրքեր (Կազանի թուրքեր, բաշկիրներ, շուվաշներ), տրուսմենյան թուրքեր (կարաիմներ, նոդայացիներ, կումիկներ, էարաշանցիներ), արևմտյան թուրքեր (իրաքյան, սիրիական, անատոլիական, բուլղարական թուրքեր, գազաուզներ, Հունաստանի, Մակեդոնիայի, Ռումինիայի և Կիպրոսի թուրքեր), ազերի թուրքեր (ադրբեջանցիներ և իրանական թուրքեր): «Թուրք մեծ ընտանիքի» երկրորդ տարբերակով Ուրալ-Ալթայյան «մեծ ընտանիքը» նրանք սահմանափակում էին հետևյալ հինգ ստորաբաժանումների մեջ. ուզբոֆինական, սամուլեզական, տունգուսական, մոնղոլական և թուրքական: Վերջին՝ «թուրք» ստորաբաժանման մեջ մտցնում էին. սիբիրյան (յակուտներ), Կենտրոնական Ասիայի (Չինական Թուրքեստանի, Կիրգիզիայի, Ղազախստանի, Ուզբեկստանի, Թուրքմենիայի և այլն), Վոլգայի դիշադներ, թաթարներ, բաշկիրներ և այլն), Սև ծովի (Ղրիմի թաթարներ, կովկասյան թուրքեր, ադրբեջանցիներ), արևմտյան (Իրանական Ադրբեջանի և Թուրքիայի) թուրքերին:

Այսպիսով, Թուրանի մեջ էին մտցվում ժողովուրդներ, որոնք ցրված են վիթխարի տարածքի վրա, էթնիկական տեսակետից իրարից անջատ են, այլադավան, խոսում են տարբեր լեզուներով ու բարբառներով, անցել են պատմական տարբեր ճանապարհներ, ենթարկվել զանազան քաղաքակրթությունների:

«Իրատես» պանթուրանականների մի մասը, ճշտելով թուրքականության և թուրանականության փոխհարաբերությունը, «զտարյուն թուրք» հասկացությունը տարածում էր ավելի սահ-

մանափակ աշխարհագրական տարածքի վրա: Նրանք որդեգրել էին «թուրք» հասկացության մասին Զիա Կեոքալփի «Թուրք-Ջյուլյուլուն էսասլարը» («Թուրքիզմի հիմունքները») գրքի գաղափարը: Գեոքալփը և ալիականները գտնում էին, որ «թուրանյան մեծ ընտանիքի» ամենաարժեքավոր անդամը Օղուզիստանի թուրքերն են: Օղուզները, ըստ ալիականների, Անատոլիայի, Կովկասի և Հյուսիսային Իրանի թուրքերն են, ադրբեջանցիները և թուրքմենները: Սրանք բոլորը, որ սերվել են Օղուզ խանից և հանդիսանում են նրա թոռները, մի քանի դար առաջ ապրում էին միասին, համերաշխ, իբրև մի ընտանիքի զավակներ: Օղուզներն ունեն ընդհանուր լեզու, գրականություն, մշակույթ, բարքեր, սովորույթներ: Օղուզիստանը մոտավոր ապագայի «Մեծ Թուրքիան» է, որի մասերն էին կազմելու Անատոլիան, Ադրբեջանը, պարսկական Ատրպատականը, Թուրքմենստանը:

Եվ այսպես, պանթուրքիզմը մարմին առավ թուրքճիություն-օղուզճիություն-թուրանճիություն եռաչուսվածքից: Թուրքճիությունն իդեալի և ռասայի մաքրության հիմքը, ցեղի ոգու պահեստարանն է: Օղուզճիությունը գերագույն նպատակին հասնելու միջանկյալ օղակ է: Թուրանճիությունը վերջնական նպատակն է, երրորդության պսակը, գերագույն իդճը:

Իսկ ինչպիսի՞ն պետք է լիներ ապագա թուրանական կայսրության պետական կառուցվածքը, պանթուրքական քաղաքական միության ձևը: Այս հարցում պանթուրքիզմի տեսաբաններն առաջ քաշեցին երկու տեսակետ: Նրանց մի մասը՝ հատկապես երիտթուրքական պանթուրքականները, իսկ հետո նաև՝ մուսավաթական պանթուրքականները հանդես եկան թուրանական երկրներն անվերապահորեն Թուրքիային կցելու օգտին: Դրանք կենտրոնացված միության (Մերթեզի վահեթճի) կողմնակիցներն էին, որոնք գտնում էին, որ թուրանիզմի առաջապահները Թուրքիան և Ադրբեջանն են, իսկ մյուս թուրանական երկրները կանգնած են երկրորդ և երրորդ գծերի վրա: Մյուս մասը, առավելապես Թուրքիայից դուրս բնակվող պանթուրքականները հանդես էին գալիս «մայր երկրին»՝ Թուրքիային դաշնակցային սկզբունքով կապվելու օգտին: Սրանք ապակենտրոն միության (Աղեմ ի մերթեզի վահեթճի) կողմնակիցներն էին:

Ահա պսակը գաղափարական այն ժառանգության, որ 19-րդ դարի 60-ական թվականներից մինչև առաջին համաշխարհային

պատերազմի նախօրյակը, այսինքն՝ շուրջ կեսդարյա ժամանակաշրջանում հրապարակ էր բերել թուրք ազգային բուրժուազիան:

Արդևն Բալկանյան պատերազմների ընթացքում և դրանցից կարճ ժամանակ անց Թուրքիայի մտավորականության և պետական պաշտոնյաների բացարձակ մեծամասնությունը պանթուրանականներն էին: Նրանք խանդավառ էին, որ, կորցնելով «եվրոպական մի քանի նահանգներ», դրա փոխարեն Թուրքիան շահել է շատ ավելի մեծ բան՝ «Իդեալ հայրենիքը», ասիական բնաշխարհը, որից նա պետք է ծծի իր կենսունակության ավիչը:

Լենկթեմուրի և Թուրանական մյուս նվաճողների հմայքը նոր ուժով վերակենդանացավ: Մասսայական ժողովներում և դասախոսական ամբիոններից բողոքի բուռն ու ցասկոտ խոսքեր էին ասվում նրանց հասցեին, ովքեր դեռ հավատում էին օսմանիզմի գաղափարներին: Օսմանը, ասում էին պանթուրանականները, այլթայան մի թուրք էր միայն, որն իր բանակով նվաճեց այս երկիրը և իր անունը փոխանցեց երկրին ու ժողովրդին: Ուրեմն իսկական թուրքի համար պատվաբեր է կոչվել ոչ թե թուրքերից մեկի՝ Օսմանի անունով, այսինքն՝ կոչվել «օսմանյան թուրք», այլ ավելի պատվաբեր է կոչվել այն ժողովրդի անունով, որին պատկանում էր նաև ինքը՝ Օսմանը, այսինքն՝ պարզապես կոչվել թուրք:

Պանթուրքիզմի գաղափարախոսությունը թուրքալեզու բոլոր ժողովուրդների սեփականությունը դարձնելու համար թուրք ազգային բուրժուազիան գործի դրեց եղած բոլոր միջոցներն ու հնարավորությունները: Իթթիհատի հովանու ներքո պանթուրքիզմի լայն տարածմանը լծվեցին դրականությունն ու պատմագրությունը, արվեստն ու փիլիսոփայությունը:

Քանի որ ապագա Թուրանական կայսրության մեջ «թուրք ազգի» բոլոր հատվածները միավորող և այնտեղ թուրքական գերիշխանություն հաստատելու հիմնական միջոցը միասնական լեզուն էր լինելու, ուստի պանթուրանականները արտակարգ կարևորություն ավելեցին թուրքերենի ունիտարիզմին, այսինքն՝ նոր թուրքերենի ստեղծմանը: Իթթիհատականները թուրք մտավորականությանը կոչ էին անում՝ գրել շատ պարզ, թուրք հասարակ ժողովրդին և բոլոր թուրքալեզու ժողովուրդներին հասկանալի լեզվով: Նոր թուրքերենի համար բառերի անսպառ գանձարան

դարձավ Հնդկաստանի Մեծ Մողոլ կայսրության հիմնադիր, Թեմուրի հետնորդ Չահրեդդին Մուհամմեդ Բաբուրի հուշակավոր հիշատակարանը՝ «Քուդաթթուբիլիքը»: Պանթուրքականները համոզված էին, որ թուրքալեզու մյուս ժողովուրդների առաջադիմությունը հնարավոր է միայն այն դեպքում, եթե նրանք յուրացնեն անատոլիական թուրքերի կուլտուրան, սովորույթները, թուրքերենի ստամբուլյան բարբառը:

Ստեղծվեցին պանթուրքիզմի գաղափարախոսությունը մեկնաբանող մի ամբողջ շարք գրքույկներ, որոնք գրեթե ձրի տարածվում էին բնակչության բոլոր խավերի մեջ: Իպրոցներում ուսումնական ծրագրերից հանվեցին եղած դասագրքերը և մրտցրվեցին նորերը, որոնք գրված էին թունդ ազգայնականության ոգով, ներծծված համաթուրանականության մոլի ռասիզմի գաղափարներով:

Պանթուրքիզմի դիրքերից «մաքրվում» էին կրոնական «սուրբ գրքերը»: Առաջին անգամ թուրքերեն թարգմանվեց և «Իսլամ մեճմուսար» հանդեսում լույս տեսավ մուսուլմանների սուրբ գիրքը՝ Դուրանը: Մինչ այդ մեծ մեղք էր համարվում սուրբ գրքի թարգմանությունը. մահմեդականության գոյության ամբողջ ժամանակաշրջանում մուսուլմանական ոչ մի ժողովրդի լեզվով այն դեռ չէր թարգմանվել ու հրատարակվել: Դուրանը մեշիդներում կարդացվում էր միայն արաբերեն¹:

Փոփոխություններ էին կատարվում նաև դարերով սրբագործված կրոնական ծեսերի մեջ, դրանք հարմարեցնելով պանթուրքիզմի պահանջներին: Այսպես, օրինակ, ավանդույթի ուժով թուրք մուսուլմանն աղոթելիս երեսը դարձնում էր հարավ՝ Արաբիա, մահմեդականության օրրանը: Այժմ նույն թուրքի մեջ արմատավորվում էր աղոթելիս երեսը դեպի արևելք՝ Թուրանիա դարձնելու սովորությունը²:

Պանթուրքիզմի հողի վրա արագորեն կյանքի էին կոչվում ծայրահեղ արմատական-շովինիստական բազմաթիվ խմբեր ու կազմակերպություններ, մեկը մյուսի հետևից հրապարակ էին գալիս ակումբներ, գրական, մարզական, սկաուտական, ուսա-

¹ Տե՛ս Ջ. Ս. Կիբալույան, Առաջին համաշխարհային պատերազմը և արևմտահայությունը 1914—1916 թթ., Երևան, Հայաստան, 1965, էջ 74:

² Տե՛ս նույն տեղը:

նողական միություններ և ընկերություններ: Դրանց թվում իրենց թունոտ շովինիզմով հատկապես աչքի էին ընկնում «Նոր կյանք» («Yeni hayat») խումբը, Զիա Գեոքալփի հիմնած «Թուրք Նոր-գու») («Թուրք երկիր») ակումբը և այլն:

1912 թվականին, երբ դեռ շարունակվում էր բալկանյան առաջին պատերազմը, Կոստանդնուպոլսում հիմնադրվեց թուրքական ուսանողական «Թուրք օճաղը» («Թուրքական ընտանիք») ընկերությունը: Սկզբնական շրջանում դրանում համախմբված մտավորականները նպատակ էին դրել «օճաղն» օգտագործել թուրքական լեզուն մշակելու, թուրքական գրականությունն ու արվեստը զարգացնելու համար, մի խոսքով՝ նպաստելու թուրք ժողովրդի ազգային ինքնագիտակցության բարձրացմանը: Կարճ ժամանակում ընկերությունը մոտ 60 մասնաճյուղեր՝ ազգային ակումբներ բացեց Անատոլիայի զանազան վայրերում, ինչպես նաև թափանցեց Ռուսաստանից ներս, բաժանմունքներ ստեղծելով Կովկասում և Ռուսաստանի թուրքալեզու այլ տարածքներում: Շատ շանցած այդ լայն ցանցն իր ազդեցության տակ առավ իթթիհադը: «Օճաղները» դարձան պանթուրքական ոգով բնակչությանը դաստիարակելու արդյունավետ միջոցներ: Դրանց դռներն ամուր փակվեցին ոչ թուրք տարրերի առջև՝ լինեին դրանք մասնազանգված թե քրիստոնյա: Ակումբներում անդամագրվում էին միայն թուրքերը՝ կառավարական ամենաբարձր պաշտոնյայից մինչև աղքատը: Այստեղ կազմակերպվում էին երեկոյան դասընթացներ, գրական-գեղարվեստական երեկույթներ, ձրի բաժանվում էին պարբերականներ, գրքեր ու պլակատներ: «Թուրք օճաղներում» կազմակերպվում էին հրապարակային դասախոսություններ, զրույցներ թուրքերի «փառավոր» անցյալի, թուրքական «հանձարների» և «հերոսների», թուրք ցեղերի կյանքի ու սովորությունների մասին: Այլ խոսքով՝ դրանց գործունեության հիմնական բովանդակությունը թուրք ազգի բացահայտության, այլ ժողովուրդների վրա նրա տիրապետության հաստատման ուսուցանողական քարոզն էր¹:

Անդրադառնալով «Թուրք օճաղների» գործունեությանը, սո-

վետական թուրքագետ Ա. Ֆ. Միլլերը նշում է, որ «ազգային գաղափարը նենգափոխելով ուսուցանողական և արտահայտելով թուրքական բուրժուազիայի և կալվածատերերի զավթողական ձրգտումները», երիտթուրքերն այդ ակումբները «վերածեցին իրենց քաղաքականության» պարզ գործիքի՝ դրանք «ուղղեցին պանթուրքիզմի, այսինքն՝ շովինիզմի ուղիով»: Նրանք «թուրք օճաղները» սկսեցին լայնորեն օգտագործել «Բոսֆորից մինչև Ալթայ բոլոր «թուրքերի» միավորման» (այսինքն՝ թուրքական սովթանին ենթարկելու) անհրաժեշտությունը ապացուցելու համար²:

Ռուսայական շովինիստական նման գործունեություն էին ծավալել նաև պանթուրքական-իթթիհադական այլ կազմակերպություններ ու խմբեր, որոնցից հատկապես առանձնանում էր 1914 թվականի հունվարին էրզրումում հիմնված տեոորիստական, ջարդարարական «Թուրքերի ումը» («Թուրք գյուլը») կազմակերպությունը, որի գլուխն էր կանգնել հայակեր թուրք փաշաներից մեկը՝ Համիդը³: Կազմակերպության նշանը էգ գորշ գայլն էր, որը խորհրդանշում է թուրքերի նախամորը: Գորշ էգ գայլի պատկերները միջնադարում իրենց ռազմական դրոշների վրա կրում էին հեթանոսական օղուզները, ինչպես նաև թուրքական զնդերը՝ վերահաս համաշխարհային պատերազմի տարիներին:

Օսմանյան կայսրության մեջ ծայր առած թուրքական վայրագ շովինիզմը լայն արձագանք էր գտնում Ռուսաստանի թուրքալեզու բուրժուական ազգայնականների գործունեության մեջ:

Ռուսաստանի թուրքական գործակալներին, էմիսարներին և ազիտատորներին ակտիվորեն աջակցում էին թուրքիայում հիմնավորված ռուսաստանյան պանթուրքական և պանիսլամական գործիչները, որոնք ղլխավորապես առևտրականների անվան տակ անցնում էին Ռուսաստան և կազմակերպական գալտնի աշխատանքներ տանում մուսուլման բնակչության շրջանում: Թուրքական էմիսարները սերտ կապեր էին

¹ Տե՛ս Ա. Ֆ. Миллер, Краткая история Турции, էջ 137:

² А. Ф. Миллер, Очерки новейшей истории Турции, с. 21.

³ Տե՛ս Ա. Ֆ. Миллер, Краткая история Турции, էջ 137:

⁴ Տե՛ս Ա. Ս. Հալաբուջան, Երիտթուրքերի ազգային ու հողային քաղաքականությունը և ազատագրական շարժումները Արևմտյան Հայաստանում (1908—1914), էջ 40:

¹ Տե՛ս Ջ. Ս. Կիրակոսյան, Առաջին համաշխարհային պատերազմը և արևմտահայությունը 1914—1916 թթ., էջ 77:

² Տե՛ս նույն տեղը:

հաստատում տեղական մուսուլման «երևելիների» հետ, նրանց աջակցությամբ հրավիրում հավաքներ ու ժողովներ, ծավալում բանավոր և գրավոր ագիտացիա¹:

Պանթուրքականների ուշադրության կենտրոնում ամենից առաջ կովկասն էր: Տեղի պանթուրքականները և պանիսլամականները խանդավառ ու անմնացորդ նվիրումով փարվելով թուրքական բուրժուազիայի ցնորական երազին, շրջագայում էին Ռուսաստանում, այցելում մուսուլմանական շրջաններ, հրահրում շովինիստական կրթեր, տենչում օր առաջ տեսնել ռուսական կայսրության կործանումը և թուրքիայի հաղթանակը²: 1913 թվականի մայիսի 15-ին Թիֆլիսի ժանդարմական վարչության պետը հայտնում էր, որ պարբերաբար հայտնաբերվում են արկղեր, որոնք պարունակում են մեծ թվով պանիսլամական բովանդակությամբ թուրքիկներ³:

Երիտթուրքերի տեսակետները լիովին բաժանում և նրա պրակտիկ քաղաքականությունն իրականացնելու համար Անդրկովկասում մեծ ջանքեր էին գործադրում հատկապես ազրբեջանական բուրժուական ազգայնականները, պանթուրքականներն ու պանիսլամականները:

1911 թվականին ստեղծվեց ազրբեջանական ազգային բուրժուազիայի մարտնչող քաղաքական կազմակերպությունը՝ «Մուսավաթ» («Հավասարություն») կուսակցությունը⁴, որը հենց սկզբից շեշտակի կերպով թեքվեց դեպի պանիսլամիզմ և պանթուրքիզմ⁵: Արդեն հաջորդ՝ 1912 թվականին մուսավաթականները պանիսլամիզմը և պանթուրքիզմը համարելով ղեկավար գաղափարախոսություններ, դրանք լայնորեն պրոպագանդում

¹ Տե՛ս Մ. Արզումանյան, Հայաստան 1914—1917, Երևան, Հայաստան, 1969, էջ 138:

² Տե՛ս նույն տեղը:

³ Տե՛ս А. О. Арутюнян, Кавказский фронт 1914—1917. Ереван, Айастан, 1971, էջ 45:

⁴ Ա. Գյուլիսանդանյանը գրում է. «Մեր շարժումները դերպանց աղդեցություն են ունեցել Անդրկովկասի մեր հարևան թաթարների վրա, որոնց «Մուսավաթ» կուսակցության կազմողները, իրենց իսկ վկայութեամբ, Ն. Յ. Դաշնակցութեան առկերտներն էին և ամեն կերպ աշխատում էին «Մուսավաթի» ծրագիր-կանոնագիրը նմանեցնել դաշնակցութեան» (տե՛ս Ա. Գյուլիսանդանյան, Ազգային շարժումների դրդապատճառները ԺԹ դարում, Փարիզ, 1939, «Նոր մասունքար», թիվ 1, էջ 26):

⁵ Տե՛ս «История СССР...», т. VI, էջ 456:

էին մամուլի իրենց պաշտոնական օրգանների՝ «Յէնի հագիգաթ» («Նոր ճշմարտություն») և «Սեդա» («Զայն») թերթերի, «Շեյալե» («Զրվեժ»), «Յէնի ֆելյուգաթ» («Նոր բարիք»), «Շեհարի սահիբ» հանդեսների էջերում:

Մուսավաթականների նախաձեռնությամբ Անդրկովկասում լայն շարժում ծավալվեց մուսուլմանական դպրոցները պանթուրքիզմի և պանիսլամիզմի ոգով ռեֆորմի ենթարկելու համար: Այդ տեսակետից լայն աշխատանք էր տանում «Մուսավաթի» հովանավորությամբ գործող «Նիջադ» ընկերությունը: 1912 թվականից սկսած Բաքվի, Ելիզավետպոլի, Շուշիի, Շամախիի, Աղդաշի, Գեոկչայի, Պետրովսկու, Երևանի և երկրամասի այլ վայրերի մուսուլմանական դպրոցներում դասավանդումը տարվում էր նոր, փոփոխված ծրագրերով:

Քարոզելով դասակարգային համերաշխություն ազրբեջանական ազգի ներսում, ասված է Ազրբեջանի կոմկուսի պատմության ուրվագծերում, «մուսավաթականները ձգտում էին նացիոնալիզմի թույնով թունավորել ազրբեջանական բանվորների ու գյուղացիների դիտակցությունը և նրանց շեղել հեղափոխական պայքարից: Պանիսլամիզմը և պանթուրքիզմը, սակայն, մուսավաթականներին չէր խանգարում օգտագործելու հնարավոր ամեն բան, որպեսզի ընդգծեն ցարական կառավարության նկատմամբ հավատարիմ հպատակի իրենց զգացմունքները»: Ազրբեջանական բուրժուական նացիոնալիզմի պարագլուխներ Ահմեդ Աղանը, Մուհամմեդ Շահթախիսկին, Ալի Մերդան Թոֆչիբաշևը, Աբդուրաշիդ Իբրահիմովը, Ֆարիխ Քյարիմովը և շատ ուրիշներ ոչ միայն Ազրբեջանում, այլև ողջ կովկասում դարձան պանթուրքական նացիոնալիզմի դրոշակակիրներ: Պանթուրքիզմի և պանիսլամիզմի գաղափարների իրականացմանը մոլեռանդորեն էր լծված հատկապես «Մուսավաթի» պարագլուխ Մ. Է. Ռասուլզադեն²:

Հարկ է նշել, որ «Մուսավաթ» կուսակցության ղեկավարները պանթուրքիզմի հողի վրա շատ դեպքերում իրենց ավելի սանձարձակ էին պահում, քան նույնիսկ իթթիհադի պարագլուխները: Մուսավաթականներն իրենց իբրև կատաղի շովին-

¹ «Очерки истории Коммунистической партии Азербайджана». Аз. гос. издательство, 1973, с. 171.

² Այդ մասին տե՛ս «История Азербайджана», т. 2, էջ 718:

նիստները դրսևորեցին մասնավորապես 1913 թվականին Բայադետում էնվեր փաշայի ղեկավարությամբ կայացած պանթուրքականների խորհրդաժողովում: Այստեղ տոն տվողները հենց «Մուսավաթի» պարագուլսներն էին՝ Աղաևը, Ռասուլզադեն, Թոփչիբաշևը: Երբ քննարկվեց այն հարցը, թե Ռուսաստանի հետ Թուրքիայի առաջիկա սպասվելիք ռազմական ընդհարման ժամանակ կովկասյան թուրքերը ինչպես պետք է համաձայնեցնեն իրենց գործողությունները թուրքական զորքերի հետ, Ահմեդ Աղաևը կտրուկ պահանջ առաջադրեց պատերազմի հենց առաջին օրը Ադրբեջանը և Հյուսիսային Կովկասը հայտարարել Թուրքիայի անբաժանելի մաս:

Պանթուրքիզմի վերջնական ձևավորումից հետո այն բազմաթիվ հետևորդներ ունեցավ նաև Հյուսիսային Կովկասում, Ղրիմում, Թաթարիայում ու Բաշկիրիայում: Աճեց պրոթուրքական համակրանքը «Մուսուլմանական միության» մեջ, որը միջոցներ էր ձեռնարկում Պովոլժիեի և Ղրիմի թաթարների միջև կապերը ամրապնդելու ուղղությամբ¹: Համերկրացի թաթար ազգայնական գործիչներին իր հողավածներով և հրահանգներով Թուրքիայից ոգեշնչում էր Յուսուֆ Աքչուրան:

Պետք է ասել, սակայն, որ համաշխարհային պատերազմին նախորդած 3—4 տարիներին Թաթարիայում զգալի շափով թուլացել էր պանթուրքականների և պանիսլամականների պրոպագանդան: Դա բացատրվում էր նրանով, որ այդ ժամանակ Ռուսաստանում պանթուրքական շարժման գլխավոր կենտրոնը դարձել էր Ադրբեջանը, որտեղ բուրժուական նացիոնալիստների հետ միասին պանթուրքական-պանիսլամական գործունեություն էին ծավալել զգալի թվով թաթար հասարակական գործիչներ, գրողներ, հրապարակախոսներ:

Թաթարիայում տեղի ազգայնական գործիչները երիտթուրքական պանթուրքականների օրինակով ձգտում էին հնարավորին շափ արմատական ռեֆորմի ենթարկել մուսուլմանական դպրոցները, դրանք հարմարեցնել բարձրացող թաթար բուրժուազիայի շահերին: Բայց նրանք առավել մեծ ակտիվություն հանդես բերեցին իսլամը բարեփոխելու գործում: Նորից այդ հարցի շուրջը պայքարը թեժացավ բարեփոխման կողմնակիցների՝ ջադիդների և դրանց հակառակորդների՝ քադիմականների միջև:

Այդ տարիներին Կազանում հատկապես լայն գործունեություն էր ծավալել մուլլա Մուսա Բիգիևը, որի քարոզներն այն ժամանակ բավական մեծ աղմուկ հանեցին՝ հետաքրքրություն առաջ բերելով նրա նկատմամբ: Վեճերի տեղիք տվեցին Բիգիևի շորս գրքերը, որոնք մեկը մյուսի հետևից թաթարերեն լույս տեսան Կազանում:

Իբրև կանոն, Բիգիևի գրքերից յուրաքանչյուրը նվիրված էր իսլամական կրոնի մի որևէ մասնակի հարցի: Բայց դուրս գալով բննարկվող տվյալ հարցի շրջանակներից, հեղինակը շոշափում էր իսլամի հետ առնչվող բաղմաթիվ ուրիշ հարցեր, քրննադատաբար վերլուծում դրանք: Ըստ որում նա իր իսկ առաջադրած հարցերին այնպիսի պատասխաններ էր տալիս, որ ընթերցողի մոտ անմիջապես կասկածներ էին ծագում ավանդական իսլամի շատ դրույթների ճշմարտացիության նկատմամբ: Այդ տեսակետից Բիգիևի գրքերն իրենց հարցադրումներով ավանդական իսլամի համար շատ ավելի վտանգավոր էին, քան, ասենք, Իսմայիլ Գասփրինսկու և մյուս ջադիդների աշխատությունները:

Մ. Բիգիևի և նորագույն ջադիդների դեմ անգիջում պայքար էին մղում թաթար քադիմականները: Դրանց մեջ հատկապես մեծ հեղինակություն ուներ Վյատկայի նահանգի Մալմիժե գավառի ավագ մուլլա Խյմուհամեդ Դին Մուհամմեդովը, որն իր քարոզներով, մամուլում ունեցած ելույթներով և տպագրված գրքույկներով բուռն գրոհներ էր կատարում նոր մեթոդականների վրա, մերկացնում «սրբապիղծ հերետիկոսների» նորամուծությունները, պնդում, որ իսլամում անթուլլատրելի է որևէ փոփոխություն: Նրա մոտ ամենախիստ առարկույթուններ էր առաջ բերում նաև դպրոցներում ուսուցման նոր մեթոդների կիրառումը՝ նստարաններին նստելը, ուսուցումը թաթարերեն և ոչ թե արաբերեն տանելը՝ այն էլ ղեմստվոյի վարչությունից ստացված դասագրքերով և այլն²:

¹ Մ. Բիգիևի հայացքների շուրջը ծավալված բանավեճերի մասին տե՛ս «Мир ислама», т. II, 1913, вып. IV, էջ 225—240: Նրա «Պաա կրկար գիշերներին», «Մի քանի հարց հասարակայնությանը», «Մուսուլմանության ապագան» գրքերի համառոտ շարադրանքին կարելի է ծանոթանալ նույն տեղում, вып. III և V:

² Տե՛ս «Мир ислама», т. II, 1913, вып. XII, էջ 866—869, А. Аршаруни и Х. Габидуллин, Очерки панисламизма и пантюркизма в России, էջ 17—20:

¹ Տե՛ս «История СССР...», т. VI, էջ 456:

Ռուսաստանից Թուրքիա գնացող ուխտավորներին քաղիմականները պատվիրում էին օսմանյան իշխանություններին և շեյխ-ուլ-խսլամին հաղորդել բարեպաշտ և ուղղափառ մուսուլմանների իրենց վայրույթը շադիդների սրբապիղծ գործունեության հանդեպ, իհարկե, բնավ խոսք չասելով այն մասին, որ այդ նույն շադիդները շատ ակտիվորեն պրոպագանդում են պան-խսլամիզմ և պանթուրքիզմ, որոնք արդեն գրված էին թուրքական պետության դրոշին¹:

Երիտթուրքերի և թաթար բուրժուական նացիոնալիստների ուժգին պրոպագանդայի հետևանքով պանթուրքիզմը թափանցեց նաև Միջին Ասիա և Ղազախստան:

Ռուսական առաջին հեղափոխության պարտությունից հետո բարձրացավ տեղական ազգայնականության ալիքը: Այդ հողի վրա լայն տարածում գտավ շադիդիզմը՝ նախ պանիսլամական, ապա և պանթուրքական գաղափարական դրոշով: Թուրքեստանում շադիդիզմի առաջին քարոզիչները թաթար նացիոնալիստներն էին, որոնք իրենց գործունեությունն այստեղ սկսել էին արդեն 1907—1908 թվականներին: Իմպերիալիզմի վերաբերյալ իր «Տևտրերում» նշելով, որ ամուր կապ է ստեղծված թաթար մուսուլմանական գործիչների և Թուրքեստանի նրանց հավատակիցների միջև, Վ. Ի. Լենինը գրում էր, որ «հյուսիսից արդեն նրանց շրջանն է ներմուծվում պանիսլամական խառնակշտություն: Ռուսական կառավարությունը վախենում է իսլամի թաթար հետևորդների այդ թափանցումից և ըստ հնարավորին արգելում է նրանց մուտքը Թուրքեստան»²: Թաթար նացիոնալիստները բուն գործունեություն էին ծավալել հատկապես Ուզբեկստանում: Համակրանքը թուրքերի հանդեպ Միջին Ասիայում ուժեղացավ 1908 թվականի թուրքական հեղափոխությունից հետո: Քաղաքներում ստեղծվում էին պանիսլամական խմբակներ և կոմիտեներ: Դեռ այն ժամանակ շադիդների աչ թևը բուրժուական լիբերալիզմից շրջվեց դեպի պանթուրքիզմ³: Ավելի ուշ, 1909—1912 թվականներին պանիսլամական և պանթուրքական խմբակներ սկսեցին ստեղծել Միջին Ասիայում հաստատված ադրբեջանցի առևտրականները: Նրանք, օրինակ, 1913 թվականին պանիսլամական

խմբակներ ստեղծեցին Թուրքմենստանում, Մերվում, որոնք բաղկացած էին թուրքմեն խաներից և բայերից⁴: Մոտավորապես նույն ժամանակ, կամ քիչ ավելի ուշ, պանիսլամական, ապա և պանթուրքական խմբակներ են ստեղծվում Տաջիկստանում, Կիրգիզիայում, Ղազախստանում:

Իր արմատներով Թուրքիայի հետ սերտորեն կապված էր Ֆերգանայի հովտի, հատկապես Կոկանդի և նրան հարող շրջանների տեղական մուսուլմանական բուրժուազիան: 1912 թվականին Կոկանդում ստեղծվեց շադիդների տեղական կուսակցությունը, որը 1914 թվականից սկսեց հրատարակել իր օրգանը՝ «Սադաի Ֆերգանա» թերթը: Կուսակցությունը և նրա օրգանը Թուրքիայի ջերմ պաշտպաններ լինելով, միաժամանակ արտահայտում էին բայերի, տեղական շովինիստական բուրժուազիայի և ռեակցիոն մուսուլմանական հոգևորականության շահերը⁵:

Թուրքեստանում և Ղազախստանում նույնպես ուժգին պայքար ծավալվեց իսլամի մեջ: Տիրող հետադիմական ֆեոդալական-կղերական գաղափարախոսությունից դեմ սուր էին ձուճում շադիդները: Այսպես, Կիրգիզիայում հետադիմականների գլուխ կանգնած Արսլանբեկը, Կալըգուլը, Մուլդո Կըլըշը, չհանդուրժելով իսլամի մեջ որևէ նորամուծություն կատարելը, բուն հարձակումներ էին գործում շատ թույլ, նոր միայն ձևավորվող ազգային բուրժուազիայի ներկայացուցիչների վրա, որոնց շրջանում արդեն սերմեր էր նետել պանթուրքիզմը:

Այս շրջանում նույնպես ցարական կառավարությունը առաջվա պես անզիջում էր պանիսլամիզմի և պանթուրքիզմի հանդեպ: Բայց միաժամանակ իշխանությունները չէին արգելում իսլամի պրոպագանդան, և դա այն պատճառով, որ մահմեդական կրոնի սպասավորները հանդես էին գալիս ազգային համերաշխության քարոզով, քննադատում, նզովում էին դասակարգային պայքարի մասին ուսմունքը, հավատացյալ մուսուլմաններին կոչ անում ուժգին պայքար մղել հեղափոխականների դեմ: Մուսուլմանների դասակարգային համերաշխության քարոզը ցարիզմին օգ-

¹ Տե՛ս «Очерки истории Коммунистической партии Туркменистана», издание II, Ашхабад, 1965, էջ 50—51:

² Տե՛ս «Труды Узбекского государственного университета им. А. Навои». Новая серия. Выписка 61. Исторический факультет. Изд-во Узб. Госунта, Самарканд, 1956, էջ 210:

¹ Տե՛ս А. И. Крывелев, История религии, т. II, էջ 283:

² Վ. Ի. Լենին, ժԺԺ, հ. 28, էջ 641:

³ Տե՛ս «История СССР...», т. VI, էջ 456:

նում էր թուճբ կանգնեցնելու սոցիալական այն հուզումների առջև, որոնք հեղափոխական նոր վերելքի շրջանում ծավալվում էին նաև երկրի մասնեղական բնակչության շրջանում: 1912 թվականին տեղի ունեցավ Խիվայի թուրքմենների ապստամբությունը, 1913 թվականին հուզումներ եղան Անդրկասպյան մարզում: Այդ նույն տարիներին խոշոր ելույթներ սկսվեցին Սեմիրեչիեի դաշտների և կիրգիզների շրջանում, իսկ 1914 թվականին հուզումներն ընդգրկեցին Պիշպեկի գավառի կիրգիզներին¹:

Դասակարգային համերաշխության գաղափարների պրոպագանդան տեսակետից շատ տիպիկ էր Պետերբուրգում ուսերեն հրատարակվող «Վ միբե մուսուլմանստվա» թերթը և հատկապես 1908 թվականի հուլիսից Փարիզում դարձյալ ուսերեն լույս տեսնող «Մուսուլմանին» հանդեսը: Երկու պարբերականների շուրջը համախմբված էին իսլամ նորակիրթ մտավորականության ներկայացուցիչներ, խմբագրություններն իրենց թղթակիցներն ունեին արաբական երկրների մայրաքաղաքներում և Ռուսաստանի մուսուլմանական մի քանի մարզերում:

«Մուսուլմանին» հանդեսի գլխավոր խմբագիր-հրատարակիչն էր շերքեղ Մահոմեդ բեգ Խաջեթլաշեն: Հանդեսի խմբագրությունն իր առջև խնդիր էր դրել՝ նվիրվել Ռուսաստանի մուսուլմանների, մասնավորապես կովկասցի լեռնականների կուլտուրական զարգացման գործին, «դավանակիցներին միավորել առաջադիմության, սիրո և աշխատանքի հողի վրա», նրանց «հաղորդակցել քաղաքակիրթ ժողովուրդներին», խաղաղ և կուլտուրական աշխատանքի՝ «ի բարօրություն և երջանկություն խավար ժողովրդի և պաշտելի Ռուսաստանի»:

Քողարկվելով անկուսակցականության մասին ֆրազներով, «Մուսուլմանինը» և «Վ միբե մուսուլմանստվա» թերթը ակտիվորեն տարածում էին մուսուլմանների դասակարգային դաշինքի գաղափարները և դրանով իսկ ակնհայտորեն հետապնդում որոշակի քաղաքական նպատակներ՝ Ռուսաստանի մուսուլմանական բնակչությանը ամեն կերպ շեղել հեղափոխական շարժումից, բոլոր ջանքերը նպատակամղել լուսավորության և կուլտուրական զարգացման «փոքր գործերի» լուծմանը՝ պնդելով, որ հենց դրանց իրականացման հետ է կապված ժողովրդի կյանքի

բարելավումը: Միայն դրանով կարելի է բացատրել այդ պարբերականների խմբագրությունների անհանդուրժողական վերաբերմունքը մատերիալիզմի, Մարքսի ուսմունքի նկատմամբ, նրանց վախը հեղափոխական նոր գաղափարներից, նրանց հաճախակի և թախանձազին կոչերը Ռուսաստանի, ինչպես նրանց էր թվում, փրկիսոփայական մոդայիկ հոսանքներով վարակված մուսուլմանական մտավորականությանը՝ չսխալվել և որքան հնարավոր է շուտ հեռանալ այդ հոսանքներից: Զեակերպելով այդ ծրագիրը, Մ. Խաջեթլաշեի գինակիցներից Ա. Դատիևը «Երկու հոսանք մուսուլմանական մտավորականության մեջ» իր հոդվածում գրել է. «Սիրո և եղբայրության քարոզը կարող է որպես արգելք ըմբռնվել սոսկ նրա կողմից, ով աստծու մեծ, անծայրածիր աշխարհը փոքրացրել է մինչև այն ասպարեզը, որտեղ իրականում չկա ուրիշ ոչինչ, բացի դասակարգային հակասություններից ու դասակարգային պայքարից, ով իջել է այն աստիճան, որ ժողովուրդների համաշխարհային կյանքն ըմբռնում է ոչ այլ կերպ, քան որպես փոքր մի հավանոց, որտեղ խորամանկ աղվեսի դերում անպատիժ տիրապետում է ամեն ինչ լափող կապիտալը... դեն նետեք այդ փարաջան և միայն այդ ժամանակ գնացեք աղոթող մուսուլմանական աշխարհը՝ նրա վեհ իղձերին ընդառաջ: Գնացեք, բայց ոչ Մարքսի «Կապիտալով», այլ ամենից առաջ Ղուրանով և շարիաթով, ոչ թե կուսակցական լողունգներով, այլ համամարդկային գաղափարներով»¹: 1910 թվականին Մահոմեդ բեգ Խաջեթլաշեն հրատարակեց «Շարիաթը և առաջադիմությունը» հոդվածը, որտեղ փորձում էր ընթերցողներին համոզել, թե «շարիաթը երբեք խոչընդոտ չի եղել առաջադիմությանը և երբեք չի միջամտել քաղաքական գործերին, երբ ընկել է խեղամիտ մարդու ձեռքը...»²

Ռուսաստանյան մուսուլմանական «լիբերալ» գործիչները չէին սահմանափակվում մուսուլմանների վրա ուսական հեղափոխական շարժման ազդեցության փաստի սովորական արձանագրումով, այլ բազմիցս փորձում էին ապացուցել, որ Ռուսաստանի մուսուլմանները չեն հասունացել պոլիտարիատի հեղափոխական գաղափարները ըմբռնելու համար, որ նրանք շա-

¹ Сб'ю «История СССР...», т. VI, էջ 455:

¹ «В мире мусульманства», 1911, № 30.

² «Мусульманин», 1910, № 22, с. 481.

փազանց հետամնաց են, որ նրանք «սեփական», «գուտնային» շատ գործեր ունեն, ուստի գործ չունեն գոյություն ունեցող կարգերի դեմ ուղղված ելույթների հետ:

«Փոքր գործերի», «դավանակիցների համընդհանուր եղբայրության և սիրո» տեսակետները, որ համառորեն քարոզում էին և՛ «Մուսուլմանին» հանդեսը, և՛ «Վ միրե մուսուլմանսուվա» լրագիրը, յուրօրինակ, ունակցին, նրբասքող քաղաքականություն էր, որը նախատեսում էր արգելակել Ռուսաստանի բազմաքանակ մուսուլմանական բնակչության քաղաքական ինքնագիտակցության աճը, նրան շեղել սոցիալական պայքարից, ազգային առաջադեմ երիտասարդությունն անջատել ռուսական պրոլետարիատի հեղափոխական պայքարից:

Առարկելով հանդեսի խմբագրության անդամներից մեկին՝ Եսիկին, հանդեսի ակտիվ գործիչներից Աճմեդ բեգ Ալլաևը գրում էր. «Սոցիալիզմի տեսությունը և մուսուլմանները՝ միևնույն է, ինչ կատարած չին ու ծծկեր Լրեխան: Հարկավոր է մոտիկից ծանոթանալ սոցիալիզմի պարագլուխների հետ, որպեսզի մեկընդմիշտ գլխից դուրս նետել մարդկային համընդհանուր երջանկության գաղափարը»¹:

Հարձակումներ գործելով դասակարգային պայքարի մասին ուսմունքի վրա, «Մուսուլմանին» և «Վ միրե մուսուլմանսուվայի» աշխատակիցները միաժամանակ գովերգում էին մահմեդականությունը, նրա ավանդույթները, փորձում ապացուցել նրա առաջադեմ լինելը:

«Մուսուլմանին» և «Վ միրե մուսուլմանսուվան» շարամիտ պրոպագանդայով ամեն կերպ ձգտում էին լեռնականներին և Ռուսաստանի մյուս մուսուլմաններին վերածել ուղղափառ-Ֆանատիկոսների, նրանց վրա տարածել իրենց ազդեցությունը, նրանց շրջանում բարձրացնել իրենց հեղինակությունը:

Այսբանից հետո պարզ է, թե ցարական իշխանություններն ինչու էին անսքող համակրանք տաժում մուսուլմանական այդ պարբերականների գործունեության հանդեպ, ավելին, ակտիվորեն աջակցում էին դրանց (բացառված չէ նաև, որ նշված պարբերականները ֆինանսավորվում էին իշխանությունների կողմից):

«Մուսուլմանին» և «Վ միրե մուսուլմանսուվան» իրենց էջերում մշտապես արծարծում և լուսաբանում էին նաև երկու կարևոր թեմա. խոսքը վերաբերում է ուխտագնացության (հաջ) և մուհաջիրության պրոբլեմներին, որոնց լուսաբանումը դրական նշանակություն ուներ և օբյեկտիվորեն ուղղված էր Ռուսաստանի մուսուլմանների վրա թուրքական ազդեցության ուժեղացման դեմ:

20-րդ դարի սկզբից Ռուսաստանի մուսուլմանների շրջանում լայնորեն տարածվեց այսպես կոչված ուխտագնացությունը Մեքքա, որը խորացրեց շքավորության առանց այդ էլ տնտեսական ծանր դրությունը և նոր անհաշիվ դժբախտություններ բերեց բազմաթիվ դյուրահավատների: «Մուսուլմանին» և «Վ միրե մուսուլմանսուվայի» աշխատակիցներն իրենց հողվածներում ջանում էին հայրենակիցներին հետ պահել այդ շմտածված և բնավ ոչ սրբազան քայլից:

Այդ երկու պարբերականների աշխատակիցների կողմից Ռուսաստանի մուսուլմանների շրջանում տարվող միասնական հայրենիքի պրոպագանդան, հայրենասիրական զգացմունքների դաստիարակումն ուղեկցվում էին մուհաջիրության քննադատությամբ և այսպես կոչված թուրքական դրախտի պսակագեթոմով: Թուրքական իրականության այն ժամանակվա խոշոր գիտակներից մեկը, «Մուսուլմանինում» բազմաթիվ հողվածներ լույս ընծայած Դավլեթ-Գիրեյ խատակոկորը «Մուհաջիրները» հողվածում գրում էր. «Գուցե իմ նախկին և մինչև այժմ անսահման սիրելի հայրենիքում էլ որոշ հայրենակիցներ վատ են ապրում, գուցե նրանք տառապում են ինչ-որ այլ պատճառներից... սակայն որքան էլ կյանքը վատ լինի այնտեղ, այնուամենայնիվ, ավելի լավ է, քան Թուրքիայում... Ռուսաստանը հսկայական քայլերով ընթանում է մեծագույն մշակույթի ճանապարհով և, ինչպես ամեն մի մեծություն, կարողանա վերացնել բոլոր անհարթությունները, և այն ժամանակ, եթե բոլորն աշխատեն միասին, մեր եղբայրների համար նույնպես լավ կլինի: Ամուր բռնեք ձեր հայրենիքից և երբեք մի լքեք այն: Նա, ով փախչում է իր մորից, արժանի չէ նրա զավակը կոչվելու»¹:

Ամեն անգամ, անդրադառնալով այդ հարցին, և մեծ մասամբ՝ ընթերցողների խնդրանքով, «Վ միրե մուսուլմանսուվա»

¹ «Мусульманин», 1910, № 2, с. 145.

¹ «Мусульманин», 1910, № 24, с. 515.

թերթի և «Մուսուլմանին» հանդեսի աշխատակիցները ցույց էին տալիս Թուրքիայում ապրող լեռնական-մուհաջիրներին ողբերգությունը, բացահայտում բռնակալ սուլթանների դաժան վարչակարգի քայքայիչ ազդեցությունը լեռնականների, Ա. Ս. Պուշկինի խոսքերով ասած՝ «հրաշալի ժողովրդի» բարոյական հատկանիշների վրա: Աղքատություն, անարգանք, իրավազրկություն, սովամահություն, մարդկային արժանապատվության սիստեմատիկ և պլանաչափ ոտնահարում՝ ահա թե ինչ է սպասում լեռնական-մուհաջիրին Թուրքական «ավետյաց երկրում»:

«Չերքեզների վիճակը Թուրքիայում» հոդվածում հատակոկորը գրել է. «Իժվար է նույնիսկ պատկերացնել ավելի մոռյլ բան, քան թուրքական գյուղը, սակայն այն գյուղը, որտեղ ապրում են շերքեզները, անկարելի է նկարագրել: Ճշմարիտն ասած, դա աղքատ և սովալլուկ թափառաշրջիկների ամբոխ է... Մուսուլմանական ավան մտնելուն պես համակվում ես թախիժով և այնտեղից հնարավորին չափ շուտ դուրս պրծնելու ցանկությամբ: Շուրջդ ամեն ինչ մոռյլ է ու ամայի: Առաջին հայացքից թվում է, թե բնակիչները մեռել են, և գյուղում ոչ մի կենդանի շունչ չկա»¹:

Սուլթանի տապալումը և Թուրքիայում այդ տարիներին տեղի ունեցած քաղաքական մյուս փոփոխությունները չբարելավեցին մուհաջիրների տնտեսական դրությունը: Իրենց պաշտոններում մնացել էին նույն աստիճանավորները, որոնք մտածում էին լոկ իրենց մասին, զբաղվում դրամաշորթությամբ ու կողոպուտով: Երիտթուրքերի ստեղծած «նոր կյանքը, — «Մուհաջիրները» հոդվածում մատնանշում էր հատակոկորը, — ոչ մի առնչություն չունի գաղթականների հետ: Գողությունը, կաշառակերությունը, կողոպուտը և սպանությունները ծաղկում են, ինչպես և առաջներում: Բռնություններն ու հանցագործությունները կատարվում են առանց աննշան փոփոխության, և դժբախտ են նրանք, ովքեր կարծում են, թե նոր երկրում ճշմարտություն կգտնեն»²: Նա շեշտում էր, որ երիտթուրքական հեղաշրջումից հետո էլ շարունակվում են բռնությունները կովկասցիների դեմ:

Գ.-Գ. հատակոկորի և մյուս հեղինակների հոդվածները «Մու-

սուլմանին» հանդեսում և «Վ միրե մուսուլմանսուվա» թերթում բացում էին լեռնականների և ընդհանրապես Ռուսաստանի մուսուլմանների աչքերը շատ երևույթների հանդեպ, նպաստում էին որոշ չափով կանգնեցնելու մուհաջիրությունը, արդեն Թուրքիայում գտնվող գաղթականների մեջ արթնացնում էին սիրո անկեղծ զգացմունքներ իրենց լքված հայրենիքի հանդեպ:

Ինչպես տեսնում ենք, իսլամական-«թուրքական» աշխարհը միասնական չէր: Մասնավորապես իսլամի ներսում տեղ գտած տարածայնություններն ու պայքարը ակնհայտորեն ցույց էին տալիս, որ անհնարին է ընդհանուր ճակատ կազմել «անհավատների» դեմ:

Ռուսաստանում պանիսլամիզմի և պանթուրքիզմի ճանապարհի ամենամեծ խոչընդոտը բարձրացող բանվորական շարժումն էր, հեղափոխական սոցիալ-դեմոկրատիայի գործունեությունը: Աղբբեջանի աշխատավոր մասսաներն իրենց շարքերից արդեն առաջ էին քաշել բոլշևիկյան կուսակցության գաղափարներին նվիրված տասնյակ ու հարյուրավոր անձնազոհ մարտիկներ, որոնք աներեր կանգնելով պրոլետարական համերաշխության դրոշի ներքո, հետևողական պայքար էին մղում բուրժուական-մուսավաթական նացիոնալիզմի դեմ, մերկացնում պանիսլամական-պանթուրքական մեքենայությունները՝ հանուն երկրամասի բազմազգ աշխատավորների ինտերնացիոնալ համախըմբման, հանուն նրանց սոցիալական և ազգային ազատագրության:

Բոլշևիկյան կուսակցության ինտերնացիոնալ դրոշի տակ էին համախմբվել Թաթարիայի, Բաշկիրիայի, Պովոլժիեի և այլ վայրերի մուսուլման աշխատավորները: Մարքսիստական-լեհինյան գաղափարները լայնորեն թափանցում էին Ղազախստանի և Թուրքեստանի աշխատավոր մասսաների մեջ: Բոլոր ազգերի, ռուսների և կրոնների աշխատավորների միասնության ու եղբայրության, ցարիզմի ու բուրժուազիայի դեմ նրանց համատեղ պայքարի բոլշևիկյան լոզունգներն անհաղթահարելի թումբ էին բուրժուանացիոնալիստական, պանիսլամական և պանթուրքական գաղափարների տարածման ու իրականացման ճանապարհին:

¹ «Мусульманин», 1908, № 1, с. 3—4.

² «Мусульманин», 1910, № 9, с. 45.

Այսպիսով, առաջին համաշխարհային պատերազմի նախօրյակին վերջնականապես ձևավորվեց և ավարտուն տեսքի եկավ թուրք ազգային բուրժուազիայի գաղափարաբանությունը: Այն, ինչպես տեսանք, ծագեց ու զարգացավ զուտ թուրքական հողի վրա և տարածվելով թափանցեց նաև ուրիշ երկրների թուրքալեզու տարածքները:

Այժմ, բնականաբար, հարց է ծագում. թուրքական արյունոտ պատմության ավանդույթներից և թուրքական դաժան իրականությունից բացի արդյոք եղե՞լ են այլ ազդակներ, որոնք ներգործել են թուրք ազգային բուրժուազիայի գաղափարաբանության, մասնավորապես երիտթուրքերի հայացքների ձևավորման վրա:

Թուրք ազգային բուրժուազիայի գաղափարաբանության, առաջին հերթին երիտթուրքերի գաղափարների ուսումնասիրությունը և վերլուծությունը ցույց են տալիս, որ դրանք ձևավորվել են Արևմուտքի իդեալիստական զանազան դպրոցների և ուսմունքների, ժամանակաշրջանի փիլիսոփայական և սոցիոլոգիական սուբյեկտիվ-իդեալիստական տեսությունների ուժեղ ազդեցության ներքո:

Տարիներ շարունակ տարագրության մեջ գտնվելով եվրոպական կենտրոններում, մասնավորապես Փարիզում, նրանք ծանոթանում էին տեղի հասարակական-քաղաքական կյանքին, հաղորդակից դառնում քաղաքական զանազան ուղղությունների, ուսումնասիրում բուրժուական փիլիսոփայական, սոցիոլոգիական, պատմագիտական տարբեր ուսմունքներ: Նրանց հայացքների ձևավորման վրա մեծ ազդեցություն են թողել Շոպենհաուերի և Նիցշեի սուբյեկտիվ-իդեալիստական ուսմունքները, բայց վրձնական ազդեցություն գործել են ֆրանսիացի ուսուցիչների փիլիսոփա, պոզիտիվիզմի հիմնադիր Օգյուստ Կոնտի (1798—1857) տեսությունը, նրա արտահայտած մտքերն ու գաղափարները: Օ. Կոնտի ուսմունքը, նրա պոզիտիվիզմի տեսությունը կոնկրետ գործողությունների փիլիսոփայություն է, որը մերժում է բազմակողմանի փաստարկված խորհրդածությունները և սուբյեկտիվ-իդեալիստական, իրեն ձեռնտու դիրքերից է մեկնաբանում հասարակական երևույթները, հաշվի չնստելով ուսուցիչական, տրամաբանության հետ:

Օ. Կոնտի պոզիտիվիզմի ազդեցությունը հատկապես ուժեղ

էր երիտթուրքերի Փարիզի «Միության և առաջադիմություն» կազմակերպության ղեկավարների աշխարհայացքի ձևավորման վրա:

Երիտթուրքական գաղափարներին և գործելակերպին քաջ ծանոթ հայ կաթոլիկ բարձրաստիճան եկեղեցական Հովհաննես Նազլյանը վկայում է, որ «երիտասարդ թուրքերը իրենք զիրենք կհռչակեին իբրև Օկյուստ Կոնտի դպրոցին սկզբունքներով կաղապարումներ, որ Արևմուտքի մեջ նյութապաշտ դրական իմաստասիրության հիմնադիրն էր (1798—1857)»: Երիտթուրքական պարագլուխները զանազան առիթներով շեշտում էին, որ Կոնտն իրենց ուսուցիչն է, իսկ նրա ուսմունքը՝ ոգեշնչման աղբյուր:

Ահմեդ Ռիզայի հետ անձնապես լավ ծանոթ Սապահ-Գյուլյանը վերհիշում է, որ Փարիզում եղած ժամանակ Ռիզան ամբողջովին տարվել էր Կոնտի փիլիսոփայությանը: Հետևելով «Կոնտ զը ֆրանսի» ազատ դասընթացներին, նա լսում էր կոնտյան փիլիսոփայության երկրպագու, պոզիտիվիստ, անուղղելի թըրքամուլ Պիեռ Լաֆիտի դասախոսությունները: Նշելով, որ Ռիզան «շատ կղզիացած, շատ սահմանափակ մտավոր կեանք ուներ», Սապահ-Գյուլյանն այնուհետև գրում էր. «Բացի Օգյուստ Կոնտից՝ ուրիշ ոչ մի փիլիսոփայով, ոչ մի գիտությունամբ [նա] չէր հետաքրքրվում»²: Եվ դա այն դեպքում, երբ նույն հայտնի հաստատության մեջ դասախոսում էին Կոնտի պոզիտիվիզմը մերժող, բայց իրենց տաղանդով հռչակված փիլիսոփաներ Նուրիսոնը, Պոլ ժանեն, էմիլ Բուարոն, Վատտինգտոնը և այլոք, հռչակավոր հոգեբան Թեոդոր Ռիբոն, տնտեսագետներ Լրոուա Բոլիոն, Լրվասեոբին, Կաուեսին, Բորգարին: Զջանալով ստանալ բազմակողմանի զարգացում և կրթություն, երիտթուրքերի գլխավոր տեսաբանը ավելորդ մտավոր հոգնություն չէր պատճառում իրեն, չէր խորանում ուրիշ գիտությունների մեջ: Եվ պատահական չէ, որ նույնիսկ Կոնտի հիմնական գաղափարները «իրեն շատ էլ մարսելի չէին եղած և արդեն իր ձեռք բերած պաշարը հատուկ կենտ տեղեկություններից անդին չէին անցած.— հիմնականը, ներհուսությունը կատարելապես պակասում էին»³:

¹ «Տրապիզոնի թեմին վիճակավոր Յովհաննես արք. Նազլեանի լուշերը...», էջ 10—11:

² Ս. Սապահ-Գյուլյան. Պատասխանատուները, էջ 129:

³ Տե՛ս նույն տեղը:

Բայց եթե Ռիզան և երիտթուրքական մյուս պարագլուխները բավարար գիտելիքներ չէին ձեռք բերել նույնիսկ իրենց նախընտրած փիլիսոփայական ուղղություններից՝ պոզիտիվիզմից, ապա դրան հակառակ նրանք Կոնստից ու նրա հետևորդներին, ռեակցիոն փիլիսոփայական ու սոցիոլոգիական այլ դրպրոցների ներկայացուցիչներից վերցրել էին այն ազգայնամուլական և ռասայական գաղափարները, որոնք ուղղված էին ճնշված ժողովուրդների և ազգերի ազատագրության դեմ:

Ստեփան Սապահ-Գյուլյանը հիշում է, որ Պիեռ Լաֆիտը իր մի շատախոսության ընթացքում անդրադառնալով Օգյուստ Կոնտի հասարակական հայացքներին և դրանք կապելով օսմանյան իրականության հետ, ասել էր, թե Թուրքիայի գոյությունը բոլորովին օրինական լինելով, նաև ապահովված է, ուստի բոլորովին դուր են և իրավունքի սկզբունքներին հակառակ են նրա դեմ ծագած և ծագող ապստամբական շարժումները: «Եվրոպան միջամտելու իրավունք չունի,— ասել է նա,— պետք է թողնել, որ Թուրք պետությունը խաղաղ, հանդարտ կերպով, աստիճանաբար զարգանա և իր ներքին խնդիրները վճռի: Հեղափոխական արարքները հակազիտական են և պախարակելի՝ իրականության և հետևանքի տեսակետից»¹: Դասախոսությունից հետո Պիեռ Լաֆիտի «միակ թուրք աշակերտը», դրապաշտ Ահմեդ Ռիզան մտտենալով իր ուսուցչին, ասել էր, թե Օսմանյան կայսրության մեջ մասնավորապես չկա հայկական շարժում, որ Թուրքիայի հայերի հուզումների պատճառը «Կովկասից Թուրքիա անցած մի քանի ռուսահայեր են, որոնք ուզում են խոռովություններ անել՝ հօգուտ ռուս կառավարության»²:

Քանի որ երիտթուրքերի գաղափարաբանությունը խարսխված է Օգյուստ Կոնտի ուսմունքի վրա, ուստի, հավանաբար, նպատակահարմար է գոնե թուուցիկ մի ակնարկ նետել այդ ուսմունքի վրա, ցույց տալու համար նրա էությունը, որպեսզի պարզ լինի, թե այն իր որ կողմերով է նպաստել Թուրք ազգայնականների աշխարհայացքի ձևավորմանը:

Օ. Կոնտի ուսմունքն առաջ եկավ և ձևավորվեց նապոլեոնյան պատերազմներից հետո, Ֆրանսիայում Բուրբոնների միապետական-ֆեոդալական կարգերի վերականգնման պայմաններում: Այն

յուրատեսակ ռեակցիա էր վերականգնված միապետության ժամանակաշրջանի սպիրիտուալիստների բացահայտ խավարամուլական ուսմունքներին:

1830 թվականի հեղափոխական իրադարձությունները Ֆրանսիայում ցույց տվեցին, որ արդեն իր ուժերն է հավաքում և ամրանում ֆրանսիական պրոլետարիատը՝ բարձրացող կապիտալիստական դասակարգի նոր, վտանգավոր հակառակորդը: Այդ վտանգի դեմ պայքարելու նպատակով սկսեց ձևավորվել բարձրացող բուրժուազիայի և ասպարեզից հեռացող ազնվականություն մնացուկների հակաժողովրդական դաշինքը, որը ծնունդ տվեց Օգյուստ Կոնտի ուսմունքին՝ պոզիտիվիզմին: Ֆրանսիայում ստեղծված այդ դաշինքն իր սոցիալական էությունը նման էր դասակարգային այն բուրժուաներին, որն Անգլիայում ծնունդ էր տվել Դավիդ Հյումի (1711—1776) ազնուստիցիզմին: Զուր չէ, որ «պոզիտիվիզմը» որպես պատմափիլիսոփայական հասկացություն սերտորեն առնչվում է այնպիսի հասկացությունների հետ, ինչպես «սկեսպտիցիզմը» և «ազնուստիցիզմը»:

Կոնտը ենթարկվել է Թյուրգոյի և Սեն-Սիմոնի գաղափարական ազդեցությանը, սակայն հետագայում շատ է հեռացել նրանցից և աստիճանաբար աչ գնալով դարձել է սուրյեկտիվ-իդեալիստ՝ ծայրահեղ հետադեմ հայացքներով:

Իր «պոզիտիվ» («դրական») գաղափարները Կոնտը հիմնականում շարադրել է վեցհատորյա «Պոզիտիվ փիլիսոփայություն դասընթաց» (1830—1842) և «Պոզիտիվ փիլիսոփայություն ոգին» (1844) աշխատությունների մեջ:

Ո՞րն է Օգյուստ Կոնտի ուսմունքի էությունը:

Կոնտը հայտարարում էր, թե պոզիտիվիզմի իր տեսության նպատակը գիտությունները դոգմատիկական բնափիլիսոփայությունից և հեգելյան սպեկուլյացիաներից ազատելն է: Իրեն ներկայացնելով որպես կյանքի բոլոր մարդերում գիտության հաղթանակի համար պայքարող մարտիկ, նա փորձում էր հանդես գալ «դրականի» («պոզիտիվի»), այսինքն՝ որևէ «հորինվածքից» զերծ գիտելիքի պաշտպանի դերում: Եթե մի կողմ դնենք սպեկուլյատիվ տերմինաբանությունը, դա ըստ էության նշանակում էր հրաժարում հոգևոր մշակույթի, հատկապես փիլիսոփայության բնագավառում արդեն ձեռք բերած այն մեծ նվաճումներից, որոնք պայմանավորված էին դիալեկտիկական մտածողությամբ: Այն խոսքով՝ պոզիտիվիզմն իր ելակետային սկզբ-

¹ Ս. Սապահ-Գյուլյան, Պատասխանատուները, էջ 131:

² Նույն տեղը, էջ 132:

բունքներից մեկը հռչակեց փիլիսոփայության թշնամությունն իսկապես փիլիսոփայական պրոբլեմատիկայի նկատմամբ: Դա նշանակում էր, որ հանձին պոզիտիվիզմի, փիլիսոփայության մեջ հանդես էր եկել «հակափիլիսոփայական» ուղղություն: Բնորոշ է, որ ազնուստիցիվից բացի պոզիտիվիզմը ժխտում էր ասեն մի այլ փիլիսոփայություն, այդ թվում, իհարկե, ինչպես ասվեց, առաջին հերթին հեգելյան դիալեկտիկան:

Թվում է, թե Կոնտը, մերժելով հեգելյան իդեալիստական բնափիլիսոփայությունը, նրա դիալեկտիկան, բնականաբար կանգնում է մատերիալիզմի, թեկուզև մետաֆիզիկական մատերիալիզմի, դիրքերի վրա: Բայց իրականում պոզիտիվիզմն իր պայքարի հիմնական զենքն ուղղում էր հենց մատերիալիզմի, առաջին հերթին՝ դիալեկտիկական մատերիալիզմի դեմ:

Պոզիտիվիստները հրաժարվում էին փիլիսոփայության հիմնական հարցին որոշակի պատասխան տալուց: Նրանք գրում էին, թե ընդունում են արտաքին աշխարհի գոյությունը, իրերի իմացությունը, բայց իրականում այդ իմացությունը սահմանափակում էին իրենց զգայարանների ունակությունների և հնարավորությունների շրջանակներով: Արտաքին աշխարհի գոյության ընդունումը նրանց մոտ երևութական էր: Իրականում Կոնտի ամբողջ փիլիսոփայությունը «հեռանում էր» արտաքին աշխարհից, իմացությունը սահմանափակում ընկալումների ոլորտով: Ժրխտելով օբյեկտիվ ճշմարտությունը, Կոնտը նյութական աշխարհն անվանում էր «մարմնացյալ աբստրակցիա»: Օբյեկտիվ ունակության գոյությունն ու ճանաչողությունն ընդունող յուրաքանչյուր տեսություն Կոնտը հայտարարում էր «մետաֆիզիկա»:

Հենց դրանից ելնելով Կոնտն առաջ էր քաշում այն ելակետային գրույթը, որ գիտությունը պետք է հրաժարվի իրերի էության մեջ թափանցելուց և սահմանափակվի երևույթների լոկ արտաքին պատկերի նկարայնությամբ: Նա բազմիցս հայտարարել է, թե ընդունում է միայն «արտաքին» երևույթների գոյությունը¹:

Գիտությունը, ըստ Կոնտի, պետք է պատասխան տա ոչ թե այն հարցին, թե ինչ գոյություն ունի, այլ բացառապես այն հարցին, թե ինչպես են ընթանում երևույթները: Նա պետք է ոչ թե ընդհանրացումներ կատարի երևույթները բացատրելու նպատա-

կով, այլ սոսկ նկարագրի փորձի տվյալները: Գիտության խրնդիրն է՝ նկարագրվող երևույթները հանգեցնել արտաքին կապերի նվազագույն թվին՝ ըստ դրանց նմանության և հաջորդականության:

Քանի որ Կոնտն ընդունում էր միայն «արտաքին» երևույթների գոյությունը, նա վերացրեց հոգեբանությունն իրեն «ներքին» երևույթ և, հիմք ընդունելով բովանդակությունը, այն բացխեց կենսաբանության և սոցիոլոգիայի միջև:

Այդ գաղափարները Օ. Կոնտին հանգեցրին խիստ մեխանիկական մի շարք հետևությունների, որոնք անհնարին էին դարձնում իրականության տարբեր բնագավառներում տեղի ունեցող զարգացման պրոցեսների օրինաչափությունների, դրանց յուրօրինակությունների ըմբռնումը:

Իր աշխատությունների մեջ Կոնտը հետևողականորեն պաշտպանում էր շարժման մետաֆիզիկական կոնցեպցիայի տարատեսակություններից մեկը՝ «հավասարակշռության տեսությունը», որի շերմեռանդ պրոպագանդիստներն էին նաև Սպենսերը և Դյուրինգը: Այս տեսությունը մեխանիկայում եղած հավասարակշռության օրենքը փորձեց տարածել բնության ու հավասարակշռության բոլոր երևույթների վրա: Կոնտը «նորմալ» էր համարում հանգիստ վիճակը, հավասարակշռությունը, իսկ շարժումը դիտում էր որպես ժամանակավոր և անցողիկ, որպես արտաքին հակադիր ուժերի պայքարի արգելում: «Հավասարակշռության» տեսությունը վուլգար էվոլյուցիոն տեսության տարատեսակություններից մեկն է, որը չի ընդունում թռիչքներ բնության մեջ:

Բնության մասին իր տեսակետները Օգյուստ Կոնտը տարածեց նաև մարդկային հասարակության վրա: Նա զարգացրեց մարդկության «ինտելեկտուալ էվոլյուցիայի» երեք փուլերի մասին գաղափարը:

Ըստ Կոնտի «ինտելեկտուալ էվոլյուցիայի» առաջին փուլը ռազմական փուլն է, որը համապատասխանում է մտքի զարգացման աստվածաբանական փուլին, երբ բոլոր երևույթները բացատրվում են կրոնական պատկերացումների հիման վրա: Երկրորդ փուլն անցման փուլն է, որը համապատասխանում է մետաֆիզիկական (բառիս նախահեգելյան իմաստով՝ որպես ուսմունք գերզգայականի մասին) փուլին, երբ բոլոր երևույթները բացատրվում են գերբնական «վերջնական» պատճառներով և

¹ Տե՛ս Օ. Կոնտ, Дух позитивной философии, СПб, 1910, էջ 46:

գերզգայական էություններով: Երրորդ փուլը գիտաարդյունաբերական փուլն է, որը համապատասխանում է պոզիտիվ (դրական) փուլին, երբ բոլոր երևույթները նկարագրվում են բնական օրենքներին համապատասխան: Հասարակական էվոլյուցիայի այս վերջին փուլում իբր ձեռք է բերվում հասարակության իդեալական, «ստատիկ» վիճակը: Ըստ Կոնտի, այդ «արդյունաբերական փուլը», այսինքն՝ կապիտալիզմը, հասարակական ամբողջ զարգացումն ավարտող և իրենով եզրափակող փուլն է¹: Սոցիալական պատճառականության և սոցիալական փոփոխությունների կարևոր բնագավառում Կոնտը մատնանշեց այնպիսի գըլխավոր գործոններ, ինչպես ուսուցում, կլիմա և քաղաքական գործողություն (անուղղակիորեն սոցիալական պրոցեսներ)²:

Կոնտը գտնում էր, որ պոզիտիվ փիլիսոփայության կառուցումն ավարտելու համար անհրաժեշտ է ստեղծել նաև գիտական սոցիոլոգիա, այսինքն՝ պոզիտիվ գիտություն հասարակական երևույթների մասին³: Ընդ որում, նրա համար գիտականության նմուշ է ծառայում բնագիտությունը: Պրա հետևանքով Կոնտի սոցիոլոգիայում հասարակության իդեալիստական բմբրոնումը սերտորեն զուգակցվում է նատուրալիզմի հետ: Նա պոզիտիվ սոցիոլոգիան բնկալում է որպես բնագիտության անմիջական շարունակություն՝ որպես «սոցիալական ֆիզիկա»⁴: Այլ խոսքով այդ սոցիոլոգիային բնորոշ է բիոլոգիական նատուրալիզմի միահյուսումը ծայրահեղ պատմական իդեալիզմի հետ:

Իր հերթին սոցիոլոգիան Կոնտը բաժանում է երկու մասի՝ ա) սոցիալական ստատիկայի, որը գործ ունի յուրաքանչյուր հասարակարգի գոյության կալուն («բնական») պայմանների (ևս և բ) սոցիալական դինամիկայի, որն ուսումնասիրում է հասարակական զարգացման բնական օրենքները⁵:

Հասարակությունն ուսումնասիրելով և հասարակական երևույթները նկարագրելով «բնական օրենքներին համապատաս-

խան», Կոնտը մի կողմից անխուսափելիորեն հանգում էր սոցիալական երևույթների մասին վուլգար մեխանիկական պատկերացումների, մյուս կողմից այդ երևույթների մեկնաբանությունը կատարում էր սուբյեկտիվ իդեալիստական դիրքերից:

Այժմ տեսնենք, թե պոզիտիվիզմի դիրքերից Կոնտն ինչպես էր բնութայն երևույթները տարածում հասարակության վրա և թե երիտթուրքական գաղափարախոսներն ինչպես էին բնագործնակում կոնտյան գաղափարները և ինչպես էին դրանք օգտագործում իրենց տեսական եզրակացությունները և կոնկրետ գործողությունները հիմնավորելու համար:

1) Վերևում ասվեց, որ, պաշտպանելով «հավասարակշռության» մետաֆիզիկական տեսությունը, Կոնտը բնական էր համարում հանգիստ վիճակը, շարժումը դիտում էր ոչ թե որպես նյութի գոյության հատկանիշ, այլ որպես արտաքին հակադիր ուժերի պայքարի արդյունք:

Եթե բնության մեջ ներքին հակասություններով պայմանավորված թռիչքներ չկան, ասում էր Կոնտը, հետևաբար ներքին հակասություններով պայմանավորված թռիչքներ չկան նաև հասարակության մեջ: Նրա կարծիքով հակասություն գոյություն ունի միայն դրանց միջև՝ որպես միմյանց դեմ՝ ուղղված հակադիր ուժերի: Հասարակության զարգացման աղբյուրը համարելով այդ հակասությունը, Կոնտը զարգացումը բացառապես կախման մեջ էր դնում արտաքին աշխարհագրական, կլիմայական և այլ պայմաններից: Բայց Կոնտը գտնում էր, որ այդ անտագոնիզմը, որպես կանոն, չի բացահայտվում, որովհետև նշված ուժերի միջև հաստատված է հավասարակշռություն: Նրա կարծիքով հավասարակշռությունը բացարձակ է, իսկ պայքարը՝ մասնակի մոմենտ, որն առաջ է գալիս այն ժամանակ, երբ խախտվում է հավասարակշռությունը:

Երիտթուրքական գաղափարախոսներին հրապուրել էր «հավասարակշռության տեսության» հենց այն հաստատումը, թե բնական վիճակը հանգիստ վիճակն է, իսկ պայքարը մասնակի մոմենտ է, որը հետևանք է արտաքին պատճառների: Այստեղից նրանք եզրակացություն էին անում, որ Օսմանյան կայսրության բնական վիճակը նույնպես հանգիստ վիճակն է, այսինքն՝ երբ այլազգի հպատակները լուռ ու մունջ են, բողոքի ձայն չեն բարձրացնում: Նրանք միաժամանակ պնդում էին, թե այլազգիների ապստամբական շարժումներն անբնական են, դրանք ար-

¹ ՏՆ՝ «Антология мировой философии», т. 3, изд. «Мысль», Москва, 1971, էջ 553—555:

² ՏՆ՝ Г. Беккер и А. Босков, Современная социалистическая теория, изд-во Иностранной литературы, М., 1961, էջ 21—22:

³ Բուրժուական պատմագրության մեջ ընդունված է Օգյուստ Կոնտին ներկայացնել որպես ժամանակակից գիտական սոցիոլոգիայի հիմնադիր:

⁴ ՏՆ՝ «Антология мировой философии», т. 3, էջ 563:

⁵ ՏՆ՝ «БЭС», III изд., т. 13, էջ 59:

հետազոտողներն հրահրվում են դրսից՝ այլ երկրներից ու կառավարություններից (Ռուսաստան, Եվրոպա):

2) Կոնսեր պոզիտիվիզմի կարևոր առավելություններից մեկը տեսնում էր այն բանում, որ նրանում համերաշխություն է հաստատված կարգի (հավասարակշռության) և առաջադիմության միջև: Հատկանշական է, որ այստեղ Կոնսերն առաջնությունը տալիս էր «կարգին»: Կարգը առաջադիմության ցուցանիշ է: Հասարակական երևույթների գնահատման բարձրագույն չափանիշը համարելով «սերը որպես սկզբունք, կարգը որպես հիմք և առաջադիմությունը որպես նպատակ»², նա հասարակության «բնականոն կյանքը» մեկնաբանում էր որպես հասարակության «խաղաղ», «օրգանական» զարգացում:

Երիտթուրքերի համար այստեղ հատկապես արժեքավորն այն էր, որ Կոնսերը հասարակության առաջադիմության գործում առաջնությունը տալիս էր «կարգին»: Ամուր կարգ և երկաթյա բռունցք: Բռունցք բոլոր նրանց դեմ, ովքեր Օսմանյան կայսրության մեջ վիճարկում են թուրքական էթնոսի գերիշխանության ճշմարտացիությունը: Առանց օսմանյան «կարգի» հետագա ամրապնդման, առանց ուժեղ բռունցքի կայսրության անկումն անխուսափելի է. այս էր կոնսերյան «Կարգը որպես հիմք» բանաձևումից երիտթուրքական գաղափարախոսների արած տեսական եզրակացությունը:

3) Հրաժարվելով փիլիսոփայության հիմնական հարցին պատասխան տալուց, դրանով իսկ պոզիտիվիստները լայն հնարավորություն էին ստեղծում կրոնական հայեցողությունների արդարացման համար: Կոնսերը եռանդուն կերպով քննադատում էր աշխարհի վերաբերյալ աստվածաբանական հայացքները որպես արխայիկ, հնացած հայացքներ, բայց միաժամանակ նա կրոնը հրամցնում էր իրեն գիտական իմացության առաջին աստիճան, որը ոչ միայն պատմականորեն նախորդում է մյուս աստիճաններին, այլև նախապատրաստում է դրանք:

Գիտության «պաշտպանի» դերում հանդես եկող Կոնսերը, բնականաբար, պետք է քննադատական վերաբերմունք ունենար կրոնի հանդեպ: Բայց կրոնի նրա քննադատությունը դրա մեր-

կացումը չէր: Ընդհակառակը, կրոնի պոզիտիվիստական «քննադատություն» մեջ պարզորոշ երևում է նրա նկատմամբ Կոնսերի անսքող համակրանքը:

Երիտթուրքերին հարադատ եղավ կրոնի նկատմամբ պոզիտիվիստների վերաբերմունքը: Ինչպես տեսանք, երիտթուրքերը խանդաղատանքով և ջերմեռանդ ակնածանքով էին վերաբերվում մահմեդական կրոնին, բարձր էին գնահատում նրա ավանդույթները, գտնում էին, որ այն ոչ միայն չի հակասում ժամանակակից գիտությանն ու տեխնիկային, ոչ միայն չի խոչընդոտում Օսմանյան կայսրության առաջընթացը, այլև առաջադիմության մեծագույն ազդակ է: Ելնելով դրանից, երիտթուրքերը պայքարում էին այն բանի համար, որպեսզի ամբողջություն կազմեն օսմանյան սահմանադրական միապետությունը և մահմեդական կրոնը, թուրքական պետությունը և իսլամական կարգ ու սարքը:

4) Կոնսերն իրեն համարում էր Սեն-Սիմոնի աշակերտը: Ինչպես հայտնի է, վերջինս գտնում էր, որ մարդկության զարգացումը տեղի է ունենում պատմական պրոցեսի օրինաչափություններին համապատասխան, հետևապես չի կարելի նիհիլիստաբար ջնջել մարդկության պատմության անցած դարաշրջանները, ինչպես անում էին իր ժամանակի փիլիսոփաներից շատերը: Խեղաթյուրելով իր «ուսուցչին», Կոնսերը նրա այս մտքերից վերցրեց միայն այն դրույթները, որոնք նրան կարող էին օգնել արդարացնելու միջնադարի քաղաքական և հոգևոր կյանքը: Նա հիացմունքով էր արտահայտվում միջնադարյան քաղաքական կարգերի, միջնադարում երկրներ ասպատակած զորավարների և թագավորների մասին, վարդապետներն երանգներով նկարագրում այդ ժամանակվա սոցիալական հիերարխիան, փորձում արդարացնել աստվածապետությունը, կաթոլիկական միստիցիզմը, ինկվիզիցիայի գործունեությունը: Թոմաս Աքվինացուն նա հայտարարեց բոլոր ժամանակների մեծագույն փիլիսոփա:

Կոնսերի մտքերը յուրացրած երիտթուրքական պարագլուխներն իրենց հերթին իդեալականացնում էին միջնադարյան թուրքական հասարակությունը, գովերգում նախորդ դարերի թուրքերի բարքերն ու սովորությունները, դրվատում նրանց «քաջագործությունները», այսինքն՝ ասպատակություններն ու գործած ավերները, անցյալի թուրքերի օրինակով դաստիարակում էին իրենց ժամանակի թուրք երիտասարդ սերնդին:

5) Սեն-Սիմոնը գտնում էր, որ մարդկանց երջանկություն

¹ Տե՛ս «Антология мировой философии», т. 3, էջ 584:

² Տե՛ս Օ. Կոնտ, Общий обзор позитивизма. Родоначальники позитивизма, вып. V, СПб, 1913, էջ 143:

կարող են բերել ոչ թե քաղաքական հեղաշրջումները որպես աշխարհիք, այլ այնպիսի հեղաշրջումները, որոնք արմատապես կփոխեն նրանց կյանքի սոցիալական պայմանները: Կոնտն ալտերից կամայական եզրակացություն արեց, թե ընդհանրապես քաղաքական հեղաշրջումները ոչ միայն չեն բարելավում մարդկանց տնտեսական, սոցիալական դրությունը, այլև նոր աղետներ ու դժբախտություններ են բերում նրանց: Ելնելով դրանից, Կոնտը և նրա կողմնակիցները կանգնեցին բուրժուական նեղ ունեցողության դժբախտություններ են բերում նրանց: Ելնելով դրանից, Կոնտը և նրա կողմնակիցները կանգնեցին բուրժուական նեղ ունեցողության դրոշմ դարձնելով, պահանջեցին փիլիսոփայությունից ընդմիջտ վտարել «հեղափոխական ոգին»:

Երիտթուրքերը նույնպես թշնամաբար էին տրամադրված քաղաքական և հատկապես արմատական սոցիալական հեղաշրջման նկատմամբ: Կանգնած լինելով բուրժուական նեղ ունեցողության դժբախտության դրոշմ դարձնելով, պահանջեցին փիլիսոփայությունից ընդմիջտ վտարել «հեղափոխական ոգին»:

6) Սեն-Սիմոնը համոզված էր, որ բուրժուական հասարակական հարաբերությունները չեն կարող մարդկանց ազատություն բերել, որ այդ ազատությունը նրանց կարող են բերել միայն նոր, սոցիալիստական հարաբերությունները (թեպետև մարդկանց կյանքում սոցիալիզմ հաստատելու անհրաժեշտությունը նա, իբրև ուտոպիստ, ըմբռնում էր հակապատմականորեն): Կոնտը, ընդհակառակը, հանդես եկավ իբրև ձևավորվող բուրժուական հարաբերությունների, կապիտալիստների բարձրացող դասակարգի ջերմ պաշտպան: Ընդհատ է, նա նույնպես հույսեր հասարակության նոր, դրական (պոզիտիվ) կազմակերպվածքի անհրաժեշտությունը, բայց նա նկատի ուներ այնպիսի մի կազմակերպվածք, որը փոխարիներ «սոցիալական անարխիային»: Այդ նոր կառուցվածքը ոչ մի ընդհանուր բան չունի սոցիալիզմի հետ, այլ ազդարարում էր սոսկ հիերարխիական կապիտալիստական հասարակարգի անհրաժեշտությունը:

Երիտթուրքերը նույնպես բուրժուազիայի ջերմ պաշտպաններ էին, նրա շահերի արտահայտիչը: Բայց ի տարբերություն Կոնտի և պոզիտիվիստների, որոնք կանգնած էին ֆրանսիական բանկիրների և կապիտալիստների կողմում՝ անկախ նրանց ազգային պատկանելիությունից, երիտթուրքերը կանգնած էին թուրք ազգա-

յին բուրժուազիայի կողմում և միայն նրա շահերի արտահայտիչներն էին՝ ընդդեմ Օսմանյան կայսրության այլազգի բուրժուազիայի: Նրանք ամեն կերպ ձգտում էին այն բանին, որպեսզի կայսրության մեջ քաղաքական իշխանությունն անցնի թուրք բանկիրներին ու կապիտալիստներին և ամուր մնա նրանց ձեռքում:

7) Կոնտը և պոզիտիվիստները բացահայտ թշնամաբով էին լցված կապիտալիստական կարգերի գերեզմանափորի՝ պրուլետարիատի նկատմամբ: 1848—1849 թվականների բուրժուազիական հեղափոխության ժամանակ բացահայտորեն հանդես գալով ունեցողի կողմում, նա ապարդյուն դիմում էր ֆրանսիական պրուլետարիատին՝ նրան հորդորելով վար դնել պալատի դրոշմը և հնազանդվել: Հեղափոխության պարտությունից հետո նա պոզիտիվիստ փիլիսոփաներին կոչ էր անում ձեռնարկել հակահեղափոխական ոգով պրուլետարիատի «նոգևոր վերադաստիարակություն» գործը: Կոնտի սոցիալական իդեալը կապիտալիստների և բանվորների փոխհարաբերությունների «ներդաշնակությունն էր»: Մի կողմից նա պահանջում էր բանվորներին հեռու պահել նրանց համար «վտանգավոր» աթեիզմի, մատերիալիզմի և հեղափոխության գաղափարներից (որոնք Կոնտի մոտ հանդես են գալիս որպես նույնական հասկացություններ¹), իսկ մյուս կողմից առաջարկում էր նրանց ներշնչել «համեստության և հնազանդության» ոգի, կապիտալիստական կարգերի հեղափոխական տապալման գաղափարի փոխարեն նրանց մոտ պատվաստել ու խորացնել խաղաղ ձանապարհով առաջադիմության հասնելու հավատը:

Երիտթուրքերը նույնպես անսրող ատելություն էին տածում բանվոր դասակարգի նկատմամբ, խորշում աշխատավոր մասսաներից, այդ թվում՝ թուրք աշխատավորներից: «Իր «հակահեղափոխական», «խաղաղ առաջադիմական», «կարգապահական» աշխարհայացքը բխեցնելով դրապաշտ (պոզիտիվիստ) փիլիսոփայության հիմունքներից»², Ահմեդ Ռիդան «իր աչքի առջև գլորվող բանվորական խնդիրների հանդեպ մնաց անզգա, անտարբեր: Համանվորական ընկերային շարժումները, սոցիա-

¹ Տե՛ս «Родоначальники позитивизма». Сборник. вып. IV, СПб, 1912. էջ 82, 83, 85, вып. V, 1913, էջ 8, 33:

² Ս. Սապահ-Կյուլեան, Պատասխանատուները, էջ 129:

լիզմը նրա ուղեղին միշտ էլ եղան անմատչելի»¹: Ինչպես վերե-
վում տեսանք, երիտթուրքերը 1908 թվականի հեղափոխությունից
հետո անցնելով իշխանության գլուխ, ճնշեցին թուրքական փոք-
րաթիվ բանվորության դասակարգային ելույթները, մի շարք
դրակոնյան օրենքներ ընդունեցին նրա դեմ:

8) Ելնելով բնության մասին մեխանիկական պատկերա-
ցումներից, Կոնաը, ինչպես ասվեց, գտնում էր, որ նրանում
հակասություններ չկան: Բայց նա բացառություն էր անում կեն-
դանի բնության նկատմամբ և գտնում էր, որ նրանում, կամ իր
խոսքերով ասած՝ ֆիզիկայում («ֆիզիկա» տերմինի տակ նա
նկատի ուներ բիոլոգիան), կան ոչ միայն հակասություններ, այլև
հակամարտություններ: Սա շատ կարևոր հանգամանք է կոնտ-
յան պոզիտիվիզմի մեխանիկական մետաֆիզիկայի և «ֆիզի-
կայի» (բիոլոգիայի) փոխհարաբերությունները բացահայտելու
տեսակետից: Կոնտը կենդանի բնությունը (կենդանական և բու-
սական աշխարհ) դիտում էր իբրև գոյության պայթյալի աշխարհ:

Կենդանի բնության և մարդկային հասարակության միջև
անցկացրած ղուգահեռների միջոցով Կոնտը կենդանի բնության
հատկությունները, մասնավորապես այնտեղ նրան հատուկ գո-
յության պայթյալը փոխադրեց հասարակության ոլորտը, այն
դիտելով որպես կենդանի օրգանիզմի մի տարատեսակ:

Այլ խոսքով, համընդհանրացման մեթոդով կենդանական և
բուսական աշխարհում եղած գոյության պայթյալի օրինաչափու-
թյունները տարածելով մարդկային հասարակության վրա, նա
մեկի գոյությունը պայմանավորեց մյուսի կործանմամբ:

Այդպես էին կարծում և այդպես էին վարվում նաև երիտ-
թուրքերը: Նրանք նույնպես կենդանի բնության օրենքները տա-
րածում էին մարդկային հասարակության վրա, գտնելով, որ
բույսերի ու կենդանիների տեսակների ներսում չկա հակամար-
տություն, իսկ դրա փոխարեն հակամարտությունն օրինաչա-
փություն է տեսակների միջև: Վերհիշենք երիտթուրքերի 1910,
1911 թվականների համագումարների որոշումները հայության
ոչնչացման անհրաժեշտության մասին և այդ առթիվ նրանց պա-
րագլուխների կենսաբանական-ոստիոսական ոգով ունեցած
ելույթները: Քիչ հետո կտեսնենք, թե երիտթուրքական դահիճնե-
րից նազըմը նույն ոգով ինչպես էր հայությանը ոչնչացնելու կո:

անում 1915 թվականի սկզբներին: Իր գաղանային մտքերն ու
առաջարկություններն արդարացնելու համար նա ասում էր, թե
բոլոր կենդանիները և բույսերը իրար ուտում են, իրենց կյանքը
երկարացնում են իրար բնաջնջելով, հետևաբար դա բնության
ընդհանուր օրենք է: Այստեղից նա հետևություն էր անում, որ եթե
թուրքերն ուզում են ապրել, ապա հայերը պետք է բնաջնջվեն:

9) Մարդկության ամեն մի առաջադիմության հիմքը Կոնտը
համարում էր «բարոյական վերածնունդը» և դրան ավելի կա-
րևոր նշանակություն էր տալիս, քան տնտեսական ու քաղաքա-
կան զարգացմանը: Գրանով իսկ Կոնտը «սոցիալական դինամի-
կայի» գաղափարը վերջին հաշվով հանգեցնում էր մարդկային
բարոյական ձգտումների պաշտամունքի քարոզին:

Երիտթուրքերն էլ առանձնապես հրապուրված չէին Օսման-
յան կայսրության տնտեսական զարգացման խնդիրներով: Նրանց
հիմնական մտահոգությունը կայսրության պահպանումն էր:
Նրանք գտնում էին, որ դա հնարավոր է միայն թուրք ազգի «բա-
րոյական վերածննդի» պայմաններում, այսինքն՝ օսմանյան ազ-
գի թուրքացման ղեպքում, որի մասին մանրամասն խոսվեց վե-
րևում:

10) «Բարոյական վերածննդի» գաղափարից Կոնտը բխեցնում
էր «մեծ էակի» պաշտամունքի անհրաժեշտությունը, այդ պաշ-
տամունքը տարածելով անցյալում ապրած, ներկայումս ու գա-
լիքում ապրող բոլոր «մեծերի» վրա:

«Բարոյական վերածննդի» և «մեծ էակի» կոնտյան պոզիտի-
վիստական գաղափարները իրենց հետագա զարգացումը և լիա-
կատար մարմնավորումը գտան գերմանական փիլիսոփաներ,
սուրբկեկտիվ-իդեալիստ Աբրու Ծոպլենհաուերի (1788—1860)
անհատի կամքի ամբողջական տեսության՝ և վոլյունտարիզմի ու
իռացիոնալիզմի քարոզիչ Ֆրիդրիխ Նիցշեի «իշխանության կամ-
քի»², «մաքուր ուսայի»³, «Գերմարդու»⁴ (Übermensch) «Սու-

¹ Տե՛ս Արտյր Շոպենհայեր, Мир как воля и представление. Пере-
вод А. Фета. СПб., типография М. М. Стесюлевича, 1881 г.:

² Տե՛ս Ֆրիդրիխ Ницше, Так говорил Заратустра (Also sprach
Sarathustra). Символическая поэма. Перевод с немецкого, издания
редакции журнала «Читатель», М., 1899, էջ 42:

³ Տե՛ս Ֆրիդրիխ Ницше, Утренняя заря. Размышления о нравствен-
ных понятиях. Перевод с немецкого Е. Г. Склад, издание Д. П. Ефи-
мова, М., էջ 235:

⁴ Տե՛ս Ֆրիդրիխ Ницше, Воля к власти. Опыт переоценки всех цен-

¹ Ս. Սապահ-Պյուլեան, Պատասխանատուները, էջ 130:

պերմենի»¹ տեսութիւններում, որոնցից նույնպէս շատ բան էին քաղել երիտթուրքերը: Նիցշեն գովերգում էր Գերմարզու պատերազմելու անսասման կիրքը: «Ես հաստատում եմ,— գրում էր նա,— որ այն ժամանակներում, երբ մարդկութիւնը դեռևս ամոթ չէր զգում իր դաժանութիան համար, կյանքը երկրի վրա ավելի ուրախ էր, քան այժմ, երբ գոյութիւն ունեն հոռետեսները»²: «Այսպէս խոսեց Զրադաշտը» սիմվոլիկ պոեմի մեջ, գովերգելով պատերազմներն ու արշուճանքները, Նիցշեն գրում էր. «Նըբայր իմ, արդյոք չարի՞ք են պատերազմը և ջարդը: Բայց անհրաժեշտ է այդ չարիքը»³: «Իմաստութիւնը մեզ ուղում է տեսնել համարձակ, անհոգ, կենսուրախ և ուժեղ»⁴: «Դուք հավատացնում եք, թե բարի նպատակը իմաստավորում է նույնիսկ պատերազմը: Իսկ ես ասում եմ՝ միայն պատերազմի շնորհն է լուսավորում նպատակը»⁵: «Տղամարդը պետք է վարժեցվի պատերազմի համար, իսկ կինը՝ պատերազմի ոգի ներշնչելու համար: Մնացածը հիմարութիւնն է»⁶:

Աստվածացնելով սպանութիւն, հրկիզում ու բռնութիւն իրականացնող մարդու վարքը⁷, գտնելով, որ «բանականութիւնը նույնիսկ ամենաիմաստուն մարդու համար բացառութիւն է... իսկ քառուր... կանոն»⁸, «Եվրոպական կոլտուրայի արժեքը» գրքում Նիցշեն ասում էր, թե ավերումը վերածնութիւն սկիզբ է: «Այսպէս խոսեց Զրադաշտը» գրքում Գերմարզու մասին Զրատուստրայի բերանով Նիցշեն ասում է. «Տեսեք, ես ձեզ հետ խոսում եմ Գերմարզու մասին: Նա ինքը կայծակն է, նա ինքը հանդերձութիւնն է: Հողագունդը երբեք կպատկանի Գերմարզուն»⁹: Նիցշեն ավերածութիւնը համարում էր «ստորին ուսաններից»

մարդկութիւն մաքրման, «մաքուր ուսասյի» պահպանման միջոց: Իսկ ո՞ւմ է բաժին ընկած «մաքուր ուսասյի» պահպանման և «ամուր կարգ» ստեղծելու միսիան: Նորից Գերմարզուն, Սուպերմենին, «բարձրագույն տեսակի» մարդուն:

Ինչպէս տեսնում ենք, Նիցշեի մոտ չկան դասակարգեր, չկա դասակարգային պայքար: Ստրկատերն ու ստրուկը, ֆեոդալն ու ճորտը, բուրժուան և պրոլետարը միևնույն օրգանիզմի մասերն են, բոլորն էլ ատելի են ու խղճուկ, բոլորն էլ քաղաքակրթութիւն աշխնդակ զոհեր են: Մարդկային հասարակութիւն զարգացումն առաջ մղող դրդապատճառը Գերմարգ անհատն է: Ատելութիւն տածելով ժողովրդական մասսաների նկատմամբ, Նիցշեն նրանց արհամարհանքով անվանում էր հասարակ («schlicht»)¹, «հոտ»², «վախկոտ» («malus»)³ համարում «ստրուկների անդեմ զանգված», կամք կրողի քաղաքական կոմբինացիաների պասսիվ օբյեկտ:

Ի՞նչու չէ նկատել, թե երիտթուրքերի պարագլուխների վրա որպիսի խոր ազդեցութիւն էին թողել կոնտյան «Մեծ էակի» պաշտամունքը և Նիցշեական «Գերմարզու» գովերգը: «Թուրքական ուսան» մաքրելը գլխավոր նպատակներից մեկը համարելով, երիտթուրքերը դրան հասնելու միջոցներ էին առաջադրում պատերազմներն ու ջարդերը, Օսմանյան կայսրութիւն աշխարհի արհամարհելի ուայայի թրքացումը կամ նրա գլխովին ոչնչացումը: Այդ «գերագույն խնդրի» իրականացումը նրանք համարում էին «մեծ անհատների» գործ: Պատահական չէ, որ երիտթուրքական պարագլուխներից ամեն մեկն առանձին-առանձին այն խոր համոզումն ունեն, թե նախախնամութիւնը հենց իրեն է վստահել թուրք ազգի «վերածնութիւն» մեծ առաքելութիւնը: Այդ տեսակետից հատկապէս աչքի էր ընկնում էնվեր փաշան, որն իր մասին ունեցած գերաճած պատկերացումներով առանձնանում էր նույնիսկ իր ոճրագործ շրջապատի մյուս «գերմարդկանցից»: Բանն այնտեղ էր հասել, որ էնվերը ոչ ավել, ոչ

¹ Ֆրիդրիխ Նիցշե, Воля к власти. Опыт переоценки всех ценностей (1884—1888), с. 26.

² ՏՆՍ Ֆրիդրիխ Նիցշե, Генеология морали, էջ 10—11:

³ ՏՆՍ Ֆրիդրիխ Նիցշե, Воля к власти, էջ 17:

⁴ ՏՆՍ Ֆրիդրիխ Նիցշե, Генеология морали, էջ 11:

ностей (1884—1888). Под редакцией Г. Рачинского и Я. Бермана (Полн. собр. соч., т. IX, 1910, «Московское книгоиздательство»). էջ 17:

¹ ՏՆՍ Ֆրիդրիխ Նիցշե, Антихрист. Перевод Полилова, книгоиздательство «Прометей», СПб, 1907, էջ 7, 13:

² Ֆրիդրիխ Նիցշե, Генеология морали, с. 31.

³ Ֆրիդրիխ Նիցշե, Так говорил Заратустра, с. 38.

⁴ Նույն տեղը, էջ 42:

⁵ Նույն տեղը, էջ 50:

⁶ Նույն տեղը, էջ 71:

⁷ ՏՆՍ Ֆրիդրիխ Նիցշե, Генеология морали, էջ 17:

⁸ Ֆրիդրիխ Նիցշե, Полн. собр. соч., т. IX, М., 1910, с. 7.

⁹ Ֆրիդրիխ Նիցշե, Так говорил Заратустра, с. 10.

պակաս իրեն համեմատում էր Նապոլեոն Բոնապարտի հետ և գտնում, որ այլա՞ի կամքով ինքն է լինելու համաշխարհային թուրքական պետության ստեղծողը:

Ահա այսպես էին երիտթուրքական պարագլուխները յուրացրել եվրոպական ռեակցիոն սուբյեկտիվ-իդեալիստական տեսությունները, մասնավորապես Օգյուստ Կոնտի պոզիտիվիստական ուսմունքը, որոնք հստակորեն արտացոլված էին նրանց մարդատյաց շովինիստական գաղափարախոսության մեջ:

Մարքսիզմ-լենինիզմի դասականները տվել են երիտթուրքերի գաղափարախոսության հիմքում ընկած Օ. Կոնտի պոզիտիվիզմի ջախջախիչ քննադատությունը: Մանոթանալով պոզիտիվիզմին, Կ. Մարքսը 1866 թվականին Ֆ. էնգելսին գրած նամակում հետևյալ բնութագիրն է տվել այդ ուսմունքին. «Ես այժմ ի միջի այլոց ուսումնասիրում եմ Կոնտին, քանի որ անգլիացիներն ու ֆրանսիացիները շատ են աղմուկ հանում նրա մասին: Սրանց գրավողը Կոնտի հանրագիտակությունն է, սինթեզը: Սակայն Հեգելի համեմատությամբ դա ողորմելիություն է (թեպետև Կոնտը որպես մաթեմատիկոս և ֆիզիկոս գերադանցում է նրան, այն է՝ գերազանցում է մանրամասնություններում, իսկ ամբողջությամբ վերցրած Հեգելն այստեղ էլ անսահման մեծ է նրանից): Եվ այդ անպետք պոզիտիվիզմը երևան է եկել 1832 թվականին»: Մի այլ առիթով Կ. Մարքսը գրել է. «Կոնտը Փարիզի բանվորներին հայտնի է քաղաքականության ասպարեզում որպես կայսրության (անձնական դիկտատուրայի), քաղաքատնտեսության մեջ որպես կապիտալիստական տիրապետության, մարդկային գործունեության բոլոր ոլորտներում, նույնիսկ գիտության բնագավառում որպես հիերարխիայի մարգարե և որպես հեղինակ նոր կատեսիսիզիսի՝ նոր պապով և նոր սրբերով հանդերձ՝ հների փոխարեն»²:

Նշելով, որ «...Կոնտը իր բոլոր ...գաղափարները փոխ է առել Սեն-Սիմոնից», Ֆ. էնգելսը շեշտել է, որ սակայն այդ գաղափարները «խմբավորելիս և իր ձևով ուղղելիս նա այլանդակել է դրանք: Պատռելով դրանց հատուկ միատիցիզմը,

միևնույն ժամանակ նա գոհակացրել է դրանք, վերամշակել իր սեփական ֆիլիստերական ձևով»³:

Իր հերթին Վ. Ի. Լենինը սպանիչ բնութագիր է տվել պոզիտիվիզմին և Օ. Կոնտին: Պոզիտիվիզմը, այդ «ողորմելի շիլափլավը, այդ արգահատելի միջին կուսակցությունը փիլիսոփայության մեջ»², փորձում էր «գուրս ցատկել» մատերիալիզմից և իդեալիզմից, «հաշտեցնել», «համագրել» այդ հակադիր ուղղությունները: Իրականում մատերիալիզմ կամ իդեալիզմ երկընտրանքից դուրս պրծնելու Կոնտի և նրա հետևորդների փորձերը, ինչպես արդարացի մատնանշել է Վ. Ի. Լենինը, հանգեցնում են «հաշտվողական շաղատանության»³:

¹ К. Маркс и Ф. Энгельс, Избр. письма, Госполитиздат, М., 1953, с. 180.

² Архив Маркса и Ф. Энгельса, т. III (VIII), Партиздат, М., 1934, с. 347.

¹ К. Маркс и Ф. Энгельс, Избр. письма, с. 479--480.

² Վ. Ի. Լենին, *Ե՛՛ժ*, հ. 18, էջ 448:

³ Նույն տեղը:

ՆԱԽԱՂԱՏԵՐԱԶՄՅԱՆ ՍԱՐՍԱՓԻ ՏԱՐԻՆԵՐԸ

Այսպիսով, արդեն առաջին համաշխարհային պատերազմի նախօրյակին Օսմանյան կայսրության կառավարողներն իրենց տրամադրության տակ ունեին մարդատյաց գաղափարների մի հզոր գինանոց: Այդ գինանոցի բոլոր գեները, առավել ևս իսլամիզմն ու պանիսլամիզմը, թուրքիզմն ու պանթուրքիզմը դժբախտ ճակատագրի բերումով ամենից առաջ ուղղվել էին հայ ժողովրդի դեմ:

Արդ, իսլամիզմն ուղղված էր Օսմանյան կայսրության բոլոր քրիստոնյա ժողովուրդների դեմ: Բայց կայսրության եվրոպական նահանգների քրիստոնյա ժողովուրդների վիճակն անհամեմատ գերադասելի էր հայերի վիճակից: Նրանց մեծ մասը սլավոններ էին, որոնք իրենց թիկունքում մշտապես զգում էին Ռուսաստանի հզոր շունչը: Նրանք ունեին թուրք գավթիչներին դիմագրավելու այլ միջոցներ և առավելություններ: Նշենք թեկուզ այն, որ եվրոպական նահանգներում սլավոնները բացարձակ մեծամասնություն էին կազմում, այնտեղ քրիստոնյա ժողովուրդներն ապրում էին համահավաք և բացի զինված թուրքերից, ուրիշ թշնամի չունեին: Այնուհետև, պակաս կարևոր չէր այն, որ Բալկանները, Եվրոպայի մի մասը կազմելով, իր կողմն ուներ եվրոպական դեմոկրատիայի համակրանքն ու աջակցությունը:

Միանգամայն այլ էր հայության վիճակը: Կայսրության քրիստոնյա ժողովուրդներից ամենաանպաշտպանը հայ ժողովուրդն էր՝ ճեռու «Եվրոպայի աչքից», Փոքր Ասիայի խորքում մուսուլմանական ծովով շրջափակված: Նրա դիմաց կանգնած էր ոչ միայն ռուսերիմ թշնամի կառավարությունը իր զինվորականությանը, այլև զինված քուրդն ու շերքեզը՝ իրենց ընչաքաղց աս-

պառաջություններով, չղաղարող բռնություններով և սպանություններով:

Պանիսլամիզմից կայսրության եվրոպական մասի քրիստոնյաները վտանգ չէին տեսնում: Նպատակ ունենալով մի պետության մեջ համախմբել Ասիայի, Աֆրիկայի և Ռուսաստանի մահմեդականներին, պանիսլամիզմը դրան համապատասխան պայքարի երկու ճակատ բացեց՝ եվրոպական գաղութարարների և Ռուսաստանի դեմ: Ըստ որում վերջինիս դեմ պայքարին առաջնություն էր տրված, քանի որ այնտեղ պանիսլամիզմի հաղթանակը պայմանավորված էր ուսու և մյուս քրիստոնյաների պարտությունով: Այդ «մյուս» քրիստոնյաների թվում թուրքական կառավարությունը վտանգավոր էր համարում հատկապես կովկասահայությունը: Այսպիսով, պանիսլամիզմն իր սուր ծայրով ուղղված էր ցարական կայսրության ուսուների և հայերի դեմ:

Թուրքիզմն ուղղված չէր ո՛չ եվրոպայի և ո՛չ էլ Ռուսաստանի դեմ: Այդ գաղափարը նույնիսկ ձեռնտու էր Օսմանյան կայսրության եվրոպական նահանգների համար, քանի որ թուրքիզմի համաձայն թուրքերի համար գերադասելի էր ձգել Բալկանները և ամրանալ բուն Թուրքիայում: Թուրքիզմը մահացու էր միայն քրիստոնյա հայության համար, քանզի թուրքիզմի իդեալը լիակատար թուրքացումն էր Անատոլիայի, որի մեջ «Արևելյան Անատոլիա» անվան տակ մտցված էր նաև Արևմտյան Հայաստանը:

Պանթուրքիզմը երկու սուր ծայր ուներ: Դրանցից առաջինն ուղղված էր Ռուսաստանի դեմ, որի կազմում էր թուրքալեզու ժողովուրդների բացարձակ մեծամասնությունը: Մյուս սուր ծայրով այն ուղղվեց թուրանական «միասնական ժողովրդի» մեջ ընկած հայ ժողովրդի՝ իբրև խոչընդոտի դեմ՝ ինչպես բուն Թուրքիայում, այնպես էլ Կովկասում:

Եվ այսպես, պատմական ճակատագրի բերումով հայ ժողովուրդը գահավեժ գնում էր դեպի արյունոտ 1915 թվականը:

Բալկաններն անվերադարձ կորցնելուց հետո թուրք բուրժուազիայի, թուրքական շովինիզմի առջև դեմ հանդիման մնացել էին միայն հայ բուրժուազիան և հայ ժողովուրդը: Ֆիզիկապես բնաջնջելով հայ բուրժուազիային, թուրք ազգային բուրժուազիան իր ճանապարհից ընդմիջտ կվերացներ մրցակից հակառակորդին: Թուրքահայ բուրժուազիան Օսմանյան կայսրության բուրժուազիայի բաղկացուցիչ մասը լինելով հանդերձ, շարունակում էր թուրքական բուրժուազիայի համար մնալ իբրև

շուկայի վտանգավոր մրցակից, որին անէացնելով միայն, ըստ երիտթուրքերի, թուրք բուրժուազիան կարող էր, վերջապես, «հանգիստ շունչ քաշել»:

Կարող է տարօրինակ թվալ, թե հայ ժողովրդի համար այդ դաժան, դառնադեմ ժամանակներում ինչ խոսք կարող էր լինել հայ բուրժուազիայի՝ իբրև շուկայում թուրք ազգային բուրժուազիայի «վտանգավոր մրցակցի» մասին:

Քանն այն է, որ չնայած իր համար ստեղծված դժվարագույն պայմաններին, հայ բուրժուազիան դեռ շարունակում էր տնտեսական կարևոր դիրքեր պահպանել կայսրության տարածքում: Կայսրության առևտրի և արդյունաբերության մեջ հայ բուրժուաներին էր պատկանում կապիտալների քառորդ մասը, այն դեպքում, երբ թուրք բուրժուաները վերահսկում էին առևտրական գործառնությունների միայն 15 տոկոսին և արտադրության 12 տոկոսին:

Տնտեսության մեջ դեռ ամուր դիրքեր էին պահպանում ոչ միայն հայ դրամատերերը: Օգտվելով կոտորածների միջև ընկած կարճատև դադարներից, հայ ժողովուրդը իրեն հատուկ ջանադրությամբ շարունակում էր ստեղծագործ աշխատանքը հայրենի լեռներում ու դաշտերում, միաժամանակ մտորում ապագայի նոր ծրագրեր, հույս ունենալով, թե միգուցե օրերից մի օր իր համար էլ ապրելու մի դուռ կբացվի՝ առանց սարսափի ու կոտորածների: «Հայերն իրենց տերիտորիայում ապրում են ավելի քան երեք հազար տարի,— ասված էր Ռուսաստանի արտաքին գործերի մինիստրության գեկուցագրերից մեկում:— Նրանց մոտ 80 տոկոսն այնտեղ զբաղվում է հողագործությամբ, իսկ մնացածներն ապրում են քաղաքներում, զբաղվելով առևտրով ու արհեստներով: Ինչ վերաբերում է Փոքր Ասիայի արևմտյան մասում օսմանյան թուրքերի շրջանում ապրող հայերին, ապա սրանք գերազանցապես բնակվում են քաղաքներում և իրենց ձեռքում են կենտրոնացրել Ասիական թուրքիայի ամբողջ առևտուրն ու բոլոր արհեստները...» Չնայած բոլոր արհավիրքներին, այնուհետև ասված է այդ փաստաթղթում, հայերին հաջողվել է պահպանել «իրենց ամբողջ ազգային կարգ ու սարքը և բուն իսկ տերիտորիան»¹:

1909 թվականի մասսայական ջարդերից հետո հայերը հատկապես մեծ նվիրումով էին փարվել իրենց ազգային մշակույթին: Հաղթահարելով անասելի դժվարություններ, նրանք վառ էին պահում լուսավորության ջահը: Օգտաշատ գործերով ծանրաբեռ հարյուրավոր ու հազարավոր նվիրյալ մտավորականներ՝ գրողներ, ուսուցիչներ, հոգևորականներ, բժիշկներ, փաստաբաններ, ազգային արժեքների նախանձախնդիր ավանդապահներ էին, որոնք ոչ միայն խանդաղատանքով պահում-պահպանում էին հայ ժողովրդի հոգևոր ժառանգությունը, այլև փոխանցում նոր սերնդին: Նրանց ջանքերով էր մասնավորապես կանգուն մնում հարեանների նախանձը շարժող հայոց ազգային կրթական համակարգը: Բավական է ասել, որ եթե կայսրության ողջ տարածքի վրա պետական դպրոցների երկսեռ աշակերտների թիվը չէր անցնում 242 հազարից², ապա հանգանակություններով և նվիրատվություններով պահպանվող հայկական ավելի քան 1000 դպրոցներում³ 1912 թվականին կրթություն էր ստանում 120 հազար աշակերտ⁴: Այդ թվի մեջ չէին մտնում Կ. Պոլսի հայկական դպրոցներում, մայրաքաղաքում և գավառներում գործող ֆրանսիական և ամերիկյան դպրոցներում, ինչպես նաև օտար որբանոցներում ընդգրկված հայ աշակերտները: Մի այլ աղբյուրի համաձայն 1914 թվականին ամբողջ Թուրքիայում կար տարբեր հարանվանությունների պատկանող ավելի քան 2000 հայկական դպրոց⁵: Հայաստանում և Անատոլիայում դպրոցական ցանցի ընդլայնման ուղղությամբ մեծ ջանքեր էին թափում «Հայոց միացյալ ընկերությունը» և կրթական այլ մարմիններ:

1912 թվականին թե՛ Կովկասում և թե՛ Թուրքիայում մեծ շուքով նշվեց հայոց գրերի դյուտի 1500-ամյակը: Համազգային խանդավառության մթնոլորտում առաջ քաշվեց հայկական համալսարան ունենալու գաղափարը, և այդ նպատակով կատարվեցին դրամական մեծ նվիրատվություններ: Համալսարանը նա-

¹ Տե՛ս «Տրապիզոնի թեմի վիճակավոր Յովհաննես արք. Նազլեանի յուշերը...»: Ա. հատոր, էջ 667:

² Տե՛ս Հայկազն Գ. Ղազարեան, Ցեղասպան թուրքը, ՊԼՄԻՔ, 1968, էջ 223:

³ Տե՛ս «Տրապիզոնի թեմի վիճակավոր Յովհաննես արք. Նազլեանի յուշերը...», էջ 667:

⁴ Տե՛ս Հայկազն Գ. Ղազարեան, Ցեղասպան թուրքը, էջ 223:

⁵ Տե՛ս «Հայաստանի կոչնակ», № 31, 20 ապրիլի 1931, Նյու Յորք, էջ 810:

¹ Б. А. Борьян, Армения, международная дипломатия и СССР, Часть II, Госиздат, М.—Л., 1929, с. 418.

խատեսվում էր հիմնել հենց թուրքերի ձեռքին պատկանող Արևմտահայաստանում՝ հայոց հայրենիքի պատմական կենտրոնում՝ հայության համար նվիրական Տարոն գավառում:

Զգալիորեն բարձրացել էր նաև հայերի քաղաքական կշիռը և՛ գավառում, և՛ հատկապես կայսրության մայրաքաղաք Կոստանդնուպոլսում: Օսմանյան պետության մի քանի նախարարներ, հաճախ նույնիսկ արտաքին գործոց նախարարը, հայեր էին: Քրիստոնյաներին զինվորագրելու հետևանքով հայ տարրը սկսել էր դիրքեր գրավել նաև թուրքական բանակում:

Սակայն թուրքական բուրժուազիան, թուրքական ուսուցիչները շիլ աչքով, ներքին զայրույթով ու նախանձով էին նայում այդ ամենին: «Աշխատելով իրենց այլազգի գործակիցներին դուրս մղել նրանց գրաված շահավետ դիրքերից, — գրում է սովետական թուրքագետ Դ. Երեմեևը, — թուրքական բուրժուազիան ավելի ու ավելի հաճախ է դիմում «անթույլատրելի գործելաձևերի»: Զարդերն ու կոտորածները մրցապայքարում դառնում են թուրք խանութպանների, անասնավաճառների և կուլակների հիմնական միջոցը: Անատոլիացի բուրժուաների գաժանությունը ամենևին նրանց ուժից չէր, այլ, ընդհակառակը, անզորությունից, թերզարգացությունից, անլիարժեքության զգացումից: Հաջողության մեջ ապրող հարևան քրիստոնյայի նկատմամբ անողորմ նախանձը, որը տարիներով քրքրել էր բուրժուականացած քաղքենու հոգին, պոսթկում է շարդարարի պաթոլոգիական մոլեռանդության ձևով: Մրցակիցների նկատմամբ տածած իր ատելությունը թուրքական բուրժուազիան փոխադրում էր «այլազգիների ու այլազգավանների» ամբողջ մասսայի վրա, իր ժողովրդին գրգռելով հայերի, հույների և մյուս ազգային փոքրամասնությունների դեմ»¹:

Հայ ժողովրդի բնաջնջումով թուրք ազգային բուրժուազիան պետք է լուծեր նաև թուրք վերնախավերին, բոլոր թուրանականներին մտահոգող խնդիրը, այն է՝ արևմուտքից արևելք նահանջող թուրքերի համար հարթել դեպի հին հայրենիք տանող տերիտորիալ ուղիները:

Ինչպես նշված էր Ռուսաստանի արտաքին գործերի մինիստրություն՝ կառավարությանը ներկայացրած վերոհիշյալ զեկուցագրում, ամբողջ Փոքր Ասիան, Մարմարա և էգեյան ծովերից

մինչև Կասպից ծովի կովկասյան ափերը, 24-րդ միջօրեականից մինչև 46-ը, այսինքն՝ մոտ 2 հազար վերստ տարածության վրա բնակվում են մուսուլմանություն դավանող թուրքալեզու ժողովուրդներ՝ արևմուտքում սյունիները, արևելքում՝ շիաները: «Հենց այս հսկայական տերիտորիայում, 34 և 42-րդ միջօրեականների միջև, այսինքն՝ մոտ 600 վերստ տարածության վրա է գտնվում Հայաստան անունը կրող մի ճեղքվածք...»¹

Երիտթուրքերի, բոլոր թուրանականների ուղեղում այն միտքն էր պտտվում, թե իրենց պանթուրքական նկրտումների գլխավոր արգելքը հենց այդ «ճեղքվածքն» է, այդ «սեպը», այսինքն՝ Հայաստանը և հայ ժողովուրդը, որը մասնավորապես էրզրումի և Կարսի սարահարթերում, Բաղեշի և Վանի շրջաններում ունենալով գերակշիռ դիրք, անցանկալի պատվար էր իրենց համար: Հայկական շարժումը դիտվում էր իբրև հիմնական խոչընդոտ համաթուրանական պլանների իրականացման ճանապարհին:

Վերևում արդեն հիշատակվեց, որ իթթիհադ կուսակցության հերթական համագումարը, որ կայացավ 1910 թվականին Սալոնիկում², ճակատագրական որոշում ընդունեց Օսմանյան կայսրության հայության մասին: Ժամանակագրական տեսակետից համաժողովի թվականը պատմության համար շատ կարևոր է հետագա դեպքերի լուսաբանման տեսակետից:

Իթթիհադի այս ժողովին մասնակցում էին Ահմեդ Աղաևը, բժ. Բուսուխին, բժ. Նազըմը, Զիա Գեոքալփը, բժ. Բեհանգզին Շաքիրը, Զահիդը, Թալեաթը, Հաջի Ադիլը և ուրիշներ³:

¹ Մեջբերված է ըստ Б. А. Борьян, Армения, международная дипломатия и СССР, часть II, с. 418.

² Սովորաբար իթթիհադի համագումարները (կոնգրեսները) տեղի էին ունենում օգոստոսից մինչև հոկտեմբեր, այսինքն՝ երեք ամիս տևողությամբ: Կուսակցության առաջին չորս համագումարները հաջորդաբար կայացվել են Սալոնիկում՝ 1908, 1909, 1910 և 1911 թվականներին: Բալկանյան պատերազմի ընթացքում, իթթիհադի կենտրոնը վերջնականապես Կ. Պոլիս փոխադրվելուց հետո, կուսակցության հետագա բոլոր համագումարները տեղի ունեցան մայրաքաղաքում՝ 1912, 1913, 1916, 1917 և 1918 թվականներին: Ինչպես տեսնում ենք, հայոց բնաջնջման տարիներին՝ 1914 և 1915 թվականներին իթթիհադի համագումարներ տեղի չեն ունեցել, բայց տենդայնորեն գործել է կուսակցության շարաշուք գաղտնի կենտրոնը, որը ղեկավարել է ցեղասպանության «գործը» (տե՛ս Հայկազն Գ. Ղազարեան, Ցեղասպան թուրքը, էջ 358):

³ Տե՛ս Հայկազն Գ. Ղազարեան, Ցեղասպան թուրքը, էջ 17:

¹ Д. Е. Еремеев, На стыке Азии и Европы, с. 124.

Հայկական հարցի քննարկման ժամանակ բժ. Նազըմը տեսականորեն «հիմնավորեց» «հայկական սեպի» ոչնչացման անխուսափելիությունը: «Այս պահին մեզ համար կարևորը գաղափարի (պանթուրքիզմի:— Շ. Ս.) ոչ թե տեսական վերլուծումներն ու հիմնավորումներն են,— ասում էր նա,— այլ նրա իրականացման գործնական միջոցների ճշտումը»: Ապա դիմելով համագումարի մասնակիցներին, նա այսպես է «ճշտում» այդ «գործնական միջոցները». «Հավատում եմ,— շարունակել է նա,— որ բոլորը համաձայն կլինեք, եթե հայտարարեմ, որ այդ քաղաքական ծրագրի իրականացման նախապայմանը հայկական հարցի արմատական լուծումն է: Իբրև քրիստոնյա ժողովուրդ, մեր կայսրության մեջ մեզ իբրև հպատակ ապրում են միայն հայերը: Պատմության բնական ընթացքն անխուսափելի պիտի դարձնի նրանց անջատումը կայսրությունից, ինչպես բալկանյան ժողովուրդներինը: Մենք հաշտվեցինք, թեև ակամա, այս վերջիններիս անջատման հետ: Մեր կայսրության ամբողջականության պահպանման մասին շոստումներին հակառակ Եվրոպան մեզ պարտադրեց, որ լքենք ամբողջ Բալկանները»: Բայց առավել սարսափելին առջևում է, այնուհետև ասում է նա: Բալկաններում և Աֆրիկայում կրած պարտությունից հետո անկախ Հայաստանի հեռանկարը հավասարակշռությունից հանում էր իթթիհադականներին, մուսավաթականներին, բոլոր պանթուրքականներին: Եվ Նազըմը շարունակում է. «Հայերի անջատման ընթացքի մեջ ենք գտնվում այս պահին: Տեսնեիք, թե ինչպես ներկայացան նրանք դեսպանախորհրդի առջև և բարենորոգումների առաջարկի տակ կես-ինքնավարության պահանջ դրեցին, հակառակ մեր թելադրանքներին և պնդումներին, որպեսզի հրաժարվեն եվրոպացիներից և մենք առանձին կարգադրենք իրենց խնդիրը՝ իբրև կայսրության ներքին խնդիր»: Ապա, պատկերացնելով ոչ հեռավոր ապագան, նա ասում է. «Մի պահ էրևակայեցեք արևմտյան նահանգների (Օսմանյան կայսրության:— Շ. Ս.) վրա մի հայ պետության կազմությունը: Նման պիտուքյունը քուրանական ծրագրի տապալակաբար կլինի: Ոչ միայն պարտավոր պիտի լինենք ամբողջապես հրաժարվել թուրք ցեղի միացման ծրագրից, այլև պատրաստ պիտի լինենք սեղմվելու Անատոլիայի մեջ միայն, Կոնիայի նախկին սելջուկյան սուլթանների նեղ հողամասերի վրա: Այն ժամանակ դա կնշանակի մահացում: Անմի-

ջապես կցանկանան նաև օգտվել հույները՝ իրենց դարավոր իդեալն իրականացնելու ցանկությամբ: Որևէ թուրքի համար անհար է հաշտվել նման իրականության հետ»:

Վերջապես Նազըմը բանաձևում է իր հիմնական միտքը: «Իբրև վտանգավոր և անընդունելի՝ վանելուց հետո այս միջոցները,— ասում է նա,— մնում է միակ և մի վերջին կարելիություն, որի հետ կամա թե ակամա պարտավոր ենք հաշտվել՝ ընդունելով թուրքական շահերին համապատասխանող միակ ելքը՝ պետք է բնաջնջել հայերին մեր կայսրության մեջ»: Նազըմը մի պահ ընդմիջում է, ապա շարունակում. «Այս առաջարկը կարող է թվալ անխիղճ, անմարդկային, դժվարին, բայց հարցը խղճի խնդիր չէ, ոչ էլ մարդկային զգացումների խնդիր: Կամ կ:ամաձայնենք հայերի ամբողջական և արմատական բնաջնջման ծրագրին, ապահովելով մեր ներկան ու ապագան, պատրաստելով մեր զարգացման ու զորացման ուղին, և կամ, մերժելով այս ծրագիրը, կշարունակենք մնալ արդի կացության մեջ, մեր ոտքի տակի հողը փորելով մեր հրկրի մեջ իսկ, բռնելով քայքայման ու անհետացման ճամփան: Ուրիշ ելք գոյություն չունի մեզ համար: Այսօր իսկ, մինչև հիմա մեր կատարած երկար խորհրդակցություններից հետո, պարտավոր ենք կատարել ընտրությունը: Այդ կամ ոչ ասել՝ հստակ և վճռական կերպով, բոլոր տեսակի վարանումները մի կողմ ձգելով, և կազմել համապատասխան մի ծրագիր, նկատի առնելով ամենափոքր մանրամասնություններն իսկ, որպեսզի ամբողջական լինի նրա իրականացումը»:

Այնուհետև Նազըմը համագումարի մասնակիցներին նախազգուշացնում է, որ ծրագրվելիք նախճիրի գլուխ բերելը դժվարին գործ է լինելու: «Բոլորս էլ հասկանում ենք, որ շատ բարդ ու դժվար է ձեռնարկը,— ասում է նա:— Հարցը մեկ շրջանի, Արևմտյան Անատոլիայի մեջ բնակվող հայության բնաջնջման ձևով չի ներկայանում միայն, այլ ամբողջ կայսրության մեջ տարածվող այդ նենգամիտ, ճարտար և ճկուն էրմենի կոչված մի ցեղի, որի եռանդին և աշխատանքին գոհացում չի կարող տալ նեղ ու փոքր սեփական մի հայրենիքն իսկ, որն ընդարձակ կայսրության պահանջ է զգում իբրև գործունեության դաշտ, Պոլսից մինչև Բաղդադ, Բայազետից մինչև Ադանա, Իսկենդերուն: Պետք է արմատից բնաջնջել այդ ցեղը, որը որդի պես փարված է մեր մարմնին ու կրծում է մեզ»:

Հենց այստեղ էլ, համագումարում, նազըմը մարդատյաց ծրագիրն իրականացնելու համար գործնական առաջարկ է անում. «... մեր ամենից վստահելի, գաղտնապահ և կարող զինվորականներից, քաղաքային բարձր պաշտոնեությունից և մեր կենտրոնական վարչությունից կազմել մի մասնավոր հանձնախումբ՝ այս առաջարկի իրականացման ամբողջական և մանրակրկիտ մի ծրագիր կազմելու համար:

Դյուրացնելու համար մեր որոշումը, մի քանի բառով պարզեմ նաև հետևանքները, նպաստավոր, թե աննպաստ, այս ծրագրի: Եթե հաջողությունը ավարտենք այդ ծրագիրը.

ա. լուծված կլինի միանգամ ընդմիշտ «հայկական խնդիր» կոչվածը՝ նրա նյութը կազմող տարրի անհետացումով:

բ. Մեր պետությունը ձերբազատված կլինի թե՛ միջազգային և թե՛ ներքին քաղաքականության տեսակետով այդ հարցի ստեղծած տաղտուկներից, նեղություններից ու տազնապաններից:

գ. Երկիրը ազատած լինելով հայ տարրից, ընդարձակ դաշտ կբացվի մեր ժողովրդի գործունեության համար, հատկապես տնտեսական գետնի վրա, որի տերը դարձել են հայերը:

դ. Նրանց հարուստության տեր կդառնան մեր ժողովուրդը և մեր պետությունը:

ե. Ամբողջ Անատոլիան թուրքերով բնակված միատարր երկրի կվերածվի:

զ. Այդ ամենից հետո՝ ամենամեծ խոչընդոտի անհետացումով կհարթվի ճամփան այն մեծ իդէալի՝ համաթուրանակա-նության գաղափարի իրականացման համար, որին կառչած ենք մեր ամբողջ էութեամբ»:

Գտնելով, որ հայության ոչնչացման ծրագիրը ոչ միայն զրթվար է իրականացնել գործնականորեն, այլև անհնարին է գետնեղել մարդկային բարոյական նորմերի շրջանակներում, նազըմը այնուհետև ասել է. «Անշուշտ, բողոքի, գայրույթի ալիքը պիտի տարածվի ամեն տեղ: Ահագին անկում պիտի կրի մեր բարոյական վարկը, և նրա հետևանքով նաև մեր տնտեսական վարկը: Պետք չէ մոռանալ սակայն, որ այդ վիճակը պիտի լինի ժամանակավոր, կարճ կամ երկար, որոշ ժամանակի համար միայն ու նրանից հետո ամեն ինչ մոռացության պիտի տրվի, ու մենք պիտի կարողանանք վերագառնալ միջազգային կյանքի մեջ նախկինից ավելի մի փայլուն դիրքի, որովհետև բազմապատկված

պիտի լինի մեր ուժը: Այդ ուժն է միակ հաշվի առնելիքը կյանքի մեջ»¹:

«Ամեն ինչ մոռացութեան պիտի տրվի...» Երկրորդ համաշխարհային պատերազմը սկսելիս նույն միտքը բառացիորեն կրկնել է Հիտլերը:

Հայությունը ոչնչացնելու այս դժվարին որոշումը վերածարծվեց ու ամրապնդվեց 1911 թվականին տեղի ունեցած Իթթի-հադի հաջորդ համագումարում:

Ինչպես տեսնում ենք, պանթուրքականները քաջ գիտակցում էին, որ կայսրության ներսում այլազգի ժողովուրդներին բողոչափով ներքին ինքնավարություն տալը կարևոր կովան է դառնալու լիակատար պետական անկախության նպատակով նրանց կողմից մղվող պայքարի համար: Ուստի թուրք շովինիստներն այդ մասին լսել անգամ չէին ուզում: Բայց հենց դա էր նման իրադրությունից դուրս գալու բնական ելքը: Ինչպես նկատում էր բողլեհիկյան «Պրավդա» թերթը, Օսմանյան կայսրության մեջ ազգային հարցի լավագույն լուծումը կլինեն «պետության կազմավորումը ավտոնոմ սկզբունքներով, այսինքն՝ ամեն մի առանձին ազգությանն ինքնավարության լայն իրավունքների տրամադրումը»²:

Հենց այդ ժամանակ, 1912 թվականից, նորից հրապարակ եկավ հայկական բարենորոգումների հարցը, որն առաջ քաշեցին Ռուսաստանը, Անգլիան և Ֆրանսիան: Այդ խնդրում հատկապես մեծ շահագրգռություն էր հանդես բերում Ռուսաստանը: Անշուշտ, Կ. Պոլսի ռուսական դեսպան Մ. Գիրսի միջոցով Պետերբուրգի ձեռք առած եռանդուն քայլերը ամենակարևոր դերը պիտի խաղային Հայաստանի բարենորոգումների խնդրի դրական լուծման գործում³: Եռյակ տերությունները բարենորոգումների հարցը գլխավորապես բարձրացրին՝ հարվածելու համար և՛ Թուրքիային, և՛ նրա դաշնակից Գերմանիային: Հարցի բարեհաջող

¹ Մեկյան գաղե Ռիֆաթ, Օսմանեան յեղափոխութեան մութ ծախերը, Բնյութ, 1933, էջ 160, 165, 166, 186, 187, 191, 192, 193:

² «Правда», 27 июля 1912 г.

³ Տե՛ս «Հայկական հարցը և Պողոս Նուբար փաշան», Վաղարշապատ, 1914, էջ 3:

լուծումը պետք է սկիզբ դնել թուրքիայից հայկական վիլայեթների անջատմանը:

Թուրքիան տազնապահար էր. եվրոպականը կորցնելուց հետո հերթի էին դրվում ասիական վիլայեթները: «Հիվանդ մարդը կարծես մեռնում էր»¹, — գրում էր Ժ. Կայզերը:

Անդրադառնալով Արևմտյան Հայաստանում բարենորոգումների խնդրին և դրա նկատմամբ թուրքական կառավարության ու շոփինիստական վերնախավերի վերաբերմունքին, Պետերբուրգում լույս տեսնող «Նովոյե վրեմյա» թերթը 1913 թվականի մայիսի 28-ին գրում էր. «Հայ ժողովրդի վերածնունդը վնասակար է թուրքական պետության շահերի համար: Բարենորոգումները հայկական նահանգներում խանգարում են պանթուրքիզմի ոգով թուրքական Փոքր Ասիայի դարգացմանը»:

Եվ ահա ամենակատաղի կամպանիա ծավալվեց Արևմտյան Հայաստանում հավանական ռեֆորմների, արևմտյան տերութունների միջամտության դեմ: Այդ կամպանիան իր սուր ծայրով ամենից առաջ ուղղվեց հայերի, ապա նաև նրանց հովանավոր Ռուսաստանի դեմ:

1913—1914 թվականներին Թուրքիայում հակառուսական արամադրությունները մեծ շափերի հասան: Թուրք կառավարողները, ազգայնական-պանթուրքական մամուլն Օսմանյան կայսրության բոլոր դժբախտությունների գլխավոր պատճառը Ռուսաստանն էին համարում:

Ա. Ֆ. Միրլերը գրում է, որ այդ շրջանում պանթուրքիզմը «թուրքական ներքին քաղաքականության տեսանկյունով հակաազգային և ուսակցիոն հոսանք էր» արտաքին քաղաքականության մեջ, որն ուղղված լինելով Ռուսաստանի դեմ, կտրուկ վատթարացրեց առանց այն էլ լարված ռուս-թուրքական հարաբերությունները²:

Իթթիհադական պանթուրքականները չէին կարող շտեմել հայերի բուռն համակրանքը Ռուսաստանի հանդեպ: Նրանք քաջ գիտեին, որ հայ ժողովուրդը, թե՛ արևելյան և թե՛ արևմտյան հատվածներով, ռուսասեր է, Ռուսաստանի հաջողությունների և հաղթանակների ջատագով, նրա թշնամիների հակառակորդ:

Դեռևս 1912 թվականի նոյեմբերի 16-ին Մ. Գիրսը արտաքին գործերի մինիստրին գրած զեկուցագրում շեշտում էր թուրքիայում «հայկական մասսաների հետզհետե աճը: ձգտումը դեպի Ռուսաստան», միաժամանակ նշում, որ այդ ձգտումը բնական է ու անկեղծ: «Համակրանքը դեպի Ռուսաստան, — ասված էր զեկուցագրում, — թափանցել է նաև հայ բուրժուազիայի և մտավորականության մեջ...: Իմ հարցապնդումներին Վանի, Բայազետի, Բիթլիսի, էրզրումի և Տրապիզոնի մեր հյուպատոսները միաձայն վկայում են, որ ներկայումս բոլոր հայերը, առանց կուսակցական խտրության, համակրում են Ռուսաստանին. օրինակ, Վանի փոխհյուպատոսը... հեռագրում է, որ բոլոր հայերը կողմնակից են Ռուսաստանին և անկեղծորեն ցանկանում են ռուսական զորքի գալուստը կամ բարենորոգումները Ռուսաստանի վերահսկողության տակ: Բայազետի փոխհյուպատոսը... հաղորդում է. «Բոլոր հայերը... ներկայումս... սաստիկ ցանկանում են Ռուսաստանի հովանավորությունն ու Հայաստանի գրավումը»:

«Բիրժեվիե վեդոմոստի» թերթի թղթակից Տ. Օլգինը 1913 թվականի մարտին հրատարակած իր հոդվածում, անդրադառնալով Ռուսաստանի նկատմամբ արևմտահայության վերաբերմունքին, գրում էր. «Ինչպիսիք Ռուսաստան հայ գյուղացիների միաձայն ու հուզիչ մտերմության օրինակներ ինձ պատմեց Մ. Օլգերովը (Վանի փոխհյուպատոս: — Ղ. Ս.): Անցնելով Վանի վիլայեթի գյուղերով, նա իջևանում է Կղզի գյուղում: Այստեղ նրան ցույց են տալիս մի ժերացած, հոգեպես հիվանդ հայի, որ 40 տարի շարունակ ամեն օր դուրս էր գալիս գյուղից ու նայում դեպի հյուսիս և, ապա դառնալով տուն, հոգոց քաշելով ասում. «Չէ՛, դեռ չեն գալիս քեռիները (ռուսները: — Ղ. Ս.): Ապա Հայկանեստ գյուղում եղած ժամանակ նրան մոտեցել է մի ծայրահեղ շքավոր հայ գյուղացի և, մեկնելով մի հին ռուսական ուրբիանոց, ասել է. «Ես չունեմ ոչինչ ավելի լավ բան սրանից, տալիս եմ, ինչ որ ունեմ, վերցրու այս ուրբիան և սրա համար միջնորդիր ցարի առջև, որ ռուսները շուտով գան այստեղ»:

Չնայած Ռուսաստանի և ռուս ժողովրդի հանդեպ ունեցած

¹ Ж. Кайзер, Европа и Новая Турция, Госиздат, Москва, 1925, с. 7.

² А. Ф. Миллер, Краткая история Турции, с. 137.

¹ «Հայաստանը միջազգային դիվանագիտության և սովետական արտաքին քաղաքականության փաստաթղթերում (1828—1923)», էջ 152:

² «Հորիզոն», 4 ապրիլի 1914, № 74:

ներքին խոր համակրանքին, Թուրքիայի հայերը, սակայն, իրենց քաղաքացիական պարտքը կատարում էին բարեխղճորեն, հարգում երկրի օրենքները, համբերությամբ տանում ամեն տեսակ զոհողություն ու վիրավորանք, միայն թե խուսափեն նոր ջարդերից:

Թուրք շովինիստները, սակայն, հաշվի չէին առնում այս վերջին հանգամանքը: Նրանք ամենուրեք մեղադրանքներ էին տեղում հայ քաղաքական կուսակցությունների, այդ թվում դաշնակցության վրա, որն իբր հանդես էր գալիս Արևմտյան Հայաստանը Թուրքիայից անջատելու պահանջով, մի բան, որ իրականությունը չէր համապատասխանում: Նրանք շատ լավ գիտեին, որ նման ծրագիր չունի դաշնակցությունը, որ այդ կուսակցությունը հանդես է գալիս «Օսմանյան միասնական հայրենիքի» պահանջով:

1911 թվականին Տրիպոլիի վրա Իտալիայի հարձակման սկզբին դաշնակցությունը հայտարարում էր, թե «ընդհանուր հայրենիքին սպառնացող վտանգին առջև մենք կը դադարեցնենք մեր բողոքներն այն մեծ վստահությամբ, թե հեռու չէ վերջապես ողջամտութեան և արդարութեան յաղթանակը հին ռեժիմին ավանդուժիւններուն վրա»¹:

Հայերի օրինապահությունը, սակայն, նրանց չփրկեց սպասվելիք աղետներից: Դա այդպես էլ պետք է լիներ, քանի որ հայերը իրենց ինչպես էլ պահեին, միևնույն է, իթթիհադականներն արդեն վերջնական որոշում էին կայացրել նրանց իսպառ բնաջնջելու մասին:

Պոլսի հայ գործիչներին ուղղած նամակներից մեկում թուրքերը պահանջում էին այլևս ակնարկ անգամ չանել հայկական նահանգներում բարենորոգումներ անցկացնելու մասին, այլպես բոլոր հայերին՝ ծեր թե մանուկ, սպառնում էին «փորոտիքը թափել ուղղակի փողոցների մեջ»: «Ազրմ» թերթը բացեիբաց գրում էր, որ «շատ շանցած հայությունը, հայ ցեղը կկործանվի մեծ շառաշումով»²:

Այդ սպառնալիքներին հետևում էին հայության դեմ ուղղված կոնկրետ գործողություններ՝ առևանգումներ, սպանություններ, կողոպուտներ: Լ. Օշերովսկին նկատում էր, որ Թուրքիայի տերիտորիայի վրա բնակվող բոլոր ժողովուրդներից բռնությունների ու ջարդերի ամենից շատ ենթակա էին հայերը³: Նման կարծիքի էին նաև եվրոպական բազմաթիվ ճանապարհորդներ և մտավորականներ:

Թուրքական իշխանությունները գաղտնի ու բացահայտ զինում էին հայությանը պատահասող թուրք և քուրդ հարստահարիչներին: Թե՛ Թուրքիայում և թե՛ Կովկասում լույս տեսնող հայկական թերթերը խոր տագնապ էին արտահայտում այդ առթիվ՝ նշելով դրա հնարավոր ողբերգական հետևանքները: «Կը լավի,— գրում էր «Հորիզոն»,— թե Արտամետի Ֆելզո անունով թուրք մը Ոստանեն 8 ձիաբեռ դենք բերած ցրած է Արտամետ գլուղի թուրքերուն: Կը լավի նույնպես՝ Ոստանի գալմագամ մեծ թվով դենք սկսած է բաժանել շրջակա քյուրդերուն»⁴:

Անասելի շափեր ընդունեցին հայերի ունեցվածքի թալանը, նրանց հողերի բռնագրավումները: Իշխանությունները ոչ միայն չէին պաշարում բացահայտ անօրինականությունների, բռնությունների ու կամայականությունների դեմ, այլև ամեն կերպ հրահրում, տոն էին տալիս դրանց կազմակերպիչներին: «Ընդհանուր կոտորածի ուրվականը ամեն տեղ է,— գրում էր Նընչակյան գործիչներից մեկը,— որը դամոկլյան սրի պես կախված է հայի գլխին: Եվ տիրող կառավարությունը ոչ միայն չի աշխատում ջարդի երկյուղը ցրել, այլև ընդհակառակը, է՛լ ավելի է սաստկացնում այդ երկյուղը և ինքն է այդ նպատակով բացորոշ պատրաստության մեջ մտնում»⁵:

Հայությանն անհրաժեշտ էր զրկել անտեսական բոլոր դիրքերից, գոյության բոլոր միջոցներից: Այդ խնդրի իրականացման համար իթթիհադական կառավարողները նոր ուժով հովանավորեցին և ոգեշնչեցին քրդական ավագանուն, «հույս ունենալով նրանց ողջ ջարդարարական ջանքերն ուղղել հայերի դեմ»⁶: Օս-

¹ Մեջբերված է՝ Արշակ Ալպայանեան, Պատմություն Մալաթիոյ հայոց, էջ 919:

² Մեջբերված է՝ Հրանդ Գանգրունու «Հայ յեղափոխութիւնը օսմանեան բռնատիրութեան դեմ (1890—1910)» գրքից, Պեյրուս-Լիրանան, 1973, էջ 323:

³ Տե՛ս Լ. Օշերովսկի, Трагедия армян-беженцев, СПб, 1916, էջ 21:

⁴ «Հորիզոն», 30 մարտի 1913 թ.:

⁵ Ս. Սալան-Գյուլեան, Պատասխանատուները, էջ 320:

⁶ И. И. Голобородько (И. Южанин), Старая и новая Турция, с. 227.

մանյան սահմանադրութիւնը ֆիկցիա դառնալուց հետո քուրդ շէյխերն ու բեգերը էլ ավելի սանձարձակ էին դարձել: Այդ մասին թուրքիայում ուսական դեսպան Մ. Գիրսը գրում էր. «Մեր հշուպատոսները միահամուռ կերպով վկայում են քրդերի անընդհատ կողոպուտների և հափշտակութիւնների մասին, հայերի սպանութեան և հայ կանանց բռնի կերպով մահապատժան մասին, իսկ անկարգութիւնների հերոսները համարյա թե երբեք պատասխանատուութեան չեն ենթարկւում»: Կառավարութեան հովանավորութեամբ և զորմամբ քուրդ շէյխերն ու բեգերն իրենց զինված ջոկատներով հարձակումներ էին գործում հայկական գյուղերի վրա, ավել ու մահ սփռում ամենուր, կողոպտում բնակչութեանը, նրանից խլում հողերն ու արոտավայրերը: Քրդական ավագանին արդեն բացեիբաց սպառնում էր «բնաջնջել հայութեանը»²: Վերադառնալով հայերի հողերի մասսայական բռնագրավումներին, Մ. Գիրսը նշում էր. «Հողային հարցն օրըստօրե սուր կերպարանք է ստանում. հողերի մեծամասնութիւնը գրավել և գրավում են քրդերը, իսկ կառավարութիւնը ո՛չ միայն չի արգելում, այլև նույնիսկ հովանավորում և աջակցում է այդ գրավումներին»³: Միայն 1913 թվականին, ոչ լրիվ տրվելաներով, թուրք կալվածատերերը և քուրդ բեգերը հայերից խլել են 30 հազար գյուղացիական հողամաս:

Բալկանյան պատերազմներից հետո բալկանյան երկրներում բնակվող թուրքերի համար աննպաստ իրավիճակ էր ստեղծվել: Նոր իրադրութեան սխալմաներում տեղի թուրք բնակչութիւնը զրկվում էր առանձնաշնորհումներից ու արտոնութիւններից, որոնցից նա օգտվել էր դարեր շարունակ: Եվ ահա բալկանյան թուրքերի մեջ սկսվեց թուրքիա տեղափոխվելու մասսայական շարժում: Բալկաններում պարտութիւն կրած թուրքական զորամասերը վերադառնում էին՝ իրենց հետևից բերելով տեղահանված մահապատժան գաղթականութեան ունեղրկված ու քաղցած

զանգվածին, որն ապրելուտեղ էր որոնում: Մուհաջիրների այդ հսկա զանգվածը (200 հազար մարդ) կառավարութիւնն ուղղեց Արևմտյան Հայաստան: Տեղավորվելով հայկական նահանգներում, թուրք գաղթականներն իշխանութիւնների աջակցութեամբ հայերից խլում էին անշարժ գույքը, հողերը, այգիները, ողջ տնեցվածքը: «... Ի՞նչ է կատարվում, դեռ ինչե՞ր են կատարվում Տաճկահայաստան կոչված այդ սև ու մութ աշխարհամասում, — պատմում էր ականատեսը: — Օ՛, ծանր է, խիստ ծանր մտաբերել անգամ այդ արյունով շողախված դժոխքը: Այնտեղ մահվան սարսուռն է տիրապետում, այնտեղ գիշեր ու զօր մահվան ուրվականն է անեղեսաբար քարշ գալիս մեն մի թշվառ հայ գյուղացու, մեն մի տարաբախտ հայ մարդու ետևից... ու այդ անհիժյալ ուրվականը մինչև ե՞րբ պիտի թափառի հայ անդաստանում...»²

1913 թվականի մարտին «Խարկովսկոյն ուտրո» թերթում պրոֆ. Պոգոդինը թուրքահայերի թշվառ ու անպաշտպան դրութեան մասին գրում էր. «Այժմ ավելի, քան երբևիցե, հայերը թողնված են իրենց ճակատագրին, և այդ ճակատագիրը սարսափելի է: Անհավանական է, որ քսաներորդ դարում քաղաքակիրթ մարդկութիւնը կարող է հանդուրժել այնպիսի սարսափներ, որոնք մտեցի էին ունենում 16-րդ դարում և որ ժամանակակից քաղաքակիրթութիւնը այնպիսի ուժեղ նյարդեր ունի, որ ողբերը, հառաչանքներն ու արյան հեղեղը նրան չեն ազդում: Հայերի ոչնչացումը կատարվում է եվրոպայի բարեհաճ թուլտուութեամբ: Երբ Ռուսաստանի կողմից որոշ ազդեցութիւն ու սպառնալիք գործադրվեց՝ այս բանը Գերմանիան ընդունեց իբրև casus belli, իբրև կովապատճառ: Եվ այսպես, Ռուսաստանի առջև երկու ճանապարհ կա՝ կա՛մ թույլ տալ քրդերի և թուրքերի գազանութիւնները Հայաստանում, կա՛մ Ասիայի քրիստոնյաների ու մարդասիրութեան անունով պատերազմ սկսել «աստվածավախ» երկրի՝ քրիստոնեա և քաղաքակիրթ Գերմանիայի հետ, որի կայսրը բարեկամ ու հովանավոր է հավատացյալ իշխողին»³:

Ինչպես քրդերի գործողութիւնները, այնպես էլ մուհաջիր-

¹ «Հայաստանը միջազգային դրվանագիտութեան և սովետական արտաքին քաղաքականութեան փաստաթղթերում», էջ 152:

² Տե՛ս «Геноцид армян в Османской империи», էջ 255:

³ «Հայաստանը միջազգային դրվանագիտութեան և սովետական արտաքին քաղաքականութեան փաստաթղթերում», էջ 152:

⁴ Տե՛ս Ջ. Ս. Կիրակոսյան, Առաջին համաշխարհային պատերազմը և արևմտահայութիւնը 1914—1916 թթ., էջ 30:

¹ Տե՛ս В. Минахорян, Трагедия Турции, Баку, 1919, էջ 16:

² «Հորիզոն», 29 մարտի 1913:

³ «Հորիզոն», 24 մարտի 1913:

ների մասսայական բնակեցումը Արևմտյան Հայաստանում վերջին հաշվով հետապնդում էր մի հիմնական նպատակ՝ խախտել հայերի միատարր բնակավայրերը, նրանց խառնել թուրք և քուրդ բնակչության հետ, բնակչության ընդհանուր զանգվածում իջեցնել նրանց տոկոսը, դրանով իսկ մի կողմից վերջ դնել եվրոպական երկրների և ցարական Ռուսաստանի միջամտության պատրվակներին, մյուս կողմից՝ վերացնել քրիստոնեական բնակչություն ունեցող այն շերտը, որը սեպի պես խրված էր Անատոլիայի և Թուրանի միջև:

Հայ ժողովրդի համար մի անելանելի կացություն էր ստեղծվել: Հայ քաղաքական կուսակցությունների ղեկավարներից ոմանք նոր փորձերի դիմեցին հայ ազատագրական շարժումը քրդական ապստամբական առկայծումների հետ միավորելու, թուրք բռնադատիչների դեմ ուղղված հայ-քրդական դաշինք ստեղծելու համար: Բայց այդ բոլոր փորձերը, ինչպես նախկինում, անհաջողության մատնվեցին:

Փորձեր եղան նաև դաշինքի մեջ մտնելու թուրքական տիրապետությանն ընդդիմադիր ազգային ուժերի հետ: Մասնավորապես հնչակյանները, ղեկավարվելով 1913 թվականի սեպտեմբերին Քեոստենջեյում (Բուլղարիա) տեղի ունեցած իրենց կուսակցության 7-րդ համագումարի որոշումներով, նույն թվականի աշնանը Պոլսում գաղտնի հարաբերությունների մեջ մտան հակաիթթիհադական դիրքերի վրա կանգնած ալբան քաղաքական ուժերի հետ, որոնց գլուխն էր կանգնել երիտթուրքական շարժման սկզբնավորողներից մեկը, ծագումով ալբանացի, բժիշկ Իբրահիմ Թեմոն, որը 1908 թվականի հեղափոխությունից հետո վճռականապես կապերը խզել էր իթթիհադականներից, դարձել Ալբանիայում ապստամբական շարժման ոգեշնչողներից մեկը: Ալբանացիների հետ հնչակյան կենտրոնի հարաբերությունները հանգեցրին նրան, որ երկու կողմերը համաձայնության եկան համագործակցելու իթթիհադի դեմ ընդհանուր պայքարում:

¹ Հետագայում, երբ հայությունը Թուրքիայում ոչնչացվել էր արդեն և երբ քրդերը նույնպես մեր դարի 20—30-ական թվականներին թուրքերի կողմից ենթարկվում էին մասսայական շարժերի, նորից բարձրացավ հայ-քրդական դաշինքի հարցը: Բայց դրանք ժամանակավրեպ քայլեր էին և, հասկանալի պատճառներով, այլևս արդյունք չէին կարող տալ:

Սակայն վերահաս իրադարձությունները խափանեցին այդ համագործակցության իրականացումը:

Մոտենում էր արյունալի 1914 թվականը: Իմպերիալիստական տերությունները վերջին պատրաստություններն էին տեսնում. միմյանց հանդեպ ճշտում էին իրենց դիրքերը, տեսնալիս որ են նախապատրաստվում անը գոտեմարտի:

Պատերազմ նյութող կառավարությունների գլխավոր մտահոգություններից մեկը շարունակում էր մնալ Թուրքիան, որը դեռ վերջնականապես չէր ճշտել իր դիրքն առաջիկա մեծ պատերազմում: Ուստի Թուրքիային սիրաշահելը և նրան իրենց կողմը գրավելը կարևորագույն խնդիր էին համարում վերահաս արյունահեղ պատերազմի բոլոր հեղինակները:

Արդեն պատերազմի նախօրյակին Թուրքիայում իր դիրքերն ամրապնդել էր գերմանական իմպերիալիզմը: Գերմանիան, որն Անտանտի տերությունների՝ Անգլիայի, Ֆրանսիայի և հատկապես Ռուսաստանի գլխավոր հակառակորդն էր, Թուրքիային հռչակել էր իր «բնական դաշնակից»¹: Երկու երկրներին հատկապես հարազատեցնում էր Ռուսաստանի հանդեպ տածած խոր ատելությունը: Ռուսաստանն այն հզոր պատվարն էր, որ կանգնած էր ինչպես դեպի Արևելք ձգտող գերմանական գիշատիչ իմպերիալիզմի, այնպես էլ իրենց հայացքը դեպի Թուրան հառած թուրքական զավթիչների ճանապարհին: Սովետական թուրքագետ Ա. Ֆ. Միլլերը գրում է, որ գերմանացիներն ամեն կերպ խրախուսում, տոն էին տալիս երիտթուրքերի ունեկցիոն պանթուրքական և պանիսլամական ձգտումներին², հատկապես պան-

¹ Գերմանիան Թուրքիային «բնական դաշնակից» և «հավերժ բարեկամ» էր հռչակել դեռևս անցյալ դարի 90-ական թվականներին: Գերմանական կայսր Վիլհելմ II-ը 1898 թվականի հոկտեմբերին Թուրքիա կատարած իր երկրորդ ուղևորության ժամանակ (առաջին անգամ Թուրքիա էր այցելել 1889 թվականին) սուլթան Աբդուլ Համիդ II-ին հավաստիացնում էր, որ ինքը չեմ զգայմունքներ է տածում Օսմանյան կայսրության և նրա արևափայլ սուլթանությանը... հավատացած լինեն, որ հանձին գերմանական կայսրի նրանք ձեռք կբերեն հավերժ բարեկամ» (մեջբերումը կատարված է Տ. С. Степанян. Армения в политике империалистической Германии (конец XIX — начало XX века), изд-во «Айастан», Ереван, 1975, с. 17).

² Տե՛ս А. Ф. Миллер, Турция и Германия в годы первой мировой войны, 1944, էջ 5:

Թուրքիզմին, որն իր սուր ծայրով ուղղված էր Ռուսաստանի և առաջին հերթին Անդրկովկասում նրա տիրապետության դեմ¹։

Գերմանական իմպերիալիստներն ամեն կերպ ոգեշնչում խրախուսում էին պանթուրքականների գործունեությունը, իսկ գերմանական իմպերիալիզմի գաղափարախոսները և քաղաքագետները՝ Ֆանձինս ֆոն դեր Զոլցի, ֆոն Սանդերսի, Ռոհրբախի, Նաումանի և այլոց, փորձում էին հիմնավորել ոչ միայն գերմանացիների, այլև թուրքերի տերիտորիալ հավակնությունները Ռուսաստանի նկատմամբ։

Գերմանիայի համար շափաղանց կարևոր էր դեպի հարավ, դեպի Օսմանյան կայսրության տերիտորիաները Ռուսաւտանի առաջխաղացման կասեցումը։ Այդ առաջխաղացումը հակասում էր Թուրքիայում Գերմանիայի տնտեսական և ռազմաքաղաքական շահերին։ Գերմանիան ինքն էր հիմնավորվում այդ տերիտորիաներում, ուստի նրա շահերը պահանջում էին ամրացնել Ռուսաստանի հետ Թուրքիայի սահմանները և Անդրկովկասից մինչև Միջերկրական ծովն ընկած շրջանը դարձնել ամուր մի պատնեղ ռուսական ներթափանցման դեմ։

Բայց աշխարհագրական այդ նույն շրջանում էր գտնվում Արևմտյան Հայաստանը, հայ ժողովրդի հիմնական հատվածը, որն ուներ բացահայտ ռուսական կողմնորոշում։ Հակառակ գերմանացի միսիոներների, հասարակական և քաղաքական գործիչների երկար տարիների համառ ջանքերին, որոնք ուղղված էին այն բանին, որպեսզի շահեն արևմտահայության համակրանքը և նրան խորթացնեն Ռուսաստանից, հայությունը բնավ չփոխեց իր կողմնորոշումը, չաջակցեց գերմանական ներթափանցմանը Թուրքիա։

Հենց սա է այն իրողության բացահայտման ելակետը, թե ինչու Գերմանիան այդպիսի մոլեռանդությունամբ սատարեց պանթուրքիզմին։

Ինչպես վերը նշվեց, դեպի Թուրան թուրք գավթիչների ճանապարհի հիմնական խոչընդոտը Հայաստանը, հայ ժողովուրդն էր։ Ահա թե ինչու գերմանական իմպերիալիզմն անվարան ու աներկամիտ իր համաձայնությունը տվեց իրենց ճանապարհից հայու-

թյանը վերացնելու երիտթուրքերի պլաններին։ Իսկ կամրապնդել Թուրքիայի ռուսական սահմանը, պանթուրքականների համաբնանապարհ կհարթեր դեպի Ռուսական կայսրության խորքերը։ Պանթուրքականների զավթողական ծրագրերը լիովին համընկնում էին գերմանական իմպերիալիստների նվաճողական պլաններին։

Թուրքական և գերմանական քաղաքական գործիչների հայացքները լիակատար միասնական էին այն բանում, որ Թուրքիայի կովկասյան սահմանները լիովին պետք է մաքրել թուրքերի և գերմանացիների համար անհարազատ հայ բնակչությունից՝ այնտեղ բնակեցնելով թուրքերին։

1913 թվականի ապրիլի սկզբին գերմանական պառլամենտում արտաքին գործերի մինիստրության նախաձեռնությամբ կելիս պետական քարտուղար Յագովը, անդրադառնալով պետությունների և միջազգային խնդիրների նկատմամբ Գերմանիայի վերաբերմունքի հարցերին, Թուրքիայի մասին հայտարարել է. «Տաճկաստանը, թեև ծանրապես վիրավոր՝ պատվով դուրս կգա կովից (բալկանյան պատերազմից։— Չ. Ս.) ու, թեկուզև պարփակված իր ասիական կալվածքներում՝ լայնարձակ դաշտ կը գտնե իր ուժերի նոր գործադրության համար։ Մենք հույս ունենք, որ առաջիկա բնակցությունների ժամանակ առիթ կունենանք նպաստելու, որ Թուրքիան դժվարության չհանդիպի այդ խնդիրն [բազորժելիս]»։

Այս հակիրճ ճառում կար մի ամբողջ ծրագիր. Գերմանիան սրանով Թուրքիայի համար անդարձ կորած էր համարում նրա եվրոպական նահանգները, հետևապես նրան մղում էր ամրանալու ասիական մասում, այսինքն՝ Հայաստանում։ Նա նաև բացեիքաց հայտարարում էր, որ այդ գործում պաշտպանելու է Թուրքիայի շահերը՝ ընդդիմանալով Հայաստանի ինքնավարության խնդրին։

Յագովի հայտարարությունը հավանության արժանանալով պառլամենտում, դարձավ քննության առարկա։ Ելույթ ունեցած պատգամավորներից ոմանք «շոշափեցին նաև Հայաստանի հարցը և ցավակցություն հայտնեցին հայերին հասած ճնշումների համար, գտնելով, սակայն, որ վայրկյանը նպաստավոր չէ հա-

¹ Տե՛ս Է. Саркисян, Пантуркистская и панисламская агентура Османской империи в Закавказье, «Известия», АН Арм. ССР, № 7, 1962, էջ 10։

¹ «Հորիզոն», 3 ապրիլի 1913 թ.։

յոց հարցը հարուցանելու համար, որովհետև այդ դեպքում Ռուսաստանը հնարավորություն կստանա գրավելու Հայաստանը»¹: Այս կեղծ փարիսեցիության փեշերի տակ ծնունդ առած մարդատյաց ծրագիրը զանազան կողմերից մշակում ու փորձում էին «գիտականորեն» հիմնավորել գերմանական իմպերիալիզմի գաղափարախոսները, քաղաքական և ռազմական գործիչները:

Այսպես, բալկանյան առաջին պատերազմից անմիջապես հետո, ֆոն դեր Զոլցը, որը շուրջ 15 տարի ծառայում էր Թուրքիայում և մարզում էր Թուրքական բանակը, գրեց «Երիտասարդ Թուրքիայի կործանումը և նրա հավանական վերածնունդը» հոդվածաշարը, որտեղ պատասխան էր տալիս այն հարցին, թե Եվրոպայից բշվելուց հետո Թուրքիան ինչպես է դառնալու ասիական պետություն: Թուրքիան ասիական պետություն դառնալու ճանապարհին, գրում էր նա, պետք է կուլ գնա Հայաստանը²:

Հայ ժողովրդի նկատմամբ նման հրեշավոր ծրագիր էր առաջադրում նաև գերմանական գեոպոլիտիկական դպրոցի հիմնադիրներից մեկը, հայտնի քաղաքագետ, պանգերմանիզմի նշանավոր գաղափարախոս Պաուլ Ռոհրբախը³:

1913 թվականի հունիսի 8-ին «Ձրանկֆուրտեր ցայտունգ» թերթում լույս տեսավ նրա «Հայաստան» վերտառությամբ հոդվածը, որտեղ նա Թուրքիայի կառավարողներին հուշում էր՝ մտքով անգամ չանցկացնել, թե երբևէ հնարավոր է Արևմտյան Հայաստանը Թուրքիայից անջատ տեսնել:

Իր մեկ ուրիշ աշխատությունում՝ «Պատերազմը և գերմանական քաղաքականությունը» գրքում, որ սկսել էր շարադրել համաշխարհային պատերազմը սկսելուց մի քանի ամիս առաջ և որը լույս տեսավ պատերազմի ընթացքում՝ 1915 թվականին, Պաուլ Ռոհրբախը գրում էր, թե ով տիրում է Հայաստանին, բնականաբար նա իր ազդեցության տակ է գցում նաև Փոքր Ասիայի արևելյան մասը և Միջագետքը⁴: Ռուսաստանը նպատակ

ունի գրավել Հայաստանը, ապա «Հայաստանի վրայով ուղիղ իջնել Միջերկրական ծով», դեպի «Ալեքսանդրեթի ծոցը»՝ Հայաստանի անցնելը ռուսների ձեռքը կնշանակեր ոչ այլ ինչ քան Թուրքիայի, որպես «ինքնուրույն պետության, գոյության վախճան»⁵:

Անդրադառնալով Հայաստանի աշխարհագրական դիրքին ու քաղաքական և ստրատեգիական կարևորագույն նշանակությանը, Ռոհրբախը նշում էր, որ երբեք չպետք է թույլ տալ, որ այն ընկնի թշնամի Ռուսաստանի ազդեցության տակ. «Ձի կարելի պատկերացնել ուրիշ որևէ դիրք, որն ավելի անեղ լինի ողջ արևմտյան Ասիայի նկատմամբ, քան Հայաստանի, Անդրկովկասի և Հյուսիսային Պարսկաստանի միավորումը Ռուսաստանի ձեռքում»⁶: Գերմանիան երբեք չի հաշտվի նման վիճակի հետ, գրում էր Ռոհրբախը: «Մենք ներկայումս այնքան ենք շահագրգռված այն բանում, որպեսզի Թուրքական պետությունը կարողանա պահպանել իր ինքնուրույնությունը, որ գերմանական կառավարությունը ստիպված է Ռուսաստանին հայտաբարել. Հայաստանի վրայով Թուրքական սահմանից ռուսական զորքերի անցումը վտանգի տակ կզնի եվրոպական խաղաղությունը»⁷: Արտահայտելով գերմանական ռազմամոլների պրակտիկ քաղաքականությունը, Ռոհրբախը եզրակացնում էր, որ «եթե պետք է պահպանել Թուրքիան, ապա Հայաստանն էլ պետք է մնա Թուրքական...»⁸

Գերմանական իմպերիալիզմի գաղափարախոսները Թուրքական շովինիստական կառավարությանը հուշում էին Արևմտյան Հայաստանը դատարկել հայերից՝ դրանով իսկ Ռուսաստանին զրկել պոտենցիալ դաշնակցից: Բայց դա դեռ բոլորը չէր: Հագուրդ տալով հակառուսական տրամադրություններ ունեցող պանթուրքականների ցնորական տենչերին, Ռոհրբախը գրում էր. «170 միլիոն մարդկանցով ռուսական հսկան պետք է, համեմալն դեպս, կրճատվի և Միջին Եվրոպայի վրա հարձակվելու նրա ըն-

¹ «Հորիզոն», 3 ապրիլի 1913:

² Տե՛ս «Հորիզոն», 24 մարտի 1913:

³ Պ. Ռոհրբախի գրչին ևն պատկանում «Deutschland unter den Weltvölkern» հայտնի աշխատությունը, մի շարք գրքեր նվիրված Մերձավոր արևելքի քաղաքական պրոբլեմներին և աշխարհի այդ մասում Գերմանիայի շահերին: Այս վերջին հարցը նա մանրամասն վերլուծել է դեռևս 1902 թվականին լույս տեսած «Die Wertschäftliche Bewegung Westasiens» գրքում:

⁴ Տե՛ս Ս. Բորբախ, Война и германская политика. С предисловием

проф. С. А. Котляровского, изд-во Г. А. Лемана и С. И. Сахарова, Москва, 1915, էջ 62:

⁵ Նույն տեղը, էջ 59:

⁶ Նույն տեղը, էջ 11:

⁷ Նույն տեղը, էջ 63:

⁸ Նույն տեղը, էջ 11:

⁹ Նույն տեղը, էջ 63—64:

դունակութիւնը սահմանափակվի: Դա ներքին դժվարութիւն չի ներկայացնում, քանի որ ժամանակակից Ռուսաստանի ինչպես արևմուտքում, այնպես էլ հարավում բնակվում են ոչ ուս ժողովուրդներ, որոնք միայն գոհ կլինեն, եթի անջատվեն կայսր-լութիւնից»:

Համաշխարհային պատերազմին նախորդող ժամանակաշրջանում գերմանական հետադիմական մամուլի զանազան օրգաններ պարբերաբար անդրադառնում էին հայկական հարցին՝ թուրքական հարստահարիչներին թելադրելով հայերի համար ստեղծել այնպիսի դժոխային պայմաններ, որպեսզի նրանք հարկադրված հեռանան իրենց երկրից, դիմեն մասսայական արտագաղթի՝ թուրքերին թողնելով իրենց հողերը և ունեցվածքը: Այդ ճանապարհով Օսմանյան կայսրութիւնն այլացեղ և այլադավան հայերի փոխարեն իր թիկունքը կամրապնդի միատարր ու վստահելի թուրք բնակչութեամբ: Արևելյան Անատոլիան և Արևմտյան Հայաստանը թուրքացնելով, գրում էին գերմանական թերթերը, թուրքերը ուղղակի կմիանան Ռուսաստանի կազմում գտնվող իրենց արյունակից եղբայրներին:

Հայութեան բնաջնջման, պանթուրքիզմի ոգեշնչման ու խթանման գերմանական քաղաքականութիւնը թելադրված էր ոչ միայն ռազմաքաղաքական և ստրատեգիական նկատառումներով, այլև տնտեսական այլազան հանգամանքներով, այն շահերով, որ գերմանական մոնոպոլիաներն ունեին Մերձավոր արևելքում ընդհանրապես, Թուրքիայի արևելյան նահանգներում՝ մասնավորապես:

Տնտեսական առումով գերմանական մոնոպոլիաների շահերը հայերի հետ առնչվում էին երկու հիմնական կետերում, որոնցից առաջինը կապված էր Բաղդադի երկաթուղու կառուցման հետ: Վիթխարի, կարելի է ասել՝ ճակատագրական նշանակութիւն տալով Բաղդադի երկաթուղու կառուցմանը, գերմանական իմպերիալիստները, դեռ առաջին համաշխարհային պատերազմից շատ առաջ, մտադիր էին հենվել հայերի վրա, նրանց լայնորեն ներգրավել երկաթուղու շինարարութեան մեջ, իսկ երկաթգիծը կառուցելուց հետո դրա ողջ երկայնքով բնակեցնել հայերին, նրանց աշխատասիրութիւնը, գիտելիքներն ու հնարամտու-

թիւնն օգտագործել երկաթգծի երկու կողմերում ընկած անապատային տարածութիւնները յուրացնելու նպատակով:

Ինչպես հայտնի է, գերմանական մոնոպոլիստների այդ ծրագրի կենսագործման ուղղութեամբ հայերը որևէ շահագրգռութիւն հանդես չբերեցին: Նրանք մտադիր չէին հոժար կամքով թողնել իրենց հարազատ վայրերը և մեկնել կիզիչ անապատներ: Հենց դա էր պատճառը, որ գերմանական քաղաքագետներն ու գաղափարախոսներն առաջինը հրապարակ բերեցին և հիմնավորեցին հայերին իրենց դարավոր պապենական հողերից բռնի ուժով տեղահանելու և անապատային վայրեր քշելու մարդատյաջ գաղափարը:

Գերմանական մոնոպոլիաների հետ հայութեան առնչման մշտապատճառն արևմտահայ առևտրական բուրժուազիայի մըրցակցութիւնն էր: Գերմանական իմպերիալիստները մտադիր էին այնտեղից դուրս վանել անգլիական և ֆրանսիական կապիտալը, մըրցակցային պայքարում խեղդել 1894—1896 և 1909 թվականների հայկական ջարդերից հետո արդեն ուշքի եկող հայ առևտրական բուրժուազիային, այնտեղ հաստատել գերմանական մոնոպոլիստական կապիտալի միահեծան տիրապետութիւն: Արևմտյան Հայաստանի գերմանացման այս պլանների իրականացման ճանապարհին, որպես խոշընդոտ, կանգնած էր անգլիական, ֆրանսիական և ռուսական առևտրավաշխառուական բուրժուազիայի հետ սերտորեն կապված հայ առևտրական բուրժուազիան: Անդրադառնալով այդ հարցին, Հերբերտ Ադամս Գիբսոնը նշում էր. «Հանդիսանալով միակ առևտրական և երկրագործական տարրը Փոքր Ասիայի ներքին նահանգներում, հետևաբար և միակ տարրը, որ կարող էր հակադրվել եվրոպական գաղութացմանը, հայերը համառորեն խանգարում էին Անատոլիայի գերմանիզացիայի պլաններին»¹: Ահա թե ինչու գերմանական իմպերիալիստները ոչ միայն հավանութիւն տվեցին թուրքական կառավարող շրջանների կողմից արևմտահայութեան դեմ ձեռնարկվող միջոցառումներին, նրա տեղահանութեանն ու ջարդերին, այլև առաջին համաշխարհային պատերազմի ժամանակ ամենակտիվ կերպով աջակցեցին, խրախուսեցին հայ ժողովրդի նկատմամբ նրանց արյունալի ոճրագործութիւնը:

¹ П. Форбах, Война и германская политика, с. 106.

¹ Ջ. Ս. Կիւսկոսյան, Առաջին համաշխարհային պատերազմը և արևմտահայութիւնը 1914—1916 թթ., էջ 364:

Գերմանական իմպերիալիստների կողմից պանթուրքիզմի գաղափարների բացահայտ պաշտպանությունն է՛լ ավելի էր ոգեշնչում ու թե տալիս Թուրքիայի կառավարող շովինիստական վերնախավերին: Կուրորեն հավատալով կայսերական Գերմանիայի հզորությունը և անպարտելիությանը, որի մասին օրնիրուն տարփողում էին գերմանական միլիտարիզմի գաղափարախոսները, երիտթուրքական պարագլուխները համոզված էին, որ Գերմանիայի օգնությամբ թուրքերը կարող են, վերջապես, իրականացնել իրենց ամենագրեսիվ պանթուրքական նկրտումները¹:

Գերմանական իմպերիալիստները և նրանց գաղափարախոսներն ամեն կերպ աջակցում էին նաև պանիսլամիզմի ծավալմանը:

Ինչպես ասվեց, պանթուրքիզմի կողքին երիտթուրքերն իրենց քաղաքական դինանոցում պահպանում էին նաև արդուհամիդյան պանիսլամիզմը: Եթե պանթուրքիզմն իր սուր ծայրով ուղղված էր Գերմանիայի արևելյան հակառակորդի՝ Ռուսաստանի դեմ, ապա պանիսլամիզմի պրոպագանդան մղվում էր երեք գլխավոր նպատակներով: Առաջին, այն գերազանցապես կոչված էր նպատակելու արաբների վրա թուրքերի տիրապետության պահպանմանը: Երկրորդ, այն նպատակ ուներ Ռուսաստանի ոչ միայն թուրքալեզու, այլև ոչ թուրք մուսուլմանական բնակչությանը ոտքի հանել «անհավատ ուսմանի տիրապետության» դեմ: Երրորդ, այն ուղղված էր նաև Անգլիայի և Ֆրանսիայի դեմ, որոնք միաժամանակ Գերմանիայի հակառակորդներն էին և որոնց գաղութային կայսրությունների փլուզման դեպքում Թուրքիան, ինչպես և Գերմանիան հույս ունեին տեր դառնալու մահմեդականություն դավանող ընդարձակածավալ երկրների:

Ահա թե ինչու, գրում է Ա. Ֆ. Միլլերը, «պանիսլամիզմը, ինչպես պանթուրքիզմը, ձեռնառ էր Գերմանիային, որն օգտագործում էր այդ զույգ «գոկտրինաները» եռյակ համաձայնության տերությունների դեմ իր պայքարում: Գործնականում և՛ պանթուրքականները, և՛ պանիսլամականներն իրենցից ներկայացնում էին գերմանական իմպերիալիստների գործակալները»²:

Նկատենք, որ պանթուրքիզմի գաղափարախոսության ծավալ-

մանը քողարկված ձևով նպաստում էր նաև Անգլիան: Ռուսաստանի հետ ուղղաքաղաքական նույն խմբավորման մեջ գտնվելը Անգլիային բնավ չէր խանգարում, որ նա պաշտպաներ իր դաշնակցի դեմ ուղղված գաղափարախոսությունը: Դաշնակիցը դաշնակից, իսկ շահը՝ շահ: Անգլիան Ռուսաստանին դիտում էր իբրև ժամանակավոր դաշնակցի: Իսկ շահը ժամանակավոր լինել չէր կարող: Պանթուրքիզմը հենց այն ուժերից էր, որ հետագայում դառնալու էր անգլիական իմպերիալիզմի մշտական պոտենցիալ դաշնակիցը Ռուսաստանի ազդեցության տարածման դեմ մղվող պայքարում: Անգլիան ամենուր դաշինք էր փնտրում այն ուժերի հետ, որոնք թեկուզև փոքր չափով խափանում էին Ռուսաստանի ձգտումը՝ տարածվելու դեպի հարավ, դեպի Միջերկրականի տաք ջրերը, տիրելու Հնդկաստան տանող ուղիներին: Հենց այդ պատճառով Ռուսաստանի հետ Թուրքիայի կովկասյան սահմանների ամրապնդման ուղղությամբ նախատեսվելիք ծրագրերը ոչ միայն դեմ չէին անգլիական իմպերիալիզմի այդ ժամանակաշրջանի քաղաքականությանը, այլև նպաստում էին դրան: Այդ սահմանները պետք է անձեռնմխելի մնային և պատենք դառնային Ռուսաստանի ճանապարհին: Պատահական չէ, որ անգլիական կառավարությունը, փարիսեցիաբար իրեն ներկայացնելով իբրև հայության բարեկամ, միաժամանակ չէր հակառակվում հայկական նահանգներում թուրք բնակչության թիվն ավելացնելու քաղաքականությանը: Դեռ ավելին, ընդգծված կարեկցանքով երիտթուրքերին խորհուրդ էր տալիս Բալկաններից տեղափոխված թուրքերի համար արևելյան վիլայեթներում վերաբնակվելու նպատակովոր պայմաններ ստեղծել:

Պետք է նկատել, որ պանթուրքիզմին ուղղակիորեն աջակցելուց բացի անգլիացիներն այդ գաղափարախոսության հաջողությանը նպաստում էին նաև անուղղակի ձևերով: Այս հանգամանքը նշելիս մենք ամենից առաջ նկատի ունենք նախապատերազմյան ժամանակաշրջանում և պատերազմի ընթացքում նրանց գործադրած այն ջանքերը, որոնք ուղղված էին մահմեդականության դիրքերի ամրապնդմանն իրենց այն գաղութներում, որտեղ կողք կողքի գոյակցում էին տարբեր կրոններ և տարբեր կրոնական համայնքներ: Խոսքն ամենից առաջ վերաբերվում է Հնդկաստանին՝ իր հարյուր միլիոնավոր բազմացեղ և բազմակրոն բնակչությամբ: Իրենց դեմ բարձրացող ազգային-ազատագրական շարժումը մարելու նպատակով անգ-

¹ Տե՛ս Բ. Данциг, Турция, Военное издательство, М., 1949, էջ 45:

² А. Ф. Миллер, Краткая история Турции, с. 137.

լիական գաղութարարներն ամեն ինչ անում էին, որպեսզի սրեն հակասությունները Հնդկաստանի երկու խոշոր կրոններին՝ ինդուիզմի և մահամեդականության միջև: Քանի որ Հնդկաստանում հակաանգլիական ազատագրական շարժման ղեկավար ուժը դարձել էր հնդկական ազգային կոնգրես կուսակցությունը, ռուսի անգլիական իմպերիալիստները հենց նրա դեմ էին ուղղել իրենց պայքարի սուր սլաքները: Առաջնորդվելով «բաժանիր, որ տիրես» սկզբունքով, նրանց աջակցությամբ 1906 թվականի դեկտեմբերին Գակկարում, ի հակադրություն 1885 թվականին ստեղծված հնդկական կոնգրեսի, ստեղծվեց այսպես կոչված մուսուլմանական լիգա: Անմիջապես հակադրվելով կոնգրեսին, լիգան իր առջև նաև խնդիր դրեց՝ «նպաստել այն բանին, որպեսզի Հնդկաստանի մուսուլմանների մոտ լոյալության զգացում զարգանա անգլիական իշխանությունների հանդեպ»¹: 1915 թվականին մուսուլմանական լիգայի նախագահ ընտրվեց Մ. Ա. Ջիննը², որը մեծ ջանքեր գործադրեց Հնդկաստանի ազատագրական շարժումը պառակտելու, երկիրը բաժան-բաժան անելու ուղղությամբ, և վերջ ի վերջո հասավ իր նպատակին:

Պանթուրքիզմի գաղափարախոսության ձևավորմանն ու տարածմանը նպաստում էր նաև Ֆրանսիան, որը նույնպես խիստ շահագրգռված էր այն բանում, որպեսզի Ռուսաստանը Հայաստանի և Քուրդիստանի վրայով չիջնի Միջերկրականի ավազանը և սպառնալիքներ չստեղծի իր տնտեսական և ստրատեգիական շահերին:

Այդպիսով, այդ շրջանում մուսուլմանական ֆանատիզմի բորբոքմանն աջակցելը նշանակում էր նաև պանթուրքիզմին աջակցելու համար նսլաստավոր պայմանների ստեղծում Մերձավոր և Միջին արևելքում: Այսպիսով, և՛ Գերմանիան, և՛ Անգլիան, և՛ Ֆրանսիան մտահոգված էին Քուրդիստանի կովկասյան սահմանների ամրապնդման խնդրով, ցանկանալով այնտեղ Ռուսաստանի համար անհաղթահարելի պատենեշ ստեղծել թուրք-մահմեդական բնակչությունից:

Ի՞նչ անել ուրեմն: Այդ հարցի պատասխանը որոնում էին հայ իրականության մեջ գործող քաղաքական բոլոր ուժերը: Հայ բոլշևիկները արևմտահայ ժողովրդի ազատագրությունը կապում

էին Քուրդիստանի պետական-քաղաքական կարգերի արմատական փոփոխության հետ: Բայց նրանք չէին ժխտում նաև Ռուսաստանի ակտիվ միջամտությամբ Արևմտյան Հայաստանի ճակատագրի փոփոխման հնարավորությունը:

Այդ տարիներին Հայաստանի, հայ ժողովրդի ճակատագրի հարցը զբաղեցնում էր Վ. Ի. Լենինին: Գտնվելով վտարանդիության մեջ՝ Շվեյցարիայում, նա բազմիցս իր հայ զինակիցներին՝ Ստեփան Շահումյանին, Վլադիսլավ Կասպարովին, Ալեքսանդր Բեկզադյանին պատվիրել է իրեն զանազան նյութեր ու տեղեկություններ տրամադրել հայ ժողովրդի կացության մասին:

Վ. Ի. Լենինի առաջարկով Ալ. Բեկզադյանը բոլշևիկյան պատվիրակության կազմում մասնակցում է II Ինտերնացիոնալի Բազելի կոնգրեսին (1912 թ. նոյեմբեր): Մեկնելուց առաջ Լենինը նրան պատվիրում է նյութեր հավաքել մասնավորապես դաշնակցություն կուսակցության գործունեության, կոնգրես եկած նրա պատվիրակների դիրքորոշման վերաբերյալ, իրեն հաղորդել, թե Քուրդիստանի դեմ բալկանյան ժողովուրդների ազատագրական պատերազմի նկատմամբ ինչպիսի դիրք է բռնել արևմտահայությունը: Վերադառնալով կոնգրեսից, Ալ. Բեկզադյանը նամակով Լենինին շարադրում է իր տեսակետը թուրքական բռնապետության տակ հեծող հայության վիճակի, նրա կողմնորոշման, ոգորումների մասին: Նա նշում էր, որ արևմտյան հայերը «այժմ ամենուրեք ձգտում են դեպի Ռուսաստան, ճիշտ և ճիշտ այնպես, ինչպես Կովկասի նվաճման ժամանակ» (խոսքը 1826—1828 և 1828—1829 թվականների ռուս-պարսկական և ռուս-թուրքական պատերազմների մասին է, երբ հայերը հակված էին դեպի Ռուսաստանը և պատերազմական գործողությունների ժամանակ ակտիվորեն օժանդակում էին ռուսական զորքերին՝ հայկական տերիտորիաները պարսկական և թուրքական լծից ազատագրելու, Ռուսաստանին միավորելու համար:— Ն. Ս.): Այնուհետև Ալ. Բեկզադյանը Լենինին գրում էր, որ Գիրսը հայերին արդեն խոստացել է «նորին մեծությունը» (ցար Նիկոլայ II-ին:— Ն. Ս.): հասցնել նրանց ցանկություններն ու հույսերը: «Ռուսահայերն արձագանքում են տանկահայերին ի տես հայերի նկատմամբ գործադրվող այն նոր գազանությունների, որոնք տեղի են ունենում վանում, Մուշում, Կարինում: Նույնիսկ դաշնակցականները բարյացակամ են նրանց նկատմամբ, ովքեր ցանկանում են միանալ Ռուսաստանին: Քուրդիան սահմանը թողել

¹ К. А. Антонова, Г. М. Бонгард-Левин, Г. Г. Котовский, История Индии, Краткий очерк, с. 357.

² Տե՛ս նույն տեղը, էջ 342:

է գրեթէ առանց պաշտպանութեան, քանի որ նրան զորքերը պէտք
եղան գործող բանակը համալրելու համար: Այժմ Ռուսաստանի
համար դժվար չէր լինի գրավել ամբողջ «Մեծ Հայաստանը»,
ընդհուպ մինչև Տրապիզոն, բայց նա «Հուդայի սարսափից»
(այսինքն՝ Եվրոպայի մեծ տերութիւնների նկատմամբ ունեցած
վախից:— Զ. Ս.) հազիվ թէ այսպես հեշտութեամբ սիրտ անի
այդ քայլն անելու»¹:

Անդրադառնալով արևմտահայ ժողովրդի անլուր հարստա-
հարումներին, 1913 թվականի ամռանը «Պրավդա» թերթը գրում
էր, որ Թուրքիայում հայութիւնը կանգնած է կործանման եզ-
րին, և որ նրա փրկութեան ելքը երիտթուրքական ռեժիմին «հա-
կահարված տալն է», նրա տապալումը²: Նույն հարցադրումով ու
նույն պատասխանով էր հանդես գալիս նաև բոլշևիկյան «Պուտ
պրավդի» թերթը, որը 1914 թվականի սկզբներին գրում էր.
«Պրուետարիատը բազմիցս իր բողոքն արտահայտել է Թուրքիա-
յում կատարվող գազանութիւնների դեմ: Առաջավոր բանվոր-
ները գիտակցում են, որ անհրաժեշտ է փոխել Թուրքահայերի
դրութիւնը՝ լիակատար վերափոխելով Թուրքիայում տիրող հին
կարգը»³:

(Անշուշտ, բոլշևիկյան «Պրավդան» միանգամայն ճիշտ էր իր
հարցադրման մեջ. ազգային հարցի վերջնական լուծման, ազգա-
լին ճնշման բոլոր ձևերի վերացման և ազգերի ազատագրու-
թեան միակ ուղին բուրժուական հասարակական-պետական կարգի
տապալումն էր, որը կարող է իրականացվել բանվոր դասա-
կարգի, աշխատավոր մասսաների հեղափոխական պայքարի
միջոցով: Տվյալ դեպքում երիտթուրքական ուժերի տապալումը
հնարավոր էր իրականացնել Թուրքիայի բազմազգ աշխատավոր-
ութեան զինված հեղափոխական պայքարի ճանապարհով: Բայց
այդ ժամանակ Թուրքիայում բանվոր դասակարգը փոքրաքա-
նակ էր և անկազմակերպ, աշխատավոր մասսաների զինված
ապստամբութեան և սոցիալիստական հեղափոխութեան իրակա-
նացման համար երկրում չկային հասունացած պայմաններ: Ո՞րն
էր, ուրեմն, ելքը:

Որպեսզի կարողանար դիմագրավել վերահաս ասեղ վտան-
գին, բոլորից լքված և երիտթուրքական գազանի բացված երախի
առջև կանգնած հայ ժողովուրդը փրկութեան միայն մի ելք կա-
րող էր ունենալ՝ զինվել: Նրա զլխին կախված դամոկլյան սրին
պէտք է հակադրվեր սուրը, բռնութեանը՝ բռնութիւնը, որքան էլ
դա հղի լիներ վտանգներով, որքան էլ մեծ զոհեր պահանջվեր:
«Լինել և չլինելու» ճակատագրական պահի խորհուրդն ու հրա-
մայական պահանջն էր դա: Ժողովրդի փրկութեան իր բազուկ-
ներում էր: Երիցս իրավացի էր իտալացի Ամիլկար Զիպրանոն,
որն իր «Հայերը» վերտառութեամբ հողվածում, անդրադառնա-
նալով 1894—1896 թվականների հայկական ջարդերին և հայերին
կոչ անելով՝ դասեր առնել տեղի ունեցածից, գրում էր. «Լիովին
բնաջնջման դատապարտված ժողովուրդն իր հույսը միայն պէտք
է դնի իր հուսահատ դուրացանութեան վրա: Մի սպասեք ուրեմն,
որ այս կեղտոտ ռճիրը, որ սկսած է արդեն, աղջամուղջի մեջ
կատարվի: Եթե դուք մի մեծ պատերազմի, մի մեծ հեղափոխու-
թեան մեջ գոհեիք ձեր 300 000 խողխողված եղբայրները, դուք
ազատ կլինեիք: Որևէ ժողովրդի անպատիժ չեն սպանում, բացի
այն պարագայից, երբ այդ ժողովուրդը ինքն է դահճին մեկնում
իր վիզը»¹: Այո՛, հույսը միայն իրենց վրա դրած՝ հայերն ազ-
գովին պէտք է ոտքի ելնէին, կազմակերպված մտնէին իրենց
լեռնաշխարհի անանցանելի կիրճերը և թավուտ անտառները,
բարձրանային լեռներն ի վեր՝ միշտ հրացանից անբաժան, այն
գիտակցութեամբ, որ ինքնապաշտպանութիւնը սրբազան
իրավունք ու վեհագույն պարտք է: Այո, որևրիմ թշնամուց միակ
փրկութիւնը կարող էր միայն համազգային ապստամբութիւնը
լինել, եթե ընդհանրապես փրկութիւն կար: Գոնե այդ բանն էին
թելադրում հայ ազատագրական շարժման պանծալի հերոսների՝
Անդրանիկի և Սմբատի, Հրայրի և Մուրատի, Աղբյուր Սերոբի և
Գևորգ Զաուչի, տասնյակ և հարյուրավոր քաջ ֆիդայիների շատ
դեպքերում հաջող կոնվները Թուրքական բազմաքանակ կազմա-
կերպված զորքի և քրդական ոչ կանոնավոր ուժերի դեմ: Այո, այդ
դեպքում միայն հայութիւնը գուցե խուսափեր ազգովին կոտոր-
վելու խայտառակութիւնից: Վկա՝ Զեյթունն ու Սասունը, իսկ Մեծ
եղեւնի օրերին՝ Վանն ու Մուսա լեռը, Շապին-Գարահիսարն ու

¹ Այ. Ռեկզադյան, Նամակներ, հողվածներ, փաստաթղթեր, Երևան, Հա-
յաստան, 1981, էջ 15:

² Տե՛ս «Правда», 7 июля 1913 г.

³ «Путь правды», 1 февраля 1914 г., № 10.

¹ «Դրոշակ», № 9 (120), դեկտեմբեր, 1901, էջ 149:

Ազ-դաղը, ավելի ուշ՝ Սարդարապատն ու Բաշ-Ապարանը, Զանգեզուրի անզուգական հերոսամարտը թուրք-մուսավաթական միացյալ ուժերի դեմ: Վերջապես կայսրության մեջ ընդամենը 8 միլիոնի հասնող թուրքը, որը հայկական լեռնաշխարհում խորարմատներ չունեն և այդպես էլ մնացել էր որպես «ռազմական օկուպանտ», նույնիսկ իր թիկունքում ունենալով քուրդ ու շերքեզ հրոսախմբերին, չէր կարողանա արյան մեջ թաթախել նույն կայսրության շուրջ 3 միլիոնի հասնող մի ուրիշ ժողովրդի, որը միայն զենք վերցնելու ունակ ավելի քան 300 հազար երիտասարդ ունեւր:

Ուրեմն օրվա կարգախոսը պետք է լիներ. «Ըմբոստացի՛ր, դիմադրի՛ր, զենք վերցրու, հայ ժողովուրդ, քեզ փրկողը ինքդ ես»:

Իսկ ի՞նչ էին անում ժողովրդի բախտը տնօրինելու պատասխանատվությունը ստանձնած հայ ազգային քաղաքական կուսակցությունները: Շարունակելով փայփայել եվրոպական իմպերիալիստական տերությունների միջամտությանը հայ ժողովրդի կացությունը բարելավելու ախտավոր հույսերը, նրանք, հատկապես դաշնակցությունը, փաստորեն թեւատեցին ժողովրդի: նրան դատապարտեցին կրավորական սպառողականության: Մինչդեռ երիտթուրքերի հայաջինջ ծրագիրը, որն արդեն բարձրացվել էր պետական քաղաքականության աստիճանի, ամեն բոլոր պատրաստ էր բուն գործողությունների վերաճելու: Դաժան հաշվեհարդար սկսելու համար միայն պատեհ առիթ էր պետք:

Նույնիսկ այդ օրերին, երբ արևմտահայությունը գտնվում էր երիտթուրքական հրեշի մահարեւր շնչի տակ, դաշնակցությունը և ազգային մյուս քաղաքական ուժերը տարված էին ներկուսակցական և միջկուսակցական պայքարի խնդիրներով, հայ մամուլի օրգաններում քննարկվում էին համաշխարհային պրոբլեմներ, դրանց էջերը լեցուն էին փիլիսոփայական վերացական դատողություններով: Տպագրվում էին հողավածներ ու նյութեր եվրոպական գրականության և արվեստի, լայնածավալ հայտարարություններ՝ ապրանքների գների ու դրամի կուրսի մասին: Այս ամենը արևմտահայության մոտ կեղծ պատրանքներ էր ծնում իրական վիճակի մասին:

Պակասը լրացնում էին հայ ունևոր դասակարգերը: Կովկասահայ բուրժուազիան, որի հիմնական մտահոգությունն իր հարստությունները բաղմապասկելն էր, նախկինի պես խուլ ու

անտարբեր էր արևմտահայության ազատագրական գործի նկատմամբ: Իր հերթին վայելք ու հանգստություն ըմբռննող, պերճանքն ու ճոխությունը բարձր նրբության հասցրած Պոլսի հայ ամիրայությունը, նրբակիրթ էֆենդիները, մայրաքաղաքի, Իզմիրի և այլ վայրերի հայ վաճառականներն իրենց փողի քսակները պինդ փակել էին թուրքերին ընդդիմադիր ուժերի առջև, ամեն գնով խափանում էին զենք ձեռք բերելու հայ կազմակերպությունների ճիգերը: Մյուս կողմից, ընդհակառակը, ուժ էին տալիս իթթիհադին: «Երկրի ամենահեռավոր անկյուններում անգամ իթթիհադը իր «կլյուբները» տարածում, այդ թույնի որջերը պահում էր գլխավորապես տեղական հայ վաճառականների ոսկիներով,— գրում էր Ս. Սապահ-Գյուլյանը:— Բալթանեան պատերազմի ատեն մի քանի ժամվա մեջ հայ վաճառականները 30 հազար ոսկիով պատասխանեցին իթթիհադի բացած «Ազգային հանգանակությանը»: Հայտնի վաճառական Ի-ը 10 հազար ոսկի թափեց սեղանի վրա հայ և թուրք ժողովականների առջև, օսմանյան համալսարանի մեջ»¹:

Անհանգստության, իրարանցման ու անապահովության պայմաններում կասկածի, քեների ու ատելություն թանձր մթնոլորտում հայ ունևոր դասակարգերը ամեն կողմ ցանում էին վառ տենչանքների ու սին պատրանքների փուշ սերմեր, չփտակցելով, որ մոտեցող արհավիրքը բոլորի բաժինն է լինելու:

1913 թվականի հուլիսին երիտթուրքերը հայերի հերթական կոտորած կազմակերպեցին: Բալկանյան երկրորդ պատերազմի ժամանակ թուրքական բանակի զորավար Սամի բեյը ջարդեց բուլղարների թողած Ռոդոսթո, Մալգարա և Միրիոֆիտո քաղաքների հայերին և քրիստոնյա մյուս բնակիչներին: Դա ուժգին հարված հասցրեց երիտթուրքերի հետ համագործակցելու դաշնակցականների տակտիկային: Նույն թվականի նոյեմբերին դաշնակցությունը ստիպված եղավ ձեռնադրեն կապերը խզել իթթիհադի կոմիտեի հետ: Բայց այդ խզումն, ավաղ, շատ էր ուշացել: Դաշնակցություն կուսակցության, նրա տեղական կազմակերպությունների, զենքի պահեստարանների, գործունևության ծրագրերի և պլանների մասին երիտթուրքերի իմացությունը կատարյալ էր: Սրանք վաղուց իրենց հաշիվներից լիովին դուրս էին

¹ Ս. Սապահ-Գյուլյան, Պատասխանատուները, էջ 20—21:

նետել իթթիհադ-դաշնակ համագործակցությունը, որը նրանց այլևս պետք չէր:

1914 թվականի սկզբից թուրքական հակառուսական պրոպագանդան մեծ ծավալներ ընդունեց: Նրա մեջ առաջվա պես գերիշխում էր պանիսլամիզմը և պանթուրքիզմը: Հատկապես կարևոր նշանակություն էր տրվում Երևանի նահանգին, որտեղ լայն աշխատանք էր ծավալվել տեղի մահմեդական բնակչության շրջանում: Թուրքական էմիսարները և ագիտատորները այստեղ մահմեդականներին կոչ էին անում ռուս-թուրքական հնարավոր պատերազմի ժամանակ բոլոր միջոցներով պաշտպանել Թուրքիային, նրանց ապստամբության էին մղում կառավարության դեմ: Անդրկովկասում հակառուսական տրամադրություններ բորբոքելու, ռուսական բանակի թիկունքում զինված ելույթներ կազմակերպելու խնդրին մեծ կարևորություն էին տալիս նաև թուրքերի գերմանացի բարեկամները: Թուրքերը և գերմանացիներն **Քրենց հույսը** հատկապես զրել էին ադրբեջանական, աչարական, աբխազական, ինչպես նաև վրացական հետադիմական, հակառուսական տրամադրություններ ունեցող խավերի վրա:

Ռուսական իշխանություններն ուշադիր հետևում էին Անդրկովկասում պանթուրքականների և պանիսլամականների հակառուսական գործունեությանը, միջոցներ ձեռնարկում այն խափանելու համար:

Այսպես, 1914 թվականի հունվարին ցարական գաղտնի գործակալությունը հետևյալ զեկուցագիրն էր ներկայացրել ներքին գործերի մինիստրությանը.

«Ներքին գործերի մինիստրություն, ոստիկանական բաժին.

23 հունվարի, 1914 թ., № 16609

Ներքին գործերի մինիստրության կողմից արտասահման առաքվածին՝ հարաբերելու համար տեղական իշխանություն-

¹ Գերմանական սոցիալ-դեմոկրատական կուսակցության նշանավոր գործիչներից Պարվուսը իթթիհադականների խնդրանքով իր մասնավոր հովանավորության տակ առնելով Պոլսում ապաստանած մի քանի հակառուս վրացի «սոցիալիստների», նրանց ուղարկել էր Աչարիա՝ ռուսական պետության դեմ մուսուլման աչարացիների խռովություններ հրահրելու համար, որը և կատարվեց (տե՛ս Ա. Սալպան-Գյուլբան, Պատասխանատուները, էջ 270):

² Այս «արտասահմանյան առաքվածը» գաղտնի գործակալության Փարիզի բաժանմունքի վարիչ Կրասիլնիկովն էր (տե՛ս «Ալիք», 26 հունիսի 1974 թ.):

ների և ռուսական դեսպանատների ու չլուպատոսարանների հետ:

Պոլսի «Նուրի օսման» ակումբում նորից պանիսլամականների ժողով է տեղի ունեցել՝ իթթիհադի և հրեաների մասնակցությամբ: Ժողովին մասնակցել է մոտ 700 մարդ՝ ակաճավոր իթթիհադականներից և հրեաներից: Ներկա է եղել նախարար Թալեաթ բեյը, Բեդրի բեյը, Սեիդ բեյը, Բեքիր բեյը, Զավիդ բեյը: Հրեաներ՝ «Ապահովության բաժնի» պետ Սամվել էֆենդի և ոստիկանապետի օգնական Ավրամ բեյ: Ռուսաստանի «Պանիսլամականների կոմիտեից» ժողովում եղել են Ահմեդ Աղաևը, Զալալ Կորխաճղովը, Մահմեդ Թաղիևը, Զիա բեյը և նրա եղբայր Ասլանը:

Ժողովում ճառեր են արտասանվել Ռուսաստանի և քրիստոնյաների դեմ և իբրև արդյունք՝ հայտարարվել է քաղկոս հայերի և հույների առևտրի դեմ: Բոյկոտի մասին բաժանվել են կոչեր:

Ժողովի վերջում Թալեաթ բեյը հայտարարեց, որ Թուրքիան չի թույլատրի Անատոլիայում ոչ մի եվրոպական հակակղիտ իսկ եթե եվրոպան կհրաժարվի հակակղզից, ապա տակա՞վ առ տակա՞վ այնտեղ ռեֆորմներ կանցկացվեն: Առայժմ դեռ ուժեղ բանակ է պատրաստվում Կովկասի ճակատի համար: Տեղեկություններ կան, որ դեպի էրզրում անընդձատ ուղարկվում են զորք ու պաշար և ձեռնարկված է բերդերի, հատկապես Բուֆորի շրջանի բերդերի վերազինում և ամրացում:

Նույն տեղեկությունների համաձայն 1913 թվականի դեկտեմբերին Կովկասից Պոլսում հայտնվել է պանիսլամական Գիրեյ Թաղիևը, որ միլիոնատեր Թաղիևի «կոմիտյաժորն» է Թուրքեստանի շրջանում և Բաքվում: Չնայած Թաղիևը պնդում է, թե եկած է առևտրական գործով, սակայն նման գործեր նա չի կատարում և հարաբերությունների մեջ է պանիսլամականների հետ:

Այս բոլորի մասին «Ոստիկանական բաժինը» հաղորդում է Զերդ Գեբրազանցությանը ի տեղեկություն:

Վարիչի փոխարեն՝ Վասիլև

«Հատուկ բաժնի» վարիչի փոխարեն՝

(ստորագրությունն անընթեռնելի է):

1914 թվականի օգոստոսի 2-ին թուրքական կառավարությունը Գերմանիայի հետ ստորագրեց գաղտնի դաշնակցային

¹ «Ալիք», 26 հունիսի 1974 թ.:

պայմանագիր, որի համաձայն Թուրքիան պարտավորվում էր Ռուսաստանի դեմ պատերազմում անհույս հանդես գալ Գերմանիայի կողմում: Գրանից ընդամենը մի քանի օր հետո, 1914 թվականի օգոստոսի 6-ին, Թուրքիայում Գերմանիայի դեսպան բարոն ֆոն Վանգելսեյմը մեծ վեզիր Մեհմեդ Սաիդ Հալիմ փաշային ուղարկած նամակում գերմանական կառավարության անունից Թուրքիային երաշխիքներ էր տալիս պատերազմի հաղթական ավարտի դեպքում նրան հնարավորություն տալ իրականացնելու իր պանթուրանական նպատակները¹: Շուտով այդ փաստաթուղթը վերածվեց լրացուցիչ նոր համաձայնագրի, որտեղ Թուրքերը իրենց համար ձեռնտու նոր կետեր ավելացրին: Համաձայնագրի 5-րդ կետում մասնավորապես ասված էր. «Գերմանիան պարտավորվում է Թուրքիային ապահովել իր արևելյան սահմանների այնպիսի ձգբարձրում, որը նրան հնարավորություն կտա անմիջական շփում հաստատելու Ռուսաստանի մուսուլմանական տարրերի հետ»²: Գերմանիան դրանով իսկ ոչ միայն ճանաչում էր Օսմանյան կայսրության կառավարող շրջանների պանիսլամական-պանթուրքական պլանները, այլև պարտավորվում էր աջակցել դրանց իրականացմանը:

1914 թվականի ամռանը, էրզրումում (Կարին) դաշնակցություն կուսակցության 8-րդ համագումարի օրերին, երիտթուրքերը բանակցություններ սկսեցին դաշնակցական ղեկավարների հետ՝ նպատակ ունենալով վերջնականապես պարզել նրանց դիրքը Ռուսաստանի և Թուրքիայի ռազմական ընդհարման դեպքում: Թուրքերը հայերին շարադրեցին իրենց պլանները պատերազմի ընթացքում և հաղթական ավարտի դեպքում: Երիտթուրքերն առաջարկեցին Ռուսաստանի դեմ մղվելիք առաջիկա պատերազմում ակտիվ գործակցել իրենց հետ: Նրանք պահանջում էին, որ հայ ժողովուրդը գլխովին, թե՛ Թուրքիայում և թե՛ Կովկասում իր նյութական ողջ միջոցներով ու մարդկային ռեսուրսներով լծվի Թուրքիայի պատերազմական կառքին և զենքն ուղղի

դարավոր բարեկամի՝ Ռուսաստանի դեմ: Նրանք ասում էին, որ Կովկասից ուսնեղին դուրս մղելուց հետո Թուրքիան այնտեղ կստեղծի Վրաստանի ավտոնոմիա, որի մեջ կմտնեն Քութայիսի, Քիֆլիսի, Բաթումի նահանգները և Տրապիզոնի նահանգի մի մասը: Կովկասի հյուսիս-արևելյան մասում, ըստ նրանց, ստեղծվելու էր մուսուլմանական մարզ, որի մեջ մտնելու էին Դագոստանը, Բաքվի նահանգը և Ելիզավետպոլի նահանգի մի մասը: Եվ, վերջապես, նրանք խոստանում էին կենտրոնական մասում ստեղծել Հայաստանի ավտոնոմիա, որի մեջ պետք է մտնեին Երևանի, Կարսի նահանգները, Ելիզավետպոլի նահանգի արևմտյան մասը, ապա նաև այդ ավտոնոմիային սահմանակից էրզրումի, Վանի և Բիթլիսի շրջանները:

Թուրքերի կողմից նախկինում արված բազմաթիվ խոստումներից հուսախար հայերը մերժեցին երիտթուրքերի առաջարկը: Նրանք հայտարարեցին, որ ռուս-թուրքական պատերազմի դեպքում Թուրքիայի հայերը քաղաքական նպատակներ չեն հետապնդի, չեն աջակցի երկու կողմերից ոչ մեկին, լոյալ դիրք կգրավեն թուրքական կառավարության հանդեպ: Ինչ վերաբերում է Անդրկովկասի հայությանը, ապա հայ պատվիրակները երիտթուրքերին պարզ հասկացրին, որ նա հանդես չի գա Ռուսաստանի դեմ, նրան չի հարվածի թիկունքից, ինչպես պահանջում էին Թուրքերը: Ռուսաստանին պատերազմ հայտարարելու մտադրությունը հայերը համարեցին Թուրքիայի բուն գոյությունը սպառնացող արկածախնդրություն: Օսմանյան կայսրության փրկությունը նրանք տեսնում էին խիստ շեղություն պահպանելու մեջ: Հայերի նման հայտարարությունը երիտթուրքերը գնահատեցին որպես դավաճանություն թուրքական կայսրության շահերին և իդեալներին:

Ստանալով հայերի մերժումը, Թուրքերն է՛լ ավելի մեծ նշանակություն տվեցին Անդրկովկասում հակառուսական և հակահայկական տրամադրություններ բորբոքելու խնդրին:

Ահա այսպիսի պայմաններում՝ թուրքական ոճրագործ իշխանությունների կողմից նյութվող մեծ դավի, պանթուրքական գաղափարախոսության ծավալման, դերմանական իմպերիալիստ-

¹ Տե՛ս Է. Փ. Лудшувейт, Турция в годы первой мировой войны 1914—1918 гг. Военно-политический очерк, изд-во Московского университета, 1966, էջ 33:

² Ю. В. Ключников и А. Сабанин, Международная политика новейшего времени в договорах, нотах и декларациях, ч. II, М., 1926, № 10.

¹ Տե՛ս Զառեվանդ, Ի՛նչ կորագրեն Թուրքերը՝ միացեալ անկախ Թուրանիա, էջ 139:

ների բացահայտ թշնամական քաղաքականութեան իրականացման, հայ ժողովրդի պատմական բախտի նկատմամբ արևմուտքի մեծ տերութիւնների հանցագործ անտարբերութեան պայմաններում էր արևմտահայ ժողովուրդն անցկացնում սարսափներով լի նախապատերազմյան տարիները: Ամենուրեք լըսվում էին հայերին կոտորելու, նրանց «անէացնելու» սպառնալիքներ:

Հայերը կյանքի ու մահվան կամարի վրա էին: Վրա էին հասնում նոր ողբերգական ժամանակներ:

ԱՐԵՎՄՏԱՀԱՅՈՒԹՅՈՒՆԸ ԹՈՒՐԲԱԿԱՆ ԱԶԳԱՅՆԱՄՈՒԹՅԱՆ ԶՈՎ

1914 թվականի հուլիսի 19-ին (օգոստոսի 1-ին) Գերմանիան պատերազմ հայտարարեց Ռուսաստանին, երկու օր հետո՝ Ֆրանսիային, իսկ հաջորդ օրը Անգլիան՝ Գերմանիային: Սկսվեց առաջին համաշխարհային իմպերիալիստական պատերազմը, որը աշխարհի վերաբաժանման, ուրիշ ժողովուրդների հարստահարման ու կողոպուտի նպատակով տերութիւնների երկու խմբավորումների միջև պայքարի օրգանական շարունակութիւնն էր, մահացու գոտեմարտ: Խմբավորումներից մեկի՝ Քառյակ միութեան մեջ էին Գերմանիան, Ավստրո-Հունգարիան, Թուրքիան և Բուլղարիան, որոնց գլուխ էր կանգնած գերմանական իմպերիալիզմը: Մյուս խմբավորման՝ Անտանտի մեջ էին մտնում Անգլիան, Ֆրանսիան, Ռուսաստանը, որոնց պատերազմի ընթացքում միացան նաև Ճապոնիան, Իտալիան, ԱՄՆ-ը և մի շարք այլ երկրներ: Այս խմբավորումը գլխավորում էին անգլիական և ֆրանսիական իմպերիալիստները: Անարդարացի, թալանչիական պատերազմն իր մասշտաբներով ու գործած ավերներով հավասարը շուններ մարդկութեան նախորդ ողջ պատմութեան մեջ:

Առաջին համաշխարհային պատերազմին (1914—1918 թթ.) մասնակցեց 38 պետութիւն՝ ավելի քան 1,5 միլիարդ բնակչութեամբ, որն այն ժամանակ կազմում էր երկրագնդի բնակչութեան 75 տոկոսը: Ավելի քան 75 միլիոն մարդ զենքի տակ դրվեց:

Սկսված պատերազմը երիտթուրքերի համար բարենպաստ առիթ էր գործնականում ստուգելու պանթուրքական գաղափարների կենսունակութիւնը, իրականացնելու իրենց նվաճողական ցնորական պլանները, որոնք սակայն խիստ հրապուրիչ էին ռազմաֆեոդալական, բուրժուակադետական, իթթիհադական-շո-

վիճիստական վերնախավերի համար¹: Նրանց կարծիքով պատերազմին մասնակցելը խիստ կբարձրացներ Թուրքիայի վարկը, որը մեծապես նվազել էր, հագուրդ կտար Թուրքերի ինքնասիրությանը և արժանապատվությանը²: Թուրքական կառավարությունը կանգնեց Գերմանիայի կողմը, որը, ինչպես վերևում ասվեց, ոչ միայն խոստացել էր անձեռնմխելի պահել կայսրության տերիտորիալ ամբողջականությունը, այլև իթթիհճաղականների առջև գծել էր նոր տերիտորիաներ գավթելու, անծայրածիր Թուրանին տիրելու հեռանկարը: Գերմանացիներն ամեն կերպ բորբոքում էին Թուրքերի կրոնական մոլեռանդությունը անգլիացիների, ֆրանսիացիների, ռուսների դեմ³:

Ճիշտ էր լինի կարծել, թե երիտթուրքերը չլու հնազանդ էին իրենց գերմանացի բարեկամներին և կատարում էին այն, ինչ ցանկանում էր Գերմանիան: Երբ ասում ենք, թե պատերազմի նախօրյակին Օսմանյան կայսրությունը վերածվել էր արևմտյան տերությունների գաղութային շահագործման օբյեկտի, որ օտարերկրյա կապիտալի համար այն դարձել էր կիսագաղութ, դա բնավ չի նշանակում, թե Թուրքիան պարզապես խաղալիք էր Գերմանիայի և մյուս մեծ տերությունների ձեռքին: Թուրքիան ինքը, ինչպես հայտնի է, գաղութային տերություն էր, որը Հյուսիսային Աֆրիկան և Բալկանները կորցնելուց հետո էլ դեռ իր կրնկի տակ էր պահում շատ ժողովուրդների, նրանց ենթարկում դաժան շահագործման ու հարստահարման, ամեն ինչ անում մեծ տերությունների կախվածությունից ազատվելու համար⁴:

Թուրքերը դեպի պատերազմ գնացին ոչ թե պաշտպանողական պլաններով, ոչ միայն եղածը պահպանելու մտահոգությամբ, այլև կայսրությանը նոր տերիտորիաներ միացնելու ձգտումներով: Գերմանական իմպերիալիստների օգնությամբ նրանք ծրագրում էին գրավել Արևելյան Հայաստանը և ամբողջ Անդր-

կովկասը, մասնավորապես տիրել Բաքվին և նրա նավթային հարստություններին:

Թուրքական կիսաֆեոդալական իմպերիալիզմը, որը թույլ էր տնտեսապես, այնուամենայնիվ, ռազմական տեսակետից մեծ ուժ էր ներկայացնում: Այդ բանի գիտակցությամբ է, որ իթթիհճաղական կառավարողները մտան պատերազմի մեջ:

«Իթթիհճաղ վե թերաքը» ոճրագործ կուսակցությունը խանդավառված էր պատերազմի ստեղծած պատեհ՝ առիթով: Երիտթուրքերի պարագլուխների համար պատերազմն ասես մի մանանա էր՝ իջած երկնքից: Եկել էր «մեկ տարրից կազմված ու բաղկացած ազգ» ստեղծելու ժամանակը:

1914 թվականի սեպտեմբերին երիտթուրքական իշխանությունն ամբողջովին կենտրոնացավ բանակի գլխավոր շտաբի պետ էնվեր փաշայի, իթթիհճաղ կուսակցության կենտրոնական կոմիտեի նախագահ Թալեաթ փաշայի և Ստամբուլի ռազմական նահանգապետ Ջեմալ փաշայի ձեռքում, կազմվեց նրանց տրիումվիրատը (եռապետությունը): Էնվերը գրավեց ռազմական մինիստրի, Թալեաթը՝ ներքին, իսկ Ջեմալը՝ ծովային մինիստրի պաշտոնը: Օսմանյան պառլամենտի գոյությունը ձևական դարձավ, իսկ կամազուրկ 70-ամյա սուլթան Մեհմեդ V-ը լուկ խաղալիք էր դեկտատորների ձեռքին:

Ռազմական մինիստր ու շտաբի պետ էնվեր փաշայի գլխավորությամբ և գերմանացի ռազմագետների աջակցությամբ Թուրքական բանակի գլխավոր շտաբը տեղագրին մշակում էր պատերազմի ստրատեգիական պլանը, որի մեջ մարմնավորվում էր և՛ Աբդուլ Համիդի պանիսլամիզմը, և՛ երիտթուրքերի պանթուրքիզմը⁵:

Թուրքական բանակի ստրատեգիական պլանի հիմքում դրվել էր և այն սխալ հաշվարկը, ըստ որի Մեծ Բրիտանիայի և նրա դաշնակից տերությունների գաղութային տիրապետություններում գտնվող թուրքալեզու և ոչ թուրք մահմեդական ժողովուրդներն առաջին իսկ առիթի դեպքում «սրբազան պատերազմի» գրոշով ապստամբելու էին, աջակցելու էին Թուրքիային և Գերմանիային՝ իրականացնելու իրենց նվաճողական պլանները: «Սրբազան պատերազմի» միջոցով Թուրքիան և Գերմանիան

¹ Տե՛ս Emin, Turkey in the World War. Yale Oxford, 1930, pp 3, 195.

² Տե՛ս Akaby Nessibian, Britania and the Armentan Question 1915—1923, London, 1984, p 32.

³ Տե՛ս «Белая книга. Война с Турцией. Дипломатическая переписка Англии, предшествовавшая войне с Турцией (с 22 июля по 22 октября 1914 г.)», СПб, 1914, էջ 140—141:

⁴ Տե՛ս «Международные отношения в эпоху империализма. Документы из архивов царского и Временного правительства», серия III, 1914—1917 гг., том I, Соцэкгиз, Москва, 1935, էջ 213:

⁵ Տե՛ս E. Փ. Лудшувейт, Турция в годы первой мировой войны 1914—1918 гг., էջ 25:

նպատակ ունեին Անտանտի երկրների դեմ հանել վիթխարի մասսա՝ 72 միլիոն մարդ բրիտանական, 35 միլիոն՝ ֆրանսիական գաղութներում և 18 միլիոն մարդ՝ Ռուսաստանում¹։

Ելնելով այդ ոչ ուշ քան հեռանկարից, թուրքական բանակի հարձակողական գործողությունների պլանը նախատեսում էր երկու հիմնական օպերատիվ ուղղություն՝ եգիպտական և կովկասյան։ Եգիպտոսի ուղղությամբ ռազմական գործողությունները սկսվելու էին նրանով, որ թուրքական զորքերն անցնելու էին Սուեզի ջրանցքը և անմիջական շփման մեջ էին մտնելու Աֆրիկայի մուսուլման բնակչության հետ²։ Այդ բնակչության հետ սերտ փոխգործողություններով թուրքերը պետք է ոչնչացնեին Անտանտի երկրների տիրապետությունը Հյուսիսային Աֆրիկայում և Ջիբրալթարից մինչև Սուեզ ընկած ողջ տարածությունը միացնեին Օսմանյան կայսրությանը։ Եգիպտոսի և Հյուսիսային Աֆրիկայի երկրների նվաճումը հիմնականում նպատակելու էր երիտթուրքական կառավարողների պանիսլամական նպատակների իրագործմանը³։ Այնուհետև, թուրքերին միացած սևնուսիտները⁴ և սուդանցիները պատերազմը պետք է տարածեին Անտանտի աֆրիկյան մյուս գաղութներում⁵։

Թուրքական իմպերիալիստներն իրենց ռազմական պլաններում հատկապես կարևոր տեղ էին տալիս Անդրկովկասը Ռուսաստանից արագորեն անջատելու խնդրին։ Այդ պատճառով առավել արկածախնդրական էր Կովկասի ուղղությամբ նախատեսված նվաճումների պլանը։ Կովկասը գրավելիս Արարատի ուղղությամբ հարվածը թուրքերը համարում էին որոշիչ։ Նրանք Կովկասն անվանում էին «Թուրանի ճանապարհ» և դրա համեմատ մյուս ռազմաձևակատներին երկրորդական նշանակություն էին տալիս։ Էնվերը համոզված էր, որ երեք հարյուր հազարանոց բանակով պատերազմի հենց առաջին ամիսներին ռուսներին դուրս կմղի Կովկասից, որից հետո հեշտ կլինի «օգնության ձեռք» մեկնել ռուսական «անօրեն լծի տակ հեծող» «կրոնակից եղբայրներին»։

¹ Տե՛ս Է. Փ. Лудшувейт, Турция в годы первой мировой войны 1914—1918 гг. էջ 307։

² Տե՛ս Ա. Փ. Миллер, Краткая история Турции, էջ 157։

³ Տե՛ս Ա. Չոպանևան, Հայաստանը թուրք լուծի տակ, Պոսթոն, 1918, էջ 36։

⁴ Սևնուսի— մուսուլմանական աղանդ։

⁵ Տե՛ս Ա. Փ. Миллер, Краткая история Турции, էջ 157։

Ինչ խոսք, կովկասյան ուղղությամբ նախատեսված պանթուրքական պլանների իրականացումը մահացու վտանգ էր սպառնում առաջին հերթին հայ ժողովրդին, որը դիտվում էր իբրև ամենալուրջ խոչընդոտ։

Այժմ արդեն ապացուցված է, որ պատերազմի մեջ Թուրքիայի մտնելու գլխավոր պատճառներից մեկը, եթե ոչ ամենագլխավոր պատճառը հայկական հարցի «լուծումն» էր։ Ներկայացել էր, վերջապես, երկար սպասված բարեպատե՛ առիթը՝ սրով ու հրով բնաջնջելու «ահավոր հայ ցեղը»։ Կրեթե բոլոր երկրները կովի էին բռնված իրար հետ, և հայության հարցով ոչ ոք զբաղվելու ո՛չ ժամանակ և ո՛չ էլ ցանկություն ուներ։ Այս հանգամանքը բազմիցս ընդգծել են ինչպես հայ, այնպես էլ օտար հեղինակները։ Հիրավի, պատերազմի նախօրյակին և ընթացքում Թուրքիայում հավատարմագրված շատ օտարերկրացիներ վկայել են, որ Լեիտթուրքական կառավարությունը պատերազմի մեջ է մտել՝ իր «ծրագրում առաջին կետ» ունենալով «հայոց փշացումը»¹։ Հայ ժողովրդի ոչնչացումից հետո հերթը պետք է հասներ ուրիշ ազգերի, մինչև որ թուրքական պետությունը վերականգնվեր «միայն ղուտ մահմեդական, համաթուրքական հիման վրա, ամեն ոչ մահմեդական և ոչ թուրք բնակիչները բռնի պետք է մահմեդականացվեն և թուրքացվեն և որ ասի կարելի չէ՝ ջնջվեն»²։

Կովկասի ուղղությամբ թուրքերը հետապնդում էին ոչ միայն համիսլամական, այլև գերազանցապես պանթուրքական նպատակներ։ Ուժգին մի քանի հարվածներով Անդրկովկասը և ողջ Կովկասը գրավելուց հետո «հաղթական» թուրքական բանակը պետք է բաժանվեր երկու մասի. մի մասն անցնելու էր Իրանական Աղբրեջան, գրավելու էր Իրանը, Կասպից ծովի հարավային և արևելյան եզրերները, մյուս մասն առաջ շարժվելով Հյուսիսային Կովկասի ուղղությամբ, պետք է նվաճեր Ղրիմը, Պոլովոժինն, թաթարական բնակչությանը Վոլգյան-Ուրալյան շրջանները։ Կովկասի ուղղությամբ գործող բանակի այդ երկու մասերը միանալով իրար, արշավելու էին Միջին Ասիա և Աֆղանստան։ Այնուհետև թուրք մուսուլմանական զորքերը խմբավորվելով Աֆղանստանում, այդ երկրի լեռնանցքներով թափան-

¹ Հ. Տալևան, Հայ ազգի տարագրությունը գերմանական վավերագրերից համեմատ, մ. Ա., Վիեննա, 1921, էջ 52։

² Նույն տեղը։

ցելու էին Հնդկաստանի Տյուսիս-արևմուտք և Թուրքիային էին միացնելու հնդկական մուսուլմաններին: Ապա ուղղութիւն վերցնելով դեպի Չինաստան, պետք է տիրանային ուլգուրներով բնակեցված Սինցզյանի շրջաններին: «Այս գործը մենք պիտի գլուխ հանենք Ալլահի ողորմութեամբ և մեր Մարգարեի օգնութեամբ և այն միութեան շնորհիվ, որ մեզ պարտադրում է մեր կրօնը»¹, — խոր համոզմունքով գրում էր Պոլսում լույս տեսնող «Թասֆիրի էֆթյար» թերթը:

Այսպիսով, եգիպտական և կովկասյան ուղղութիւններով ծավալվելիք ռազմական գործողութիւնները պետք է հանգեցնեն վիթխարի մի կայսրութեան՝ «Մեծ Թուրքիայի» ստեղծմանը, որի սահմաններն Աֆրիկայի և Ասիայի վրայով տարածվելու էին Ջիբրալթարից մինչև Չինաստան: «Այսպիսին էր այն պլանը, — գրում էր Ա. Միլլերը, — որն իր վրա կրում էր գերմանական գին՝ վորականութեան և էնվերական-պանթուրքականների անզուսպ ավանտյուրիզմի բացահայտ կնիքը»²: Գերմանական գլխավոր շտաբի ծառայողները մշակել էին պլանի բոլոր մանրամասները՝ գործերի դասավորումը, հարվածների ուղղութիւնները, գործողութիւնների ժամկետները:

Շուտով գորակոչի հրաման եղավ: Զորակոչը և մոտալուս պատերազմի վառողի հոտն առաջ բերեցին «հայրենասիրութեան» թանձր մի շմուք, որի մեջ մխրճվում էին թուրքական հասարակութեան նորանոր շերտեր: Ամենուրեք տեղի էին ունենում մասսայական ցույցեր և հրապարակային ժողովներ, որոնք անցնում էին «Կորչեն ուսները», «Եկել է վրեժի ժամը», «Մեզ ճանապարհ տվեք դեպի Թուրան» և այլ լողուններով, կոչերով ու սպառնալիքներով: Այդ ցույցերն ու ժողովները սովորաբար վերջանում էին իթթի-հաղական քայլերգով, որի տեքստի քառյակներից մեկում ասված է.

«Աղլամա սեն, դարիպ Թուրան.
Պիզ կելիրիզ սանա, ինան»³:

Զիա Գեոքալփը ոչ առանց հիմքի գրում էր. «Հարյուր մի-

լիոն (Sic:— Հ. Ս.) թուրքերի միավորումը մեկ ազգի մեջ թուրքական ազգայնականների համար հանդիսանում է խանդավառութեան առաջին հզոր աղբյուրներից մեկը: Եթե գոյութեան շունենար թուրանական իդեալը, թուրքական նացիոնալիզմը չէր կարող այդպես արագ զարգանալ»¹: Զիա Գեոքալփի նման ազգայնամուլ դեկավարների համար պատերազմը պանթուրքական երազների իրականացման միջոց էր²:

Շովինիստական շմուքի պայմաններում հայ ազգային մարմինները հայտարարեցին, որ արևմտահայութիւնը թուրքական պետութեան հանդեպ հավատարմութեամբ է կատարելու իր քաղաքացիական բոլոր պարտականութիւնները: Եկեղեցիներում մաղթանքներ եղան, հայ կանայք գինձորական հագուստներ էին պատրաստում և նվիրում թուրքական բանակին: Հայ վաճառականները և երկրագործները տալիս էին պահանջվող ապրանքներ՝ պարեն, գրաստներ, հայ երիտասարդները օրինավորապես գինձորագրվեցին, և զորակոչից խուսափելու դեպքեր համարյա չեղան: Հայերը մտածում և գործում էին այսպես. «Ոչ մի դեպքում առիթ չտալ ու շարժել գազանին»³:

1914 թվականի նոյեմբերի 11-ին սուլթանի հատուկ իրադեով Թուրքիան իրեն Ռուսաստանի դեմ պաշտոնապես պատերազմի մեջ հայտարարեց: Նոյեմբերի 11-ի սուլթանական իրադեն գալիս էր միայն ետին թվով հաստատելու պատերազմի սկսվելը: Փաստորեն մինչ այդ նրանց միջև պատերազմն արդեն սկսված էր: Գեոկես հոկտեմբերի 27-ին և 29-ին գերմանա-թուրքական միացյալ նավատորմը Սև ծովում հարձակվել էր ռուսական նավերի, ինչպես նաև Օդեսա, Սևաստոպոլ, Թեոդոսիա և Նովոռոսիյսկ նավահանգիստների վրա: Նույն օրը միաժամանակ հրատարակվեց սուլթանի դիմումը բանակին և նավատորմին: Նրան հետևեց իրեն փոխգնեհարալիսիմուսի կոչումը շոնրհած էնվեր փաշայի՝ նույնպես բանակին ու նավատորմին ուղղված դիմումը:

Նոյեմբերի 11-ին սուլթան-խալիֆը միաժամանակ մահմեդա-

¹ Ա. Զոպանևան, Հայաստանը թուրք լուծի տակ, էջ 36:

² Ա. Փ. Միլլեր, Краткая история Турции, с. 157.

³ «Լաց մի լինի դարիբ Թուրան,
Մենք գալիս ենք դեպի քեզ»:
(Առշակ Ալպոլյանևան, Պատմութիւն Մալաթիոյ հայոց, էջ 935):

¹ Մեջբերված է Е. Ф. Лудшувейт, Турция в годы первой мировой войны 1914—1918 гг., с. 308.

² Sht'a Hayd, Foundations of Turkish Nationalism, London, 1950 p. 170.

³ Բյուզանդ եղիաևան, Արևմտահայ դատար անջատողական չէր՝ բարեկարգչական էր (տե՛ս «Հայրենիք», 18 հոկտեմբերի 1980 թ.):

կան ողջ աշխարհին ջիհաֆի՝ կրոնական «սրբազան պատերազմի» կոչ արեց: Այդ օրը Ստամբուլի Սուլթան Մեհմեդ Ֆաթիհ մեշեդում շեյխ-ուլ-իսլամ Հայրի էֆենդին կարդաց հինգ հրովարտակ Անտանտի տերությունների դեմ «սրբազան պատերազմ» սկսելու մասին:

Ջիհաֆի հրովարտականերից մեկում մասնավորապես ասված էր. «Երբ բազմաթիվ թշնամիներ միացել են իսլամի դեմ, երբ իսլամ երկրները կողոպտվում են, իսլամ ժողովուրդը հարստահարվում է և բռնադատվում, երբ այս պայմաններում իսլամների խալիֆան, Ղուրանի սուրբ պատվերների համաձայն, սուրբ պատերազմ է հռչակել, պատերազմելը բոլոր իսլամների պարտականությունը չէ՞, երիտասարդ կամ ծեր, հետևազորք կամ հեծյալ, և բոլոր իսլամները պարտական չե՞ն խանդավառվելու հավատքի համար կռիվ մղելու փափագով: Պատասխան՝ այո՛: Ռուսիայի, Ֆրանսիայի, Անգլիայի և դրանց օգնող երկրների հպատակ իսլամները ևս պարտավոր չե՞ն սուրբ պատերազմ մղելու իրենց պատկանած կառավարությունների դեմ: Պատասխան՝ այո՛»¹:

Ինչպես տեսնում ենք, ի տարբերություն բոլոր նախորդ «սրբազան պատերազմների», որոնք ուղղված էին ընդհանրապես բոլոր ոչ մուսուլմանների, «անհավատների», բոլոր քրիստոնյաների դեմ, այս ջիհաֆը ուղղվում էր քրիստոնեական երկրների միայն մի խմբի՝ Անտանտի տերությունների դեմ: Հրովարտականերից մեկում հենց այդպես էլ ասվում էր. «... Բոլոր մուսուլմանները, որոնք ապրում են Անտանտի երկրների (զաղութներ:— Շ. Ս.) տարածքներում, պետք է հանդես գան իրենց կառավարությունների դեմ»²:

Որպեսզի մուսուլմաններին բացատրվեր այս ջիհաֆի հատուկ բնույթը, հրովարտականերից մի ուրիշի մեջ պարզաբանվում էր, որ անհավատները միայն ուսները, անգլիացիները և ֆրանսիացիներն են: Գերմանիան և Ավստրո-Հունգարիան այս անգամ ոչ միայն չէին դասվում «անհավատ» երկրների թվին, այլև հռչակվում էին իսլամի հետարան ու պաշտպաններ: Առավել մոլեռանդ մուսուլմանների շրջանում նույնիսկ համառորեն լուրեր էին պատվում, թե գերմանացիները և ավստրո-հունգարա-

ցիները մտադիր են հրաժարվել քրիստոնեական կրոնից և ընդունել մահմեդականություն: Այդ առթիվ օրերի հայ ականատեսը վերհիշում է. «Բոլոր երիտասարդ թուրքերը ոտքի վրայ էին, գիշեր-ցերեկ կաշխատեին քրտական ցեղապետերը, շեյխերը քաղաք (Մուշ:— Շ. Ս.) հրավիրելու և համոզելու, որ մեր խալիֆան ճիհատ (սուրբ պատերազմ) հռչակած է բոլոր կեղծուրներուն դեմ, բայց քանի որ Գերմանիոյ թագավորը խոստացած է մեր սուլթանին, որ հաղթութենեն ետք իր ամբողջ ազգով և դաշնակիցներով պիտի ընդունի հագ տինը (ճշմարիտ կրոնքը), այդ պատճառով ալ՝ մեր դաշնակիցներեն զատ մյուս բոլոր կեղծուր ազգերը պիտի ջնջենք աշխարհի երեսեն և կամ մեր Ղուրանը ընդունիլ պիտի տանք անոնց»³:

Ինչպես քրիստոնեական, այնպես էլ մահմեդական աշխարհը միասնական չէր կրոնական հավատի տեսակետից: Մահմեդականությունը երկու գլխավոր՝ սյունի և շիա ուղղություններին հետևողները նախկիններում հռչակված «սրբազան պատերազմների» ժամանակ միատեսակ պատրաստակամություն չէին հանդես բերում կռվելու «անհավատների» դեմ: Դրա հիմնական պատճառն այն էր, որ սուլթան-խալիֆի կրոնական հեղինակությունը չէր տարածվում շիիթների վրա:

Հաշվի առնելով այդ հանգամանքը, թուրքերը գործի դրեցին նաև շիիթների հոգևոր մեծերին: 1914 թվականի նոյեմբերի 13-ին հրատարակվեց շիիթներին «սրբազան պատերազմի» կոչող հատուկ հրովարտակ, որը ստորագրել էին կայսրության շիա աղանդի բարձրագույն կրոնական հեղինակությունները:

«Սրբազան պատերազմի» մասին հրովարտակաները գրվել էին գերմանական գլխավոր շտաբի գիտություններ: Ուստի պատահական չէր, որ ջիհաֆ հռչակելու հաջորդ օրն իսկ գերմանական մամուլը լայնորեն անդրադարձավ դրան ու ողջունեց այն: Գերմանիան, ինչպես ասվեց, մեծ հույսեր էր կապում թուրքական սուլթան-խալիֆի կրոնական հեղինակության հետ: Նա հույս ուներ, որ հետևելով ջիհաֆի կոչերին, աֆրիկյան և ասիական բազմաթիվ երկրների տասնյակ միլիոնավոր մուսուլմաններ ոտքի կենեն Անտանտի երկրների դեմ, նրանց դուրս կքշեն իրենց զաղութային տիրապետություններից: Այդ դեպքում Գերմանիային միայն կամար զբաղեցնել նրանց տեղը: Գերմանական քաղա-

¹ «Տրապիզոնի թեմին վիճակավոր Յովանես արք. Նազկևանի յուշերը», էջ 13—14: Տե՛ս նաև՝ Ա. Փ. Миллер, Краткая история Турции, էջ 158:

² А. Ф. Миллер, Краткая история Турции, с. 158.

³ Սարգիս և Միսակ Բղևաններ, Հարազատ պատմություն Տարոնոյ, էջ 305:

քաղեսններից առավել տաքզլուխները, գերագնահատելով խալիֆաթի նշանակությունը, միանգամայն լրջորեն կարծում էին, թե միգուցե հնարավոր լինի «սրբազան պատերազմի» միջոցով բոլոր գաղութներում հաստատել Գերմանիայի հեգեմոնիան:

«Գերման դիվանագետները,— գրում է ամերիկահայ պրոֆեսոր Տ. Լյուկեճյանը,— հաճույքով պիտի ըմբռնեն իսլամական շարժումը, հազարավոր անմեղ, քրիստոնեայ կիներու, երեսաներու խողխողումը, ներոնական սառնութեամբ պիտի դիտեն արեան ճապաղիքները, որ ափրիկեան ափերին պիտի սկսեր ու մինչև նաղաղականը պիտի ծավալվեր: Անգլիա, Ֆրանսիա, Ռուսիա ներքին հեղափոխություններով պիտի բռնեն ու ինքն իր յաղթական բանակով Փարիզ ու Փեթրոկրատ հասնելի ետք Լոնտոն պիտի արշավեր ու աշխարհը իր սուրին տակ պիտի խոնարհեցներ»¹:

Ահա թե ինչու գերմանացիները հնարավոր բոլոր միջոցներով օգնում էին Թուրքիային, որպեսզի հաջողությամբ պսակվի ջիհաթը: Մ. Ս. Լազարևի տվյալներով առաջին համաշխարհային պատերազմի տարիներին Գերմանիան պանիսլամական պրոպագանդայի համար թուրքերին տրամադրել է 17,5 միլիոն լիբրա՝ ոսկով²:

1914 թվականի նոյեմբերի 12-ին, Թուրքիան պաշտոնապես պատերազմի մեջ մտնելուց մի օր հետո, «Միություն և առաջադիմություն» կուսակցության ղեկավարությունը մի հատուկ նամակ-շրջաբերականով դիմեց իր տեղական կազմակերպություններին, որի մեջ պարզորոշ նշվում էին պատերազմի պանիսլամական նպատակները: Նամակում նշված էր, որ Թուրքիայի մասնակցությունը համաշխարհային պատերազմին արդարացվում է «ազգային իդեալով»: «Մեր ժողովրդի և մեր երկրի ազգային իդեալը,— այնուհետև բացատրվում էր նամակի մեջ,— մեզնից պահանջում է մոսկովյան թշնամու ոչնչացում, որպեսզի դրանով իսկ հաստատենք մեր կայսրության բնական պետական սահմանները, որոնք իրենց մեջ կառնեն և կմիավորեն մեր ցեղի բոլոր մասերը. մեր կրոնական ղգացմունքը մեզ մղում է իսլամի աշխարհը ազատագրելու անհավատների տիրապետություն:

¹ «Հասկաքաղ: Բրոֆ. Տ. Կ. Լյուկեճյանի գրական վաստակը և 1915-ի բանտի հուշերը», Ֆրեզնո, 1955 թ., էջ 409:

² SL՝ս Մ. Աբգովանյան. Հայաստան 1914—1917, էջ 161:

նից»³: Ինչպես պարզ երևում է, թուրքական իմպերիալիստական բուրժուազիան ձգտում էր պանիսլամիզմն առավելագույնս ծառայեցնել պանթուրքիզմի նպատակներին:

Այդ նույն նամակում իթթիհադի կենտրոնական մարմինն իր տեղական կոմիտեներին ցուցում էր տալիս՝ «Թուրք ցեղի բոլոր ճյուղերը միավորելու համար», որպես առաջին անհրաժեշտություն, բնաջնջել հայ ցեղը: «Հայերը... միակ արգելքն են մեր քաղաքականության հաջողության, քաղաքականության, որ պետք է բանա Հնդկաստան տանող ճանապարհը: Անհրաժեշտ է ոչնչացնել հայերին և նրանց դիակների վրայից քայլելով հասնել մեր նպատակին, հետևաբար մի խնայեք ոչ ոքի և ճշմարտությունամբ արեք այն, ինչ որ ձեզ հրամայված է խստորեն»²:

Պատերազմի հենց սկզբից ձախողվեց թուրքական բանակի գլխավոր ստրատեգիական պլանը, որն, ինչպես տեսանք, մշակվել էր գլխավոր շտաբի պետ էնվեր փաշայի ղեկավարությամբ և հավանության արժանացել գերմանական գլխավոր շտաբի կողմից:

Թուրքիայից դուրս իբրև պանիսլամիզմի ջատագովներ հանդես եկան միայն մուսուլմանական բարձր հոգևորականությունը, որոշ շափով միջին հոգևորականությունը, կալվածատեր, բուրժուա և ազգայնական մտավորականության մի մասը, որոնք հիմնականում թուրքական գործակալներ էին:

Նրանց ջանքերով Արևելքի մի շարք երկրներում եղան թուրքամետ խմորումներ, որոնց հետ հաշվի չնստել չէր կարելի: Դեռ 1914 թվականի սեպտեմբերի 5-ին (24-ին) Պոլսից Լոնդոն էին հաղորդել, որ «Միություն և առաջադիմություն» կոմիտեի Պոլսի հրահանգիչը սեպտեմբերի 1-ին (օգոստոսի 19-ին) էրզրումի վրայով անցել է Պարսկաստան, նպատակ ունենալով այնտեղից անցնել Աֆղանստանի և Հնդկաստանի մուսուլմանների մոտ: Հայտնվում էր նաև, որ այդ հրահանգիչը արդեն հասցրել է հակակառավարական խռովություններ առաջացնել Պարսկական Աղբրեջանում³:

¹ Е. Ф. Лудшувейт, Турция в годы первой мировой войны, с. 61.

² Միսակ Թուրաֆեան, Օրերու հետ, Լոս Անճելոս, 1953, էջ 470:

³ Տե՛ս «Белая книга. Война с Турцией. Дипломатическая переписка Англии, предшествовавшая войне с Турцией (с 22 июля по 22 октября 1914 г.)», էջ 34:

Հետագայում Մեծ Բրիտանիայի վարչապետ Լիոյդ Ջորջը և գերմանական զինվորականության սյուներից Լյուդևիգորֆը գրտնում էին, որ համաշխարհային պատերազմը երկու տարով ձգգծրգվեց այն պատճառով, որ դրան մասնակցում էր թուրքիան՝ իր «սրբազան պատերազմի» կոչերով: Անգլիան և Ֆրանսիան ստիպված էին մեծ թվով զինված ուժեր պահել մուսուլմանաբնակ իրենց գաղութներում, որպեսզի խափանեն «սրբազան պատերազմի» ամեն մի փորձ: Անտանտի տերությունները ստիպված էին նաև մեծ միջոցներ ծախսել հակապրոպագանդա կազմակերպելու վրա՝ պանիսլամական և պանթուրքական պրոպագանդայի ազդեցությունը չեզոքացնելու համար:

Սակայն ընդհանուր առմամբ չիհաթի արդյունքները չնչին էին: Այդ հնացած կոչը միայն աննշան արձագանք գտավ մահմեդական բնակչություն ունեցող երկրներում: Թուրք և գերմանացի քաղաքագետների սպասածին հակառակ, մահմեդականությունն անտարբերությամբ ընդունեց «սրբազան պատերազմի» կոչերը: Դեռ պատերազմից առաջ ռուս թուրքագետ Ի. Ի. Կոլոբոբորովն նկատում էր, որ նախկիններում սրբազան պատերազմի կոչով սուլթան-խալիֆները կարողանում էին հավատացյալներին ոտքի հանել, որովհետև դա թելադրված էր «գլավորների» դեմ անպայման հաղթանակ տանելու ակնկալությամբ: Բայց անցյալ դարից դրությունը փոխվել էր: Նոր պայմաններում նրանք մտադրություն չունեին կովեղու եվրոպացիների լավ մարզված ու զինված բազմաթանակ բանակների դեմ, որովհետև համոզված չէին, թե կարելի է «սրբազան պատերազմի» դիմել և անպատիժ մնալ: Բացի այդ, խալիֆների անմիջական հետնորդների մեջ չկար բավականաչափ հեղինակավոր մի առաջնորդ, որ կարողանար չիհաթի դրոշի տակ համախմբել բոլոր մուսուլմաններին:

Պատերազմի սկզբին Իրան և Աֆղանստան մեկնած գերմանացի և թուրք էմիրսարները, որոնք ձգտում էին մուսուլմաններին հանել Անտանտի տերությունների դեմ, անհրաժեշտ աջակցություն չգտնելով, ստիպված էին շտապ հեռանալ այդ երկրներից:

Օգտագործելով թուրքական ռազմամուլների զավթողական մտադրությունները, հիշտ ըմբռնելով մուսուլմանական երկրների ժողովրդական մասսաների տրամադրությունները, Անտանտի տերությունները Քառյակ միության երկրների դեմ ուղղեցին իրենց գաղութների մարդկային և նյութական ռեսուրսները: Նրանք իրենց բանակներ զորակոչեցին հարյուր հազարավոր մուսուլմանների: Այդ բանակների կազմում գործում էին զուտ մուսուլմաններից կազմված ամբողջ զորամիավորումներ: Այսպես, պատերազմի տարիներին բրիտանական զինված ուժերի կազմում միայն Հնդկաստանից կար 1,5 միլիոն զինվոր: Դրանց զգալի մասը դավանում էր իսլամ, բայց դա չէր խանգարում, որ նրանք, հատկապես Միջագետքում և Սիրիա-Պաղեստինյան ռազմաճակատներում կովեն թուրքիայի, թուրքական զինվորական համազգեստ կրող մուսուլմանների դեմ: Ֆրանսիացիներն Աֆրիկայի և Ասիայի իրենց գաղութներից զինվորական ծառայության էին կանչել 800 հազար զինվոր: Սրանց գերակշռող մասը նույնպես մուսուլմաններ էին, որոնք ոչ պակաս քաջությամբ, քան բրիտանյա ֆրանսիացիները, կովում էին թուրքական զորքերի դեմ:

Բացի այդ, Անտանտի տերությունների կառավարությունները Արևելքի երկրների տասնյակ հազարավոր բնակիչների մոբիլիզացրել և օգտագործում էին թիկունքային աշխատանքներում: Այսպես, օրինակ, մոբիլիզացված մեծ թվով եգիպտացիներ, որոնք ընդգրկված էին հատուկ բանվորական գումարտակներում, ռազմական ամրություններ էին կառուցում ոչ միայն արևմտյան (եվրոպական) ճակատում, այլև անմիջականորեն թուրքիայի դեմ բացված ճակատներում՝ Դարդանելում, Միջագետքում, Պաղեստինում:

Ինչպես և պետք էր սպասել, չիհաթը հաջողություն չունեցավ նաև Ռուսաստանում: Այստեղ մուսուլմանական բնակչությունը լիակատար անտարբերությամբ ընդունեց երիտթուրքերի կոչերը: Ռուսաստանի արևելյան և հարավային ծայրամասերի մուսուլմանական ժողովուրդները քաջ գիտակցում էին, որ պանիսլա-

¹ Տե՛ս Ա. Շտիլ, Против «Гёбена» и «Бреслау». Кто должник? Сборник документальных статей, М., 1925, էջ 151:

² Տե՛ս И. И. Голобородько (И. Южанин), Старая и новая Турция, էջ 82:

¹ Տե՛ս Е. Ф. Лудшувейт, Турция в годы первой мировой войны 1914—1918 гг., էջ 310:

² Տե՛ս նույն տեղը:

³ Տե՛ս նույն տեղը:

⁴ Տե՛ս նույն տեղը:

մական և պանթուրքական մեքենայութունների հաջողութւան ղեպքում իրենք կկտրվին եղբայրական ոուս ժողովրդից, որի հետ նրանք վաղուց կապված էին պատմական անցյալով, տնտեսական շահերով և մշակութային շատ գծերի ընդհանրութւամբ: Անշուշտ, Ռուսաստանից անջատվելը նրանց համար պատմական մեծագուշն դժբախտութւուն կլինէր: Ռուսական բանակի շարքերում ծառայում էին հարյուր հազարավոր մուսուլմաններ, որոնցից հազարավորները կովում էին կովկասյան ճակատում:

«Սրբազան պատերազմի» կոչը լայն արձագանք չգտավ ոչ միայն Ասիայի, Աֆրիկայի, Ռուսաստանի մահմեդական գանգավածների, այլև հենց Օսմանյան կայսրութւան ոչ թուրք մահմեդական հպատակների և առաջին հերթին արաբների շրջանում: Դեռևս նախքան պատերազմը կայսրութւան արաբական տերիտորիաներում սկսվել էր ազգային-ազատագրական շարժում՝ թուրքերի տիրապետութւանից ազատագրվելու համար: Պանիսլամական պրոպագանդան անկարող էր հաղթահարելու և ցանկացած հունով ուղղելու այդ շարժումը: Այժմ, երբ հռչակվել էր չիհաթը, Սիրիայի, Պաղեստինի, Հեջազի արաբները որևէ շահագրգռութւուն հանդես չբերեցին Օսմանյան կայսրութւան շահերի, թուրքական տիրապետութւան ամրապնդման և ընդլայնման համար մղվող պայքարի մեջ մտնելու գործում: Ավելին, որոշ ժամանակ անց, 1916 թվականի ամռանը, Հեջազի արաբներն անգլիացիների աջակցութւամբ ապստամբութւան դրոշ պարզեցին թուրքական տիրապետութւան դեմ, Մեքքայի տիրակալ Հուսեյն իբն Ալի իրեն հռչակեց արաբների թագավոր, չիհաթ հայտարարեց թուրքական սուլթան-խալիֆին, հավատացյալ մուսուլմաններին համոզեց, որ անհավատները գերմանացիները և նրանց երիտթուրքական դաշնակիցներն են, իսկ Անգլիան և Անտանտի մյուս երկրներն իսլամի իսկական հենարանը և գաղափարների պաշտպաններն են:

«Սրբազան պատերազմի» ձախողումը ըստ էութւան լինելով պանիսլամիզմի և թուրք-գերմանական բլոկի ռազմաստրատեգիական պլանի մի մասի ձախողում, մյուս կողմից, սակայն, պատճառ հանդիսացավ էլ ավելի խթանելու պանթուրքիզմի գաղափարախոսութւունն ու պրակտիկան: Երիտթուրքերի համար ներկայացել էր հարմար առիթ նոր ուժով պրոպագանդելու բոլոր թուրանականների համար արդեն այբբենական ճշմարտու-

թւուն դարձած այն տեսակետը, թե թուրքիայի փրկութւան գրեթե իսլամը հուշը ոչ թե իսլամութւունն է, այլ թրքութւունը, թուրքալեզու ժողովուրդների միավորումը:

Թուրքական կառավարութւունը պանթուրքականներից կազմված պատվիրակութւուններ էր ուղարկում դաշնակից երկրներ, որոնք հանդիպումներ էին ունենում կառավարական շրջաններում, մեկնաբանում Ռուսաստանի նկատմամբ թուրքիայի պահանջները, իրենց դաշնակիցներից պահանջում էին նախապես, նախքան Ռուսաստանի պարտութւունը, իրենց տերիտորիալ հավակնութւուններն ընդունել իրավաբանորեն և պաշտոնապես:

Այսպես, ցարական գաղտնի գործակալութւան մի փաստաթղթից իմանում ենք, որ 1914 թվականի դեկտեմբերին Յուսուֆ Աքչուրայի գլխավորութւամբ պանթուրքականներից կազմված մի պատվիրակութւուն է մեկնել թուրքիայի դաշնակից Ավստրո-Հունգարիա, Վիեննայում ներկայացել արտաքին գործերի մինիստրին, ապա բանակցութւուններ վարել կառավարական այլ բարձրաստիճան պաշտոնյաների հետ: Վստահ լինելով Ավստրո-գերմանական բլոկի հաղթանակի նկատմամբ, պատվիրակութւունն ավստրո-հունգարական կառավարութւանն էր ներկայացրել պանթուրքական կայսրութւուն ստեղծելու և այն Ավստրո-Հունգարիայի կողմից պաշտոնապես ճանաչելու պահանջը: Ահա այս փաստաթուղթը:

«Ոստիկանական բաժնիս ստացած տեղեկութւունների համաձայն ուսահպատակ «Մահմեդական կոմիտեն», իր կազմի մեջ ունենալով թուրքական «Յուրդու» թերթի հրատարակիչ Յուսուֆ օղլու Աքչուրային, համալսարանի պրոֆեսոր, «Ճուրվագ» թերթի խմբագիր Ալի Հուսեյն ղադեին, աստվածաբանութւան պրոֆեսոր Մուհամմեդ էսսադ էսելիբիզադեին և Մյուքիմէդդին Բեյդաուին, սույն դեկտեմբերի առաջին օրերին Վիեննա ժամանեց, ուր շարունակական ունկնդրութւան ընդունվեցին նախարար-նախագահ Շտուրգլի և արտաքին գործոց նախարարի փոխանորդ կոմս Ֆորգաչի կողմից: Կոմիտեն այդ անձանց, ինչպես և շատ ուրիշների, ներկայացրեց հուշագիր, որի մեջ պահանջվում է. 1) ուսական տիրապետութւանից ազատել իսլամի և Բուխարան և դրանց միացնել թուրքիստանը, 2) կիրգիզների (խրրխր) վարչաքաղաքական անկախութւուն, 3) վերականգնում Կազանի թագավորութւան և Ղրիմի խանութւան, վերջինս սուլթանի հովանավորութւան տակ, և վերջապես 4) ճանաչել Վոլգա գետի և

Կասպից ծովի թուրքական լինելը: Նախարար-նախագահ Շտուրգեր սիրով ընդունեց ռուսական մասնագետների պատվիրակությանը և վստահեցրեց, որ մեծագույն հետաքրքրությամբ ավելի մանրամասն պիտի ծանոթանա նրանց պատմական հուշագրին:

Հաղորդելով վերոհիշյալի մասին, ոստիկանական բաժինս խնդրում է Ձերդ Գերագանցությունից, որ եթե հնարավոր է, պարզել կազմը, գործունեությունը և հարաբերություններն ըստ երկվույթին Պոլսում կազմված ռուս-մասնագետական կոմիտեի, ինչպես նաև նրա հետևանքների, նույնպես և վերոհիշյալ անձերի հպատակության մասին տեղեկագրել Ոստիկանական բաժնիս:

Ի տեղի փոխ-վարիչի՝ Իս. Սմիռնով

Գործավարի փոխարեն՝ (ստորագրությունն անընթեռնելի է)՝

Ջիհաթի ձախողման հետ միասին ձախողվեց նաև թուրքական բանակի գլխավոր օպերատիվ ստրատեգիական պլանը: Արդեն առաջին երկու ամիսների պատերազմական գործողությունների ընթացքը ցույց տվեց, որ հօգս են ցնդում ռուսական և անգլիական զորքերի դեմ արագ հաղթանակ տանելու հույսերը:

Համառ կոնվներ էին տեղի ունենում Սուեզի ջրանցքի՝ շրջանում: Եգիպտոսը անգլիացիներից հետ գրավելու խնդիրը զրբված էր Միրիայում տեղաբաշխված օսմանյան բանակի վրա, որի հրամանատար նշանակվեց Երիտթուրքական եռյակի պարագլուխներից մեկը՝ Ջեմալ փաշան: Անգլիական զորքերի դեմ այս ճակատում ծավալված արշավալի մարտերում թուրքական զորքերը ոչ մի հաջողություն չունեցան, չկարողացան կատարել Սուեզի ջրանցքն անցնելու, Եգիպտոս ներխուժելու խնդիրը և ստիպված անցան խոր պաշտպանության:

Կովկասյան ճակատում Ռուսաստանի դեմ ռազմական գործողությունների ղեկավարումն իր վրա վերցրեց Երիտթուրքական մյուս պարագլուխը՝ էնվեր փաշան: Կովկասյան ճակատում կովոլ թուրքական Յ-րդ բանակի նախկին հրամանատար Հասան Իզզեթ փաշան խիստ հոռետեսորեն էր տրամադրված իթթիհազականների պանթուրքական պլանների նկատմամբ: Հենց դա էր պատճառներից մեկը, որ էնվերը նրանից վերցրեց բանակի հրամանատարությունը և անմիջապես ձեռնամուխ եղավ իր պանթուրքական պլանների իրականացմանը, այն է՝ արագ հարված-

ներով տիրել Անդրկովկասին և Իրանին, ապա անցնել Անդրկասպյան տարածությունները, Պոլովիե և Միջին Ասիա, ռուսական կայսրության մասնագետական ժողովուրդներին ապստամբության հանել և նրանց օգնությամբ հաղթական երթով շարժվել Աֆղանստանի և Հնդկաստանի վրա:

1914 թվականի վերջին էնվեր փաշայի գլխավորած թուրքական Յ-րդ բանակը հարձակման անցավ, նպատակ ունենալով ռուսական ճակատը ճեղքել Արդահան—Սարիղամիշ—Արմիա գծով: Դեռ նոր էին սկսվել ռազմական գործողությունները, բայց թուրքական պրոպագանդան կանխակալորեն ավետում էր ռուսների մոտալուտ լիակատար ջախջախումը: Կովկասյան ռազմաճակատից ստացվող լուրերն օսմանյան «պանծալի բանակի հաղթանակների» մասին էին միայն: Դրա պատճառն այն է, որ հարձակման սկզբնական փուլում, 1914 թվականի վերջերին և 1915 թվականի առաջին օրերին, թուրքական զորքերը որոշ հաջողությունների էին հասել՝ առաջանալով ռազմաճակատի առանձին տեղամասերում:

Ռուսական զորքերի ժամանակավոր անհաջողությունները խոր վիշտ էին պատճառել արևմտահայությանը, որն օր առաջ տենչում էր իր հողի վրա տեսնել ռուս զինվորին: «Իսկ մենք՝ հայերս, ներքնապես ինչքան կը մտատանջուեինք, այդ յայտնի էր, միայն կը ջանայինք մեր ներքին վիշտը ծածկել, մեր զգացումները բողբոջել և մենք մեզ ուրախակից ցոյց տալ թուրքերուն, բայց ասիկա անկարելի կըլլար. մեր երեսի գունատ երկվոյթը կը մատնեք մեր հոգեկան ողբերգությունը»:

Հնդկահառակը, ռուսների հաղթանակի դեպքում հայերը չպիտի կարողանային թաքցնել իրենց ուրախությունը: Դա պատահական չէր: Հայ ժողովուրդը պատերազմի հենց սկզբից էր դրսևորել իր անսթղ համակրանքը Ռուսաստանի նկատմամբ, իր բախտը կապել ռուսական զենքի հաղթանակի հետ: Թվում էր, թե արևմտահայ ժողովուրդի Մեծ երազի իրականացման ճամփին ավելի նպաստավոր առիթ չէր կարող ներկայանալ, քան ռուսական բանակների առաջխաղացումը նրա հինավուրց հայրենիքի տարածքներով: Արևմտահայությունը տեղյակ էր հայ ժողովուրդի օգտին ռուսական պետական ու քաղաքական գործիչների, ռուսական մամուլի բազմաթիվ հայտարարություններին,

¹ «Ալիթ», 27 հունիսի 1974 թ.:

¹ Սարգիս և Միսակ Բղեխաններ. Հարագատ պատմություն Տարածոյ, էջ 318:

մտավորականության մի մասի հայանպաստ գործունեությանը, ռուսական կառավարության կողմից հայ կամավորական գնդերի ստեղծմանը և այլն: Ռուսահայությունն արդեն հարյուր հազարավոր զինվորներ էր տվել ռուսական բանակին*:

Գևո 1914 թվականի օգոստոսին, այսինքն՝ մինչև Թուրքիայի կողմի մեջ մտնելը, Բուլղարիայից Քիֆլիս էր եկել Անդրանիկը: Կովկասում արդեն կամավորական շարժում էր սկսվել զուտ հայերից կազմված զորամիավորումներ ստեղծելու և ռուսական բանակի կազմում թուրքերի դեմ ծավալվելիք կոիվներին մասնակցելու, սպասվելիք էլ ավելի մեծ ջարդերից արևմտահայությանը փրկելու համար: Հազար-հազարները ցանկանում էին մասնակից դառնալ ազգային ազատագրության գործին: Կազմավորվեցին հայկական կամավորական հինգ ջոկատներ, որոնցից յուրաքանչյուրում կար 1000 զինվոր: Ժողովրդի առատաձեռն նվիրատվությունների շնորհիվ կամավորները պատշաճորեն զգեստավորվեցին, ձեռք բերեցին անհրաժեշտ ռազմամթերք և ձիեր: Կամավորական առաջին ջոկատի հրամանատարությունը ստանձնեց Անդրանիկը: Կովկասյան ճակատում ռազմական գործողությունները սկսվելուց հետո ջոկատները մեկնեցին ռազմաճակատ¹:

* Ռուսական բանակի կազմում հայերի թվաքանակի մասին ուսումնասիրողների մոտ կան տարբեր տվյալներ: Պրոֆ. Վ. Ա. Պարսամյանը գտնում է, որ հայ զինվորների թիվը ռուսական բանակներում կազմում էր 200 հազար (Վ. Ա. Պարսամյան, Հայ ժողովրդի պատմություն, հ. 3, Երևան, 1967, էջ 443): Ամերիկահայ պատմաբան Ռիչարդ Հովհաննիսյանը հայ զինվորականների թիվը 150 հազար է համարում (Richard G. Hovannisian, Armenia on the Road to Independence, 1918, Berkeley and Los Angeles, 1969, p. 44) Ռուբեն Տեր-Մինասյանը առաջին համաշխարհային պատերազմում ցարական բանակներում ծառայող հայ զինվորների թիվը հշտկիս համարում է գանազան տվյալներ: Նա ելնում է այն բանից, որ 1897 թվականին Անդրկովկասն ուներ 1,8 միլիոն հայություն: 1914 թվականին «ամեն մեկ դաս (տարիք) տալիս էր 10.800 զինվոր, 19—43 տարեկանները, այսինքն՝ 24 դասը պիտի տար 10.800×24, որը հավասար է 259.200 զինվորի» (Ռուբեն, Հայ-թրքական կնճիղ, Գաֆիթ, 1924, էջ 63): Լևոն Զորմիսյանը ռուսական բանակների հայ զինվորների թիվը հասցնում է 300 հազարի (Լ. Զորմիսյան, Համապատկեր արևելահայերու ժամանակակից պատմության, Բ. հատոր, 1878—1909, Պեյրով, 1974, էջ 139):

¹ Բոլոր հայերը չէին, որ խանդավառված էին հայ կամավորական շարժումով: Շարժման հիմնական կազմակերպիչը Քիֆլիսի հայ ազգային բյուրոն էր, որտեղ մեծամասնություն էին կազմում դաշնակցականները: Շարժմանը

Ինչպես նշեցինք, պատերազմն իր բնույթով իմպերիալիստական էր: Եթե դրա հեղինակներից մեկը՝ հետամնաց Թուրքիան, նպատակ ուներ զավթել Ռուսաստանի մուսուլմանաբնակ տարածքները և այդ ընթացքում անէացնել հայ ժողովրդին, ապա պատերազմի հեղինակներից մյուսը՝ ցարիզմը, նպատակ ուներ պարտության մատնել Թուրքիային, նրանից խլել նեղուցները, զավթել նրա արևելյան նահանգները, առաջին հերթին՝ Արևմտահայաստանը: Երկու կողմերի համար լինելով իմպերիալիստական, պատերազմը, սակայն, էական առանձնահատկություններ էր գրսևորում հայկական հարցի նկատմամբ: Եթե պատերազմում Ռուսաստանի դեմ Թուրքիայի հաջողությունը մահաբեր էր հայության համար, ապա Թուրքիայի դեմ ռուսական բանակի հաղթանակը, ընդհակառակը, հայ ժողովրդի հաղթանակն էր, քանի որ այդ բանակը, թեկուզ ցարական, նրան ազատագրություն էր բերելու օսմանյան դարավոր բռնակալությունից, և նա ժամ առաջ էր փափագում տեսնել այդ ազատությունը:

Իհարկե, այդ ամենը չէր կարող վրիպել թուրքերի աչքից, որոնց ատելությունը հայերի հանդեպ գնալով լեռնանում էր: Այն օրերին, երբ թուրքերը հեռագրական լուրեր չէին ստանում ռազմաճակատի կացության մասին, միմյանց ասում էին. «Հայերի երեսին նայենք. նրանք ամեն օր անթիվ հեռագիր են ստանում իրենց կամավորներից: Երբ երեսները տրտում է լինում, պետք է հասկանանք, որ մենք հաջող ենք, իսկ եթե, ընդհակառակը, ուրախ լինեն, պետք է կըրակացնենք, որ մենք անհաջող ենք: Ի՞նչ կարիք կա, այլևս, սպասել սուտ ու մուտ հեռագրերի գալուն»¹:

Կովկասյան ճակատում թուրքական զորքերի հարձակումը

Նեղուկ էին և գործուն մասնակցություն էին բերում վերակազմյալ հնչակյանները: Սահմանադրական ոսակավարները, որոնք ընդհանրապես դեմ էին թուրքական կառավարության դեմ ուղղված մարտական կամ քաղաքական այն բոլոր ձեռնարկներին, որոնք «դազանի պոչին կոխելու պես բան մըն» էին (Պապը Ալի, Գում Գափու, Բանկ Օթոման, Խանասոր և այլն) և որոնք չէին կարող հաջողություն բերել համահայկական մասշտաբով, բնականաբար դեմ էին նաև կամավորական շարժմանը: Բայց այն բանից հետո, երբ շարժումն իրական փաստ դարձավ, ոսակավարներն իրենց մասնակցությունը բերեցին դրան (տե՛ս «Պաշքար», 25 դեկտեմբերի 1982 թ.):

¹ Ասրգիս և Միսակ Բղևեհներ, Հարստատ պատմություն Տարոնոյ, էջ 319:

նրանց համար վերջացավ խայտառակ պարտությանը: Հզոր հարվածներով ուսական բանակն այդ զորքերին հետ շարտեց Սարիղամիշից և լիովին ջախջախեց նրանց: Թուրքական 90 հազարանոց կովկասյան 3-րդ բանակից 70 հազարը շարքից դուրս եկավ¹:

Իթթիհադական իշխանությունները նախ փորձեցին Սարիղամիշում թուրքական զորքերի խայտառակ պարտության փաստը թաքցնել «այլազգի անհարազատ տարրերից», հատկապես հայերից: «Քանի մը օր ետք,— վերհիշում է ականատեսը,— երբ դեռ թուրքերը անհամբեր կը սպասեին լսելու Կարսի և Պաթմամի գրավման լուրերը, կը տեսնենք, որ այս անգամ թուրք ժողովուրդը և պաշտոնականները գլխիկոր, մոայլ ու տրտում կ'երևվեին. հայերուն բան մը չէին յայտներ: Մենք ալ կը ջանայինք մեզի ծանոթ թուրքերեն հասկնալ բաներ մը, բայց անկարելի կ'ըլլար»²:

Իրողությունը, սակայն, երկար ժամանակ թաքցնել անկարելի էր. շուտով պաշտոնական հաղորդումներ եղան, որ էնվեր փաշայի առաջնորդած թուրքական բանակը Օլթիի, Սողանլուի և Սարիղամիշի շրջաններում ջարդուփշուր է եղել և նահանջում է դեպի Կարին: Հայությունը ցնծության մեջ էր: «Բոլորիս ուրախությունը շափ ու սահման չունեք,— գրում է օրերի ականատեսը,— այն հոյսն ունեինք, որ ուս բանակը շուտով պիտի պաշարև Կարին և յառաջանալով հնուսի կողմեն, պիտի իջնեը Մշո դաշտը և այսպիսով վերջ պիտի տրուեր մեր դարավոր գերութեան և ներկայ գեհնական վիճակին: Բայց իզուր էր մեր լավատեսությունը, հայուն աստուածը դեռ կը քնանար և մեզի համար ավելի կսկծալի օրեր կային վերապահուած դեռ»³:

Այո՛, հայության համար առավել սոսկալի օրերը դեռ նոր էին սկսվում: Թուրան արշավող թուրքական զորքերի խայտառակ պարտությունը կատաղեցրել, հավասարակշռությունից հանել էր բոլոր պանթուրքականներին: Եթե «սրբազան պատերազմի» կոչերն արձագանք չէին գտել դրսում և սպասած արդյունքը չէին տվել կայսրության մահմեդական արաբների շրջանում, ապա բուն Անատոլիայի թուրք բնակչության մեջ դրանք պարարտ հող

գտան: Թուրքական վերնախավերը «սրբազան պատերազմի» լուրերն օգտագործեցին երկրի ներսի քրիստոնյա փոքրամասնություններին՝ հայերի, հույների, ասորիների նկատմամբ գազանություններն արդարացնելու համար: Իթթիհադական հանցագործ կառավարությունը ռազմաճակատում թուրքերի անհաջողության հիմնական պատասխանատու համարեց հայությունը¹: Թուրքական հետադիմության ողջ կատաղությունը թափվեց անգլեն ու անպաշտպան հայ ժողովրդի գլխին: Պահը հարմար էր գործողության մեջ դնելու ցեղասպանության վաղուց մշակված ծրագիրը, որին պատերազմից դեռ շատ առաջ իր լիակատար համաձայնությունն էր տվել դաշնակից կայսերական Գերմանիան:

Պատերազմի առաջին օրերին Գերմանիան մի քանի փորձ ևս արեց Ռուսաստանի դեմ մղվող կովում հայերի համակրանքը շահելու, ինչպես Թուրքիայում, այնպես էլ Անդրկովկասում նրանց վրա հենվելու համար: Իրենց ազատագրությունը ուսական զենքի հաղթանակի հետ կապող հայերի անսասան դիրքը, ուսաների նկատմամբ նրանց անկեղծ հավատարմությունը ի դերև հանեցին գերմանացիների հույսերը: Նրանք պարզ տեսնում էին, որ հայերը թե՛ Ռուսաստանում և թե՛ Թուրքիայում տենչում են ուսական զենքի հաղթանակը: Ուստի անհրաժեշտ էր առանց երկմտելու Ռուսաստանին զրկել հայերից, նրանց համակրանքից ու աջակցությունից:

Վ. Ի. Լենինը նշում էր, որ համաշխարհային պատերազմը «անգլեն ժողովուրդների ամենազագանային բնաջնջման, ոչընչանցման» պատերազմ է²: Հիրավի, այդ պատերազմը բառիս բուն իմաստով բնաջնջում բերեց արևմտահայությունը:

Իմպերիալիզմի պատմական դարաշրջանին էր զուգահեռակալ հայ և թուրք դարավոր կնճոխ ծայրահեղ սրումը: Մեծ տերությունների միջև ծովացած քաղաքական հակամարտության պայմաններում հայ ժողովուրդը շուտով դառնալու էր իմպերիալիզմի դարաշրջանի առաջին մեծ զոհը:

Պատերազմի հենց առաջին օրից ռազմական թատերաբեմ էր դարձել Արևմտյան Հայաստանը: Օգտագործելով պատերազմա-

¹ Տե՛ս Н. Г. Корсун, Сарикамышская операция, Госвоениздат. М., 1937; А. О. Арутюнян, Кавказский фронт 1914—1917 гг., էջ 133—134:

² Սարգիս և Միսակ Բղէկանեք, Հարազատ պատմություն Տարոնք, էջ 318:

³ Նույն տեղը, էջ 319:

¹ Տե՛ս В. В. Готлиб, Тайная дипломатия во время первой мировой войны, էջ 153—154:

² Վ. Ի. Լենին, ՆԺՏ, հ. 32, էջ 102:

կան իրադրությունը, երիտթուրքերի կառավարությունը գերմանական իմպերիալիստների հովանավորությամբ իրականացրեց թուրքական ռեակցիոն վերնախավերի վազեմի մտադրությունը: Աբդուլ Համիդի կազմակերպած հայերի մասսայական կոտորածներից իթթիհադն անցավ հայերի համատարած բնաջնջման քաղաքականության պրակտիկ իրականացմանը: Թուրք ջարդարարները ոճիրը նախապատրաստեցին դիվային նենգություն՝ զգուշորեն, բայց դաժան հետևողականությամբ:

Ինչպես վերևում տեսանք, նախկինում թուրքական կառավարությունը ինքնապաշտպանության դիմած հայերի հետ վարվում էր արևելյան բռնապետության և օսմանների կրոնական մոլեռանդության կանոններով: 1915 թվականին հայերի հետ վերաբերվելու այդ սկզբունքներն ու կանոնները վերածվեցին «թշնամիներին» գլխովին բնաջնջելու իրավունքի:

Թուրքական պետական պաշտոնյաները բացեիքաց հայտարարում էին, թե շուտով, շատ շուտով հայերի գլխին այնպիսի կրակ են թափելու, որ նրանք այլևս չեն մտածելու և չեն խոսելու հայկական խնդիրների մասին:

Արդեն 1915 թվականի սկզբներից այս կամ այն գավառից լուրեր էին ստացվում հայերի ջարդերի մասին: Նույն թվականի փետրվարի կեսերին տեղի ունեցավ «Միություն և առաջդիմություն» կուսակցության կենտրոնական կոմիտեի գաղտնի նիստը՝ Թալեաթի նախագահության մոտ: Ժողովին ներկա էին էնվերը, Զիա Գեռքալիքը, Միդհատ Շուքրին, Բեհաեդդին Շաքիրը, Նազրմը, Ղուսեին Ջահիդը, Կարա Քեմալը, Խալիլը, Հասան Տեհմին, Ահմեդ Աղա օղլուն, Ջավիդը, Մեվլան Կադե Ռիֆաթը, այսինքն՝ երիտթուրքերի բոլոր աչքի ընկնող գործիչները, բացառությամբ Զեմալ փաշայի, որը գտնվում էր եզիպտական ձակատում: Բացակայում էր նաև կոմիտեի միակ հայ անդամը՝ Պետրոս Հալաջյանը:

Իթթիհադական կենտկոմի այս գաղտնի նիստում քննարկվեց հայերի տեղահանման և նրանց ֆիզիկական ոչնչացման հարցը՝ Զեկուցումով հանդես եկավ կենտկոմի քարտուղար Նազրմը: Միաձայն որոշում ընդունվեց գործողության մեջ դնել հայերի բնաջնջման ծրագիրը:

Նիստի մասնակիցներից մեկը՝ իթթիհադի կենտկոմի անդամ բուրք Մեվլան Կադե Ռիֆաթը, հետագայում դուրս գալով «Միություն և առաջդիմություն» կուսակցության շարքերից, գրեց:

«Օսմանյան հեղափոխության մութ ծալքերը» խորագրով գիրքը, որը հայերեն թարգմանությամբ լույս տեսավ Բեյրութում, 1938 թվականին: Գրքի հեղինակն արժեքավոր մի շարք մանրամասնություններ հաղորդեց այն մասին, թե երիտթուրքերի ոճրագործ ոճմակն ինչպես էր ձեռնամուխ լինում հոշոտելու իր անգնն գոհին: Ահա մեկ-երկու քաղվածք հայ ժողովրդի սպանդի գլխավոր պատասխանատուներից մեկի՝ բժ. Նազրմի՝ կոմիտեի նիստերից մեկում արտասանած ճառից, որն իր գրքում մեջ է բերել Մեվլան Կադե Ռիֆաթը: «Այս ժողովներում բազմաթիվ անգամ ես խոսել եմ: Դարձյալ կրկնում եմ, եթե այս մաքրագործումը (հայերի գլխովին ոչնչացումը:— Հ. Ս.) ընդհանուր և վերջնական չի լինելու, ապա օգուտի փոխարեն [մեզ] վնաս կգա: Պետք է արմատից պոկել հայությանը: Մեր երկրում մի հայ անգամ չպետք է թողնել, պետք է մեռցնել հայ անունը: Պատերազմի մեջ ենք, և սրանից ավելի լավ պատենություն չի կարող լինել: Մեծ պետությունների միջամտություն չի կարող տեղի ունենալ և աշխարհի մամուլի հարայ-հրոցը նույնպես չի լսվի: Եթե նույնիսկ լսվի էլ, գործը արդեն կատարված ու վերջացած կլինի: Ահա թե ինչու այս անգամ ես առաջարկում եմ վճռակա՜նորեն օրակարգի մեջ դնել [հայերի] բնաջնջման գործողությունը: Ոչ մի հայի կենդանի չթողնելու պայմանով միայն պետք է դիմել: Նրանց ոչնչացմանը»:

Ապա, որպեսզի նիստի մասնակիցներից որևէ մեկի մոտ կասկած չմնա իր իրավացիության նկատմամբ, հայակեր այդ հրեշտ, կոմիտեի անդամներին դիմելով, շարունակել է. «Զեզանից ումանք թերևս ասեն, թե այս աստիճանի վայրագություն թույլատրելի՞ է կամ ինչ վնաս կարող է գալ երեխաներից, մանուկներից, ծերերից, հիվանդներից, որ նրանց բոլորին սպանելու պատրաստություն է տեսնվում: Պիտի ասեք, թե նա միայն պետք է պատժվի, ով հանցավոր է և ոճրագործ: Իր տան կամ տնակի մեջ նստած անօգնական ժողովրդին, ծծկեր-մանուկներին հարձակման ենթարկելը վայրենություն է, հակառակ է քաղաքակրթությանն ու մարդկայնությանը: Կասեք, թե բժ. Նազրմն էլ ծայրահեղ է, տրամաբանությամբ չի մտածում: Խնդրում եմ, էֆենդիներ, թույլությանը և սրտի փափկությանը այդ աստիճան գոհ չգնալ: Դա վատ հիվանդություն է: Ահա ձեզ պատերազմական վիճակ: Զեզ բոլորիդ հարցնում եմ. ի՞նչ է պատերազմը: Վայրենություն չէ՞: Երկրագործին իր գյուղից բռնելու և պատե-

րազմի ճակատ տանելը նրան մեռցնել չի՞ նշանակում: Արհեստավորին խանութից վերցնելով և շրապնելի հարվածների տակ զոհաբերելը ի՞նչ է: Ի՞նչ է նա արել: Ի՞նչ հանցանք է գործել, որ այդպիսի աղետալի մահվան է դատապարտվում: Վայրենությունը բխում է բնության օրենքներից:

Այս մտքերի ընդունելը կամ շքեղությունը ըմբռնման հարց է: Բոլոր կենդանիները, նույնիսկ բույսերը իրար ուտում են, իրենց կյանքը երկարացնում են միմյանց բնաջնջելով: Այնպես չէ՞: Կարո՞ղ ենք նրանց ասել, թե իրար միս մի կերեք, խուսափեք միմյանց բնաջնջելուց, քանի որ դա վայրենություն է: Կարո՞ղ ենք ասել»:

Այս տողերը կարգալիս անմիջապես մտաբերում ենք քառորդ դար հետո Ադոլֆ Հիտլերի և նացիստական մյուս պարագլուխների, ֆաշիստական ռասիստ տեսաբանների մարդատյաց մտքերը, որոնք կարծես թե տառացիորեն իթթիհաղականների մտքերի կրկնությունն են:

Բայց խոսքը դարձյալ տանք նազըմին. «Լավ մտածենք: Այս հեղափոխությունը մենք ինչո՞ւ արեցինք: Ի՞նչն էր մեր նպատակը: Սուլթան Համիդի պետական ծառայողներին թիկնաթոռներից գցելը և նրանց տեղը նստե՞լն էր: Ես չեմ կարծում, թե դրա համար [ենք արել]:

Թրթույթունը վերակենդանացնելու համար է, որ ես ձեզ ընկեր, եղբայր և ուղեկից եղա: Ես ուզում եմ, որ միայն թուրքն ապրի: Այո, ես ուզում եմ, որ այս հողերի վրա միայն նա անկախ ապրի: Թուրքից բացի մնացածները, ինչ կրոնի և հավատքի էլ պատկանում են, թող բնաջնջվեն: Եվ օտար տարրերից երկիրը հենց թուրքը պետք է մաքրի: Ինձ համար կրոնը արժեք չունի: Իմ կրոնը թուրանն է»¹:

Երիտթուրքերի այս վայրագ տեսաբանի հարցադրումը պարզորոշ ցույց է տալիս, որ թուրքական բուրժուազիան հայ ժողովրդի ոչնչացումն իր համար դարձրել էր բացարձակ գաղափար: Որոշվել էր կտրել այն կապորդը, որը բողոքում էր:

Հաշվեհարդարը եղավ արագ և արյունալի: Օսմանյան պետությունն օրենքից դուրս հայտարարեց կայսրության մեջ ապրող ամբողջ հայությանը: Ներքին գործերի մինիստր, ապա վարչա-

պետ, պատմության մեծագույն ոճրագործներից մեկը՝ Թալեաթը, հայերի մասսայական բնաջնջումը պետական առաջնահերթ խնդիր համարելով, համապատասխան մարմիններին սառնասրտորեն հրահանգեց՝ անխնա ոչնչացնել բոլորին, մինչև իսկ օրորոցի մանուկներին: Գործի գրվեցին պետական ապարատը, բանակը և ոստիկանությունը, «համիդիները» և շերքեզական ավազակախմբերը:

Թուրքական խորհրդարանի անդամ Վարդգեսը (Սերենկյուլյան), որ Թալեաթի անձնական բարեկամներից էր, հայության նկատմամբ համատարած հալածանքները և սպանությունները սկսելուց հետո գնում է մեծ ոճրագործի մոտ, որպեսզի իմանա պատճառը: Թալեաթը վրդովված նրա երեսին շարտում է. «Մեր ծանր օրերին մեր կոկորդին կպաք և հայկական բարենորոգման հարցը դրեցիք: Հիմա մենք պետք է օգտվենք մեր նպաստավոր դրությունից և ձեր ազգը այնպես ցիրուցան անենք, որ 50 տարի ձեր մտքից հանեք բարենորոգումների գաղափարը»: Վարդգեսի այն հարցին, թե «ուրեմն ուզում եք շարունակե՞լ Աբդուլ Համիդի գործը», Թալեաթը անմիջապես պատասխանում է՝ այո՞:

Հայ ժողովրդի ընդհանուր ցեղասպանության քաղաքականության մեջ մենք տեսնում ենք ոչ թե կառավարության գլուխ կանգնած գործիչների պետական իմաստություն, այլ ցինիկ-բարբարոսական վերաբերմունք անպաշտպան բնակչության նկատմամբ: Հայերի բնաջնջումը դարձավ Օսմանյան կայսրության կառավարման սիստեմի առաջնահերթ խնդիրը. հրով ու սրով թուրք ռեակցիոն վերնախավերը սկսեցին հայերից մաքրել «իրենց» տերիտորիաները:

1915 թվականի ապրիլի 24-ին Կ. Պոլսի հայ մտավորականության փայլուն համաստեղության սպանողով սկսվեց արևմտահայության ընդհանուր, մասսայական ցեղասպանությունը: Իթթիհաղ կոչված բազմագլուխ հիդրան առաջինը շամփրեց հայ միտքը, հայ ազգի ոգին: Ազգային մշակույթի լուսատու ջահերը հոյլերով վար թափվեցին: Քանի՞-քանի լուսավոր ուղեղներ փռշրեցին մարդակերները. Գրիգոր Զոհրապ, Ռուբեն Սևակ, Գանիել Վարուժան... Նրանցից ոչ մեկը շիրիմ չունեցավ: Հանճարեղ Վա-

¹ Մեղբերված է՝ Հայկազն Գ. Ղազարեան, Ցեղասպան թուրքը, էջ 343—344:

¹ Յոհաննես Ափսխուս, Հայաստանի չարդերը, Կ. Պոլիս, 1919, էջ 107: Տե՛ս Էսեկ Սողոմոն Թեկիբեան, Վերջիշումներ, էջ 374:

րուժանին դաշունահարելուց հետո դահիճները հանեցին նրա աչքերը, իսկ անտիպ բանաստեղծական գոհարների վեց տետրերը անշնչացած բանաստեղծի գրպանից հանեց դահիճներից մեկը, որ նպարավաճառ էր, և օգտագործեց ձիթապտուղ ու պանիր փաթեթավորելու համար...

Թուրքերն այնուհետև տենդագին շտապողականությամբ ոչնչացրին զինվորական ծառայության կանչված 300 հազար հայ երիտասարդների՝ հայության ծաղիկ սերունդը: Չնայած այն հանգամանքին, որ թուրքական բանակի հայ զինվորները և սպաները ռազմի դաշտում ապացուցեցին իրենց օրինապահ հպատակությունը, այնուհանդերձ թուրքական զինվորական իշխանությունները նախ նրանց զինաթափեցին ու բանակից հեռացրին՝ օգտագործելով միայն թիկունքային աշխատանքներում՝ որպես «ամուլե թափուրու», իսկ հետո էլ համարյա բոլորին կոտորեցին զորանոցներում կամ ձորերում ու անտառներում: Հազարավոր հայ տղաների էլ հանում էին խրամատներից և հենց տեղում գնդակահարում¹:

Ապա բանակը, ոստիկանությունը, քրդական ու չերքեզական ավազակախմբերը թափվեցին Արևմտյան Հայաստանի և Թուրքիայի բոլոր վայրերի անպաշտպան հայկական գյուղերի ու քաղաքների վրա: Ոստիկանություն վայրագություն սկսեց բզկտել անպաշտպան արևմտահայ ժողովրդի մարմինը:

Տեսարաններն ամենուրեք սահմակեցուցիչ էին: «Ահավոր բան մը այնտեղ կկատարուի մութին մեջ» (Վ. Թեքեյան): Նախապես տղամարդկանց բաժանեցին կանանցից և երեխաներից, ապա սրերի, դանակների հարվածներով, հրացանի սվիններով, անգթության հազար մեթոդներով սպանեցին նրանց:

Հայկական գյուղերի եկեղեցիներն ու մարազները, լցված երեխաներով, ծերերով, կանանցով ու աղջիկներով, հրդեհի բոցերով բռնկված ծխում էին: Ճնևճահոտ թանձր մուխը մատախուղի նման պատել էր բնակավայրերը: Մանուկները մորթոտվում էին օրորոցում, պատանյակները և պարմանուհիները զարհուրանքից խոշորացած աչքերով երկար կականներ էին արձակում, արշուկվիկ մատներով կանայք ճանկոտում էին հողն ու քարերը, բազուկները երկինք պարզած ողբով ու ծղրտոցով աղերսում էին,

նվաղում: Ծիչն ու արցունքը խառնվել էին իրար, սոսկումի աղաղակները լցվել էին դաշտերը: Երկինքն անգամ չէր կարողանում հանգիստ նայել բզկտվող ժողովուրդին:

Ամեն տեղ կոտորած, բռնաբարո՛ւմ, թալան: Ամեն տեղ անմեղ ու դժբախտ զոհերի սրտաճմլիկ ու աղեկեղ ճիչեր, անզոր անեծքներ, որ նրանք երկինք էին բարբառում: «Ինչո՞ւ, ինչու» աղերսախառն հառաչանքն էր սառած հազարավոր ու հազարավոր մայրերի ու մամիկների աչքերում, որոնք դահիճների առջև չոքած գթություն էին աղերսում իրենց փեշերից պինդ բռնած, աշնան տերևի նման ահից զողացող ու սվավացող մանկիկների համար: Բայց ավա՛ղ: Քինոտ դաշույնն, արդեն քանի՞-քանի սրտեր պատած, էլի մորթում էր անխնա...

Գյուղերից ու քաղաքներից ծայր առած մարդկային սոսկահար ու շփոթ քարավանները ոչնչացվում էին լերկ անապատների մոտում, ձորերում ու կիրճերում, խեղդամահ արվում հորդառատ գետերում: Ամենուրեք առ ու փախ, ալան-թալան: Թալանչիները դեռ մութուլուսին գործի վրա էին¹: Սրանցից էլ հաճախ ավարը խլում էին ճամփաների դարանակալ ավազակները...

Ահա հազարավոր հայ գյուղերից մեկի՝ Խարբերդի վիլայեթի Բալու գավառակի Պաղնատան (Պաղին) գյուղի ողբերգությունը: Գյուղում կային հարյուրավոր քարաշեն տներ, 1000-ից ավելի բնակիչ, գործում էր Արամյան վարժարանը, որտեղ դասավանդում էին Պոլսում և Եվրոպայում կրթություն ստացած մանկավարժներ: Եկեղեցուն կից կար մի այլ դպրոց ևս, ետուղեռ էր գյուղի ակումբում: Պաղինի բնակիչները զբաղվում էին հողագործությամբ, գանազան արհեստներով և առևտրով: 1915 թվականի մայիսի սկզբներին դադարեց գյուղի գոյությունը: Ականատեսը պատմում է. «Մայիսի 5-ի առավոտյան կը հավաքեն բոլոր տղամարդերը, մինչև անգամ 10—12 տարեկան տղաքը և 80—90 տարեկան ծերունիները: Ամենն ալ իրարու կը կապեն պարաններով. ապա օր մը վերջ, այն է՝ մայիսի 6-ին, խումբ առ խումբ կը հանեն գյուղեն դուրս ձոր մը, գոր տեղացիները կը կոչեին Պողոյի ձոր: Եվ հոն կը կատարուի ամենն դարհուրելին: Բոլորն ալ կը կոտորուին կացիներով, սուրիներով ու սուրերով:

¹ Հայրենի թալանող թուրքերը ծաղրելով և խնդալով նրանց ասում էին. «Հայրենակից, ներողամիտ եղբր, երբ վերադառնաս, ունեցվածքդ անպատճառ ետ կստանաս» (տե՛ս Կարապետ Գուլիանե (Հովիվ Աղեմի), Գիրք Էրց հայոց, Պեյրութ, 1955, էջ 312):

¹ Այդ մասին տե՛ս Գ. Սյուրմելյան, Տաճկահայ զինվոր և զինվորականությունը նախ տաճկական, ապա հայկական բանակներում մեջ, Բեյրութ, 1967:

Ջարդարարները խոշոր-խոշոր քարեր իսկ կը գործածեն զոհե-
րուն զլուխները ջախջախելու համար, բայց գնդակ մը անգամ
չեն արծակեր իրենց հրազեններէ: Արյունարբու ոճրագործները
անպատկառ հեզանքով մը կը սեղեն. «Գնդակնիս մեղք է, որ ձեզի
համար գործածենք»¹: Այնուհետև «քյուրտ խուժանը, որ կը սպա-
սեր շրջակա լեռները, իսկոյն լեցուելով գյուղ՝ կը սկսի թալան ու
բռնաբարում: Կիները խելագարի պես կը վազեն հոս ու հոն,
ազատուելու համար խուժանի ձեռքեն»²: Բայց զուր:

Պատվախնդիր կույս աղջիկները և մանկամարդ կանայք
ամենախայտառակ խենեղութեամբ պղծվեցին: «Երիտասարդ աղ-
ջիկներն ալ առանգուեցան. մնացած կիներն ալ մաս մը տարին
ձոր մը և բռնաբարելէ ետք, շատերուն որովայնները փողոտեցին
սուիներով: ... Ձոր ու լեռներ բռնուեր էին զոհերուն ձիչ ու
հոնդունով: Դիակներ կը դիզուեին իրարու վրա...»³

Պաղինը պատուհասած ջարդը ողջ արեւմտահայութեան ողբեր-
գութեան սոսկ մի մանրանկար էր: Պաղինում կատարվեց այն,
ինչ կատարվել էր, կատարվում էր կամ պիտ կատարվեր բոլոր
հայարնակ վայրերում:

«Այդ օրերուն,— պատմում է կոտորածներից հրաշքով փրկվ-
ված ականատեսներից մեկը,— ճամբաներու երկայնքը, փողոց-
ներուն մեջ լքուած անտեր հայ մանուկներ տեսնելը սովորական
բաներ էին: Եվ որպեսզի այս որբերը ճամբորդներու ուշադրու-
թյունը չգրավեն, Խարբերդի դաշտին ամենեն արյունարբու մյու-
տյուրը, Գեղվանքի կառավարիչ Շիլ Հասանը որբանոց դնելու
պատրուակով զանոնք խլել էր իրենց մայրերեն ու լեցուցեր ըն-
դարձակ ցանկապատի մը մեջ: Բայց քանի մը օրուան ընթաց-
քին, անոթութենեն հալած՝ այս յորս հազար կոկոնները կը դառ-
նան մեյ մեկ ստուերներ: Հաց ու ջուր կաղաղակեն, կու լան ու
«մայրիկ» կը կանչեն: Վերջապես կառավարիչը կընտրե մանուկ-
ներու բնաջնջման ամենեն զարհուրելի ձևը: Ցրուել զանոնք շրբ-
ջակա գյուղերուն մեջ, յանձնելու համար դահիճներու տապա-
րին: ... Արյունոտ զահիճները այդ գիշեր անոնց աղվորիկ
զլուխները քարերուն վրայ ջարդեցին: Իսկ մնացեալները, որոնց

աղեկուտը ձայները սիրտ կը բզկտեին, տեղվոյն հրեշ կառավա-
րիչ (կամակատարը Պեհաէտտին Շաքիրի) զանոնք Քյուրտեմ-
լիկի ձորը դրկելով՝ իր ներկայութեան, ողջ-ողջ թաղել տուավ»⁴:
Ահա թե ինչ էր կատարվում Բաղեշից Մուշ տանող ճանա-
պարհին: Պատմում է թուրք ականատեսը.

«2300-ի շափ կիներ ու երեխաներ... կը բշին մտրակներու
տակ: Անոնք, որ ոտքի վրայ չէին կրնար կենալ, տեղն ու տեղը
կը սպաննուեին: Շատ մը կիներ, չկրնալով հետերնին տանիլ
իրենց զավակները, զանոնք լքեցին ճամբուն եզերքը, անանկ որ
հազիվ քիչ մը հեռացած, 400—500 փոքր երեխաներ լքուած
մնացին ճամբուն վրայ, մեկէն մինչև 4—5 տարեկան: Կարա-
վանը դեռ Երըշտեր շհասած, Սլեման Օնպաշին, ձերբակալուած
4—5 հայերու կոնակը մեյ մեկ թիթեղ քարյուղ բեռցնելով, գի-
նուորի մը հակողութեան տակ, դրկեց Երըշտեր: Յետոյ,
ժանտարմներեն իմացայ, որ այդ ամբողջ բազմութեանը՝ այն-
տեղի մարագներու մեջ լեցնելով՝ վառած են»:

Իսկ ի՞նչ եղան ճամփի վրա լքած երեխաները: «Սլեման Օն-
պաշին հրամայեց 15-ի շափ քոլոսիկցի քյուրտերու և մեկ քանի
տղոց, որ ճամբուն վրայ լքուած երեխաներուն համար մեծկակ
հոր մը փորեն և այդ փոքրիկները հավաքելով մեջը լեցնեն և
հողով ծածկեն: Զիս ալ դրկեց անոնց հետ: Ամբողջ պատիկները
տեղ մը հավաքեցինք, բավական խորունկ փոս մը փորեցինք:
Քոլոսիկցի Պատոն սկսավ մանկիկները շարել այդ փոսին մեջ և
իր իսկ ձեռքով կոշտ-կոշտ հողեր խոթել այդ մանկիկներու թեր-
նին մեջ և ոտքով ալ կոխել անոնց բերաններուն մեջ, որպեսզի
շունչ չկրնային առնել ու խեղդամահ ըլլային: Այդպիսով, այդ
անմեղ երեխաները բոլորն ալ խեղդամահ եղան: Իսկ անոնք, որ
հինգ տարեկան էին և դժուարավ կը խեղդուեին, կամ բերանին
չէին բանար, քարով կը կոտրեր անոնց ատամները և հող լեց-
նելով՝ բռնամահ կ'ընէր: Վերջին ալ, հողով ծածկեցինք այդ
փոսը...»

Երբ գյուղ վերադարձանք, տեսանք որ Երըշտեր գյուղի վրայ
(Խասգյուղեն հինգ քիլոմետր հեռու) թանձր մուխ մը կը բարձ-
րանար: Մեկ-երկու ժամ յետոյ հայ կիներն ու երեխաները տա-

¹ «Պատմություն Պաղնատան», Պոսթրն, 1966, էջ 140:

² Նույն տեղը, էջ 143—144:

³ Նույն տեղը, էջ 150:

⁴ Սարգիս Կ. Խաչխաչեան, Ազգային ապրումներ, տպ. Տոնիկեան, Պեյ-
րութ, 1967, էջ 162—164:

նող ժանտարմենները ետ դարձան»¹: Դժբախտ զոհերի դիակները դեռ մխում էին...

Հայության սպանդն իրականացվում էր ամենահրեշտավոր մեթոդներով: Դժբախտ զոհերին վիճակված էր կրելու իրենց ազգային պատվի անարգումը՝ ամենասպանիչ վիրավորանքներով և նողկալի պղծագործություններով:

Ահա դահիճների նախընտրած «գրաղմունքներից» մեկը: Զոկում էին հղի հարսներին, շարք կանգնեցնում, ապա գրաղբոնում՝ պարզելու համար, թե դժբախտ հայուհու արգանդում հասունացող զավակը արո՞ւ է, թե էգ: Այնուհետև հետևում էր շլսված բարբարոսական արարքը. արյունարբուները դաշույնով պատռում էին զոհերի որովայնը և պտուղը դուրս թափում: Փուլթ շէր, եթե այս անգամ գրազը տանուլ էր տրվում: Զէ որ հերթի էին տասնյակ ուրիշ հղի կանայք: Արյունոտ դաշույնը խոստանում էր անպայման հաջողություն բերել:

Մովամերձ վայրերում հայերին տասնյակ հազարներով ոչընչացնելու տարածված ու «հարմար» ձևերից մեկը նրանց ծովամոյն անելն էր՝ պարանոցներին ծանր քարեր կապելով: Տրապիզոնի կուսակալ Ջեմալ Ազմին հետևյալն է պատմել մի առիթով. «Տրապիզոնի հայերուն երկսեռ առողջ ու սիրուն մանուկները զատեցի, մեկ քանին, 10—13 տարեկան, նուեր տուի տղուս, իսկ մյուսներն ալ կողովներու և սնտուկներու մեջ տեղավորել տալով ծովը թափել տուի:

«Պու սենէ խամսի շողալսըն» (Այս տարի խամսի ձուկը թող շատանա), — ավելացրել էր ճիվաղը ծիծաղելով...²:

Հ. Մորզենթաուն, որ այդ օրերին Թուրքիայում ԱՄՆ-ի դեսպանն էր, հետագայում վերապատմել է Պոլսի ոստիկանապետ Պետրի բնյի հետ ունեցած իր մի զրույցը: Ոստիկանապետը դեսպանին մեծ կրքով նկարագրել է, թե թուրքերը շարժարանքի ինչպիսի մեթոդներ են գործադրում հայերի նկատմամբ, որ ինքը խանդավառված է ատելի հայ ցեղը բնաջնջելու հաջող ընթացքով: Նա դեսպանին ասել է, որ հայերին շարժարելու և սպանելու նոր մեթոդներ կիրառելու հարցերը պարբերաբար քննարկվել են «Միություն և առաջադիմություն» կուսակցության կենտ-

րոնական կոմիտեի գիշերային նիստերում և հատուկ խորհրդակցություններում: Քանի որ շարժարանքի յուրաքանչյուր նոր մեթոդ ողջունվում էր իբրև մի գյուտ, ապա այդ նիստերի և խորհրդակցությունների մասնակիցներն իրենց միտքը մշտապես մարզում էին մարդկանց խեղդելու և սպանելու նոր միջոցներ ու մեթոդներ հնարելու ճիգ ու ջանքով: Զարդերի կազմակերպիչներն ամենայն ուղադրությամբ ուսումնասիրել էին միջին դարերի իսպանական ճիզվիտների, ինկվիզիցիայի վարպետների, ինչպես նաև մարդկանց ոչնչացման բոլոր այն մեթոդները, որոնք արձանագրված են պատմական հիշատակարաններում:

Ահասարսուռ դեպքերին ականատես ազնվահոգի դանիացի օրիորդ Մարիա Յակոբսոնը, որն անպարփակ նվիրումով ճիգ էր գործադրում ինչ-որ բանով օգտակար լինել դժբախտ հայերին, իր օրագրում գրել է. «Թուրքերի փափազը հայերի մահը դժվարացնելն է: Եվ այդ այնքան՝ որքան կարելի է: Բնաջնջել հայ ազգը շատ ծանր շարժարանքներով: Տարաբախտ մարդիկ. ի՞նչ տառապանքների միջով են անցնում, մինչև որ մահ են գտնում: Նրանք մեռնում են ամեն օր, ամեն ժամ, մինչև որ կնքում են իրենց մահկանացուն»:

Երիտթուրքական մարդասպանները միմյանց հետ մրցում էին հայերի ոչնչացման նողկալի մրցանակ շահելու համար: Շահողները շատ-շատ էին: Բայց, ինչպես վկայում են ականատեսները, բովանդակ Հայաստանում վատահամբավության հուշակ էր վաստակել Վանի կուսակալ Ջեվդեթ բեյը: Մարդկային սպանդի և դժոխքի այս քրմապետը հնարել էր այն, ինչ որ թերևս բոլոր շարժարանքների գլուխգործոցն էր. իր հայ զոհերի ոտքերին նա պայտեր էր գամում...¹

Կրոնական պետերը թուրք, քուրդ և չերքեզ հավատացյալներին հորդորում էին, որ ամեն մեկը գոնե մեկ գյավուր պետք է սպանի զազի դառնալու համար: Սրանք, կրոնական նախանձախնդրությունից քաջալերված, կույր մոլեռանդությամբ իրենց զավակներին պատվիրում էին կատարել այդ «սուրբ» պատվիրանը:

Կրոնական մոլեռանդությունը, խառնված գինվորական անգթության հետ, անցնում էր բարբարոսության ամեն չափ ու

¹ Սադգիս և Միսակ Բդեհանեք. Հարազատ պատմություն Տարոնոյ, էջ 569:

² «Թեհլիրեան արդարահատոյցը», Պեյրութ, 1981, էջ 52:

¹ Տե՛ս «Յուզամատուան Մեծ եղեռնի. 1915—1965», Պեյրութ, 1965, էջ 1057:

սահման: Հրդեհներում հրկիզվող, ջրերում խեղդամահ արվող հազարավոր երեխաների սարսափահար ճիւղերը, ծնկաշոք մամիկների լալահառաչ աղոթքները, կանանց աղերսանք-պաղատանքները և սրտակտուր կանչերը, ծերունիների հորդորները և խնդրանքները մաղաչափ անգամ չէին շարժում մարդակերպ բորենիների գուլթն ու խղճմտանքը: Իսկ օսլայած օձիքով գերմանացի սպաները անտարբեր դիտում էին, թե մարդկության ընտանիքի մի անդամն ինչպես է ոչնչացնում նույն ընտանիքի մյուս անդամին: Տեղի էր ունենում մարդկային պատմության ամենաանուշիկ ու ամենաքստմունքի ոճրագործություններից մեկը, արհավիրքներից ամենաղարհուրելին¹: Բանն այնտեղ հասավ, որ Թուրքիայի այն օրերի հայ պատրիարքը սարսափահար գրեց. «Պատմությունը երբեք չի տեսած, չի պատմած այնպիսի նախճիւր մը, որուն համար հիմա սկսած ենք սուլթան Համիդի ժամանակները մեր երջանիկ ժամանակները համարել»²: Հրդեհվել էր հայոց ճակատագիրը:

Իսկ ի՞նչ էր անում դաշնակցությունը, որն իրեն վերագրել էր ժողովրդի բախտի տնօրենի գերը: Կուսակցությունը շանթաւար վիճակում էր, իսկ նրա ապիկար պարագլուխները, որոնք տարիներ շարունակ «եղբայր» երիտթուրքերի գովքն էին հյուսում, այժմ միանգամայն անգոր էին որևէ ձևով հակազդելու նրանց գործողություններին: Ավելին, այդ պարագլուխներից շատերը կարծանարար մտայնության զոհ լինելով, չէին սթափվում, չէին հասկանում, թե ինչ է կատարվում իրենց շուրջը: Այսպես, օրինակ, Ակնունին (Խաչատուր Մալումյան), գտնվելով Չանդորը բանտում, սպանվելուց առաջ միամտաբար ասել է. «Ո՞նց կը լինի, որ ընկեր Թալեաթը մեզ այստեղ է ուղարկել: Գուցե [ուղարկել է] մեր կյանքի ապահովության համար...»³

¹ Հայոց Մեծ եղեռնի մասին հսկայածավալ գրականություն է ստեղծվել: Արժեքավոր են հատկապես փաստաթղթերի, վավերագրերի այն ժողովածուները, որոնք լույս են տեսել ինչպես արտասահմանում (օրինակ՝ գերմանական արխիվներից Շ. Տաշյանի քաղած և հրատարակած վավերագրերը), այնպես էլ մեզնում (տե՛ս «Генощия армян в Османской империи. Сборник документов и материалов под ред. проф. М. Г. Персенеяна, изд-во АН Арм. ССР, Ереван, 1965):

² Զավեն առք. Տեր-Նղիաևան, Պատրիարքական հուշերս, Գահիրե, 1947, էջ 140:

³ Գերսամ Անարոնեան, Խոհեր հիսնամեակի ավարտին, 1915—1965, Պեյրութ, 1966 էջ 133:

Աշխարհացրիվ տարագիր հազարավոր հայ ընտանիքներում կոտորածներից վերապրածները տասնյակ տարիներ պատմել և այժմ էլ ահավոր սարսափի սարսուռներով պատմում են վայրագ ու ոճրագարստ թշնամու՝ Թուրք ցեղասպան կառավարության կողմից գործադրված սոսկալի շարչարանքների, խժոյժությունների և զանգվածային սպանության բազմատեսակ ձևերի մասին զրվագներ ու դեպքեր, որոնք մարդկային մտքին խորթ ու անհավատարի են: Ո՛չ ստեղծված մեծաթիվ պատմագիտական երկերը, ո՛չ էլ ականատեսների հուշերը չեն կարող տալ ողբերգության ու մարտոտմների, մղձավանջի ու սոսկալի ոճրի իրական, ամբողջական պատկերը:

Այդ արշունայի օրերին իրենց կյանքը վտանգելու գնով հայերին ձեռք էին մեկնում արաբ, հույն, քուրդ, Թուրք աշխատավոր մարդիկ:

Աքսորված հայերին օգնություն էին ցույց տալիս արաբները: Հայ ժողովրդի գիտակցության մեջ, նրա հոգու խորքում ընդ-

⁴ Առաջին համաշխարհային պատերազմի տարիներին հայության սպանող և բռնադատողի, Արևմտա-աշխարհի ամայացման ու բռնազրկման պատմությանը նվիրված բազմաթիվ ուսումնասիրությունների և հուշերի գրքերից են Ս. Զարեվանյի «Անցողիկ տպավորություններ» (Նյու Յորք, 1924), Կ. Գարիկյանի «Եղեռնապատում» (Սոֆիա, 1936), Թևոդոսի «Հուշարձան 1915 ապրիլի 24-ի» (Ալեքսանդրիա, 1939), Հ. Թուրքյանի «Գրուագներ հայկական եղեռնին» (Վենետիկ, 1949), Լ. Մեսրոպի «1915 աղետ և վերածնունդ» (Փարիզ, 1952), Ս. Թաշյանի «Սև հույեր մղձավանջային յոթ տարիներում 1915—1922» (Բեյրութ, 1952), Մ. Էմերյանի «Աքսորի և պատերազմի կրակներուն մեջեն» (Բոստոն, 1952), Մ. Պերպերյանի «Խաչին ճամփան» (Փարիզ, 1953), Լ. Մեսրոպի «Տեր Զոր» (Փարիզ, 1955), Ե. Սիմոնյանի «Իմ Գողգոթան» (Անթիլիաս, 1960), Ա. Միրաբյանի «Վերքեր և ցավեր» (Անթիլիաս, 1960), Ա. Տեր-Գյուրգենյանի «Կեանքիս սև էջը» (Անթիլիաս, 1960), Օ. Հեթմանյանի «Սասունի հայրենական տխուր բաժինը» (Փարիզ, 1961), Գ. Թագվորյանի «Հույսերի և տառաւորների տարիներ 1908—1915» (Կահիրե, 1961), Մ. Սեակի «Հայկական Մեծ եղեռնը և մենք» (Նյու Յորք, 1964), Մ. Տևոթմաճյանի «Արևան հետքերով» (Նյու Յորք, 1964), Մ. Շատտանջյանի «Հայ մտքին հարկը եղեռնին» (Անթիլիաս, 1965), Հ. Արծրունու «Մահուան ձորին մեջ» (Բեյրութ, 1965), Ս. Մեսրոպյանի «Ես Տեր Զորի դժոխքին փախած եմ» (Փարիզ, 1966) և այլն: Հոգու տառապանքով զրկված և սև ժայգիներից մատուցաններից ամեն մեկը կակիտներից հյուսված և սև ժայգիներիցով երկզված լուսաշող պսակ է անմեղ ու անթաղ զոհերի հիշատակին: Բայց դրանք իրենց նկարագրություններով տառապանքի անեղր ծովի շնչին վկայություններ են միայն: Իսկ ԼԹԵ միլիտենավոր զոհերից յուրաքանչյուրը մի հրաշքով ինքը պատմեր իր ողբական և կործանման մասին...

միշտ դրոշմվել է արաբ ազնվաճոգի ժողովրդի կերպարը: Դարեր են անցնելու, բայց մեր ժողովուրդը չի մոռանալու, որ իր պատմության ամենաճակատագրական, ամենաղթնդակ, ամենասև օրերին արաբ ժողովուրդը օգտակար եղավ իրեն: Անապատի բերվիճները, արաբ ուղտապանները, աղքատ գյուղացիները հավաքում, ի մի էին բերում իրենց բնօրրանից պոկված, հյուծված, հիվանդ ու հալածված, անապատի ավազուտներում դեգերող դժբախտ կանանց ու որբուկներին, նրանց օթևան տալիս, խնամում, կիսում հացի պատառը: Սովետական Հայաստանի թանգարաններում և արխիվներում պահպանվում են փաստաթղթեր ու վավերագրեր, որոնք պատմում են արաբ ժողովրդի այս սրտառու վերաբերմունքի բազում դրսևորումների մասին:

Հայերին օգնում էին կայսրության քաղաքաբնակ հույները: Իրենց հայ բարեկամներին մարդասպաններից թաքցնելու համար շատ հույներ իշխանությունների կողմից ենթարկվեցին ամենախիստ պատիժների:

Քուրդ աշխատավորներից շատերը նույնպես ապաստան էին տալիս իրենց բարեկամ հայերին, նրանց փրկում ստույգ մահից: Այսպես, Տարոնի Խերզանի Շեկոյի տան քրդերն իրենց մոտ թաքցրին Մշո դաշտի մի քանի հարյուր հայերի¹: Հաղարավոր հայերի փրկեցին Դերսիմի քրդերը²: Հայության շարժերին մասնակից քրդերից շատերը հետագայում խորապես զղջում էին էրենց արարքների համար և մեռնելիս մեղքերի թողութուն էին խնդրում:

Կիսաթուրքացած քուրդ մտավորական, օսմանյան աղդեցիկ պետական գործիչներից Շերիֆ փաշան դատապարտում էր թուրքերին, որ օգտվելով իր ցեղակիցների քաղաքական տգիտությունից, նրանց մղել են մասնակից դառնալու հայ ժողովրդի կործանմանը: Եղեռնի օրերին նույն Շերիֆ փաշան «Ժուռնալ դը ժնևի» 1915 թվականի սեպտեմբերի 18-ի համարում բողոքի մի գրություն հրատարակեց, ուր գրում էր. «Ամենաանզգա մարդու սիրտն իսկ այժմ արյունոտվում է, երբ մտածում է, որ ամենաբարձր ձիրքերով օժտված այս ժողովուրդը... գտնվում է պատ-

մությունից անհետանալու վերջին կետի վրա: ...Ես իմ ցասումն եմ հայտնում զոհված և մեռնող այս ազգի դահիճներին»: Այնուհետև նա ափսոսանքով ու ցավով շեշտում էր, որ հակառակ «հաճախակի իր զգուշացումներին, ... դաշնակցություն կուսակցությունը սահմանադրության շրջանում խաբվեց, գործակցեց և պաշտպանեց երիտասարդ թուրքերին»:

Ողջ մնացած հայերի մի մասը, որ ապաստանել էր Սիրիայի հյուսիսային անապատային շրջանում՝ Տեր Զորից մինչև Ղամրշի (Տեր-էլ-Զոր, Տարաս, Հասիչե, Ռաս-էլ-Այն, Տերպեսիե, Ամուդա, Թել-Քոչակ, Ղամրշի և այլն), լավ վերաբերմունք գտավ տեղի քրդերի կողմից և այնուհետև տասնյակ տարիներ նրանք միասին ապրեցին բարեկամական սերտ փոխհարաբերությունների մեջ:

Դեռ հայերի հետ հաշիվները լիովին չմաքրած, իթթիճազական կառավարությունը հալածանքներ սկսեց քրդական մի շարք անհնազանդ ցեղերի դեմ, որոնք, ինչպես նշում է Ա. Ալպոյաճյանը, «դեմ էին թուրքերուն և հայկական տարագրություններուն ատեն օգնեցին հայերուն որքան որ կրնային, պատսպարան ընծայելով անոնց և պահելով»³: Օրինակ, այդպես վարվեց Մալաթիայի շրջանի ղըբաշ քրդերի մի մասը, որը պալլանցի Պոզոյի գլխավորությամբ ապստամբեց կառավարության դեմ: Այդ խիզախ քուրդը «օր ցերեկով մտավ Մալաթիոյ Զըրմիտի արուարձանը, սպանեց տեղվոյն ոստիկանապետը և ահագին վնասներ պատճառելին ետք հեռացավ, իր խումբը հետզհետև ստուարացավ և կանոնավոր կռիվներ մղեց կառավարական ոյժերու դեմ և անոնց պատճառեց ավելի քան 2000 կորուստ: Բայց ի վերջոյ ընկճուեցավ»⁴:

Երիտթուրքական դահիճների դեմ հանդես եկան նաև առանձին թուրք մարդիկ, որոնց ղեգոհությունը հիմնականում արտահայտվում էր նրանում, որ հրաժարվում էին մասնակցել անդեն ու անպաշտպան մարդկանց կոտորածներին: Եղել են դեպքեր, երբ ոստիկանական ուժեղացված որոնումների պայմաններում նրանք թաքցրել են իրենց հայ հարեաններին: Մի տեղեկագրում կարդում ենք, որ շատ տեղերում «թուրք ժողովուրդը, որ խաղաղ կապրեր հայոց հետ, յաճախ շահվանելով իր քաղաքակիցներուն

¹ Տե՛ս Անդրանիկ Չելեպեան, Զորավար Անդրանիկ և հայ յեղափոխական շարժումը, Լոս Անճելըս, 1984, էջ 147:

² Տե՛ս Ս. Մ. Աкопян, Западная Армения в планах империалистических держав, изд-во АН Арм. ССР, Ереван, 1967, էջ 23:

³ Առշակ Ալպոյաճեան, Պատմություն Մալաթիոյ հայոց, էջ 955:

⁴ Նույն տեղը, էջ 956:

տարագուելուն, իշխանութեանց մոտ բողոքի ձայն բարձրացուց՝ անոնց բնաջնջման դեմ: Կարինի թուրք ժողովուրդը աղերսագիր մ'ուղղեց կեղրոնական կառավարութեան: Ալաշկերտի թուրքերը հեռագրեցին Կ. Պոլիս, բողոքելու համար հայերու սահմանուած չտոհ վարմունքին դեմ: Վանի թուրքերը իմացուցին իրենց հայ քաղաքակիցներուն, թե բնութեան տակ է, որ կր կուտին իրենց դեմ. կուսակալին կողմն հրահրուած այս քաղաքային պատե-րազմին դեմ բազմաթիվ երեւելի թուրքեր բողոք բարձրացուցին, որ մնաց ապարդյուն: Նիկոմիդիոյ շրջանակին շատ մը տեղերուն մեջ ժողովուրդը փորձեց արգելել հայերու մեկնումը: Ատաբա-զարի մեջ քաղաքին իսլամները կայանք հավաքուեցան, արեւելք ըլլալու համար տարագրութեան: Նոյն բանը տեղի ունեցաւ Մու-տանիոյ մեջ, այնպէս որ հրամանը նախ ետ առնուեցաւ: Կեսա-րիոյ մոտ գյուղի մը մեջ թուրքերը, որ իրենց քրիստոնեայ դրա-ցիներուն հետ լավագույն յարաբերութեան մեջ կապրեին, շթո-ղուցին, որ հայերը մեկնեին և յայտարարեցին քաղաքապետին, թե եթե տարաջրութեան հրամանը գործադրութեան դնէր, իրենք ալ պիտի մեկնին»:

Հայերի նկատմամբ երիտթուրքական իշխանութիւնների գոր-ծողութիւններն այնքան գաղանային էին, որ դրանց դեմ հան-դես էին գալիս նույնիսկ թուրքական բանակի, հոգեւորականութեան առանձին ներկայացուցիչներ և կառավարական պաշտոնյաներ, ինչպէս օրինակ՝ Հալեպի կուսակալ Ջելալ բեյը, նույն վիլայեթի տարապրական վարչութեան գլխավոր քարտուղար Նայիմ բեյը, Մալաթիայի կառավարիչներ Նաբի բեյն ու Ռեշիդ փաշան և ուրիշներ²:

Պետք է նշել, սակայն, որ հայ ժողովրդի ոչնչացման դեմ այդ բողոքները, տարաբախտաբար, մնացին որպէս առան-ձին գրովագներ: Թուրքիայում շտեղծվեց ընդհանուր հասարա-կական կարծիք, առավել ևս շտեղծվեց հասարակական շարժում, որը հակադրվեց իթթիհադի ոճրագործ քաղաքականութեանը: Եվ թողութիւնն այդ պայմաններում թուրքական պետութիւնը գե-հնային վայրագութեամբ ամբողջովին բնաջնջեց իրեն հպատակ

մի ժողովրդի, նրան գոհեց համաթուրանականութեան քաղաքա-կան ցնորքին, մորթեց նրան իր սեփական հայրենիքում՝ օրո-րոցի մանուկից մինչև զառամյալ ծերունին:

Արևմտահայ ժողովրդի ընդհանուր կոտորածի և տեղահանու-թեան ամիսներին մի քանի քաղաքներում և վայրերում թուրքերը հերոսական դիմադրութեան հանդիպեցին, շնայած թուրքական բանակ կանչված հարյուր հազարավոր հայ երիտասարդ մարդ-կանց կոտորածից հետո գյուղերում և քաղաքներում մնացել էին միայն կանայք, երեխաներ, ծերունիներ: Արտաքին աշխարհից բոլորովին կտրված, փրկութեան որեւէ հույս ու ապավեն չունե-նալով, իմանալով, որ թուրքերին հանձնվելով ստույգ մահվան են

¹ Երիտթուրքական ոճրագործները համարյա նույնպիսի դաժանութեամբ կոտորում էին քրիստոնեա ասորիներին (տե՛ս «Международные отношения в эпоху империализма. Документы из архивов царского и Временного правительства 1878—1917 гг., Серия III, 1914—1917 гг.», т. VIII, ч. 1, 1935, Соцэкгиз, М.—Л., էջ 428—430): Ասորական գրոծիկաններն ակտի-վորեն մասնակցել էին առևանգման բանակի՝ Քյոփրիքլի (1914 թ. դեկտեմբերի 3) և Սարիզամիշի (1914 թ. դեկտեմբերի 4— 1915 թ. հունվարի 18) ռազմա-կան գործողութիւններին, կատարել միլիցիայի ծառայութիւն, մասնակցել թշնամու թիկունքում կազմակերպված մարտաբարձներին, հետախուզական գործողութիւններին, պարենի և ֆուրածի մատակարարման աշխատանքներին: 1915 թվականի գարնանը Հաքարիի օկրուգի ասորիները ապստամբութիւն բարձրացրին, որոնց միացան այլ վայրերի իրենց ազգակիցները: Նրանք կա-տարի դիմադրութիւն ցույց տվեցին թուրքական զորքերին: Բայց ուժերն ան-հավասար էին: Օսմանյան կայսրութեան և Իրանի 940 հազար ասորիներից մարտերում և չարդերից զոհվեց 500 հազար մարդ (տե՛ս յ. «Народы Азии и Африки», 1972, № 6, էջ 145): Վերջնական բնաջնջումից փրկվելու համար ասորիների մի մասը 1914—1915 թթ. ձմեռան փախաւ Ռուսաստան (տե՛ս յ. «Просвещение национальностей», 1931, № 1, էջ 66): Չմեղը շատ դա-ժան էր, և վատ հազնված փախստականները (հիմնականում ծերունիներ, կանայք և երեխաներ) սոսկալի գրկանքներ ու շարչարանքներ կրեցին: Տա-նայակ հազարավոր ասորիներ ցրտից ու սովից մահացան ճանապարհին: Հետա-գայում փախստականների մի մասը հետ վերադարձաւ Իրան, իսկ շուրջ 25 հազարն անցաւ առևանգման սահմանը և տեղավորվեց Անգրկովկասի, Ռկրաի-նայի, Ռուսաստանի տարբեր բնակավայրերում: Թիֆլիսում, Երևանում, Բաք-վում և այլ քաղաքներում կազմակերպվեցին ասորի փախստականներին օգ-նող հանձնաժողովներ (տե՛ս газ. «Тифлисский листок», 25 января 1915): Շատ ասորիներ բնակութիւն հաստատեցին Հայաստանում, հիմնականում Արարատյան դաշտի գյուղերում: Հայ բնակչութիւնը բառ ամենայնի նյութա-կան օգնութիւն էր ցույց տալիս գաղթականներին, նրանց հետ կողալարաբար կիսում հացի վերջին պատարը:

² Տե՛ս «Տրապիզոնի թեմին վիճակավոր Յոհաննես արք. Նազիկանի լու-շերք», Ա. հատոր, էջ 658, Յոհաննես Ափսիոս, Հայաստանի շարդերը, էջ 166—167:

³ Տե՛ս Սողոմոն Թեհլիրեան, Վերջիշումներ, էջ 370:

ինթարկվելու շարժարանքներով, թուրք ջարդարար զինվորներից ու թալանող խուժանից իրենք իրենց պաշտպանելու համար նրանք կովեցին մինչև վերջին փամփուշտն ու շունչը: Հուսահատ, բայց դյուցազնական կռիվներ եղան Սասունում, Ուրֆայում, Շատախում, Շապին-Գարահիսարում, Եղևսիայում, Ամանոսում, Ֆրնտրճագում, Ֆոնուզում և այլ վայրերում: Բայց անհավասար այդ կռիվները չէին կարող երկար տևել: Սակավաթիվ էին հրազեն գործածել իմացող տղամարդիկ, մանավանդ շատ սահմանափակ էին զենքի ու փամփուշտի պաշարները, սննդեղենը: Դիմադրությունն օջախները սեղմվելով աստիճանաբար մարեցին՝ «Հաղթական» թուրք ոճրագործներին մնում էր միայն մորթել վիրավոր մահապարտներին...

Երկու բացառություններ եղան՝ Վանը և Մուսա լեռը: Այստեղ հայերը հերոսամարտերով կարողացան կասեցնել թուրքական յաթաղանը, մինչև որ հասավ արտաքին փրկարար օգնությունը: Վանի բնակչությունը փրկվեց ռուսական բանակի զորամասերի օգնությամբ: Մուսալեռցիներին փրկեցին ֆրանսիական ռազմանավերից մեկի նավաստիները²: Վանի և Մուսա լեռան հերոսամարտերը նորից ապացույց եղան այն բանի, թե ինչպես բոլոր կողմերից շրջապատված կարելի է անհավասար, բայց հաղթական կռիվներ մղել անարգ թշնամու դեմ:

Հայ ժողովրդի ցեղասպանության հրամանը տարածվեց և ի կատար ածվեց մի վիթխարի տարածքի՝ 800 հազար քառակուսի կիլոմետրի վրա, որն ընդգրկում էր ողջ Արևմտահայաստանը, Քուրդիստանը, Փոքր Ասիան, Սիրիան և Միջագետքի հյուսիսային մասը, այսինքն՝ մի տարածք, որ միասին վերցրած հավասար է Գերմանիայի, Ավստրիայի և Շվեյցարիայի ընդհանուր տարածությունը: Ոչնչացավ 500 հազար հայ ընտանիք: Շուրջ երեք միլիոն արևմտահայությունից ջարդվեց ավելի քան

¹ Տե՛ս Արտաշես Անդրեասեան, Ուրուագիծ հայոց պատմութեան և հայկական մշակոյթին, «Պայքար» տպարան, 1968, էջ 209:

² Մուսա լեռան հայերի արդարացի դյուցազնական հերոսամարտը ոգեշնչման աղբյուր եղավ ավստրիացի տաղանդաշատ հրեա գրող Ֆրանց Վերֆելի համար, որը մեծ ոգեշնչվածությամբ գրեց «Մուսա լեռան 40 օրը» վեպը: Այդ նշանավոր երկասիրությունը մինչև օրս չգերազանցված է մնացել Եղևսին նվիրված զեղարվեստական ստեղծագործությունների թվում:

1.5 միլիոնը¹, առևանգվեց և թուրքացվեց 200 հազար հայ պատանի ու աղջիկ:

Բայց ոչ միայն այդքանը: Զարդարաները ավերակների վերածեցին անհամար շեն բնակավայրեր, ամայացրին հայ բարեշեն ոստանները, հրդեհեցին ու հիմնահատակ քանդեցին հազարավոր ճարտարապետական կոթողներ, յուրացրին հայերի թողած անհաշիվ նյութական հարստությունները²: Արևմտյան Հա-

Է Պրոֆ. Ա. Համբարյանը, հիմք ընդունելով 1845 թվականի տվյալները, հաշվել է, որ 1914 թվականին արևմտահայերի թիվը պետք է կազմեր մոտ 3 միլիոն 883,7 հազար մարդ: Սակայն 1877—1878 թվականների ռուս-թուրքական պատերազմից հետո մինչև առաջին համաշխարհային պատերազմը կայսրության մեջ կոտորվել, արտաքսվել և ձուլվել է մոտ մեկ միլիոն հայ: Իսկ եթե հաշվենք նաև սպասվելիք բնական աճը, այսպե՛ս այդ թիվը բարձրանում է 1 300 000-ի: Այս երկու հիմնական տվյալներից ելնելով, հեղինակը գտնում է, որ թուրքիայում 1914 թվականին հայերի թիվը եղել է 2583007 մարդ (տե՛ս «Բանբեր Երևանի համալսարանի», 1969, № 2, էջ 110—111): Առանձին հետազոտողներ գտնում են, որ 1,5 միլիոնը նվազեցված թիվ է: Միայն 1915 թվականի զարնան և ամռան ամիսներին սպանվեց 1,6 միլիոն հայ: Համաշխարհային պատերազմի մնացած տարիներին՝ 1916—1918 թվականներին զոհ է գնացել ևս 300 հազար հայ, իսկ 200 հազարը թուրքացվել են: Այլ խոսքով, 1915—1918 թվականներին հայ ժողովրդի զոհերի թիվը կազմել է շուրջ 1,9 միլիոն մարդ (տե՛ս Ե. Խաթանասեան, Հայոց թիվը, էջ 21): 1984 թվականին Մոսկվայում լույս տեսած մի հրատարակության մեջ այդ նույն ժամանակ հայերի կորուստները հաշվված է 1 850 հազար սպանված (տե՛ս КРИТИКА Фальсификации национальных отношений в СССР, изд-во Политической литературы, 1984, էջ 282):

Հարկ է նշել, որ հայերի կորուստները հաշվելիս հետազոտողները գերազանցապես նկատի են ունենում հայ լուսավորչականներին, աչքաթող անելով, որ Մեծ եղեռնի նախօրյակին Օսմանյան կայսրության մեջ ապրում էին նաև կես միլիոնի շափ հայ կաթոլիկներ և հայ բողոքականներ, որոնց նույնպես թուրքերը բնաջնջեցին:

² Հ. Աղամյր իր «Հայաստանը համաշխարհային պատերազմում» գրքում գրում է, որ այդ տարիներին հայերի նյութական կորուստը կազմել է հայ ազգի մոտավոր հարստության երեք քառորդ մասը (տե՛ս «Ալիք», 22 մայիսի 1985 թ.: Տե՛ս նաև «Հուշամատեն Մեծ եղեռնի», էջ 1028): Թուրքական եղեռնագործները դեռ բավարարված չէին արևմտահայության ողջ հարստության կողոպուտով: Երիտթուրքական կառավարողներին հանգիստ չէր տալիս այն միտքը, թե ինչպես անեն, որ ձեռք գցեն նաև հայերի կողմից արտասահմանյան տարբեր երկրներում ժամանակին պահ տված դրամազուխները: Ամերիկյան դեսպան Մորգենթաուի հետ ունեցած զրույցի ընթացքում Թալեաթը ցինիկաբար նրանից պահանջել է, որ սա ազգի ամերիկյան ապահովագրական ընկերությունների վրա, որտեղ շատ հայեր ապահովագրել էին իրենց կյանքը: «Քանի որ այժմ համարյա բոլոր հայերը մահացել են, չթողնելով ժառանգներ,—

չատանում ոսոխը ոչնչացրեց կամ բռնագրավեց 66 քաղաք, 2500-ից ավելի գյուղ, 83 առաջնորդարան, մոտ 2050 հնավանդ եկեղեցի, շուրջ 300 վանք¹։

Թուրք բարբարոսները հրո ճարակի տվեցին, մոխրացրին արևմտահայության անդուգական դարավոր մշակույթը, համակ խավար դարձրին հայոց աշխարհը։ Քանդվեցին հայ մտքի կանթեղ հայարավոր դպրոցներ, մարեց թատերական կյանքը, իսպառ անհետացան գեղարվեստի անկրկնելի բյուրավոր արժեքներ, հրդեհվեցին վանքերի հարուստ մատենադարանները, որոնցում խնամքով պահպանվում էին դարեր շարունակ փայփայած ու պաշտած հնագույն ձեռագրերը։ Հայ մշակույթի համար անչափելի կորուստ էր արևեստավոր վարպետների ստեղծած անհաշվելի գանձն ու վաստակը։ Ափսոսանք և սրտի ցավ է առաջ բերում այն, որ բազմազան սպասքներն ու զարդերը, հնագույն գրքերի զմայլելի կազմերն ու կողերը, անհամար ոսկյա և արծաթե անոթները, եկեղեցական իրերը՝ կանթեղներն ու աշտանակները, սկիհներն ու ճաճանչները, իրենց վրա կրում էին թանկագին հիշատակություններ ու վկայություններ, ուստի անփոխարինելի ատաղձներ էին հայ պատմագրության և արվեստաբանության համար, ինչպես ասենք, հրդեհներից փրկված ձեռագրերը կամ տապանաքարերի արձանագրությունները։ Ջարդուփշուր եղան նրբագեղ քարեղեն ժանյակներից հյուսված զարմանակերտ ու զմայլելի անթիվ-անհամար խաչքարերը, որոնք շքահանգեսի կանգնած ներբող էին արարիչ ժողովրդի հանձարին։

Այսպիսով, թուրք զավթիչները հայ ժողովրդից խլեցին ու յուրացրին տներն ու այգիները, լեռները և դաշտերը, դպրոցներն ու վանքերը, գյուղերն ու քաղաքները, հափշտակեցին նրա հայրենի երկիրը՝ հազարամյակների մայր հայրենիք Հայաստանը։

ասել է նա,— ուստի, հետևաբար, նրանց փողերը սկսեց է ստանա թուրքական կառավարությունը և օգտագործի։ Դուք կարո՞ղ եք այդ ծառայությունը մատուցել ինձ» («Mémoires de L'ambassadeur Morgentau», Paris, 1919, էջ 292)։

¹ Տե՛ս Արիս Գայֆայեան, *Զոմարիու, Նյու Յորք, 1930, էջ 5, շ. Գ. Ղազարեան, Յեղասպան թուրքը, էջ 420, «Հուլիսամատան Մեծ եղիտի», Պեյրութ, 1965, էջ 1025. «Ալիք», 17 հունվարի 1966:*

Նորագույն ժամանակների առաջին զարհուրելի եղեռնագործությունը՝ հնագույն ժողովուրդներից մեկի ոչնչացման մասին դրսի աշխարհն իմացավ ուշացումով։ Բայց երբ մարդիկ տեղեկացան իրողությունը, զարհուրանքից ցնցվեցին։ Արյունը սառել էր շատերի երակներում։ Ամենուրեք զայրույթ և նախճհիրի ցասումնալից դատապարտում։ Իր ձայնը բարձրացրեց ժամանակի առաջավոր հասարակայնությունը։

1915 թվականի սեպտեմբերի 5—8-ը Ցիմմերվալդում (Շվեյցարիա) տեղի ունեցավ իմպերիալիստական պատերազմի դեմ հանդես եկող սոցիալիստների առաջին կոնֆերանսը, որին մասնակցում էր 38 պատգամավոր եվրոպական 11 երկրներից։ Կոնֆերանսն ընդունեց նաև պատերազմի զոհերի և հալածանքի ենթարկվողների նկատմամբ համակրանքի բանաձև, որի նախագիծը առաջարկել էր ֆրանսիական պատվիրակությունը։ Այդ բանաձևով ձախ սոցիալիստները կարեկցանք հայտնեցին նաև պատերազմից տառապող հայերի հանդեպ։ Այնտեղ ասված էր.

«Ցիմմերվալդի միջազգային կոնֆերանսը ամենախորին կարեկցանք է հայտնում պատերազմի բազմաթիվ զոհերին, լեհ և բելգիական ժողովուրդներին, հրեա և հայ ազգերին, այն բոլոր միլիոնավոր մարդկային զոհերին, որոնք տառապում են անհաշիվ աղետների ճնշման տակ և ստիպված են անլուր սարսափներ կրել»¹։

Այնուհետև ցիմմերվալդյան կոնֆերանսը մանիֆեստ ընդունեց, որտեղ մասնավորապես ազդարարեց. «Ամբողջական ժողովուրդների և երկրների, ինչպիսիք են՝ Բելգիան, Լեհաստանը, Բալկանյան պետությունները, Հայաստանը, սպառնում է կոմպենսացիաների խաղում առուծախի առարկա դառնալու և ամբողջությամբ կամ կտորներով անեքսիայի ենթարկվելու ճատատագիրը»²։

Մանիֆեստը ստորագրել էին. գերմանական պատվիրակության կողմից՝ Գ. Լեդերուրը և Ա. Հոֆմանը, ֆրանսիականի՝ Ա. Բուրդեբոնը և Ա. Մերգելմը, իտալականի՝ Գ. Մոդիլյանին և

¹ «Первая Циммервальдская конференция (официальные документы)». Изд-во «Книга», Петроград, библиотека журнала «Интернационал», с. 30.

² Նույն տեղը, էջ 30։

Կ. Լացարին, ռուսական պատգամավորության կողմից՝ Ն. Լենինը, Պ. Աքսելլոտզը և Մ. Բոբրովը, լեհականի՝ Ս. Լապինսկին, Ա. Վարսկին, Զ. Գանեցկին, ռումինականի՝ Խ. Ռակովսկին, բուլղարականի՝ Վ. Կոլարովը, շվեդական և նորվեգական պատվիրակության կողմից՝ Զ. Հեգլունդը և Տ. Ներմանը, հունգարականի՝ Գ. Ռոնալդ-Հոլստը, շվեյցարականի կողմից՝ Խ. Գրիմը և Շ. Նենը՝:

Ցիմմերվալդյան կոնֆերանսից անմիջապես հետո գերմաներեն լույս ընծայվեց «Internationale Flugblätter» («Ինտերնացիոնալ թուղթիկներ») սերիայի № 1 բրոշյուրը, որը պրոպագանդում էր կոնֆերանսում ձախերի առաջարկած փաստաթղթերը, այդ թվում վերևում հիշատակված երկու փաստաթուղթը, որոնցում խոսք էր գնացել հայության մասին: Բրոշյուրը թարգմանվեց ուրիշ լեզուներով: 1916 թվականի հունվարին ցիմմերվալդյան ձախերը սկսեցին հրատարակել իրենց «Vorbote» («Նախագուշակ») տեսական հանդեսը, որի էջերում նույնպես զետեղվեցին այդ փաստաթղթերը՝ մանրամասն մեկնաբանություններով:

Բուլղարիկյան կուսակցության ականավոր շատ գործիչներ հրապարակային ժողովներում և մամուլի էջերում դատապարտելով թուրք բռնադատիչներին, հասարակայնությանը կոչ էին անում օգնության ձեռք մեկնել ջարդերից փրկված և Ռուսաստանում ապաստանած հարյուր հազարավոր հայ գաղթականներին:

Այսպես, Հյուսիսային Կովկասի բուլղարիկների ղեկավար Ս. Մ. Կիրովը, հանդիպելով տեղահանված հայերին, լսելով նրանց պատմությունները և համակվելով նրանց տառապանքներով ու ցավերով, Վլադիկավկազի «Թերեք» թերթի 1916 թվականի փետրվարի 14-ի համարում լույս ընծայեց «Տառապյալ ժողովուրդ» հոդվածը, որտեղ, դիմելով մարդասեր ռուս ժողովրդին, կոչ էր անում օգնել ընչազուրկ փախստականներին, սպեղանի դնել նրանց վերքերին: «Թուրքերը Թուրքիայի ամբողջ հայ բնակչությունը բնաջնջելու հրեշավոր երազանքն են փայփայում,— գրում էր նա:— Օրեցօր Թուրքահայաստանից ստացվում են նույն մղձավանջային լուրերը: Թե ինչ էին անում այն-

տեղ թուրքերը, այդ մասին չեն պատմի հայ կանանց և երեխաների արցունքները, իսկ անասելի սարսափ և տառապանքներ ապրող խաղաղ հայ բնակչության բարբարոսաբար թափված արյունը միայն որոշ, խիստ հեռավոր պատկերացում է տալիս հայ ժողովրդի գողգոթայի մասին:

Թերես, միայն հետո, երբ կանգ կառնեն մարդկային արյան գետերը, նոր Գանթեն կտա միլիոնավոր մարդկանց սոսկալի տանջանքների պատկերը:

Եվ այդ պատկերը կմտնի մեծ պատերազմի պատմության մեջ, և ամեն ոք չէ, որ իր մեջ ուժ կգտնի ուշադրությունը կենտրոնացնելու այդ պատկերի վրա, քանի որ այն ամբողջությամբ կատարյալ մղձավանջ կլինի:

Եվ այդ մասին մշտապես պետք է հիշենք մենք՝ այստեղ, թիկունքում նստածներս:

Զէ որ մենք առաջինը պետք է օգնության ձեռք մեկնենք կենդանի մնացած, իրենց հայրենի օջախը լքած հայ փախստականներին:

Նրանք շատ են, և դա ավելի է վատթարացնում նրանց վիճակը:

Անարգված, անպատված, աղքատության դուռը հասցված, նրանք թափառում են մեր երկրամասում՝ ապաստան փնտրելով: Եվ, իհարկե, միշտ չէ, որ գտնում են այն: Որովհետև նրանք շատ-շատ են:

Շատ ենք նաև մենք, սակայն փախստականները հաճախ չեն ունենում ամենից անհրաժեշտը՝ հաց և ապաստան:

Այնտեղ՝ հայրենիքում նրանք կորցրեցին ամեն ինչ, կարողացան փրկել միայն իրենց կյանքը, և այստեղ, մեզ մոտ նրանք պետք է գտնեն մնացածը:

Զէ որ նրանք մեզ մոտ են գալիս այն վայրերից, որտեղ նրանց կամենում են բնաջնջել, և մենք պետք է նրանց ընդունենք և ջերմացնենք»¹:

Թուրք հանցագործներին անարգանքի սյունին էին գամում բաղամթիվ ռուս մտավորականներ ու հասարակական գործիչներ՝ Մաքսիմ Գորկին, Վալերի Բրյուսովը, Յուրի Վեսելովսկին և ուրիշներ:

¹ ՏՆՍ «Первая Циммервальдская...», էջ 23:

¹ «Терек», 14 февраля 1916 г.

Յեղասպաններին դայրույթով դատապարտում և հայ ժողովրդի նկատմամբ իրենց ջերմ համակրանքն էին արտահայտում ժամանակի առաջադեմ շատ գործիչներ աշխարհի տարբեր երկրներում՝ Անատոլ Ֆրանսը և Ռոմեն Ռոլանը՝ Ֆրանսիայում, Ֆրիտցոֆ Նանսենը՝ Նորվեգիայում, Կարլ Լիբկնեխտը, Իոզեֆ Մարկվարտը, Արմին Վեգները՝ Գերմանիայում, Ջեյմս Բրաչլը և Առնոլդ Թոյնբին՝ Անգլիայում, Վասիլ Կոլարովը՝ Բուլղարիայում: «Եվրոպայի մեղքերի ամոթից այլևս հնարավոր չէ նայել եր'նքին», — ցավով նշում էր Մարկվարտը: Ամենուրեք տեղի էին ունենում բողոքի հավաքներ, բնդունվում էին մեծ ոճրագործությունը դատապարտող փաստաթղթեր: Բոլորին պարզ էր, որ եթե շիներ Եվրոպայի դիրքը, թուրք ոճրագործները չէին հանդգնի գանգերի ոսկրաղեղերով ծածկել մի ամբողջ հայրենիք:

1915 թվականին հայ ժողովրդի նկատմամբ իրականացված հաշվեհարդարը, ազգասպան ահռելի սպանդն իր հրեշտային վայրագությունը, հետևողական սադիզմով ու սառնասրտությամբ, զարհուրելի նախճիրների բովանդակ ահազանությամբ ու դաժանությամբ աննախադեպ երևույթ էր ոչ միայն թուրքական բռնակալության զարհուրանքներով լի պատմության, այլև ընդհանրապես մարդկության պատմության մեջ: Ակադեմիկոս Ե. Վ. Տարլեն, անդրադառնալով հայության սպանդին, նշել է. «Այն, ինչ տեղի ունեցավ Թուրքիայում, միանգամայն բացահիկ բան է (իր ծավալներով) համաշխարհային պատմության մեջ, սկսած Չինգիզ խանի ժամանակներից»¹: Ինչպես գրում էր անգլիացի առաջադեմ պատմաբան Վ. Վ. Գոտլիբը, արևմտահայության ողբերգությունն առաջին համաշխարհային պատերազմի՝ «խելագարություններով լի պատմության ամենամոռաց գլուխներից մեկն էր»²:

Առաջին համաշխարհային պատերազմի տարիներին բանակ կանչված ավելի բան 75 միլիոն մարդուց համարյա 10 միլիոնը զոհվել է, իսկ 20 միլիոնը՝ վիրավորվել ու խեղանդամ արվել: Պատերազմող երկրներից ամենաշատ զոհեր տվեց Ռուսաս-

տանը՝ 2,3 միլիոն մարդ, Գերմանիայի մարդկային կորուստները՝ ազմեցին 2, Ավստրո-Հունգարիայինը՝ 1,4, Ֆրանսիայինը՝ շուրջ 1,5 միլիոն, իսկ Թուրքիայինը՝ ընդամենը 250 հազար մարդ: Մարտական գործողությունների ընթացքում մարդկանց մասսայական բնաջնջման համար գիտություն և տեխնիկայի նորագույն նվաճումներն այնպիսի լայն ծավալներով էին կիրառվում, որ պատերազմի շրջա տարիների ընթացքում ոչընչացվեց մոտավորապես այնքան մարդ, որքան նախորդ 200 տարիներին Եվրոպայում մղված բոլոր պատերազմների ընթացքում:

Համաշխարհային պատերազմը, ֆիզիկապես ոչնչացնելով և խեղանդամ անելով տասնյակ միլիոնավոր առավել աշխատունակ պրոլետարների, գյուղացիների, աշխատավորական այլ շերտերի, դրանով իսկ վիթխարի վնաս հասցրեց հասարակության հիմնական արտադրողական ուժին: Պատերազմը կլանեց շատ սերունդների համառ աշխատանքով ստեղծված նյութական և կուլտուրական հսկայական արժեքներ, որոնք հաշվվում են 338 միլիարդ դոլար: Միայն ուղղակի ուղղմական ծախսերը պատերազմի տարիներին այն ժամանակվա համեմատական գներով կազմեց 208 միլիարդ դոլար: Մարտական գործողությունների վայրերում հողի երեսից ջնջվեցին շատ քաղաքներ ու գյուղեր, բարբարոսաբար ոչնչացվեցին հազարավոր բնակելի և արտադրական շենքեր, անապատի վերածվեցին բերքառատ դաշտերի ու անտառների հսկայական տարածություններ: Պատերազմն անհաշիվ վնասներ պատճառեց բազմաթիվ երկրների տնտեսությանը՝ այն հասցնելով քաոսի ու ավերման, խախտեց աշխատանքի միջազգային բաժանումը, խզեց վաղուց հաստատված արտաքին առևտրական կապերը, քայքայեց տրանսպորտը, անկման հասցրեց տնտեսության բազմաթիվ խաղաղ ճյուղեր:

Առաջին համաշխարհային պատերազմին նվիրված ուսումնասիրությունների հեղինակների մեծ մասը պատերազմում

¹ E. B. Тарле. Европа в эпоху империализма 1871—1919 гг. Госиздат, М.—Л., 1928, с. 387.

² В. В. Готлиб, Тайная дипломатия во время первой мировой войны, с. 154.

¹ Ska «Мировая война в цифрах», М.—Л., 1934, էջ 52—58, «Современный империализм и революционная борьба», Прага, 1971, էջ 197:

մարդկային կորուստների և նյութական վնասների հաշվարկները կատարելիս սովորաբար շրջանցում է ոչնչացված հայերի թիվը և թուրքերի կողմից նրանցից խլված նյութական արժեքները: Մինչդեռ պատերազմում համեմատական կարգով բոլոր ժողովուրդներից ամենից շատ տուժեց պատերազմին պաշտոնապես չմասնակցած և դրանից ամեն կերպ խուսափած սակավաթիվ հայ ժողովուրդը: Իր կորուստների բացարձակ թվով հայութունը երրորդ տեղն էր զբաղեցնում Ռուսաստանից և Գերմանիայից հետո: Այնպես որ պատերազմի տարիներին հայերի կրած մարդկային կորուստները բացարձակ թվերով 6—7 անգամ գերազանցում էին Թուրքիայի մարդկային կորուստները:

Ջարդերից հրաշքով փրկված հայերը ցրվեցին Ռուսաստանում, Մերձավոր ու Միջին արևելքի երկրներում, Բալկաններում և այլուր՝ ահավոր վիշտը սրտերում, հուսալքման արցունքը կոկորդում, հոգեկան անհուն խռովքների ու մղձավանջային երազների մեջ: Օտար ասիեր, դատարկ աղբարկղներ՝ շուրջբոլորը վիտացող սովալլուկ որբերով: Դրախտավայր հայրենիքը մնացել էր հեռվում, իբրև մի պատրանք:

Այսպիսով, թուրք զավթիչների և օկուպանտների դեմ հայ ժողովրդի երկարատև ազգային-ազատագրական պայքարը վերջացավ սոսկալի աղետով: Պետութուն չունեցող անզեն ժողովուրդը «պատժվել» էր իր բնօրրանում: Ազատագրության համար օսմանյան բռնակալության դեմ պայքարի ելած բազմաթիվ ազգերի մեջ թերևս հայ ժողովրդից ավելի շատ կորով ու ճիգ թափող չեղավ: Իր ազատության համար նա մղեց երկարաշունչ կռիվներ, տվեց անզին զոհեր, կրեց անլուր տառապանքներ, ջարդվեցին տարաբախտ հազարները: Իսկ արդյունքը ազգովին ողջակիզումն էր: Այդպես եղավ...

«Մի կորցրած պայքար» — այսպես է բնութագրել հայկական շարժումը նրա մասնակիցներից մեկը:

Մեծ եղեռնը մարեց հարյուր հազարավոր հայ օջախներ, բայց չկարողացավ սպանել հայության կորովը, նրանից խլել իբրև ազգ ու ժողովուրդ ապրելու կամքն ու հավատը: «Հայաստանը ավանդում է հոգին, — ասում էր Անատոլ Ֆրանսը, — բայց նա կվերածնվի: Արյան այն փոքր մասը, որ նա դեռևս պահպանել է, թանկագին արյուն է, որից հերոսական սերունդ

կծնվի: Մի ժողովուրդ, որը չի կամենում մեռնել, չի մեռնի երբեք...»¹

Պատերազմի բոցերից փրկվել էր Ռուսաստանին ապավինած հայ ժողովրդի արևելյան հատվածը: Հայկական հարցը դեռ մնում էր բաց:

¹ «Геноцид армян в Османской империи», с. 444.

**ՀՈԿՏԵՄԲԵՐՅԱՆ ՍՈՑԻԱԼԻՍՏԱԿԱՆ ՄԵԾ
ՀԵՂԱՓՈՒՍՈՒԹՅԱՆ ՀԱՂԹԱՆԱԿԸ: ԹՈՒՐԲԱԿԱՆ
ԱՐՇԱՎԱՆՔԸ ԱՆԳՐԿՈՎԿԱՍ ԵՎ ՆՐԱ ՊԱՐՏՈՒԹՅՈՒՆԸ:
ԱՐԵՎԵԼԱՀԱՅՈՒԹՅԱՆ ԻՍՊԱՍ ԲՆԱԶՆՋԵԼՈՒ
ԾՐԱԳՐԻ ԶԱՆՈՂՈՒՄԸ**

1916 թվականին թուրքական զորքերը մի շարք նոր պարտություններ կրեցին: Չնայած տեղանքի և կլիմայի դժվարին պայմաններին, ռուսական բանակը վարզացրեց հարձակումն Անատոլիայում և գրավեց էրզրումը, ապա՝ Տրապիզոնը և էրզրիսը, ռազմակալման ենթարկեց Արևմտյան Հայաստանի մեծ մասը:

Ռուս սպաներն ու զինվորներն ականատես էին լինում ահավոր տեսարանների: Կործանվել էր մի ամբողջ ժողովուրդ: Ցասումով ու սարսուռով նրանք կանգնում էին մորթված հայերի դիակույտների առջև, հրդեհված գյուղերի փլատակների միջից, լեռներում ու քարայրներում ապաստանած և հրաշքով փրկված հայ երեխաներին գթասրտորեն հավաքում, խորապես վերապրում անպաշտպան որբի նրանց դժբախտ ճակատագիրը:

Հայ բնակչությունից դատարկված Արևմտյան Հայաստանի կացութունը լուրջ խորհրդածությունների առիթ էր տալիս ռուսական պետական և ռազմական շրջաններին: Ռուսական կառավարությունը շահագրգռություն էր հանդես բերում, որպեսզի ջարդերից փրկված հայերը նորից վերադառնան իրենց բնակավայրերը:

Կառավարությանը հղած մի զեկուցագրում՝ Ռուսաստանի

¹ Զեկուցագիրը, որ պահվում է Մոսկվայի Ռուսաստանի արտաքին քաղաքականության արխիվում, թվագրված չէ, բայց բովանդակությունից երևում է, որ այն գրված է 1916 թվականին: Փաստաթուղթն ամբողջական ձևով առա-

արտաքին գործերի մինիստրությունը մտահոգություն հայտնելով Արևմտյան Հայաստանի կացության առթիվ, շեշտում էր, որ «եթև գերմանացիներին և թուրքերին Հայաստանը պետք է առանց հայերի, եթե նրանց անհրաժեշտ է հայկական սեպի ոչնչացումը...», ապա Ռուսաստանի խնդիրն է՝ «ինչ կերպ ուզում է լինի» վերստեղծել Հայաստանը:՝ Նշելով, որ ջարդերից փրկված 200 հազար հայեր ապաստան են գտել Ռուսաստանում, մինիստրությունն այնուհետև գրում էր. «Հայկական բնակչության պահպանումը անհետաձգելի խնդիր է: Այդ իսկ պատճառով ամեն կերպ անհրաժեշտ է աջակցել այդ անբախտ փախտականների գոյությունը մեր սահմաններում, նրանց պատերազմից հետո իրենց հայրենիքը վերադարձնելու նպատակով»²:

1917 թվականի փետրվարին Ռուսաստանում տեղի ունեցավ հեղափոխություն և ցարը տապալվեց. ստեղծվեց Ժամանակավոր կառավարություն, որի մեջ մտան բուրժուազիայի և համաձայնողական կուսակցությունների ներկայացուցիչները: Սակայն երկրում ռեալ իշխանությունը ոչ միայն Ժամանակավոր կառավարությանն էր, այլև ամենուրեք հանդես եկած բանվորների, զինվորների և գյուղացիների դեպուտատների սովետներին: Վստահություն շտաժելով բուրժուական Ժամանակավոր կառավարության նկատմամբ, բոլշևիկները հանդես եկան իմպերիալիստական պատերազմն անհապաղ դադարեցնելու, ամբողջ իշխանությունը սովետներին հանձնելու պահանջով:

Ժողովրդական լայն մասսաների կամքին հակառակ, կառավարությունը հանդես եկավ դաշնակիցների հետ կնքած պայմանագրերին հավատարիմ մնալու, Քառյակ դաշինքի երկրների դեմ մղվող պատերազմը հաղթական վախճանին հասցնելու ծրագրով:

1917 թվականի մարտի 9-ին Ժամանակավոր կառավարու-

չին անգամ հրատարակել է Բազրատ Քորյանը իր «Армения, международная дипломатия и СССР» գրքում, իբրև հավելված (տե՛ս часть II, Госиздат, М.—Л., էջ 32):

¹ Տե՛ս Բ. А. Борьян, Армения, международная дипломатия и СССР, часть II, էջ 418:

² Նույն տեղը:

թյունը կազմեց Անդրկովկասում իշխանության իր տեղական օրգանը՝ Անդրկովկասյան առանձին կոմիտե («Օգակում»)։

1917 թվականի ապրիլի 26-ին ժամանակավոր կառավարությունն ընդունեց մի որոշում, որով ուսական գործերի գրաված Արևմտյան Հայաստանը զատվում էր Կովկասի վարչական ու ռազմական շրջագծից և, իբրև աշխարհագրական ու քաղաքական առանձին միավոր, անմիջականորեն ենթարկվում էր կենտրոնական իշխանությանը։ Նշանակվեց Հայաստանի ընդհանուր կոմիտեար։ Երկրի կառավարումն իրականացնելու համար կազմվեց հատուկ վարչություն, որի մեջ գերակշռող դիրքեր գրավեցին հայերը։

1917 թվականի մայիսին Երևանում տեղի ունեցավ արևմտահայերի առաջին համագումարը, որտեղ և ստեղծվեց Արևմտահայ խորհուրդը։ Այն կոչված էր նպաստելու արևմտահայերի ազգային հարցերի լուծմանը, մասնավորապես, զբաղվելու նրանց հայրենիք վերադարձնելու և իրենց բնակավայրերում տեղավորելու խնդիրներով։

Արևմտյան Հայաստանի տարածքներում 1916—1917 թվականներին ուսական գործերի հաջողությունները նպաստավոր պայմաններ ստեղծեցին, որպեսզի հայերը վերադառնան ավերակ դարձած ու արյամբ ողողված հարազատ վայրերը։ Ռուսական շարժումները իշխանությունների հովանավորությունից գոտեպնդված՝ հազարավոր հայեր վերադարձան իրենց երկիրը և լծվեցին քանդված օջախների վերաշինմանը։ Հատկացվեցին պետական վարկեր ու գումարներ։ Հայ ազգաբնակչությանը վերակենդանացան Վասպուրականը, Տարոն-Տուրուբերանը։ Վան—Մուշ—Բասեն գիծը բռնված էր տասնյակ հազարավոր հայ գաղթականներով։ 1917 թվականին իրենց բնակավայրերը վերադարձած և տեղավորված հայերի թիվը կազմում էր. Հին Բայազետում և շրջակա գյուղերում՝ 10 000 մարդ, Դիաղինում՝ 5000, Ալաշկերտում՝ 30 000, Բասենում՝ 22000, Խնուսում՝ 28 000, Դերջանում՝ 4000, Երզնկայում՝ 3000, Բուլանրիս-Մանազկերտում՝ 4500, Տրապիզոնում՝ 1500, Վասպուրականում՝ 22 425։ Ընդամենը երկիր էր վերադարձել 142 425 հայ։

Սկսվեցին երկիրը վերաշինելու տենդագին աշխատանքներ։ Գյուղերի տարբեր թաղերում սկսեցին ծխել շինականներ

օջախները, արտերը մշակվում էին, բացվում էին դպրոցներ։ Միայն Վասպուրականի շրջանում բացվեց 25 նախակրթարան։ Արևմտահայաստանը մոխիրներից կարծես հարություն էր առնում։ Բոլորի հոգում նոր հույսեր էին առկայծում։

Ժամանակավոր կառավարությունը Արևմտահայաստանին ինքնավարություն տալու շուրջ խոստումներ էր տալիս։ Նա խոստացավ Արևմտահայաստանի ազատագրության խնդիրը անպայմանորեն միջազգային դիվանագիտական սեղանին դնել և իրական լուծում տալ գրան։ Մինչև հաշտության խորհրդածուղովի գումարումը ուսական գործը պետք է մնար Հայաստանում՝ հայերին մենակ շթողնելու նկատառումով։ Կառավարությունը կարգադրություններ արեց, որպեսզի Ռուսաստանում գտնվող հայ զինվորականությունը Հայաստան տեղափոխվի։ 1917 թվականի հուլիսին որոշվեց կազմել հայկական առանձին զնդեռ, որոնց թիվը շուտով հասավ 8-ի։

Այդ ամենը տեղի էր ունենում շարունակվող իմպերիալիստական պատերազմի պայմաններում։ Ուստի ոչ մի երաշխիք չկար, թե իրենց երկրում վերահաստատված հայերը վաղը, մյուս օրը ռազմական գործողությունների բերումով նորից չեն բռնելու գաղթի ճանապարհները։ Ռուսական կովկասյան բանակը կովոզ կողմերից մեկի՝ ցարական կառավարության, իսկ 1917 թվականի Փետրվարյան հեղափոխությունից հետո՝ բուրժուական ժամանակավոր կառավարության իմպերիալիստական ձգտումների իրականացման գործիքն էր։ Բայց իբրև պատմության պարագոթս, պատերազմական տվյալ իրադրության մեջ այդ բանակը հենց իմպերիալիզմի զոհ արևմտահայությանը հետագա կոտորածներից փրկելու ընդունակ միակ ուժն էր նաև։ Ռուսական գործերի կողմից Թուրքիայի բռնակալած Արևմտահայաստանի տարածքի գրավումը փրկություն էր արևմտահայության կենդանի մնացած բեկորների համար։

Կապիտալիստների ու կալվածատերերի տիրապետության տակ գտնվող Ռուսաստանը անկարելի էր համեմատել փառաների, մոլլաների, շեյխերի իշխանության տակ գտնվող Թուրքիայի հետ։ Դրանց չէր կարելի կողք կողքի դնել ոչ մի տեսակետից։ Չնայած երկու երկրներն էլ վարում էին իմպերիալիս-

¹ Richard Hovannisian G., Armenia on the Road to Independence, 1918, p. 79.

¹ Տե՛ս «Հորիզոն», 1 հունվարի 1918 թ.։

տակ-սն, ուրիշի չողերը զավթելու քաղաքականություն, բայց ուսական և թուրքական բանականների գործելակերպի միջև այն-բան մեծ էին տարբերությունները, որ համեմատության եզրնը գրեթե չկային: «Յնթադրենք,— գրել է Վ. Ի. Լենինը,— երկու երկիր պատերազմում են իրար դեմ բուրժուական, ազգային և ազատագրական շարժումների դարաշրջանում: Ո՞ր երկրին հաջողություն ցանկանալ ժամանակակից դեմոկրատիայի տեսակետից: Պարզ է, որ այն երկրին, որի հաջողությունն ավելի ուժգին առաջ կմղի և առավել փոթորկալի կծավալի բուրժուակիայի ազատագրական շարժումը, ավելի ուժգնորեն կքաչքայի ֆեոդալիզմը»¹:

Մարքսիստները հարցի այս կողմը չեն անտեսում ուս-թուրքական պատերազմները լուսաբանելիս: Առաջին համաշխարհային պատերազմի տարիներին կովելով թուրքական բանականների դեմ, ուսական զինված ուժերը դրանով իսկ ազատագրական միսիա էին իրականացնում օսմանյան բռնատիրության տակ հեծող ոչ թուրք ժողովուրդների հանդեպ, մասնավորապես նպաստում արաբական և քուրդ ժողովուրդների ազգային ազատագրությանը, հայ ժողովրդի մնացորդների գոյատևմանը:

Այնուհանդերձ, Վ. Ի. Լենինը, բուլշեիկները գտնում էին, որ ժողովուրդների իսկական ազատագրությունը չի կարող ձեռք բերվել իմպերիալիստական պատերազմի սվիններով: Պատերազմը շարունակելու ժամանակավոր կառավարության քաղաքականությունը նորանոր թշվառություններ էր բերելու ժողովրդական մասսաներին: Ահա թե ինչու նրանք առաջնահերթ խնդիր էին համարում նախ պատերազմից դուրս գալը և ապա՝ զավթած բոլոր տարածքներից հրաժարվելը, անիրավահավասար, գաղտնի պայմանագրերը չեղյալ հայտարարելը և այլն: Այդ բանում ամենից շատ շահագրգռված էին բանվորները և գյուղացիները, որոնք էլ հենց զինվորի շինել հագած պայքարում էին իրենց համար խորթ նպատակների համար:

Վ. Ի. Լենինը, բուլշեիկյան կուսակցությունն այս ընդհանուր սկզբունքներից ելնելով էին դնում նաև հայ ժողովրդի երկու հատվածների ազատագրության հարցերը: Հայ ժողովրդի արեւմելյան հատվածի ազատագրության խնդրի լուծման ուղին պարզ էր. նա պետք է ազատություն ստանար Ռուսաստանի բոլոր

ժողովուրդների հետ միասին՝ համառուսաստանյան պրոլետարիատի հաղթական հեղափոխության միջոցով: Առավել բարդն ու խճճվածը հայ ժողովրդի մյուս՝ արևմտյան հատվածի և Արևմտահայաստանի խնդիրն էր: Ռուսական զորքերի կողմից Արևմտահայաստանի գրավումը ուսական բուրժուակիայի զավթողական նպատակների իրականացումն էր, մի բան, որ հիմքից անընդունելի էր բուլշեիզմի համար, որն ընդհանրապես մերժում էր ամեն մի զավթում և բռնագրավում: Արևմտահայաստանի մասնավոր հարցի լուծումը բուլշեիկները կապում էին իմպերիալիստական պատերազմից դուրս գալու, պրոլետարական հեղափոխության հաղթանակի, բոլոր տեսակի նացիոնալիստական, շովինիստական գաղափարախոսությունների դեմ վճռական և անզիջում պայքարի հետ:

Իհն Ռուսաստան վերադառնալու նախօրյակին՝ 1917 թվականի մարտի 4 (17)-ին Վ. Ի. Լենինը հանդես եկավ «Ուրիշին պատկանող երկրների՝ Հայաստանի, Գալիցիայի, Կոստանդնուպոլսի և այլնի կողոպտման ու նվաճման» դեմ²: Երեք օր հետո, մարտի 7-ին գրած «Նամակներ հեռվից»-ում Վ. Ի. Լենինը նորից անդրադարձավ Արևմտահայաստանի խնդրին և մերկացրեց ժամանակավոր կառավարությանը, նշելով, որ այն «պատերազմի կառավարություն է, իմպերիալիստական սպանդը շարունակելու կառավարություն, կողոպուտի կառավարություն, որն ուզում է կողոպտել Հայաստանը, Գալիցիան, Թուրքիան, խլել Կոստանդնուպոլիսը, նորից նվաճել Լեհաստանը, Կուրլանդիան, Լիտվական երկրամասը և այլն»³: «Ռուսաստանը պատերազմ է մղում Հայաստանը, Թուրքիան, Գալիցիան կողոպտելու համար»⁴,— նորից շեշտում էր նա: Նույն բանը Լենինը կրկնել է 1917 թվականին գրած «Հեղափոխությունը Ռուսաստանում և բոլոր երկրների բանվորների խնդիրները»⁵, «ՌՍԴԲԿ խնդիրների մասին ուսական հեղափոխության մեջ»⁶, «Հրաժեշտի նամակ շվեյցարական բանվորներին»⁶, «Պատերազմը և

¹ Վ. Ի. Լենին, ԵԼԺ, հ. 31, էջ 21:

² Նույն տեղը, էջ 26:

³ Նույն տեղը, էջ 62, տե՛ս նաև էջ 64, 65:

⁴ Նույն տեղը, էջ 82:

⁵ Նույն տեղը, էջ 89:

⁶ Նույն տեղը, էջ 105:

⁷ Վ. Ի. Լենին, ԵԼԺ, հ. 26, էջ 163:

ժամանակավոր կառավարությունը»¹, «Բարեխիղճ պաշտպանողականությունը ցույց է տալիս իրեն»², ««Նայտառականություն» ասելով ինչ էն հասկանում կապիտալիստները և ինչ՝ պրոլետարները»³, «Իմպերիալիզմի պաշտպանությունը, որ քողարկված է բարեհաճ ֆրազներով»⁴, «Տիրալի փաստաթուղթ»⁵ և այլ հողվածներում, ՌՍԴԲ(բ)Կ VII (ապրիլյան) համառուսաստանյան կոնֆերանսում ունեցած ելույթներում⁶ և այլն:

Հատկանշական է, որ այդ հողվածներում և ելույթներում Լենինը Հայաստանը դիտում էր ոչ թե Թուրքիայի օրգանական մաս, այլ որպես առանձին միավոր, հիշատակելիս դրանց դեմ լով կողմ կողմի:

Դատապարտելով իմպերիալիստական պետությունների զավթողական քաղաքականությունը, բուլշևիկները միաժամանակ քաջ գիտակցում էին, որ Արևմտյան Հայաստանից ուսուսական գործերի հեռացումը նոր սպանդներ էր նշանակելու հայության բեկորների համար, և հայ ժողովրդի այդ բնօրրանը շարունակվելու էր մնալ է՛լ ավելի ագրեսիվ, վայրենի շովինիստական պետության՝ թուրքական պետության ձեռքին:

4. Մարքսը, Ֆ. Էնգելսը, Վ. Ի. Լենինը բազմիցս նշել են, որ թուրքական բռնապետական ուժերից Օսմանյան կայսրության ազգերի ազատագրությունը առաջադիմական պրոցես է: Նրանք հատկապես նկատի ունեին իրենց տնտեսական և կուլտուրական զարգացմամբ թուրքերից բարձր կանգնած բալկանյան ժողովուրդներին և հայերին, որոնք ազգային անկախության համար իրենց պայքարով ըստ էության նպաստում էին հասարակական առաջադիմությանը՝ ֆեոդալական կապանքների ոչնչացմանը և բուրժուական հարաբերությունների հաստատմանը:

1917 թվականի Փետրվարյան հեղափոխությունից հետո Վ. Ի. Լենինը հրատարակեց «Ուրիշի դրոշի տակ» հայտնի հողվածը, որը նա գրել և տպագրության էր պատրաստել դեռևս 1915 թվականին: Նշելով, որ «մարքսիստները երբեք չեն ժրխտել ֆեոդալական-արքայապետական ուժերի դեմ մղվող

բուրժուական-ազգային ազատագրական շարժումների առաջադիմականությունը»¹, Վ. Ի. Լենինը այնուհետև գրում էր. «Ոչ միայն 1855, 1859, 1864, 1866, 1870, այլև 1877 թվականի (ռուս-թուրքական) և 1896—1897 թվականների պատերազմների (Հունաստանի դեմ Թուրքիայի պատերազմի և հայկական հուզումների) ժամանակ, պատմական երևույթների հիմնական օբյեկտիվ բովանդակությունը եղել են ազգային-բուրժուական շարժումները կամ ֆեոդալիզմի տարբեր ձևերից ազատագրվող բուրժուական հասարակության «ջղածությունները»²:

Ուստի պահանջելով ուսուսական զորքերի դուրս բերումը Հայաստանից, բուլշևիկները կողմնակից չէին դրա անհապաղ և անկազմակերպ իրականացմանը: Ընդհակառակը, ենթադրվում էր, որ Հայաստանի տարածքից ուսուսական զորքերի հեռանալու դեպքում նրանց տեղը պիտի բռնեն ոչ թե թուրք զավթիչները, այլ՝ Հայաստանի իսկական տերը՝ հայ ժողովուրդը:

1917 թվականի հոկտեմբերի 2—7-ը Ստ. Շահումյանի ղեկավարությամբ Քիֆլիսում տեղի ունեցած ՌՍԴԲ(բ)Կ Կովկասյան կազմակերպությունների երկրային առաջին համագումարն արժարժեց նաև Արևմտահայաստանի հարցը: Իր ելույթում անդրադառնալով ազգային հարցի լուծման ճանապարհին Անդրկովկասի բուլշևիկների առջև կանգնած խնդիրներին, Ստ. Շահումյանը ասում էր. «Ազգային հարցի լուծման ժամանակ անխուսափելիորեն դրվում է նաև Թուրքահայաստանի հարցը: Այդ հարցի լուծումը մենք պետք է թողնենք հենց այդ մարդի բնակչությանը, որն ինքը պետք է որոշի իր բախտը: Ռուսաստանին միանալու՝ նրանց որոշման դեպքում նրանք պետք է միացվեն հայերին»³:

Բայց հայ ժողովրդի դեմ թուրքերի և պանթուրքականների դավերը չէին պակասում: Դրանք, ինչպես և նախկինում, Ռուսաստանի դեմ ուղղված դավերի մի մասն էին կազմում:

¹ Վ. Ի. Լենին, ԵԼԺ, հ. 26, էջ 165:

² Նույն տեղը, էջ 172:

³ Ստեփան Շահումյան, Երկերի լիակատար ժողովածու, հինգ հատորով, հ. III, «Հայաստան» հրատարակչություն, Երևան, 1978, էջ 270: Տե՛ս նաև «Հոկտեմբերյան սոցիալիստական մեծ ռևոլյուցիան և սովետական իշխանության հաղթանակը Հայաստանում», փաստաթղթերի ժողովածու, էջ 83: Զ. Ս. Մեխիլյան, Հոկտեմբերյան հեղափոխությունը և Կովկասյան բանակը, Երևան, 1970, էջ 226:

¹ Վ. Ի. Լենին, ԵԼԺ, հ. 31, էջ 255:

² Նույն տեղը, էջ 384:

³ Նույն տեղը, էջ 402:

⁴ Վ. Ի. Լենին, ԵԼԺ, հ. 32, էջ 13:

⁵ Նույն տեղը, էջ 16:

⁶ Վ. Ի. Լենին, ԵԼԺ, հ. 31, էջ 458—460:

1916 թվականից սկսած Ռուսաստանում պանթուրքականների գործունեության աշխուժացման համար նոր, բարեհայաստ պայմաններ էին ստեղծվել՝ կապված Միջին Ասիայում հակացարական պայքարի վերելքի հետ: Այդ նույն տարում ալետեղ ապստամբություն ծագեց, որն ուներ ընդգծված հակաֆեոդալական բնույթ: Թուրքեստանի ֆեոդալական-կղերական, պանիսլամական և մյուս հետադիմական շրջանները փորձեցին ապստամբությունն ուղղել հակառուսական հունով՝ «անհավատների» դեմ պայքարի դրոշի տակ: Նույն՝ 1916 թվականին կոչանում հրավիրվեց Ռուսաստանից անջատվել տեղացող պանիսլամական-պանթուրքական գործիչների համագումար: Համագումարը ԱՄՆ-ի պրեզիդենտ Վիլսոնին հղեց մի ուղերձ, որը ստորագրել էին համագումարին տոն տվող ռուսաստանյան թուրքալեզու ազգայնամուլ պարագլուխներից Ղազի Աբդուռաշիդ Իրրահիմը, Ահմեդ Ադա օղլին, Յուսուֆ Աբլուրա օղլին և Ալի Հուսեին զազեն: Նրանք համագումարի անունից Վիլսոնին խնդրում էին ամեն գնով նպաստել «ռուսական ևրդվյալ, անհաշտ ու հավիտենական թշնամուց» Ռուսաստանի 25 միլիոն մահմեդականների՝ թաթարների, բաշկիրների, կիրգիզների, սարթերի, տաջիկների, թուրքմենների, կովկասյան լեռնականների և ադրբեջանցիների ազատագրմանը:

Պանթուրքականներին ընդհանուր առմամբ շահողվեց նեեզափոխել Միջին Ասիայի ըստ էության սոցիալական ժողովրդական ապստամբության նպատակը և այն ուղղել Ռուսաստանի, ուս «անհավատների» դեմ: Բայց քանի որ ցարական կառավարությունը ճնշեց ապստամբությունը, պանթուրքականներն այս անգամ էլ միապետական գործերի գործողությունները ներկայացրին որպես «անհավատների դաժանություններ»:

Թուրքեստանում 1916 թվականի ապստամբությունների փորձը ցույց տվեց, որ դեհկանները կարող են ազատագրվել միայն ռուս բանվորների օգնությամբ, բոլշևիկյան կուսակցության դեկավարությամբ:

1917 թվականի Փետրվարյան բուրժուազեմոկրատական հեղափոխության հաղթանակից հետո ստեղծվել էր այնպիսի իրադրություն, երբ Ռուսաստանը աշխարհում դարձել էր ամենազեմոկրատական երկիրը: Առաջանում էին նորանոր սովետներ, միություններ, խմբակներ, կուսակցություններ, որոնք ունեին

տարբեր ծրագրեր, տարբեր կանոնադրություններ և կազմակերպական կառույց: Նույնպիսի պատկեր ենք տեսնում բոլոր ազգային ծայրամասերում, այդ թվում՝ Ադրբեջանում, Հյուսիսային Կովկասում, Պովոլժիեում, Թաթարիայում, Բաշկիրիայում, Ղազախստանում, Թուրքեստանյան երկրամասում:

Ռուսաստանի մուսուլմանական ծայրամասերում ձևավորված դադափարաքարական շորս հոսանքներին (սոցիալ-դեմոկրատական, լուսավորական-դեմոկրատական, ջադիդիզմ, քադիմիզմ) համապատասխան 1917 թվականի փետրվարից հետո ձևավորվեցին շորս քաղաքական խմբեր՝ բոլշևիկյան (այն ժամանակ կոչվում էր «թուրքական կոմունիզմ»), աշխատավորական, բուրժուազազայնական և կղերաֆեոդալական¹:

Բոլշևիկյան գաղափարները թափանցում էին մուսուլմանական ամենահեռավոր տարածքները: Ադրբեջանում նորից սկսեցին ակտիվ գործունեություն ծավալել «Հումմեթ» և «Աղալեթ» կազմակերպությունները: Մուսուլման կոմունիստների թիվն արագորեն աճում էր Թաթարիայում և Բաշկիրիայում: 1917 թվականի մարտ-ապրիլ ամիսներին սոցիալ-դեմոկրատական կազմակերպություններ սկսեցին գործել Թուրքեստանյան երկրամասի մի շարք քաղաքներում՝ Սամարղանդում, Սկոբելևում (Ֆերգանայում), Կոկանդում, Էնդիջանում, Խոջենթում, Աշխաբադում և այլ վայրերում²:

Ամենուրեք հանդես էին գալիս նաև բոլշևիկներին հարող աշխատավորական կազմակերպություններ, որոնք հատկապես մեծ ուժ ունեին Դաղստանում և Հյուսիսային Կովկասում: Հեղափոխական շարժման ալիքի վրա ամրապնդվում էին Բուխարայի էմիրության և Խիվայի խանության՝ սոցիալիստական գաղափարների ազդեցություն կրած ընդդիմադիր տարրերը, որոնք պայքար էին սկսել էմիրի և խանի իշխանությունը սահմանափակելու, դեմոկրատական ռեֆորմների անցկացման համար: Հեղափոխական իրադարձությունների աճից սարսափած Բուխարայի էմիրը և Խիվայի խանը ապրիլի սկզբին հրապարակեցին մանիֆեստներ՝ խոստանալով պետական կառավարման

¹ ՏՃՍ «Национальный вопрос накануне и в период проведения Великой Октябрьской Социалистической революции», էջ 50—51:

² ՏՃՍ «Очерки истории Коммунистической партии Узбекистана», Ташкент, 1964, էջ 25:

բուրժուական որոշ ուժերը: Բայց խոստացած ուժերը ներքև չհրականացվեցին: Ընդդիմադիր տարրերին սկսեցին դաժանորեն հալածել: Բուխարայում և Խիվայում դրանից հետո դեռ երեք տարի էլ շարունակվեց ֆեոդալական ռեակցիայի իշխանությունը¹:

Ցարի տապալումից հետո մեծ ակտիվություն էր ծավալել մուսուլմանական տարածքների ազգային բուրժուազիան: Նրանախաձեռնությամբ ամենուրեք հրավիրվում էին համագումարներ և այլ համաժողովներ, որոնցում բանաձևեր էին ընդունվում ազգային-մուսուլմանական ինքնավար միավորներ ստեղծելու մասին: Ըստ որում, թուրքալեզու ազգայնական համագումարները, որպես կանոն, բաղձանք էին հայտնում դաշնակցային կապերով միանալ «Լեդայրակից» թուրքերին:

1917 թվականի ապրիլին Բաքվում տեղի ունեցավ Կովկասի մասնեղականների առաջին կոնգրեսը, ուր մուսավաթ կուսակցությունն առաջադրեց Ռուսաստանի մասնեղականների գործուն կենտրոնական մարմին ստեղծելու պահանջը, մի մարմին, որ ենթակա լինի թուրքական կառավարությանը: Նույն թվականի հունիս և օգոստոս ամիսներին Բաքվում տեղի ունեցան Կովկասի մասնեղականների երկրորդ և երրորդ կոնգրեսները՝ որոնք ընդունեցին ավելի անհաշտ պանթուրքական որոշումներ:

Ուֆայում հրավիրված թաթարա-բաշկիրական ազգային ժողովն առաջադրեց ինքնուրույն պետություն կազմելու պահանջը: Այդ պահանջը հատկապես մեծ եռանդով իր էջերում քննարկում էր թաթարական ձեռներեց բուրժուազիայի օրգան «Կուրուլթայ» թերթը, որը միաժամանակ հակաբոլշևիկյան կատաղի պրոպագանդա էր մղում: «Անկախության» գաղափարի ջերմեռանդ ջատագով էր բաշկիրական բուրժուազիայի կողմից ստեղծված Ազգային խորհուրդը: Բախչիսարայում հրավիրված կուրուլթայը (համագումարը) պահանջեց Ղրիմը հռչակել մասնեղական անկախ պետություն: Նույնպիսի պահանջներ էին առաջադրում Միջին Ասիայի և Ղազախստանի ազգայնականները: 1917 թվականի ամռանը հրավիրված Կիրգիզիայի ազգայնականների համագումարը ժամանակավոր կառավարությունից պահանջեց անհապաղ ազգային և կրոնական ինքնավարություն տալ իրենց:

Իսկ չաղաթայ թաթարները պահանջեցին անկախություն տալ Խիվայի և Բուխարայի խանություններին:

1917 թ. մայիսին Օսեթիայի, Դաղստանի, Չեչենիայի, Ինգուշեթիայի, Կաբարդայի, Բալկարիայի լեռնական ազնվականության, բուրժուազիայի, մուսուլմանական հոգևորականության կողմից հիմնվեց «Միավորյալ լեռնականների միություն» կենտկոմը: Դրա ղեկավարներն էին գրողների նազիբարգյունաբերող, միլիտանտեր Չերմոնը, կուլիկ խոշոր կալվածատեր Կապլանովը, ձիաբուծարանների տեր, կաբարդին իշխան Կոցը և այլոք: «Լեռնականների միություն» գործունեությունն ուղղված էր ազգային բուրժուազիայի ուժերի համախմբման, Կովկասի ժողովուրդներին Ռուսաստանի աշխատավորներից կտրելու նպատակին: «Լեռնականների միություն» ծրագիրը հռչակում էր Հյուսիսային Կովկասի անջատումը Ռուսաստանից և «անկախ» պետության կազմավորումը, որի կազմի մեջ պետք է մտնեին Դաղստանը, Թերեքի մարզը, Ստավրոպոլի երկրամասը, Կուբանը, այսինքն՝ Կովկասի տարածքը Կասպից ծովից մինչև Սև ծովը:

1917 թվականի մայիսին Ռուսաստանի բուրժուազայնական մուսուլմանական կուսակցությունների ջանքերով հրավիրվեց համառուսաստանյան մուսուլմանական առաջին համագումարը, որն ընդունեց «Ռուսաստանի բոլոր մուսուլմաններին» կոչը: Այնտեղ մասնավորապես ասված էր. «Քաղաքացի մուսուլմաններ՝ Մենք մի լողունգ ունենք՝ «Կազմակերպվե՛ք» լողունգը: Մենք, մուսուլմաններս, մեր գերակշռող մեծամասնությամբ հասարակական միջին խավ ենք, այսինքն՝ մենք դեմոկրատիա ենք: Մեզանում աննշան թիվ են կազմում կապիտալի և խոշոր հողատիրության ներկայացուցիչները: Մուսուլմանների մոտ ծայրաստիճան թույլ է դասակարգային շերտավորումը...»² Այստեղից հետևություն. մուսուլմանների միջավայրում դասակարգային պայքարի մասին խոսք լինել չի կարող, նրանք բոլորը պետք է մտահոգվեն միայն իրենց ազգային խնդիրներով:

Այդ նույն ժամանակ մուսուլմանական բուրժուազիայի շարքերում տենդագին կերպով տեղի էին ունենում քաղաքական ուժերի բևեռացում և համախմբում: 1917 թվականի կեսերին

¹ Տե՛ս Խ. Մ. Բերբեков, Переход к социализму народов Кабардино-Балкарии, Нальчик, 1963, էջ 54:

² Գ. Касимов, Пантюркистская контрреволюция и ее агентура султангалиевщина, Казань, 1931, с. 2.

¹ Տե՛ս «Очерки истории...», էջ 25—26:

ավարտվեց այդ բուրժուազիայի քաղաքական կազմակերպութիւնների վերջնական ձևավորումը:

Այսպես, օրինակ, թուրքեստանյան երիտասարդ բուրժուազիան և ազգայնականորեն տրամադրված մտավորականությունը միավորվեցին նացիոնալիստական տարրեր կազմակերպությունների մեջ: Ջադիդների աջակցությամբ այստեղ ստեղծվեց «Թուրան» կազմակերպությունը, որը 1917 թվականի հուլիսին վերանվանվեց «Թուրկադամ մարքազիստ»: 1917 թվականի օգոստոսին Թուրքեստանում ստեղծվեց քաղաքական ջադիդական մի այլ կազմակերպություն՝ «Թյուրք ադամի մարքազիյաթը», որի գործունեության հիմքում ընկավ ադրբեջանական մուսավաթ կուսակցության ծրագիրը¹: Չգտելով օգտվել Փետրվարյան հեղափոխության պտուղներից, թուրքեստանյան ազգային բուրժուազիան կազմակերպեց նաև այսպես կոչված «մուսուլմանական կոմիտեներ», «Թուրքմենական մարզային գործադիր կոմիտեներ», «Կիրգիզական կոմիտեներ» («Ալաշ») և բուրժուանացիոնալիստական այլ կազմակերպություններ, որոնք ձգտում էին զբաղվել ժողովրդական շարժումը, նրան հաղորդել «համազգային» բնույթ և ոչ մի դեպքում թույլ չտալ դասակարգային պայքարի հետագա խորացում տեղական ժողովուրդների մեջ:

Ջադիդների ամենախոշոր քաղաքական կազմակերպությունը, այնուամենայնիվ, դարձավ «Շուրո-ի իսլամիյա» կուսակցությունը: Ազգրնական շրջանում քաղաքական այդ կազմակերպության մեջ էին միավորվել ո՛չ միայն մուսուլմանական բուրժուազիայի ներկայացուցիչները, այլև ֆեոդալական տարրերը, մուսուլմանական հոգևորականությունը:

«Շուրո-ի իսլամիյան» առաջին իսկ օրերից աշխատում էր տեղական բնակչությանը համախմբել իր դրոշի տակ և այդ նպատակով ծավալել էր տպագիր ու բանավոր լայն պրոպագանդա: Ջադիդիզմի պարագլուխները փորձում էին աշխատավորներին համոզել, թե բոլոր մուսուլմանները մի միասնական ազգի գավակներ են և որ այդ «իսլամի ազգի» ղանաղան դասակարգերի միջև ոչ մի հակասություն չկա: Մուսուլման (բայց ոչ թուրք) տաջիկ ջադիդներից բացի, միջինասիական բոլոր

ջադիդները հանդես էին գալիս նաև այն քարոզով, թե թրքալեզու բոլոր ժողովուրդները մեկ թյուրքական ազգ են, որ այդ ազգը մի միասնական ընտանիք է, որի բոլոր անդամները եզրայրներ են, անկախ նրանց գույքային վիճակից²:

«Շուրո-ի իսլամիյա» միացյալ հակահեղափոխական կուսակցության ֆեոդալական տարրերը, հետադիմական մուսուլմանական հոգևորականության ներկայացուցիչները և տեղական բուրժուազիայի առավել հետադեմ մասը 1917 թվականի ամռանը անջատվեցին այդ կուսակցությունից, այս միավորվելով ստեղծեցին ֆեոդալակերական իրենց առանձին քաղմական կազմակերպությունը «Շուրո-ի ուլեմա» անունով: Քաղմականների հեռանալուց և իրենց ինքնուրույն կազմակերպությունը ստեղծելուց հետո «Շուրո-ի իսլամիյա» կուսակցությունը դարձավ զուտ ջադիդական բուրժուազգայնական կազմակերպություն³:

Ի տարբերություն ջադիդական «Շուրո-ի իսլամիյա» կազմակերպության, որի գաղափարախոսությունը և՛ պանիսլամիզմն էր, և՛ պանթուրքիզմը, քաղմականների «Շուրո-ի ուլեմա» առավել հետադիմական կուսակցության հիմնական գաղափարախոսությունը պանիսլամիզմն էր: Ուլեմականները կանգնած էին մուսուլմանական ժողովուրդների կենցաղում և նրանց հասարակական կյանքում նահապետական-ֆեոդալական հիմքերը անառիկ պահելու դիրքերում: Նրանք մուսուլմանական կազմակերպություններին կոչ էին անում միավորվել նաև «Իթթիֆաթի մուսլիմի» և «Ջումիյաթի ուլեմա» հետադիմական կուսակցությունների մեջ⁴: 1917 թվականի հուլիսի 30-ի քաղաքային դումաների ընտրություններում բացարձակ մեծամասնություն ստանալով, ուլեմականները ուժեղացրին ռեակցիայի հարձակումը Թուրքեստանյան երկրամասի գեմոկրատական ուժերի վրա⁵:

¹ *ՏՆ՝* «Национальный вопрос накануне и в период проведения Великой Октябрьской социалистической революции», էջ 57:

² *ՏՆ՝* նույն տեղը, էջ 56:

³ *ՏՆ՝* «Труды Узбекского университета им. А. Навои. Новая серия. Выпуск 61. Исторический факультет. Самарканд, 1956, էջ 210:

⁴ *ՏՆ՝* «Очерки истории Коммунистической партии Узбекистана», էջ 32:

¹ *ՏՆ՝* «Очерки истории Коммунистической партии Узбекистана», էջ 32:

Պետք է ասել, որ Ռուսաստանի մուսուլման ժողովրդական զանգվածների հետամնացության և անբավարար քաղաքական պատրաստվածության հետևանքով նրանց զգալի մասը սկզբնական շրջանում վստահությամբ էր վերաբերվում «Մուսավաթ» կուսակցությանը Ադրբեջանում, «Ուլեմա» և «Շուրա-ի իսլամիյա» կազմակերպություններին թուրքեստանում և այլն: Բայց հեղափոխության հետագա խորացմանը զուգընթաց, աշխատավորներն աստիճանաբար հեռանում էին բուրժուական նացիոնալիստներից: Վերջիններս և ընդհանրապես բոլոր մուսուլման հակահեղափոխականները, դեռևս չհրաժարվելով թուրքիայի հետ միավորման գաղափարից¹, միաժամանակ վստահություն էին հայտնում բուրժուական ժամանակավոր կառավարությանը: Փրենց ընդունած բանաձևերով հենց այդպես վարվեցին, օրինակ, 1917 թվականի գարնանը կայացած «Շուրո-ի իսլամիյա-յի» երկրամասային առաջին և ջադիդների համաթուրքեստանյան համագումարները: Ղազախ, կիրգիզ, թաթար, ադրբեջանցի նացիոնալիստները նույնպես չհապաղեցին իրենց «անկեղծ նվիրվածությունը» հայտնել ժամանակավոր կառավարությանը: Դա պատահական չէր: Չէ՞ որ այդ կառավարությունը հետևողականորեն պայքարում էր բոլշևիկների դեմ: Իսկ բոլշևիկները հանդես էին գալիս Ռուսաստանի բոլոր ազգերի աշխատավորների ինտերնացիոնալ համախմբման լոզունգով, մի բան, որ տրամագծորեն հակառակ էր մուսուլման նացիոնալիստների, պանթուրքականների և պանիսլամականների պլաններին: Այստեղից էլ՝ բոլշևիկների դեմ պայքարող ժամանակավոր կառավարությանը ցույց տրվող վստահությունը և նրա պաշտպանությունը:

Նման պայմաններում էր, որ հայ ազգայնականների մոտ ևս հղացան Ռուսաստանից անջատվելու, «ապատ» ու «անկախ» լինելու մասին մտքեր, այսինքն՝ նրանց մոտ ցանկություն առաջացավ քայլել Ռուսաստանի թրքալեզու ազգայնականների ձանապարհով: Բայց եթե վերջիններս Ռուսաստանից ան-

ջատվելով գնում էին դեպի իրենց «մեծ եղբոր»՝ Թուրքիայի գիրկը, ստանում նրա անվերապահ հովանավորությունը, ապա ո՞ւմ էին ապավինում հայ ազգայնականները, նրանց կարծիքով ում մոտ պետք է պաշտպանություն գտներ հայ ժողովուրդը, ում հետ էր նա կապելու իր գոյության հույսը: Այս հարցերը անհետաձգելի պատասխաններ էին պահանջում:

* * *

1917 թվականի հոկտեմբերին Ռուսաստանի պրոլետարիատը, չքավոր գյուղացիության հետ դաշնակցած, բոլշևիկյան կուսակցության գլխավորությամբ, Վ. Ի. Լենինի առաջնորդությամբ գրոհի գնաց բուրժուակալվածատիրական կարգերի դեմ և փայլուն հաղթանակով պսակեց շահագործման կապանքներից ազատագրվելու համար աշխատավորների երկարատև պայքարը:

Ճեղքելով միջազգային իմպերիալիզմի ճակատը նրա թույլ օղակներից մեկում՝ Ռուսաստանում, Հոկտեմբերյան սոցիալիստական մեծ հեղափոխությունը հաստատեց պրոլետարիատի դիկտատուրա, ստեղծեց աշխարհում առաջին բանվորագյուղացիական կառավարությունը՝ ժողովրդական կոմիսարների խորհուրդը՝ Վ. Ի. Լենինի գլխավորությամբ:

Հոկտեմբերյան հեղափոխությունը, որը մարդկության պատմության մեջ ամենախոշոր իրադարձությունն է, սկիզբ դրեց կապիտալիզմի ընդհանուր ճգնաժամին, կապիտալիզմից սոցիալիզմին անցնելու համաշխարհային-պատմական պրոցեսին: Հեղափոխությունը կապիտալիստական ստրկությունից վերջնականապես ազատագրեց Ռուսաստանի աշխատավոր մասսաներին, ազատություն բերեց երկրի բոլոր ճնշված ու տառապած ազգերին ու ժողովուրդներին, նրանց տվեց ազգային վերածննդի, առաջընթացի ու արարման բոլոր հնարավորությունները:

գունգներով, որոնք այն ժամանակ օբյեկտիվորեն որոշակի առաջադիմական բովանդակություն ունեին, ապա Հոկտեմբերյան հեղափոխության նախապատրաստության և անցկացման ժամանակաշրջանում այդ բուրժուազիան ռեակցիոն դիրքերից բացերբաց հանդես եկավ հեղափոխական Ռուսաստանից անջատվելու և թուրքիայի ու Անգլիայի հովանավորության տակ բուրժուական «անկախ» պետություն ստեղծելու պահանջով (այդ մասին տես «История прогресса», Ташкент, изд-во «Фан», 1985, էջ 21, 23 26):

¹ Այդ շրջանում թուրքիայի հետ միավորման լոզունգի ամենաեռանդուն քաղաքացիները թուրքեստանում ջադիդներն էին, Բուխարայում՝ երիտբուխարացիները, Խորհրդում՝ երիտխիվացիները, Ղազախստանում՝ ալաշորդինցիները: Եթե 1905—1907 թվականներին, որոշ չափով նաև մինչև 1917 թվականի Փետրվարյան հեղափոխությունն ընկած ժամանակաշրջանում Միջին Ասիայի և Ղազախստանի ազգային բուրժուազիան հանդես էր գալիս համազգային լո-

Հեղափոխության հաղթանակից անմիջապես հետո ստեղծվեց Ազգությունների գործերի ժողովմաստ: Սովետական կառավարությունը 1917 թվականի նոյեմբերի 2 (15)-ին հռչակեց «Ռուսաստանի ժողովուրդների իրավունքների դեկլարացիան», որն օրենսդրական կարգով սահմանեց երկրի բոլոր ազգությունների ազատ զարգացումն ու լիակատար իրավահավասարությունը¹: 1917 թվականի նոյեմբերի 20 (դեկտեմբերի 3)-ին հրապարակվեց «Ռուսաստանի և Արևելքի բոլոր մուսուլման աշխատավորներին» դիմումը², որով ազատ և անձեռնմխելի հայտարարվեցին մուսուլմանների ազգային և կուլտուրական հաստատությունները, երաշխավորվեց նրանց կրոնական լիակատար ազատությունը:

Սոցիալիստական հեղափոխության հաղթանակից հետո սկսվեց նրա հաղթական երթն ամբողջ երկրով մեկ: Ոգեշնչված նրա գաղափարներով, Կենտրոնական Ռուսաստանի բանվորների և գյուղացիների օրինակով Անդրկովկասի և Հայաստանի աշխատավորները նույնպես, բոլշևիկյան կազմակերպությունների գլխավորությամբ, պայքար սկսեցին երկրամասում սովետական իշխանություն հաստատելու համար: Սակայն հակահեղափոխական ուժերին հաջողվեց ժամանակավորապես կասեցնել սոցիալիստական հեղափոխության հաղթական երթն Անդրկովկասում, մի բան, որ շափազանց ծանր նստեց երկրամասի ժողովուրդների, առաջին հերթին հայ ժողովրդի վրա:

1917 թվականի նոյեմբերի 22-ին ժամանակավոր կառավարության անդրկովկասյան վարչությանը՝ «Օզակոմին» փոխարինելու եկավ այսպես կոչված «Անդրկովկասյան կոմիսարիատը»՝ երկրամասի բուրժուազայնական կուսակցությունների միացյալ քաղաքական օրգանը, որը զավթեց իշխանությունը և կատաղի պայքար սկսեց բանվորների և աշխատավոր գյուղացիների հեղափոխական շարժումների դեմ, որոնք ոտքի էին ելել Անդրկովկասում սովետական իշխանություն հաստատելու համար: Կոմիսարիատը բռնեց երկրամասը սովետական Ռուսաստանից մեկուսացնելու և անջատելու ուղին:

Այդ ծանր ժամանակներում նորաստեղծ սովետական կառա-

¹ Տե՛ս «Документы внешней политики СССР», том I, Политиздат, Москва, 1957, էջ 34—35:

² Տե՛ս նույն տեղը, էջ 34—35:

վարությունը ոչ միայն մտահոգված էր Անդրկովկասի ժողովուրդների, այլ թվում երկրամասի հայության բախտով, այլև, լինելով բոլոր ճնշվածների, հարստահարվածների ու տառապյալների իղձերի արտահայտիչը, բնականաբար ձեռք պետք է մեկնեք և մեկնեց բազմաշարժար արևմտահայության բեկորներին:

1917 թվականի դեկտեմբերին ժողովուրդն ընդունեց «Թուրքահայաստանի մասին» դեկրետը, որը հրապարակվեց Վ. Ի. Լենինի և Ի. Վ. Ստալինի ստորագրությամբ: Դա պատմական մեծ նշանակություն ունեցող փաստաթուղթ էր, որով նորաստեղծ սովետական կառավարությունն իրավաբանորեն ճանաչում էր հայ ժողովրդի արևմտյան հատվածի օրինական իրավունքներն իր հայրենիքի՝ Արևմտահայաստանի նկատմամբ: Սովետական կառավարությունը նաև երաշխիքներ էր տալիս հայ ժողովրդի իրավունքներն Արևմտահայաստանի ողջ տարածքի վրա իրականացնելու համար: Սակայն այդ դեկրետը, որը վրձնորոշ նշանակություն պետք է ունենար արևմտահայ ժողովրդի հետագա բախտի համար, այնպես էլ չիրագործվեց կյանքում: 1918 թվականը, համաշխարհային պատերազմի վերջին տարին, նոր աղետներ բերեց բազմաշարժար հայ ժողովրդին:

Հոկտեմբերյան սոցիալիստական մեծ հեղափոխությունը հսկայական ազդեցություն էր գործել միջազգային իրադրության վրա ընդհանրապես, Մերձավոր արևելքի իրավիճակի վրա՝ մասնավորապես: Սովետական նորաստեղծ կառավարությունը բոլոր պատերազմող կողմերին արյունահեղությունը դադարեցնելու կոչ արեց, շեղյալ համարեց այլ երկրների հետ ցարական կառավարության կնքած անիրավահավասար պայմանագրերը, հայտարարեց իր հարևանների հետ հաշտ ու խաղաղ ապրելու, մասնավորապես Թուրքիայի հետ հաշտություն կրն՝ քելու պատրաստակամության մասին:

Ստեղծված նոր իրադրությունը Թուրքիայի համար շափազանց բարենպաստ էր: Նա կարող էր պատերազմից դուրս գալ և իր համար ձեռնտու պայմաններով հաշտության բանակցություններ սկսել Սովետական Ռուսաստանի հետ: Բայց Թուրքական կառավարող շրջանները չկարողացան, ավելի ճիշտ՝ չցանկացան օգտվել պատմության ընձեռած այդ բացառիկ հնարավորությունից:

Սովետական հանրապետության համար ստեղծված դժվա-

րին կացութիւնը թեւավորեց իթթիհադական կառավարող կլիկին, որը շարունակում էր հավատարիմ մնալ գերմանական իմպերիալիզմի հետ կնքած դաշինքին: Միջազգային կացութիւնը, մասնավորապէս Անդրկովկասի խառն իրավիճակը երիտթուրքերը շատ նպաստավոր համարեցին նորանոր արկածախընդ-րական քայլեր կատարելու համար:

Թուրքական զավթիչներին հատկապէս ոգեշնչում էր այն, որ Անդրկովկասի բուրժուազայնական կուսակցութիւնները մեղքով ռուս զինվորները մասսայաբար թողնում էին կովկասյան ռազմաճակատը և վերադառնում հայրենիք: «Նացիոնալիզմը և ռազմաճակատի մերկացումը» հողվածում, որը լույս է տեսել «Բակինսկի ռաբոչի» թերթում 1917 թվականի դեկտեմբերի 17-ին, Անդրկովկասի բոլշևիկների ղեկավար Ստեփան Շահումյանը գրում էր, թե կործանարար այն կուրսը, որ վարում են Անդրկովկասի երեք խոշոր բուրժուանացիոնալիստական ուժերը՝ վրացական մենշևիկները, մուսավաթականները և դաշնակցականները, «առաջին իսկ քայլերից ամենացավալի հետեւանքների է հասցնում»: Ռուս զինվորները ռազմաճակատը թողնում ու նեղանում էին այն պատճառով, որ Անդրկովկասի նացիոնալիստական կուսակցութիւնները երկրամասը կտրելով հեղափոխական Ռուսաստանից, ստեղծում էին ազգային զորամասեր², դրանք զինում ու զգեստավորում ռուս զինվորների հաշվին՝ երբեմն նրանց զինաթափելու միջոցով: Պարզ է, որ այսպիսի պայմաններում կեսմիլիոնանոց ռուսական բանակը, որն իր հայրենիքից կտրված երեք տարի պատերազմ էր մղում հենց Անդրկովկասի ազգութիւնների շահերը պաշտպանելու համար, պետք է որ վրդովվեր իրադարձութիւնների ընթացքից, շեն-

¹ Ստեփան Շահումյան, ԵԼԺ, հ. 4, Երևան, 1978, էջ 56:

² Դեռևս 1917 թվականի կեսերին Կերենսկու հրամանով Կովկասի 4 ազգութիւնները՝ ռուսները, վրացիները, հայերը, ադրբեջանցիները, արտոնութիւն էին ստացել յուրաքանչյուրը 64 հազարանոց զորաբաժին կազմելու մասին: Ժամանակավոր կառավարութիւնը խոստացել էր այդ զորամիավորումներին տրամադրել անհրաժեշտ զենք ու զինամթերք: Կառավարութիւնը հույս ուներ, թե ռուսական բանակը Կովկասյան ճակատից քաշվելու դեպքում ազգային այդ զորամասերը ի վիճակի կլինեն կասեցնելու թուրքերի ներխուժումը Կովկաս: Սակայն դրանք ոչ թե երկրամասը պաշտպանելու ուժ, այլ ազգամիջյան արյունալի կոիվների գործիք դարձան: Ինչ վերաբերում է մուսավաթականներին էնթակա ազգային զորամասերին, ապա դրանք ուղղակի նպաստեցին թուրքերի ներխուժմանն Անդրկովկաս:

թարկվեր Անդրկովկասի կոմիսարիատին և շճանաչեր նրա իշխանութիւնը, հեռանար Ռուսաստան և իրեն դնէր Պետրոգրադի բանվորազուղացիական կառավարութիւն տրամադրութիւն տակ՝:

Ստ. Շահումյանը նշում էր, որ վրացական մենշևիկները «վայնասուն են բարձրացրել այն առթիվ, թե իբր բոլշևիկներն իրենց ազդեցիկացրել ռուս զինվորներին գրգռում են բնիկների դեմ և իբր թե զինվորների՝ ռազմաճակատից շարժվելը մեր ազդեցիկացի հետեւանքն է»²: Հակահարված տալով մենշևիկներին, Շահումյանը շեշտում էր, որ բոլշևիկներն այդ վտանգի մասին Անդրկովկասի կառավարող կուսակցութիւններին նախազգուշացրել են դեռևս մի քանի ամիս առաջ, նկատի ունենալով, որ նրանց քաղաքականութիւնն անխուսափելիորեն կհանգեցնի նրան, որ թուրքերի առջև կբացվի ռազմաճակատը: «Բանակը, ասում էինք մենք, ձեր ազգայնական քաղաքականութիւնից դժգոհ՝ տարերայնորեն, անկազմակերպ կերպով կհորդի ռազմաճակատից և կսրբի ու կհեղեղի ձեզ: Այժմ այդ բոլորը արդարացավ»: Այնուհետև նա նշում էր, որ «ներկայումս կովկասյան բանակի համար ամենահեղինակավոր ձայնը կլինի մեր կուսակցութիւն ձայնը, բայց մենք բոլորովին անզոր ենք կանգնեցնելու ռազմաճակատից եկող այն տարերային շարժումը, որ սկսվել է գրեթե ամեն տեղ»³:

Կովկասյան ճակատից ռուսական զորքերի հեռացման պայմաններում բոլշևիկները դնում էին հեղափոխական կողմնորոշմամբ զինված նոր ուժերի ստեղծման խնդիրը: Այդ ուժերը պետք է բռնեին հեռացող ռուսական զորքերի տեղը և թուրքական ներխուժման վտանգից պաշտպանեին երկրամասը:

«Կովկասյան բանակի ետ քաշվելու առթիվ» հողվածում Ստ. Շահումյանը 1917 թվականի դեկտեմբերին գրում էր, որ որքան էլ քիչ հավանական լինի Թուրքիայի հետ պատերազմի վերսկսումը, այնուամենայնիվ ռազմաճակատում անհրաժեշտ է անպայման ունենալ որևէ պաշտպան զորամաս: «Եթե թուրքական բանակը չի ուզում և չի կարող պատերազմել, — նշում էր նա, — ապա բաց տեղում առաջ շարժվել նա ազատ կերպով

¹ Տճ՝ Ստեփան Շահումյան, ԵԼԺ, հ. 4, էջ 56:

² Նույն տեղը, էջ 58:

³ Նույն տեղը, էջ 57:

կարող է: Իսկ մենք այնտեղ ունենք շատ գույք, ամբողջունենք ու հանդերձանք, որոնք պաշտպանություն կարիք են զգում»¹:

Շահումյանը նշում էր, որ ռազմաճակատից ռուսական բանակի անակնկալ հետ քաշվելը հատկապես «չափազանց ծանր դրուժյուն է ստեղծում Թուրքահայաստանում: Իմանալով իրերի դրուժյունն այդ դժբախտ երկրում, մենք պետք է հավատացած լինենք, որ այնտեղ մի նոր դժոխք է ստեղծվում, անմեղ խաղաղ բնակչության արյան նոր գետեր են հոսելու...»²

Բոլշևիկների կանխատեսությունն իրականացավ: Երիտթուրքերը գտան, որ եկել է ժամանակը իրենց պանթուրքական և պանիսլամական նպատակներն իրականացնելու. այն է՝ զավթել Կովկասը, Ղրիմը, Անդրկովկասյան երկրամասը, Պովոլժինն, Միջին Ասիան: Պանթուրքական հովերով տարված էնվերը և երիտթուրքական կլիկը հույս ունեին Կովկասում համալրել մարդկային և նյութական իրենց ռեսուրսները՝ պատերազմը հաղթական ավարտին հասցնելու համար, ձեռք բերել հարուստ ավար և, որ հատկապես կարևոր էր, խոշընդոտել սովետական իշխանության աճող հեղինակության տարածմանը Թուրքիայի աշխատավորների շրջանում, ամրապնդել իրենց խարխլված դիրքերն ինչպես երկրի ներսում, այնպես էլ միջազգային ասպարեզում:

Անդրկովկասում թուրքական իմպերիալիստների զավթողական պլանների իրականացմանը նպաստում էին երկրամասի հակահեղափոխական, բուրժուազգայնական ուժերը: Աշխատավորների դեպուտատների հեղափոխական սովետների փոխարեն այստեղ ստեղծվեցին ռեակցիոն բուրժուակալվածատիրական «ազգային խորհուրդներ»³, որոնք փաստորեն ազգային կառավարությունների դեր էին կատարում, տենդանորեն կազմակերպում իրենց զինված ազգային զնդերը: Բոլշևիկները զգուշացնում էին, որ ազգայնականների հակաժողովրդական քաղաքականության հետևանքով Կովկասը և մասնավորապես Ան-

դրկովկասը անխուսափելիորեն զլորվելու են հակահեղափոխության և ազգամիջյան պատերազմների անդունդը, դրանով իսկ հեշտացնելով թուրքական իմպերիալիստների գործը: Նրանք գտնում էին, որ ստեղծված կազուժյունից դուրս գալու միակ ելքը երկրամասում սովետական իշխանության հաստատումն է: «Բանվորների, զինվորների և գյուղացիների դեպուտատների բոլոր սովետներին, Կովկասի բոլոր բանվորներին, զինվորներին և գյուղացիներին» ուղղված դիմումում, Կովկասի գործերի ժամանակավոր արտակարգ կոմիսար Ստ. Շահումյանը զգուշացնելով, որ «Կովկասը կանգնած է անդունդի եզրին», կոչ էր անում. «Փրկեցե՛ք նրան: Ստեղծեցե՛ք այստեղ ինտերնացիոնալ բանվորագյուղացիական կառավարություն, որը Ռուսաստանի սովետական կենտրոնների և Ժողովրդական կոմիսարների խորհրդի հետ սերտ միասնություն ստեղծելով՝ վերջ կդնի Կովկասի հակահեղափոխությանը և երկրի բանվոր ու գյուղացի բնակչությանը կառաջնորդի դեպի լուսավոր ապագա, դեպի սոցիալիզմի թագավորությունը»⁴: Բայց հակահեղափոխական ուժերը գնալով համախմբվում էին, միավորում իրենց ուժերը՝ երկրամասում հեղափոխությունը խեղդելու համար:

Այդ շրջանում անդրկովկասյան հակահեղափոխության գլխավոր ուժը դարձավ ադրբեջանական բուրժուազիայի մարտնչուղ կուսակցությունը՝ «Մուսավաթը», որը մինչև 1917 թվականի վերջերը երկրամասի բուրժուական կուսակցություններից ամենաթույլն էր: Ստ. Շահումյանի արտահայտությամբ, այն «մի խղճուկ, շնչին կուսակցություն»² էր, որը «չունեի ոչ մի կազմակերպություն, ոչ մի իշխանություն, որը ոչ մի դեր չէր խաղում հեղափոխության սկզբում»³: Բայց արդեն 1918 թվականի սկզբբին, նշում էր նա, «Մուսավաթը» Անդրկովկասի ամենաուժեղ քաղաքական կուսակցությունը դուրս եկավ և սկսեց վճռել երկրամասի բախտը⁴: Կարճ ժամանակամիջոցում այդ կուսակցության ուժեղացման հիմնական պատճառները Ստ. Շահումյանի կարծիքով՝ մի կողմից վրացական մենշևիկների, Անդրկովկա-

¹ Ստեփան Շահումյան, ԵԼԺ, հ. 4, էջ 60:

² Նույն տեղը, էջ 61:

³ «Հայոց ազգային կառավարության» դեր էր ստանձնել Թիֆլիսում գործող Կովկասի Հայոց ազգային խորհուրդը, որը ստեղծվել էր Կովկասի հայոց կառավարական շարժումը ղեկավարող ազգային բյուրոյի վերակառուցման միջոցով (տե՛ս Վարդգես Ահաբունեան, Անդրանիկ. մարդը և ռազմիկը, էջ 146):

¹ Ստեփան Շահումյան, ԵԼԺ, հ. 4, էջ 101:

² Ստեփան Շահումյան, ԵԼԺ, հ. 5, էջ 16:

³ Նույն տեղը, էջ 15:

⁴ Տե՛ս նույն տեղը, էջ 16:

սում իշխանության գլուխ անցած ազնվականական և մանրբուր-
ժուական կուսակցությունների դավաճանական քաղաքականու-
թյունն էր (նրանք բլոկի մեջ էին մտել «Մուսավաթի» հետ և
մեծապես ուժեղացրել բեգերին ու խաներին), մյուս կողմից՝
«մուսուլմանական դեմոկրատիայի տգիտությունն ու անկազ-
մակերպվածությունը»¹, որոնցից օգտվելով, ադրբեջանական
բուրժուական նացիոնալիստները, վրացական մենշևիկների
աջակցությամբ, դիմեցին մի նոր շարագործության: 1918 թվա-
կանի Նոյեմբերի 9—12-ին մուսավաթական բազմաքանակ զին-
ված բանդաները Ելիզավետպոլի մուսուլմանական ազգային կո-
միտեի անդամների գլխավորությամբ բռնությամբ զինաթա-
փեցին կովկասյան ճակատից Ռուսաստան մեկնող զորամասե-
րը իրենց ազգային գնդերը զինելու նպատակով: Թիֆլիս—
Ելիզավետպոլ երկաթուղային հատվածում և հատկապես Շամ-
խոր կայարանի շրջակայքում նրանք սպանեցին և վիրավորե-
ցին հազարավոր ռուս զինվորների: Մուսավաթական բանդա-
ները խլեցին մինչև 15 հազար հրացան, 70 գնդացիր, երկու
տասնյակ թնդանոթ² և այլն:

Տենդայնորեն զինելով ազգային զորամասերը, «Մուսա-
վաթը» նախապատրաստվում էր մի կողմից հաշվեհարդար տես-
նելու բեգերի ու կալվածատերերի դեմ ոտքի ելած ադրբեջա-
նական աշխատավոր գյուղացիության հետ, մյուս կողմից՝ Թուր-
քական բանակների Անդրկովկաս ներխուժելու դեպքում նպաս-
տելու նրանց գավթողական պլանների իրականացմանը:

Ռուսական զորամասերի զինաթափումը խստորեն դատա-
պարտեցին բոլշևիկները:

1918 թվականի մարտի 3-ին Բրեստ-Լիտովսկում կնքված
պայմանագրով հաշտություն հաստատվեց ոչ միայն Գեորգի-
նիայի և Սովետական Ռուսաստանի, այլև Թուրքիայի և Ռուսաս-
տանի միջև: Այդ հաշտարար դաշնագիրը պետք է սկիզբ դներ
նրանց միջև նոր հարաբերությունների:

Բրեստ-Լիտովսկի դաշնագրի 4-րդ հոդվածով նախկինում
Ռուսաստանի կազմում գտնված Կարսի, Արդահանի և Բաթումի
շրջանների բնակչությանն իրավունք էր վերապահվում «հա-

րևան պետությունների և հատկապես Թուրքիայի հետ համա-
խորհուրդ ճշտելու նոր դրույթունը»¹: Նշված շրջանների հետա-
գա ճակատագիրը պետք է որոշվեր այդ շրջանների բնակչու-
թյան կամքի ազատ արտահայտությամբ:

Բրեստ-Լիտովսկի հաշտության դաշնագրով դադարեցվում
էին պատերազմական գործողությունները Ռուսաստանի և Թուր-
քիայի միջև: Այնինչ, դաշնագիրը ստորագրելուց դեռ մեկ ամիս
չանցած, մարտի վերջերին, Թուրքական բանակները պատերազ-
մական գործողություններ սկսեցին Սովետական Ռուսաստանի
դեմ: Նրանք հորով ու սրով մտան Անդրկովկաս, դրանով իսկ ոտ-
նահարելով ստանձնած պարտավորությունները և միջազգային
իրավունքի տարրական նորմերը: Թուրքիան դարձավ հակասո-
վետական ինտերվենցիայի առաջին իրականացնողներից մեկը:

Թուրքական կանոնավոր զորքերը, մուսուլմանական տեղա-
կան ավագակային խմբերի հետ միասին, շուտով գրավեցին սո-
վետական հանրապետության հողերը, այդ թվում Կարսի, Ար-
դահանի և Բաթումի շրջանները, քաղաքների ու գյուղերի քրիս-
տոնյա բնակչությանը ենթարկելով ահավոր բռնությունների և
կողոպուտների: Գրավված վայրերում ամենուրեք հաստատվեց
Թուրքական վարչություն:

Այնուհետև, իբրև «ի կատարումն» Բրեստ-Լիտովսկի դաշ-
նագրի 4-րդ հոդվածի, օկուպանտները հաջորդ քայլն արեցին.
նրանք ձեռնարկեցին հիշյալ երեք շրջանների բնակչության
«ազատ կամքի արտահայտության» կազմակերպումը, այսինքն՝
հանրաքվեի անցկացումը, որը պետք է հաստատեր «նոր պե-
տական դրույթուն»:

Նախքան «քվեարկության» անցկացումը, գրավված Կարսի,
Արդահանի և Բաթումի շրջանների բնակչությունն արդեն են-
թարկվել էր ահաբեկման և մատնված էր այնպիսի մի վիճակի,
որի պայմաններում նրան տրամադրված «իրավունքը» պար-
զապես ծաղր էր:

«Հանրաքվեի» նախօրյակին Թուրքերը ձեռքակալեցին և
գնդակահարեցին աչքառու այն բոլոր քաղաքացիներին, որոնք
կարող էին դեմ արտահայտվել օկուպանտների կամքին: Նման
պայմաններում «հանրաքվեի» արդյունքները չէին կարող կան-

¹ Ստեփան Շահումյան. *Եժ*, 5, էջ 16:

² ՏԼՊ Ստեփան Շահումյան. *Եժ*, 5, 4, էջ 132:

¹ Ю. В. Ключников, А. Сабалин, Международная политика новей-
шего времени в договорах, нотах и декларациях, часть II, с. 175.

խապես որոշված չլինել: «Հանրաքվեին» ըստ էության մասնակցեց մուսուլման բնակչությունը, և նա էլ որոշեց մնալ Թուրքիայի կազմում:

Սովետական կառավարությունը խստորեն դատապարտեց Էրեստ-Կիտովսկի դաշնագիրը ոտնահարած թուրք զավթիչների գործողությունները և անօրինական համարեց վերոհիշյալ օկուպացված շրջաններում անցկացրած «հանրաքվեն»: Ազդարարելով, որ Ռուսաստանից անջատված շրջանների բնակչության վրա գործադրված բռնությունն ըստ էության ոչնչացնում է դաշնագրի 4-րդ հոդվածը, սովետական կառավարությունն այդ շրջանների նոր վիճակի հարցը համարեց բաց:

Թուրքական զորքերի դեմ Կովկասյան ռազմաճակատի ամբողջ երկայնքով կռվում էին միայն հայկական ազգային զորամասերը: Հեռանալով Ռուսաստան, ռուսական զորքերն իրենց սպառազինությունը, ռազմանյութերը, ինչպես նաև պարենի ու հանդերձանքի մի մասը հանձնեցին հայկական ազգային զորամասերին¹: «Ռուս սպաներ հայ վարիչներուն տեղեակ կը պահէին ռազմաճակատի կացութեան մասին և կը թելադրէին անոնց, որ ամեն ճիգ թափեն այդ գիծը հայերով լեցնելու համար»²: Անհավասար արշունահեղ կռիվներ էին տեղի ունենում թուրքական կանոնավոր բանակների և հայ կամավորների միջև: Թուրք-անդրկովկասյան պատերազմը փաստորեն վերածվեց թուրք-հայկական պատերազմի: Հայերը դիմադրում էին համառորեն, ճերոսաբար: Ինչպես հետագայում նշել է Լյուդենդորֆը,

¹ Ռուսական բանակը հայերին թողեց մոտավորապես 3 հազար թնդանոթ, 3 հազար գնդացի, մոտ մեկ միլիոն ռումբ և շրապնել, մեկ միլիարդ փամփուշտ, 100 հազար հրացան, 100 հազար զինվորական համազգեստ, նույնքան մարդու հատկացված պարեն, մասնավորապես Կարս բերդաքաղաքում եղած ցորենի հսկա ամբարները, մոտ 17 հազար ձի, մեծ թվով կառքեր, բեռնատար և մարդատար ավտոմոբիլներ, ձիու թամբեր, բենզին, հսկա հակերով կոշիկի կաշիներ, ամեն տեսակ զանազան սիտուլքներ: Բաքվի վրայով վերադարձող ռուսական զորամասերը քաղաքի պաշտպաններին թողեցին 160 թնդանոթ, 180 գնդացի, 160 միլիոն փամփուշտ և այլն: Բայց հայերը չկարողացան տեր կանգնել ռուսական բանակի թողած այդ հսկայական հարստությունը: Այն, չնչին բացառությամբ, ընկավ հարձակվող թուրքերի ձեռքը (տե՛ս Ա. Միհրանեան, Ինչպես պետք է գրավել Թուրքահայաստանը (զոր. Անդրանիկի կարծիքը), Կ. Պոլիս, 1921, էջ 7—9):

² Արտաշես Անդրեասեան, Ուրուագիծ հայոց պատմութեան և հայկական մշակոյթի, էջ 213:

Կովկասյան ճակատից ռուսական բանակի հեռանալուց հետո այնտեղ Թուրքիայի դեմ կռվում էին միայն հայերը, որոնք «1918 թվականի սկզբին և (հետագա) ութ ամիսներին կասեցրին Բաքվի գրավումը»¹:

Մինչև ատամները զինված թուրքական զորքերի դեմ հայերի ինքնապաշտպանական կռիվներն ուղղված էին նաև Անդրկովկասի հակահեղափոխական ուժերի և, առաջին հերթին, մուսավաֆականների դեմ, որոնք գրկաբաց և անհամբերությամբ սպասում էին իրենց «կրոնակից եղբայրներին»: Ըստ էության այդ ինքնապաշտպանությունը մեծ աջակցություն էր նաև Բաքվի սովետական իշխանությանը:

Կովկաս ներխուժած թուրքական և գերմանական դաշնակից-զավթիչների միջև շուտով տարաձայնություններ ծագեցին: Գրանք սրվեցին հատկապես կովկասյան տարածքների բաժանման հարցում: Կողմերից ոչ մեկը չէր ուզում զիջել: «Էնվերը,— գրում է Ա. Ֆ. Միլլերը,— վերածնելով իր պանթուրքական, պանիսլամական պլանները, ձգտելով գրավել ողջ Կովկասը, երազում էր նաև արշավել դեպի Վուլգա, Թուրքեստան և Հնդկաստան»²: Գերմանացիները բացահայտորեն դժգոհում էին թուրքերի գործողություններից, որոնք հակասում էին Կովկասում, Թուրքեստանում, Պովոլժիեում իրենց ազդեցությունն ամրապնդելու պլաններին: Հետագայում իր հուշերում Լյուդենդորֆը տրտունջ էր հայտնում, որ զավթելով Բաթումի նավթի պահեստները, թուրքերը նավթավարից բաժին չհանեցին իրենց: «Մենք կարող էինք Բաքվի նավթի հետ հույս կապել այն դեպքում,— գրում էր նա,— եթե այն վերցնեինք ինքներս»³: Կովկասում իրենց թուրք դաշնակցի գործելակերպի հանդեպ հետագայում դառնացած էր արտահայտվում գերմանական զինվորականության սյուններից մյուսը՝ Հինդենբուրգը: Պանթուրքիզմն ու պանիսլամիզմը Կովկասում խոչընդոտ համարելով գերմանացիների համար, նա ուղղակի գրում էր, որ մասնավորապես պանիսլամիզմը «խոց է ռազմական տեսակետից»⁴:

¹ С. Х. Карапетян, Коммунистическая партия в борьбе за победу Октябрьской революции в Армении, Ереван, 1959, с. 113.

² А. Ф. Миллер, Краткая история Турции, с. 163.

³ Նույն տեղը, էջ 164:

⁴ Նույն տեղը:

Չնայած թուրքերի չամառ ջանքերին, գերմանացիները նրանց խանգարեցին ներխուժելու Վրաստանի խորքերը: Վրաստանը նրանք համարում էին իրենց բաժինը: Ուստի թուրքերը գլխավոր ուժերը կենտրոնացրին Անդրկովկասի հարավ-արևելքում՝ նպատակ ունենալով զավթել Բաքվի նավթը, գրավել ողջ Ադրբեջանը: Բաքուն գրավելուց հետո թուրքական զորքերը պետք է Կասպից ծովի ափերով առաջ շարժվեին, զավթեին Դաղստանի մի մասը, ներառյալ Պետրովսկը (այժմ՝ Մախաչկալա), Վլադիկավկազը (այժմ՝ Օրձոնիկիձե): Երիտթուրքական զավթիչները Բաքվի և Վլադիկավկազի վրա ձեռնարկած արշավանքը պաշտոնապես արդարացնում էին նրանով, որ անատոլիական թուրքերն իրենց սրբազան պարտքն են համարում «օգնության ձեռք մեկնել մուսուլման եղբայրներին»: Էնվեր փաշան հայտարարում էր, թե Թուրքիան չի կարող անտարբեր դիտողի դերում մնալ. երբ տարածվում է «բոլշևիզմի վարակը». երբ «հայկական գազանություններից հանգիստ չունեն Անդրկովկասի մուսուլմանները»:

Երիտթուրքական հանցախմբի զավթողական ծրագրերը լիովին համընկնում էին ադրբեջանական բեգերի, կալվածատերերի և նավթարդյունաբերողների շահերին, մուսավաթականների քաղաքական ձգտումներին:

Թուրքական ներխուժմանը նպաստելու համար երկրամասի մուսուլմանական ազգայնամոլ կուսակցությունները, որոնք ամրացել էին Ելիզավետպոլում ու Թիֆլիսում և մենշևիկների ստոր ու վախկոտ քաղաքականության հետևանքով սանձարձակ ու ազրեսիվ էին դարձել, սկսեցին ակտիվ պայքար ծավալել Բաքվի սովետական իշխանության դեմ: Փետրվար-մարտ ամիսներին հեղափոխական Բաքվի համար լուրջ վտանգ էր ստեղծվել: Մուսավաթականները պատրաստվեցին քաղաքում խռովություն բարձրացնելու: «Թուրքիայի պրոտեկտորատի՝ Ադրբեջանի ավտոնոմիայի կողմնակից բեգերը, խաներն ու սոլալարները շտապեցին, քանի ուշ չէ, ջախջախել Բաքվի սովետը»¹:

Բաքվի սովետը ջախջախելու պլանը մշակելիս մուսավաթականներն ամեն տեսակ աջակցություն էին ստանում Թուրքիայից: Թուրքական սպաները մուսավաթականների զինված նոր հրոսակախմբեր էին կազմավորում Ադրբեջանում և այլուր,

նրանց նախապատրաստում զինված ելույթի Բաքվում: Հենց այդ ժամանակ, ստանալով թուրքական ինտերվենտների աջակցությունը, Դաղստանի հակահեղափոխության պարագլուխ Իմամ Ն. Գոցինսկին գրավեց Պետրովսկը և փակեց Բաքուն Սովետական Ռուսաստանի հետ կապող երկաթուղային ճանապարհը:

Մարտի վերջին մուսավաթականները միտումնավոր կերպով զինված ընդհարումներ առաջացրին Բաքվում: Արյունահեղությունը կանխելու համար բոլշևիկները փորձում էին խաղաղ ճանապարհով կարգավորել կոնֆլիկտը: Մարտի 30-ին Ն. Նարիմանովի նախագահությամբ և Ստ. Շահումյանի մասնակցությամբ տեղի ունեցավ ադրբեջանական «Հումմեթ» կոմունիստական կազմակերպության: կոմիտեի նիստը, որը որոշեց բոլոր միջոցները ձեռք առնել քաղաքացիական պատերազմը կանխելու համար: Մուսավաթականներին առաջարկվեց հեռու մնալ խռովության դիմելու փորձից: Բայց ադրբեջանական ժողովրդի զավաճանները հենց նույն օրը ուղղակի գործողություններ սկսեցին սովետական զորքերի դեմ: Քաղաքի փողոցներում կատաղի մարտեր բռնկվեցին հեղափոխական և հակահեղափոխական ուժերի միջև:

Բոլշևիկների կողմից ղեկավարվող Բաքվի սովետի հեղափոխական ուժերին, որոնք բաղկացած էին կարմիրգվարդիական ջոկատներից և կարմիրբանակային զորամասերից, ծովից պաշտպանում էր Կասպիական ուղղակի նավատորմի զորքերը: Բաքվի պրոլետարիներից շատերը զենք վերցրին: Ադրբեջանցի, հայ, ռուս և մյուս ազգությունների բանվորները միասին, համերաշխորեն մարտնչում էին մուսավաթական խռովարարների դեմ:

Սովետական մարտիկների առաջին շարքերում էին ադրբեջանցի կոմունիստներ Գ. Բունիաթ զադեն, Մ. Մամեդյարովը և ուրիշներ: Ռազմական գործողությունները ղեկավարելու համար ՌԿ(բ)Կ Բաքվի կոմիտեի որոշմամբ կազմվեց Բաքու քաղաքի հեղափոխական պաշտպանության կոմիտե, ուր մտան Ստ. Շահումյանը, Ն. Նարիմանովը, Գ. Կորգանովը, Պ. Զափարիձեն և այլոք:

Սկզբում մուսավաթականներին հաջողվեց գրավել քաղաքի զգալի մասը: Հանկարծակի հարձակումով նրանք Սուրախանի նավթահանքային շրջանում զինաթափեցին կարմիրբանակայինների ջոկատը և հարձակում սկսեցին Սաբունչի շրջանի նավ-

¹ Ստեփան Շահումյան, Ելժ, հ. 4, էջ 210:

թահանքերի վրա, բայց տեղաքի կարմիրբանականայինների կողմից հետ շարտվեցին:

Մարտի 31-ին սովետական զորքերը Կասպիական ռազմական նավատորմի հրետանու օժանդակությամբ վճռական հարձակման անցան, գրավեցին մի շարք թաղամասեր, կովով վերցրին «Մետրոպոլ» հյուրանոցը և մոտեցան Բաքվի հին բերդի պատերին, ուր ամրացել էին մուսավաթականները:

Սովետական զորքերի հաջող հարձակման հետևանքով մուսավաթականների խռովությունը, որ տևեց երեք օր, ապրիլի 1-ին ճնշվեց: Ապրիլի 2-ից սկսած Բաքվում վերականգնվում էր հեղափոխական կարգ ու կանոնը: Հակահեղափոխական խռովությունը ճնշելու շնորհիվ ամրապնդվեց սովետական իշխանությունը: Բաքվի սովետը դարձավ քաղաքի և նրան հարող շրջանների իսկական տերը:

Բաքվի բազմազգ բանվորները ջերմորեն ողջունեցին քաղաքում հակասովետական խռովության ջախջախումը: Շ. Ասադուլահի ֆիրմայի բանվորները Բաքվի սովետի գործկոմին ուղղած դիմումով հավաստիացնում էին. «Մենք բոլորս, բանվորներս, մուսուլմաններս..., հենց սկզբից համախմբվելով բանվորների, զինվորների և նավաստիների ղեպուտատների սովետի շուրջը..., կպաշտպանենք սովետական կարգերը մինչև արյան վերջին կաթիլը»: «Բակինսկի ռաբոչի» թերթն այդ առթիվ գրում էր. «Բանվորները՝ մուսուլմանները, հայերը, ռուսները, այդ օրերին ներկայացնում էին միասնական եղբայրական ընտանիք: Մենք դա նշում ենք որպես հսկայական կարևորություն ունեցող փաստ: Մենք դա համարում ենք Կովկասում բանվորական շարժման մեծագույն հաղթանակ»¹:

Հակահեղափոխական խռովության ջախջախումը խափանեց մուսավաթական գործակալության օգնությամբ Բաքվին տիրելու թուրքական ինտերվենտների առաջին փորձը: Անդրադառնալով մարտյան իրադարձությունների արգելանքներին և մերկացնելով մուսավաթականների դիվային նպատակները Ստ. Շահումյանը նշում էր, որ «եթե նրանք հաղթանակեին Բաքվում, քաղաքը կհայտարարվեր Ադրբեջանի մայրաքաղաք, բոլոր ոչ մուսուլմանական տարրերը զինաթափ կարվեին ու կկոտորվեին: Մուսուլմանական հակահեղափոխականները դրու-

թյան տերը կդառնային ամբողջ Անդրկովկասում: Եթե նկատի ունենանք նրանց քաղաքական նպատակները՝ Անդրկովկասի անջատումը Ռուսաստանից և ենթարկումը թուրքական հովանավորությանը, պարզ է, որ նրանց հաղթանակը Բաքվում կտաներ դեպի Անդրկովկասի կորուստը Ռուսաստանի համար»¹:

Մուսավաթականների այդ խռովության իսկական պատճառները բացահայտված են Բաքվի պաշտպանության հեղափոխական կոմիտեի ապրիլի 6-ի դիմումում, որտեղ մասնավորապես ասված է. ««Մուսավաթ» կուսակցությունը հանդիսանում է ոչ միայն բեգերի կուսակցություն: Դա մի կուսակցություն է, որը ցանկանում էր և ցանկանում է Կովկասը, ողջ գյուղացիական Կովկասը, կալվածատիրական, ֆեոդալական Թուրքիայի համար կեր դարձնել... «Մուսավաթի» հաղթանակն անխուսափելիորեն հող կնախապատրաստեր Թուրքիայի համար: Թուրքական զորքերը գործում են Կովկասյան ռազմաճակատում, իսկ «Մուսավաթը»՝ թիկունքում: Բաքուն Կովկասյան ռազմաճակատի թիկունքն է: Բաքուն Ռուսաստանից կտրել՝ նշանակում է Կովկասը կտրել ողջ հեղափոխական Ռուսաստանից: Գրավելով թիկունքը, մուսավաթականները դրանով իսկ անջատում են Կովկասը բանվորագյուղացիական Ռուսաստանից...»²

Մուսավաթականների կողմից Բաքվի գրավումը նաև պետք է հեշտացնեն Թուրքիայի առաջխաղացումը դեպի Թուրան:

Խռովությունը ճնշելուց հետո Բաքվի պրոլետարիատին վիճակված էր նոր մարտեր մղելու Կովկասյան հակահեղափոխության և թուրքական ինտերվենտների միացյալ ուժերի դեմ: 1918 թվականի ապրիլին վրացական մենչևիկների, մուսավաթականների, դադստանյան ազգայնականների զինված ուժերը և պարսկական շախսեվանների ավազակախմբերը երեք ուղղություններով համատեղ հարձակման անցան Բաքվի դեմ:

Բուլչևիկները մեծ աշխատանք էին տանում Ադրբեջանի գավառներում: Ապրիլ-մայիս ամիսներին սովետական իշխանություն հռչակվեց Լենքորանի, Զեկաթի և Ղուբայի գավառներում, Շեմախա քաղաքում, Սալյանում: Սովետական իշխանության հաստատմանը և նրա մարմինների ստեղծմանը եռանդով մաս-

¹ Ստեփան Շահումյան, ԵՎՄ, հ. 4, էջ 201:

² «Бюллетень Комитета революционной обороны г. Баку и его районов», № 3, 6 апреля 1918 г.

¹ «Бакинский рабочий», 12 апреля 1918 г.

նակցում էին ադրբեջանական ժողովրդի լավագույն զավակներ Մ. Ազիզբեկովը, Մ. Մամեդյարովը, Բ. էֆենդիևը, Գ. Բունիաթ զադեն և ուրիշներ: Բաքվի սովետի գործադիր կոմիտեի որոշմամբ Մ. Ազիզբեկովը նշանակվեց Բաքվի նուհանգի նահանգալին կոմիսար, Մ. Իսրաֆիլբեկովը՝ Զեկվաթի և Լենքորանի գավառների արտակարգ կոմիսար, Ա. Յուսուֆ զադեն՝ Քուբայի գավառի կոմիսար: Ադրբեջանցի բուլշևիկներ Կ. Ադասիևը, Ա. Իսմայիլովը, Գ. Թադի զադեն Բաքվի կուսակցական կազմակերպության հանձնարարություններով մեծ աշխատանք էին տանում Գաղստանում՝ կազմակերպելով մուսուլման աշխատավորների պայքարը սովետական իշխանության համար:

Բնութագրելով Բաքվի բուլշևիկների և պրոլետարիատի անձնադուհ՝ պայքարը, նրանց ավանգարդ դերն Անդրկովկասի աշխատավոր մասսաների մեջ, Ի. Վ. Ստալինը 1918 թվականի մայիսին «Պրավդայի» էջերում գրում էր. «Բաքուն՝ Անդրկովկասում սովետական իշխանության հենարանը, իր շուրջը համախմբելով ամբողջ Արևելյան Անդրկովկասը, Լենքորանից և Քուբայից մինչև Ելիզավետպոլ, դենքը ձևաքին հաստատում է Անդրկովկասի ժողովուրդների իրավունքները, որոնք ամբողջ ուժով ձգտում են պահպանել կապը Սովետական Ռուսաստանի հետ»¹:

Պարտություն կրելով սովետական զորքերից, ադրբեջանական հակահեղափոխական ուժերը, «Մուսավաթ» կուսակցության ղեկավարությունը, պանթուրքիզմի և պանիսլամիզմի ադրբեջանցի պարագլուխներն ապաստանեցին Գյանջայում (Ելիզավետպոլ): Այստեղ «մուսուլմանական ինքնավարության» հիմքերն էին դնում Ռասուլզադեն, Աշուրովը, Թադիևը, Խասամեդովը, Խան-Խոյսկին, Նադիևը, Մելիք-Ասլանովը, Մաֆիբջուրդսկին, Ադա Բալա Ղուլիևը, Աբդուլաևը, Զիաթխանովը և ադրբեջանական ժողովրդի մյուս թշնամիները, որոնք աներեվակայելի վաճառուն բարձրացնելով հայերի և բուլշևիկների երևակայական «գաղանթությունների» առթիվ, երկրամասում սերմանում էին ազգային թշնամություն, մուսուլմաններին գրգռում հայերի դեմ, նրանց եղբայրասպան կոիվների մղում: Միաժամանակ Բաքվի սովետական իշխանությունը տապալելու, քաղաքում և նահանգում նախկին շահագործողական կար-

գերը վերականգնելու նպատակով մուսավաթական պարագլուխները, ադրբեջանական բեյերն ու խաները աղեկտուր աղաղակով պանիսլամիզմի և պանթուրքիզմի լողունգներով օգնություն էին կանչում թուրքական միլիտարիստներին՝ նրանց հետ միասին շարժվելու Բաքվի վրա և համատեղ ուժերով արշավն առնելու: Մուսուլմանական ֆեոդալական խանախումբը գտնում էր, որ սեյմը չի ներկայացնում իր շահերը, ուստի ուղղակի պահանջում էր թուրքիային միացնել Անդրկովկասի մուսուլմանական մարզերը: Սեյմում մուսավաթականների ֆրակցիայի ներկայացուցիչ Ռուստամբեկովը հայտարարում էր, որ մուսուլմանական դեմոկրատիան կրոնական պատճառներով չի կարող «ակտիվ մասնակցություն ունենալ Թուրքիայի դեմ ուղղված մարտական գործողություններին»²: Մուսավաթական մյուս պարագլուխ Ռասուբեկովը սեյմում ասում էր. «Անդրկովկասի ողջ տարածքում անարխիան այնպիսի վիթխարի շափեր է բնդունել, որ այլևս անհնարին է այն ճնշել մեր սեփական ուժերով. դրությունն էլ վավելի է վատթարանում նրանով, որ արեբով (այսինքն՝ Բաքվից:— Զ. Ս.) հարձակվում են բուլշևիկները՝ դաշնակցած մեր դարավոր թշնամիների (հայերի:— Զ. Ս.) հետ, իրենց հետ ավերածություն ու վերջնական կործանում բերելով թյուրք ժողովրդին: Իրերի այդպիսի դրության մեջ մեր այդպիսի անօգնականության պայմաններում մենք ուրիշ ելք չունենք, քան դիմել օտարերկրյա միջամտությանը...» «Մեզ համար բարեկամական ու եղբայրական այդ ուժը Թուրքիան է: Եկել է ժամանակը, երբ մեր պատվիրակությունը պետք է դնա Բաթում և Արևելյան Անդրկովկասի թյուրքերի անունից օրոնթյուն խնդրի Օսմանյան կայսրությունից»³: 1918 թվականի մայիսի 6-ին մուսուլմանական պատգամավորությունը Անդրկովկասյան սեյմի կառավարությունը նորից հայտարարեց. որ ստիպված է պաշտոնապես դիմելու Թուրքիային՝ Բաքվի և Շամախի շրջանների մուսուլմաններին փրկելու համար⁴:

¹ Տե՛ս Ն. Նարիմանովի 1920 թ. հունվարին գրած բաց նամակը Ն. Ռասուբեկովին, «Коммунист» (Баку), 17 мая 1920. № 13.
² Ставропский, Закавказье после Октябрия. 1925, с. 27.
³ Նույն տեղը, էջ 50—51:
⁴ Տե՛ս Ստեփան Շահումյան, Ելժ, Գ. 4, էջ 214:

¹ Ի. Վ. Ստալին, Երկեր, Է. 4, էջ 96:

Բաքվի և Անդրկովկասի հայ, ռուս, վրացի, ադրբեջանցի բոլշևիկները հայ և ադրբեջանցի ժողովուրդների համերաշխության ու եղբայրության կոչերով հսկայական աշխատանք էին տանում երկրամասում ազգամիջյան նոր կոտորածներ թույլ չտալու համար: Նրանք հատկապես կարևոր նշանակություն էին տալիս մուսուլմանական մասսաների մեջ տարվող բացատրական աշխատանքին:

Այդ տագնապալի օրերին դիմելով մուսուլման գյուղացիությանը, Բաքվի կոմունայի առաջնորդ Ստ. Շահումյանն ասում էր. «Դուք չպետք է հավատաք իմամին, որը ձեզ կոչ է անելու պաշտպանելու ձեր ազգությունը, ձեր կրոնը, նա այդ անելու է հանուն ոչ ձեր շահերի, այլ հանուն բեգերի ու խանների շահերի: Դուք պետք է միավորվեք բանվորների ու հայ գյուղացիների հետ՝ սովետական իշխանությունը պաշտպանելու համար: Որպես միասնական ընտանիք, որպես միասնական բանակ, դուք պետք է զինված ուժերով պաշտպանեք բանվորագյուղացիական կառավարությունը բեգերից ու խաներից և նրանց պաշտպան թուրքիայից»¹:

Ադրբեջանական խաներին ու բեգերին «օգնության» շտապող թուրքական բանակների դեմ շարունակում էին հերոսաբար կռվել զենքի դիմած հայ գյուղացիները, կամավորական երկրպագ հորամասերը: Բայց ուժերն անհավասար էին: Կոտրելով հայերի համառ դիմադրությունը, թուրքական զորքերը գրավեցին նորանոր տերիտորիաներ: Վրացական մենշևիկների պարագլուխների դավաճանական քաղաքականության հետևանքով համարյա առանց կովի հանձնվեց Կարսի անառիկ ամրոցը: Ապա մեկը մյուսի հետևից ընկան Արդահանը, Ալեքսանդրապոլը և այլ քաղաքներ: Արևելյան Հայաստան ներխուժած թուրքական բռնադատիչները նպատակ էին դրել բնաջնջելու նաև հայ ժողովրդի արևելյան հատվածը: Նրանք գրավված բոլոր վայրերում նոր արյունահեղություններ սարքեցին:

Անդրկովկասում և մասնավորապես Հայաստանում թուրքերի հեշտ առաջխաղացման հիմնական մեղքն ընկնում էր Անդրկովկասյան սելմի հակահեղափոխական կառավարության, հակաազգային դաշնակցության վրա, որոնք այդ կառավարության

մեջ դարձել էին վրացական մենշևիկների և մուսավաթականների կամակատարը: Իրենց հակասովետական դավաճանական քաղաքականությամբ դաշնակցականները փառորեն ջուր էին լցնում թուրքական իմպերիալիստների ջրաղացին, նպաստում նրանց զենքի հաջողությանը: «Այն կրիտիկական դրությունը, — ասում էր Ստ. Շահումյանը, — որի մեջ դրվել են հայ մասսաները, դրդում է հայ գյուղացիներին զինքը ձեռքին դուրս գալ ու տապալել իրենց անամոթ ղեկավարներին, դաշնակցականներին, որոնք խայտառակ կերպով դավաճանել են նրանց»²: Նրա կարծիքով «օբյեկտիվ պայմաններն այնպես են դասավորվել, որ Անդրկովկասում կար հսկայական զինված ուժ, որը պատրաստ էր դուրս գալու թույլ թուրքիայի դեմ»³: Վերջինս հենց դաշնակցականների հետախուզության տվյալների համաձայն, ամբողջ ռազմաճակատում՝ սկսած Սև ծովից մինչև Պարսկաստան ուներ ընդամենը 18—20 հազար հոգնած, կազմալուծված զորք⁴: Շահումյանը նշում էր, որ միայն հայկական ուժերը բավական էին թուրքերի առաջխաղացումը կանգնեցնելու համար: Դաշնակցականների տրամադրության տակ կար 30 000 հայ ճակատային զինվոր: «Այդ ուժով հրաշքներ կարելի էր գործել: Ես էլ չեմ խոսում զինված գյուղացիության հսկայական մասսայի մասին, որը մենակ կարող էր հաշիվ տեսնել թե՛ թուրքերի և թե՛ Անդրկովկասի բոլոր հակահեղափոխական ուժերի հետ»⁵: Զայրույթով դիմելով դաշնակցական պարագլուխներին, Շահումյանն ասում էր, որ «դուք մենշևիկների ու մուսավաթականների հետ կազմալուծեցիք զորքերի շարքերը, ոչ թե այն զորքերի, որոնք երեք տարվա պատերազմից հետո ծարավի են հաշտության, այլ այն հայկական զորքերի, որոնք պատրաստ էին մեռնել և պահել իրենց երկիրը: Դուք այլասերեցիք այդ զորքերը, — ահա որն է ձեր մեղքը, ահա որն է ձեր ոճրագործությունը»⁶: Նա նշում էր, որ «եթե հայ գյուղացիների գլուխ անցած լինեին ոչ թե Զխենկելիից ու Ժորդանիայից ոչնչով չտարբերվող դավաճաններ, այլ իսկական հե-

¹ Ստեփան Շահումյան, ԵԺ, հ. 5, էջ 26:

² Նույն տեղը, էջ 30:

³ Տե՛ս նույն տեղը, էջ 36:

⁴ Նույն տեղը, էջ 26:

⁵ Նույն տեղը, էջ 30:

¹ Ստեփան Շահումյան. ԵԺ, հ. 4, էջ 214:

դափոխականներ, ապա ժողովուրդը նման խայտառակ վիճակի չէր հասնի»¹։

Օսմանյան կառավարողների ճնշման տակ Բաթումում սկսած բանակցությունները, այդ բանակցությունների ընթացքում անգլերկովկասյան հակահեղափոխական իշխանությունների պատվիրակությունների բռնած բացահայտ կապիտուլյանտական դիրքը լիովին մերկացրին երկրամասի բուրժուազգայնական կուսակցությունների դեմքը։ Թուրքական զավթիչները բավարարված չէին, որ ռազմակալել են Հայաստանի ընդարձակ շրջանները, քանի որ նրանց հիմնական խնդիրը Բաքվի գրավումն էր։ Ուստի բանակցությունների ժամանակ առաջին հերթին եռանդուն քննարկվում էր այն հարցը, թե ինչպես վարվել Բաքու քաղաքի հետ, թե զորքերն ինչպես շարժել Բաքվի դեմ, որպեսզի իրենց ձեռքը վերցնեն Անդրկովկասը² և այնտեղից թափանցեն Թուրան։ Որպեսզի հեշտացնեն իրենց գործը, թուրքական իմպերիալիստներն Անդրկովկասյան սեյմին առաջարկեցին երկրամասն անկախ հայտարարել։ Նույնը պահանջեց նաև «Մուսավաթը»։ Թուրքերի ու մուսավաթականների ճնշման տակ այդ ծանր օրերին սեյմը գնաց բացահայտ դավաճանության։ 1918 թվականի ապրիլի 22-ին սեյմը որոշում ընդունեց Անդրկովկասը «անկախ» հայտարարել Ռուսաստանից։ Գա շափազանց ծանր հետևանքներ ունեցավ երկրամասի ժողովուրդների, մասնավորապես հայ ժողովրդի համար։ Հմտորեն օգտագործելով այդ քայլը, թուրք ազրեստներն անտեսում էին Բրեստի պայմանագիրը, անպատկառորեն հայտարարելով, թե այժմ «Անդրկովկասն անկախ է»։

Իրենց սոցիալիստ անվանող մենշևիկները, զայրույթով նշում էր Ստ. Շահումյանը, փոխանակ իրենց բեգերի դեմ ապստամբած մուսուլման գյուղացիների հետ կապվելու, գործարքի մեջ մտան հենց այդ բեգերի հետ, զինեցին, ուժեղացրին նրանց և նրանց հետ միասին դավաճանեցին ու Անդրկովկասը վաճառեցին թուրք փաշաներին³։ Հայ ժողովուրդը նորից միայնակ մնաց թուրքական իմպերիալիզմի դեմ։ Այդ պահին դրված էր արդեն ոչ թե ինքնավար Հայաստանի, այլ հայ բնակ-

չություն մնացորդների ֆիզիկական գոյության հարցը։ Թվում էր, թե անդրկովկասյան «դեմոկրատական», «հանրապետական» կառավարությունն ինչ-որ միջոցների կզիմի մի ամբողջ ազգի կործանումը կանխելու համար։ Բայց զուր... Թուրքիայի ուժի դիմաց կանգնած էր անդրկովկասյան կառավարության անգործությունը⁴։ Վրաց մենշևիկները փորձում էին իրենց սեփական մորթին փրկել և իրենց «ազգային գործերը» կարգավորել Հայաստանի հաշվին։ Մուսավաթականները, որքան ներում էին իրենց հնարավորությունները, հարվածում էին հայության թիկունքին՝ թուրքերի գործը հեշտացնելու, նրանց կողմից Անդրկովկասը հնարավորին չափ շուտ օկուպացնելու նպատակով, իսկ «հայ դիվանագետները, որոնք լողում էին անդեկ ու անառագաստ, սպասում էին սեփական ազգի կործանմանը...»²

Իրենց պարագլուխների դավաճանական վարքագիծը զայրույթով դատապարտում էին նաև շարքային դաշնակցականներից, մտավորականներից, գործիչներից շատերը։ Վանեցի դաշնակցական մտավորականների մի խումբ 1917 թվականի մայիսից Երևանում լույս տեսնող «Աշխատանք» թերթում գրում էր. «Միակ օգնությունը, որ կարող էր հասցնել Անդրկովկասին, միակ օժանդակող ձեռքը, որ պիտի երկարեր մեզ շնչահեղձությունե փրկելու համար, ատիկա որքան քայքայված, բայց դեռ ապրող Ռուսաստանն էր հանձինս բոլշևիկներու, բայց եկուր տես, որ մեր խելոքները այդ դուռն ալ փակեցին Կովկասը անկախ հայտարարելով... առանց կշռադատելու, թե որպիսի ծանր և տխուր հետևանքներ կունենա ատիկա»³։

Այդ ամենը խոր վրդովմունք առաջ բերեց երկրամասի աշխատավորների մեջ։ Իր հերթին ազրեսյանական աշխատավոր մասսաները, հատկապես աշխատավոր գյուղացիությունը գնալով համոզվում էին «Մուսավաթի» հակաազգային քաղաքականության մեջ, սկսում սթափվել և ըմբռնել, որ «թուրքերին հրավիրած բեգերը կվերականգնեն բոլոր հին կարգերը, որ զավթողական քաղաքականությունից կտուժի մուսուլմանական բնակչությունը»⁴։ Իսկ հեղափոխական Բաքուն, որը չէր ճանա-

¹ Տե՛ս Բ. Ա. Борьян, Армения, международная дипломатия и СССР, часть II, էջ 47—48։

² Նույն տեղը, էջ 47։

³ «Աշխատանք», 14 ապրիլի 1918 թ.։

⁴ Ստեփան Շահումյան, ԵԼԺ, հ. 5, էջ 46։

¹ Ստեփան Շահումյան, ԵԼԺ, հ. 5, էջ 26։

² Տե՛ս նույն տեղը, էջ 17—18։

³ Տե՛ս նույն տեղը, էջ 46։

շում Անդրկովկասի սեյմի իշխանությունը, բարձր պահած սովետական իշխանության դրոշմը, մերժեց նաև Անդրկովկասի «անկախությունը»:

Դատապարտելով թուրքերի ներխուժումը Հայաստան, 1918 թվականի մայիսի 15-ին Սովետական Ռուսաստանի արտաքին գործերի ժողովրդական կոմիսար Գ. Վ. Ջիչերինը կառավարության անունից բողոքի հայտարարություն արեց այն բանի դեմ, որ Անդրկովկասի հակահեղափոխական կուսակցությունների ներկայացուցիչները Բաթումում բանակցություններ են վարում թուրքերի հետ և նրանց հետ կնքել են ստորացուցիչ պայմանագիր, որն առաջին հերթին ուղղված էր Անդրկովկասի աշխատավոր մասսաների բուն կենսական շահերի դեմ: ՌՍՖՍՀ կառավարությունը, ասված էր այդ հայտարարության մեջ, «առանց իր մասնակցության կնքած պայմանագիրը» համարում է անօրինական և այն չի ճանաչի¹:

Արևելյան Հայաստանի գրավված վայրերում թուրքական զորքերը, հատկապես նրանց հետ գործող տեղական մուսուլմանների անկանոն ջոկատները և մուսավաթական ղոչիններն ահավոր ավերածություններ էին գործում, կազմակերպում մասսայական սպանություններ, կոդոպուտներ և ամեն տեսակ անկարգություններ հայ խաղաղ բնակչության նկատմամբ: Հազարավոր հայեր, գլխավորապես գորահոշային տարիքի, հարկադիր աշխատանքի էին քշվում Թուրքիա, որտեղ նրանք մեռնում էին սովից, գանակոծություններից, ուժից վեր աշխատանքից: Շտապ կարգով Թուրքիա էին ուղարկվում համբարակային մեծ պաշարներ: Ռազմավարի անվան տակ տարվում էր սպանված հայերից, հույներից և ասորիներից թալանված «անտեր» գույքը:

Թուրքական հրոսակների վայրագություններից խույս տալով, 1918 թվականին ավելի քան 500 հազար կովկասահայեր թողեցին իրենց բնակավայրերը և հեռացան Ռուսաստան: Հայ գաղթականների մեծ զանգվածներ ապաստանեցին Հյուսիսային Կովկասում, Ղրիմի քաղաքներում, Դոնի ավազանում, Մերձվոլգյան տափաստաններում, Միջին Ասիայում և այլուր: Գաղթական հայերի դժբախտ քարավանների ծայրը հասել էր մինչև Չինաստան:

Օրհասական այդ պահին հայ ժողովուրդը, այնուամենայնիվ, կարողացավ համախմբել իր վերջին ուժերը: 1918 թվականի մայիսին Սարգարապատի հերոսական ճակատամարտում թուրքերը պարտվեցին և հետ շարավեցին: Նրանք մեծ կորուստներ տվեցին նաև Բաշ-Ապարանի կոնվենտում և Համամ-լուից Ղարաքիլիսա ընկած տարածքում: Գնահատելով Ղարաքիլիսայի մոտ կովոդ հայկական ժողովրդական ջոկատների հերոսությունը, այն ժամանակվա Կովկասյան ռազմաճակատի թուրքական զորքերի գլխավոր հրամանատար Մեհմեդ Վեհիբ փաշան մատնանշում էր. «Դա մի հազվագյուտ մարտ էր այդ պատերազմի պատմության մեջ... Ղարաքիլիսայի մոտ հայերը ցույց տվեցին, որ կարող են լինել լավագույն զինվորները աշխարհում»¹: Իսկ Զուլֆայից Արաքս գետով և Մուղանի վրայով դեպի Բաբու շտապող թուրքական մեծաքանակ զորքերը, հանդիպելով գանգեղուցիների հերոսական դիմադրությանը, գամվեցին Նախիջևանի հարթավայրում:

Բայց այդ օրերին «ազգի ճակատագիրը» տնօրինող դաշնակցականները ստեղծված բարենպաստ իրադրությունից օգտվելու, հայկական զինված, փոքրաթիվ ուժերը համախմբելու և թուրքերին հակահարված տալու փոխարեն, նորից վերհիշեցին սովյալ ժամանակաշրջանում միայն զրկանքներ պատճառող անկախության գաղափարը: «Անկախություն». ահա դաշնակցություն կուսակցության պարագլուխների գերագույն նպատակներից մեկը, թեկուզ դա իրականացվեր Հայաստանի տարածքների կորուստներով, հայության նոր սպանդներով: Այդ «գերագույն» իդձի իրականացման համար նրանք պատրաստ էին լիզելու թուրքերի գարշապարը: Դաշնակցության պարագլուխները շուրջված էին նրանով, որ մենշևիկների և մուսավաթականների հետ միասին Թուրքիան իրենց նույնպես բանակցելու համար Բաթում է կանչել:

Սեյմի միջոցով Անդրկովկասը Ռուսաստանից «անկախ» հայտարարելուց հետո թուրքերը հաջորդ քայլն արեցին. նրանց ճնշման տակ և մուսավաթականների համառ պահանջով սեյմը քրվեց և երկրամասը բաժան-բաժան արվեց: Օգտվելով Վրաստանի «ինքնավարությունը» հովանավորության տակ վերցնե-

¹ Տե՛ս «Հայաստանը միջազգային դիվանագիտության և սովետական արտաքին քաղաքականության փաստաթղթերում (1828—1923)», էջ 435:

¹ Е. Ф. Лудшувейт, Турция в годы первой мировой войны 1914—1918 г., с. 158.

լու մասին գերմանական իմպերիալիստների հավաստիացումներից և թուրքերի համաձայնությունից, 1918 թվականի մայիսի 26-ին վրացական մենշևիկները Վրաստանը հայտարարեցին «անկախ հանրապետություն»: «Վրաստանի անկախության հայտարարումը,— նշում էր Ստ. Շահումյանը,— վկայում է մենշևիկների նոր ոճրագործության մասին: Դա հեղափոխական էլք չէ ստեղծված դրությունից: Դա դավաճանության մի նոր փորձ է Վրաստանի հարևան հայ ժողովրդի հանդեպ, աներևակայելի, անամոթ դավաճանություն: Նրանք ծանր վիճակ ստեղծեցին Անդրկովկասում ու այժմ լվանում են իրենց ձեռքերը»¹: Անդրադառնալով այդ հակահեղափոխական ակտի հնարավոր հետևանքներին, Ստ. Շահումյանն այնուհետև ասում էր. «Մինչդեռ դավաճան Չխենկելին և ընկ. երևակայում են, թե իրենք փրկեցին Վրաստանը, ամբողջ մնացյալ Անդրկովկասի համար մնում է հետևյալը. կամ ամբողջ Հայաստանի միացումը թուրքիային, մնացած մասն ինքնավար Ադրբեջան հայտարարելով, կամ էնվեր-փաշայի ծրագրերը, ըստ որի թուրքիան օկուպացիայի է ենթարկելու ամբողջ Անդրկովկասը»²: Ինչպես առաջին, այնպես էլ երկրորդ տարբերակը ձեռնտու էր «Մուսավաթին», որը մայիսի 27-ին «անկախ» հայտարարեց Ադրբեջանը, որի կենտրոնը մինչև Բաքվի գրավումը պետք է լիներ Գյանջան (Ելիզավետպոլ): Դատապարտելով մուսավաթականների հակա-ժողովրդական քաղաքականությունը, այդ օրերին «Известия ВЦИК» թերթը գրեց. «Իրականում ովքեր են այդ «մուսավաթականները», եթե ոչ թուրքիայի էմիսարները, որոնք ձգտել և ձգտում են իրենց լատիֆունդիաները միավորել ֆեոդալական թուրքիային»³:

Հետևելով վրացական մենշևիկների և մուսավաթականների օրինակին, 1918 թվականի մայիսի 28-ին դաշնակցականները Երևանի նահանգի մի մասը «անկախ Հայաստան» հայտարարեցին: Դա թուրքերի գեհնային մտահղացումն էր հենց: Վրացական և ադրբեջանական ազգայնականների հետ դաշնակցականների դասակարգային համերաշխությունը շատ թանկ նստեց հայ

ժողովրդին: Այդ դավաճանական ակտից հետո Անդրկովկասի հակահեղափոխական կառավարությունները Բաթումում համաձայնագրեր կնքեցին թուրքիայի հետ:

Իբրև Վրաստանի «անկախության» ճանաչման վարձատրություն, թուրքերը խլեցին Ախալցխայի և Ախալքալախի գավառները: Բաթումի պայմանագրով թուրքիան ճանաչեց նաև «Արարատյան հանրապետության» «անկախությունը»: Բայց ի՞նչ գնով: Իբրև Հայաստանի «անկախության» ճանաչման վարձատրություն նրանից խլվեցին Կարսի, Արդահանի, Կաղզվանի և Օլթիի շրջանները, Երևանի նահանգից՝ Սուրմալուի գավառը, Ալեքսանդրապոլ քաղաքը և Ալեքսանդրապոլի ու էջմիածնի գավառների երեք քառորդը, Երևանի գավառի կեսը, Շարուր-Գարալագյազի գավառի մեկ հինգերորդը⁴: Դաշնակ «քաղաքագետների» ազդեցությամբ խնդրանքներից հետո թուրքերը համաձայնություն տվեցին «անկախ Հայաստանին» զիջել Համամլու—Երևան խճուղին, սահմանն անցկացնելով Արագած լեռան գագաթով, ուղիղ իջնելով էջմիածնի վրա⁵: Այլ խոսքով, Բաթումի միակողմանի դաշնագրով թուրքերը մուսահայաստանից խլեցին 28 հազ. քառ. կմ հողատարածություն⁶, որի բնակչության միայն 30% -ն էին թուրքեր և ադրբեջանցիներ⁷: «Արարատյան հանրապետությունը» ամփոփվեց ընդամենը 9 հազար քառ. կիլոմետր տարածության մեջ: Իսկ ադրբեջանական մուսավաթականները թուրքերին հուշում էին հայերից նոր տերիտորիաներ վերցնել, իբրև բուն մուսուլմանական տերիտորիաներ: Մասնավորապես Բաթումի խորհրդաժողովում ադրբեջանցի պատվիրակները պնդում էին, թե Երևանն իր բնակչությամբ ու պատմությամբ ադրբեջանական քաղաք է, ուստի պահանջեցին այն կցել Ադրբեջանին, իսկ Հայաստանի հանրապետության մայրաքաղաքը, ըստ նրանց, պետք է լիներ էջմիածնի գյուղը (նախկին Վաղարշապատը):

¹ Տե՛ս Ա. Մ. Պողոսյան, Սոցիալ-տնտեսական հարաբերությունները Կարսի մարզում, 1878—1920, Երևան, 1961, էջ 307:

² Տե՛ս Ալ. Խատիսևան, Հայաստանի հանրապետության ծագումն ու զարգացումը, Բ. տպագրություն, Պեյրութ, 1968, էջ 87:

³ Տե՛ս Ա. Մ. Պողոսյան, Սոցիալ-տնտեսական հարաբերությունները Կարսի մարզում, 1878—1920, էջ 303:

⁴ Տե՛ս նույն տեղը, էջ 307:

¹ Ստեփան Շահումյան, ԵԼԺ, հ. 5, էջ 22:

² Նույն տեղը, էջ 23:

³ Մեջբերումը ըստ А. Е. Токарежеский, Из истории иностранно-интервенции и гражданской войны в Азербайджане, Баку, 1957, с. 84:

Հայկական պատվիրակությանը ցույց տալով «Արարատյան հանրապետության» իրենց կազմած քարտեզը, որտեղ, այնուամենայնիվ, Երևանը «մեծահոգաբար» թողնված էր այդ «հանրապետության» սահմաններում, թուրքական պատվիրակության անդամ, բանակի հրամանատար Վեհիբ փաշան ասաց. «Դուք տեսնում եք, որ ճակատագիրը թուրքիային արևմուտքից բռնում է արևելք: Մենք հեռացանք Բաղկաններից, հեռանում ենք նաև Աֆրիկայից, բայց պետք է տարածվենք դեպի արևելք: Այնտեղ է մեր արյունը, մեր կրոնը և լեզուն: Եվ դա տարերային ձգողություն է: Մեր եղբայրները Բաքվում, Դաղըստանում, Թուրքեստանում և Ազրբեջանում են: Մենք պետք է ճամփա ունենանք դեպի այնտեղ: Եվ դուք՝ հայերդ, կանգնած եք մեր այդ ճանապարհի վրա: Պահանջելով վանք՝ դուք փակում եք մեր ճանապարհը դեպի Պարսկաստան: Պահանջելով Նախիջևանն ու Ջանգեղուրը՝ դուք մեզ արգելք եք դառնում իջնելու Քոի հովիտը և գնալու Բաքու: Կարսն ու Ախալքալաղը փակում են մեր ճամփան դեպի Ղազախ և Գանձակ: Դուք պետք է մի կողմ քաշվեք և մեզ ճանապարհ տաք: Ահա թե որտեղ է մեր հիմնական վեճը: Մեզ պետք են երկու լայն ճամփաներ, որոնք մեր բանակներին հնարավորություն կտան առաջ շարժվելու և պաշտպանվելու: Մի ճանապարհը Կարս-Ախալքալաղ-Բորչալու-Ղազախն է, որը տանում է դեպի Գանձակ, մյուսը գնում է Շարուր-Նախիջևան-Ջանգեղուրով Քոի հովիտը: Դուք կարող եք մնալ դրանց մեջտեղում, այսինքն՝ նոր Բայազետի և էջմիածնի շուրջը (ընդգծումը իմն է:— Հ. Ս.)»¹:

Այսպիսով, Բաթումում թուրքիան ճանաչում էր Վրաստանի և Ազրբեջանի հանրապետությունները, իսկ, ինչպես նշում էր Լեոն, «Հայաստանին տալիս էր մի տարածություն, որ հագիվ բավական կլիներ հայ ժողովրդի գերեզմանը դառնալու Դա... մի լեռնոտ, մեծագույն մասով անպատուղ երկիր է Սևանի լճի արևմտյան, հարավ-արևելյան կողմերում»²:

Դաշնակցական պարագլուխները, որոնք Սովետական Ռու-

սաստանի կառավարությանն այնպես ամբարտապան կերպով մեղադրում էին Բրեստ-Լիտովսկի դաշնագիրը կնքելու համար, անդադրում տարփողում, թե դրանով իսկ «բուլղերիկները թուրքերին են վաճառել Հայաստանի հողերը», այժմ Բաթումի պայմանագրից շատ գոհ էին. չէ՞ որ նրանք թուրքերից «նվեր» էին ստացել ծաղրանկարային «Արարատյան հանրապետությունը»:

Բաթումի կոնֆերանսից հետո Կ. Պոլիս «հյուր» գնացած դաշնակցական «դիվանագետ» Ավետիս Ահարոնյանը և «Արարատյան Հայաստանի» արտաքին գործերի մինիստր Ալեքսանդր Խատիսյանը միմյանց հետ մրցելով, թուրքիայի հասցեին հաճոյախոսության մրցանակներ էին շահում: «Հայկական պատվիրակության իմ մասնակցությունը մանավանդ նրա համար է,— թուրքական լրագրի թղթակցին հայտարարել էր Ա. Ահարոնյանը,— որ ես թուրքիան ու թուրքերն ավելի մոտեն կը ճանչնամ: Ես միշտ թուրք և հայ անկեղծ բարեկամության մը կողմնակից եղած եմ: Վերջերս Քիֆլիսի մեջ տեղի ունեցած իմ մեկ բանախոսությունն այդ սկզբունքին վրա էր... Իմ այդ զգացումը խիստ անկեղծ է և իմ պատվիրակ ընկերներս նոյն այդ զգացումով է, որ այսօր յոս կը գտնվին»¹: Իսկ Ալ. Խատիսյանի հետ հանդիպած թուրքական մի ուրիշ լրագրի խմբագիր գրում էր. «Խատիսովը, որ Կովկասի հաշտության [խորհրդածոցովի] մեջ հայկական պատվիրակն էր, երախտագիտությանը խոստովանել է, թե հայությունը Կովկասում իր գոյության տերը լինելու համար պարտական է օսմանյան տերությանը, և բացահայտ ու անկեղծ լեզվով հայտարարել է, թե նոր-նոր կյանք առնող փոքր [հայկական պետության] կառավարությունը թուրքիային դիտում է իբրև վեհանձն բարերարի»²:

Անդրկովկասն «ազգային հանրապետությունների» բաժանելը մեծապես հեշտացրեց թուրք զավթիչների գործը, որոնք ձգտում էին օր առաջ տեր դառնալ Բաքվի նավթին և Կովկասի հարստություններին: Նրանք չէին թաքցնում իրենց պանթուրքահան հեռու գնացող նպատակները, որոնց իրականացման գոր-

¹ Ալ. Խատիսյան, Հայաստանի հանրապետության ծագումն ու զարգացումը, էջ 86:

² Լեո, Թուրքահայ լեզագիտության գաղափարաբանությունը, հատոր Բ., Փարիզ, տպագրություն Պահիեր Լեքսոս, 1935, էջ 201:

¹ Լեո, Թուրքահայ լեզագիտության գաղափարաբանությունը, հատոր Բ., էջ 201:

² Նույն տեղը, էջ 202:

ծում, անշուշտ, շարունակում էր առաջնակարգ տեղ գրավել կովկասահայության ոչնչացման ծրագիրը:

Իթթիհադական պարագլուխներից կուսակցության քարտուղար Բեհաեդդին Շաքիրը, որը Հայաստանը համարում էր մի անտանելի սեպ՝ խրված Անատոլիայի և «իդեալ հայրենիքի» միջև, նույն Բաթումի խորհրդածողովում հայկական պատվիրակության անդամ Ալեքսանդր Խատիսյանի հետ ունեցած զրույցի ժամանակ ցինիկաբար ասելով, թե ինքը հայերի ոխերիմ թըշնամին է, այնուհետև ավելացրել է. «Հայերը կանգնած են մեր պանիսլամական և պանթուրքական սրբազան իդեալների իրականացման ճամփի վրա, և մենք անխուսափելիորեն բախվում ենք նրանց՝ հետ: Դա վեր է և դուրս է մեր անձնական զգացումներից և տրամադրություններից: Մենք հարկադրված ենք մեր ճանապարհին տարերայնորեն ոչնչացնելու այն ամենը, ինչ արգելք է հանդիսանում մեր ազգային սրբազան իդեալների [իրականացմանը]: Եվ հետո, դուք միշտ ուունների հետ եք. դուք նրանց առաջապահն եք, իսկ ուունները մեր ոխերիմ թշնամիներն են: Պատմական թշնամիները: Մտածեցեք այս մասին, փոխեցեք ձեր հոգեբանությունը և օրինետացիան: Դուք թշնամի եք, և ես էլ թշնամի եմ, բայց մենք գործընկերներ ենք: Մենք հասկանում ենք կենդանի մարմնի կյանքը. նրա մեջ չկա մարդասիրություն կամ կամքի թուլություն: Զորավոր և կենսունակ մարմնի իրավունքն է այն միակ իրավունքը, որով ապրում է մարմինը: Այդպես է և ազգերի կյանքում: Այստեղ չկա մեղկ զգայականություն, կա միայն ինքնապաշտպանության բնազդ և զգացում»¹:

1918 թվականի օգոստոսի 31-ին Խալիլ փաշան Երևանում դաշնակների հետ ունեցած բանակցությունների ժամանակ ասել է. «Մենք թուրքերս... մի իդեալ ունենք և ուզում ենք այդ իդեալն իրագործել: Մենք ցանկանում ենք վերականգնել մեր կապը մեր հայրենիքի՝ Թուրանի հետ և դրա համար ուզում ենք, որ մեր երկու հայրենիքներն իրար միացնող ճանապարհը ուրիշների տիրապետության տակ չլինի»²:

Իր պանթուրքակուն-սլանիսլամական պլաններն իրականացնելու նպատակով թուրքական գլխավոր հրամանատարությունը ստեղծեց զորքերի խմբավորումներ ինչպես Թավրիզում, այնպես էլ Զուլֆայում, Ելիզավետպոլում և Բաթումում:

Սովետական Բաքվի վրա արշավող թուրքական զորքերի ընդհանուր հրամանատարությունը ստանձնեց Նուրի փաշան՝ էնվեր փաշայի կրտսեր եղբայրը: Անդրկովկասի հայաբնակ գավառները թողնելով իրենց թիկունքում և արևելահայության գլխովին ոչնչացումն առայժմ թողնելով մոտ ապագային, թուրքական զորքերն արագ երթով առաջանում էին Բաքվի ուղղությամբ: Առաջ շարժվելով Ղազախ—Աղստաֆա գծով, 1918 թվականի հունիսի սկզբներին թուրքական զորքերը մուսավաթականների գործուն աջակցությամբ գրավեցին Գլանջան (Ելիզավետպոլ): Մուսավաթականները հանդիսավորությամբ և ցնծությամբ ընդունեցին թուրքական զավթիչների մուտքը քաղաք: Այստեղ թուրքական սվինների պաշտպանության տակ կազմվեց խամաշիկային հակահեղափոխական «Աղբբեջանի կառավարությունը»՝ Խան Խոյսկու գլխավորությամբ: Կառավարության մեջ մտան Խ. Մելիք-Ասլանովը, Ն. Ուսուրբեկովը, Խ. Խասամեղովը և ուրիշ կատաղի թուրքասերներ: Կառավարության նախագահ Խան Խոյսկին մզկիթում, հազարավոր հավատացյալների առջև ջերմորեն ողջունեց Նուրի փաշային և թուրքական զորքերին:

Նախքան թուրքական զորքերի Աղբբեջան մտնելը, այստեղ մուսավաթական «ազգային» բոլոր զինված բանդաներն արդեն միավորվել էին այսպես կոչված աղբբեջանական ազգային կորպուսի մեջ, որի հրամանատար էր նշանակվել ցարական բանակի նախկին զենքերալ-լեյտենանտ Ալի Աղա Շիխլինսկին: Թուրքական զորքերի Գլանջա մտնելուց հետո աղբբեջանական չորպուսը լուծարքի ենթարկվեց: Ապակազմավորված աղբբեջանական-մուսավաթական «ազգային» զորամասերը և թուրքական զորքերը միավորվեցին: Ստեղծվեց այսպես կոչված կովկասյան մուսուլմանական բանակ («խալամի բանակ»), որի գլուխ կանգնեց Նուրի փաշան:

1918 թվականի հունիսի կեսերին «խալամի բանակը» շարժվեց Բաքվի վրա:

¹ Ալ. Խատիսյան, Հայաստանի հանրապետության ծագումն ու զարգացումը, էջ 77:

² Մեջբերումն ըստ Մ. Վ. Արզումանյանի «Արհավիրքից վերածնունդը զրքի, Երևան, Հայաստան, 1973, էջ 171:

¹ Տե՛ս Գ. Ա. Գալոյան, Октябрьская революция и возрождение народов Закавказья, изд-во «Мысль», Москва, 1977, էջ 57:

Սեպտեմբերի 15-ին Թուրք-մուսավաթական զորքերը Խալիլ և Նուրի փաշաների գլխավորությամբ մտան Բաքու, իրենց հետ բերելով Գյանջայում նախապես կազմված մուսավաթական կառավարությունը: Թուրքերն ու մուսավաթականները դաժան հաշվեհարդար տեսան բուլղարիկների հետ, միաժամանակ կազմակերպեցին քաղաքի հայ բնակչության սոսկալի ջարդ: Դա պատահական չէր. հայ զինվորների և հայ բնակչության ամիսներ տևած համառ դիմադրությունը նրանց կատաղության էր մատնել:

Բաքվի զավթումը ցնծությանը դիմավորեցին բոլոր պանթուրքականները և պանիսլամականները: Էնվեր փաշան Թուրքական զորքերի «փայլուն հաղթանակի» մասին անձամբ հեռագրով հայտնեց Ադրբեջանական ազգային խորհրդի նախագահ Մեհմեդ էմին Ռասուլզադեին, որն այդ ժամանակ գտնվում էր Ստամբուլում¹:

1918 թվականի սեպտեմբերի 20-ին Սովետական Ռուսաստանի կառավարությունը վերջնագիր ուղարկեց Թուրքիայի կառավարությանը՝ վճռական բողոք հայտնելով Թուրքական զորքերի նվաճողական գործողությունների դեմ, որոնք փաստորեն լուրջ թղթի կտոր էին դարձրել Բրեստ-Լիտովսկի պայմանագիրը: Այնտեղ մասնավորապես ասված էր. «Օսմանյան կառավարությունը վերջին վեց ամիսների ընթացքում անվերջ խախտել է Բրեստ-Լիտովսկի դաշնագիրը: Այժմ, վերջապես, ի լրումն այդ ամենի, նա հափշտակել և ավերածությունների է ենթարկել Ռուսաստանի հանրապետության կարևոր քաղաքներից մեկը: Օսմանյան կառավարությունը դրանով իսկ հաստատում է, որ Բրեստ-Լիտովսկի դաշնագիրը Ռուսաստանի և Թուրքիայի միջև այլևս գոյություն չունի: Սովետական Ռուսաստանի Ֆեդերատիվ Հանրապետության կառավարությունը հարկադրված է ընդունել, որ օսմանյան կառավարության ընթացքը փաստորեն վերացրել է Ռուսաստանի և Թուրքիայի միջև խաղաղ հարաբերություններ հաստատող Բրեստ-Լիտովսկի դաշնագիրն այդ երկու պետությունների նկատմամբ»²:

Բաքուն գրավելուց հետո Թուրքերը շարունակեցին առաջխաղացումը դեպի հյուսիս, դեպի Դաղստան, այնտեղից ավելի հեռուները գնալու համար: Թուրքական բանակի մի այլ թև խըրվել էր Հյուսիսային Պարսկաստանում և մտադիր էր առաջանալու դեպի Կենտրոնական Ասիա: Նրա նպատակն էր Թուրքիային միացնել Թուրքմենստանը, որպես Թուրանական կայսրության ստեղծման առաջին օղակ:

Կովկասում երիտթուրքական ինտերվենցիան Թուրքական միլիտարիզմի վերջին ջղաձգությունների արտահայտությունը և միաժամանակ Օսմանյան կայսրության վերջնական կործանման պատճառներից մեկն էր: Էնվերի կովկասյան արկածախնդրության անմիջական հետևանքն այն եղավ, որ մյուս ռազմաճակատներում Թուրքական զորքերը շտապան անհրաժեշտ համալրում և անհաջողություններ կրեցին: Մակեդոնական ռազմաճակատում ֆրանսիացիները, իսկ Պաղեստինի ռազմաճակատում անգլիացիները ջախջախեցին Թուրքական զորքերին, որոնք սկսեցին անկանոն հետ նահանջել: Սեպտեմբերի վերջին կապիտուլյացիայի ենթարկվեց Գերմանիայի և Թուրքիայի դաշնակից Բուլղարիան, որի շնորհիվ բացվեց դեպի Ստամբուլ տանող ճանապարհը: Սուլթանը և երիտթուրքական կառավարությունն տազնապի մատնվեցին:

Հաղթողների հետ բանակցությունները հեշտացնելու համար 1918 թվականի հոկտեմբերի 9-ին երիտթուրքական կաբինետը, որը գլխավորում էր Թալեաթ փաշան, չրաժարական տվեց: Իրենց պոստերը թողեցին մեծագույն ուժագործներ Էնվերը, Թալեաթը, Ջեմալը: Իթթիհադականներն իշխանությունից հեռացան ոչ միայն պատերազմում Թուրքիայի կրած պարտության պատճառով, այլև, ինչպես 1932 թվականին «Միլիթթ» թերթում գրել է հայտնի Թուրք գրող Ֆալիհ Ռեֆկըն (Աթայ), այն պատճառով, որ երիտթուրքական կառավարությունը կանգնած էր «ամբոխի ապստամբության վտանգի դեմ հանդիման»³:

Երիտթուրքական կաբինետի անկումից հետո մեծ վեզիր կարգվեց Իթթիհադականներին մոտ կանգնած, բայց ձևականորեն անկուսակցական, խոշոր հողատեր Ահմեդ Իզզեթ փաշան: Ինչպես նշում էր սովետական Թուրքագետ Աբ. Ալիմովը, Իզ-

¹ Сб. А. Е. Ф. Лудшувейт, Турция в годы первой мировой войны 1914—1918 гг., т. 2 258:

² Ю. В. Ключников, А. Сабинин, Международная политика новейшего времени в договорах, нотах и декларациях, часть II, с. 175.

³ Аб. Алимов, Турция. В книге «Очерки по истории Востока в эпоху империализма», с. 59.

զեթ փաշայի կաբինետի անդամները նույնպես խոշոր ֆեոդալներն էին, անգլոֆիլ կոմպրադորներ, որոնք երկրպագում էին Արդու Լամիդին, երանությամբ հիշում նրա կառավարման տարիները¹:

Գնո շէր ավարտվել նոր կառավարության ձևավորումը, երբ 1918 թվականի հոկտեմբերի 14—19-ին տեղի ունեցավ «Միություն և առաջադիմություն» կուսակցության² նրա պատմության մեջ վերջին համագումարը: Համագումարում նախկին վարչապետը՝ ոճրագործ Մեհմեդ Քալեթ փաշան, ստիպված էր խոստովանել իր կուսակցության ներքին ու արտաքին քաղաքականության կրախը: «Մեր քաղաքականությունը պարտություն է կրել. — հայտարարեց նա: — Այդ իսկ պատճառով այլևս անհնարին է, որպեսզի մենք որևէ ձևով պահպանենք իշխանությունը»: Քուռն վիճաբանություններից հետո որոշում ընդունվեց կուսակցության ինքնալիկվիդացման մասին³:

1918 թվականի հոկտեմբերի 27-ին, էգեյան ծովի Լեմնոս կղզու Մուդրոս նավահանգստում խարիսխ գցած անգլիական «Տուրսայթ» ռազմանավի վրա պաշտոնապես բանակցություններ սկսվեցին հաղթողների և պարտված թուրքիայի միջև: Հոկտեմբերի 30-ին նույն Մուդրոս նավահանգստում կանգնած «Ազամինոն» հածանավի վրա ստորագրվեց զինադադարի պայմանագիր, որը պատմության մեջ մտավ «Մուդրոսի զինադադար» անունով: Թուրքիան իրեն լիովին պարտված ճանաչեց: Ըստ այդ պայմանագրի Օսմանյան կայսրությունը փաստորեն դադարեց գոյություն ունենալուց:

Այսպիսով, գլուխ բերելով հայ ժողովրդի արևմտյան հատվածի ոչնչացումը, որը թուրքական ազգայնամոլության հաղթանակն էր, այնուամենայնիվ, առաջին համաշխարհային պատերազմի տարիներին երիտասարդ թուրքերի պանթուրանական քաղաքականությունը, ամբողջությամբ վերցրած, ձախողվեց: Հօլա ցնդեց Ռուսաստանի և Իրանի թուրքալեզու ժողովուրդներով բնակեցված տարածքները Օսմանյան կայսրությանը կցելու իդճը: Զիրականացավ նաև կովկասահայությունն ամբողջովին ոչնչացնելու ծրագիրը: Ինչպես ժողովուրդն է ասում՝ «ոսկորը կոկորդում մնաց»:

¹ Տե՛ս Ա. Բ. Алимов, Турция. В книге «Очерки по истории Востока в эпоху империализма», էջ 39:

² Տե՛ս Է. Փ. Лудшувейт, Турция в годы первой мировой войны 1914—1918 гг., էջ 295

ՌՈՒՍԱՍՏԱՆԻ ՄՈՒՍՈՒՎՄԱՆ ԱՇԽԱՏԱՎՈՐՆԵՐԸ ՍՈՎԵՏԱԿԱՆ ԻՇԽԱՆՈՒԹՅԱՆ ՀԱՄԱՐ ՄՂՎԱԾ ՊԱՅՔԱՐՈՒՄ: ԲՈՒՐԺՈՒԱԿԱՆ ԱԶԳԱՅՆԱԿԱՆՆԵՐԻ ՊԱՆԹՈՒՐԱԿԱՆ ՊԼԱՆՆԵՐԻ ԶԱԽՈՂՈՒՄԸ

Հոկտեմբերյան սոցիալիստական մեծ հեղափոխությունն ազատություն բերեց Ռուսաստանի բոլոր, այդ թվում՝ մուսուլման ժողովուրդներին: Ռուսաստանի մուսուլմաններով բնակեցված ծայրամասերն իրենց զարգացման մակարդակով տարբեր աստիճանների վրա էին: Թաթարիայի և Ադրբեջանի տեղական բնակչության շրջանում ձևավորվել էր բանվորական խավ, որն ընդգրկվել էր պրոլետարական շարժման մեջ: Ղրիմում, Բաշկիրիայում, Ղազախստանի և Միջին Ասիայի մի շարք մարզերում տեղական շրջվոր գյուղական բնակչության դասակարգային պայքարը զուգորդվում էր ռուսական պրոլետարական շարժման հետ, դառնում նրա ուղեկցողը: Իրենց սոցիալական ու ազգային ազատագրության համար մուսուլմանական ժողովրդական մասսաների երկարատև պայքարը կոչված էր հաղթանակով պսակվելու Ռուսաստանի պրոլետարիատի օգնությամբ և բոլշևիկյան կուսակցության զլխավորությամբ:

Սովետական իշխանության համար պայքարը հատկապես համառ բնույթ ընդունեց Հյուսիսային Կովկասում և Դաղստանում:

Բնակչության չափազանց խայտաբղետ ազգային կազմը, պանիսլամական, պանթուրքական գաղափարների ազդեցությունը, մուսուլմանական հավատի սպասավորների ակտիվ գործունեությունը, ֆեոդալական բազմաթիվ մնացուկներն այստեղ բարդացնում էին սովետների համար մղվող պայքարը:

Սոցիալիստական հեղափոխության դեմ պայքարելու նպատակով Հյուսիսային Կովկասի և Դաղստանի տեղական կալ-

վածատիրական-կղերական հետադիմությունը դաշինքի մեջ մտալ թերեքի կազակություն հետ:

Արդեն 1917 թվականի հոկտեմբերի 28-ին վլադիկավկազի սովետն արտահայտվեց սովետական իշխանության օգտին: Նման որոշում նույնիսկ 7-ին ընդունեց Պորտ-Պետրովսկի սովետը: Նոյեմբերի 21-ին այստեղ ստեղծվեց ռազմահեղափոխական կոմիտե, որի մեջ մտան Ու. Բուլցակսկին, Ա. Իսմայիլովը, Գ. Աթանը և տեղական ժողովուրդների ուրիշ ներկայացուցիչներ¹:

Աջակցություն ստանալով էսէռներից և մենշևիկներից, մուսուլմանական հակահեղափոխական ուժերը և կազակական վերնախավը տենդագին գործունեություն ծավալեցին սովետական իշխանության հաղթանակը կանխելու համար: Ստեղծվեց թերեքի հակահեղափոխական «կառավարությունը», որը նպատակ ուներ մարզն անջատել սովետական Ռուսաստանից: Հակահեղափոխական ուժերը ցրեցին Գրոզնու և վլադիկավկազի սովետները, ամենուրեք արյունալի ընդհարումներ հրահրեցին քրիստոնյա և մուսուլման բնակչության միջև:

Սակայն Հյուսիսային Կովկասում հեղափոխական շարժումը կանգ չառավ: Սովետական իշխանության համար աշխատավորների պայքարը գլխավորում էին բոլշևիկները՝ Ս. Մ. Կիրովի գլխավորությամբ:

1918 թվականի հունվարի վերջերին Մոզդոկում բացված թերեքի ժողովուրդների I համագումարն ընտրեց թերեքի ժողովրդական սովետ, որը բաղկացած էր մարզի բոլոր ազգությունների և դեմոկրատական կազմակերպությունների ներկայացուցիչներից²: 1918 թվականի մարտի սկզբին Պյատիգորսկում տեղի ունեցած թերեքի ժողովուրդների II համագումարը մարզում հռչակեց սովետական իշխանություն:

Հեղափոխության և հակահեղափոխական ուժերի միջև պայքարն էլ ավելի համառու տևական բնույթ ստացավ Դաղըստանում, որը 1918—1919 թվականներին դարձել էր այն ժամանակվա հեղափոխական իրադարձությունների գլխավոր սջախներից մեկը:

1918 թվականի հունվարին դաղստանյան բուրժուական ազ-

գայնամուլներն իրենց հրոսակախմբերը կենտրոնացրին Դաղըստանի վարչական կենտրոն Բեմիր-խան-Շուրայի մոտ և մտադիր էին Թուրքիայի աջակցությամբ այստեղ հռչակել միապետություն՝ մոլի ռեակցիոններ իմամ Գոցինսկու գլխավորությամբ: Սա լեռնաշխարհի ազգություններին կոչ արեց «սրբազան պատերազմ» սկսել բոլշևիկների դեմ: Աշխատավորների զինված շոկատները, սակայն, խափանեցին նրա մտահղացումները:

1918 թվականի մարտի վերջերին հակահեղափոխական ուժերին, այնուամենայնիվ, հաջողվեց գրավել Պետրովսկը, որն այն ժամանակ Դաղստանի միակ քաղաքն էր, որտեղ հաղթանակել էր սովետական իշխանությունը: Պայքարը գնալով խորացավ: 1918—1919 թվականներին արյունահեղ կռիվներ ծավալվեցին Դաղստանի լեռներում և կիրճերում:

Սպիտակ լեռնականների հակահեղափոխական գործողությունները գլխավորում էին Ցալիկովը, Չերմոկը, Բամատովը, Զաբազիևը և ուրիշ բուրժուական ազգայնականներ և թուրքական գործակալներ: Մեծ ակտիվություն էր հանդես բերում մուսուլմանական, հատկապես բարձրաստիճան, հոգևորականությունը Գոցինսկու գլխավորությամբ, որը Դաղստանի ապագան տեսնում էր Թուրքիային միանալու մեջ: Սրանց ակտիվորեն աջակցում էին պանիսլամական շարժման գործիչներ Ալի-Հաջի Ակուշինսկին և Ուզուն Հաջին (նույն ինքը՝ Ուզուն-Հայրի Հաջի խանը):

Բայց լեռնականների համար ճակատագրական այդ օրերին մուսուլմանական կրոնի ոչ բոլոր սպասավորներն էին հակահեղափոխության հետ: Հոգևորականությունը պառակտվել էր երկու խմբի: Անդրադառնալով դաղստանցիների ընդհանուր պայքարում տեղի հոգևորականության ունեցած դերին, Ա. Ի. Միկոյանը հետագայում նշում է. «Ի հակակշիռ իմամ Գոցինսկու գլխավորած ռեակցիոն հոգևորականության, որն արտահայտում էր շահագործող վերնախավի շահերը, Դաղստանում կային հոգևոր անձինք, որոնք կանգնած էին հեղափոխական շքավորության կողմը և հաճախ նույնիսկ իրենց գործողությունները կոորդինացնում էին կոմունիստների հետ»³:

Բացի այդ, բոլշևիկները հեղափոխության կողմը գրավեցին Մ. Դաղանի և Դ. Կորխմասովի գլխավորած դաղստանյան լեռ-

¹ ՏՃՍ ՄԿԱՕՐ ՍՍՏՐ, ֆ. 9, 1318, օտ. 1, ձ. 23, լ. 4—7.

² ՏՃՍ Ս. Մ. Կիրով, Избранные статьи и речи, М., 1957, էջ 21:

³ Ա. Միկոյան, Պայքարի ողիով. Երևան, 1972, էջ 621:

նականների սոցիալիստական խմբին, որը մերկացնում էր կղերական հետադիմությանը, հանդես գալիս Դաղստանի հեղափոխական և դեմոկրատական ուժերի համախմբման օգտին:

Օգտագործելով այդ բոլոր ուժերին, բոլշևիկները մեծապես ընդլայնեցին հեղափոխության սոցիալական բազան: Վերագրավելով Պետրոպոլսը, հեղափոխական ջոկատներն այնուհետև գրավեցին մարզային կենտրոն Թեմիր-խան-Շուրան: 1918 թվականի մայիսի 2-ին այստեղ կազմավորվեց մարզային ռազմահեղափոխական կոմիտե, որը հռչակեց սովետների իշխանություն ամբողջ Դաղստանում: Հեղափոխության ալիքն իր մեջ էր առնում մուսուլման աշխատավորների նորանոր գանգվածներ: Ժողովրդական մասսաների ամենաակտիվ աջակցությամբ անցկացվում էր արդյունաբերության ազգայնացում, իրականացվում էին սոցիալական կարգի այլ խոշոր միջոցառումներ¹:

Բաքվի կոմունայի պարտությունը և թուրքական զորքերի կողմից Անդրկովկասի ընդարձակ շրջանների գրավումը նոր ռեզոլուցիոն առաջ բերեցին լեռնական հակահեղափոխական ուժերի շարքերում: Թուրքական զորքերը պատրաստվում էին սուսավաթական Ադրբեջանից թափանցել Դաղստան և Հյուսիսային Կովկաս, իրականացնելու իրենց պանթուրքական մտադրությունները:

Չնայած գերմանա-թուրքական բլոկի պարտության հետեվանքով օսմանյան զավթիչները 1918 թվականի վերջերից սկսել էին հեռանալ Անդրկովկասից, սակայն թուրքական բանակի ու թիչ թվով միավորումներ մնացել էին մուսավաթական Ադրբեջանում, Դաղստանի առանձին վայրերում:

Անդրկովկասում բուրժուազգայնական կուսակցությունների տիրապետության ժամանակաշրջանում թուրքերը՝ ինչպես ջախջախված երիտթուրքերը, այնպես էլ նրանց հաջորդած քեմալականները, չէին հրաժարվել ուսններին Անդրկովկասից վերջնականապես «դուրս քշելու» մտքից: Ռուսական «վտանգը» շարունակում էր մղձավանջի մեջ պահել թուրքական հետադիմությունը, որն առաջվա նման Ռուսաստանի նկատմամբ որոշում էր պանիսլամական պլաններ, Բաքուն դիտում իբրև Թու-

րանի բանալի, իսկ Անդրկովկասի նվաճման գործում ակտիվ ուժ էր դիտում ադրբեջանցի բեգերին ու աղայարներին: Ավելին, իրենց պանիսլամական և պանթուրքական ծրագրերի իրականացման նպատակով թուրքերը նույնիսկ մտածում էին օգտագործել Վրաստանի և Հայաստանի բուրժուական կառավարություններին: Դրա վկայությունն է երիտթուրքերի նախկին պարագլուխներից Զեմալ փաշայի 1919 թվականին գրած «Նոթերը», որտեղ նա մասնավորապես ասում էր. «Եթե... մենք չորսս՝ Օսմանյան կայսրությունը, Ադրբեջանական, Վրացական և Հայկական հանրապետությունները, Մերձավոր արևելքի ժողովուրդների հետ միասին դաշինք չկնքենք Ռուսաստանի դեմ՝ մեզ պաշտպանելու համար, եթե մենք համերաշխ չգործենք և չօգնենք հանրապետության կազմավորմանը Հյուսիսային Կովկասում, մենք կասկած չունենք, որ նորից կգառնանք Ռուսաստանի գոհը, որը միշտ ձգտել է մեզ իր լծի տակ գցելու»²: Այնուհետև Զեմալ փաշան շարունակում էր. հարկավոր է «բոլոր ջանքերը գործադրել, որպեսզի թույլ չտանք, որ ռուսական հեղեղը անցնի Կովկասյան լեռնաշղթայով: Այդ նպատակի համար այդ չորս պետությունները պետք է միմյանց միջև կնքեն պաշտպանողական դաշինք, որն ուղղված լինի մոսկվացիների հնարավոր ներխուժման դեմ»³:

1919 թվականին Հյուսիսային Կովկասի և Դաղստանի աշխատավորները նոր արհավիրքների ենթարկվեցին: Դեպի Մոսկվա արշավող իր բանակների թիկունքն ամրապնդելու նպատակով գեներալ Դենիկինը մեծ թվով զորքեր նետեց Հյուսիսային Կովկասի և Դաղստանի դեմ, որտեղ շարունակվում էր սովետական իշխանության համար մղվող դժվարին պայքարը: Սպիտակգվարդիական զորքերի թիկունքում շատ ակտիվ գործում էին Գիկալույի գլխավորած հեղափոխական-ապստամբական ջոկատները: Դենիկինը հանդիպեց ոչ միայն լեռնականների հեղափոխական ուժերի, այլև այն ուժերի դիմադրությանը, որոնք իսլամի դրոշի ներքո պայքարում էին Հյուսիսային Կովկասի և Դաղստանի «անկախության» համար: Իսկ սպիտակ գեներալը, պայքարելով ռուսական միապետական կարգերի վերականգնման

¹ *ՏՆՍ* «Борьба за установление и упрочение Советской власти в Дагестане (1917—1921 гг.)». Сборник документов и материалов. М., 1958, т. 2, 76, 77:

¹ *Джемаль паша*, Записки 1913—1919, изд. Закавказья РКП (б), Тифлис, 1923, с. 239.

² *Նույն տեղը*, էջ 238—239:

համար, ոչ մի խոսք չէր ուզում լսել լեոնականներին որևէ ինքնավարութուն տալու մասին: Այստեղից էլ լեոնական մուսուլմանական ուժերի և հեղափոխական ուժերի ժամանակավոր միավորումը ընդհանուր թշնամու՝ Դենիկինի դեմ համատեղ պայքար մղելու համար¹:

Այսպես, օրինակ, ընդգրկվելով դենիկինյանների դեմ մղվող պայքարի մեջ, Չեչնիայի հոգևորականութւյան առաջնորդներից շատերը, այդ թվում շեյխ Ուզուն Հաջին կապ էին պահպանում դենիկինցիների թիկունքում գործող տեղի հեղափոխական-ապստամբ ջոկատների ղեկավար Գիկալոյի հետ:

Չնայած համառ դիմադրութւյանը, Դենիկինի մեծաթիվ զորքերը գրավեցին Հյուսիսային Կովկասի և Դաղստանի լայնարձակ շրջանները: Սպիտակ գեներալը մեծ ռազմատուգանք դրեց լեոնականների վրա, պահանջեց կազմել և իրեն տրամադրել զորամիավորումներ՝ սովետական իշխանութւյան դեմ կռվելու համար:

1919 թվականի օգոստոսի վերջերին Դենիկինի դեմ ապրստամբութուն բարձրացրին Կովկասի ժողովուրդները՝ դաղըստանցիները, ինգուշները, չեչենները և կաբարդինները: Պայքարը կատաղի բնույթ ընդունեց: Ոչ մի տեղից օգնութուն չստանալով, լեոնականները միայն հրացաններով ու դաշույններով արյունահեղ մարտի նետվեցին կազակական-սպայական ուժերի դեմ: Ձեռք գցելով մեծ քանակութամբ ռազմական ավար, լեոնական ապստամբ ջոկատները զինվեցին: Սեպտեմբերի 28-ին Գրոզնու մոտ տեղի ունեցած խոշոր ճակատամարտում դենիկինյանները պարտութուն կրեցին: Մինչև հոկտեմբերի կեսերն ապստամբները սպիտակգվարդիականներից մաքրել էին բոլոր լեոնային ամրացված կետերը և գրավել Գրոզնի, Թե՛հր-խան-Շուրա և Դե՛լբենտ քաղաքները²:

Այս իրադարձութունների ժամանակ խիստ բնութագրական էր հորբեջանի մուսավաթական կառավարութւյան բռնած դիրքը: Ապստամբութւյան թե՛ պահին Ադրբեջանի մուսուլմանական գործիչները և պանթուրանականները մուսավաթական կառավարութունից պահանջեցին ակտիվ զինված աջակցութուն ցույց

տալ հավատակից լեոնականներին: Բայց այն բանից հետո, երբ պարզ դարձավ, որ լեոնականների ապստամբական շարժումը ծավալվում է բուլշևիկյան դրոշի ներքո, և ենթարկվելով Ադրբեջանը ռազմակալելու դենիկինյանների սպառնալիքներին, մուսավաթական կառավարութունը, ինչպես նշում էր Ս. Մ. Կիրովը, ստանձնեց «պարապ ու անտարբեր դիտողի դեր, ոչ մի օգնութուն ցույց չտալով ապստամբներին»³:

Ընդհանուր թշնամու՝ դենիկինյանների պարտութունից անմիջապես հետո նորից կտրուկ սահմանադատում տեղի ունեցավ լեոնականների մեջ: Եթե մուսուլման աշխատավորներն այդ հաղթանակի մեջ տեսնում էին լեոնաշխարհում սովետական իշխանութւյան վերջնական հաղթանակի և ամրապնդման երաշխիքը, ապա, ընդհակառակը, Թուրքիայի, Անդրկովկասի, Հյուսիսային Կովկասի և Դաղստանի մահմեդական ռեակցիան փորձեց լեոնականների ապստամբական շարժումն օգտագործել իր պանիսլամական և պանթուրքական նպատակներին:

1919 թվականի աշնանը Չեչնիայում (Վեդենո գյուղ) մարմին առաւ ալսպես կոչված «շարիաթական միապետութունը»՝ էւմ «Հյուսիսկովկասյան էմիրութունը»: Այդ «պետութունը» ստեղծվեց տեղի ռեակցիոն մուսուլման հոգևորականութւյան կողմից: Ղեկավար դեր էր խաղում շեյխ Ուզուն Հաջին, որը կապերը խզել էր Գիկալոյի հետ: Նրան աջակցում էր ծայրահեղ ռեակցիոններ, թուրքական գործակալ Դիշնինսկին: Սա հայտարարում էր, թե ինքը հատուկ հավատարմագրով Չեչնիա է նկել «օսմանյան կայսեր» անունից Հյուսիսային Կովկասում «շարիաթական միապետութուն» կազմակերպելու համար:

1920 թվականի փետրվարին կարմիրբանակայինների մի ջոկատ չեչենների օգնութւյամբ Շատոյ գյուղում հայտնաբերեց էմիրական զինված ջոկատներին և զինաթափ արեց: Թուրքական գործակալները, այդ թվում Դիշնինսկին, ձերբակալվեցին: «Շարիաթական միապետութունը» պալթեց օձառի պղպջակի պես⁴:

Չեղափոխական դարաշրջանը լեոնական ժողովուրդների ծոցից երևան հանեց լենինյան գործիչների մի փայլուն համաստեղութուն: Նրանցից էին կաբարդիններ Բետալ Կալմըկ-վը,

¹ Տե՛ս Ա. Կարիևյան, *Երկերի ժողովածու*, Կ. 1, Երևան, 1934, էջ 51—54:

² Տե՛ս С. М. Киров, Статьи, речи, документы. Партиздат ЦК ВФД(6), М., 1936, էջ 148:

³ Ա. Կարիևյան, *Երկերի ժողովածու*, էջ 147—149:

⁴ Տե՛ս С. М. Киров, Статьи, речи, документы, էջ 214:

Մաժիդ Ֆանգիւրը, Տեմբոտ Ախոխովը, Մուրզաբեկ Շուքովը, բալկարներ Մահոմեդ էնեկը, Սուլտան-Համիդ Կալաբեկովը, ադիգեյ Մուսա Հովզենովը, կարաչաեցի Ումար Ալիկը, օս Գեգորգի Յագոլովը, շեչեն Ասլանբեկ Շերիֆովը, ինզուշ Գաֆուր Ախրիկը, դադստանցիներ Ուլուրիյ Բուլնակսկին, Մախաշ Դախադաևը և ուրիշներ¹։ Զբաղոր լեռնականների այդ խիզախ առաջնորդները ոգեշնչում էին անկուսակցական մասսաներին, գլխավորում նրանց պայքարը սովետական իշխանության հաղթանակի համար։ Նրանցից շատերն ընկան ժողովրդական ընդհանուր դործի հաղթանակի համար մղված պայքարի ճանապարհին։

Հյուսիսային Կովկասում սովետական իշխանությունը վերականգնելուց հետո կոմունիստական կուսակցության առջև ծառայած Ադրբեջանում և ամբողջ Ադրկովկասում սովետական կարգեր հաստատելու խնդիրը։

Մուսավաթական ռեակցիայի պանթուրքական-պանիսլամական պրոպագանդայի և թուրքական շղարարող դավերի պայմաններում Ադրբեջանի բանվորներն ու գյուղացիները շարունակում էին պայքարը Հոկտեմբերյան հեղափոխության գաղափարների հաղթանակի համար։ Բոլշևիկները մերկացնում էին մուսավաթականների հակաժողովրդական քաղաքականությունը, ցույց տալիս, որ Ադրբեջանի «անկախ» կառավարությունը բանվորներին և գյուղացիներին թշնամի կառավարություն է, ադրբեջանական խաների ու բեգերի, ադրբեջանցի նավթարդյունաբերողների շահերի արտահայտիչը։

Չնայած աշխատանքի դժվարին պայմաններին, Ադրբեջանի բոլշևիկները կարողացան կանոնավորել բոլշևիկյան մամուլի լույսընծայման ու տարածման գործը։ 1918—1920 թվականներին ադրբեջաներեն հրատարակվում էին բոլշևիկյան կամ բոլշևիկամետ «Ֆուգարա սադասի» («Զբաղորության ձայն»), «Ազերբայջան ֆուգարասի» («Ադրբեջանական շբափորություն»), «Բակի ֆելիլե կոնֆրանսընըն ախբարի» («Բաքվի բանվորական կոնֆրանսի տեղեկագիր»), «Հուրիեթ» («Ազա-

տություն») պարբերականները²։ Դրանց միջոցով բոլշևիկները լայն մասսաների մեջ տարածում էին մարքսիզմ-լենինիզմի գաղափարները, մերկացնում մուսավաթականների արյունալի ռեժիմը, պանթուրքականների և պանիսլամականների մեքենայությունները, աշխատավորներին նախապատրաստում առաջիկա դասակարգային մարտերին։

Արդեն 1919 թվականի սկզբներից Ադրբեջանի մի շարք շերջաններում ծայր առան բացահայտ հակակառավարական ելույթներ։ Գյանջայի, Ղազախի, Լենքորանի գավառներում և այլ վայրերում գործում էին գյուղացիների դինված ջոկատներ։ Մուսավաթական գործերի հետ բազմաթիվ ընդհարումներ ունեցավ, օրինակ, Կազբը Մահմեդովի գլխավորած ջոկատը, որի մեջ ընդգրկված էին ոչ միայն ադրբեջանցի, այլև հայ գյուղացիներ։

Բոլշևիկյան կազմակերպությունների անմիջական աջակցությամբ գյուղացիական պարտիզանական ջոկատները 1920 թվականի մայիսին սովետական իշխանություն հաստատեցին Լենքորանում և ամբողջ Մողանում։ Ապստամբները երեք ամիս շարունակ դիմադրում էին մուսավաթականների և օտարերկրյա ինտերվենտների միացյալ ուժերի հարձակումներին, բայց գերակշիռ ուժերի ճնշման տակ ստիպված էին տեղի տալ ու նահանջել։

Միաժամանակ Ադրբեջանի կոմունիստական կազմակերպություններն ամրապնդում էին սեփական շարքերը, ընդլայնում կապերը մասսաների հետ։ Մեծ ակտիվությամբ էին գործում նաև «Հումմեթ» և «Ադալեթ» կոմունիստական կազմակերպությունները։

1920 թվականի փետրվարին Բաքվում անլեզալ պայմաններում տեղի ունեցավ Ադրբեջանի բոլշևիկյան կազմակերպությունների առաջին համագումարը, որտեղ և ստեղծվեց Ադրբեջանի կոմունիստական կուսակցությունը (ԱԿԿ)։ Այն ստեղծվեց տերիտորիալ սկզբունքով, որպես ԽԿ(բ)Կ անբաժան մաս։ Լինելով ադրբեջանական ժողովրդի առաջավոր ջոկատը, ստեղծման հենց առաջին պահից նա իր մեջ զուգակցեց Ադրբեջանի բանվոր դասակարգի, ադրբեջանական ժողովրդի ինտեր-

¹ Տե՛ս Բ. Խ. Гугоев, У. А. Улигов, Борьба трудящихся за власть советов в Кабарде и Балкарии, Нальчик, 1957, էջ 72, Бербеков, Период к социализму народоз Кабардино-Балкарии. Нальчик, 1963, էջ 54։

² Տե՛ս «Очерки истории Коммунистических организаций Закавказья. 1883—1921 гг.», изд. ЦК КП Грузии, Тбилиси, 1967, էջ 433։

նաջիտնալ և ազգային խնդիրները: «Հումմեթ» և «Ադալեթ» բոլշևիկյան կազմակերպությունները, որոնք հաջողությամբ կատարել էին իրենց խնդիրները, ձուլվեցին Ադրբեջանի կոմունիստական կուսակցության մեջ և իրենց ֆունկցիաները հանձնեցին ԱԿԿ նորաստեղծ Կենտկոմին:

ԴԿ(բ)Կ Կենտկոմի ցուցումներով և ՌԿ(բ)Կ Կոմկառայան երեքրային կոմիտեի անմիջական ղեկավարությամբ Ադրբեջանի կոմունիստները գլխավորեցին աշխատավոր մասսաների պայքար մուսավաթական կառավարությունը տապալելու և Ադրբեջանում սովետական իշխանություն հաստատելու համար:

Այդ պատմական խնդիրը կատարելու համար արդեն 1920 թվականի գարնանը ստեղծվել էին նպաստավոր պայմաններ: Կարմիր բանակի զորամասերը, մարտի վերջերին Հյուսիսային Կովկասում գլխավոր ջախջախելով ղենիկիսյան զորքերին, ապրիլի կեսերին ընդհուպ մոտեցան Ադրբեջանի սահմաններին:

1920 թվականի ապրիլի 27-ին Ադրբեջանի կոմունիստական կուսակցության գլխավորությամբ Բաքվի բանվորական զինված ջոկատները մարտական պատրաստության մեջ դրվեցին: Կոմունիստների պատվիրակությունը վերջնագիր ներկայացրեց մուսավաթական կառավարությանն ու պառլամենտին՝ իշխանությունը հանձնելու մասին: Մինչ պառլամենտը քննարկում էր վեճը նազրի պահանջները, բոլշևիկների գլխավորած հեղափոխական զինված ջոկատները գիշերվա դեմ արդեն գրավել էին կառավարական շենքերը և քաղաքի կարևոր կետերը: Ստեղծվեց ժամանակավոր ռազմահեղափոխական կոմիտե: Ադրբեջանը հայտարարվեց սովետական սոցիալիստական հանրապետություն: «Ադրբեջանի հեղկոմը և Բաքվի պրոլետարիատը,— գրում էր Ք. Կ. Օրջոնիկիձեն, — օգնության կանչեցին կարմիր բանակին, որի հայտնվելը խուճապ առաջացրեց մուսավաթական կառավարության շրջանում. վերջինս պառլամենտական ակտով իշխանությունը հանձնեց Ադրբեջանի կոմունիստական կուսակցությանը»: Ապրիլի 28-ին ժամանակավոր ռազմահեղափոխական կոմիտեի նիստում հաստատվեց Ադրբեջանի սովետական հանրապետության առաջին Ժողովրդական կոմիսարների խորհուրդը Ն. Նաբիմանովի գլխավորությամբ:

Այսպիսով, իր ազատության և անկախության համար երբայրական ադրբեջանական ժողովրդի երկարատև պայքարը վերջացավ փայլուն հաղթանակով, որը նրան կանգնեցրեց սոցիալական ազատագրության և ազգային վերածնության լուսավոր ճանապարհի վրա:

1920 թվականի մայիսի 5-ին Վ. Ի. Լենինը ՌՍՖՍՀ Ժողկոմխորհի անունից Ադրբեջանի նորաստեղծ սովետական կառավարությանն ուղարկեց ողջունի հեռագիր¹:

Ադրբեջանի հայ աշխատավորները նույնպես ջերմորեն ողջունեցին սովետական կարգերի հաղթանակը: Ապրիլի 29-ին հայկական Լեոնային Ղարաբաղի կենտրոնում՝ Շուշիում ստեղծվեց հեղկոմ: Մայիսի 12-ին Շուշի մտավ 11-րդ կարմիր բանակի 32-րդ հրաձգային դիվիզիայի 281-րդ զունդը: Ղարաբաղի բնակչությունը ցնծության մեջ էր: Մայիսի 18-ին Շուշի եկավ Ք. Կ. Օրջոնիկիձեն, որը մայիսի 22-ին Բաքվից հեռագրեց Վ. Ի. Լենինին, թե Ղարաբաղում «հայ և մուսուլման բնակչությունը ուրախությամբ է դիմավորում ռուսական կարմիր բանակին»²:

Մայիսի 26-ին Ղարաբաղի հայության 10-րդ համագումարը ողջունեց կարմիր բանակի զորամասերին: Լեոնային Ղարաբաղը հայտարարվեց սովետական: Ստեղծվեց Ղարաբաղի հեղկոմ՝ Սաքո Համբարձումյանի նախագահությամբ: Մինչև հունիսի վերջը հեղկոմներ ստեղծվեցին մարզի բոլոր բնակավայրերում:

Ղարաբաղում սովետական կարգերի հաղթանակը նոր լիցք հաղորդեց հարևան հայկական մարզերի՝ Զանգեզուրի և Նախիջևանի աշխատավորների պայքարին:

Սովետական իշխանության հաղթանակն ազատագրություն բերեց Միջին Ասիայի ժողովուրդներին, որոնք ցարիզմի ժամանակ ենթարկվում էին ազգային ճնշման ու շահագործման:

Թուրքեստանում մղվող հեղափոխական պայքարի կենտրոնը Տաշքենդն էր: 1917 թվականի հոկտեմբերի 28-ին բոլշևիկների գլխավորությամբ այստեղ ապստամբություն սկսվեց ժամանակավոր կառավարության Թուրքեստանյան կոմիտեի իշխանու-

¹ Г. К. Орджоникидзе, Избранные статьи и речи. 1918—1937. ОГИЗ. Госполитиздат, 1945, с. 48.

¹ ՏԵՊ Վ. Ի. Լենին, ՆԼԺ, հ. 41, էջ 143:

² ՄԻԻ ԶՄԿԱ, ֆ. 4005, ց. 1, ք. 105, թ. 1:

թյան դեմ: Ապստամբած Տաշքենդին օգնության եկան թուրքեստանյան մյուս քաղաքների, գյուղերի և զշլաղների աշխատավորները: Ապստամբությունը տարածվեց Ղըզըլ-Արվաթի, Բայրամ-Ալիի, Մերվի, Չիմքենտի, Թերմեզի և այլ քաղաքներում և զշլաղներում: Ռուս բանվորների և զինվորների հետ ուսուցիչ մարտնչում էին ուզբեկները, տաջիկները, դազախները, թուրքմենները: Նրանց գլուխ էին կանգնած հեղափոխականներ Ս. Կասիմխոջաևը, Ա. Բաբաջանովը, Դ. Քամալովը, Տ. Աբդուրահմանովը, Մ. Միրիխոզիևը և ուրիշներ: 1917 թվականի հոկտեմբերի 31-ին Տաշքենդում հաղթեց սովետական իշխանությունը: Նոյեմբերի կեսերին այնտեղ տեղի ունեցավ սովետների երկրամասային համագումար, որը կազմեց Թուրքեստանի երկրամասի Ժողովրդական կոմիսարների խորհուրդ՝ Ֆ. Ի. Կոլեսովի գլխավորությամբ¹:

Թուրքեստանի երկրամասում սովետական իշխանության հաղթանակն առաջ բերեց բայերի և մանապների, խաների և մուխտարդարների², բեգերի և էմլյակդարների³, բայամինների⁴, մուսուլմանական հոգևորականության և ռուս սպիտակգվարդիականների կատաղի դիմադրությունը: Երկրամասի հակահեղափոխական ուժերն անգլիական իմպերիալիստների հետ միասին, որոնք վախենում էին իրենց ասիական գաղութների վրա սովետական Թուրքեստանի հեղափոխական ազդեցությունից, կազմակերպում էին հակասովետական դավադրություններ ու խռովություններ:

Ուզբեկական, դազախական, տաջիկական և կիրգիզական բուրժուական ազգայնականները 1917 թվականի նոյեմբերի վերջերին Կոկանդ քաղաքում հրավիրեցին «համամուսուլմանական» երկրամասային IV համագումարը⁵: Տեղի ընտրությունը պատահական չէր: Կոկանդում շատ ուժեղ էր ռեակցիոն հոգևորականության ազդեցությունը: Բացի այդ, այստեղ գտնվում էին մեծ թվով թուրք ռազմագերիներ, որոնց մեջ քիչ չէին պանթուրա-

կանները, մարդիկ, որոնք կատաղի ատելությամբ էին լցված սովետական իշխանության հանդեպ: Համագումարին ներկա էին «Ալաշ», «Միլլի-Շուրո», «Շուրո-ի-իսլամիյա», «Ուլեմա» կուսակցությունները, հակասովետական մուսուլմանական այլ ուժեր, որոնք հանդես էին գալիս «Արևելքը մուսուլմաններին», «Թուրքեստանը թուրքեստանցիներին» ղեմագործիկ լողունգներով: Համագումարը, ի հակակշիռ Թուրքեստանի սովետական իշխանության, երկրամասը հայտարարեց «ինքնավար տերիտորիա», որը ստացավ «կոկանդյան ինքնավարություն» անունը: Համագումարը ստեղծեց Թուրքեստանի Ժամանակավոր կառավարություն Չոկանի և Տինիբաշևի գլխավորությամբ: Հակահեղափոխական այդ կառավարության մեջ մտան մուսուլման բարձր հոգևորականության ներկայացուցիչներ, բամբակի արտադրության և վաճառքի խոշոր կոմերսանտներ, հողատերեր, Ֆերգանայի քաղաքային բուրժուազիայի ներկայացուցիչներ: Այդ ողջ խայտաբղետ կամպանիան բռնեց կատաղի հակահեղափոխական դիրք: «Կոկանդյան ավտոնոմիայի» կառավարությունն օրենքներ ընդունեց, որոնցով հողը և ձեռնարկությունները հայտարարվեցին անձեռնմխելի մասնավոր սեփականություն: «Ավտոնոմիստների» հակասովետիզմը մերթ ընդոնում էր պանիսլամիզմի, մերթ պանթուրքիզմի ձև: Հակահեղափոխական բուրժուանացիոնալիստական ինքնավարության դրոշի ներքո համախմբված մուսուլմանական բուրժուական նացիոնալիստների գլխավոր նպատակը Թուրքեստանը սովետական Ռուսաստանից անջատելն էր:

«Կոկանդի ինքնավարության» հետ սերտ կապեր հաստատեցին անգլիական իմպերիալիստները, սպիտակգվարդիականները, ատաման Դուտովը, Բուխարայի էմիրը և Նիվայի խանը: Ոտնատակ տալով իրենց իսկ ազդարարած «ազգային ինքնությունության» սկզբունքները, նրանք դիմեցին ԱՄՆ-ի պրեզիդենտ Վիլսոնին՝ Թուրքեստանի «ուժ միլիոնանոց բնակչությանը ազատագրելու» խնդրանքով:

Կոկանդը դարձավ հակահեղափոխության վտանգավոր օջախ:

¹ Թուրքեստանում սովետական իշխանության հաստատման մասին տե՛ս «Подготовка и проведение Великой Октябрьской социалистической революции в Туркестане». Сборник документов, Ашхабад, 1954.

² Ֆեոդալական-ցեղային առաջնորդներ:

³ Բուխարայի էմիրի աստիճանավորներ:

⁴ Հարուստ գյուղացիներ (կուլակներ):

⁵ Տե՛ս ЦГАОП СССР, 1318, оп. 1, д. 23, л. 15.

¹ Տե՛ս И. С. Занушкин. Советская национальная политика и буржуазные историки. Становление Советского многонационального государства (1917—1922 годы) в современной американской историографии, М., «Мысль», 1917, էջ 77—78:

Ավտոնոմիտներին աջակցում էին Ղազախստանի և Անդրկասպյան երկրամասի ազգայնականները¹: Շուտով «Կոկանդյան ավտոնոմիան» դարձավ ուլեմականների, աջ էսէռների, մենշևիկների և ուս սպիտակգվարդիականների, հակահեղափոխական բոլոր ուժերի ձգողական կենտրոնը:

Ավտոնոմիտներին, սակայն, չհաջողվեց զգալի թվով զինված ուժեր հավաքել: Նրանք դիմեցին սպիտակգվարդիական կազակային զորամասերի օգնությանը: Ծավալվեցին արյունահեղ մարտեր հեղափոխական և հակահեղափոխական ուժերի միջև: 1918 թվականի փետրվարին կոկանդյան հակահեղափոխական ուժերը պարտություն կրեցին, ինքնակոչ «ինքնավար կառավարությունը» ցրվեց: Սովետական իշխանությունն ամբողջ Թուրքեստանում ամրապնդեց իր դիրքերը²:

Պետրոգրադում սոցիալիստական հեղափոխության հաղթանակից մի քանի օր շանցած սովետական կարգեր հաստատվեցին Ղազախստանի մի շարք քաղաքներում: 1917 թվականի հոկտեմբերի 30-ին սովետական իշխանություն հռչակվեց Սիր-Դարիայի մարզի Պերովսկ քաղաքում: Այնուհետև սովետական իշխանությունը հաղթանակեց Աուլիե-Աթայում, Բուկեեյան օրդայում, Կազալինսկում, Ակմոլինսկի և Կոկչետավի մարզերում, Սեմիպալատինսկում, Վերնիում, Օրենբուրգում և Ուրալսկում:

Ղազախ բայերը, մոլլաները և բուրժուական ազգայնականները ձեռնարկեցին բոլոր միջոցները Հոկտեմբերյան հեղափոխության հաղթարշավը Ղազախստանում կանգնեցնելու համար:

1917 թվականի նոյեմբերին Սեմիրեչիեի կազակական դուքսի պարագլուխները բայերի և կուլակների աջակցությամբ ստեղծեցին հակահեղափոխական դիրեկտորիա՝ կազակային զորային կառավարություն: Նույն թվականի դեկտեմբերին Օրենբուրգում տեղի ունեցած ղազախական բուրժուակալվածատիրական վերնախավերի համագումարը որոշում ընդունեց ղազախական մարզերի ինքնավարության և սեփական մուսուլմանական դինված ուժերի ստեղծման մասին: Կազմվեց բուրժուաազգայնական Ալաշ օրդայի կառավարություն (Ժամանակավոր ազ-

գային խորհուրդ) կազմատ Ա. Բուկեյխանովի գլխավորությամբ, որը ներկայացնում էր բուրժուաֆեոդալական վերնախավերի «Ալաշ» կուսակցությունը: Միաժամանակ Ղազախստանի տարբեր մասերում կազմակերպվեցին սպիտակգվարդիական ուրիշ «զորային կառավարություններ», որոնք Ալաշ օրդայի հետ միասին հանդես էին գալիս սովետական իշխանության դեմ:

Տեղական բոլշևիկների գլխավորությամբ բուրժուական նացիոնալիստների դեմ ոտքի ելան ղազախ աշխատավորները, որոնք և վերջին հաշվով որոշեցին «Ալաշ օրդայի» բախտը: Սովետական իշխանության հաստատման ու ամրապնդման համար պայքարի առաջին գծում էին ղազախ ժողովրդի լավագույն գավակներ Տ. Ուտեպովը, Ա. Ջանգիլդինը, Կ. Կուշելկովը, Ա. Ռոզիբակիևը, Յու. Բաբանը, Ս. Նուրամովը և շատ ուրիշներ: Ծավալված մարտերում հակահեղափոխականների հիմնական ուժերը ջախջախվեցին, որոնց մնացորդները որոշ ժամանակ անց ապաստան գտան կոլչակյանների մոտ և նրանց հետ միասին էլ վերջնականապես ջախջախվեցին:

Սոցիալիստական հեղափոխությունը համառ պայքարի գնով հաղթանակեց Թաքաբիայում և Բաշկիրիայում:

1917 թվականի հոկտեմբերի 26-ին (նոյեմբերի 8-ին) սովետական իշխանություն հաստատվեց Կազանում: Բոլշևիկյան կուսակցության առաջադրանքով Թաթար աշխատավորների շրջանում հեղափոխական լայն աշխատանք էին ծավալել Թաթար բոլշևիկները՝ Քամիլ Յակուբովը, Սահիպգարե Սաիդ-Գալիևը, Մինուլլա Վախիտովը, Յակուբ Չանիշևը, Սադիկ Ախտյա-մովը և ուրիշներ: Թաթար ժողովուրդը խանդավառությամբ ընդունեց սովետական իշխանության պատմական դեկրետները և մեծ ոգևորությամբ ձեռնամուխ եղավ նորաստեղծ կարգերի ամրապնդմանը:

1917 թվականի հոկտեմբերի 26-ին սովետական իշխանություն հռչակվեց Բաշկիրիայում: Ուֆայում ստեղծվեց նահանգական հեղկոմ, որի ղեկավար իշխանությունը տարածվեց Բաշկիրիայի տարածքի մեծ մասի վրա:

Թաթարիայում, Բաշկիրիայում, ողջ Պովոլժիեում սովետական իշխանության հաղթանակի գործում կարևոր դեր խաղացին Հարավարևելյան ռազմաճակատում կռվող մուսուլմանա-

¹ ՏՆ՝ Մ. Փ. Շիտով, В. И. Ленин и пролетарский интернационализм (1917—1924 гг.), изд-во Политической литературы, Москва, 1974, էջ 22:

² ՏՆ՝ «Упрочение Советской власти в Узбекистане». Сборник документов, т. 2. Ташкент, 1972, էջ 75—76:

կան զորամասերի մարտիկները¹: Սրանք զորացրվելով, իրենց հավատարմությունն էին հայտնում սովետական իշխանությանը և վերագտնալով հայրենի աուլներն ու քաղաքները, լծվում նոր, սովետական կարգերի հաղթանակի համար մղվող պայքարի գործին²:

Սակայն ինչպես թաթարական, այնպես էլ բաշկիրական բուրժուական նացիոնալիստները Հոկտեմբերյան հեղափոխությունը դիմավորեցին վենքը ձեռքին: Նրանք հրաժարվեցին ճաճանաչել սովետական իշխանությունը, հանդես եկան ամբողջ իշխանությունը Սահմանադիր ժողովին հանձնելու պահանջով: Շատերն էլ համալրեցին Դուստովի, Կոլչակի և մյուս հակահեղափոխական բանզանների շարքերը:

Այն բանից հետո, երբ բուրժուազգայնական ուժերին պարզ դարձավ, որ իրենց այդ պահանջն անիրագործելի է, նրանք իրենց ողջ ջանքերը կենտրոնացրին թաթարական և բաշկիրական ազգային ինքնավարության խնդրի վրա:

Սովետական իշխանությունն առաջադրեց թաթարներին և բաշկիրներին ՌՍՖՍՀ կազմում ազգային սովետական ինքնավարություն ապահովելու ծրագիրը³: Թաթար և բաշկիր աշխատավորները ջերմորեն ընդունեցին սովետական իշխանության այդ կարևոր նախաձեռնությունը և պատրաստակամություն հայտնեցին ամեն գնով նպաստելու գործի հաջողությանը⁴: Աշխատավոր մասսաների ընդերքում ծնունդ էին առնում կարմիր բանակի թաթարաբաշկիրական զորամիավորումներ, որոնք կանգնում էին սովետական իշխանության պաշտպանության դիրքերում⁵: Ամենուրեք հրավիրվող սովետների համագումարները, կոնֆերանսները, նիստերը արտահայտվում էին սովետական ինքնավարության օգտին⁶: Եվ երբ 1918 թվականի

մարտ-ապրիլին սովետական կառավարությունը կոնկրետ աշխատանքներ ծավալեց այդ ուղղությամբ, թաթար և բաշկիր բուրժուական նացիոնալիստները ասրածեցին այն վարկածը, թե բոլշևիկներն այդ քայլին են դիմում տակտիկական նկատառումներով, ստիպողաբար, հիմնականում այն պատճառով, որ թուրքական զորքերը ներխուժել են Կովկասի խորքերը: Ժամանակավոր, խաբուսիկ ու անցողիկ այդ քայլով, ասում էին նրանք, սովետներն ըստ էության պրոպագանդիստական արշավ են սկսում, փորձելով պատասխան բարոյական հարված հասցնել թուրքերին, ինչպես նաև Ռուսաստանի թուրքալեզու ժողովուրդներին ցույց տալ, թե մուսուլմանների իսկական ազատությունը բոլշևիկյան հեղափոխության մեջ է:

Միաժամանակ բուրժուական նացիոնալիստները թաթարներին ու բաշկիրներին ազգային սովետական ինքնավարությանը հակադրեցին ազգային բուրժուական ինքնավարություն ստեղծելու իրենց պլանները: Նրանք, որ 1917 թվականի փետրվար-հոկտեմբերին հանդես էին գալիս կուլտուր-ազգային ինքնավարություն ունենալու պահանջով, սոցիալիստական հեղափոխության հաղթանակից հետո արագորեն վերակառուցեցին իրենց տակտիկան, մի կողմ դնելով կուլտուր-ազգային ինքնավարության հարցը, առաջ քաշեցին բուրժուական ազգային պետականություն ունենալու պահանջը: Հեղափոխության և հակահյուսփոխության միջև այդ խնդրի շուրջը ծավալվեց երկարատև և արյունալի պայքար:

Դեռևս 1917 թվականի նոյեմբերի 29-ին Ուֆայում հրավիրված ներքին Ռուսաստանի և Սիբիրի թյուրք-թաթարների ազգային ժողովը որոշում ընդունեց կազմակերպել թաթարա-բաշկիրական միացյալ բուրժուական պետություն՝ Իդել-Յուրալ շտատ (Ուրալա-Վոլգյան նահանգ) անունով: Այդ գաղափարը մուսուլմանական բուրժուական նացիոնալիստները փայփայում էին նաև հետագա երկու տարիներին: Հենց այստեղ էլ՝ փայտում էին նաև հետագա երկու տարիներին: Հենց այստեղ էլ՝ Ուֆայի ազգային ժողովում կազմավորվեց Ուրալա-Վոլգյան նահանգի ստեղծումն իրականացնող կոլեգիա, ինչպես նաև ձևա-

¹ Տե՛ս «Разложение армий в 1917 году», М.—Л., 1925, էջ 85. «Из истории борьбы за установление Советской власти», ноябрь 1917—февраль 1918 г. «Сборник исторических документов и материалов», М., 1943, էջ 56:

² Տե՛ս ЦГВИА, ֆ. 2067, օպ. 3, Ժ. 36, և. 256, 257; Ժ. 673, և. 294.

³ Տե՛ս ЦГАОР СССР, ֆ. 1318, օպ. 1, Ժ. 37, և. 6.

⁴ Տե՛ս ЦГАОР СССР, ֆ. P—1318, օպ. 1, Ժ. 27, և. 37; Ժ. 38, և. 44.

⁵ Տե՛ս ЦГАОР СССР, ֆ. 1318, օպ. 1, Ժ. 21, և. 49—51; Ժ. 23, և. 53—56; Ժ. 82, և. 3.

⁶ Տե՛ս ЦГАОР СССР, ֆ. P—1318, օպ. 1, Ժ. 73, և. 71.

¹ Տե՛ս «Образование Башкирской Автономной Советской Социалистической республики». Сборник документов и материалов. Уфа, 1959, էջ 128, 129:

վորվեց Լեզգային վարչություն (Միլիի իդարա)՝ Ս. Մաքսուդովի գլխավորությամբ՝

Իդել-Ուրալ շտատի ստեղծման օրերին թաթարական և բաշկիրական բուրժուական ազգայնականները ծավալեցին բուռն ագիտացիա և պրոպագանդա: Ենթադրվում էր, որ շտատը հրակայատարած պետություն է լինելու, որը միավորելու է Կազանի, Ուֆայի, Սիմբիրսկի, Վյատկայի, Պերմի նահանգները: Բուրժուական ազգայնամոլները բնավ հաշվի չէին նստում այն իրողության հետ, որ ստեղծվելիք Ուրալա-Վոլգյան պետության տարածքներում թաթարները և բաշկիրները փոքրամասնություն էին կազմում: Օրինակ, Հոկտեմբերյան հեղափոխության նախօրյակին թաթարները բնակչության մեջ կազմում էին. Կազանի նահանգում՝ 31, Ուֆայի՝ 15, Սամարայի՝ 11, Սիմբիրսկի՝ 9, Վյատկայի՝ 5, Պերմի նահանգում՝ 5,5 տոկոս²:

Բուրժուական ազգայնականները լի էին իրենց երազած բուրժուական պետությունն «ազգային սվիններով» պաշտպանելու վճռականությամբ:

Այդ նպատակով Թաթարիայում ստեղծվեց բուրժուազգայնական մի խոշոր զինվորական կազմակերպություն՝ Հարբի շուրո (ոսղմական խորշուրո) անունով, որի կենտրոնը Կազանն էր: Ստեղծվեցին նաև առանձին թաթարական զնդեր, որոնց մեջ մոբիլիզացվեցին հազարավոր մարդիկ. Կազանում՝ 20 հազար, Օրենբուրգում՝ 12 հազար, Ուֆայում՝ 15 հազար, Պովոլժիեի քաղաքներում՝ մոտ 10 հազար մարդ³: Հարբի շուրոն կապեր հաստատեց ուկրաինական Կենտրոնական ռուսացի, Բաշկիրական կոլրուլթայի, ադրբեջանական մուսավաթականների, թուրքեստանյան ավտոնոմիստների, զազախական ալաշ-օրդայիների, շուվաշ, մարի, ուզմուրտ ազգայնականների հետ:

Բաշկիրական բուրժուական ազգայնականները նույնպես հենվում էին իրենց ենթակա ազգային զորամասերի վրա և ամուր

կապերի մեջ էին մուսուլմանական մյուս տարածքների ազգայնական «կառավարությունների» հետ:

Թաթարական Հարբի շուրոյի և բաշկիրական բուրժուազգայնական ուժերի շուրջը համախմբվեցին ուս հակահեղափոխական տարրերը, այդ թվում ուղղափառ հոգևորականները: Սրանք հանկարծ սկսեցին խոսել թաթարների և բաշկիրների կուլտուրականության և մարդասիրության մասին: Ավելին, նրանք նույնիսկ ասում էին, թե «ճակատագիրը թաթարներին է վստահել ուսական պետության փրկիչների դերը»: «Լավ է թաթարական խանությունը, քան բոլշևիկյան թագավորությունը», — ասում էին նրանք⁴:

Ի պատասխան ուսական բուրժուազիայի, նրա կաղետական և էսէռամենշևիկյան սպասավորների թուրքամետ հայտարարությունների, Հարբի շուրոն խոստացավ զինված պայքար սկսել սովետական իշխանության դեմ:

Իմանալով այդ մասին, Կազանի սովետը և նրա մուսուլմանական կոմիսարիատը որոշեցին վճռական գործողություններով վերացնել հակահեղափոխական օջախները: Արգելվեց բուրժուազգայնական կազմակերպությունների գործունեությունը, փակվեցին նրանց տպագիր օրգանները, զինաթափվեց թաթարական և բաշկիրական ազգային զորամասերի մի մասը, իրականացվեցին սովետական կարգերի ամրապնդման նպատակին ուղղված այլ միջոցառումներ⁵:

Սակայն 1918 թվականի ամռանը Թաթարիայում, Բաշկիրիայում և Պովոլժիեում հաստատված սովետական իշխանությունը ժամանակավորապես ընկավ: Հուլիսի սկզբներին սպիտակ շեխերը և ուսական սպիտակգվարդիականները զավթեցին Ուֆան, Զելյաբինսկը, Օրենբուրգը, Կազանը: Հաստատվեցին տերրիտորիալ և սպիտակգվարդիականների ժամանակավոր արյունալի տիրապետությունը, առաջ եկան սպիտակգվարդիական, կազակական բազում «կառավարություններ»:

1918 թվականի ամռանը սպիտակգվարդիական «կառավարություն» ստեղծվեց Սամարայում: Դրա ոգեշնչողը այսպես

¹ Տե՛ս «Образование Татарской АССР». Сборник документов и материалов, Казань, 1963, էջ 30:

² Տե՛ս Գ. Իбрагимов, К истории организации ТССР, — «Информационный бюллетень ВОКС», 1927, № 23—25, էջ 2:

³ Տե՛ս Մ. Ա. Сайдашев, Ленин и социалистическое строительство в Татарии 1918—1923, էջ 58:

⁴ Տե՛ս Մ. Ա. Сайдашев, Ленин и социалистическое строительство в Татарии 1918—1923, էջ 58:

⁵ Տե՛ս «Образование Татарской АССР». Сборник документов и материалов, էջ 314—315:

կոչված Սահմանադիր ժողովի անդամների կոմիտեն էր (Комитет членов Учредительного собрания— КОМУЧ): Սամարայի «կառավարությունը» իր իշխանության տակ առավ նաև թաթարական տարածքները, այդ թվում՝ Կազանը: ԿՈՄՈՒՉ-ի կառավարությանը կից ստեղծվեց հատուկ մուսուլմանական կոլեգիա, որը հենց սկզբից հետևողական հակաբոլշևիկյան ուղղություն վերցրեց: Գ. Բատալի խմբագրությամբ կրկին սկսեց լույս տեսնել «Կուրուլթայ» ծայրահեղ հետադիմական, բացահայտ հակահեղափոխական թերթը: Թաթարական բուրժուական ազգայնականներն ակտիվորեն մասնակցում էին սպիտակգվարդիականների կողմից վերականգնված և հակահեղափոխության օջախ դարձած Կազանի քաղաքային դումայի աշխատանքներին: Կոմուլականներին փութաջանորեն աշակցում էին թաթարական բուրժուական ազգայնականներ Ծուադ Թուկտարովը, Սաիդգարեյ Ալկինը, Ամիր Մամլենը, Իսհակ Ալմաշովը, մուլաներ Հաբդրահման Իսհակովը, Կասիմ Սալիևը և ուրիշներ: Միլլի շուրոն, Հարբի շուրոն, Միլլի իդարան (Ազգային վարչություն) և թաթարական բուրժուազիայի մյուս քաղաքական օրգանները դրվելեցին սպիտակգվարդիականների տրամադրության տակ: Այդպես վարվեց նաև թաթարական հասարակության տականքներից մեկի՝ երշիկագործ Աբդուլլա Կիլիշևի հրամանատարությամբ կազմակերպված հեծյալ բանդիտների խումբը, որին տրվեց «մուսուլմանական էսկադրոն» մեծաղորդ անունը:

Հակասովետական պայքարի միասնական նպատակները կոմուլականների հետ էին միավորիչ նաև շուվաշական բուրժուական ազգայնականներին, որոնց գլուխ կանգնած էին Գ. Ալյուևովը, Ս. Նիկոլանը, Գ. Պետրով-Յուսմանը, Ի. Վասիլևը և ուրիշներ: Վերջինս նաև խմբագրում էր «Խիպար» կատաղի հակասովետական լրագիրը, որը սկսել էր լույս տեսնել 1918 թվականի օգոստոսից:

ԿՈՄՈՒՉ-ի «մայրաքաղաք» Սամարան թաթար, բաշկիր, շուվաշ հակահեղափոխականների համար յուրատեսակ Մեքքա դարձավ, որտեղ նրանք ստանում էին «կառավարական ղեկավար հրահանգներ» ու հանձնարարականներ և, վերադառնալով տեղերը, ճգնում էին անթերի կատարել դրանք:

1918 թվականի ամռան վերջերին Չելյաբինսկում, իսկ սեպտեմբերին Ուֆայում տեղի ունեցան սպիտակգվարդիական պարագլուխների «պետական» խորհրդակցություններ, որտեղ քնն-

նարկվեց «Տամաոուսատանյան կառավարություն» կազմելու հարցը: Չելյաբինսկի «պետական» խորհրդակցությանը մասնակցեցին մուսուլմանական հակահեղափոխության մի շարք պարագլուխներ, այդ թվում Թուրքեստանի ժամանակավոր կառավարության նախագահ Մուստաֆա Չոկանը, բաշկիր նացիոնալիստ Ջեքի Վալիդովը, թաթար նացիոնալիստներ Թուհվաթուլինը, Մամլենը և ուրիշներ:

Ավելի բազմամարդ էր Ուֆայի «պետական» խորհրդակցությունը: Եկել էին սելիտակգվարդիական, կազակական բազմաթիվ «կառավարությունների» ներկայացուցիչներ, կադետներ, էսէսներ, մենշևիկներ: Ներկա էին նաև թյուրք-թաթարական ազգայնականներ:

Նախօրյակին դարձյալ Ուֆայում հավաքվեց թաթարական, բաշկիրական, կիրգիզական, դադախական և այլ ազգայնամուսների մի խառնածո ղուլ, որն իրեն հայտարարեց «Թյուրք-թաթարների համաոուսատանյան կոնֆերանս»: «Կոնֆերանսի» անունից բուրժուական ազգայնականները մի խնդրագիր ներկայացրին Ուֆայի «պետական» խորհրդակցությանը: Նրանք, որ մինչ այդ հավակնում էին ստեղծել Իդել-Ուրալի, Թուրքեստանի, Ղրիմի և այլ մուսուլմանական պետական կազմավորումներ, այժմ բավարարվում էին միայն նրանով, որ խնդրում էին ապագա «Տամաոուսատանյան կառավարության» մեջ Ռուսաստանի մուսուլմաններին միևնույն կերպով մեկ տեղ տալ:

Խորհրդակցությունում կազմավորվեց հինգ հոգուց բաղկացած «Ժամանակավոր համաոուսատանյան կառավարություն»՝ այսպես կոչված Ուֆայի դիրեկտորիան: «Կառավարության» մեջ մուսուլման ազգայնականները շատացան ոչ մի տեղ: Դիրեկտորիան նպաստեց Կուլշակի հրոսակների ժամանակավոր հաջողությանը և նրա արյունալի դիկտատուրայի հաստատմանը:

1918 թվականի աշնանը կարմիր բանակը նորից ազատագրեց Թաթարիան, Բաշկիրիան, Պովոլժիեն: Բայց մի քանի ամիս հետո սովետական իշխանությունը նորից ժամանակավորապես ընկավ:

Ստանալով օտարերկրյա ինպերիալիստական տերությունների առատաձեռն օգնությունը և հավաքելով հսկայական բանակ, նախկին ցարական ծովակալ Կուլշակը սկսեց հակասովետական արշավ, գրավելով զգալի տարածություններ, այդ թվում Թաթարիան ու Բաշկիրիան: Հաստատվեց հակահեղափոխության

արյունալի դիկտատուրա: Վերացվեցին սովետական հիմնարկները, ֆիզիկապես անխնա ոչնչացվում էին հեղափոխության նվիրյալ մարտիկները:

Թաթարական և բաշկիրական նացիոնալիստները կոլչակյանների օգնականներն էին ռազմաճակատում և թիկունքում, խոսքով և գործով աջակցում էին նրանց: Հավատարիմ հւլատակի փութաջանությամբ նրանք փնտրում-գտնում և սպիտակ բանդաների հոշոտմանն էին հանձնում կուսակցական և սովետական աշխատողներին, թաթար և բաշկիր առաջավոր մտավորականներին: Կազանում մոլեզնում էին մոլլա Աբդուլլա Ապանասևի բանդաները, որոնք գնդակահարեցին նշանավոր հեղափոխական բոլշևիկ Քամիլ Յակուբովին: Բուգուլմայի գավառում անթիվ շարագործություններ կատարեց Ալմատևսկ գյուղի մոլլա Հադի Ատլասովը: Այդ ամենը կրկին հաստատում էր լենինյան այն դրույթը, որ «ամեն մի իսկապես լուրջ և խոր քաղաքական հարցում խմբավորումը տեղի է ունենում ըստ դասակարգերի և ոչ թե ըստ ազգերի»¹: Արյունալի հաշվահարդարներով բուրժուական ազգայնականներն իրենց վերջնականապես մերկացրին աշխատավոր մասսաների աչքում:

Չնայած այն բանին, որ բուրժուական նացիոնալիստները կաշվից դուրս էին գալիս, որպեսզի շահեն Կոլչակի վստահությունը, վերջինս բնավ մտադիր չէր ազգային հարցում որևէ դիջում անելու նրանց:

Այսպես, բուրժուական ինքնավարություն ստանալու նպատակով ներքին Ռուսաստանի և Սիբիրի մուսուլմանների հոգևոր վարչության ղեկավար, մուֆթի Գալիմջան Բարուդին, նրա օգնականներ Սալիհջան Ուրմանովը և Գայագ Իսհակովը մեկնեցին Կոլչակի զորակայան և ընդունելություն խնդրեցին «գերագույն կառավարչից»: Ունկնդրելով թաթարական բուրժուազիայի պատվիրակներին, Կոլչակը հայտարարեց, որ մեծ Ռուսաստանում տեղ չի լինի որևէ ազգային վարչության, ազգային պառլամենտի կամ համագումարի համար և որ Ռուսաստանի մուսուլմանները լավագույն դեպքում կունենան «Մասնադական հոգևոր ժողով» Եկատերինա II-ի 1778 թվականի հրամանագրի համապատասխան: Կոլչակը լսել անգամ չէր ուզում նաև Բաշկիրիային ազգային ինքնավարություն տալու մասին:

¹ Վ. Ի. Լենին, ԵԼԺ, հ. 24, էջ 168:

Մուսուլմանական բոլոր գրավված շրջաններում վերականգնելով հին կարգերը, Կոլչակը վարում էր ցարիզմի ժամանակների մեծապետական, ռազմազարդութային քաղաքականություն: Նրա կառավարության ներքին գործերի միխիստությունն աորնթեր ստեղծված այսպես կոչված «տեղաբնիկների բաժինը» իր գործունեությունը սկսեց նրանով, որ ոչնչացրեց ազգային ինքնավարության բոլոր մարմինները:

Մալիտակ ծովակալին հակահարված տալու համար սովետական հանրապետությունը մորիլիդացրեց իր ուժերը: Մոսկվայից, Պետրոգրադից և այլ քաղաքներից անընդհատ հոսանքով Արևելյան ռազմաճակատ էին ուղևորվում պրոլետարական գնդեր: Նրանց կողքին էին նաև մուսուլմանական ազգային կազմավորումները: Քաղաքացիական պատերազմի տարեգրության մեջ հերոսական էջեր գրեցին Առաջին թաթարական հրաձգախն բրիգադը, բաշկիրական կարմիր զորամիավորումը: Կազմյր բանակի ուրիշ զորամիավորումների կազմում նույնպես սպիտակգվարդիական զորքերի դեմ կռվում էին թաթար և բաշկիր ժողովուրդների հազարավոր զավակներ:

Սովետական իշխանության համար պայքարը համառ բնույթ ընդունեց Արիմով: 1918 թվականի հունվարին ամբողջ թերակղզում հաստատվեց բանվորագյուղացիական իշխանություն: Նույն թվականի մարտին ստեղծվեց Տավրիդայի սովետական սոցեալիստական հանրապետությունը, որը հայտարարվեց ՌՌՖՍՀ անբաժանելի մաս: Ակովեցին իրականացվել արմատական սոցիալիստական վերափոխումներ: Սովետական իշխանությունը հսկայական ուշադրություն էր նվիրում ազգային հարցի արդարացի լուծմանը: Արիմի թաթար բնակչությունը ստացավ բոլոր իրավունքներն ու ունալ հնարավորությունները ակտիվորեն մասնակցելու սովետական պետական շինարարությանը: Մուսուլմանական եկեղեցին անչառվեց պետությունից, դպրոցներում արգելվեց կրոնի ուսուցումը:

Տավրիդայի սովետական հանրապետությունը գոյություն ունեցավ մինչև 1918 թվականի ապրիլ ամիսը: Խախտելով Բրեստ-Լիտովսկի պայմանագիրը, գերմանական զորքերն ապրիլի կեսերին ներխուժեցին Արիմ և ռազմակալեցին այն: Արիմի թաթար նացիոնալիստները «Միլի-ֆիրկա» բուրժուական կուսակցության գլխավորությամբ Բախչիսարայում ստեղծեցին «Լուրդութայ», որը կազմավորեց իր կառավարությունը՝ դիրեկ-

տորիան: Ստանալով օկուպանտների լիակատար պաշտպանութունը, սպիտակգլարդիականները և թաթար նացիոնալիստները արյունալի հաշվեհարդարների ենթարկեցին Ղրիմի կուսակցական և սովետական աշխատողներին: Արևելայի շերտը անուշահամ քան զնորահամարեցին Տավրիդայի սովետական հանրապետության կառավարության համարյա բոլոր անդամներին: 1918 թվականի նոյեմբերին Ղրիմում ափ իջան Անտանտի զորքերը՝ փոխարինելով գերմանական օկուպանտներին: 1919—1920 թվականներին անգլո-ֆրանսիական օկուպանտների հետ միասին Ղրիմը տնօրինում էին Դենիկինի, իսկ հետո նաև Վրանգելի սպիտակգլարդիական զորքերը:

Բոլշևիկների գլխավորած պարտիզանական ջոկատներն անընդհատ հարվածներ էին հասցնում հակահեղափոխության ուժերին: ՌԿ(բ)Կ Կենտկոմի որոշմամբ Հարավարևմտյան ռազմաճակատի Ղրիմի հատվածը 1920 թվականի սեպտեմբերի 21-ին առանձնացվեց որպես ինքնուրույն՝ Հարավային ճակատ (հրամանատար՝ Մ. Վ. Ֆրունզե, ռազմահեղկոմի անդամներ՝ Ս. Ի. Գուսև և Բելա Կուն): 1920 թվականի նոյեմբերին Ղրիմը լիովին ազատագրվեց: Ստեղծվեց կուսակցության մարզկոմ, որի քարտուղար ընտրվեց Ռ. Ս. Զեմլյաչևան (Սամոյլովա): Պատասխանատու կուսակցական պոստեր ստանձնեցին Բելա Կունը, Դ. Ի. Ուլյանովը և ուրիշներ: 1920 թվականի նոյեմբերի 16-ին կազմակերպվեց Ղրիմի հեղկոմը, որի նախագահն Նշանակվեց Բելա Կունը: 1921 թվականի հոկտեմբերի 18-ին սովետական կառավարությունը դեկրետ ընդունեց ՌՍՖՍՀ կազմում Ղրիմի ԻՍՍՀ ստեղծելու մասին¹:

Ինչպես Ղրիմում, այնպես էլ մուսուլմանաբնակ մյուս առկներում և զլլադներում սոցիալիստական հեղափոխությունն ավելի դանդաղ էր զարգանում, քան քաղաքներում և ռուսական գյուղերում: Դա բացատրվում էր մուսուլման գյուղացիների վրա իրենց բեգերի, բայերի, մանապների, մոլլաների ուժեղ ազդեցությամբ, նահապետական-ֆեոդալական հարաբերությունների

¹ 1945 թվականի հունիսին ՌՍՖՍՀ Գերագույն սովետի նախագահության հրամանագրով Ղրիմի ինքնավար սովետական հանրապետությունը վերակազմվեց Ղրիմի մարզի: 1954 թվականին, Ռուսաստանի հետ Ռկրաինայի վերամիավորման 300-ամյակի առթիվ, Ղրիմի մարզը ՌՍՖՍՀ-ից անցավ Ռկրաինական ՍՍՀ-ին:

մնացուկների առկայությամբ, թուրքական էմիսարների և գործակալների, տեղական բուրժուազգայնական ուժերի ակտիվ գործունեությամբ:

Չնայած դրան, սոցիալիստական հեղափոխության հաղթանակը Ադրբեջանում, Հյուսիսային Կովկասում և Դաղստանում, Թաթարիայում և Բաշկիրիայում, Թուրքեստանում և Ղազախստանում՝ ցարական Ռուսաստանի հետամնաց գաղութային ծայրամասերում վիթխարի նշանակություն ունեցավ ամբողջ Արևելքի համար: Յարիզմի, ռուսական բուրժուազիայի և իրենց շահագործող դասակարգերի դեմ մղվող պայքարում աշխատավոր մուսուլման մասսաները համախմբվել էին բոլշևիկյան կուսակցության դրոշի ներքո, որը նրանց ցույց էր տալիս սոցիալական և ազգային ճնշման կապանքներից դուրս գալու, նոր կյանք կառուցելու ճշմարիտ ուղին:

Վ. Ի. Լենինը, կուսակցության Կենտկոմը ելնում էին այն բանից, որ հաղթանակած սովետական իշխանությունը երկրի ծայրամասերում կարող է ամրապնդվել միայն այն դեպքում, եթե տեղական ժողովուրդների ծոցից դուրս եկած ամենաառաջավոր և գիտակից տարրերը մտնեն կոմունիստական կուսակցության շարքերը և հետևողական պայքար ծավալեն նրա քաղաքականության իրականացման համար:

ՌԿ(բ)Կ անդամության ինտերնացիոնալ սկզբունքը լայն հնարավորություններ էր ստեղծում կուսակցության մեջ ներգրավելու երկրի բոլոր ժողովուրդների առաջավոր ներկայացուցիչներին, այդ թվում նաև այն ժողովուրդներին, որոնց միջավայրում բանվոր դասակարգը սակավաթիվ էր, իսկ պրոլետարական շարժումը դեռ գտնվում էր սաղմնային վիճակում:

Կոմունիստական կուսակցության մեջ էին մտնում ոչ միայն մուսուլման առաջավոր բանվորները, այլև դեռևս 1917 թվականի դարնանն ու ամռանը Ռուսաստանի ծայրամասային շրջաններում ձևավորված մուսուլմանական սոցիալիստական կոմիտեների (ՄՍԿ) առավել հեղափոխական տարրերը: ՄՍԿ շարքերից կոմունիստական կուսակցության շարքերն անցան զգալի թվով թաթարներ և բաշկիրներ: Այդպես վարվեցին նաև 1917 թվականի դարնանը Դաղստանում ստեղծված լուսավորական-ազիտացիոն բյուրոյի և սոցիալիստական խմբի, նույն թվականի ամռանից Օսեթիայում գործող «Կերմեն» խմբի, Թուրքեստան-

նում գործող «Իթթիֆակ» և «Իլլյաթիա» աշխատավոր մուսուլմանների միությունների առավել հեղափոխական տարրերը:

1918 թվականի հունիսին կայացած Թուրքեստանի բոլշևիկյան կազմակերպությունների I համագումարը Սովետական Թուրքեստանի ողջ տարածքում գտնվող կուսակցական բոլշևիկյան կազմակերպությունները միավորեց երկրամասային կազմակերպության մեջ, և ձևավորվեց Թուրքեստանի կոմկուսակցությունը՝ ՌԿ(բ)Կ-ի անբաժանելի բաղադրիչ մասը: Ստեղծվեց նաև կուսակցության կենտրոն՝ ԹԿԿ երկրկոմ, որը մեծ գործունեություն ծավալեց ամբողջ երկրամասում սոցիալիստական հեղափոխության առաջադրած խնդիրների կատարման ուղղությամբ: 1918 թվականի աշնանը ձևավորվեց Բուխարայի կոմունիստական կուսակցությունը: Իրենց գաղափարական-քաղաքական ազդեցությունը մասսաների մեջ ուժեղացնում էին Թաթարիայի, Բաշկիրիայի, Ղազախստանի, Ադրբեջանի, Հյուսիսային Կովկասի և Դաղստանի բոլշևիկյան կազմակերպությունները:

Ազգային փոքրամասնությունների կոմունիստների և աշխատավորների շրջանում մայրենի լեզվով ազդեցիկ-պրոպագանդիստական և քաղաքական աշխատանք տանելու նպատակով կուսակցական կոմիտեներին առընթեր ստեղծվեցին ՌԿ(բ)Կ ազգային սեկցիաներ: Դրանց մի մասը (Լատվիական, Լիտվական և էստոնական) ձևավորվեց նախկինում գոյություն ունեցող ազգային սոցիալ-դեմոկրատական կազմակերպությունների բազայի վրա: Մյուս՝ հրեական, չուվաշական, մարիական, ուղմուրտական, մորդվական սեկցիաները, թաթարական սեկցիաների մեծ մասը, Միջին Ասիայի մուսուլմանական սեկցիաները և որոշ այլ սեկցիաներ դեռ նոր էին ձևավորվում: ՌԿ(բ)Կ ազգային սեկցիաները հանդիսացան կազմակերպական այն ձևը, որ ազգային փոքրամասնությունների հեղափոխական, առաջադեմ տարրերին օգնեց առավել անհիվանդագին ձուլվել կուսակցության միասնական շարքերին:

ՌԿ(բ)Կ Կենտկոմը մշտապես փնտրում էր ազգային հանրապետություններում և մարզերում կուսակցական կազմակերպությունների աշխատանքի նորանոր ձևեր ու մեթոդներ: 1918 թվականի նոյեմբերի 4—12-ը Մոսկվայում կայացավ Արևելքի ժողովուրդների կոմունիստական կազմակերպությունների համառուսաստանյան I համագումարը, որը կարևոր նշանակություն

ունեցավ այդ կազմակերպությունների հետագա ամրապնդման, ՌԿ(բ)Կ Կենտկոմի շուրջը դրանց սերտորեն համախմբելու տեսակետից: Համագումարն ընտրեց Մուսուլմանական կոմունիստական կազմակերպությունների կենտրոնական բյուրո, որը որոշ ժամանակ անց կոչվեց Արևելքի ժողովուրդների կոմունիստական կազմակերպությունների կենտրոնական բյուրո: Այս օրգանն ուղղություն էր տալիս կազմակերպությունների աշխատանքներին, կոորդինացնում դրանց գործողությունները՝ Կենտրոնական բյուրոն գործում էր ՌԿ(բ)Կ Կենտկոմի անմիջական ղեկավարությամբ ու ցուցումներով: 1918 թվականին և 1919 թվականի առաջին ամիսներին բյուրոյի աշխատանքները գրեթե ավարտվում էր Ի. Վ. Ստալինը, իսկ հետո՝ Ազգությունների ժողովրդական կոմիսարիատի պատասխանատու աշխատողներից մեկը՝ Սուլթան-Գալիևը: Տեղերում նույնպես ստեղծվեցին մուսուլմանական կոմունիստական օրգաններ: ՌԿ(բ)Կ Թուրքեստանի երկրամասային կոմիտեին առընթեր 1919 թվականի գարնանը ստեղծվեց Մուսուլմանական կոմունիստական կազմակերպությունների երկրամասային բյուրո (Մուսբյուրո): Պովլոժինում, Ուրալում, Կովկասում և Թուրքեստանում կուսակցության գավառներին առընթեր ստեղծվեցին մուսուլմանական սեկցիաներ, իսկ նահանգներին առընթեր՝ այդ սեկցիաների բյուրոները: 1921 թվականի հունվարին դրանք վերակազմվեցին թյուրքական ժողովուրդների սեկցիաների և անցան ՌԿ(բ)Կ Կենտկոմի ենթակայության տակ:

1919 թվականի նոյեմբերի 22-ից դեկտեմբերի 3-ը տեղի ունեցավ Արևելքի ժողովուրդների կոմունիստական կազմակերպությունների II համագումարը, որին մասնակցում էին Թուրքեստանի, Ադրբեջանի, Խիվայի, Բուխարայի, Կիրգիզիայի, Թաթարիայի, Չովաշիայի, Բաշկիրիայի, Կովկասի և այլ վայրերի մուսուլմանական կոմունիստական կազմակերպությունների ներկայացուցիչները: Համագումարում Վ. Ի. Լենինը հանդես եկավ ընթացիկ մոմենտի մասին գեկուցումով: Լենինի զեկուցումից բացի, համագումարը լսեց և քննարկեց նաև Արևելքի ժողովուրդների կոմունիստական կազմակերպությունների Կենտ-

1 ՏՃՍ՝ «Советское востоковедение», 1958 № 5, էջ 115-120

2 ՏՃՍ՝ «История Коммунистической партии Советского Союза», т. 3, кн. 2, էջ 337:

րոնական բյուրոյի, Կենտրոնական մուսուլմանական կոլեգիայի, ՌՍՖՍՀ Ազգությունների գործերի ժողովմատին կից կենտրոնական մուսուլմանական կոմիսարիատի աշխատանքների մասին զեկուցումներ, թաթարա-բաշկիրական հարցի մասին հաղորդում: Համագումարում ընդունվեցին որոշումներ ու հանձնարարականներ, որոնցում նշվեցին Արևելքում տարվելիք կուսակցական և սովետական աշխատանքի հետագա խնդիրները:

ՌԿ(Բ)Կ X համագումարում նշվեց, որ կուսակցության Կենտկոմին առընթեր ազգային բյուրոներից առավել խոշորը՝ թյուրքական ժողովուրդների պրոպագանդայի և ագիտացիայի բյուրոն, շատ բան է արել լենինյան ազգային քաղաքականությունը պրոպագանդելու, այն աշխատավորական լայն մասսաներին հասցնելու ուղղությամբ¹: Միայն իր գոյության առաջին 10 ամիսներին Արևելքի ժողովուրդների կոմունիստական կազմակերպությունների կենտրոնական բյուրոն մի քանի լեզուներով հրատարակել էր ավելի քան 4 մլն. օրինակ թերթ, բրոշյուր և թուղթիկ²: Լույս էին տեսնում 15 անուն թերթեր, այդ թվում թաթարերեն «էշե» («Բանվոր») և թուրքերեն «Յենի դունյա» թերթերը³: Մուսուլման աշխատավորների շրջանում կոմունիստական պրոպագանդայի ուժեղացման նպատակով ընդլայնվում էին գործող տպարանները, ստեղծվում նորերը, տեղերն էին ուղարկվում պատրաստված կուսակցական կադրեր:

1920—1921 թվականներին ՌԿ(Բ)Կ Կենտկոմը մի շարք լրացուցիչ միջոցներ ձեռնարկեց արևելյան հանրապետություններում կուսակցական աշխատանքների մակարդակը բարձրացնելու համար: Բայց ամենուրեք զգացվում էր ազգային կուսակցական կադրերի մեծ պակաս: Ահա թե ինչու կուսակցության Կենտկոմի որոշմամբ 1921 թվականին Մոսկվայում, Ազգժողովմատին առընթեր ստեղծվեց Արևելքի ժողովուրդների համալսարան, որը կոչված էր տեղական կուսակցական դպրոցների համար պատրաստելու որակյալ դասախոսներ, հրահանգիչներ, կուսակցական և սովետական ապարատների, կուլտուրայի և լուսավորության բնագավառի աշխատողներ:

Սովետական իշխանության կարևորագույն հերթական խնդիրներից մեկը ժողովրդական լայն մասսաներին պետական կառավարման մեջ ընդգրկելն էր: Դա, իր հերթին, անխուսափելիորեն առաջ էր բերում պետական կառավարման կատարելագործման հարցը:

Մուսուլման աշխատավոր զանգվածների հեղափոխական վերազարթման պրոցեսն արագացնելու և դասակարգային պայքարի մեջ նրանց լայնորեն ներգրավելու համար Վ. Ի. Լենինի առաջարկությամբ 1918 թվականի հունվարին ՌՍՖՍՀ Ազգությունների գործերի ժողովրդական կոմիսարիատի կազմում ստեղծվեց ներքին Ռուսաստանի մուսուլմանների գործերի կոմիսարիատ, որի կոմիսար նշանակվեց Մ. Վախիտովը: Որոշ ժամանակ անց կազմակերպվեց նաև Կենտրոնական մուսուլմանական կոմիսարիատը: 1918 թվականի հունիսի 17-ին Վ. Ի. Լենինը որոշում ստորագրեց տեղերում նույնպես մուսուլմանական կոմիսարիատներ կազմակերպելու մասին, որոնք անմիջականորեն ենթակա էին Կենտրոնական մուսուլմանական կոմիսարիատին: Տեղական մուսուլմանական կոմիսարիատներ կազմակերպվեցին Մոսկվայում, Պետրոգրադում, Պերմում, Բուզովայում, Սարատովում, Տյումենում, Ջլատոուստում, Օրենբուրգում, Տաշքենդում, Տրոյցկում, Չելյաբինսկում, Մալմեժում, Սամարայում և այլ քաղաքներում: Մի շարք տեղերում, որտեղ մուսուլմանները մեծ թիվ չէին կազմում, սովետներին առընթեր ստեղծվեցին մուսուլմանական բաժիններ, այլ տեղերում՝ այդ բաժինների ենթաբաժիններ¹:

Մուսուլմանական կոմիսարիատները, բաժիններն ու ենթաբաժինները լուծում էին իրենց ազգությունների կյանքին վերաբերող բոլոր խնդիրները, որոնք առնչվում էին տնտեսությանը, կուլտուրային, լուսավորությանը, ուղղական գործին, սովետական իշխանության տեղական օրգանների կառուցման հարցերին և այլն: Իրենց աշխատանքներում նրանք լայնորեն ընդգրկում էին մարդկանց, որոնք լավ գիտեին տեղական բնակչության լեզուն, բարբերը, հոգեբանությունը: Մուսուլմանական կոմիսարիատները տեղական կուսակցական կոմիտեների հետ միասին ծավալեցին լայն աշխատանքներ բուրժուական նացիո-

¹ ՏՆՍ «Десятый съезд РКП(б)». Стенографический отчет, էջ 810:

² ՏՆՍ «История Коммунистической партии Советского Союза», т. 3, кн. 2, էջ 337:

³ ՏՆՍ ЦГАОР СССР, ф. Р—1318, оп. 1, д. 420, л. 70—76: «История Коммунистической партии Советского Союза», т. 3, кн. 2, էջ 337:

¹ ՏՆՍ М. К. Мухарямов, Октябрь и национально-государственное строительство в Татарии (октябрь 1917—1920). М., 1969, էջ 98:

նալիստների մեկուսացման, մուսուլման աշխատավոր մասսաներին սովետական իշխանության շուրջը համախմբելու համար:

Բայց կոմիսարիատների ստեղծումը միայն յուրատեսակ նախապատրաստական էտապ էր ազգային հարցի լուծման ճանապարհին: Միաժամանակ դրանցից ամեն մեկն ապագա ազգային ինքնավարության նախատիպ էր, միջուկ: Անհրաժեշտ էր առաջ գնալ, այսինքն՝ կազմել ազգային պետական ինքնավարություններ, ազգային հարցը լուծել արմատապես:

Կոմունիստական կուսակցությունը, Վ. Ի. Լենինը կոմունիստներին մշտապես հիշեցնում էին, որ անհրաժեշտ է ազգային հարցին շատ զգուշորեն վերաբերվել, նվաճված դիրքերը ամրապնդել, իսկ նորերը նվաճել աստիճանաբար, քայլ առ քայլ: Մերժելի էր այն գործիչների ձգտումը, որոնք փորձում էին Կենտրոնական Ռուսաստանում սովետական աշխատանքի մեթոդներն անփոփոխ փոխադրել միանգամայն ուրիշ միջավայր, որտեղ ուժեղ էին նահապետական կենցաղն ու սովորությունները, մասսաների վրա մուսուլմանական կրոնի ազդեցությունը, որտեղ ամուր էին ֆեոդալական-բայական խավերի դիրքերը:

Վ. Ի. Լենինը 1919 թվականի մարտի 19-ին ՌԿ(բ)Կ VIII համագումարի զեկուցման մեջ ասում էր, որ Ռուսաստանի պրոլետարիատի օգնությունը կարող է արդյունավետ լինել «միայն այն դեպքում, եթե հեղաշրջումը կատարելապես հասունացել է: Եվ դա պետք է անել զգուշությամբ, որպեսզի մեր միջամտությամբ չկասեցվի պրոլետարիատի շերտավորման հենց այն պրոցեսը, որը մենք պետք է արագացնենք: Իսկ ի՞նչ կարող ենք անել այնպիսի ժողովուրդների վերաբերմամբ, ինչպես կիրգիզները, ուզբեկները, տաջիկները, թուրքմենները, որոնք մինչև այժմ գտնվում են իրենց մուլանների ազդեցության տակ... Կարո՞ղ ենք, արդյոք, մոտենալ այդ ժողովուրդներին և ասել՝ «Մենք կտապալենք ձեր շահագործողներին»: Մենք այդ անել չենք կարող, որովհետև նրանք ամբողջությամբ իրենց մուլանների ազդեցության տակ են: Այստեղ պետք է սպասել սովյալ ազգի զարգացմանը, պրոլետարիատի շերտավորմանը բուրժուական տարրերից, որն անխուսափելի է»¹:

Կոմունիստական կուսակցությունը իրրև նպատակ հուշակեց

կամավորության, իրավահավասարության և ազատ ինքնորոշման հիման վրա բոլոր ազգերի աշխատավորների մոնոլիտ միասնության ստեղծումը: «Մենք ազգերի կամավոր միությունն ենք ուզում,— գրում էր Վ. Ի. Լենինը,— այնպիսի միություն, որը ոչ մի բռնություն թույլ չտար մի ազգի կողմից մյուսի նկատմամբ, այնպիսի միություն, որը հիմնված լիներ լիակատար վստահության վրա, եղբայրական միասնության պարզ քիտակցման վրա, միանգամայն կամավոր համաձայնության վրա»²: Լենինը զգուշացնում էր, որ այդպիսի միություն անհնարին է միանգամից ստեղծել: Մինչ այդ անհրաժեշտ էր համբերատար աշխատանք տանել, որպեսզի վերացնել այն անվստահությունը, որ առաջ էր եկել շահագործողների դարավոր ճնշումից, մասնավոր սեփականության տիրապետությունից³:

Անշեղորեն ձգտելով ազգերի միասնությանը, կոմունիստական կուսակցությունը կարևորագույն խնդիր էր համարում որքան հնարավոր է արագ վերացնել այն բոլոր պատճառները, որոնք միմյանցից բաժանում էին ազգերին: Կոմունիստ-բոլշևիկների անունից Վ. Ի. Լենինը հայտարարում էր. «Մենք ազգային թշնամության, ազգային պառակտման, ազգային առանձնացվածության հակառակորդներ ենք: Մենք միջազգայնականներ, ինտերնացիոնալիստներ ենք»⁴: Վ. Ի. Լենինը հսկայական նշանակություն էր տալիս ազգային ծայրամասերի հետ ՌՍՖՍՀ-ի ճիշտ փոխհարաբերություններին: Նա կոմունիստներից պահանջում էր ոչ ուս ժողովուրդների հետ ստեղծել իսկական ընկերական հարաբերություններ, զործով ապացուցել, որ բոլշևիկներն անկեղծորեն են ցանկանում վերջ տալ անցյալից մնացած անիծյալ հետամնացությանը: Մյուս կողմից չափազանց կարևոր էր, որպեսզի ծայրամասային ժողովուրդները քաջ ըմբռնեն, որ իրենց պետական-քաղաքական միավորումները «չլին կարող գոյություն ունենալ առանց Ռուսաստանի Ֆեդերատիվ Սովետական Հանրապետության հետ ուղղակի և տնտեսական սերտ միության»⁵: «Սովետական բանվորագյուղացիական

¹ Վ. Ի. Լենին, *ՆԼԺ*, հ. 40, էջ 52:

² *Տե՛ս նույն տեղը*:

³ *Նույն տեղը*, էջ 51:

⁴ «КПСС в резолюциях...», т. 2, с. 147—148

¹ Վ. Ի. Լենին, *ՆԼԺ*, հ. 38, էջ 199:

հանրապետության վերաբերմունքը դեպի թույլ, մինչև այժմ ճնշված ժողովուրդները գործնական նշանակություն կունենան ամբողջ Ասիայի համար, հազարավոր ու միլիոնավոր մարդկանց համար»¹, — գրում էր Լենինը:

Առաջնորդվելով Վ. Ի. Լենինի ցուցումներով, կոմունիստական կուսակցությունը լայն գործունեություն ծավալեց ազգային սովետական ինքնավարությունների ստեղծման ուղղությամբ:

Մուսուլմանական տարածքներում առաջին սովետական ինքնավարությունները ստեղծվեցին 1918—1919 թվականներին: 1918 թվականի ապրիլին Թուրքեստանի սովետների երկրամասային համագումարը հռչակեց Թուրքեստանյան ինքնավար Սովետական Սոցիալիստական Հանրապետության ստեղծումը: Երկրամասի բոլոր ժողովուրդների անունից համագումարը ազդարարեց, որ «Թուրքեստանյան երկրամասի տարածքը հայտարարվում է Ռուսաստանի Սովետական Ֆեդերացիայի Թուրքեստանյան Սովետական Հանրապետություն»²: 1918 թվականի աշնանը Բուխարայի էմիրության աշխատավորները, տապալելով շահագործողների իշխանությունը, հռչակեցին Բուխարայի Ժողովրդական Սովետական Հանրապետություն:

Կարմիր բանակի կողմից ազատագրված բաշկիրական տարածքներում 1919 թվականի մարտին հռչակվեց ինքնավար սովետական սոցիալիստական հանրապետություն: Բաշկիրական ԱՍՍՀ-ն ՌՍՖՍՀ կազմում ստեղծված առաջին ինքնավար հանրապետությունն էր: 1919 թվականի հունիսին ազատագրված Ուֆան դարձավ այդ հանրապետության մայրաքաղաքը:

1919 թվականի օտոնիսին կարմիր բանակը կոլչակյաններից մեկերն զմիշտ ազատագրեց նաև Թաթարիայի ողջ տարածքը: Հաջորդ տարվա մայիսի 27-ին համառուսաստանյան Կենտրոնական Ֆրոնտի հաստատեց Թաթարական Սովետական Սոցիալիստական ինքնավար Հանրապետության կանոնադրությունը: Նորաստեղծ հանրապետության կենտրոն դարձավ Կազան քաղաքը:

Թաթարիայի և Բաշկիրիայի ինքնավարությունների հռչակումը լայն արձագանք գտավ բազմամիլիոն մուսուլմանական աշխարհում՝ Պարսկաստանում, Աֆղանստանում, Թուրքիայում, Հնդկաստանում: Դա ակնառու ապացույց էր այն բանի, թե կա-

պիտալի կապանքներից ազատագրված աշխատավորները որպիսի հաջողությամբ են լուծում նաև իրենց ազգային խնդիրները: Արևելքի բանվորները և գյուղացիները ականատես էին լինում Ռուսաստանի Սովետական Ֆեդերատիվ Սոցիալիստական Հանրապետության մեջ հետևողականորեն իրականացվող կոմունիստական կուսակցության Լենինյան ազգային քաղաքականության մեծ հաղթանակին:

Կոմունիստական կուսակցությունը և սովետական կառավարությունը անդուլ ջանքեր էին գործադրում տնտեսապես և կուլտուրապես առավել հետամնաց մուսուլմանական շրջաններում պետական շինարարություն ծավալելու, տնտեսական և կուլտուրական մակարդակը բարձրացնելու, անգրագիտությունը վերացնելու համար: Այդ տեսակետից հատկապես բնորոշ էր Միջին Ասիայի, մասնավորապես Թուրքեստանի ինքնավար Հանրապետության օրինակը:

Թուրքեստանյան ԻՍՍՀ կազմակերպվելու կապակցությամբ 1918 թվականի ապրիլին Վ. Ի. Լենինը նրա Ժողովուրդին հղած հեռագրում հայտնում էր, որ հանրապետությանն օգնելու համար ձեռնարկված են բոլոր հնարավոր միջոցները: Հատկապես զգալի էր տնտեսական օգնությունը՝ ՌՍՖՍՀ կառավարությունը Թուրքեստանում ոռոգման աշխատանքների կազմակերպման համար հատկացրեց 50 մլն. ուրբլի, այնտեղ ուղարկեց մասնագետներ, տեխնիկական սարքավորումներ, գույք³: Կենտրոնից գնացքներ էին մեկնում հազուստով, կոշիկով, շեղորայքով: Ավելի ուշ, 1919—1920 թվականների ձմռանը Ռուսաստանի կենտրոնական նահանգներից Թուրքեստանյան հանրապետություն ուղարկվեց 100 հազար փութ շուգուն, արդյունաբերական ապրանքներ, 200 նավթային շարժիչ: Այն ժամանակվա պայմաններում դա ծանրակշիռ օգնություն էր, հատկապես եթե հաշվի առնենք Սովետական Ռուսաստանի համեստ ռեսուրսները: Վ. Ի. Լենինը խնդիր էր դնում ոչ միայն նյութական աջակ-

¹ Տե՛ս ЦГАОР СССР, ф. Р-1318, оп. 1, л. 42, л. 21—25

² Տե՛ս ЦГАОР СССР, ф. 1235, оп. 137, л. 42, л. 95

³ Տե՛ս Б. Якубов, Деятельность Ферганской областной организации Коммунистической партии Туркестана. Автореферат докторской диссертации. Ташкент, 1970, էջ 41:

⁴ Տե՛ս М. С. Соломенцев, Российская Федерация, М., 1972, էջ 203—204:

¹ Վ. Ի. Լենին, ԵԼԺ, հ. 39, էջ 372:

² «История Коммунистических организаций Средней Азии», с. 259.

ցություն ցույց տալ ծայրամասային ժողովուրդներին, այլև նրանց օգնել դուրս գալու անկուտուրականության խավարից: Դեռ այն դժվարին ժամանակներում, 1918 թվականի մարտի 9-ին, ՌՍՖՍՀ Ժողովուրդներին հանձնարարեց լուսավորության ժողովում Ա. Վ. Լուսաշարսկուն անմիջապես ձեռնամուխ լինել Տաշքենդում համալսարան և բարձրագույն պոլիտեխնիկական ինստիտուտ կազմակերպելու գործին: Ուսումնական այդ հաստատությունների կազմակերպման համար սովետական կառավարությունը բաց թողեց 12 միլիոն ռուբլի¹: Սակայն հակահեղափոխական խոտովությունները առժամանակ ձգձգեցին ուսումնական այդ հաստատությունների ստեղծումը, և միայն 1920 թվականի սեպտեմբերի 7-ին Լենինը դեկրետ ստորագրեց Տաշքենդի պետական համալսարան ստեղծելու մասին:

Վ. Ի. Լենինը, կոմունիստական կուսակցությունը միաժամանակ շարունակում էին հսկայական նշանակություն տալ Միջին Ասիայում կուսակցական և պետական շինարարության բնագավառի անհետաձգելի լուծում պահանջող խնդիրներին:

Հարկ է նշել, որ Լենինյան ինտերնացիոնալիստական հիմունքներով Միջին Ասիայում կատարվող կուսակցական և պետական շինարարության ընթացքում անհրաժեշտ էր լինում հաղթահարել մեծ դժվարություններ, որոնք հիմնականում արտահայտվում էին երկրամասի կոմունիստական շարժման ներսում հանդես եկած, դեպի մեծապետական շովինիզմ կատարվող թեքումների տեսքով:

Թուրքեստանում մեծապետական շովինիստների և տեղական ազգայնականների գործունեության ակտիվացումը կատարվում էր տնտեսական նոր քաղաքականության անցկացմանը զուգընթաց: Երկու թեքումներն էլ հավասարապես վտանգավոր էին և տանում էին դեպի կուսակցության և սովետական իշխանության ազդեցության թուլացում:

Դեպի մեծապետական շովինիզմ տեղի ունեցած թեքման էությունն այդ ժամանակաշրջանում արտահայտվում էր նրանում, որ դրա կողմնակիցները թերազնահատում էին Թուրքեստանի ժողովուրդների պատմականորեն ստեղծված էկոնո-

միկայի, դասակարգային կառուցվածքի, կուլտուրայի ու կենցաղի առանձնահատկությունները: Ավելին, ռուս առանձին կոմունիստներ և բանվորներ գտնում էին, որ քանի դեռ կիրգիզների, ուզբեկների և տեղի մյուս ժողովուրդների մոտ չկա ֆաբրիկագործարանային պրոլետարիատ, ուստի Թուրքեստանում պրոլետարիատի դիկտատուրայի օրգանները կազմված պետք է լինեն միայն ռուսներից: Դրանով իսկ նրանք մեծ վնաս էին հասցնում ռուս ժողովրդի հետ Արևելքի ժողովուրդների եղբայրական դաշինքին, խախտում տեղի ժողովուրդների հավատը սովետական իշխանության ազգային քաղաքականության հանդեպ:

Նացիոնալ-ուկրոնիստները թերազնահատում էին սոցիալիստական շինարարության խնդիրները երկրամասում, պանիսլամիզմի և պանթուրքիզմի գաղափարների ազդեցության տակ շահագնացնում տեղական ազգային առանձնահատկությունների նշանակությունը, շարունակում պնդել, թե տեղական բնակչության շրջանում չկան դասակարգային հակասություններ, որ Միջին Ասիայի հիմնական ժողովուրդներն իրենցից ներկայացնում են միասնական թյուրք ժողովուրդ, թյուրք ազգ:

Հաշվի առնելով ստեղծված իրավիճակը, ՌՍՖՍՀ Կենտգործկոմը և Ժողովուրդներին 1919 թվականի հոկտեմբերին Թուրքեստանի գործերի գծով ստեղծեցին հեղինակավոր մի հանձնաժողով՝ Շ. Զ. էլիավա (նախագահ), Մ. Վ. Ֆրունզե, Վ. Վ. Կուլբիշև, Ֆ. Ի. Գոլոշչեկին, Յա. է. Ռուժուտակ կազմով: Հանձնաժողովը գործում էր ՌՍՖՍՀ Ժողովուրդներին առնթեր: Նույն թվականի հոկտեմբերին համառուսաստանյան Կենտգործկոմի նախագահությունը որոշում ընդունեց ռուսաստանյան և թուրքեստանյան հանրապետությունների տնտեսական միասնական քաղաքականության կուրս ընդունելու մասին: Նրանց տնտեսական կյանքը սկսվեց դեկավարվել միասնական օրգանի՝ ՌՍՖՍՀ համառուսաստանյան Կենտգործկոմի կողմից: Թուրքեստանի առանձնահատկությունները հաշվի առնելով, երկրամասում տնտեսական քաղաքականության իրականացման՝ տնտեսական օրգանների կազմավորման և նրանց աշխատանքը ՌՍՖՍՀ Կենտգործկոմի հետ համաձայնեցնելու բոլոր աշխատանքների դեկավարումը դրվեց Թուրքեստանի գործերի հանձնաժողովի վրա:

Ռկ(բ)Կ Կենտկոմը 1920 թվականի փետրվարի 21-ին ընդունեց դիրեկտիվներ, որոնք ձևակերպվեցին «Արևելյան հարցի

¹ См. К. Е. Житов, Победа Великой Октябрьской социалистической революции в Узбекистане, Ташкент, 1957, էջ 17, 18:

վերաբերյալ» շրջաբերական նամակում: Այնտեղ մատնանը-
վում էր, որ կուսակցական աշխատանքը Միջին Ասիայում պետք
է կրի խիստ ինտերնացիոնալիստական բնույթ, ուղղված լինի
ամբողջ երկրի աշխատավորների հետ մուսուլման աշխատավոր-
ների սերտ դաշինքի ամրապնդմանը:

Շարունակելով իրենց կազմալուծիչ գործունեությունը. նա-
ցիոնալ-ուկլոնիստները մուսուլման կոմունիստների III երկրա-
մասային կոնֆերանսում անցկացրին «Թյուրքական ազգային
հանրապետություն» և «Թյուրքական կոմունիստական կուսակ-
ցություն» ստեղծելու մասին սխալ որոշումը: Դրա հիման վրա
Թուրքեստանի երկրամասային կուսակցական մարմինները
ՌԿ(Բ)Կ Կենտկոմից պահանջեցին «իրականացնել Թյուրք կո-
մունիստների իղձերը» և հաստատել վերոհիշյալ կոնֆերանսի
որոշումը: Ըստ որում, առաջ քաշելով «Թյուրքական կոմունիս-
տական կուսակցության» խիստ «ազգային դեմք և ազգային
բնույթ» ունենալու պահանջը, նրանք գտնում էին, որ այդ կու-
սակցության մեջ պետք է մտնեն միմիայն Թյուրքական ծագում
ունեցող անձինք:

ՌԿ(Բ)Կ Կենտկոմը մանրամասն քննության առավ Թուրքես-
տանի մուսուլման կոմունիստների III երկրամասային կոնֆե-
րանսի՝ լեհիստան սկզբունքներին խիստ հակասող որոշումը և,
կտրականապես մերժելով նացիոնալ-ուկլոնիստների նկրտում-
ները, 1920 թվականի մարտի 8-ի որոշմամբ շեղյալ հայտարա-
րեց այն: Միաժամանակ ՌԿ(Բ)Կ Կենտկոմի այդ որոշումը նա-
խատեսում էր, որ Թուրքեստանի տարածքում պետք է գոյու-
թյուն ունենա միասնական կոմունիստական կազմակերպություն,
բայց ոչ թե «Թյուրքական կոմունիստական կուսակցություն»,
այլ «Թուրքեստանի կոմունիստական կուսակցություն» անվամբ:
Այն գործելու էր մարզային կուսկազմակերպության իրավունք-
ներով և մտնելու էր ՌԿ(Բ)Կ կազմի մեջ:

ՌԿ(Բ)Կ Կենտկոմը հաստատեց նաև Թուրքեստանի ինքնավա-
րության մասին կանոնադրությունը, որով այդ երկրամասը
ճանաչվում էր որպես այնտեղ ապրող բոլոր հիմնական ժողո-
վուրդների՝ թուրքմենների, ուզբեկների, կիրգիզների, ղազախ-
ների ինքնավար հանրապետություն: Կանոնադրության մեջ նըշ-
ված էր, որ Թուրքեստանի ինքնավար Հանրապետության կազմի
մեջ մտնող հինգ մարզերում ողջ լիիշխանությունը պատկանում
է Թուրքեստանի Կենտգործկոմին (Թուրքկոմ), իսկ ամբող-

ջությամբ վերցրած Թյուրքահանրապետության պաշտպանության,
արտաքին հարաբերությունների, ֆինանսների, երկաթուղիների,
փոստի, հեռագրատան կառավարման հարցերը ենթակա էին
ՌՍՖՍՀ վերադաս մարմինների իրավասությունը:

Չհամաձայնելով «Թուրքեստանի ինքնավարության մասին
կանոնադրությանը», նացիոնալ-ուկլոնիստները Տ. Ռիսկուլովի
գլխավորությամբ պատվիրակություն ուղարկեցին ՌԿ(Բ)Կ
Կենտկոմ՝ Թյուրքահանրապետության պետական կառուցվածքի
իրենց նախագիծը պաշտպանելու համար: Կենտկոմ ներկայաց-
րած զեկուցագրում ազգայնականներն առաջ էին քաշում կո-
մունիստական կուսակցության քաղաքականության հետ ալն-
հայտորեն անհամատեղելի պահանջներ, այն է՝ Թուրքեստանում
ամբողջ լիիշխանությունը հանձնել Թյուրքկոմի և Թյուրքժող-
կոմխորհին, վերացնել Թուրքեստանյան հանձնաժողովը, սահ-
մանափակել Թուրքեստանյան ռազմաճակատի ռազմահեղափո-
խական խորհրդի իրավունքները, Թուրքեստանից դուրս բերել
կամ զինաթափել ռուսներից կազմված կարմիր բանակի զորա-
մասերը և կազմել զուտ մուսուլմանական զորքեր և այլն: Նրանք
պահանջում էին նաև երկաթուղիների, հեռագրատների, կապի
լիջոցների կառավարումը և արտաքին հարաբերությունների,
ֆինանսների հարցերի լուծումը ՌՍՖՍՀ-ի իրավասությունից
հանձնել Թյուրքկոմի իրավասությանը:

Զեկուցագրում նրանք ժխտում էին ուզբեկների, ղազախների,
կիրգիզների և թուրքմենների գոյության փաստը որպես ինք-
նուրույն ազգերի, դրանց դարձնելով մեկ «թյուրքական» ազգ:
Նացիոնալ-ուկլոնիստները փորձում էին վերաբարձել III երկ-
րամասային կոնֆերանսում իրենց առաջ քաշած այն թեզը,
որի համաձայն հետադիմական պանիսլամիզմը և պանթյուր-
քիզմը իբր կորցրել են ամեն մի հող Սովետական Թուրքեստանի
պայմաններում:

ՌԿ(Բ)Կ Կենտկոմը համբերատար և ուշադիր քննու-
թյան առավ պատվիրակության բոլոր պահանջները: Կազմվեց
Կենտկոմի քաղցրյուրոյի հանձնաժողով Գ. Վ. Չիլերին, Ն. Ն.
Կրեստինսկի և Շ. Չ. էլիավա կազմով, որին հանձնարարվեց
որոշման նախագիծ պատրաստել Թուրքեստանի կոմունիստական
կուսակցության խնդիրների մասին: Ներկայացված նախագիծ
մեջ կարևոր տեղ էր հատկացված մեծապետական շովինիզմի
դեմ մղվելիք պայքարի հարցերին: Հանձնաժողովն առաջար-

կում էր երկրամասում ստեղծել մշտական գործող օրգան, որը պետք է կազմված լիներ ՌՍՖՍՀ Կենտրոնականի, Ժողովուրդների և ՌԿ(բ)Կ Կենտկոմի ներկայացուցիչներից: Այդ օրգանը անմիջականորեն ղեկավարելու էր այն բնագավառները, որոնք բացառապես ենթակա էին ֆեդերալ կառավարությանը:

1920 թվականի հունիսի 13-ին Վ. Ի. Լենինը ծանոթացավ հանձնաժողովի նախապատրաստած նախագծին և էական լրացումներ մտցրեց նրա մեջ: Նացիոնալ-ուկրոնիստների պատվիրակության պահանջները Վ. Ի. Լենինի կողմից մերժվեցին որպես կուսակցության ազգային քաղաքականությանը հակասող պահանջներ: Խիստ դատապարտելով պանիսլամիզմը և պանթուրքիզմն արդարացնելու նացիոնալ-ուկրոնիստների փորձերը, Վ. Ի. Լենինն առաջարկեց «առանձնապես լավ մշակել» հոգևորականության, պանիսլամիզմի և բուրժուազգայնական շարժման դեմ պայքարի եղանակները¹: Լենինը գտնում էր նաև, որ անհրաժեշտ է մտածել երկրամասի ազգային սահմանադրաման մասին, որն իրականացվեց նրա մասնականից հետո:

Այսպիսով, ամբողջությամբ և հիմնականում հավանություն տալով որոշման նախագծին, Լենինը նրանում այնպիսի փոփոխություններ մտցրեց, որոնք կապահովեին ուզբեկների, թուրքմենների, տաջիկների և մյուս ժողովուրդների լիակատար սուվերենությունը:

Հանձնաժողովի նախապատրաստած նախագիծը Վ. Ի. Լենինի արած լրացումներով հունիսի 22-ին ներկայացվեց ՌԿ(բ)Կ Կենտկոմի քաղբյուրոյի քննարկմանը: Շ. էլիավային և Ն. Կրեստինսկուն հանձնարարվեց Վ. Ի. Լենինի դիտողությունների և քաղբյուրոյում ընկերների արած առաջարկների հիման վրա վերամշակել որոշման նախագիծը²: Հունիսի 29-ին քաղբյուրոն ընդունեց շուրջ որոշում, որոնք հրապարակվեցին մեկ ընդհանուր անվան տակ՝ «Թուրքեստանում ՌԿ(բ)Կ խնդիրների մասին»: Այդ հայտնի որոշման հիմքում դրված էին այն դրույթներն ու մտքերը, որ Վ. Ի. Լենինն արտահայտել էր Թուրքեստանի կոմունիստներին հղած նամակում, Արևելքի ժողովուրդների կո-

մունչատական կազմակերպությունների համառուսաստանյան II համագումարում տված զեկուցման մեջ, ազգային և գաղութային հարցերի մասին թեզիսներում և ՌԿ(բ)Կ Կենտկոմի հանձնաժողովի նախագծի վերաբերյալ արված դիտողություններում:

ՌԿ(բ)Կ Կենտկոմի քաղբյուրոյի որոշման մեջ նշված էր հանրապետության տնտեսական կյանքում ֆեոդալական-նահապետական հարաբերությունների մնացորդները վերացնելու, աշխատավորական զանգվածներին կոմունիստական կուսակցության մեջ համախմբելու, գյուղացիների ղեկուտատների սովետներ ստեղծելու և ամրապնդելու, Թուրքեստանի աշխատավորների և Ռուսաստանի բոլոր ժողովուրդների միջև ինտերնացիոնալ բարեկամությունն ամրապնդելու և զարգացնելու համար անհրաժեշտ մղելու անհրաժեշտությունը: Որոշման մեջ ընդգծվում էր, որ, հենվելով փոխադարձ եղբայրական օգնության և առաջին հերթին ռուս պրոլետարիատի օգնության վրա, սովետական կարգերի պայմաններում սոցիալիզմի ուղիով կարող են ազատ դարգանալ բոլոր ժողովուրդներն ու ազգությունները, այդ թվում և Թուրքեստանի ժողովուրդները, որոնք ազատության և հավասարության հիմունքներով մտել են ՌՍՖՍՀ կազմի մեջ: ՌԿ(բ)Կ Կենտկոմի քաղբյուրոն անհրաժեշտ համարեց պահպանել Թուրքահանձնաժողովը՝ որպես Թուրքեստանում ՌԿ(բ)Կ Կենտկոմի և ՌՍՖՍՀ կառավարության ներկայացուցչություն և որոշեց նրա ֆունկցիաներն ու իրավասությունները: Քաղբյուրոն վճռականորեն մերժեց հատուկ «Թուրքական կոմկուսակցություն» ստեղծելու մասին նացիոնալ-ուկրոնիստների զաղափարը, որն ուղղված էր Թուրքեստանի տեղական կոմունիստական կազմակերպությունները Ռուսաստանի կոմունիստական կուսակցությունից խզելու նպատակին: ՌԿ(բ)Կ Կենտկոմը հաստատեց երեք տեղական երկրամասային կոմիտեները միասնական ԹԿԿ Կենտկոմի մեջ միավորելու անհրաժեշտությունը³:

Կենտկոմի քաղբյուրոյի որոշման և «Թուրքեստանի ինքնավարության մասին կանոնադրության» մեջ հստակորեն որոշվեցին ինքնավար հանրապետության սահմանները, տարածքը և բնույթը: Այդ ամենը համապատասխանում էր Թուրքեստանի

¹ Տե՛ս Վ. Ի. Լենին, *Ելժ*, հ. 41, էջ 525:

² Տե՛ս **И. И. Грошев**, Исторический опыт КПСС по осуществлению левинской национальной политики, Москва, «Мысль», 1967, էջ 181—182:

³ Տե՛ս «Очерки истории Коммунистической партии Узбекистана», Ташкент, 1964, էջ 78:

ժողովուրդների տերիտորիայ, տնտեսական և կենցաղային պայմաններին:

ՌԿ(Բ)Կ Կենտկոմի քաղբյուրոյի 1920 թվականի որոշումը մեծ դեր խաղաց Թուրքեստանի կոմունիստական կուսակցության միասնության հետագա ամրապնդման գործում: Այն հանդիսացավ Թուրքեստանի ժողովուրդների կյանքի յուրահատուկ պայմանների նկատմամբ լենինյան ազգային քաղաքականության սկզբունքների կիրառման, նախկինում հետամնաց երկրում սոցիալիզմի շինարարության հեղափոխական տեսության ու տակտիկայի մարքս-լենինյան ընդհանրացման օրինակ:

Նացիոնալ-ուկլոնիստների խումբը, շամաձայնելով Կենտկոմի քաղբյուրոյի որոշմանը, դիմում տվեց ԹԿԿ-ի երկրկոմի և ԹուրքԿԳԿ-ի կազմից դուրս գալու մասին: Այդ մասին հաղորդելով ՌԿ(Բ)Կ Կենտկոմին, Վ. Վ. Կուլբիշևը գրում էր. «Լիազորությունները ցած դնելու գրդալատճառների մեջ նրանց մեծ մասի մոտ կային նաև Կենտկոմի գծի հետ անհամաձայնության գրդալատճառներ»¹: Սակայն ազգայնական տարրերի քաղաքական սաբոտաժը անկարող էր շեղելու կուսակցության ամուր գիծը:

Զարգացնելով և կոնկրետացնելով սովետական ազգային քաղաքականության գրույթները, որոնք շարադրվել էին կուսակցության X համագումարի որոշումներում, Վ. Ի. Լենինը 1921 թվականի օգոստոսի 7-ին Թուրքհանձնաժողովի և Թուրքբյուրոյի ղեկավարներին խորհուրդ էր տալիս մշտական հոգատարություն հանդես բերել մուսուլման չքավորության, նրա կազմակերպման և լուսավորման նկատմամբ: Նա առաջարկեց մշակել և ճշգրիտ կազմված դիրեկտիվներում ամրապնդել այնպիսի ազգային քաղաքականություն, որը «օրինակ լինի ամբողջ Արևելքի համար»²:

Վ. Ի. Լենինը հետևում էր, որպեսզի Թուրքեստանում անցկացվող քաղաքականությունը շխեղաթյուրվի, դրանով իսկ մըշտապես բարձրացվի սովետական իշխանության հեղինակությունը: Այսպես, օրինակ, երբ ՌՍՖՍՀ Կենտգործկոմի և Ժողկոմխորհի Թուրքհանձնաժողովի նախագահ Մ. Պ. Տոմսկու և ՌԿ(Բ)Կ Կենտկոմի Թուրքբյուրոյի անդամ Գ. Ի. Սաֆարովի միջև լուրջ տարաձայնություններ ծագեցին երկրամասում տնտեսա-

կան քաղաքականության հարցերի շուրջը, Վ. Ի. Լենինը անմիջապես միջամտեց գործին³: Տոմսկին հաշվի չէր առել երկրամասի ազգային առանձնատկությունները, իսկ Սաֆարովը, ընդհակառակը, գերազնահատում էր դրանք, խոչընդոտում սովետական տնտեսական քաղաքականության անցկացմանը: Տարաձայնությունները պարզելու և հաղթահարելու համար ՌԿ(Բ)Կ Կենտկոմի քաղբյուրոն 1921 թվականի օգոստոսին Թուրքեստան ուղարկեց Ա. Ա. Իոֆֆեին: Տեղում ծանոթանալով գործերի վիճակին, Իոֆֆեն Վ. Ի. Լենինին և ՌԿ(Բ)Կ Կենտկոմի քաղբյուրոյի մյուս անդամներին հաղորդեց, որ դրանք թշնամանք են բուրբոցում մի կողմից ուսների, մյուս կողմից՝ ուղբեկների և մյուս ազգությունների միջև⁴:

1921 թվականի սեպտեմբերի 13-ի Իոֆֆեին ուղարկած նամակում Վ. Ի. Լենինը նրան խնդրում էր է՛լ ավելի խորամուխ լինել իրավիճակի մեջ՝ հատուկ ուշադրություն դարձնելով տեղի ազգությունների շահերի ճիշտ ըմբռնմանը: Վլադիմիր Իլիչը գրում էր. «Նս անձամբ շատ եմ կասկածում «Տոմսկու գծի»... վրա՝ վելիկոուսական շովինիզմի մեջ կամ, ավելի ճիշտ, այդ կողմը ունեցած քեֆման մեջ:

Մեր ամբողջ Weltpolitik-ի (համաշխարհային քաղաքականություն:— Հ. Ս.) համար անշափ կարևոր է նվաճել բնիկների վստահությունը. Լոակի ու քառակի անգամ նվաճել. ապացուցել, որ մենք իմպերիալիստներ չենք, որ մենք չենք հանդուրժի քեֆումը դեպի այդ կողմը:

Դա համաշխարհային հարց է, առանց չափազանցության՝ համաշխարհային:

Այստեղ պետք է լինել վերին աստիճանի խիստ:

Այդ բանը կանդորդառնա Հնդկաստանում, Արևելքում, այստեղ կատակ անել չի կարելի, այստեղ պետք է լինել 1000 անգամ զգույշ»⁵:

Թուրքեստանի կոմունիստական կուսակցության օրինակով 1920 թվականին ՌԿ(Բ)Կ կազմի մեջ մտավ Բուխարայի կոմունիստական կուսակցությունը, որը մինչ այդ ղեկավարվում էր

¹ ЦГАОР СССР, ф. 130, оп. 4, д. 348, л. 33.

² Վ. Ի. Լենին, ԵԼԺ, հ. 53, էջ 124:

³ Տե՛ս Վ. Ի. Լենին, ԵԼԺ, հ. 53, էջ 123:

⁴ Տե՛ս նույն տեղը, էջ 491-492. Ծանոթագրություն 220:

⁵ Նույն տեղը, էջ 226:

ՌԿ(Բ)Կ ծրագրով: Իսկ նույն թվականի հոկտեմբերի 6-ին, ինչպես արդեն վերևում նշվեց, Բուխարայում կայացած ժողովրդական ներկայացուցիչների համաբուխարական I կուրուլթայը որոշում ընդունեց Բուխարան ժողովրդական Սովետական Հանրապետություն հռչակելու մասին:

Նույն թվականին ՌԿ(Բ)Կ կազմի մեջ մտավ նաև Խորեզմի կոմունիստական կուսակցությունը և կազմվեց Խորեզմի ժողովրդական Սովետական Հանրապետություն:

Թուրքեստանի, Բուխարայի և Խորեզմի կոմունիստական կուսակցությունները միավորելու և դրանց գործունեությանն ուղղություն տալու համար ՌԿ(Բ)Կ Կենտկոմի Թուրքբյուրոն, ինչպես արդեն նշվել է, 1920 թվականին վերակազմվեց ՌԿ(Բ)Կ Կենտկոմի Միջինասիական բյուրոյի:

Հիմնական խնդիրը, որ ծառայում էր Թուրքեստանի, Բուխարայի և Խորեզմի կոմկուսակցությունների առջև, ֆեոդալական հարաբերությունների մնացուկների վերացումն էր և այդ նպատակով աշխատավորների մոբիլիզացումը, սոցիալիստական ուղուն անցնելու անհրաժեշտ պայմանների ստեղծումը:

Թուրքեստանի, Բուխարայի և Խորեզմի կոմունիստական կուսակցությունների՝ իբրև ՌԿ(Բ)Կ անբաժան ջոկատների ստեղծմանն անմիջապես աջակցություն ցույց տվեցին կոմունիստական կուսակցության և սովետական պետության ականավոր գործիչներ Մ. Ի. Կալինինը, Վ. Վ. Կուլբիշևը, Գ. Կ. Օրջոնիկիձեն, Ն. Ի. Պոզդոյսկին, Մ. Վ. Ֆրունզեն և ուրիշներ: Այդ կոմունիստական կուսակցությունների շարքերում, սոցիալիզմի հաղթանակի համար տեղական ազգությունների կոմունիստների հետ միասին ակտիվորեն պայքարում էին նաև ռուս, ուկրաինացի, բելոռուս, վրացի, հայ և մեր բազմազգ հայրենիքի մյուս եղբայրական ժողովուրդների ներկայացուցիչները:

* * *

Կոմունիստական կուսակցությունը և սովետական իշխանությունը կարևոր նշանակություն էին տալիս Ռուսաստանում գրտնըվող օտարերկրյա ռազմագերիների՝ շինացիների, կորեացիների, պարսիկների, չնգիկների, հունգարների, շխների և այլ ներկայացուցիչների շրջանում տարվող աշխատանքներին: Հոկտեմբերյան հեղափոխության ազդեցության տակ նրանց մոտ

արդեն ձևավորվել ու զարգանում էր կոմունիստական շարժումը: Նրանց շրջանում ևս կազմակերպվում էին զինվորական միավորումներ, որոնք կարմիր բանակի ընդհանուր հրամանատարության ներքո կռվում էին քաղաքացիական պատերազմի ռազմաճակատներում:

1918 թվականի մայիսին Մոսկվայում ՌԿ(Բ)Կ Կենտկոմին առնթեր կազմակերպվեց օտարերկրյա կոմունիստների ֆեդերացիա, որը միավորում էր բազմաթիվ կոմունիստական խմբեր, որոնք առաջացել էին Արևմտյան և Արևելյան Եվրոպայի երկրների նախկին ռազմագերիների շրջանում:

Ինչ վերաբերում է արտասահմանյան Արևելքի երկրներից Ռուսաստան եկած աշխատավորներին, որոնք ընդգրկվել էին կոմունիստական շարժման մեջ, ապա նրանց գործունեությանը նույնպես ուղղություն էր տալիս ՌԿ(Բ)Կ Արևելքի ժողովուրդների կոմունիստական կազմակերպությունների կենտրոնական բյուրոն: Հիմնական խնդիրներից մեկն էլ պրոպագանդիստական լայն աշխատանքների կազմակերպումն էր ասիացի օտարերկրացիների շրջանում: Օրինակ, նրա միջազգային պրոպագանդայի բաժինն ուներ 10 սեկցիա, այդ թվում ադրբեջանական, բուխարական, կովկասյան լեռնականների, կիրգիզական, թաթարական, կալմիկական, ինչպես նաև արարական, շինական, պարսկական և թուրքական: Սեկցիաներում աշխատանքի էին ընդգրկված վճռականապես հեղափոխության կողմն անցած տասնյակ ու հարյուրավոր օտարերկրացի ինտերնացիոնալիստներ: Սեկցիաների միջոցով էր իրականացվում կապը երկրով մեկ ցրված հայրենակիցների հետ, դրանց ջանքերով էին ստեղծվում և տեղեր առաքվում պրոպագանդիստական նյութեր:

Հեղափոխությունը մեծ ազդեցություն էր գործել նաև Ռուսաստանում գտնվող թուրքերի վրա: Նրանց մեծագույն մասն առաջին համաշխարհային պատերազմի տարիներին ռուսական զորքերի կողմից գերի վերցրած զինվորներն ու սպաներն էին, որոնց թիվը Հոկտեմբերյան հեղափոխության նախօրյակին հասնում էր 63 հազարի¹: Դրանք ներկայված էին երկրի զանազան շրջաններում տեղաբաշխված ռազմագերիների նամբար-

¹ Տե՛ս «Россия в мировой войне 1914--1918 годов (в цифрах)», М., 1925, էջ 41, табл. 33:

ներում: Հոկտեմբերյան հեղաշրջումից հետո արմատապես փոխվել էր ինչպես բոլոր, այնպես էլ թուրք ռազմագերիների վիճակը, որոնք ստացել էին քաղաքական կյանքին ազատորեն մասնակցելու հնարավորություն:

Թուրքերի երկրորդ խումբը, մոտավորապես 50—60 հազար մարդ¹, կազմում էին թուրքական ծագում ունեցող ռուսահայտակները, որոնք հիմնականում ապրում էին Ռուսաստանի հարավային շրջաններում: Առաջին համաշխարհային պատերազմը սկսվելուց հետո նրանք տարաբնակեցվել էին Ռուսաստանի խորքերում²:

Վերջապես, թուրքերի երրորդ խումբը թուրքահայտակ տարազնաց աշխատավորներն էին, որոնք դեռ պատերազմից առաջ Ռուսաստան էին եկել վաստակի համար:

1918—1920 թվականներին թուրքերի քիչ թե շատ նշանակալի խմբեր կային Կենտրոնական և Հարավային Ռուսաստանում (Ռյազանում, Օդեսայում, Ղրիմում), Թուրքեստանում (Տաշքենդում, Աշխաբադում, Ալմա-Աթայում), Պովոլժիեի շատ քաղաքներում (Կազանում, Աստրախանում, Սարատովում, Սամարայում):

Կուսակցական կազմակերպությունները և սովետական իշխանությունն օրգանները կարևոր նշանակություն էին տալիս թուրք նախկին գերիների և թուրք բնակչության շրջանում քաղաքական, ազդեցիկ պրոպագանդիստական աշխատանքների ճիշտ կազմակերպմանը, նպատակ ունենալով նրանց բերել հեղափոխության կողմը: Թուրք նախկին գերիներից շատերն իսկապես կանգնում էին սովետական իշխանության կողմը, ընդգրկվում կոմունիստական շարժման մեջ:

Այդ տեսակետից նշանակալից եղավ այն թուրք նախկին ռազմագերիների դերը, որոնք համախմբվել էին Մուստաֆա Սուբհիի շուրջը: Առաջին համաշխարհային պատերազմից առաջ թուրքական բանտից փախչելով Ռուսաստան, նա, որպես թուրքահայտակ, տարաբնակեցվել էր Ուրալ: Նրա վրա վճռական ազդեցություն էին գործել Ռուսաստանի 1917 թվականի հեղա-

փոխական իրադարձությունները: Նախապես ունենալով դեմոկրատական հայացքներ, նա արագորեն ընդգրկվեց հեղափոխական շարժման մեջ և Սովետական Ռուսաստանում դարձավ համոզված կոմունիստ-ինտերնացիոնալիստ: Նրա համախոհները հեղափոխականորեն տրամադրված թուրք գերիներն էին, որոնց թվում կային նաև մտավորականներ³:

1918 թվականի հունիսի 17-ին Մ. Սուբհին Կազանում, տեղական սովետական և կուսակցական մարմինների օգնությամբ հրավիրեց նախկին ռազմագերի թուրք սոցիալիստ-ինտերնացիոնալիստների կոնֆերանս: Մեկ ամիս հետո (հուլիսի 22—25-ին) Մոսկվայում անցկացվեց երկրորդ կոնֆերանսը, որին մասնակցում էին 20 պատգամավորներ Ռուսաստանի թուրք սոցիալիստների Մոսկվայի, Օրյոլի, Իվանովոյի, Ռիբինսկի, Կոստրոմայի, Յուրևի, Կազանի, Աստրախանի, Ուֆայի, Ռյազանի և Ուրալի խմբերից⁴: Կոնֆերանսը վճռական բողոք հայտնեց Անդրկովկասում հակասովետական դինված ինտերվենցիայի դեմ, որ այն ժամանակ սկսել էին երիտթուրքերը: Ռուսաստանի թուրք նախկին ռազմագերիներին կոչ արձակվեց մտնել կարմիր բանակի շարքերը, կովել սովետական իշխանության թշնամիների դեմ⁵: Կոնֆերանսի պատգամավորներն արտահայտվեցին Թուրքիայում իմպերիալիզմի դեմ ուղղված շուտափույթ հեղափոխական պայքար սկսելու օգտին: Նրանք գտնում էին, որ պետք է բացառել ամեն տեսակ համագործակցություն ինչպես ավատապետական ուժերի, այնպես էլ թուրք ազգային բուրժուազիայի հետ:

Մոսկվայի կոնֆերանսում ընտրվեց թուրք սոցիալիստ-կոմունիստների ղեկավար խումբ, որի կազմում էին Մուստաֆա Սուբհին, Ջևդեթ Ալին, Իբրահիմ Ահմեդը, Նիհատ Նուսլեթը, Ասիմ Նեշաթին: Նրանք իրենց անվանում էին «Սոցիալիստ-կոմունիստների թուրքական կուսակցության Կենտկոմ»⁶: Դա,

¹ Տե՛ս «Востоковедческий сборник АН Армянской ССР», Ереван, 1964, т. II, էջ 174:

² Տե՛ս «Жизнь национальностей», 4 января 1920, էջ 1:

³ Տե՛ս ЦПА ИМЛ, ф. 17, оп. 4, д. 109, л. 6:

⁴ Մ. Սուբհիի ելույթը թուրք սոցիալիստ-կոմունիստների Մոսկվայի կոնֆերանսի մասին տե՛ս ЦПА ИМЛ, ф. 17, оп. 4, д. 109, л. 45: Մ. Սուբհիի և հիշյալ կոնֆերանսների մասին տե՛ս «Исторический архив», 1962, № 4, էջ 222, «Жизнь отданная борьбе», М., 1966, էջ 491—502, «Народы Азии и Африки», 1967, № 5, էջ 59—67:

⁵ Տե՛ս ЦПА ИМЛ, ф. 17, оп. 4, д. 109, л. 12:

⁶ Նույն աղբյ. թ. 13, հավ.:

բստ էութեան, առաջին քայլն էր Թուրքիայի կոմունիստական կուսակցութեան ստեղծման ճանապարհին:

Մոսկվայի կոնֆերանսից հետո թուրք սոցիալիստ-կոմունիստների Կենտկոմի երաշխավորութեամբ և Արևելքի ժողովուրդների կոմունիստական կազմակերպութունների կենտրոնական բյուրոյի մանդատներով թուրք կոմունիստ-ազիտատորները մեկնեցին Մովետական Ռուսաստանի տարբեր քաղաքներ, որտեղ կային թուրք նախկին ռազմագերիների հոծ խմբեր և տարբեր դասերի թուրք բնակիչներ: 1919 թվականի սկզբին պրոպագանդիստական-կազմակերպչական աշխատանքի ուղարկվեցին Հաֆիզ Ալին՝ Կազան, Ջեմալ Նեջաթին՝ Ղրիմ, Հասան Ալին՝ Ռյազան, Ջեդեթ Ալին՝ Սամարա և Սարատով: Քանի որ թուրք և ընդհանրապես արևելյան նախկին ռազմագերիները և արտասահմանյան արևելքցիները մեծ թիվ էին կազմում Թուրքեստանում, ուստի այնտեղ աշխատանքի ուղարկվեց Մուստաֆա Սուբհին:

Տեղերում թուրք կոմունիստները ծավալեցին կազմակերպչական-պրոպագանդիստական եռանդուն աշխատանք: Նրանց մեծ օգնություն էր այն, որ Մոսկվայում և տեղերում թուրքերեն հրատարակվում էին մեծաքանակ պրոպագանդիստական նյութեր՝ գրքույկներ, հրահանգներ, կոշեր, որոնք լայնորեն տարածվում էին թուրք բնակչության շրջանում: Հատկապես կարևոր նշանակություն էր տրվում թուրք ռազմագերիների ժողովների անցկացմանը, որոնք սովորաբար ավարտվում էին կոմունիստական բչիջների և կոմունիստական կամավորական շտկաների ստեղծմամբ: Ժողովականների քաղաքական տրամադրությունների վրա, անշուշտ, անդրադառնում էր նաև Թուրքիայում նկատելիորեն աշխուժացած բանվորական շարժումը:

Հատկապես եռանդուն աշխատանքի էր լծվել Թուրքեստան մեկնած Մուստաֆա Սուբհին: Մինչ այդ Տաշքենդում արդեն ստեղծվել էր հատուկ օրգան՝ համառուսաստանյան Կենտգործկոմին առընթեր Թուրքեստանի գործերի հանձնաժողով, որն ուներ ազիտացիայի և պրոպագանդայի ենթաբաժին: 1919 թվականի դեկտեմբերին այդ ենթաբաժինը վերակազմվեց Ինտերնացիոնալ պրոպագանդայի խորհրդի (Սովինտերպրոպ) որի

նախագահ ընտրվեց Մուստաֆա Սուբհին: Խորհրդի կենտրոնական քաղաքական մարմինը քաղաքաժինն էր, որը ղեկավարում էր սեկցիաների (պարսկական, թուրքական, բուխարական, խիվայական, շինական) հեղափոխական աշխատանքը, ինչպես նաև ազգային հեղափոխական կազմակերպությունների կենտրոնական մարմինները:

Մուստաֆա Սուբհին և նրա խումբը ոչ միայն կոմունիստական աշխատանք էին ծավալել Մովետական Ռուսաստանում, այլև կարողացել էին կենդանի կապ հաստատել բուն Թուրքիայի հեղափոխական շարժման հետ: Օղեսայի վրայով սիստեմատիկաբար հայրենիք էին վերադառնում թուրք կոմունիստները: Շուտով կոմունիստական խմբեր սկսեցին ծագել բուն Թուրքիայում, առաջ բերելով քեմալականների տագնապն ու զայրույթը:

* * *

Սակայն Ռուսաստանի մուսուլմանական տարածքներում սովետական իշխանության հաստատումը չէր նշանակում, թե քաղաքական ասպարեզից հեռացել և իրենց գործունեությունը դադարեցրել են բուրժուական ազգայնականները, պանթուրքականները ու պանիսլամականները: Ընդհակառակը, նրանք նախ երկշտաբար, ապա բացահայտորեն հանդես եկան կոմունիստական կուսակցության սոցիալական միջոցաւումների, նրա լենինյան ազգային քաղաքականության կենսաշորժման դեմ, ազգային հանրապետությունների և մարզերի ստեղծման ու ամրապնդման ուղղությամբ ծավալած ամբողջ վիթխարի աշխատանքին հակադրելով պրոլետարիատի դիկտատուրայի քայքայմանն ուղղված իրենց ծրագիրը:

Դա իր առավել անսքող արտահայտությունը գտավ թաթարական բուրժուական նացիոնալիզմի գործակալության՝ սուլթան-գալիևականուրյան մեջ:

Քաղաքական այդ հոսանքի ճանաչված պոլարոպուսը Սուլթան-Գալիևն էր, որը, ինչպես ասվեց, գլխավորում էր ՌԿ(Բ)Կ Արևելքի ժողովուրդների կոմունիստական կազմակերպություն-

¹ ՏԵՍՊ ЦПА ИМЛ, ф. 17, оп. 4, д. 109 л. 8, 11.

² ՏԵՍՊ նույն տեղը, оп. 4, д. 105, л. 50.

¹ ՏԵՍՊ ЦПА ИМЛ, ф. 122, оп. 1, д. 29, л. 262—263.

² ՏԵՍՊ «Жизнь национальностей», 29 июня 1920 г.:

ների կենտրոնական բյուրոն: Դեռ Հոկտեմբերյան հեղափոխու-
թյունից առաջ նա մասնակցել էր թաթարների շրջանում ծավալ-
ված ազգային և կրոնական շարժմանը: Կինելով թուրքերենի
ուսուցիչ, Սուլթան-Գալիեր միաժամանակ աշխատակցում էր
«Սուզ» («խոսք»), «Իլ» («Հայրենիք») և այլ ազգային-կրոնա-
կան, բուրժուական թերթերի և հանդեսների: Հոկտեմբերից հետո
դարձել էր բոլշևիկյան կուսակցության ուղեկից, 1918 թվակա-
նին մտել նրա շարքերը, ապա և հասել պետական, ղինվորա-
կան ու կուսակցական կարևոր պաշտոններին:

Որպես բուրժուազգայնական թեքում, սուլթանգալիեակա-
նությունը որոշ տարածում էր գտել Թաթարիայում, Բաշկիրիա-
յում և Ղրիմում: Իր հանցավոր գործողություններով Սուլթան-
Գալիեր փորձում էր առաջ բերել ճնշված ժողովուրդների ան-
վստահությունը Ռուսաստանի հեղափոխական պրոլետարիատի
նկատմամբ, ստեղծել պանթուրքական քաղաքական կազմա-
կերպություն և այդ նպատակով դավաճանաբար գործարքի մեջ
էր մտել արտասահմանյան մուսուլմանական առանձին ռեակ-
ցիոն գործիչների հետ:

Սուլթան-Գալիեր կարողացավ իր շուրջը համախմբել թա-
թար բուրժուական մտավորականների մի մասին (Ֆիրդուս, Մուխ-
թարով, Ենբակը և այլոք), որոնք նույնպես խոսքով հայտարա-
րելով պրոլետարիատի դիկտատուրայի նկատմամբ իրենց բար-
յացականության մասին, ձևականորեն հանդես գալով սովետա-
կան իշխանության կողմնակիցներ, կարողացել էին թափանցել
կուսակցության շարքերը, սողոսկել կուսակցական և պետական
ղեկավար մարմինների մեջ, փորձելով անցկացնել իրենց քա-
ղաքականությունը:

Իրենց պայքարի սլաֆը սուլթանգալիեականներն ամենից
առաջ ուղղեցին մաքսիստական-լենինյան տեսության դեմ:
Սուլթան-Գալիեր գտնում էր, որ «գերմանական մարքսիզմի
ոռոսական տարբերակը», այսինքն՝ լենինիզմը, ընդունելի է
միայն Արևմուտքի և այն երկրների համար, որոնցում առկա է
պրոլետարական շարժումը: Ինչ վերաբերում է Ռուսաստանի և
ընդհանրապես Արևելքի մուսուլման ժողովուրդներին, ասում էր
Սուլթան-Գալիեր, ապա զրանց համար լենինիզմն անընդունելի
է, քանի որ այն խորթ է նրանց ոգուն, անհարիր նրանց ազգա-
յին ավանդույթներին ու հոգևոր կերպարին: Դրա հիմնական

պատճառը, նրա կարծիքով, այն էր, որ իբր լենինիզմը հաշվի
չի նստում այդ ժողովուրդների ազգային առանձնատկու-
թյունների հետ: Պրոլետարիատը, ասում էին սուլթանգալիեա-
կանները, անընդունակ է գլխավորելու Արևելքի ժողովուրդների
ազգային-ազատագրական շարժումը: Դրանով իսկ նրանք հետա-
պնդում էին մի հիմնական նպատակ՝ Արևելքի նախկինում
ճնշված ժողովուրդներին կտրել համապրոլետարական հեղա-
փոխական շարժումից, նրանց դարգացումը սոցիալիստական
ուղուց տեղափոխել բուրժուական ուղի:

Ելնելով մարքսիզմ-լենինիզմի նկատմամբ այդ բացահայտ
բուրժուական սկզբունքից, Սուլթան-Գալիեր հանդես եկավ ադ-
գերի ինքնորոշման լենինյան քաղաքականության դեմ: Նա գրո-
սում էր, որ մուսուլմանական ազգերի սովետական սկզբունքնե-
րով ինքնորոշումը չի համապատասխանում նրանց ձգտումնե-
րին և որ սովետական կառավարության ազգային քաղաքակա-
նությունն իր էությունը հակառակ է նրանց շահերին ու պա-
հանջմունքներին:

Կավազույն դեպքում, ասում էր Սուլթան-Գալիեր, մարք-
սիզմը պետք է «հարմարեցնել» իսլամին, այսինքն՝ «միավորել»
նրա հետ, որովհետև իբր իսլամը մարմնավորում է մուսուլ-
մանական բոլոր ժողովուրդների «ազգային առանձնատկու-
թյունները», ողջ ազգայինը, հանդիսանում է մուսուլմանների
սոցիալ-քաղաքական և կուլտուրական ամբողջ կյանքի «լուսք»:

Ի հակակշիռ սովետական իշխանության կողմից թաթար
ազգին և Ռուսաստանի մյուս մուսուլմանական ժողովուրդներին
տրված ինքնավարությանը, Սուլթան-Գալիեր և նրա խումբը, շա-
րունակելով մինչհեղափոխական ժամանակաշրջանի պանթուր-
քականների գործը, նոր պայմաններում՝ դասակարգային անո-
ղոք պայքարի մեջ օրեցօր ամրապնդվող պրոլետարիատի դիկ-
տատուրայի պայմաններում, երպարում էին ստեղծել Թուրանա-
կան պետություն:

Ըստ սուլթանգալիեականների Թուրանի պետությունը պետք
է իր մեջ ներառեր ժամանակակից Թաթարիայի, Բաշկիրիայի,
Ղազախստանի, Ուզբեկստանի, Թուրքմենստանի, հաջիկականի

տարածքները: Երագրի նախագծի հեղինակի՝ Սուլթան-Գալի-
ևի պարծենկոտ հայտարարության համաձայն, Թուրանի պե-
տությունը պետք է լիներ «պետական կապիտալիզմի վրա հիմ-
նրված ժողովրդագեոմոկրատական հանրապետություն», Թու-
րանական ժողովուրդների ֆեդերացիա, որտեղ գերիշխող տար-
րը լինելու էր թաթար բուրժուազիան¹: Մի կողմ դնելով պետու-
թյան՝ որպես տիրապետող դասակարգի գործիքի մասին մարք-
սիստական-լենինյան ըմբռնումը, սվադելով մուսուլմանական
միջավայրի դասակարգային հակասությունները, սուլթանգալի-
ևականները գտնում էին, որ այդ պետությունը հենվելու է բնակ-
չության բոլոր խավերի, հասարակության բոլոր դասակարգերի
վրա:

Թուրանական պետությունում սուլթանգալիևականների սո-
ցիալական քաղաքականությունը հիմնական կետերում պետք է
համընկներ մուսուլմանական ազգայնական բուրժուազիայի՝ դեռ
մինչև Հոկտեմբերյան հեղափոխությունն առաջադրած պահանջ-
ներին: Նրանց կարծիքով Արևելքի ազգային հանրապետություն-
ներում դասակարգային պայքար չպետք է մղվի: Ելնելով այդ
ընդհանուր հարցադրումից, նրանք գտնում էին, որ հետամնաց
ազգությունների տնտեսական վերելքին և նրանց կուլտուրական
աճին նպատակաուղղված կոմունիստական կուսակցության քա-
ղաքականությունը պետք է հավասարապես տարածվի և՛ մու-
սուլմանական շրջանում, և՛ նախկին շահագործողական
դասակարգերի վրա և որ նոր իշխանության ընձեռած հնարա-
վորություններից բոլորը պետք է հավասարապես օգտվեն, քա-
նի որ «բոլորն էլ աղքատ են»: Հենց այդպիսի քաղաքակա-
նություն վարելը ապագա թուրանական պետության ղեկավար-
ների առաջնահերթ պարտականությունն էր լինելու:

Ինչ վերաբերում է Ռուսաստանից «լիովին անկախ» Թուրանի
արտաքին քաղաքականությանը, ապա այն պետք է կողմնո-
րոշվեր ղեպի կապիտալիստական տերությունները: Սուլ-
թան-Գալիևն ուղղակի ասում էր, թե Թուրանի և այդ տերություն-
ների փոխհարաբերություններն այնպիսին կլինեն, որ «վեր-

ջիններս գոհ կմնան»: Թուրանական շահագործողական պետու-
թյան մեջ առաջատար դիրք զբաղեցնող թաթար ազգայնական-
ները դառնալու էին իմպերիալիստների հյու կամակատարը Այդ
խոսքով նախանշվում էր իմպերիալիզմի առաջ լիակատար կա-
պիտուլյացիայի ծրագիր:

Իրեն բուրժուական քաղաքական հոսանք, սուլթանգալիևա-
կանությունն իր գործողությունները շահամանափակեց թաթար-
ների շրջանում, այլ դուրս գալով, տարածվեց մուսուլմանական
այլ մարզեր ու տարածքներ:

Իրենց ծրագրերի, մասնավորապես Թուրանական բուրժուա-
կան պետության գաղափարի իրականացման համար սուլթան-
գալիևականները մտադիր էին ստեղծել մուսուլմանական «կո-
մունիստական» կուսակցություն:

Ջրպարտելով, թե ՌԿ(բ)Կ-ն չի արտահայտում Ռուսաստանի
մուսուլմանական ազգերի և ազգությունների շահերն ու ձգտում-
ները, Սուլթան-Գալիևը միաժամանակ գտնում էր, որ նրանք
պետք է ունենան իրենց միացյալ «կոմունիստական» կուսակ-
ցությունը: Խոսքն ըստ էության ՌԿ(բ)Կ-ից լիովին անկախ
թյուրք-թաթարական մանրբուրժուական կուսակցության մա-
սին էր:

Առաջին փորձն արվեց 1918 թվականի հունիսին, երբ Կաղա-
նում հրավիրված մուսուլման-կոմունիստների համառուսաստան-
յան խորհրդակցություններում ստեղծվեց ինքնուրույն Ռուսաս-
տանյան մուսուլմանական կոմունիստական կուսակցություն՝ իր
Կենտրոնական կոմիտեով: Ի տարբերություն Բունդի, որ ստեղծ-
վել էր զուտ ազգային սկզբունքով, Սուլթան-Գալիևը և նրա
համախոհները փորձում էին կուսակցությունը ստեղծել զուտ
կրոնական սկզբունքով՝ նրանում ընդգրկելով միայն մուսուլ-
ման կոմունիստներին: Բանը հասավ նրան, որ 1918 թվականի
նոյեմբերին ՌԿ(բ)Կ Կենտկոմի կողմից Մոսկվայում հրավիրված
կոմունիստ-մուսուլմանների I համագումարում Մ. Սուլթան-Գա-
լիևը, հանդես գալով թաթար կոմունիստների ներկայացուցիչ
Քամիլ Յակուբովի ինտերնացիոնալիստական տեսակետների
դեմ, միաժամանակ վճռականորեն արտահայտվեց թաթար և
բաշկիր կոմունիստներին ուս կոմունիստների հետ մի կաղ-
մակերպության մեջ միավորելու դեմ, դրանով իսկ բացահայտո-
րեն հակադրվելով կոմունիստական կուսակցության կառուցման

¹ См. М. А. Сайдашев, Ленин и социалистическое строительство в Татарии 1918—1923, изд. «Наука», М., 1969, էջ 20:

ինտերնացիոնալիստական սկզբունքներին¹։ Մուսուլման-կոմունիստների համագումարը ճնշող մեծամասնությամբ մերժեց սեփական Կենտկոմ ունեցող առանձին մուսուլմանական կոմունիստական կուսակցություն ստեղծելու առաջարկը²։

Մուսուլմանական կոմունիստական կուսակցություն ստեղծելու գաղափարը պաշտպանություն էր գտնում առանձին մուսուլման-կոմունիստների շրջանում։ Այսպես, 1918 թվականի աշնանը շուվաշական ազգայնականները կազմեցին ինքնուրույն «Չուվաշական կոմունիստական կոմիտե», որը չէր մտնում ՌԿ(Բ)Կ-ի մեջ և փորձում էր կատարել կուսակցության շուվաշական Կենտկոմի ֆունկցիա³։

Կոմունիստական կուսակցության կազմակերպման ինտերնացիոնալիստական սկզբունքներից նման շեղումներ թույլ էին տրվում նաև մյուս ազգային ծայրամասերում, որտեղ որոշ կուսակցական ղեկավարներ տեղերում փորձում էին մեկուսացնել իրենց կազմակերպությունները և պարփակել ազգային կեղևի մեջ։ Օրինակ, ՌԿ(Բ)Կ Կազանի նահանգկոմի կից ստեղծված մուսուլմանական բյուրոն պահանջում էր իրեն իրավունք տալ կուսակցության մեջ ընդունելու կամ կուսակցությունից հեռացնելու ազգությունը թաթար կոմունիստներին։ Իսկ Թուրքեստանի մուսուլմանական կոմունիստական կազմակերպությունների երկրային բյուրոն Տ. Ռասկուլովի գլխավորությամբ ո՛չ միայն հաշվի չէր առնում կուսակցության երկրային կոմիտեին, այլև իրեն հակադրում էր նրան։ 1919 թվականին այդ բյուրոն տեղերում ստեղծեց մուսուլմանական կոմունիստական կազմակերպություններ⁴, փայփայելով այն հույսը, թե դրանք միավորելով հնարավոր կլինի ստեղծել ՌԿ(Բ)Կ-ից անկախ «Թյուրքական ժողովուրդների կոմունիստական կուսակցություն»⁵։ Բաշկիրիայի կուսակցական կազմակերպությունում նացիոնալ-ուկրոնիստներ Բիկիշևը և Խալիկովը, պրոպագանդելով անջատողական հա-

յացքներ, ՌԿ(Բ)Կ Կենտկոմից պահանջում էին հետ կանչել ուս կոմունիստներին⁶։

1919 թվականին հղացավ Ադրբեջանի բոլոր կոմունիստական կազմակերպությունները միավորելու և Ադրբեջանի միասնական կոմունիստական կազմակերպություն ստեղծելու գաղափարը։ Այն պետք է կազմակերպվեր ինտերնացիոնալիստական սկզբունքներով և հանդիսանար ՌԿ(Բ)Կ ու նրա համակովկասյան երկրամասային կազմակերպության բաղկացուցիչ մասը։ Այդ գաղափարը պաշտպանեցին կուսակցության Բաքվի կոմիտեն, Ադրբեջանի կոմունիստների մեծամասնությունը։ Սակայն ադրբեջանցի ընկերների մի մասը, հատկապես մուսուլման կոմունիստների «Հումմեթ» կազմակերպության առանձին ղեկավարներ սկզբում հակված չէին ընդունելու անկախ ազգությունից բոլոր կոմունիստներին միավորելու և Ադրբեջանի միասնական կոմունիստական կուսակցություն ստեղծելու առաջարկը։

Այդ մասին Ա. Ի. Միկոյանը վերհիշում է. «Սկզբում եղան տարակարծություններ։ Այսպես, «Հումմեթի» առավել ազդեցիկ ղեկավարներից մեկը՝ Կարաևը, պահանջեց ՌԿ(Բ)Կ ինքնուրույն կազմակերպությանը զուգահեռ պահպանել «Հումմեթը» որպես համաադրբեջանական կազմակերպություն (առաջարկելով նրան միացնել նաև «Ադալեթը»)։ «Հումմեթի» մեկ ուրիշ ոչ պակաս ազդեցիկ ղեկավար Միրզա Գավուդ Հուսեյնովը առաջարկեց «Հումմեթի» ու «Ադալեթի» փոխարեն կազմակերպել թյուրքական կոմունիստական կուսակցություն, որը պետք է գոյություն ունենար ՌԿ(Բ)Կ կազմակերպության հետ մեկտեղ»։

Այնուհետև Ա. Միկոյանը նշում է, որ դրանից ավելի ուշ հայտնի դարձավ, որ «Հումմեթի» աչքի ընկնող գործիչներից մեկը՝ Բաքվում սովետական իշխանության ժամանակավոր անկման կապակցությամբ Մոսկվա տեղափոխված Ս. Մ. էֆենդիևը, 1919 թվականի հուլիսի 27-ին «Ժիզն նացիոնալնոստեյ» թերթում հրապարակել էր մի հոդված, որտեղ գրել է. «Ներկայումս հասունացել է «Հումմեթ» կազմակերպության գործունեության հասպարեզ ընդլայնելու պահանջումները, քանի որ սոցիալիստական Ռուսաստանում անհրաժեշտ է ներգործության ոլորտի մեջ առնել Արևելքի ժողովուրդների բազմամիլիոն ողջ զանգվածին։ Կազմակերպության և կուսակցական աշխատանքի կա-

¹ Տե՛ս «История Коммунистической партии Советского Союза», т. 3, кн. 2, М., Политиздат, 1968, էջ 336։

² Տե՛ս «История КПСС», т. 3, кн. 2, էջ 336։

³ Տե՛ս նույն տեղը։

⁴ Տե՛ս նույն տեղը, էջ 338։

⁵ Տե՛ս «Пролетарский интернационализм боевое оружие Коммунистической партии», М., 1959, էջ 248։

⁶ Տե՛ս «Пролетарский интернационализм...», էջ 244։

րիք ունեն ոչ միայն նախկին ուսական կայսրության մուսուլմանները, այլև Պարսկաստանի, Թուրքիայի, Աֆղանստանի և արտասահմանյան այլ երկրների մուսուլմանները: Այժմ այդ խնդիրը դրվում է «Հումմեթի» վրա, որը կոմունիզմի շեփորն է Արևելքում»: Միկոյանը վերհիշում է, որ կարդալով այդ հոդվածը, մենք ծայրաստիճան զարմացել էինք. այդ ինչպե՞ս կարելի է առաջարկել կրոնական հատկանիշով «Հումմեթում» միավորել տարբեր ազգությունների բոլոր մուսուլմաններին, ընդամին ոչ միայն Ռուսաստանի, այլև Արևելքի արտասահմանյան երկրների քաղաքացիներին»¹:

Մուսուլմանական «կոմունիստական» կուսակցության գաղափարի իրականացման համար զխավոր մարտը սուլթանգալիեականները տվեցին Արևելքի ժողովուրդների կոմունիստական կազմակերպությունների համառուսաստանյան II համագումարում (1919 թ. նոյեմբեր-դեկտեմբեր), որտեղ ուղղակի փորձեցին անցկացնել մուսուլմանական կոմունիստական կուսակցության ստեղծման նախապես կազմած նախագիծը: Բայց համագումարի մեծամասնությունը դեմ արտահայտվեց այդ նախագծին:

Չնայած կրած պարտությանը, սուլթանգալիեականները չթուլացրին այդ ուղղությամբ իրենց ջանքերը: 1920 թվականի սեպտեմբերին Բաքվում հրավիրված Արևելքի ժողովուրդների I համագումարում նույնպես նրանք առաջ քաշեցին իրենց ծրագիրը, բայց այստեղ էլ նրանց փորձը դատապարտվեց ձախողման:

Համոզվելով, որ լեզալ ճանապարհով մուսուլմանական ազգայնական կուսակցության ստեղծումն իր և իր համախոհների ուժից վեր է, Սուլթան-Գալիեը բռնեց գաղտնի գործելու ճանապարհը: Նա Կազանում և մի շարք ուրիշ վայրերում անլեզալ խմբակներ ստեղծեց, որոնց մեջ կարողացավ ներգրավել շիքանի հարյուր տասանվող թաթար մտավորականների և ուսանողների:

Իրենց քայքայիչ գործունեությունը շահմանափակելով Ռուսաստանի շրջանակներով, սուլթանգալիեականները փորձեցին դուրս գալ միջազգային ասպարեզ: Իրա նպատակն էր՝ Ռու-

սաստանում ստեղծվելիք մուսուլմանական «կոմունիստական» կուսակցության հիմքի վրա միավորել գաղութային և կախյալ երկրների, առաջին հերթին արտասահմանյան մուսուլմանական երկրների «հեղափոխական-ազգայնական» խմբերին և ստեղծել այսպես կոչված «Չորրորդ գաղութային ինտերնացիոնալ»: Սուլթանգալիեականների մտահղացմամբ դա պետք է հակադրվեր Վ. Ի. Լենինի ստեղծած երրորդ կոմունիստական ինտերնացիոնալին:

«Ազգային և գաղութային հարցերի վերաբերյալ թեզիսների սկզբնական ուրվագծում» Վ. Ի. Լենինը գրել է. «... Կոմինտերնի ամբողջ քաղաքականության անկյունքարը պետք է դառնա բոլոր ազգերի և երկրների պլուրետարների ու աշխատավոր մասսաների մերձեցումը՝ միահամուռ ուժերով հեղափոխական պայքար մղելու կալվածատերերի ու բուրժուազիայի տապալման համար: Որովհետև միայն այդպիսի մերձեցումն է երսուխավորում կապիտալիզմի դեմ հաղթանակը»¹: Լավ հայտնի է, թե ինչպիսի վիթխարի հեղափոխականացնող աշխատանք էր կատարում Կոմինտերնը՝ գաղութների և կախյալ երկրների ժողովուրդներին արթնացնելու և քաղաքական գիտակից կյանքի կոչելու: Սակայն սուլթանգալիեականներին դա չէր հետաքրքրում: Նրանց խորթ էր կապիտալիստական ստրկության դեմ մղվող պայքարում բոլոր երկրների աշխատավորներին մերձեցնելու և միավորելու III ինտերնացիոնալի գերագույն նպատակը: Բուրժուական այս նուցիոնալիստների համար կարևորը իսլամ զավանդների, առաջին հերթին թուրքալեզու մուսուլմանների միավորումն էր՝ դուռ ազգային խնդիրներ իրագործելու համար: Ուստի սուլթանգալիեականները ձգտում էին վարկաբեկել Կոմինտերնի գործունեությունը, զրպարտում էին, թե նա չի կարողանում և ունակ չէ դեկավարելու Արևելքի երկրների հեղափոխական պայքարը, որ նման խնդիր իր առջև կարող է դնել միայն ստեղծվելիք «Գաղութային ինտերնացիոնալը»:

Մուսուլման կոմունիստների մի մասի մոտ երևակված ազգայնական բնույթի սխալներն ուղղելու և կուսակցական կազմակերպություններն ամրապնդելու համար ՌԿ(Բ)Կ Կենտկոմը ձևոնարկում էր անհրաժեշտ միջոցներ: Կենտկոմը շեշտը դնում էր կոմունիստների և անկուսակցականների ինտերնացիոնալ

¹ Վ. Ի. Լենին, ԵԼԺ, հ. 11, էջ 195:

¹ Ա. Ի. Միկոյան, Պայթալի ուղիով, զիրք առաջին, Երևան, 1972, էջ 650:

դաստիարակութեան գործը բարելավելու վրա: Բաշկիրիայի կուսակցական կազմակերպությունն ամրապնդելու նպատակով այնտեղ ուղարկվեց Տ. Ի. Գոլոշնեկինը: Կուսակցության Կենտրոնի երաշխավորութեամբ համաբաշկիրական կուսակցական կոնֆերանսը 1922 թվականի հունվարին փոխեց կուսակցության մարզկոմի կազմը, նոր մարզկոմին հանձնարարելով կյանքում անշեղորեն անցկացնել պրոլետարական ինտերնացիոնալիզմի սկզբունքները: Ազգայնական թեքումը դատապարտվեց նաև Կիրգիզական (Ղազախական) երկրամասի կուսակցական կազմակերպությունում: 1921 թվականի հունիսին տեղի ունեցած երկրամասային I կուսակցական կոնֆերանսը, որին մասնակցում էր ՌԿ(բ)Կ Կենտկոմի ներկայացուցիչ Նմ. Յարոսլավսկին, առաջարկեց վճռականապես ուղղել «ազգային քաղաքականության գիծը», նվաճել աշխատավոր կիրգիզ և ղազախ մասնանների լիակատար վստահությունը¹:

Հեղափոխության և սովետական իշխանության համար ոչ պակաս վտանգավոր էր թյուրք-թաթարական բուրժուական նացիոնալիստների կողմից առաջ քաշված մյուս՝ մուսուլմանական բանակի ստեղծման գաղափարը:

Հարկ է նշել, որ Հոկտեմբերյան հեղաշրջումից անմիջապես հետո, մանավանդ քաղաքացիական պատերազմի ճակատներում կարմիր բանակի տարած առաջին լուրջ հաղթանակներից հետո մուսուլման կոմունիստների, Ռուսաստանի օտարերկրյա ասիացիների և մանավանդ այնտեղ գտնվող նախկին ռազմագերիների շրջանում լայն տարածում գտավ ձախ, արմատական այն թևը, թե օտարերկրյա ինտերվենտներին և սպիտակգվարդիականներին վերջնականապես ջախջախելուց հետո կարմիր բանակը պետք է ռազմական ազատագրական արշավ սկսի դեպի Արևելք, իմպերիալիզմի լծից ազատագրի Ասիայի գաղութային բոլոր ժողովուրդներին, կապիտալիստական տերություններին վերջնականապես դուրս մղի մայրցամաքից և այդպիսով մեծապես արագացնի համաշխարհային հեղափոխության ընթացքը:

Ռազմական ազատագրական արշավի մտաին լեզին առաջին անգամ պաշտոնապես առաջ քաշվեց Արևելքի ժողովուրդ-

ների կոմունիստական կազմակերպությունների (ԱժԿԿ) համառուսաստանյան I համագումարում (1918 թ. նոյեմբեր): Համագումարի աշխատանքներին մասնակցում էր նաև Ռուսաստանի թուրք կոմունիստների պատվիրակությունը՝ Մուստաֆա Սուրհի, Ջևդեթ Ալի, Մոհամեդ Նազմի, Իսմայիլ Լուֆթի կազմով: Թուրք կոմունիստները գտնում էին, որ Թուրքիայում «հեղափոխություն առաջ բերելու» նպատակով «հարկավոր է համարել ուժերը և դուրս գալ կոմի գաշտ»: Մի շարք գործնական միջոցների թվում առաջարկվում էր «ձևոնամուխ լինել բոլոր թուրքական կոմունիստական ջոկատների կենտրոնացմանը հարավային ռազմաճակատում, զրանք լրացնել Ռուսաստանում գտնվող թուրք ռազմագերիներով»:

Համագումարը որոշեց այդ առաջարկությունը հանձնել ՌԿ(բ)Կ մուսուլմանական կազմակերպությունների կենտրոնական բյուրոյի քննարկմանը²: Համագումարը միաժամանակ նպատակահարմար գտավ «շտապ միջոցներ ձևոնարկել կենտրոնացնելու թուրք ռազմագերիների բանվորներին և գյուղացիներին, նպատակ ունենալով նրանցից ստեղծել կարմիր բանակ և ուղարկել հարավային ռազմաճակատ»³: 1919 թվականի դարձանք թուրք ինտերնացիոնալիստները սկսեցին կենտրոնանալ Արևմտում, որտեղ կազմեցին գորամասեր: Այն ժամանակ հայտնվում էր, որ «Արևմտում կան 10 հազար թուրք պրոլետարներ», որոնք միավորված են կամավորական գորամիավորումների մեջ⁴:

Որքան կարմիր բանակն ավելի էր շարժվում դեպի արևելք, ազատագրելով Միջին Ասիան, Կովկասը, Սիրիան, Հեռավոր արևելքը, աչքան աճում էր բանակը որպես պաղտաթային և կախյալ երկրների ազգային և սոցիալական ազատագրության գրոյալովոր ուժ՝ ազատագործելու պաղտաթային կոլոնիալիզմների թիվը:

Ինչպես նախորդ էր, կոմունիստական կուսակցությունը հենց սկզբից մեղծեց բանակի սցենարում որից երկրներում հեղափոխություն առաջ բերելու միասակար ձախ տեսակետը: Վ. Ի. Լենինը գտնում էր, որ հարկավոր է ոչ թե «հեղափոխություն արագացնել» այլ «հեղափոխության նախապատրաստություն

1 ЦПА ИД ССР А, ф. 17, оп. 2, л. 1, к. 196

2 ՅԵՆՍ՝ Պրոլետարսկի ինտերնացիոնալիզմ, 24 ապրիլ 1922 թ.

3 ЦПА ИД ССР А, ф. 17, оп. 2, л. 1, к. 195

4 ՅԵՆՍ՝ Պրոլետարսկի ինտերնացիոնալիզմ, 25 ապրիլ 1922 թ.

¹ Տե՛ս «Пролетарский интернационализм Советской Коммунистической партии», էջ 244—245:

արագացում»։ Հենց դա էլ մի կողմից կոմունիստական կուսակցության ու Վ. Ի. Լենինի, մյուս կողմից ձախ ուղղության հեղափոխականների միջև եղած սկզբունքային տարբերությունն էր։ Լենինը վճռականապես մերժում էր ռազմական միջոցներով հեղափոխությունն արտածելու մեթոդը, նշելով, որ հեղափոխությունը տվյալ երկրի ներքին օրինաչափ զարգացման արդյունքն է։

Շատ շանցած, 1918 թվականի վերջերից սկսած, ռազմական ազատագրական արշավի ձախ արմատական գաղափարը վերաճեց մուսուլմանական բանակի ստեղծման գաղափարի, որը պաշտպանություն գտավ ամենից առաջ աջերի, բուրժուական ազգայնականների կողմից։

Եթե դեպի Ասիա ռազմական ազատագրական արշավը ենթադրվում էր իրականացնել Ռուսաստանում գտնվող շինացիների, կորեացիների, հնդկների, պարսիկների, թուրքերի և բոլոր ասիացիների ուժերով, ապա մուսուլմանական բանակի ստեղծման ջատագովները շեշտը դնում էին մուսուլմանական Արևելքի՝ Հնդկաստանի մահմեդական տարածքների, Ինդոնեզիայի, Աֆղանստանի, Պարսկաստանի, Թուրքիայի, արաբական աշխարհի, Աֆրիկայի մուսուլմանաբնակ գաղութներին ազատագրության վրա։

Ենթադրվում էր, որ մուսուլմանական բանակը կազմված է լինելու հետևյալ բաղադրամասերից. նրա մեջ մտնելու էին կարմիր բանակի կազմում գտնվող թաթարական, բաշկիրական, ղազախական և զուտ թյուրք-թաթարական անձնակազմ ունեցող ազգային այլ զորամիավորումները, կովկասյան լեռնականներից կազմված այսպես կոչված «շարիաթական գնդերը», ինչպես նաև այն բոլոր մուսուլմանները, որոնք ծառայում էին կարմիր բանակի մյուս զորամասերում։ Դրանք բոլորը պետք է հետքաշվեին ռազմաճակատներից և մտցվեին նոր բանակի մեջ։ Մուսուլմանական բանակի մեջ հավաքագրվելու էին նաև զորակոչային տարիքի Ռուսաստանի մուսուլման տղամարդիկ։ Վերջապես, այդ բանակի գլխավոր հարվածող ուժը կազմելու էին մուսուլման նախկին ռազմադերձերից ստեղծված կամավորական զորամասերը։ Ըստ որում այդ հարվածող ուժի առավել մարտունակ մասը թուրք նախկին ռազմագերիներից կազմված զորամասերն էին լինելու։ Ենթադրվում էր նաև, որ բանակը զինելու էր սովետական կառավարությունը, իսկ զինվոր-

ների մարզանքներն ու դինավարժություններն անցկացնելու էին ռազմագերի թուրք սպաները։

Հենց այստեղ տեղին է հիշեցնել, որ նախկին թուրք ռազմագերիների բացարձակ մեծամասնությունը, բարյացակամ տրամադրված լինելով սովետական իշխանության նկատմամբ, այնուամենայնիվ չէր թողնում երիտթուրքական մտայնությունը։ Նման պայմաններում բնական է, որ ինչպես Թուրքիայի, այնպես էլ Ռուսաստանի պանթուրքականներն ամեն կերպ փորձում էին իրենց մոթ նպատակներին օգտագործել ռազմագերիներին, ուստի դիմում էին թուրք գերի սպաների աջակցությանը, որոնց թվում հատկապես շատ էին համոզված պանթուրքականներն ու երիտթուրքերը։

Դեռ իմպերիալիստական պատերազմի տարիներին երիտթուրքական կառավարության ուղղակի առաջադրանքով Կոկանդում ստեղծվել էր թուրք ռազմագերի սպաների մի գաղտնի կազմակերպություն՝ «Իթթիհադի թերաքի» անվամբ (այսպես կոչված «միավորված պրոգրեսիստների» կազմակերպություն)։ Նրա անդամները գերազանցապես զբաղված էին սուլթանական Թուրքիայի օգտին ռազմական և տնտեսական բնույթի տեղեկություններ հայթայթելով։ Կազմակերպությունը սերտորեն կապված էր Տաշքենդում աշխատող գերմանական գործակալ Վիմերմանի հետ։

Հարկ է նշել, որ պատերազմի տարիներին շատ թուրք սպաներ թուրքական հետախուզական մարմինների հատուկ հանձնարարությամբ գերի էին հանձնվում, որպեսզի լրտեսական և դիվերսիոն աշխատանքներ տանեն ռուսական բանակի թիկունքում, մասնավորապես Կովկասում և Միջին Ասիայում։ Հայտնի է նաև, որ թուրք ռազմագերիներից շատերը Կովկասից Միջին Ասիա էին փոխադրվել տեղի բայերի և մուսուլմանական հոգևորականության ակտիվ միջնորդությամբ ու աջակցությամբ։ Թուրք ռազմագերի սպաներն այստեղ չէին գտնվում համակենտրոնացման ճամբարներում, գրեթե բոլորն էլ ազատության մեջ

¹ Ш.У «Труды Узбекского Государственного университета им. А. Навои». Новая серия. Выпуск 61. Исторический факультет, изд-во узбекского Государственного университета. Самарканд, 1956, էջ 210։

² Ш.У նույն տեղը, էջ 212։

էին և հաջողութեամբ իրականացնում էին իրենց լրտեսական և դիվերսիոն մտահղացումները¹:

Միջին Ասիայի թուրք սպաների կազմակերպութիւններն Հոկտեմբերյան հեղափոխութիւնից հետո ավելի էին ակտիվացրել իրենց գործունեութիւնը թուրք ռազմագերիների և տեղի թուրք բնակչության մէջ: Այդ կազմակերպութիւնների գլուխ էին կանգնել այնպիսի փորձված թուրք լրտեսներ, ինչպիսիք էին Գերմանիայում հատուկ պատրաստութիւն ստացած Աբաս էֆենդին, դիվերսիաների մասնագետ Մուհամեդ-Ամին էֆենդի-զադեն և ուրիշներ²: Վերջինս, որ Թուրքիայի ռազմական խորհրդի անդամ էր, անցել էր Միջին Ասիա, թափանցել Թուրքեստանյան Սովետական Հանրապետության զինվորական կոմիսարիատի մարմինները, աչքի ընկնող դեր կատարել Ֆերգանայի «Իթիհոդիմիլի» պանթուրքական կուսակցության կազմակերպման գործում: Նա մերկացվեց ու հեռացվեց աշխատանքից, բայց շարունակեց գաղտնի գործել և դարձավ Ֆերգանայում բասմաչական շարժման ոգեշնչողներից մեկը:

Թուրք սպաների կազմակերպութիւնները, որոնք իրենց լքրտեսական գործունեութիւնը միավորել էին տեղի բուրժուական ազգայնականների հակահեղափոխական, պանթուրքական գործունեության հետ, քայքայիչ աշխատանք էին տանում մուսուլմանների շրջանում, շարունակում էին բորբոքել կրոնական մոլեռանդութիւն, հակառուսական, հակաքրիստոնեական սրամազրութիւններ:

Մուսուլմանական բանակի ստեղծման հարցն լայնորեն քննարկվեց Արևելքի ժողովուրդների կոմունիստական կազմակերպութիւնների (ԱժԿԿ) համառուսաստանյան II համագումարում (1919 թ.): Զեկուցումով հանդես եկավ Սուլթան-Գալիեր: ԱժԿԿ կենտրոնական բյուրոյի նախագահը, որը, միաժամանակ այսպես կոչված կենտրոնական մուսուլմանական զինվորական կոլեգիայի ղեկավարն էր, զարգացնում էր այն միտքը, թե Կոլչակի, Դենիկինի և սպիտակգվարդիական մյուս զենեակների նկատմամբ կարմիր բանակի հաղթանակը դեռ Ռուսաստանում քաղաքացիական պատերազմի ավարտ չի նշանակում, թե դրանով չեն ավարտվելու պատերազմական գործողութիւնները:

Ընդհակառակը, ասում էր նա, անխուսափելիորեն քաղաքացիական պատերազմ է սկսվելու Ասիայի ողջ մայրցամաքում: Կոմուլ կողմերն են լինելու՝ մի կողմից գաղութատեր իմպերիալիստները, մյուս կողմից՝ Ռուսաստանում կազմակերպվելիք մուսուլմանական բանակը և ճնշված Արևելքի՝ Պարսկաստանի, Թուրքիայի, Հնդկաստանի, Աֆղանստանի մուսուլման ժողովուրդները: «Մենք պետք է պատրաստվենք այդպիսի պայքարի, — ասում էր Սուլթան-Գալիեր, — այդ նպատակով Արևելքի արդեն հեղափոխականացված ժողովուրդներից՝ թաթարներից, բաշկիրներից, թուրքեստանցիներից, կիրգիզներից մենք պետք է կազմենք արևելյան կարմիր բանակ... որը կգործի Արևելքում... միջազգային իմպերիալիզմի դեմ, կամ նեց Արևելքի դեմ, եթե Արևելքն օգտագործվի... իմպերիալիզմի կողմից»:

Սուլթան-Գալիեր համագումարին տեղյակ պահեց, որ մուսուլմանական կամ արևելյան կարմիր բանակ ստեղծելու գաղափարը պատկանում է Արևելքի ժողովուրդների կոմունիստական կազմակերպութիւնների կենտրոնական բյուրոյին, որը և պաշտպանութիւն է գտել Տրոցկու կողմից³: Վերջինս նաև համաձայնութիւն էր տվել, որպեսզի մուսուլմանական բանակը լիովին գտնվի մուսուլման հրամանատարների տրամադրութիւն տակ:

Ճիշտ դիրքերի վրա կանգնած համագումարի պատվիրակները քննադատութիւն են թարկեցին մուսուլմանական բանակ ստեղծելու և այն Արևելքի վրա ուղղելու առաջարկի կողմնակիցներին: Սուլթան-Գալիերին ումեղ հակառակում տվեց Ռ. Պ. Քաթանյանը, որը համագումարին մասնակցում էր որպես ԽՍՀՄ ռազմահեղափոխական խորհրդի ներկայացուցիչ: Նոյեմբերի 27-ի նիստում նա ասաց. «Երբ բնկ. [Սուլթան-Գալիեր] ասում է, թե հարկավոր է մուսուլմանական զորամասերի կենտրոնացնել որոշակի տեղերում, որպեսզի նրանք գտնվեն մուսուլմանների տրամադրութիւն տակ, ես կցանկանայի հարցրնել, իսկ դուք մտապնել եք, որ երբ Պետրոգրադի վրա հարձակվում էր Յուզենիչը, բաշկիրական բրիգադը վիթխարի ծառայութիւն մատուցեց հեղափոխութիւնն այն բանով, որ կոմունիստները նախապես փակեցին: Սլոժն ամեն մի էր նեայի փակերին: Հարձակվում է Գենիկինը:

¹ ՏՄՍ «Труды Узбекского Государственного Университета им. А. Навоия». Новая серия. Выпуск 61. Исторический факультет. № 210:

² ՏՄՍ նույն տեղը:

³ ЦПА ИМЛ, ф. 17, 62, 2, л. 4, а. 206—217:

⁴ ՏՄՍ նույն տեղը, л. 179:

ավելորդ մարդ մեզ պես:ք է... իսկ մեզ ասում են՝ հտ բաշեք
աչլ (մուսուլման:— Շ. Ս.) զինվորներին: Եվ ես ուզում եմ
հարջնել՝ որտե՞ղ ենք գտնվում մենք, ջախջախված է արդյոք
Դենիկինը: Եվ մի՞թե մուսուլմանական զորամասերն իրենց
համար խորթ գործ են անում: Եվ մի՞թե, ետ քշելով Դենիկի-
նին, նրանք չեն գնում ազատագրելու Դաղստանը, Ադրբեջանը,
չեն նպաստում այն բանին, որ հեղափոխությունն անցնի Պարս-
կաստան, [իսկ ապա] շարունակվի շարժվել, որպեսզի ընդ-
գրվի Ասիան... Մուսուլմանական զորամասերը պետք է մնան
այնտեղ, որտեղ նրանց պահանջում է հեղափոխությունը»:

Ռ. Քաթանյանը պարզաբանեց, թե ինչ է հարկավոր հաս-
կանալ Արևելքի հեղափոխականացում ասելով: Արևելքի հե-
ղափոխականացումը պետք է իրականացվի ոչ թե սվինների
օգնությամբ, ասում էր նա, այլ գաղափարների տարածման մի-
ջոցով: «Հարկավոր է, որ կոմունիստները, մեկնելով Արևելք,
կարողանան ժողովրդին տալ որոշակի սոցիալական լոզունգներ»:
Ամենից առաջ պետք է առաջադրվի «Ամբողջ հողը ժողովրդին»
լոզունգը, և երբ այդ լոզունգը իրականանա, «այնտեղ տեղում
կստեղծվի մեծ քաջարի կարմիր բանակը, որը կմիանա մեր
բանակի հետ, կգնա առաջ և վերջիվերջո կհաղթի»¹: Ռ. Քաթան-
յանին համագումարում պաշտպանեցին Վ. Լ. Լուկաշովը, Սա-
լիկ-Գալիևը և ուրիշներ: Նրանք նույնպես հանդես եկան այն
տեսակետի դեմ, թե անհրաժեշտ է «ազմական ուժեր կենտ-
րոնացնել Արևելքում»²: «Մենք չենք կարող այժմ գնալ դեպի
Արևելք սվինների բանակով,— ասաց Սալիկ-Գալիևը:— Չի կա-
րելի հեղափոխությունը ներմուծել դրսից: Հեղափոխությունը
հարկավոր է կատարել ներսից»³:

Սակայն համագումարի պատվիրակների մեծ մասը, որը
գնում էր Սուլթան-Գալիևի հետևից, պաշտպանեց մուսուլմանա-
կան բանակ ստեղծելու տեսակետը: Արևելյան հարցի վերաբեր-
յալ Սուլթան-Գալիևի զեկուցման առթիվ ընդունված բանաձե-
վում հանձնարարվում էր «ձեռնամուխ լինել արևելյան ինտեր-
նացիոնալ դասակարգային կարմիր բանակի ստեղծմանը՝ որ-
պես միջազգային կարմիր բանակի մի մասի»⁴:

¹ ЦПА ИМЛ, ф. 17, оп. 2, д. 4, лл. 231—232.

² Նույն տեղը, լ. 261.

³ Նույն տեղը, լ. 235—236:

⁴ ЦПА ИМЛ, оп. 65, д. 9, л. 56.

ՌԿ(Բ)Կ-ն, սովետական կառավարությունը, անձամբ Վ. Ի.
Լենինը վճռականորեն մերժեցին մուսուլմանական բանակ ստեղ-
ծելու գաղափարը:

Այդ կապակցությամբ շատ հետաքրքրական է այն խոսակ-
ցությունը, որ 1920 թվականի հունվարին ուղիղ գծով տեղի է
ունեցել Թուրքեստանի ռազմաճակատի գլխավոր հրամանա-
տար Մ. Վ. Ֆրունզեի, որն այն ժամանակ գտնվում էր Սամա-
րայում, և ՌԿ(Բ)Կ Կենտկոմի Թուրքբյուրոյի անդամ, այն ժա-
մանակ Տաշքենդում գտնվող Շ. Ջ. էլիավայի միջև: Ահա մի
հատված նրանց խոսակցության գրառումից.

«էլիավա: Առաջին հարցը մուսուլմանական զորամասերի
կազմավորման մասին է: Մուսուլմանական կոմունիստները հա-
մառորեն պահանջում են անհապաղ ձեռնամուխ լինել մուսուլ-
մանական զորամասերի կազմավորմանը: Ըստ որում նրանք
այդ բանը պատկերացնում են մուսուլմանական կարմիր բա-
նակ ստեղծելու ձևով, համառորեն պահանջում են կազմակեր-
պել հրամանատարական կազմի դասընթացներ, դասավանդումը
վարելով Թուրքերեն: Այդ երկու հարցերում էլ նրանց ոգեշնչող-
ներն են գերի Թուրք սպաները, որոնք իրենց ծառայություն-
ներն են առաջարկում որպես դասախոս-հրահանգիչներ: Մու-
սուլմաններին ոչ թե որպես ինքնուրույն մուսուլմանական բա-
նակ, այլ որպես առանձին զորամասեր կազմելու և մոբիլի-
զացնելու հարցը ես սկզբունքորեն համարում եմ լուծված... Սա
անհրաժեշտ եմ գտնում վերացնել մուսուլմանական բանակի
շտաբը, որը այստեղ ստեղծվել էր մինչև մեր գալը:

Ֆրունզե: Բարև, Շալվա Ջուրբովիչ: Առաջին՝ մուսուլմա-
նական շտաբի և կազմավորումների հարցի մասին... Ոչ մի
առանձին շտաբ և ոչ մի մուսուլմանական բանակ չպետք է լի-
նի: Այդ հարցի վերաբերյալ ես մի անգամ ես կարծիք եմ փո-
խանակել Իլիչի հետ... և ոչ մի խոսակցություն չի կա-
րող: Բնիկների կազմավորումներ, իհարկե, թույլատրելի են, ոչ
թե դավանաբանական սկզբունքով, այլ, ինչպես դու միանգա-
մայն ճիշտ էիր ասում, ազգային սկզբունքով»:

Մուսուլմանական բանակի ստեղծումը դեմ էր բանվորա-
գյուղացիական բանակի կառուցման ինտերնացիոնալիստական

սկզբունքներին: Դա, անշուշտ, ուժգին հարված կլիներ կոմունիստական գործին, միջազգային հեղափոխական շարժմանը:

Այսպիսով, ինչպես տեսնում ենք, հանձինս սուլթանգալիևականության, սովետական իշխանությունը գործ ունեւր պանթուրքական և պանիսլամական բուրժուական շարժման տարատեսակության հետ:

Կոմունիստական կուսակցությունը և սովետական մարմինները ժամանակին մերկացրին և ջախջախեցին սուլթանգալիևականությունը:

Եւն բանից հետո, երբ Սուլթան-Գալիևին և նրա համախոհներին շահողվեց լեզալ ճանապարհով ստեղծել մուսուլմանական բանակ և մուսուլմանական կոմունիստական կուսակցություն, նրանք անցան ընդհատակյա հակակուսակցական և հակասովետական քայքայիչ աշխատանքի:

Բանն այնտեղ հասավ, որ Սուլթան-Գալիևը կապեր հաստատեց օտարերկրյա հետախուզությունների հետ: Նրա թշնամական գոյությունների մերկացման առիթ եղավ սովետական անվտանգության օրգանների ձեռքն ընկած նամակը, որը «Ռուստեմ» ստորագրությամբ նա ուղարկել էր Պարսկաստան՝ ոմն Թաջի-Բախշի անունով պարսկական քաղաքական գործչի: Նամակում Սուլթան-Գալիևն ակնարկում էր, որ Ռուսաստանում արդեն գործում է Կոմինտերնին և սովետական իշխանությանն ընդդիմադիր մի քաղաքական կազմակերպություն, որը բոլոր ջանքերը թափում է Ռուսաստանի կոմունիստ-մուսուլմաններին մի մասին և թուրքական ու պարսկական քաղաքական գործիչներին իր շուրջը համախմբելու համար²:

Բաշկիրիա ուղարկած նամակներից մեկում նույնպես Սուլթան-Գալիևը առաջ էր քաշում քաղաքական գաղտնի կազմակերպություն ստեղծելու և ազգային հարցում սովետական իշխանության միջոցառումներին անհապաղ հակադրվելու պահանջը³: Բաշկիրիա ուղարկած մի ուրիշ ծածկագիր նամակում, որը հասցևագրված էր տեղի լուսավորության ժողովրդական կոմիսար

Ա. Աղգամովին, Սուլթան-Գալիևը հայտնում էր, որ գարնանը սպասվում է բասմաշուլթյան ավելի կազմակերպված ելույթ թուրքեստանում և Բուխարայում և որ պետք է պատրաստ լինել սպասվող իրադարձություններին: Նա Աղգամովին նաև հանձնարարում էր կապ հաստատել բաշկիրական հայտնի բուրժուական նացիոնալիստ Զ. Վալիդովի հետ, որպեսզի միասնաբար գործեն «ազատության» համար⁴:

Սուլթան-Գալիևը կապեր էր հաստատել նաև Ղրիմի հանրապետության արդարագատության ժողկոմ Ի. Ֆիրդուսի, Թաթարական ազգայնականության պարագլուխներ Կ. Մուխթարովի, Գ. Մանսուրովի, Ռ. Սաբիրովի, Մ. Բուրունդուկովի և այլոց հետ:

Հակակուսակցական և հակասովետական գործունեության համար Սուլթան-Գալիևը 1923 թվականին վտարվեց կոմունիստական կուսակցությունից և հեռացվեց զբաղեցրած պաշտոնից: Իրենց արժանի պատիժը ստացան նաև նրա համախոհները: Սուլթանգալիևականությունը, որպես բուրժուանացիոնալիստական քաղաքական հոսանք, լիակատար ձախողանք կրեց:

¹ *ՏԵՄ* Касымов, Пантюркистская контрреволюция и ее агентура султангалиевщина, Казань. Татиздат, 1931, էջ 88—89:

² *ՏԵՄ* «Четвертое совещание ЦК РКП(б) с ответственными работниками национальных республик и областей в Москве 9—12 июня 1923 г.». Приложение II, էջ 16:

³ *ՏԵՄ* նույն տեղը, էջ 3:

⁴ *ՏԵՄ* «Четвертое совещание ЦК РКП(б) с ответственными работниками национальных республик и областей в Москве 9—12 июня 1923 г.». Приложение II, էջ 16:

**ՔԵՄԱԼԱԿԱՆ ՇԱՐԺՈՒՄԸ ՊԱՆԻՍԼԱՄԻՉՄԻ ԴՐՈՇԻ ՏԱԿ:
ԳՈՐԸ ԳԱՅԼԸ ԵՄ ԹԻԿՆՈՑՈՎ: 1920 ԹՎԱԿԱՆԻ
ԹՈՒՐԶ-ՀԱՅԿԱԿԱՆ ՊԱՏԵՐԱԶՄԸ ԵՎ ՀԵՏԵՎԱՆՔՆԵՐԸ:
ՀԱՅԱՍՏԱՆԻ ՄԻ ՄԱՍՈՒՄ ՍՈՎԵՏԱԿԱՆ ԻՇԽԱՆՈՒԹՅԱՆ
ՀԱՍՏԱՏՈՒՄԸ ԱՐՄԱՏԱԿԱՆ ՇՐՋԱԴԱՐՉ ՀԱՅ ԺՈՂՈՎՐԴԻ
ՊԱՏՄԱԿԱՆ ԾԱԿԱՏԱԳՐՈՒՄ**

Մուգրոսի զինադադարից անմիջապես հետո անգլիական և ֆրանսիական ռազմանավերը մտան Սև ծով: Ուկրաինայում, Դոնի շրջանում, Ֆինլանդիայում, էստոնիայում, կատվիայում հայտնվեցին անգլիացիները: Ֆրանսիացիները ցամաք իջան Ղրիմում և Օդեսայում: Հեռավոր արևելքում և Սիբիրի ուղղությամբ առաջ էին շարժվում ճապոնական միլիտարիստները: Անդրկովկասում թուրքերին և գերմանացիներին փոխարինեցին անգլիացիները: Սովետական Ռուսաստանը բոլոր կողմերից ենթարկվեց շրջափակման:

Թուրքական ազգայնականների կարճատև տիրապետությունն անասելի ծանր նստեց Անդրկովկասի աշխատավոր մասսաների վրա: Առավել ահավոր վիճակ ստեղծվեց Հայաստանի աշխատավոր դասակարգերի համար:

Մուգրոսի պայմանագրի 11-րդ հոդվածի համաձայն հեռանալով Անդրկովկասից, թուրքական պարտված զորքերը կողոպտեցին և իրենց հետ տարան Հայաստանի տարածքի վրա գեոևս մնացած քիչ թև շատ արժեք ներկայացնող իրերը, պարենի խղճուկ պաշարները, անասունները: Թուրքերի մտադրությունը պարզ էր. ոչինչ չթողնել հայերին, բոլոր միջոցներով սաստկացնել սովի տագնապը երկրում:

1919 թվականին խմորվեց անկախության համար թուրք ժողովրդի ազգային-ազատագրական պայքարը (milli mücadele), որն ուղղված էր թալանչիական այն պահանջների դեմ, որ արևմտյան իմպերիալիստական տերությունները ներկայացրել էին առաջին համաշխարհային պատերազմում պարտված թուրքիային:

Շարժումը սկսվեց օտարերկրյա օկուպացիայի և ռազմական նոր ներխուժման պայմաններում: Ազգային-ազատագրական պայքարի անմիջական առիթ դարձավ հունական զորքերի կողմից 1919 թվականի մայիսի 15-ին Զմյուռնիայի (Իզմիրի) գրավումը: Այդ ժամանակվանից սկսած շարժումը ծավալվեց և մի քանի ամսում ընդգրկեց ամբողջ երկիրը¹:

Թուրքիայում հակաիմպերիալիստական պայքարի հիմնական ուժը գյուղացիությունն էր: Իեռ համաշխարհային պատերազմի ժամանակ բանակ զորակոչված հազարավոր թուրք գյուղացիներ, շցանկանալով կռվել օսմանյան կառավարողների և նրանց աջակցող գերմանական իմպերիալիստների՝ իրենց համար խորթ շահերի համար, դասալիք էին դառնում և թաքնվում Անատոլիայի սարերում: Նրանցից շատերն իրենց գյուղերն էին վերադառնում գնեքը ձեռքին և կաղմում պարտիզանական ջոկատներ: Պատերազմի ժամանակ առաջ եկած այդ շարժումը, որն ուղղված էր գերմանական իմպերիալիստների և նրանց երիտթուրքական դաշնակիցների դեմ², պատերազմում Թուրքիայի պարտությունից հետո ուղղվեց օկուպանտների դեմ³:

Դասակարգային ուժերի բարենպաստ դասավորության դեպքում հնարավոր է, որ շարժումը ղեկավարեին հեղափոխական ուժերը: Բայց բանն այն է, որ այդ շրջանում Թուրքիայի պրոլետարիատը չափազանց սակավաթիվ էր ու քաղաքականապես թույլ, որպեսզի կարողանար գլխավորել ազգային-ազատագրական շարժումը: 1915 թվականի տվյալներով երկ-

¹ Քլեմալական շարժման սկզբնավորմանը և ընթացքին են նվիրված սովետական և արտասահմանյան հետազոտողների շատ աշխատություններ: Շարժման լուսաբանումը տրված է նաև սփյուռքահայ պատմական գրականության մեջ և հուշագրություններում: Մասնավորապես հիշատակելի են Պ. Հայկունու «Թուփալ Սաման և դեպքերը Մարզվանի մեջ» (Աթենք, 1924), Զարևանդի «Ինչ կծրագրեն թուրքերը՝ միացյալ անկախ Թուրանիա» (Բոստոն, 1926), Ա. Աթանասյանի «Կիլիկիայի մոտավոր անցեալը» (Փարիզ, 1937), Գ. Սյուրմելյանի «Երզնես» (Կահիրե, 1937), Ս. Սաղրյանի «Կեսղարեան հուշամատեն» (Փարիզ, 1948), Հ. Հովակիմյանի «Պատմություն հայկական Պնտոսի» (Բելյութ, 1966) և այլ գրքերում:

² Տե՛ս А. М. Шамсутдинов, Национально-освободительная борьба в Турции (1918—1923 гг.), М., изд-во «Наука», 1966, էջ 55:

³ Տե՛ս АБ. Алимов, Турция. В книге «Очерки по истории Востока в эпоху империализма», էջ 61:

րում հաշվվում էր ամենաշատը 50 հազար բանվոր¹, որից միայն արդյունաբերական բանվորներ էին 13 հազարը²: նրանք փոշիացած էին զանազան քաղաքների մանր ձեռնարկություններում, բաժանված ազգային-կրոնական թշնամանքով: Սոցիալիստական և կոմունիստական շարժումը նոր-նոր էր սաղմնավորվում: Բանվորների թիվը պատերազմի ընթացքում էլ ավելի կրճատվեց:

Մնացել էր մյուս ուժը, որն աճել ու ամրապնդվել էր պատերազմի տարիներին: Դա անատոլիական թուրք բուրժուազիան էր, հիմնականում առևտրական բուրժուազիա, որի շահերին անմիջականորեն սպառնում էր իմպերիալիստական օկուպացիան: Հենվելով քաղաքային մանր բուրժուազիայի վրա, անատոլիական առևտրական բուրժուազիան ամրապնդվում էր նաև քաղաքականապես և կազմակերպչական տեսակետից³: Հենց այդ բուրժուազիան էր, որ գյուղական կուլակության հետ միասին զավթեց ըստ էության գյուղացիական ազգային-ազատագրական շարժման ղեկավարությունը և շարժումը տարավ իր համար ձեռնտու հունով, թույլ շտալով, որ այն թևակոխի հաջորդ՝ ազրաբային հեղափոխության էտապը⁴:

Ինչպես հայտնի է, ազգային-ազատագրական շարժումները չի կարելի դիտել որպես գաղութային և կախյալ երկրների ազգային բոլոր ուժերի համատարած ճակատ, քանի որ «ազգային շարժման հեղափոխական տարրերի հետ միասին բուրժուազիայից ծնվում են համաձայնողական, ուսկային տարրեր, որոնք իմպերիալիզմի հետ գործարքը գերադասում են իրենց երկրի ազատագրության գործից»⁵: Այդ տեսակետից թուրքական բուրժուազիան բացառություն չկազմեց և չէր էլ կարող կազմել: Նրա «հակաիմպերիալիստական հեղափոխությունը» խիստ վերնախավային, խիստ դասակարգային էր, իսկ շարժման ղեկավարներն իրենց դասակարգային էությունը նույն երիտթուրքերն էին՝ միայն թե աստառը շուտ տված, որոնք կարողանում էին

հաջողությամբ քողարկվել «հեղափոխականների» դիմակով և հակաիմպերիալիստական պայքարի լողունգներով:

Միլիտական շարժումը պարզապես ազգային շարժում էր, որ ո՛չ ունեցել է, ո՛չ էլ հետապնդել է հեղափոխական նպատակներ: Բայց ունենալով խորունկ առարկայական հիմքեր, այն ձրգտում էր վերականգնել Թուրքիան, պայքար մղել նրա պառակտման դեմ, վերահաստատել նրա գերիշխանությունն այն սահմաններում, ուր հնարավոր էր:

Անդրադառնալով շարժման բնույթին, Ի. Վ. Ստալինը նշել է, որ այն «հնարավոր է միայն այնպիսի երկրներում, ինչպես Թուրքիան, Պարսկաստանը, Աֆղանստանը, որտեղ չկա կամ համարյա չկա ազրաբային-գյուղացիական հզոր հեղափոխություն», որ այն «ազգային առևտրական բուրժուազիայի վերնախավային հեղափոխություն է, որ ծագել է օտարերկրյա իմպերիալիստների դեմ մղած պայքարում և իր հետագա զարգացմամբ, ըստ էության, ուղղված է գյուղացիների ու բանվորների դեմ, ազրաբային հեղափոխության բուն իսկ հնարավորությունների դեմ»¹:

Թուրք առևտրական բուրժուազիան իբրև շարժման ղեկավար առաջ քաշեց Մուստաֆա Քեմալին, որը նախկինում, դեռ համաշխարհային պատերազմից շատ առաջ, երիտթուրքական ակտիվ գործիչներից էր: Զինվորական ծառայությունը շարունակելու համար Դամասկոս ուղարկված սուլթանական բանակի երիտասարդ սպա Քեմալը դեռևս 1906 թվականին դարձել էր երիտթուրքական մի ընդհատակյա խմբակի ղեկավար, որի մեջ մտնում էին այդ քաղաքում տեղաբաշխված զինվորական միավորումների սպաներ²: Առաջին համաշխարհային պատերազմի տարիներին Քեմալը մի շարք խոշոր զորամիավորումների հրամանատար էր և մեծ հռչակ էր վաստակել Դարդանեղի պաշտպանության, կովկասյան ճակատում ռուսական զորքերի դեմ մղած մարտերում:

Շուտով դեպքերը ցույց տվեցին, որ քեմալական շարժումը շատ ավելի աջ է, քան կարծում էին նրա դեռևս խանձարուրի մեջ գտնվելու օրերին:

¹ Ի. Վ. Ստալին, *Երկեր*, հ. 9, էջ 285:

² Տե՛ս Ա. Փ. Միլլեր, *Формирование политических взглядов Кемала Ататюрка. «Народы Азии и Африки», 1963. № 5, էջ 71:*

¹ Տե՛ս Е. Еремеев, *На стыке Азии и Африки*, էջ 127—128:

² Տե՛ս Инал Бутаев, *Проблемы Турции*, изд-во «Прибой», Ленинград, 1925, էջ 101:

³ Տե՛ս АБ. Алимов, *Турция. В книге «Очерки по истории Востока в эпоху империализма»*, էջ 61:

⁴ Տե՛ս նույն տեղը:

⁵ Ի. Վ. Ստալին, *Երկեր*, հ. 7, էջ 118:

Սովետական թուրքագետ Ե. Սարգսյանը իրավացիորեն քննադատական խոսք է ասում այն հետազոտողներին, որոնք հանդես չեն բերում պատշաճ դասակարգային մոտեցում քեմալական շարժումը գնահատելիս, հաճախ անդուսպ հիացմունքով են արտահայտվում Քեմալի և քեմալականների մասին, մոռանալով նրանց հակակոմունիստական, բուրժուակաղետական, շովինիստական էությունը: Մանավանդ գերագնահատվում է քեմալականների դերը Անտանտի ուժերի դեմ թուրք ժողովրդի տարած հաղթանակի գործում, այն դիտվում է իբրև քեմալականների (այլ ոչ թե թուրք հասարակ ժողովրդի) հերոսության արդյունք: Միաժամանակ հաճախ մոռացության է տրվում այն իրողությունը, որ նույնիսկ Թուրքիայի համար գրեթե ամբողջովին օրերին քեմալականները պատրաստ էին օգնության ձեռք մեկնելու Անտանտի ուժերին, նրանց հետ համատեղ ուղղակի գործողություններ սկսելու Սովետական Ռուսաստանի դեմ¹: Էլ ավելի հաճախ մոռացության է տրվում այն, թե գրավված վայրերի խաղաղ լուսակշռության նկատմամբ քեմալականներն ինչպիսի սնրագործություններ էին կատարում:

Իշխանության գլուխ անցած քեմալական բուրժուակաղետական վերնախավը հատկապես սարսափում էր բուն Թուրքիայի ժողովրդական մասսաների հնարավոր հեղափոխական ելույթներից: Դա պատահական չէր. այն պայմանավորված էր քեմալական շարժան և քեմալական պետության դասակարգային բնույթով: Քեմալականները փակեցին էսկիշեհիբում լույս տեսնող «Յենի դունյա» թերթը, որտեղ հողվածներ էին երևացել ազդարարչին հեղափոխություն անելու պահանջով: Կանոնավոր բանակ ստեղծելու պատճառաբանությամբ ջախջախվեցին Արևմտյան Անատոլիայում գործող գյուղացիական-պարտիզանական ջոկատները, լուծարքի ենթարկվեց գյուղացիական «Յեշիլ օրդու» («Կանաչ բանակ») կազմակերպությունը, ձերբակալվեցին նրա ղեկավարները²: Երկրի տարբեր վայրերում դաժանորեն ճնշվեցին բանվորական ելույթները և հակաֆեոդալական

գյուղացիական հուզումները: Ինքը՝ Մուստաֆա Քեմալն այդ առթիվ գրել է. «Ներքին ապստամբությունները ճնշելու համար ուղղակի կատից որոշ զորամասեր հանելը ավելի կարևոր և անհրաժեշտ միջոցառում էր, քան դրանք հունական զորքերի դեմ օգտագործելը, չնայած այս վերջինը նույնպես մեծ կարևորություն ուներ»³:

Բանվորների և գյուղացիների դեմ իրենց պայքարը քեմալականներն արդարացնում էին դեմագոգիկ հայտարարություններով: Ասում էին, թե Թուրքիայում դասակարգեր չկան, հետևապես չկա նաև դասակարգային պայքար: «Զի կարելի տարբեր մասնագիտության անձանց բաժանել դասակարգերի. նրանք բուլդոզերն էլ, ամբողջությամբ վերցրած, կազմում են ժողովուրդ»⁴, — ասված է քեմալականների պաշտոնական փաստաթղթերից մեկում: Հետևությունն այն է, որ միասնական ժողովրդին դասակարգերի բաժանող կոմունիստական գաղափարախոսությունը իբր խորթ է թուրք ժողովրդին, որ Թուրքիայում դասակարգային պայքարի ամեն մի արտահայտություն պետք է խեղդել ամենայն անողորմությամբ: Պատահական չէ, որ «... քեմալականների կառավարությունը բանվորների ու գյուղացիների դեմ պայքարող կառավարություն է, մի կառավարություն, որտեղ կոմունիստները տեղ չունեն և չեն կարող ունենալ»⁵, — նշել է Ի. Վ. Ստալինը:

Մերկացնելով քեմալականների հակաժողովրդական քաղաքականությունը, թուրք կոմունիստ Ս. Ուստյունգելը գրում է. «Ժողովրդի նկատմամբ բունության գազանային քաղաքականությունը շարունակվում է Թուրքիայում արդեն հարյուրավոր տարիներ: Քեմալականները, վերցնելով իշխանությունը, այդ բանում գերազանցեցին նույնիսկ արյունոտ սուլթաններին»⁶:

Քեմալական շարժումը դեռ իր արյունոտ խանձարուրի մեջ էր, սակայն արդեն պարզորոշ երևում էր, որ նրա բուրժուակաղետական ղեկավարությունը նոր ազդեցություն է բերելու երկրի ոչ թուրք ժողովուրդներին: Լինելով բուրժուական կատաղի նացիոնալիստներ, քեմալականները հենց սկզբից ոտնահարեցին հույ-

¹ М. Кемаль, Путь новой Турции, т. III, М., 1932, с. 102.

² Մեջբերված է Ե. Կ. Տարկսյան, Положение трудящихся масс в современной Турции, с. 42.

³ Ի. Վ. Ստալին, Երկեր, հ. 9, էջ 328:

⁴ С. Устюнгель, В тюрьме и на «воле». Перевод с турецкого. Москва, 1952, с. 80.

¹ Տե՛ս Ե. Կ. Տարկսյան, Положение трудящихся масс в современной Турции. Изд-во АН Арм. ССР, Ереван, 1955, էջ 14:

² Տե՛ս Ա. Բ. Ալիմով, Турция. В книге «Очерки по истории Востока в эпоху империализма», էջ 71—73:

ների, արաբների, հայերի, լազերի, քրդերի մարդկային տարրական իրավունքները, նրանց ազատագրական ձգտումները: «Ռուրքական ասիմիլյատորները,— գրել է Ի. Ստալինը,— բոլոր ասիմիլյատորներից ամենադաժանները, հարյուրավոր տարիներ խոշտանգում և խեղդում էին բալկանյան ազգերին... պարսկական ու թուրքական ասիմիլյատորները հարյուրավոր տարիներ ծվատում, խոշտանգում ու բնաջնջում էին հայ և վրացի ազգերին»¹: Քեմալականները ամբողջովին հավատարիմ մնացին թուրքական պատմության արյունոտ ավանդույթներին: Դեռևս շարժման ձևավորման ժամանակ Մուստաֆա Քեմալը, թուրք ազգը առանձնացնելով երկրի մյուս ազգերից, գրում էր, թե «թուրքը օժտված է մեծ և բարձր հատկություններով»²:

Սարսափ և ատելություն տածելով ժողովրդական մասսաների դասակարգային ինքնագիտակցության աճի, նրա դասակարգային պայքարի հանդեպ, «Նոր Թուրքիայի» կառավարողներն ամեն կերպ փորձեցին արգելել բոլշևիկյան գաղափարների ներթափանցումը Ռուրքի ա:

Թուրքական առաջին կոմունիստական կազմակերպությունները, ինչպես վերևում տեսանք, ձևավորվեցին դեռևս 1918 թվականին՝ Սովետական Ռուսաստանի տերիտորիայում գրտնրվող թուրք ռազմագերիների շրջանում: 1920 թվականի կեսերին կոմունիստական խմբեր հանդես եկան Անատոլիայի և Թրակիայի զանազան շրջաններում: Անտանտի դեմ մղած պայքարում աջակցելով մանր և միջին բուրժուազիային, թուրք կոմունիստները նաև խնդիր ունեին իրենց դրոշի ներքո համախմբելու նվիրված աշխատողների ու մարտիկների աննկուն կադրերի, ստեղծելու բանվորագյուղացիական աշխատավոր զանգվածները՝ բուրժուազիայից անկախ գործող առանձին քաղաքական կազմակերպություն, որն ի վիճակի լիներ ապահովելու իր գոյությունը որպես անկախ մի կուսակցություն, պաշտպանելու աշխատավոր զանգվածների շահերը III Ինտերնացիոնալի դրոշով:

1920 թվականի սեպտեմբերին Բաքվում հրավիրվեց թուրքական կոմունիստական կազմակերպությունների I համագումարը, որը հռչակեց Թուրքիայի կոմունիստական կուսակցության ստեղ-

ծումը: Համագումարը քննարկեց և ընդունեց կուսակցության ծրագիրը և կանոնադրությունը, ընտրեց Կենտրոնական կոմիտե՝ Մուստաֆա Սուրհիի գլխավորությամբ, վերստուգիչ հանձնաժողով, քարտուղարություն, Կենտկոմի արտասահմանյան բյուրո՝ Կոմունիստական ինտերնացիոնալի հետ կապ պահպանելու համար: Կոմկուսի ծրագրում ձևակերպվեցին Թուրքիայի բանվոր դասակարգի, աշխատավոր մասսաների քաղաքական և սոցիալ-տնտեսական պայքարի խնդիրները:

Դեռ նախքան համագումար հրավիրելը և հատկապես դրանից հետո Թուրքիայի կոմկուսի ղեկավար խումբը Մուստաֆա Սուրհիի, Իզմայիլ Հաքքիի և ուրիշ ընկերների գլխավորությամբ եռանդուն գործունեություն էր ծավալել սոցիալիստական բուրժուազակությամբ թուրքերեն գրականություն հրատարակելու և տարածելու ուղղությամբ: Այդ խմբի ջանքերով թուրքերեն թարգմանվեցին և հրատարակվեցին Կ. Մարքսի և Ֆ. էնգելսի «Կոմունիստական կուսակցության մանիֆեստը», Լենինի «Թեղիսները բուրժուական դեմոկրատիայի և պրոլետարական դիկտատուրայի մասին», Վ. Ի. Լենինի կենսագրությունը, «Կոմունիզմի այբուբենը», «Ի՞նչ է բոլշևիզմը», «Բոլշևիկ կոմունիստների ծրագիրը», «Ի՞նչ է սովետական իշխանությունը», «Աշխատանքը և կապիտալը» գրքույկները, ՌԿ(բ)Կ ծրագիրը, թուրքական կոմունիստական կուսակցության ծրագիրը, ՌՍՖՍՀ սահմանադրությունը: Այդ հրատարակությունները, ինչպես նաև Բաքվում լույս տեսնող թուրք կոմունիստների օրգան «Յենի դունյա» շաբաթաթերթը տարածվում էին Թուրքիայում: Մուստաֆա Սուրհիի խումբն իր համախոհների միջոցով ղեկավարում էր կոմունիստական բջիջները Տրապիզոնում, Սամսունում, Անկարայում, Կոնյայում, Ադանայում, Ջմյունիայում: Կոմունիստական այդ բջիջներն ընդհատակյա աշխատանք էին տանում Անատոլիայում, որի մեջ ներգրավվում էին սովետական Ռուսաստանից վերադարձած թուրք նախկին ռազմագերիները:

Բանվոր դասակարգի կուսակցության առաջացումը, նրա ազդեցության ուժեղացումը լուրջ անհանգստություն և վախ առաջացրեց Թուրքիայի կառավարող շրջաններում: Քեմալականները սկսեցին ամեն տեսակ խոչընդոտներ հարուցել արտակարգ դրժվարին պայմաններում գործող կոմունիստական կուսակցության

¹ Ի. Վ. Ստալին, Երկեր, հ. 11, էջ 395:

² Мустафа Кемаль, Путь Новой Турции, т. I, с. 15.

առջև: Իշխանությունները ծայրահեղ կասկածամտությամբ էին վերաբերվում թուրք կոմունիստների ազդեցության տակ գրտնրվող Սովետական Ռուսաստանից վերադարձած նախկին ռազմագերիների նկատմամբ, նրանց պահում հսկողության տակ, հետապնդում, ձերբակալում:

Անլեգալ կոմունիստական կուսակցության աշխատանքը Թուրքիայում դեմ էր առնում նաև այլ կարգի մեծ դժվարությունների ու խոչընդոտների: Այսպես, նույնիսկ առավել արդյունաբերական շրջանների փոքրաթիվ թուրք բանվորների մեծ մասը, ինչպես և միլիոնավոր ծեծված ու խավար գյուղացիները չէին գիտակցում իրենց դասակարգային շահերը և չէին կարողանում ճիշտ կողմնորոշվել, թե քաղաքական որ ուժերն են իրենց շահերի արտահայտիչը: Բնագրաբար համակրանք տածելով դեպի կոմունիզմը, նրանք, սակայն, հեշտությամբ ընկնում էին ամեն տեսակ ինքնակոշների, երեսպաշտների, գառան մորթի հագած իսկական գայլերի ծուղակը¹:

Աշխատավորներին նորաստեղծ կոմունիստական կուսակցությունից կտրելու և կոմկուսի միասնությունը ջլատելու համար քեմալականները ուսպրեսիվ միջոցներից բացի դիմեցին նաև խորամանկ դիվային քայլի: Ներքին գործերի մինիստրության հատուկ շրջաբերականով և կառավարությանը մոտ կանգնած ու իրենց կոմունիստներ հայտարարած պանթուրքականների և պանիսլամականների խմբի ջանքերով 1920 թվականին Անկարայում ստեղծվեց կառավարական թուրքական «կոմունիստական կուսակցություն», այսինքն՝ կեղծ կոմունիստական կուսակցություն՝ ի հակակշիռ Թուրքիայի մարքսիստական-լենինյան կոմունիստական կուսակցության: Անկարայում իշխանությունների աջակցությամբ ստեղծվեց «կոմկուսի» Կենտրոնական կոմիտե, որի մեջ մտան կառավարության կողմից նախապես երաշխավորված անձինք: Պաշտոնական կոմկուսի գլուխ կանգնեցին կատաղի պանթուրքականներ, «Միություն և առաջադիմություն» նախկին կուսակցության ակտիվ գործիչ, համաշխարհային պատերազմի ժամանակ Թուրքիայի պարենավորման մինիստրի օգնական Կարա Ալի Էսհան բեգը, նախկին երիտթուր-

քեր Մահմուդ Էսադը, Յունուս Նադիր բեյը և ուրիշներ: Վերջինս նաև կեղծ կոմկուսի տպագիր օրգան «Յենի գուն» թերթի գլխավոր խմբագիրն էր² և տպարանի տնօրենը:

Ինչպիսի՞ հայացքներով էր առաջնորդվում պաշտոնական թուրքական կոմունիստական կուսակցությունը: Ահա թե ինչպիսի: Կուսակցության պաշտոնական փաստաթղթերից մեկում ասված էր. «Թուրք ժողովուրդը կրոնին նվիրված լինելու պատմական պատճառներով տվյալ պահին չի կարող ամբողջությամբ ընդունել կոմունիստական ծրագիրը. նրան պետք է այդ բանին մղել երկար ժամանակ ու համառորեն... Իսկ ներկա պահին կոմունիստական գաղափարների պրոպագանդան ոչ միայն վնասակար, այլև կործանարար է երկրի համար: Երբ գինվորն իմանա, որ չպետք է հայրենիք լինի, նա չի գնա պաշտպանելու այն. լսելով այն մասին, որ ազգերի միջև չպետք է թշնամանք լինի, նա չի գնա կովեյու հույների դեմ. լսելով հավասարության մասին՝ կղաղարի ղեկավարությանը հնազանդվելուց: Բացի այդ, մեր կուսակցական գործիչները ծանոթ չլինելով սովետական Ռուսաստանի պետական օրգանիզմին, ի վիճակի չեն լինի որևէ դրական բան ստեղծելու, միայն կքանդեն տնտեսական կյանքի հին հիմքերը և երկիրը կհասցնեն կործանման: Ամենից առաջ անհրաժեշտ է լավ ծանոթանալ սովետական Ռուսաստանի, նրա տնտեսական պլանների, իրավակարգի հետ... Ինչ վերաբերում է ներկա պահին, ապա երկրի շահերից ելնելով մենք պետք է հակադրենք բոլոր այն ագիտատորներին, պրոպագանդիստներին, որոնք հանդես են գալիս իրենց նախաձեռնությամբ, առանց մեր ղեկավար մարմինների գիտություն: Բուշևիզմն իրենց երկրում արմատավորել կարող են միայն իրենք՝ թուրքերը, ընդ որում բուշևիզմը երկրում կարմատավորվի վերևից»³:

Իր կոշերից մեկում պաշտոնական թուրքական կոմունիստական կուսակցությունը հանդիսավորապես հայտարարելով, թե «թուրքական կոմունիստական կազմակերպությունը Ալլահի օգ-

¹ Տե՛ս Միխ. Павлович (М. Вельтман), Революционная Турция, էջ 113, 114, 116:

² Տե՛ս Դ. С. Завриев, К новейшей истории Северо-Восточных вилаетов Турции, Тбилиси, 1947, էջ 130:

³ Միխ. Павлович, Революционная Турция, с. 111.

¹ Տե՛ս А. Ф. Миллер, Краткая история Турции, էջ 180:

² Տե՛ս Միխ. Павлович (М. Вельтман), Революционная Турция. Государственное издательство, Москва, 1921, էջ 110—111:

նությամբ վերջնականապես կարգավորված է», այնուհետև զարգացնում էր հետևյալ թեզերը. «Մենք մերժում ենք այն կարծիքը, ըստ որի մարդկային հասարակության մեջ կոմունիստական հիմունքներ հաստատելու համար անհրաժեշտ է դիմել արյունալի հեղափոխությունների և դրանց բնական ուղեկիցներին՝ շարաշահումների ու ծայրահեղությունների: Առանց բացառության ամբողջ մարդկության համար բարձր իդեալ իրականացնելու, երջանկություն, հանգստություն և երանություն ապահովելու համար չի կարելի դիմել այնպիսի միջոցների, որոնք արմատապես հակադրված են առաջադրված նպատակին: Այն հեղափոխությունները, որոնք ծագել են կոմունիզմ իրականացնող երկրներում, այդ երկրների սոցիալական կյանքի պայմանների ծնունդ են միայն» և չեն կարող կիրառվել ուրիշ երկրներում: Նույն փաստաթղթում կեղծ կոմկուսակցությունը ազդարարում էր, թե ինքը կողմնակից է խաղաղ հեղաշրջման, որն առաջադիմական երևույթ է, իսկ ինչ վերաբերում է հեղափոխությանը, ապա այն «ղեպի առաջադիմություն տանող ամենավերջին և արտակարգ միջոցն է»²:

Թուրքական կեղծ կոմունիստական կուսակցության գաղափարական ու քաղաքական սկզբունքները ցայտուն են արտահայտված նրա ծրագրում, որը պանթուրքական և պանիսլամական հայացքների յուրատեսակ խառնագումար է: Ծրագրի նախագիծը կազմել էր Ալի էսհան բեգը, որին «Յենի գուն» թերթն անվանում էր «Թուրքական Կարլ Մարքս»: «Ալի էսհան բեգը, — գրում էր թերթը, — Թուրքիայի պատմության հետ այն է արել, ինչ Կարլ Մարքսն արել է աշխարհի պատմության հետ: Այն նույն ակնոցները, որոնց միջոցով Մարքսը հետազոտել է աշխարհի պատմությունը, Ալի էսհան բեգը օգտագործեց Թուրքիայի պատմությունը հետազոտելու և ուսումնասիրելու համար: Հետազոտելով պատմությունը, Մարքսը ցույց տվեց մարդկության ապագան, Ալի էսհան բեգը ուսումնասիրելով օսմանյան պատմությունը, ջանաց բացահայտել Անատոլիայի ճակատագիրը և ապագան»: Թերթը նշում էր, որ Ալի էսհան բեգը «ներանցից չէ, որոնք հավատում են ամբողջ աշխարհում կոմունիզմի հաղթանա-

կին, թեև նա միաժամանակ վճռականապես չի պնդում հակառակը»:

Անկարայում քեմալականների կողմից ստեղծված կեղծ կոմունիստական կուսակցության իսկական բնույթն ըմբռնելու համար դիմենք «Յենի գուն» թերթում 1920 թվականի հոկտեմբերի 20-ին լույս տեսած «Կանաչ խնձոր» վերնագրով հոդվածին, որի հեղինակը Մահմուդ էսադն է: Այս «կոմունիստ»-երիտթուրքը գրում էր. «Մեր դժբախտ երկիրը, որն իր կուրծքը դեմ է տվել բազմապիսի արհավիրքների, այժմ երես առ երես կանգնած է ճյուղիսից եկող սարսափելի փոթորկի՝ բոլշևիզմի դեմ: Մեզանից ոմանց կարծիքին հակառակ ես միանգամայն կտրականապես եմ արտահայտվում կոմունիզմի ուսական ձևի, այսինքն՝ ուսական ազգային կոմունիզմի, ավելի ճիշտ՝ բոլշևիզմի դեմ»³: Նշելով, որ «Թուրքիան Ռուսաստան չէ և Թուրքերը ռուսներ չեն», հոդվածի հեղինակը պնդում էր, որ բոլշևիզմը զուտ ուսական երևույթ է և Թուրքիայի համար ոչ պիտանի⁴: «Մենք մեզանում չենք կարող պատվաստել բոլշևիզմը, որն առաջ է եկել Ռուսաստանի պայմանների և ուսական ազգի կարիքների թելադրանքով»⁵: Նա պնդում էր, որ Թուրքերը երբեք չպետք է հրաժարվեն ազգայնականությունից և ընկնեն կոմունիստական կոլեկտիվիզմի ծուղակը: «Որպեսզի կոլեկտիվիզմը օգտակար լինի, այն անպայմանորեն պետք է ձեռք բերի ազգային երանգ: Թուրքիզմը մշտապես պետք է ունենա ազգային իդեալ, ազգային ինքնագիտակցություն, ուստի բոլոր ծրագրերը պետք է ծառայեն այդ գաղափարի շահերին և ենթակա լինեն դրան: Անհրաժեշտ է ըստ ամենայնի և ինչպես պետք է ըմբռնել, որ արդի ժամանակաշրջանի կարևորագույն տնտեսական փաստը մրցակցությունն է և գոյության պայքարը»⁵:

Վերհիշենք Գեոքալփի «ոսկե» կամ «կարմիր խնձորը»՝ պանթուրքիզմի խորհրդանիշներից մեկը: Մահմուդ էսադի հոդվածի «Կանաչ խնձոր» վերտառությունը պատահական չէր: Թուրքական կեղծ կոմկուսի ղեկավարներն իրենց կուսակցությունն անվանում էին նաև «կանաչ խնձոր», որը հասունանալով անխու-

¹ Տե՛ս Միք. Պավլովիչ, Революционная Турция, էջ 111:

² Նույն տեղը, էջ 112:

¹ Мик. Павлович, Революционная Турция с. 113.

² Նույն տեղը, էջ 111:

³ Տե՛ս Նույն տեղը, էջ 111:

⁴ Նույն տեղը, էջ 115:

⁵ Նույն տեղը, էջ 116:

սափելիորեն դառնալու էր «կարմիր» կամ «ոսկե խնձոր»: Այլ խոսքով, կեղծ կոմկուսի քաղաքական իդեալը նույնպես պանթուրքիզմն էր: Այդ բանում համոզվելու համար նորից դիմենք Մահմուդ էսադի հոդվածին: «Կոմունիստ»-երիտթուրքը գրում էր. «Կոմունիզմը ոչ թե իդեալ, այլ միջոց է թուրքերի համար: Իսկ թուրքերի իդեալը թուրքական ազգի միավորումն է՝ ոսկե խնձորը: ...Ազգային միասնությունը միակ և ամենաթանկ բանն է մարդու համար: Եվ բոլշևիկները հակառակը չեն պնդում, ընդհանրապես, նրանք այդ ուղղության միանգամայն գիտակից կողմնակիցներ են: Այլ կերպ չէր էլ կարող լինել: Թուրքիոյը իսլամի հակառակորդ չէ, ինչպես որ, չգիտես ինչու, կարծում են ոմանք: Կա դարի անհրաժեշտությունն է, գիտականորեն հիմնավորված անհրաժեշտությունը: Թուրքերի միասնությունը պետք է գտնի ամբողջ պանիսլամական աշխարհի աջակցությունն ու հավանությունը: Եթե թուրքերի միասնության գաղափարը դատարկ երազանք լիներ, ապա ավելի վատ բախտի կարծանանար պանիսլամիզմը: ...Մենք ամբողջությամբ հակառակորդներ ենք քաղաքական և ազգային այն միասնության, որ մինչև այժմ գոյություն է ունեցել Եվրոպայում և հանգեցրել է իմպերիալիզմի: Մենք կամենում ենք թուրքերի սոցիալական և կուլտուրական միասնություն: ...Մենք ամբողջ թուրքական աշխարհի համար կամենում ենք լեզվի, գրականության և սլամության, դաստիարակության և կուլեկտիվ սիստեմների միասնություն: Անհրաժեշտ է հասնել այն բանին, որ երկրի վրա գոյություն ունենա կարմիր խնձորը: Մարդու և քաղաքացու իրավունքների ղեկարացիայի ազգային կողմը ու ազգային սկզբունքները XIX դարում առաջին պլան մղած իտալացի Մաձինիի արդարացի սկզբունքը կհաղթանակի XX դարում հետևյալ ձևով.— Մենք սպասում ենք, թե երբ կծագի արևը ոսկե լեռների հետևից, որը միակն է, որ կցրի այս մռայլ գիշերները:

Պատմությունը և կյանքը կրկնվում են»¹:

Այսպիսիք էին թուրքական պաշտոնական կեղծ կոմունիստական կուսակցության կողմից «կանաչ խնձոր» լողունգով առաջ քաշված ծրագրային գրույթները, այդ կուսակցության քաղաքական-գաղափարական հայացքները: Ինչպես տեսնում ենք, քեմալական կեղծ կոմունիստները խնդիր էին դրել կոմունիզ-

մի գաղափարն օգտագործել նախկին երիտթուրքական կուսակցության պանթուրքիզմի և պանիսլամիզմի հին իդեալները նոր պայմաններում իրականացնելու համար: Կոմունիզմի գաղափարները թուրքական կեղծ կոմունիստական կուսակցության ձեռքին քեմալականների իմպերիալիստական բաղձանքները քուղաբեկյու միջոց էին միայն, չնայած այդ կուսակցության պարազուխները ցուցադրական եռանդով «հարձակումներ էին գործում» եվրոպական իմպերիալիզմի վրա:

Թուրքական կեղծ կոմունիստական կուսակցության գաղափարական-քաղաքական սկզբունքները բացահայտելու նպատակով մենք ստիպված եղանք ծանրանալու խնդրի վրա, անելու նաև երկարաշունչ մեջբերումներ: Դա, հավանաբար, ավելորդ չէ, մանավանդ եթե նկատի ունենանք, որ այդ կուսակցությունը, ինչպես կտեսնենք ստորև, շարադետ դեր կատարեց 1920 թվականի թուրք-հայկական պատերազմական ընդհարման ժամանակ:

Կեղծ կոմկուսի միջոցով քեմալականները քայքայում էին Թուրքիայի նորաստեղծ մարքս-լենինյան կոմունիստական կուսակցության բջիջները, հետապնդում դրանցում գրանցված անձանց, զրպարտում Մուստաֆա Սուբհիին և նրա զինակիցներին, ամեն ինչ անում, որպեսզի աշխատավոր մասսաների մոտ վարկաբեկեն բոլշևիզմի գաղափարները, բանվորական շարժումը դուրս բերեն այդ գաղափարների ազդեցությունից, շարժումը լիովին ենթարկեն իրենց վերահսկողությանը:

Ընդհանուր գծերով այսպիսին էր իշխանության գլուխ անցած թուրքական առևտրական բուրժուազիայի և նրա շահերի արտահայտիչ քեմալականության ներքին քաղաքականությունը:

Քեմալականներն ճնշեց սկզբից կրոնական գունավորում տվեցին թուրք ժողովրդի ազգային-ազատագրական շարժմանը, վերականգնացրին ու հովանավորեցին պանիսլամիզմը, այն դարձնելով իրենց պայքարի դրոշմ:

1919 թվականին մահմեդական աշխարհում սկսեց ծավալվել քեմալականությունը պաշտպանող լայն շարժում: Թուրքական էմիսարները շրջում էին մուսուլմանական երկրներում, ամենուրեք զրգոում կրոնական մոլեռանդություն: Այդ տեսակետից նրանք հատկապես մեծ հաջողության հասան Հնդկաստանում: 1919 թվականի սեպտեմբերին Լուկնովում գումարվեց Հնդկաստանի մուսուլմանների կոնգրես, որը համերաշխություն հայտ-

¹ Мих. Павлович, Революционная Турция, с. 116.

նեց քեմալականների պայքարին¹: Նույն թվականի նոյեմբերին Գեղիում տեղի ունեցավ մուսուլմանների համահնդկական նոր կոնգրես, որտեղ նախագահում էր Մ. Գանդին²՝ իբրև Հնդկաստանի մուսուլմանների հետ ինդուսների համերաշխության արտահայտություն³: Երրորդ կոնգրեսը գումարվեց մեկ ամիս հետո՝ 1919 թվականի դեկտեմբերին, Ամրիտսարում: Այստեղ ազդարարվեց, որ մահադական Հնդկաստանը պայքարելու է «իր հավատքի և իր կրոնական ազատության նկատմամբ հարգանք տաժելու համար»⁴:

Ամրիտսարի կոնգրեսի որոշման համաձայն Հնդկաստանի մուսուլմանական առաջնորդներ Մուհամմեդ Ալու, Միջուզ Խոսսանի, Սաիդ Սուլեյման Նադվինի և Աբդուլ Քասեմի զխավորությունամբ պատվիրակություններ կազմվեցին, որոնք 1920 թվականի Դուելարին մեկնեցին եվրոպական մայրաքաղաքներ՝ Հռոմ, Փարիզ, Լոնդոն, ինչպես նաև Ամերիկա և Թուրքիա: Այդ պատվիրակությունները վեց ամիս շարունակ Արևմուտքի երկրների կառավարությունների հետ բանակցություններ էին վարում, որպեսզի նրանց համոզեն կանգնելու մուսուլմանական աշխարհին բավարարող դիրքերի վրա, այսինքն՝ պաշտպանելու խալիֆաթը և Թուրքիան⁵:

Թուրքական ազգային շարժման պաշտպանության համար մեծ ջանքեր էին գործադրում նաև Սովետական Թուրքեստանում տարագրության մեջ գտնվող հնդկական մուսուլմանական գործիչները Բարակատուլայի, Աշարիայի և Աբդուր Ռաբի գլխավորությամբ⁶: 1919—1920 թվականներին Հնդկաստանից Աֆղանստան էին եկել մեծ թվով ազգայնականորեն տրամադրված մուսուլման երիտասարդներ (մուհաջիրներ)՝ հավատի մարտիկներ⁶: Սրանք նպատակ էին դրել անցնել Թուրքիա և մասնակ-

ցել միլիտական շարժմանը՝ սուլթան-խալիֆի առանձնաշնորհումները պահպանելու լողունգով: Աֆղանստանում հավաքված այդ խալիֆաթականներին ակտիվորեն աջակցում էր աֆղանական էմիրը: Մուհաջիրներին ուղղված նրա ուղերձը, որտեղ կոչ էր արվում անհապաղ օգնության հասնել Թուրքիային, պարտադիր ընթերցվում էր մուսուլմանական երիտասարդների միտինգներում և ժողովներում: Սակայն հանդիպելով մեծ դժվարությունների, մուհաջիրների մեծ մասը վերադարձավ Հնդկաստան և միայն փոքր մասին հաջողվեց տարրեր ճանապարհներով թափանցել Միջին Ասիա: 1920 թվականի ընթացքում աֆղանստանական սահմանն անցավ մուհաջիրների երեք խումբ՝ ընդհանուր թվով մոտ 200 հոգի: Նրանց կեսը շուտով վերադարձավ Հնդկաստան, 30 հոգի մնաց Տաշքենդում, որոնց միավորելով՝ Աշարիան և Աբդուր Ռաբին հիմք դրեցին Հնդկական հեղափոխական ասոցիացիայի Տաշքենդի բաժանմունքին: Մյուսները մեկնեցին Թուրքիա՝ օգնության հասնելով քեմալականներին⁷:

Քեմալականների դրդմամբ պանիսլամականները մուսուլմանական հավատքի պաշտպանության համար բողոք էին բարձրացրել նաև Եգիպտոսում, Պարսկաստանում, Աֆղանստանում, Կովկասյան հանրապետություններում, Միջին Ասիայում: Թուրքիայի պաշտպանության օգտին պանիսլամական բողոքի ձայներ էին լսվում նույնիսկ հյուսիսաֆրիկյան գաղութներից:

Քեմալականների արտաքին քաղաքականությունը նույնքան ռեակցիոն էր, որքան ներքինը: Այն ըստ էության երիտթուրքերի արտաքին քաղաքականության մի տարբերակն էր, խորսխված թուրքական իմպերիալիզմին բնորոշ երկու ռեակցիոն գաղափարախոսությունների՝ կրոնական պանիսլամիզմի և քաղաքական պանթուրքիզմի յուրահատուկ զուգակցման վրա:

Արտաքին քաղաքականության բնագավառում այլևս հնարավոր չէր փարվել Գերմանիային, բախտը կապել նրա հետ: Գեպի Գերմանիա միակողմանի կողմնորոշումն իրեն չէր արդարացրել: Ուստի իթթիհադականների գերմանափրությունը հաջորդեց

¹ Տե՛ս Ջ. Կայզեր, *Европа и новая Турция*, էջ 47:
² Տե՛ս Դ. Смирнов и А. Сулейман, *Индия. В книге «Очерки по истории Востока в эпоху империализма», ОГИЗ Соцжгиз, М.—Л., 1934, էջ 197:*
³ Ջ. Կայզեր, *Европа и новая Турция*, с. 47.
⁴ Տե՛ս նույն տեղը:
⁵ Տե՛ս Կ. А. Антонова, Г. М. Бонгард-Левин, Г. Г. Котовский, *История Индии, Краткий очерк, изд-во «Мысль», Москва, 1973, էջ 404:*
⁶ Զանազան աղբյուրների հաղորդմամբ այդ թիվը տատանվում է 30—50 հազարի միջև:

⁷ Տե՛ս Կ. А. Антонова, Г. М. Бонгард-Левин, Г. Г. Котовский, *История Индии. Краткий очерк, М., 1973, էջ 404:*
² Տե՛ս Ջ. Կայզեր, *Европа и новая Турция*, էջ 49:

միլիտականների պատեհապաշտությունը: Սրանց հաջողվեց իթ-թիհադի քաղաքական հնարանքներին միացնել Թուրքիայի ավանդական դիվանագիտությունը:

Եվ ահա Թուրքիան կարողացավ առավելագույն շահով օգտագործել այն հակասությունները, որոնք կային մի կողմից Սովետական Ռուսաստանի և Անտանտի երկրների, մյուս կողմից՝ հենց արևմտյան տերությունների միջև:

Պատերազմում Թուրքիայի պարտությունը բնավ չէր նշանակել թուրքական ազգայնամոլության պարտություն: Մնացել էր թուրք ցեղամոլությունը, պանթուրքական մտայնությունը, մնացել էին դինվորական և մտավորական կազմերը, ազգայնամոլ երիտասարդությունը:

Միլիտական շարժումն, անկասկած, թուրքերի ըմբոստացումն էր եռյակ համաձայնության՝ Թուրքիան անդամահատելու ծրագրի դեմ: Բայց միլիտականությունն իթթիհադականության լոկ կերպարանափոխումը չէր նոր անվան տակ: Այն իթթիհադականության ամենաշովինիստական տարրերի վերակազմությունն էր՝ նոր ծրագրով ու կարգախոսով: Միլիտականությունը օսմանցիությունից և իթթիհադից վերցրեց նրանց ծայրահեղ ցեղապաշտական կողմերը և ստեղծված նոր պայմաններում կարողացավ առավել ճարպկությունով ծառայեցնել թուրքերի զավթողական նպատակներին:

Սկզբնական շրջանում քեմալական շարժումը տարերային վիճակում էր, բայց 1919 թվականի կեսերից այն հանդես եկավ որպես կազմակերպված, իր քաղաքական ուժը խորապես գիտակցող շարժում՝ որոշակի ու ամբողջական ծրագրով: Իրենց զաղափարի մեջ ունենալով Օսմանյան կայսրության նախկին փառքի ու մեծության վերականգնման իթթիհադական, պանթուրքական ու պանթուրքական տենչերն ու ձգտումները, քեմալականները, սակայն, բոտ ամենայնի հաշվի էին առնում տիրող միջազգային քաղաքական դրությունը, նախորդ երիտթուրքական իշխանության սայթաքումները և դատերը: Ակամայից հաշտվելով տեղի ունեցած մի շարք անդարձ կորուստների հետ, մյուս կողմից քեմալական շարժումն ամեն զնով ձգտում էր փրկել այն, ինչ դեռ հնարավոր էր փրկել:

Միջագետքը, Սիրիան, Պաղեստինը, Արարիան և մասամբ նաև Թրակիան արդեն կորած էին Թուրքիայի համար: Օրվա խնդիրն էր՝ դեռ աննվաճ հողամասերից ստեղծել միատարր,

ուժեղ և միակամ ազգային ամբողջություն: Այդ նպատակին հասնելու համար ազգային շարժումը ձգտում էր. 1) վերադարձնել Հունաստանի տիրապետության տակ գտնվող փոքրասիական թերակղզու ամբողջ արևմտյան մասը՝ Իզմիրի հետ միասին, 2) վերագրավել Պոլիսն ու նեղուցները գաշնակից գործերից, 3) մի նեղ հողաշերտ ձեռք բերել Եվրոպական Թուրքիայում՝ Պոլսի անվտանգությունն ապահովելու համար, 4) լիակատար անկախություն ստացած ազգային սահմաններում գտնու առնել բոլոր ազգային փոքրամասնությունների շահերն ու պահանջները և ստեղծել «նոր Թուրքիա» թուրքերի համար:

Քեմալական շարժման մեջ առաջ էին եկել երկու հոսանքներ՝ «արևմտականների» և «արևելյանների», որոնք միմյանց հետ բուռն բախումների մեջ էին: «Արևմտականները» գտնում էին, որ Թուրքիան կարող է փրկվել արևմտյան տերությունների հետ համաձայնության գալու միջոցով միայն, որ բոլորովն երկիրը կարելի է վերականգնել Արևմտաքի տնտեսական իրենապակաս օգնությամբ, որ Պոլիսն ու նեղուցները կարելի է փրկել բանակցությունների միջոցով, հակառակ դեպքում պետք է ձեռք բաշել Եվրոպական Թուրքիայից: Առարկելով «արևմտականների» և շրնդունելով նրանց փաստարկումները, «արևելյանները» գտնում էին, որ Արևմուտքը միշտ շարք է եղել Թուրքերի համար, ուստի այժմ էլ նրանից փրկություն սպասելու ոչ մի հիմք չկա: Նրանք գտնում էին, որ հենվելով Պարսկաստանի, Աֆղանստանի, արաբների, նիդիկների և, հատկապես, Ռուսաստանի մահազակականության վրա, անհրաժեշտ է անդիջում կոծի մղել Պոլսի ու արևմտյան ուժերի դեմ՝ ազգային շահերի պաշտպանության համար:

Ինչպես հարցնի է, միլիտական շարժման մեջ լիակատար հաղթանակ տարավ այս վերջին գիծը:

Երիտթուրքերի շարժարարական քաղաքականությունը քեմալականներն անշեղորեն շարունակեցին հատկապես հաջողությամբ նկատմամբ: Հայկական շարժում Քեմալը ամբողջովին հարազատ մնաց իր երիտթուրքական անցյալին, դեպի հաջողությունը Թուրք շովինիստների վրիճառական ընթացքին:

Թուրքական քաղաքական դորժիչներից շատերն իրենք ստատովանում էին, որ Թուրքիան ավելի նշտությունը ամենակերպից արաբական ոչ շարժաբի կորստյան հետ, քան այն մտքի հետ, թե իր արևելյան սահմաններն անջատվելու են և ստեղծվելու է

միացյալ ու անկախ Հայաստան: Սուրբերը չէին կարողանում հանդուրժել, որ թուրանականության երազի իրականացման ճանապարհին կանգնելու է Հայաստանը: Ամեն գնով արգելել կովկասյան Հայաստանի ամրապնդմանը, Արևմտյան Հայաստանից տերիտորիալ ոչ մի զիջում չանել հայությանը, ավելին, շարունակել ջանքերը հայ ժողովրդին ասպարեզից վերջնականապես վերացնելու համար,— այս էր գրված միլիականության քաղաքականության դրոշին:

Դեռ նոր էր սկսվել միլիական շարժումը (1919 թ. գարուն), երբ նրա ղեկավարներն ազդարարեցին, թե «Արևելյան Անատոլիայի բնակչությունը պատրաստ է մինչև մահ դիմադրելու հայ պետությանը»: Այդ նույն ժամանակ կազմակերպված «Մյուզաֆաայը միլիթեն» («Ազգային պաշտպանությունը») իր գոյության հիմնական նպատակը համարեց՝ ամեն գնով արգելակել «արևելյան նահանգների կցումը Հայաստանին»: Արտաքին-քաղաքական իրենց նպատակները քեմալականներն ի լուր ամենքի հռչակեցին և պաշտոնապես ձևակերպեցին ծրագրային փաստաթղթերի մեջ:

1919 թվականի հուլիսի 10-ից օգոստոսի 6-ը էրզրումում տեղի ունեցավ քեմալականների հայտնի կոնգրեսը, որտեղ նրանք պաշտոնապես ձևակերպեցին իրենց անզիջում հակահայկական քաղաքականությունը: Կոնգրեսի փաստաթղթերի ուսումնասիրումը բերում է այն համոզման, որ քեմալականներին իմպերիալիստական տերությունների դեմ պայքարից ոչ պակաս մտահոգում էր «հայերի շար մտադրությունների և բռնությունների» դեմ պայքարի խնդիրը, այսինքն՝ պայքարը հայության արդարացի պահանջների դեմ:

Թե քեմալականները որքան կարևորություն էին տալիս իրենց շարժման այս կողմին, երևում է թեկուզ նրանից, որ կոնգրեսի որոշման հենց առաջին կետում վճռականորեն դրվում էր Անատոլիայի վեց վիլայեթները, այսինքն՝ Արևմտյան Հայաստանը Թուրքիայի կազմի մեջ պահելու խնդիրը: Այդ վիլայեթներում «հայկական համայնքի ստեղծման» արգելումը Թուրքերի համար հռչակվեց իբրև սրբազան գործ²:

¹ Զարեվանդ, Ինչ կծրագրեն Թուրքերը՝ միացյալ անկախ Թուրանիա, էջ 163:

² Տե՛ս «Հայաստանը միջազգային դիվանագիտության և սովետական արտաքին քաղաքականության փաստաթղթերում», էջ 47:

Եթե մյուս խնդիրներում քեմալականները, որպես աստառը շուտ տված երիտթուրքեր, քողարկում էին իրենց գործողությունները, ապա հայ ժողովրդի նկատմամբ ունեցած վերաբերմունքում նրանք դրա կարիքը չէին զգում:

Երիտթուրքերի մի քանի ղեկավարների ցուցադրական դատավարությունից հետո Քեմալը բանտերից ազատ արձակեց հայ ժողովրդի բոլոր դահիճներին: Ավելին, նա Թուրքիա հրավիրեց արտասահմանյան տարրեր երկրներում ապաստանած երիտթուրքական համարյա բոլոր նշանավոր գործիչներին, որոնք մեղսակից էին հայության բնաջնջմանը:

Թուրքիայի ոչ թուրք ժողովուրդների նկատմամբ շովինիստական դիրք բռնեց նաև քեմալականների հաջորդ կոնգրեսը, որը տեղի ունեցավ 1919 թվականի սեպտեմբերի 4—11-ը՝ Սըվազում: Այս կոնգրեսի ընդունած որոշումները թույլ չէին տալիս կասկածել անգամ, որ պայքար մղելով անկախության համար, քեմալականները, սակայն, հարազատ են մնալու երկրի ոչ թուրք ժողովուրդների նկատմամբ երիտթուրքերի մարդատյաց քաղաքականությանը: Այս կոնգրեսը նույնպես անցավ հայ ժողովրդի դեմ անզիջում պայքարը շարունակելու լողունգով: Հատուկ ընդունված որոշման մեջ քեմալականները ազդարարում էին, որ իրենք վճռական կռիվ են մղելու ամեն մի շարժման դեմ, որն իր առջև նպատակ կղնի ստեղծել անկախ Հայաստան:

Այս կոնգրեսում հիմք դրվեց նաև Թուրք-ադրբեջանական գաղտնի դաշինքին, որը կնքվեց մեկ ամիս հետո՝ 1919 թվականի հոկտեմբերին, Պոլսում: Դաշնագիրը ստորագրեցին Ադրբեջանի պատվիրակ Քերիմովը և Քեմալի ներկայացուցիչ Զևադ բեյը: Այս դաշնագրով Թուրքերն ու ադրբեջանական ազգայնականները պարտավորվում էին. 1. Ամեն գնով օգնել միմյանց պահպանելու համար և՛ Թուրքիայի, և՛ Ադրբեջանի հողային ամբողջականությունը. 2. Ադրբեջանը հանձն էր առնում առանց Թուրքիայի հավանության դաշինք կամ համաձայնություն չկնքել որևէ երկրի հետ: 3. Թուրքիան պարտավորվում էր ադրբեջանական բանակը մարզել Թուրք սպանների միջոցով:

Սըվազի համաժողովում որոշում ընդունվեց նաև Վրաստանի մասին: Թուրք և ադրբեջանցի պատվիրակներն այն եզրակացությունն եկան, որ ամեն ինչ պետք է անել, որպեսզի ձախողվի հայ-վրացական հնարավոր մերձեցումը: Պատահական չէ, որ

համաժողովից անմիջապես հետո թուրքերը բանակցություններ սկսեցին թիֆլիսի հետ:

Մուստաֆա Քեմալը 1919 թվականի նոյեմբերի 17-ի հեռագրում գրում էր. «Ինչպես հետևում է Սրվազի և էրզրումի կոնգրեսների որոշումներից, ազգը մի թիվ հող անգամ չի գիշի Հայաստանին...»: Խոսքը Կարսի, Արդահանի, Սարիղամիշի, այսինքն՝ Ռուսաստանի նախկին տերիտորիաների մասին էր, որ 1918 թվականին դավթեի էին թուրքական զորքերը, իսկ համաշխարհային պատերազմում թուրքիայի կրած պարտությունից հետո, իբրև բուն հայկական հողեր, անցել էին Հայաստանի հանրապետությանը:

1920 թվականի սկզբին Մուստաֆա Քեմալի գլխավորած ներկայացուցչական կոմիտեի նիստում ընդունվեց հետևյալ որոշումը. «Արևելյան ռազմաճակատում անցկացնել պաշտոնական զորահավաք և սկսել զորքերի կենտրոնացումը՝ Կովկասյան խոչընդոտը թիկունքից վերացնելու համար»²:

1920 թվականի հունվարին Կ. Պոլսում գումարվեց համաթուրքական պառլամենտ՝ Թուրքիայի ազգային ժողովը: Այստեղ քեմալականները մեծամասնություն կազմելով, առաջարկեցին մի բանաձև, որն ընդունվեց որպես օրենք՝ «Թուրքական ազգային ուխտ» անվամբ: Քաղաքական այդ դավանանքի հիմքում դրվեցին ծրագրային այն դրույթները, որոնք ընդունվել էին էրզրումի և Սրվազի կոնգրեսներում: «Ուխտի» մեջ իբր մարմնավորումն էր գտել նաև ոչ թուրք ժողովուրդների նկատմամբ մեծապետական, շովինիստական քաղաքականությունը: Ազդարարելով թուրք ժողովրդի ազգային անկախությունը, այդ օրենքը միաժամանակ կտրականապես մերժում էր Թուրքիայում բնակվող այլազգի ժողովուրդների իրավունքները, հատկապես նրանց ազգային ինքնորոշման իրավունքը:

Բրիտանական զորքերի կողմից օկուպացված Ստամբուլում 1920-ի ապրիլին շեյխու-ուլ-իսլամը Մուստաֆա Քեմալին և ազգային-պատագրական շարժումը հայտարարեց օրենքից դուրս: Սուլթան Մեհմեդ VI-ը հավաքեց զորք, որը հուլյանի հետ միասին պետք է ջախջախեր Անատոլիայի ապստամբներին: Դրան ի պատասխան հավաքվելով Անկարայի Հաշի Բայ-

րամ մեշեդում, քեմալականները կոչով դիմեցին բոլոր մուսուլմաններին՝ գրավել Ստամբուլը և «խալիֆին ազատագրել գերությունից»:

1920 թվականի ապրիլի 23-ին Անկարայում բացվեց թուրքական նոր պառլամենտ (մեջլիսը), որը ստացավ Թուրքիայի Ազգային մեծ ժողով (Türkiye Büyük Millet Meclisi) անունը: Մեջլիսի կազմը խիստ ունակցիոն էր: Այնտեղ բացառապես ընտրված էին բուրժուական վերնախավերի, մուսուլմանական հոգևորականության և սպայության ներկայացուցիչներ: Ազգային ժողովը իշխանությունը տվեց թուրքական առևտրաարդյունաբերական բուրժուազիային, Վ. Ի. Լենինի արտահայտությամբ՝ թուրքական կադետներին: Ստեղծվեց թուրքական ազգային պետություն, ընտրվեց նոր կառավարություն, որի գլուխ կանգնեց Մուստաֆա Քեմալ փաշան (1934 թվականից ընդունել է Աթաթուրք՝ թուրքերի հայր, ազգանունը): Քեմալի կաբինետի անդամների մեծ մասը նախկին երիտթուրքեր էին, ունակցիոններն և շովինիստները: Բնական է, որ Թուրքիայի Ազգային մեծ ժողովը և քեմալական կառավարությունն իրենց դասակարգային բնույթին համապատասխան պետք է անցկացնեին և անցկացրին հակաժողովրդական քաղաքականություն:

Կովկասում զավթողական քաղաքականությունը հաջողությամբ իրականացնելու համար, հաշվի առնելով Քյադիմ Կարաբեքիր փաշայի կատաղի պանթուրքական հայացքները և ժառանգությունները, մասնավորապես 1914—1918 թվականների պատերազմում հայերի նկատմամբ կիրառած գազանային հաշվեհարդարները, Մուստաֆա Քեմալը նրան նշանակեց Արևելյան բանակի հրամանատար: 1920 թվականի ապրիլին Կարաբեքիրը տեղ հասնելուն պես հեռագրեց Անկարա, Քեմալին. «Մոտակա օրերին ես կկարողանամ տեղեկացնել այն մասին, որ Հայաստանը չնջված է աշխարհի քարտեզից»¹:

Թուրքական զավթիչները գործում էին մեծ զգուշությամբ: Նրանք մտավախություն ունեին, որ թուրք-հայկական ռազմական ընդհարման ժամանակ Սովետական Ռուսաստանի կառավարությունը հաղիվ թե մնա անտարբեր դիտողի դերում: Ու-

¹ Мустафа Кемаль, Путь новой Турции, т. III, с. 313.

² Նույն տեղը:

¹ Gemal Kytay, Karabekir Ermanistanı nasıl yok etti ? («Ինչպես Կարաբեքիրը ոչնչացրեց Հայաստանը»), İstanbul, 1936, s. 36.

տի ջանքում էին ցույց տալ սովետների նկատմամբ իրենց դրական վերաբերմունքը:

1920 թվականի ապրիլի 26-ին Թուրքիայի Ազգային մեծ ժողովն ընդունեց իր առաջին արտաքին-քաղաքական ակտը՝ Վ. Ի. Լենինին ուղղված նամակ-դիմում, որտեղ ասվում էր, որ Թուրքիան ցանկանում է սովետական երկրի հետ լինել բարի դրացի և հաստատել դիվանագիտական հարաբերություններ: Ազգային ժողովը նաև խնդրում էր Թուրքիային ցույց տալ դրամական և ռազմական օգնություն: Այդ փաստաթուղթը Մուստաֆա Քեմալի ստորագրությամբ ուղարկվեց ՌՍՖՍՀ կառավարությանը:

Սովետական պետությունը, հավատարիմ իր խաղաղասիրական քաղաքականությանը, հետևողականորեն հանդես էր գալիս բոլոր երկրների հետ խաղաղ գոյակցության լուրջ գոյություն, պատրաստակամություն էր հայտնում աջակցելու իմպերիալիզմի դեմ պայքարող ժողովուրդներին: Ընդառաջ գնալով Թուրքական ազգային շարժման ղեկավարների խնդրանքներին, ՌՍՖՍՀ կառավարությունը իմպերիալիստական զավթիչների դեմ մղվող պայքարում օգնության ձեռք մեկնեց Թուրք ժողովրդին, հրաժարվեց Թուրքիայի հետ ցարական կառավարության կնքած անիրավահավասար բոլոր պայմանագրերից:

Սովետական Ռուսաստանի և Թուրքիայի մերձեցմանը նպաստեց այն, որ երկուսն էլ պայքարում էին Արևմուտքի իմպերիալիստական տերությունների դեմ: Թուրքիան իր ինքնուրույնությունը պաշտպանելու համար կարիք ուներ դաշնակցի, իսկ Սովետական Ռուսաստանը շահագրգռված էր, որ այդ երկիրը չներգրավվի հակասովետական բլոկների մեջ:

Ողջունելով Սովետական Ռուսաստանի հետ բարիդրացիական հարաբերություններ հաստատելու համար «Նոր Թուրքիայի» կառավարողների հանդես բերած նախաձեռնությունը, ՌՍՖՍՀ կառավարությունը, սակայն, չէր կարող ընդունել Ազգային մեծ ժողովի ապրիլի 26-ի նամակում բովանդակած այն առաջարկները, որոնք բացահայտում էին Հայաստանի և Անդրկովկասի նկատմամբ Թուրքական ազգայնամոլների զավթողական նկրտումները: Նամակի երկրորդ կետում ասված էր.

«Եթե սովետական ուժերը մտադիր են ռազմական գործություններ սկսել Վրաստանի դեմ կամ դիվանագիտական

ճանապարհով իր ազդեցության միջոցով Վրաստանին հարկադրել մտնել միություն մեջ և ձեռնարկել անգլիացիների արտաքսումը Կովկասի տերիտորիայից, Թուրքական կառավարությունն իր վրա է վերցնում ռազմական գործողությունները իմպերիալիստական Հայաստանի դեմ...»:

Չնայած այն բանին, որ դաշնակցականների հանցավոր, անհեռատես քաղաքականության հետևանքով Հայաստանը կտրվել էր Սովետական Ռուսաստանից, սովետական կառավարությունը կտրականապես հանդես եկավ ի պաշտպանություն Հայաստանի՝ որպես Թուրքիայի կողմից նախապատրաստվող ագրեսիայի դեմ:

1920 թվականի գարնանը Սովետական Ռուսաստանի կառավարությունը դիմեց Հայաստանի դաշնակցական կառավարությանը՝ բանակցություններ սկսելու և երկու երկրների միջև բարիդրացիական հարաբերություններ հաստատելու համար: Բայց դաշնակցները այլազան պատրվակներով հետաձգում էին իրենց պատասխանը սովետական կառավարությանը: Վերջապես, 1920 թվականի ապրիլի 29-ին Մոսկվա մեկնեց դաշնակցական կառավարության պատվիրակությունը՝ Լ. Շանթի գլխավորությամբ: Պատվիրակությունը տեղ հասավ մեծ ուշացումով՝ մայիսի վերջին, բայց դրանից հետո էլ չէր շտապում բանակցություններ սկսելու: Այնուամենայնիվ հունիսին սովետական կողմին (ՌՍՖՍՀ արտաքին գործերի ժողովրդական կոմիսար Գ. Վ. Չիչերին և նրա տեղակալ Լ. Մ. Կարախան) հաջողվեց բանակցություններ սկսել և շարադրել սովետական կառավարության դիրքը Հայաստանի նկատմամբ: ՌՍՖՍՀ կառավարությունը ճանաչում էր Հայաստանի անկախությունը, խոստանում տնտեսական լուրջ օգնություն ցույց տալ նրան, առաջարկում նաև իր միջնորդությունը Թուրքիայի հետ Հայաստանի տերիտորիալ-հողային հարցերը արդարացիորեն լուծելու համար: «Բոլորը գիտեն, — ասում էր Գ. Վ. Չիչերինը, — որ Սովետական Ռուսաստանն ամեն մի փոքր ազգության անշահախնդիր բարեկամն է, որ միայն Սովետական Ռուսաստանում ամեն մի ազգություն կարող է պաշտպանություն և հովանավորություն գտնել ընդդեմ հարձակման, ընդդեմ իր ազգային գոյության սպառնալիքի: Եվ նույն դերը

«Архив внешней политики (АВП) СССР», ф. 132, оп. 3, п. 2, д. 1, л. 11.

մենք կխաղանք Հայաստանի և Թուրքիայի միջև ձևեց այնտեղ, որտեղ սերունդների կյանքի ընթացքում տեղի է ունեցել մըշտական կոտորած, ձևեց այնտեղ միայն Սովետական Ռուսաստանը շնորհիվ իր հեղինակության, շնորհիվ ժողովրդական մասսաների վրա ունեցած իր ազդեցության, միայն նա է ի վիճակի այս և մյուս կողմին հետ պահելու ազգային կոտորածից, մյուս ազգին կոտորելու ձգտումից»¹։

Սովետական կառավարությունը գտնում էր, որ Հայաստանի սահմանները պետք է իրենց մեջ ներառեն նաև Վանի, էրզրումի, Տրապիզոնի վիլայեթները։ Չիչերինը և Կարախանը դաշնակցական պատվիրակներին հասկացնել էին տալիս, որ Հայաստանի գործերը լավ կգնան, եթե Հայաստանի հանրապետության կառավարությունը հրաժարվի Սևրի խորհրդածոդովի հետ կապած ակնկալություններից, խզվի արևմտյան «դաշնակիցներից» և տերիտորիաների հարցի լուծումը հանձնի սովետական կառավարության իրավասությանը։ Սակայն Շանթի պատվիրակությունը, նախապես ունենալով արևմտյան իմպերիալիստական տերությունների հետ ամուր կապված իր հանցագործ կառավարության ցուցումները, ըստ էության վիճեցրեց բանակցությունները, անգամ չցանկանալով լսել արևմտյան տերություններից կտրվելու, դեպի արևմուտք ունեցած քաղաքական կողմնորոշումից հրաժարվելու մասին։

Նման պայմաններում էր, որ սովետական կառավարությունը 1920 թվականի հունիսին ղեկավանադիտական բանակցություններ էր սկսել Մոսկվա ժամանած թուրքական պատվիրակության հետ։ Բանակցությունները վարում էին սովետական կողմից Գ. Վ. Չիչերինը և Լ. Մ. Կարախանը, թուրքական կողմից՝ գեներալ Խալիլ փաշան։

Չնայած սովետական Ռուսաստանի նկատմամբ Հայաստանի դաշնակցական կառավարության բացահայտ թշնամական վերաբերմունքին, այնուամենայնիվ սովետական պատվիրակությունը բանակցությունների հունիսի 3-ի նիստում թուրքական կողմին տեղեկացրեց, որ ՌՍՖՍՀ կառավարությունը կտրականապես ղեմ է Հայաստանի վրա ուղղված արշավանք սկսելու քեմալականների պլաններին։ «... Մենք միայն այն պայմանով

ենք բարեկամական հարաբերությունների մեջ մտնում Թուրքիայի հետ, — նշում էր Գ. Վ. Չիչերինը, — որ Թուրքիայի և հարևան ժողովուրդների միջև, ինչպես, ասենք, հայ ժողովրդի, հաստատվի փոխսահմանադատում, դադարեցվի փոխադարձ կոտորածը։ Այնտեղ մենք նույնպես հանդիսանում ենք խաղաղարարներ, և Թուրքիան, ինչպես և Հայաստանը, արդեն համաձայնում է այն բանին, որպեսզի մենք դառնանք միջնորդներ, որպեսզի մեր ազդեցությամբ վերացվեն մինչև այժմ սնկրանելի այն հակասությունները թուրք և հայ ժողովուրդների միջև, որոնք այնքան երկար ժամանակ թունավորում էին նրանց գոյությունը»²։

Այն ժամանակ, երբ լարված կերպով նախապատրաստվում էր Կարաբեքիր փաշայի գործերի հարձակումը Հայաստանի վրա, Մոսկվայում գտնվող Խալիլ փաշան Գ. Վ. Չիչերինի և Լ. Մ. Կարախանի հետ վարած ղեկավանադիտական բանակցություններից հետո 1920 թվականի հունիսի 4-ին Մոստաֆա Քեմալին հաղորդեց. «Մեզ տեղեկացրին, որ անհրաժեշտ է հրաժարվել Հայաստանի ղեմ ուղղված գործողություններից»³։

Բանակցություններն ավարտելուց հետո սովետական կառավարությունը նպատակահարմար գտավ Հայաստանի հանրապետության կառավարությանը տեղյակ պահելու, թե այնտեղ Հայաստանին վերաբերող ինչպիսի հարցեր են քննարկվել և ինչպիսի դիրքորոշում են ունեցել կողմերը։ Հայաստանի հանրապետության արտաքին գործերի մինիստրին հղած Գ. Վ. Չիչերինի 1920 թվականի հունիսի 19-ի հեռագրում ուղղակի ասված էր. «Բացառապես սովետական կառավարության խաղաղասիրական ձգտումների ազդեցության ներքո թուրք նացիոնալիստները դադարեցրին իրենց սկսած զորահավաքը, որի նպատակն էր նոր հարձակներ հասցնել հայ ժողովրդին»⁴։

Գեմ առնելով Սովետական Ռուսաստանի ամուր, դիրքորոշմանը Քեմալ Աթաթուրքը սովետական կառավարությանն ուղղած 1920 թվականի հունիսի 20-ի իր նամակում գրում էր.

1. Г. В. Чичерин, Статьи и речи по вопросам международной политики, Соцэкгиз, Москва, 1961, с. 167.

2. Karabekir Kizim Istiklal harbinin (Լիբր պատերազմը հանուն անկախության), Istanbul, 1980, s. 79-800.

3. 2002 ԿՊՊԻ, № 276, ց. 1, գ. 219, թ. 261.

1. Г. В. Чичерин, Статьи и речи по вопросам международной политики, Соцэкгиз, Москва, 1961, с. 167.

«... կառավարությունն ընդունում է Ռուսական Սովետական Հանրապետության միջնորդությունը և հետաձգում է ռազմական գործողությունները Կարսի, Արդահանի և Բաթումի շրջանում»¹։

Ստանալով Մուստաֆա Քեմալի հավաստիացումները, սովետական կառավարությունը պատրաստակամություն հայտնեց Թուրքիային ռազմական և այլ օգնություն ցույց տալու մասին։ Սովետական երիտասարդ երկիրը ծանր օրեր էր ապրում, բայց Վ. Ի. Լենինի առաջարկությամբ 1920 և 1921 թվականներին, ինչպես նաև հետագա տարիներին քեմալականներին անհատույց տրամադրվեց մեծ քանակությամբ սպառազինություն ու զինամթերք, ինչպես նաև դրամ²։ Սովետական կառավարությունը քեմալականներին զենք էր տալիս այն պայմանով, որ նրանք այդ զենքն ուղղեն միայն Թուրքիա մտած հունական գործերի և նրանց թիկունքում կանգնած իմպերիալիստական ուժերի դեմ։ Բայց սովետական կառավարական շրջաններում այնուամենայնիվ մնում էր այն մտավախությունը, որ քեմալականները կարող են դրժել իրենց խոստումը և հարձակվել Հայաստանի վրա։

Հայ ժողովրդին նոր արյունահեղությունից փրկելը մնում էր հեղափոխական Ռուսաստանի կառավարության լուրջ մտահոգություններից մեկը։ Ահա թե ինչու Մոսկվայում Լ. Շանթի պատվիրակության հետ բանակցությունների ձախողումից հետո էլ ՌՍՖՍՀ կառավարությունը ամեն ինչ անում էր Հայաստանի կառավարության հետ նոր շփումներ հաստատելու համար։ Բանակցությունները Երևանում շարունակելու նպատակով 1920 թվականի հուլիսի վերջին Մոսկվայում կազմվեց պատվիրակություն ականավոր հեղափոխական և դիվանագետ Բ. Վ. Լեզրանի գլխավորությամբ։ Պատվիրակությունը ժամանեց Բաքու, այնտեղից Աղստաֆայի և Դիլիջանի վրայով Երևան գնալու համար։ Բայց դաշնակցական կառավարությունն անցանկալի համարեց Լեզրանի միսիայի ժամանումը Երևան։ Լեզրանը ստիպված էր անցնել Թիֆլիս, որտեղ էլ նախնական բանակցություններ սկսեց դաշնակցական կառավարության ներկայացուցիչների հետ, նրանց հանգամանորեն շարադրելով ՌՍՖՍՀ կառավարության

քաղաքականությունը Հայաստանի նկատմամբ։ Բանակցությունների ավարտին, 1920 թվականի օգոստոսի 10-ին, համաձայնագիր կնքվեց Սովետական Ռուսաստանի և Հայաստանի միջև³։ Բայց այս անգամ էլ դաշնակցական կառավարությունը երկդիմի խաղ էր վարում։ Նույն օրը, օգոստոսի 10-ին, նրա ներկայացուցիչ Ա. Ահարոնյանը Սերում իր ստորագրությունը դրեց նույնանուն պայմանագրի տակ, դրանով իսկ մի նոր օղակով իրեն կապելով արևմտյան տերությունների իմպերիալիստական քաղաքականությանը։

Ի գիտություն ընդունելով իր նկատմամբ դաշնակցական կառավարության նոր թշնամական քայլը, սովետական կառավարությունը, սակայն, շարունակում էր անդուլ ջանքեր թափել հայ ժողովրդի գլխին կախված վտանգը հեռացնելու համար։ Մասսաների ճնշման տակ դաշնակների կառավարությունը ստիպված էր իր կողմից նույնպես որոշ քայլեր անելու Սովետական Ռուսաստանի հետ դիվանագիտական նորմալ հարաբերությունների մեջ մտնելու համար։ ՌՍՖՍՀ կառավարությունը ելնում էր այն բանից, որ Հայաստանի ժողովրդական լայն մասսաները բռն ձգտում են դեպի հեղափոխական Ռուսաստան։ «Հայաստանում նույնպես բուրժուական կառավարություն է,— գրում էր Գ. Վ. Չիչերինը,— այնուամենայնիվ Հայաստանում ևս լայն գանգվածների ճնշումը հանգեցնում է այն բանին, որ կառավարությունը պատրաստ է ավելի շուտ մեզ հետ հաշտվելու, մեզ հետ բարեկամական հարաբերություններ հաստատելու, քան Անտանտի կառավարությունների»⁴։

Այն ժամանակ, երբ սովետական կառավարությունն ամեն կերպ ձգտում էր կարգավորել հայ-թուրքական հարաբերությունները, նույն ժամանակ Անտանտի պետություններն ամեն ինչ անում էին, որպեսզի պատերազմ հրահրեն Հայաստանի և Թուրքիայի միջև, որը նրանց հաշվարկներով անպայման պետք է վերածվեր սովետա-թուրքական մեծ պատերազմի։

Արևմտյան իմպերիալիստները մի բանում ճիշտ էին, այն է՝ Թուրք-հայկական ռազմական ընդհարման ժամանակ Սովետական Ռուսաստանը չէր կարող անտարբեր դիտել, թե Թուր-

¹ „Die Welt Islams“, vol. XVI. Berlin, 1934. s. 27-28.

² Տե՛ս «Документы внешней политики СССР». т. 3, էջ 675, Д. Е. Гремеев, На стыке Азии и Европы, էջ 129:

³ Տե՛ս ՄԼԻԻ ՀՄԿԱ. ֆ. 4047, ց. 2, գ. 58, Թ. 14—30:

⁴ Գ. В. Чичерин, Статьи и речи по вопросам международной политики, с. 167.

քերն ինչպես են հոշոտում հայ ժողովրդին: Պատահական չէ, որ ՌՄՖՍՂ կառավարությունը դիվանագիտական ճանապարհով շարունակում էր զսպել թուրք ռազմամոլներին, նրանց նախազգուշացնելով, որ անհրաժեշտ է խուսափել երկու երկրների՝ Թուրքիայի և Սովետական Ռուսաստանի միջև գոյություն ունեցող բարդությունների հետագա սրումից: Քեմալականները շարունակում էին սովետական կառավարությանը հավաստիացնել, թե իրենք չեն հարձակվելու Հայաստանի վրա:

Բայց Քեմալը հերթական խաբուսության էր դիմում: Այդ նույն ժամանակ թուրքերը տենդալնորեն վերջին նախապատրաստություններն էին տեսնում: Իրենց հերթին «Անգլիան և Ֆրանսիան,— ասված է սովետական հեղինակավոր մի հրատարակության մեջ,— ամեն կերպ ջանում էին սպառնալիքների և խուսառումների միջոցով հեղափոխական Թուրքիայի կառավարությանը հետ պահել Սովետական Ռուսաստանի հետ բանակցություններից: Ընդ որում նրանք օգտագործում էին թուրքական բուրժուազիայի ռեակցիոն տարրերին, որոնք հանդես էին գալիս Սովետական Ռուսաստանի հետ սերտ հարաբերություններ հաստատելու դեմ, իմպերիալիստական տերությունների հետ համաձայնություն կնքելու օգտին: Այդ տարրերը երազում էին Անդրկովկասում տերիտորիալ դավթումների մասին: Ռեակցիոն ուժերի ճնշման ներքո քեմալական կառավարությունը մերժեց իր ավելի վաղ ընդունած սովետական կառավարության միջնորդությունը դաշնակցական Հայաստանի հետ բանակցություններում»¹:

1920 թվականի ամռանը քեմալականները Հայաստանի դեմ կենտրոնացրին 50 հազարանոց բանակ, այն դեպքում, երբ նույն թվականի հունիս-օգոստոսին Թրակիայի և Անատոլիայի խորքերը շարժվող 60 հազարանոց հունական զորքերի դեմ նրանք դուրս էին բերել ընդամենը 15 հազար զինվոր: Դա վկայում է, որ Անկարայի կառավարող շրջանների համար Արևելյան ռազմաճակատը հիմնականն էր:

Ավելի ուշ, բնութագրելով թուրքական բանակի գլխավոր շտաբի ռազմաստրատեգիական պլանները, թուրք գնդապետ

Ջեդեթ Քերիմը նշել է. «Հուլյանի և ֆրանսիացիների դեմ սկզբնական շրջանում պաշտպանողական խնդիրներ էին դրվում: Իսկ գլխավոր ուշադրությունը հատկացված էր արևելյան ռազմաճակատին, քանի որ այնտեղ հաջողություն ձեռք բերելու դեպքում պետք է ոչնչացվեին հայկական բանակն ու հայկական պետությունը...»²

Թուրքերը մտադրվել էին զավթել ոչ միայն Հայաստանը, այլև Սովետական Ազդբեջանը: Արևմտյան ռազմաճակատի հրամանատար Ալի Ֆուադ Ջեբեսոյ փաշային 1920 թվականի սեպտեմբերի 14-ի նամակում Մուստաֆա Քեմալն ուղղակի մատնանշում էր. «Հայերի դեմ բարենպաստ պատերազմ սկսելով, պետք է չհրաժարվել նաև Ազդբեջանը Թուրքիային միացնելու մտքից»³:

Ինչպես տեսնում ենք, քեմալականների թուրքիզմը չէր սահմանափակվում «նոր Թուրքիայի» շրջանակներով, այն պետք է վերաճեր և, իրոք, վերաճեց պանթուրքիզմի: Թեև առաջին համաշխարհային պատերազմում պարտություն կրելուց հետո Թուրքիան պաշտոնապես հրաժարվել էր պանթուրքիզմի քաղաքականությունից, բայց հետագա դեպքերը ցույց տվեցին, որ «նոր Թուրքիայի» կառավարողները միայն խոսքով են հրաժարվել թուրք ազգային բուրժուազիայի քաղաքական իդեալն իրականացնելուց: Նրանք բնավ մտադիր չէին ձեռք բաշխել անցյալի ռասայական-շովինիստական բեռից: Ա. Ֆ. Միլլերը նշում է, որ քեմալական ազդեցությունները և շովինիստները, ձգտելով «վերջ տալ Հայաստանի պետական գոյությանը և նրան ամբողջովին ենթարկել թուրքական տիրապետությանը», միաժամանակ երազում էին պանթուրքական պլանների վերածնման մասին⁴:

Իրենց ազդեցիվ պլանների իրականացումը հեշտացնելու համար թուրքական իմպերիալիստներն ուժեղացրին պանիսլամական կազմալուծիչ աշխատանքը Անդրկովկասի և Հյուսիսային Կովկասի մուսուլմանական բնակչության շրջանում: Միաժամանակ նրանք շարունակում էին դեմագոգիկ հայտարարություններ

¹ Мустафа Кемаль, Путь новой Турции, т. III, с. 314.

² А. Ф. Себесой, Milli mücadele hatıraları, İstanbul, 1953, с. 139-140.

³ См. А. Ф. Миллер, Краткая история Турции, էջ 183:

⁴ «История внешней политики СССР. 1917—1980», в двух томах, т. I, 1917—1945. Под редакцией А. А. Громыко и Б. Н. Пономарева, М., «Наука», 1980, с. 144.

րով թշուրիմացություն մեջ գցել հասարակական կարծիքը, իրենց ներկայացնել որպես սովետական երկրի անկեղծ բարեկամներ: Քեմալականներն այդ նպատակին էին ծառայեցնում թուրքիայո կեղծ կոմկուսին, որը սկզբնական շրջանում կարողացել էր նույնիսկ վստահություն նվաճել III Կոմունիստական ինտերնացիոնալի որոշ շրջաններում:

Ավելին, քեմալականները և կեղծ կոմունիստները տարածում էին այն կեղծիքը, թե նախկին երիտթուրքերը, այդ թվում Քալեաթ, էնվեր, Ջեմալ փաշաները, ինչպես նաև իթթիհադական մյուս պարագլուխները սովետական իշխանության և III Ինտերնացիոնալի ղեկավարության հետ են: Կեղծ կոմկուսի օրգան «Յենի գուն» թերթը գրում էր, թե Քալեաթ փաշան մեծ հեղինակություն և ազդեցություն ունի III Ինտերնացիոնալում և որ իբր Ինտերնացիոնալի ղեկավարությունը լիովին վստահում է երիտթուրքական կուսակցության երեկվա այդ արյունաբերու պարագլուխին¹:

Քեմալականները և թուրքիայի կեղծ կոմկուսի պարագլուխները փորձեցին իրենց մութ նպատակներին օգտագործել նաև Արևելքի ժողովուրդների I համագումարի ամբիոնը:

Կոմունիստական ինտերնացիոնալի գործկոմը և 1920 թվականի հունիսի վերջերին Մոսկվայում տեղի ունեցած Կոմինտերնի երկրորդ կոնգրեսի պատգամավորների մի մասը նախաձեռնություն էին հանդես բերել հրավիրելու Արևելքի ժողովուրդների համագումար: Նախատեսվել էր համագումարի աշխատանքներին մասնակից դարձնել Արևելքի երկրների կոմունիստների և ազգային-հեղափոխական կազմակերպությունների ներկայացուցիչներին, ինչպես նաև հակաիմպերիալիստական տրամադրություններ ունեցող անկուսակցական գործիչներին²:

Համագումարը տեղի ունեցավ 1920 թվականի սեպտեմբերի 1—8-ը Բաքվում: Ներկա էին Անդրկովկասի, Հյուսիսային Կովկասի, Դաղստանի, Թուրքեստանի հանրապետության, Խիվայի, Բուխարայի, Բաշկիրիայի, Թաթարիայի, Կարմիկիայի ներկայացուցիչները, արտասահմանյան երկրների՝ Չինաստանի, Հնդկաստանի, Աֆղանստանի, Պարսկաստանի, Թուրքիայի, Ճապոնիայի,

ինչպես նաև արարների և քրդերի պատվիրակները³: Համագումարին մասնակցում էին 37 ազգերի ու ազգությունների 1891 պատվիրակներ, որոնցից 1273-ը կոմունիստներ էին⁴:

Այդ ժամանակ Բաքվում էր գտնվում թուրք կոմունիստների բյուրոն (Մուստաֆա Սուբհի, Սուլեյման Նուրի և ուրիշներ): Թուրք կոմունիստների ղեկավարները համագումարի կազմակերպիչներին օգնում էին կապ հաստատելու Թուրքիայի հետ, ջանքեր էին գործադրում, որպեսզի Թուրքիայից համագումար գան միայն աշխատավորների ներկայացուցիչներ:

Համագումարը կարևոր նշանակություն ունեցավ Արևելքի ժողովուրդների հեղափոխական ուժերի միավորման և իմպերիալիզմի դեմ միասնական ճակատ հարդարելու գործում:

Բայց հենց սկզբից ասենք, որ համագումարի մուսուլման պատվիրակների զգալի մասը և հատկապես համագումարի պատերից դուրս գտնվող պանիսլամականները և պանթուրքականները արևմտյան և հատկապես անգլիական իմպերիալիստների դեմ ուղղված Արևելքի ժողովուրդների ազատագրական պայքարի լողունները սխալ էին ամբողջում: Նրանցից շատերի մոտ արևմտյան կապիտալի դեմ արևելյան ժողովուրդների կռիվը ոչ այլ ինչ էր, եթե ոչ մահմեդականության «որբազան կռիվ» («ղաղավաթ») քրիստոնեության դեմ⁵: Իսկ էնվեր փաշան, որ այդ օրերին Բեռլինից եկել⁶ և գտնվում էր Բաքվում, պահանջում էր, որ Արևելքում մղվելիք առաջիկա այդ «սրբազան պատերազմում» մահմեդական բանակի հրամանատարությունը հանձնվի իրեն, որպեսզի իր «հեղինակությամբ և զինվորական մասնապիտական պատրաստությամբ կարողանա ոտքի հանել Թուրքեստանը, Հնդկաստանը, Պարսկաստանը, Տաճկաստանը և մյուս մահմեդական երկրները»⁷:

Իմպերիալիզմի դեմ ուղղված Արևելքի ժողովուրդների ազատագրական շարժման առնչությամբ համագումարը զգալի տեղ հատկացրեց Թուրքիային: Դա պատահական չէր: Ինչպես ար-

¹ ՏՆՍ Ա. Միկոյան, Պայքարի ուղիով, էջ 117:

² ՏՆՍ Ա. Ի. Միկոյան, Պայքարի ուղիով, գիրք առաջին, էջ 746—747:

³ ՏՆՍ Ա. Միկոյան, Պայքարի ուղիով, էջ 746—747:

⁴ ՏՆՍ Ն. Փ. Շիտով, В. И. Ленин и пролетарский интернационализм (1917—1924 гг.), Политиздат, Москва, 1974, էջ 284:

⁵ ՏՆՍ ՄԼԻ ՇՄԿԱ, ֆ. 4047, ց. 2, գ. 37, թ. 12:

⁶ ՏՆՍ Նույն տեղը:

⁷ Նույն տեղը, թ. 13:

դեն ասվել է, այդ երկիրը համարվում էր Արևելքի հեղափոխական շարժման առաջամարտիկ: Բայց նրա դերի գնահատման հարցում համագումարի պատվիրակները միակամ չէին: Ելույթ ունեցողներից ոմանք գերագնահատում էին Թուրքիայի «ազատագրական միսիան», միաժամանակ զուգահեռաբար արդարացնում թուրքական իմպերիալիզմի, թուրքական ռեակցիայի գործածած ավերները եվրոպական պատերազմը սկսելուց ի վեր:

Այսպես, քեմալական Թուրքիայի ներկայացուցիչ Վաղարդին Շաքիրն իր ելույթում պնդում էր, թե երբ ծագեց համաշխարհային պատերազմը, Թուրքիան նրա մեջ մտավ ակամայից և ակամայից էլ ստիպված էր Գերմանիայի կողքին գտնվել, բայց ոչ թե նվաճումներ կատարելու ձգտումով, այլ ինքնապաշտպանության նպատակով¹: Ելույթ ունեցողներից ոմանք էլ հախուռն, ոչ դասակարգային գնահատականներ էին տալիս քեմալական շարժմանը, շցանկանալով տեսնել նրա ռեակցիոն կողմերը, փորձում էին ապացուցել, որ Ռուսաստանի սովետների օրինակով Թուրքիայում նույնպես սովետներ են առաջացել, որոնք իբր արտահայտում են աշխատավորների շահերը:

Սակայն այս և նման կարգի ելույթները արժանի հակահարված ստացան ամենից առաջ համագումարի մուսուլման պատվիրակների կողմից: Նրանցից շատերը զգուշորեն և վերապահովյալմբ էին խոսում Թուրքիայի հեղափոխական դերի մասին: Դրվատելով թուրքական ազգային շարժման հակաիմպերիալիստական ուղղվածությունը, պատվիրակներից շատերը միաժամանակ խիստ քննադատում էին այդ շարժման ռեակցիոն կողմերը, ցույց էին տալիս, որ շարժումն ի վիճակի չէ լուծելու Թուրքիայի սոցիալական ներքին պրոբլեմները, այդ թվում ամենակարևորը՝ ագրարային-գյուղացիական հարցը: Ելույթ ունեցող մուսուլման պատվիրակները դառն զգացումով էին արտահայտվում համաշխարհային պատերազմի ժամանակ Թուրքիայի իմպերիալիստական պլանների և ձգտումների, Անդրկովկասի վրա կատարած ավերիչ արշավանքի, պանթուրքականների և պանիսլամականների կողմից երկրամասի բոլոր տարածքներում ծավալած քայքայիչ գործունեության մասին և այլն:

Այսպես, օրինակ, իր ելույթում մերկացնելով այն տեսա-

կետը, թե Թուրքիան եվրոպական պատերազմի մեջ էր մտել իբր ինքնապաշտպանության նպատակով, Ադրբեջանի կոմունիստական կուսակցության ղեկավար գործիչներից Բունիաթ զադեն փաստերով ցույց էր տալիս, որ այդ երկիրը լիովին Գերմանիայի տրամադրության տակ դրեցին «Թուրքիայի իմպերիալիստները, ամեն տեսակ էնվերները»¹, որպեսզի զավթած ավարից ստանան իրենց բաժինը: Անդրադառնալով նույն հարցին և հակադրվելով Վաղարդին Շաքիրին, համագումարի կոմունիստական ֆրակցիայի անունից հանդես եկած Հեյդարխանովը նշում էր. «Այստեղ մի ելույթ ունեցող ասաց, որ նա (Թուրքիան:— Ն. Ս.) մղել է պաշտպանողական պատերազմ, որ Թուրքիան գործիք չի եղել գերմանական իմպերիալիզմի ձեռքին և ինքը ոչ մի իմպերիալիստական ձգտումներ չի ունեցել: Դա չի համապատասխանում իրականությանը, ընկերներ: Թուրքիան ունեցել է իմպերիալիստական մեծ ձգտումներ: Նա ամբողջովին գործիք էր եվրոպական իմպերիալիստների ձեռքին»²:

Համագումարն արժանի գնահատական տվեց նաև Անդրկովկասի վրա երիտթուրքերի 1918 թվականին կատարած ավերիչ արշավանքին: Բունիաթ զադեն նշում էր, որ Անդրկովկաս մտած թուրքական գործերին ցնծությամբ էին ընդունում ադրբեջանցի ազգայնամուլները, որոնք թուրքերի գալու հետ էին կապում «ռուսական լծից» ազատագրվելու իրենց հույսերը: Նա ցույց էր տալիս, որ այդ հույսերը այժմ էլ փայփայում են Կովկասի պանթուրքական որոշակի շրջաններ, որոնց նա անվանում էր «թուրքական և գերմանական իմպերիալիստների մանեկեններ»³:

Լեռնականների ներկայացուցիչ կուսիկ Կորխմազովը իր ելույթում պատմում էր, թե ինչպես 1918 թվականին Ադրբեջանը գրավելուց հետո թուրքական զավթիչները Յուսուֆ Իզզեթ փաշայի, Նուրի փաշայի և ուրիշ փաշաների ու բեյերի գլխավորությամբ ներխուժեցին Դաղստան: Սակայն սովետական իշխանությունը հաղթեց: Դրանից հետո էլ, ասում էր նա, մուսավաթական գործակալները և թուրքամետ հակահեղափոխականները էնվեր փաշայի եղբայր Նուրի փաշայի գլխավորությամբ շարու-

¹ Տե՛ս «Первый съезд народов Востока, Баку, 1—8 сентября 1920 г.». Стенографические отчеты. Изд-во Коммунистического Интернационала, Петроград, 1920 էջ 77—78:

¹ «Первый съезд народов Востока», с. 76.

² Նույն տեղը, էջ 80:

³ Նույն տեղը, էջ 76—77:

նակում էին պայքարը սովետական կարգերի դեմ¹: Հեղափոխության թշնամիները վերջիվերջո պարտություն կրեցին, Թեմիր-խան-Շուրո, Դերենտ և Պետրովսկ քաղաքների վրա վերջնականապես բարձրացավ սովետների կարմիր դրոշը²:

Համագումարը սկզբունքային գնահատականներ տվեց քեմալական շարժման բնույթին, նրա ընթացքին և նպատակներին: Հոետորներից մեկը նշում էր, որ Թուրքիայի իրականությունը չի կարող իսկական հեղափոխության օրինակ տալ: Իր միտքը հաստատելու համար նա ասում էր, որ քեմալական շարժումը նույնպես այդ երկրում չի փոխել կառավարման բրունապետական ձևերը: «Ձեզ բոլորիդ հայտնի է,— իր ելույթում նշում էր Թուրքեստանից համագումար եկած Նարբուտաբեկովը.— որ Արևելքում դարեր ի վեր, սկսած Ջինգիզ խանից, Թեմուրից և վերջացրած արյունարբու Աբդուլ Համիդով, չի եղել կառավարման այլ ձև, քան բռնապետությունը. գոյություն ունի ամենակարող աստվածը երկնքում, իսկ երկրի վրա՝ սուլթանը»³: Մի ուրիշ հոետոր հիշեցնում էր, որ ինքը՝ Մուստաֆա Քեմալն ասում էր, որ «խալիֆի և սուլթանի անձը սուրբ է և անձեռնմխելի»⁴: Այս անդրադառնալով քեմալական շարժման բնույթին, նշում էր. «Թուրքիայում, ընկերներ՝, դուք գիտեք, սովետական կառավարությունը աշակցում է Քեմալին: Մենք ոչ մի բոլոր չենք մոռանում, որ Քեմալի գլխավորած շարժումը կոմունիստական շարժում չէ: Մենք դա գիտենք»⁵: Մենք գիտենք, որ Թուրքիայում իշխանությունների կողմից ստեղծվել են խաղալիք-«սովետներ», որոնք ոչ մի առնչություն չունեն աշխատավորների շահերի հետ»⁶:

Համագումարում շատ խոսակցություն գնաց Հայաստանի և հայ ժողովրդի մասին⁷: Պատվիրակներից ոմանք անդրադարձան արևմտահայության նկատմամբ թուրքական գազանություններին, 1918 թվականին երիտթուրքերի կողմից Արևելյան Հայաս-

տանի ասպատակությանը և հետևանքներին, Հայաստանի հանրապետության մեջ հայ ժողովրդի ողբերգական կացությանը, խոսեցին դաշնակցականների տիրապետությունը տապալելու և Հայաստանում սովետական իշխանություն հաստատելու անհրաժեշտության մասին:

Սակայն հայ ժողովրդի մասին համագումարում արտասանած ոչ բոլոր ձայներն էին բարեկամական: Բանն այն է, որ Թուրք կոմունիստների ջանքերին հակառակ Թուրքիայից համագումար էին թափանցել ոչ միայն աշխատավորական շահերի ներկայացուցիչները, այլև կեղծ կոմունիստներ, քեմալականներ, բացահայտ նացիոնալիստներ, պանթուրքականներ և պանիսլամականներ, որոնք Հայաստանի և հայ ժողովրդի նկատմամբ շարունակում էին անհանդուրժողական գիծ: Դա, ինչ խոսք, Մուստաֆա Քեմալի և նրա շրջապատի մտայնությունն էր, որ համագումար էին բերել ոչ աշխատավորական դասակարգերի ներկայացուցիչները: Հենց այդ օրերին էր, որ քեմալականները կործք ծեծելով, ապացուցելու համար իրենց նվիրվածությունը սովետա-թուրքական բարեկամությանը, միաժամանակ դիվային պլաններ էին նյութում հայ ժողովրդի դեմ, «հայկական իմպերիալիզմը խեղդելու» պատրվակով նպատակ ունեին մեջտեղից վերացնել Հայաստանը, որպեսզի «կարմիր Թուրքերը» կարողանային անմիջականորեն միանալ «հեղափոխական Արևելքի հետ»: Լեռնաց Հայաստանի վերացման, ասում էին նրանք, անհնարին է հասնել այդ նպատակին: Այս գաղափարները կրող համագումարի Թուրք պատվիրակներից ոմանք նույնիսկ հույս ունեին, թե իրենց հակահայ դիրքորոշումը պաշտպանություն կգտնի համագումարի մուսուլման մեծամասնության կողմից: Բայց նրանց հաշիվները սխալ դուրս եկան: Համագումարն արժանի հակահարված տվեց բացահայտ և ծպտյալ ազգայնականներին ու շովինիստներին և ինտերնացիոնալիստական դիրքերից գնահատական տվեց հայ ժողովրդի ազատագրական պայքարին:

Այդ տեսակետից բնութագրական էր հետևյալ փաստը: Սեպտեմբերի 4-ին, համագումարի 4-րդ նիստի վերջում նախագահող Ջինովեր հայտարարեց, թե Թուրքական նշանավոր երկու քաղաքական գործիչներ, որոնք համագումարի պատգամավորներ չեն, բայց գտնվում են Բաքվում, համագումարի նախագահության անունով գրավոր հայտարարություններ են ուղարկել: «Քանի որ այդ հայտարարություններն ունեն քաղաքական խո-

¹ Տե՛ս ՄԼԻ ԶՄԿԱ, ֆ. 4047, ց. 2, գ. 37, թ. 11:

² Տե՛ս Мих. Павлович (М. Вельтман), Революционная Турция, էջ 95:

³ «Первый съезд народов Востока», с. 87.

⁴ Նույն տեղը, էջ 42:

⁵ Նույն տեղը, էջ 40:

⁶ Տե՛ս նույն տեղը:

⁷ Տե՛ս նույն տեղը, էջ 40, 46, 58, 60, 61, 91, 113, 122, 123, 124, 125, 137, 141, 151, 226 և այլն:

շոր նշանակութիւն, — ասաց նա, — ուստի նախագահութիւնը որոշել է դրանք ամբիոնից հրապարակել, ապա հանձնել մամուլին»¹: Հայտարարութիւններէց մեկը պատկանում էր նախկին երիտթուրքական պարագլուխ, հայ ժողովրդի դահիճ էնվեր փաշային, մյուսը՝ նշանավոր քեմալական գործիչ, Անկարայի ազգային կառավարութեան ներկայացուցիչ Իբրահիմ Թալինին:

Զինուկի հայտարարութիւնը բուն վիճարանութիւնների առիթ տվեց: Համագումարի կոմունիստական ֆրակցիայի շատ անդամներ դեմ էին, որ էնվերի հայտարարութիւնը կարգացվի, համարելով, որ դա անպատվաբեր է համագումարի մասնակիցների համար²: էնվերի դեմ կրակոտ ելույթ ունեցավ Մուստաֆա Սուրհին³: Այնուամենայնիվ որոշվեց ընթերցել էնվերի և Թալինի հայտարարութիւնները:

էնվեր փաշան իր դեմագոգիկ հայտարարութեան, կամ ինչպես ինքն էր վերնագրել՝ «դեկլարացիայի» մեջ հավաստիացնում էր, թե ինքը ներկայացնում է Մարոկկոյի, Ալժիրի, Թունիսի, Տրիպոլիի, Եգիպտոսի, Արաբիայի և Ինդուստանի այսպես կոչված «հեղափոխական կազմակերպութիւնների միութիւնը»⁴, որն էլ, իբր, իրեն լիազորել և ուղարկել է Բաքու: էնվերի հայտարարութեան շարադրանքից ստացվում էր, թե իրեն է վիճակված բովանդակ Արևելքը իմպերիալիզմի դեմ ոտքի հանելու մեծ առաքելութիւնը: Այնուհետև նա երդվում էր, որ ինքը և իր ընկերները միջազգային իմպերիալիզմի և կապիտալիզմի ոխերիմ հակառակորդներ են և հավատարմորեն կանգնած են III Ինտերնացիոնալի դիրքերում⁵: Նա ասում էր նաև, թե ինքը վերջնականապես համոզվել է, որ սովետական իշխանութիւնը «բոլոր ճնշվածների բնական դաշնակիցն է»⁶, ուստի դարձել է այդ իշխանութեան ջերմ պաշտպան: Միաժամանակ էնվերն իրեն հատուկ արտիստականութեամբ ու խաբեութեամբ «ափսոսանք» էր հայտնում այն բանի համար, որ իրեն «չի հաջողվել» ավելի

վաղ դառնալ սովետների բարեկամը: «Եթե Սև ծովի փոթորիկներն ինձ չմղեին դեպի հետ՝ կոտորելով իմ նավի կայմերը, — գրում էր նա, — եթե Կովկասի և Ռիգայի բանտերի ցանցերն ու իմ նստած սավառնակների վայր ընկնելը չուշացնէին ինձ, ես ձեզ մոտ կգայի Ռուսաստանի համար ամենածանր պահին և ստիպված չէի լինի պատմելու այս ավելորդ բաները՝ որոշ ընկերների բացատրութիւն տալու համար»¹:

«Դեկլարացիայում» էնվերը ճիգ էր թափում արդարացնելու երիտթուրքերի վարած ներքին և արտաքին քաղաքականութիւնը²: Իրեն ներկայացնելով որպես ադրբեջանական ժողովրդի շահերի պաշտպան, նա շեշտում էր. «Մենք գտնում ենք, որ Ադրբեջանը պատկանում է ադրբեջանցիներին»³, ասել է թե՛ այնտեղ այլազգիները տեղ չունեն:

Քեմալական Իբրահիմ Թալինն իր հայտարարութեան մեջ չէր թաքցրել հայ ժողովրդի հանդեպ «նոր Թուրքիայի» իշխանավորների տածած թունավոր ատելութիւնը: Անդրադառնալով քեմալական շարժման արտաքին պատճառներին, նա գրում էր, թե այդ պատճառների թվում գլխավորն այն է, որ «արևմտյան կապիտալիստները, որոնք թուրք գյուղացիներից խլել էին զենքը, որոշել էին այդ գյուղացիների դեմ ուղղել իրենց կամակատարներին՝ վենիզելոսյան հույներին Արևմուտքից և դաշնակ հայերին՝ արևելքից: Թուրք գյուղացին գիտեր, որ իմպերիալիստներն ու նրանց գործակալները «ամենուր, ուր հայտնվում են, գործում ու նրանց գործակալները «ամենուր, ուր հայտնվում են, գործում ու նրանց գործակալները»⁴: Դա էր պատճառը, որ հայերը և զաղ աշխատանքի պտուղները⁵: Դա էր պատճառը, որ հայերը և հույները «նետվեցին Անտանտի գիրկը», իսկ «անատոլիական հեղափոխականները», իբր, «շուտ եկան դեպի արևածագի նման Արևելքում բարձրացող կարմիր հեղափոխութիւնը»⁶:

Համագումարն արժանի հակահարված տվեց և՛ երիտթուրքական պարագլխին, և՛ քեմալական կառավարութեան ներկայացուցչին: Նրանց երկուսի հայտարարութիւնների առթիվ համագումարի նախագահութիւնը կազմեց և համագումարին ներկայաց-

¹ «Первый съезд народов Востока», с. 108.

² ՄԻ 2ՄԿԱ, ֆ. 4047, ց. 2, գ. 37, թ. 12:

³ Տե՛ս նույն տեղը, թ. 13:

⁴ «Первый съезд народов Востока», с. 112.

⁵ նույն տեղը, էջ 108:

⁶ նույն տեղը, էջ 110:

⁷ Տե՛ս «Первый съезд народов Востока», էջ 110:

¹ «Первый съезд народов Востока», с. 110.

² Տե՛ս նույն տեղը, էջ 109:

³ նույն տեղը:

⁴ Տե՛ս նույն տեղը, էջ 113:

⁵ նույն տեղը, էջ 115:

րեց բանաձևի նախագիծ, որը քվեարկվեց և ընդունվեց առանց փոփոխությունների: Ահա այդ փաստաթուղթը:

«Լսելով էնվեր փաշայի հայտարարությունը թուրքական ազգային շարժման մասին, Արևելքի ժողովուրդների համագումարն ընդունում է հետևյալ բանաձևը՝

1) Համագումարն իր համակրանքն է հայտնում թուրքական բոլոր մարտիկներին, որոնք պայքարում են արևելյան ժողովուրդներին կեղեքող ու շահագործող և ամբողջ աշխարհի աշխատավորներին ստրկության մեջ պահող համաշխարհային իմպերիալիզմի և ամենից առաջ անգլիական և ֆրանսիական իմպերիալիստական բանդիտների դեմ: Ինչպես Կոմունիստական ինտերնացիոնալի II կոնգրեսը, [այնպես էլ] Արևելքի ժողովուրդների I համագումարը հայտարարում է, որ ինքը պաշտպանում է այն համազգային հեղափոխական շարժումները, որոնք ձգտում են Արևելքի կեղեքված ժողովուրդներին ազատել օտարերկրյա իմպերիալիստների լծից:

2) Սակայն, համագումարը գտնում է, որ Թուրքիայի համազգային հեղափոխական շարժումը ուղղված է միայն օտարերկրյա կեղեքիչների դեմ, և նրա հաջողությունը ամենևին չի կարող նշանակել թուրք գյուղացիների ու բանվորների ազատագրում ամեն տեսակ կեղեքումից ու շահագործումից: Այդ շարժման հաջողությունը իր հետ չի կարող բերել թուրք աշխատավոր դասակարգերի համար ամենակարևոր հարցերի՝ ազրարային հարցի և հարկերի հարցի լուծում և չի կարող վերացնել Արևելքի ազատագրման ամենազխաժողովոր խոչընդոտները՝ ազգային երկպառակությունները:

3) Համագումարն անհրաժեշտ է համարում հատուկ զգուշություն [ցուցաբերել] շարժման այն առաջնորդների նկատմամբ, որոնք անցյալում սպանդանոց էին տանում թուրք գյուղացիներին ու բանվորներին ի շահ իմպերիալիստական մեկ խմբի և այսպիսով Թուրքիայի աշխատավոր մասսաներին հասցնում էին կրկնակի կործանման հանուն հարուստների ու բարձրաստիճան սպայության փոքր խմբի շահերի: Համագումարն այդ գործիչներին առաջարկում է գործով ցույց տալ, որ նրանք այժմ պատրաստ են ծառայելու աշխատավոր ժողովրդին և շրտկելու անցյալի սխալ քայլերը: Թուրքիայի և ամբողջ Արևելքի աշխատավոր մասսաներին առաջարկելով պաշտպանել թուրքական համազգային հեղափոխական շարժումը, համագումարը

Թուրքիայի գյուղացիներին ու բանվորներին կոչ է անում համախմբվել ինքնուրույն կազմակերպությունների մեջ, պատրաստ լինել ազատագրման գործը հասցնելու մինչև վերջ և թույլ չտալ, որպեսզի օտարերկրյա իմպերիալիստները, ձգտելով խանգարել ազատագրման գործը, կարողանան օգտագործել իրենց կապերը և ազդեցությունը տեղացի հարուստների, կուլակների, բյուրոկրատների ու գեներալների վրա (փաշաներ, դերբեյլերներ և այլն): Միայն այս ձևով Թուրքիայի աշխատավոր ժողովուրդը կարող է ազատագրության հասնել իր բոլոր կեղեքիչներից ու շահագործողներից և միայն այդ ժամանակ Տողը, ֆարսիկաները, հանքերը և ընդհանրապես երկրի բոլոր հարստությունները կծառայեն աշխատավորների և միայն աշխատավորների շահերին: Միայն այս ձևով՝:

Վերադառնալով Հայաստան, Բաքվի համագումարին մասնակցած հայ պատվիրակները՝ մեծ աշխատանք ծավալեցին համագումարի գաղափարները աշխատավոր լայն մասսաների մեջ տարածելու ուղղությամբ: Դաշնակցական իշխանությունը ճգնաժամի մեջ էր: Հայաստանի բոլշևիկյան կազմակերպությունները բանվորներին և գյուղացիներին նախապատրաստում էին առաջիկա վճռական գոտեմարտին՝ հայ բուրժուազիայի դիկտատուրան տապալելու և երկրում սովետական կարգեր հաստատելու մամար: Հայաստանն արագորեն գնում էր դեպի հեղափոխություն:

Սակայն ծավալված արտաքին քաղաքական դեպքերը փոխեցին իրադարձությունների ընթացքը:

1920 թվականի սեպտեմբերի 23-ին քեմալական բանակը Քյազիմ Կարաբեքիրի հրամանատարությամբ հարձակվեց Հայաստանի վրա՝ հայ ժողովրդին վերջին մահացու հարվածը հասցնելու համար:

Հարձակման առաջին իսկ օրը հայկական զորքերը բռնեցին նահանջի ճանապարհը: Արդեն պատերազմի շորրորդ օրը թըշնամու ձեռքն ընկավ Սարիղամիշը, ապա՝ Կաղզվանը¹:

¹ «Первый съезд народов Востока», с. 116—117.

² Համագումարին մասնակցած պատվիրակներից հայերը թվով երրորդն էին (157 հոգի)՝ թուրքերից (235 հոգի) և պարսիկներից (192 հոգի) հետո: Ըստ որում օսմանցի թուրքերը, ազդեցիկացիները և խաթարները հաշվարկված էին մի անվան տակ՝ թուրքեր (տե՛ս «Первый съезд народов Востока», էջ 5):

³ ՏԸՄ ՄԼԻ ՀՄԿԱ, ֆ. 4047, ց. 1, գ. 677, թ. 1:

1920 թվականի հոկտեմբերի 9-ին ՌԿ(բ)Կ Մոսկվայի կազմակերպության ակտիվի խորհրդակցությունում հանդես գալով ՌՍՖՍՀ ներքին և արտաքին դրություն մասին զեկուցումով, Վ. Ի. Լենինը նշեց. «Վերջերս թուրքերը սկսել են հարձակում Հայաստանի վրա, նպատակ ունենալով գրավել Բաթումը, իսկ հետո, թերևս, նաև Բաքուն»¹:

Հայկական հանրապետության կառավարությունն օգնություն էր կանչում արևմտյան «դաշնակիցներին»² և մենշևիկյան Վրաստանին³, բայց նրանք խցանել էին իրենց ականջները: Ու մինչդեռ «դաշնակիցների» կովկասյան ներկայացուցիչները հանգիստ դիտում էին, թե իրադարձություններն ինչպես են զարգանում թուրք-հայկական ռազմաճակատում⁴, իսկ Ազգերի լիգայի ականավոր անդամները զբաղված էին դատարկ ճառերով, թուրքերը մեկը մյուսի հետևից գրավում էին Հայաստանի քաղաքներն ու գյուղերը, հայ հողը նորից էր ներկվում հազարավոր անմեղ մարդկանց արյունով:

Հայ ժողովրդի համար ծանրագույն այդ օրերին Սովետական Ռուսաստանի կառավարությունը մեծ ջանքեր էր գործադրում թուրք զավթիչների ախորժակը սահմանափակելու, ավերիչ պատերազմը դադարեցնելու համար⁵: Այդ նպատակին էր նա ծառայեցնում դիվանագիտական լծակները, մասնավորապես այն բանակցությունները, որ տեղի էին ունենում Սովետական Ռուսաստանի և Թուրքիայի միջև⁶: ՌՍՖՍՀ կառավարությունը մի քանի անգամ իր միջնորդությունն առաջարկեց քեմալականներին՝ պատերազմող կողմերին հաշտեցնելու համար, սակայն ամեն անգամ ստանում էր թուրքերի մերժումը:

1920 թվականի հոկտեմբերի 5-ին Գ. Վ. Զիչերինը հեռագրեց Թիֆլիս՝ Բ. Վ. Լեգրանին, հայտնելով սովետական կառավարության խիստ մտահոգությունը և հաստատ դիրքորոշումն այն մասին, որ «մենք չենք կարող թույլ տալ նրան (Հայաստանին:— Հ. Ս.) ճգմելու»: Ավելին, սովետական կառավարությունը գնաց

¹ Վ. Ի. Լենին, ԵԼԺ, հ. 41, էջ 406:

² Տե՛ս ՄԼԻ ՀՄԿԱ, ֆ. 4047, ց. 1, գ. 622, թ. 5, գ. 677, թ. 2—8:

³ Տե՛ս ՄԼԻ ՀՄԿԱ, ֆ. 4047, ց. 1, գ. 677, թ. 9:

⁴ Տե՛ս նույն տեղը, թ. 11—14:

⁵ Տե՛ս ՄԼԻ ՀՄԿԱ, ֆ. 4047, ց. 1, գ. 677, թ. 15:

⁶ Տե՛ս նույն տեղը, թ. 16:

⁷ Մեջբերված է՝ Մ. Վ. Արզումանյան, Արձավիրբից վերածնունդ, «Հայաստան» հրատարակչություն, Երևան, 1973, էջ 333:

ծայրահեղ քայլի՝ դադարեցնելով զենքով և ոսկով Թուրքիային օգնություն ցույց տալը: «Այդ ժամանակ Թուրքիայի և Ռուսաստանի հարաբերությունները ժամանակավորապես մթազնվեցին այն բանի հետևանքով,— հետագայում նշում էր Գ. Վ. Զիչերինը,— որ թուրքական կառավարությունը չէր ցանկանում թույլ տալ Ռուսաստանի միջնորդությունը Թուրքիայի և Հայաստանի միջև մղվող պատերազմում»⁷:

Դաշնակցական Հայաստանը պարտություն էր կրում: Պատճառները մեկից ավելի էին: Գլխավոր պատճառն այն էր, որ հայ ժողովուրդը աջակցություն ցույց չտվեց Հայաստանի հանրապետության կառավարությանը: Դաշնակցական զինվորի շինել հազած հայ գյուղացին չէր ուզում կովել իր համար խորթ իշխանության հրամաններով: Երկրորդ, հայկական բանակի զգալի թվով զորամիավորումներ դաշնակցական կառավարությունը պահում էր Զանգեզուրում և հանրապետության հյուսիսային շրջաններում՝ «բոլշևիկների հնարավոր ներխուժումը կանխելու» համար: Այնուհետև, ոչ բոլոր գորամասերն էին անհրաժեշտ չափով զինված ու հանդերձավորված: Անտանտի տերություններն իրենց «փոքր դաշնակցին» զխավորապես օգնում էին գործածությունից դուրս եկած զենքերով ու հնացած հանդերձանքով: Մեծ Բրիտանիայի ապագա վարչապետ, իսկ այդ ժամանակ Լիոնը Զորջի կոալիցիոն կառավարության մի-նիստր Ստենլի Բոլդուինի արկածախնդիր որդին՝ Օլիվեր Բոլդուինը, որ մի դիպվածով ընկել էր Հայաստան և 1920 թվականին դաշնակցական բանակում ծառայում էր փոխգնդապետի պաշտոնով, հետագայում իր հուշերում գրում էր, թե որքան շնչին էր անգլիական օգնությունը հայկական բանակին: Անգլիայից ուղարկած բոլոր հրացանները հին ռուս սիստեմի էին, «որոնք առաջին իսկ հարվածից պայթում էին, ուղարկած զինվորական կոշիկները շափազանց փոքր էին հայ գյուղացու լայն ոտքերի համար, հետևաբար՝ անպետք»²:

Վերջապես, չի կարելի հաշվից դուրս նետել այն դիվային աշխատանքը, որ քեմալականները եռանդով տարան հայկական

¹ Г. В. Чичерин, Статьи и речи по вопросам международной политики, с. 196.

² Օլիվեր Պոլտուին, Վեց բանտ և երկու յեղափոխություն, Ալեքսանդրիա, 1933, էջ 27:

բանակը ներսից քայքայելու համար: Ինչպես միշտ, թուրքերը այս անգամ էլ դիմեցին անլուր խորամանկության: Նրանք գործի դրեցին իրենց զենքերից մեկը՝ թուրքական կեղծ կոմունիստական կուսակցությունը, հրապարակ բերեցին իթթիհազական-միլիոնական «կոմունիզմի» խեղկատակությունը: Քեմալական գործակալները սկսեցին հայկական գործի մեջ կեղծ լուրեր տարածել, թե «քեմալականները նույնպես բոլշևիկներ են» և որ քեմալական գործերի մեջ նաև «ոուսներ կան»: Կրելով կոմունարկաններ, իսկ դրանց վրա՝ կարմիր կիսալուսին ու հնգաթև աստղ¹, պարզելով նաև կարմիր դրոշակներ, քեմալական կեղծ կոմունիստները դաշնակցական զինվորներին կոչ էին անում «լինել ինտերնացիոնալիստներ», չդիմադրել Հայաստան ներխուժած թուրքական զավթիչներին, չենթարկվել սեփական հրամանատարներին, զենքն ուղղել նրանց դեմ»²: Հայ զինվորների մեջ արձագանք էր գտնում քեմալականների տարածած այն սուտը, թե «հեղափոխական թուրքերը» հաշիվներ ունեն միայն դաշնակների հետ և որ եթե սրանք զրկվեն իշխանությունից, ապա «եղբայր թուրքերը» բոլոր պայմանները կստեղծեն, որպեսզի հայ ժողովուրդը նոր ձեռով կառուցի իր կյանքը:

Գաշնակներն իրենց հերթին կրկնում էին քեմալականների կեղծիքները, ձգտելով դրանք ուղղել Սովետական Ռուսաստանի դեմ: Հայկական գործը կազմալուծվեց: Հայերի հասկացությունից վեր էր կռվել ոուսների, առավել ևս ոուս բոլշևիկների դեմ, եթե նրանք նույնիսկ գային «թուրքերի հետ»: Հայաստանի աշխատավոր դասակարգը մտածում էր, թե «Ռուսաստանը մեր բարեկամն է, բոլշևիկները մեր փրկարարները և ազատարարներն են, բոլշևիկների դեմ մենք չենք պայքարի»: Հայ զինվորի խղճի դեմ էր նաև «բոլշևիկացած» և «ոուսների հետ բարեկամացած» քեմալականներին վնաս հասցնելը, նույնիսկ եթե այդ զինվորը դաշնակցական բանակային համազգեստ էր կրում: Կարծելով, թե քեմալականները իրոք Ռուսաստանի անկեղծ բարեկամներն են, հայ զինվորները մտածում էին, որ եթե նրանց չդիմադրեն, զրանով իսկ կօգնեն բոլշևիկներին, առաջին հերթին հայ բոլշևիկներին՝ տապալելու դաշնակների ատելի տի-

րապետությունը և կազմակերպելու Հայաստանի բանվորների և գյուղացիների պետությունը:

Չնայած դրան, սխալ կլիներ կարծել, թե հայկական բանակն ընդհանրապես ի վիճակի չէր դիմադրելու թուրքական զավթիչներին: Շուրջ 50 հազարանոց այդ բանակում մեծ թիվ էին կազմում առաջին համաշխարհային պատերազմի մարտերում կոփված կադրային ռազմիկները, որոնցից շատերը պարզևատրված էին Գեորգիևյան խաչերով և ոուսական այլ պարզևատրված հայկական գործում կար ոուսական զինվորական ծառայություն անցած 10 զենեակ, 1400-ից ավելի բարձրաստիճան սպա, շտաբայիններ, ինտենդանտներ և գործերի այլ տեսակների հրամանատարներ: Բանակն իր սպառազինությունների մեջ ուներ ոուսական և անգլիական հեռահար թնդանոթներ, հեծելազորային զորամասեր, զրահագնացքներ, գնդացրային ջոկեր, կապի և սակրավոր վաշտեր: Մի խոսքով, չի կարելի ասել, թե դա մարտունակ բանակ չէր: Բայց բանն այն է, որ այդ բանակը չէր կրո՞վում: Զորքերը մասսայաբար լքում էին դիրքերը, «թուրք եղբայրների» առջև բացում ռազմական ամրությունների դռները, հանձնվում քեմալական թիկնոց հագած գործ գայի ողորմածությունը: Ընդամենը երկու և կես տարի առաջ, 1918 թվականի մայիսին, Սարդարապատի հերոսական ճակատամարտը հաղթականորեն վարած հայ փորձված հրամանատարներ Գանիել բեկ Փիրումյանը, Սիլիկովը և մյուսներն անգոր էին կասեցնելու իրենց զորքերի կազմալուծման կործանարար ընթացքը: Ցնցված այդ բոլորից, հայկական բանակի կադրային շատ սպաներ ինքնասպանություն վերջ էին տալիս իրենց կյանքին:

Այդ ամենը տեսնելով, քեմալական արևելյան ճակատի հրամանատարությունը, որի տրամադրությունն տակ, ինչպես վերևում ասվեց, 50 հազարի հասնող բանակ կար, կովի առաջավոր գծում սկսեց պահել 8—10 հազարից ոչ ավելի զորք:

Սովետական Ռուսաստանի կառավարությունը շարունակում էր իր անդուլ ջանքերը ահավոր նոր դժբախտությունից հայ ժողովրդին փրկելու համար: ՌՍՖՍՀ կառավարությունը դաշնակցական կառավարությանն առաջարկեց թուլլատրել, որպեսզի կարմիր բանակի զորամասերը մտնեն Հայաստան և պատենջ կանգնեն թուրքական զորքերի դեմ: Բայց դաշ-

¹ Տե՛ս «Հոկտեմբերյան սոցիալիստական մեծ ռևոլյուցիայի և սովետական իշխանության հաղթանակը Հայաստանում», Երևան, 1960, էջ 397:

² ՄԼԻ ՉՄԿԱ, ֆ. 4047, ց. 1, գ. 714, թ. 4 (էջի մյուս երեսը):

³ Տե՛ս ՄԼԻ ՉՄԿԱ, ֆ. 4047, ց. 1, գ. 706, թ. 3:

նակները, կուրացած բուշեի դեմ տածած թշնամանքով, հավատարիմ իրենց հակասովետական պայքարի ընթացքին, հայ ժողովրդի համար ճակատագրական այդ պահին նույնիսկ մերժեցին սովետական կառավարության մարդասիրական առաջարկը:

Թուրք-հայկական պատերազմում թերևս ամենաողբերգականը 1920 թվականի հոկտեմբերի 30-ին համարյա առանց կրակոցի Կարսի անառիկ բերդի հանձնումն էր թշնամուն: Վերևում հիշատակված Օլիվեր Բոլդուինը անդրադառնալով Կարսի խայտառակ անկման հանգամանքներին, նշում էր, որ քաղաքի բերդի միայն երկու թնդանոթներից մի քանի արկ արձակվեց բերդը գրոհող քեմալական զորքերի վրա¹:

1921 թվականի սկզբին Ամենայն հայոց կաթողիկոսի կոնդակով ամերիկահայ գաղութների առաջնորդ նշանակված Տիրայր սրբազանը էջմիածնից իր պաշտոնավայրը ուղևորվելիս կանգ է առնում Փարիզում և Նյուրքնկալվում Պողոս Նուբարի մոտ: Վերջինս նրա պատվին ձաշկերույթ է տալիս, որին ներկա է լինում նաև Անդրանիկ Օզանյանը: Նա սրբազանին հարցուփորձ է անում Հայաստանում տեղի ունեցած ողբերգական դեպքերի մասին, կապված թուրք-հայկական պատերազմի հետևանքների հետ: Ահա նրանց զրույցից մի հատված.

«— Սրբազան, Կարսի աղետեն առաջ հայկական բանակը որքա՞ն զինուոր ուներ:

— 47. 000, զորավար:

— Քանի՞ զորավար և սպա ունեիք:

— Տասի մոտ զորավարներ և հազարի չափ ալ ալ և ալ աստիճանի սպաներ:

— Կարսի բերդերը քանի թնդանոթ ունեին:

— 300 հատ:

— Որչա՞փ արագահարուած (գնդացիք:— Հ. Ս.):

— Մոտավորապես 200 հատ: Կարսի բերդերեն երկու թնդանոթ միայն տասը վայրկեանի չափ խոսեցան և յետոյ լուեցան, թուրքերը եկան և 11. 000 հայ գերիներ վերցրին:

— Թրքական ուժերը որչա՞փ էին, սրբազան: Լսած եմ, թե ութ հազար հոգի եղած են, իրա՞վ է:

— 7 800 հոգի եղած է ամբողջը և այն ալ ոչ կանոնավոր զինուոր»²:

Ապա թուրքերը նույնպիսի հեշտության մեջ նույնմբերի 5-ին գրավեցին Ալեքսանդրապոլը և նրա նշանավոր բերդը: Ինչպես քաղաքի մատույցներում, այնպես էլ քաղաքում թշնամին շահադիպեց ո՛չ զորքի և ո՛չ էլ բնակչության դիմադրությանը:

Անդրադառնալով թուրք-հայկական պատերազմի ընթացքին և ավարտին, Բ. Բորյանը գրում էր. «Ամբողջ զորամասերի կամավոր հեռանալը ուղղամակատից և դասալքությունը լուծեցին հարցը, և թուրքերը արագ ու առանց դիմադրության գրավեցին Հայաստանի հանրապետության տերիտորիայի կեսը: Կարսի և Ալեքսանդրապոլի բերդերը քաղաքների հետ թուրքերի ձեռքում էին, և հայկական կառավարությունը ծնկի էր բերվել»³:

Դրավելով Կարսը, Արդահանը և Ալեքսանդրապոլը, Կարաբեքիրի զորքերը տիրացան մեծ քանակի ուղղամական ավարի, ձեռք գցեցին հարյուրավոր թնդանոթներ, գնդացիներ, տասնյակ հազարավոր հրացաններ, հազարավոր արկեր, միլիոնավոր փամփուշտներ: Դրանով Կարաբեքիրը զինեց իր բանակը, որը դարձավ թուրքական ազգային բանակի առավել լավ զինված և տեխնիկապես հագեցված մասը: Ավելին, իր զորքը լիովին հագեցնելով զավթած ավարով, Կարաբեքիրը ավել մնացած մեծ քանակությամբ զենք, զինամթերք և հանդերձանք ուղարկեց Քեմալին⁴:

Պատերազմը նոր աղետներ բերեց հայ ժողովրդին: Միլիոնավոր հայերի արյունը դեռ ձեռքերից չվաղացած, թուրք զավթիչները, այս անգամ քեմալական արյունաբերուները, հայերի արյան նոր բաղնիքներ էին սարքում գրաված շրջաններում: Շփացած ու հարբած իրենց ազգայնամոլությամբ, առանց ենթարկվելու որևէ պատժի ու հատուցման, նրանք հետևողական կերպով ու աներկբայորեն շարունակեցին երիտթուրքական դահիճների կիսատ թողած գործը: Թուրքերը, գրում էր Բ. Բորյանը,

¹ Արսեն Ժամկոչեան, Զորավար Անդրանիկ կը պատասխանե իր հակառակորդներուն, Փարիզ, 1945, էջ 76:

² ՏԵՍ ՄԼԻ 2ՄԿԱ, ֆ. 4047, ց. 1, գ. 702, թ. 1:

³ Б. А. Борьян, Армения, международная дипломатия и СССР, часть II, с. 121.

⁴ ՏԵՍ Միք. Павлович (М. Вельтман), Революционная Турция, էջ 82:

¹ ՏԵՍ Օլիվեր Գոլտոնին, Վեց բանտ և երկու յնդափոխություն, էջ 27:

հայ բնակչության նկատմամբ «կիրառում էին բառիս լրիվ իմաստով բաշխելու գաղափարը՝ իրավունքի վրա հիմնված կառավարական միջոցներ...»¹

Կարսը գրավելուց հետո քեմալականներն ամբողջ երկու շաբաթ զբաղված էին քաղաքի և շրջակա գյուղերի հայերին կոտորելով: «Հայ ազգաբնակչության նկատմամբ Կարսում տաճիկների գործադրած անօրինակ գազանությունները,— գրում էր «Կոմունիստ» թերթը,— գերազանցում են անգամ 1895—1896 թվականներին Սուլթան Համիդի և 1908 թվականին երիտասարդ թուրքերի ձեռքով կազմակերպված կոտորածներին»²: Զավթելով Ալեքսանդրապոլ քաղաքը և գավառը, նրանք սրի քաշեցին 60 հազար հայի, կողոպտեցին բնակչության ողջ ունեցվածքը: Միայն Աղբուլաղի և Զաջուտի շրջաններում 1921 թվականին գտնվել է 12 հազար դիակ, որոնց 80 տոկոսը մինչև 12 տարեկան երեխաներ էին: Թուրքերի գրաված շրջաններում հայ զոհերի թիվը, ոչ լրիվ տվյալներով, հասավ 198 հազարի³:

Դաժան բռնությունների էր ենթարկվում նաև Հայաստանի գրաված շրջանների ուս բնակչությունը: Միայն Կարսի շրջանում քեմալականները թալանեցին այնտեղի մոտ երեք տասնյակ ուս մալականների գյուղերը, հրդեհեցին շինությունները⁴:

Քեմալական ջարդարաններից հայ ժողովուրդը փրկվեց սովետական իշխանության շնորհիվ: 1920 թվականի նոյեմբեր-դեկտեմբերին սովետական կարգեր հաստատվեցին Արևելյան Հայաստանի այն տերիտորիայի վրա, որը դերձ էր մնացել քեմալականների արշավանքից: Դեկտեմբերի 2-ին Հայաստանի ռազմահեղափոխական կոմիտեի նախագահ Ս. Կասյանի անուշով ուղարկած հեռագրում Վ. Ի. Լենինը գրեց. «Հանձին ձեզ ողջունում եմ իմպերիալիզմի ճնշումից ազատագրված աշխատավորական Սովետական Հայաստանին»⁵:

Ավելի ուշ, դեկտեմբերի 21-ին, զեկուցումով հանդես գալով սովետների VIII համագումարի ԹԿ(բ) ֆրակցիայում, Վ. Ի.

Լենինը նորից անդրադարձավ թուրք-հայկական պատերազմին: Խոսելով այդ պատերազմի հետևանքների մասին, նա ասաց. «Թուրքական հարձակումը մեր դեմ էր ուղղված: Անտանտը մեզ համար էր փոս փորում և ինքն ընկավ այնտեղ, որովհետև մենք ձեռք բերեցինք Սովետական Հայաստանը»⁶:

Սովետական իշխանությանը բաժին ընկան Հայաստան ընդարձակ ու բարեբեր երկրի մի քանի գավառները միայն՝ մեծ մասամբ քարակույտերով ու քարածայռերով ծանրաբեռ, մեռյալ ու անբերրի: Բայց ազատության անսահման նախանձախնդիր հայ ժողովուրդը, նա, որ այդ ազատության համար այնքան արյուն տվեց⁷, իր տանջանքներով ու տենչանքներով գնում էր դեպի նոր կյանքի այգաբացը: «Թուսաստանն է մեր փրկությունը: Եվ էս անգամ էլ... ուսները մեզ ազատեցին վերջնական փշացումից»⁸,— 1921 թվականի հոկտեմբերի 6-ին Թիֆլիսից Արշակ Զուպանյանին գրել է Հովհաննես Թումանյանը:

Հայաստանում սովետական կարգերի հաստատումը հայ ժողովրդի բազմադարյան պատմության մեջ վճռական շրջադարձ եղավ: Սկսվեց այդ պատմության նոր դարազուխը: Վեց հար-

¹ Վ. Ի. Լենին, Եժ, հ. 42, էջ 154:

² Թուրքիայում հայոց առաջին զանգվածային ջարդերից սկսած մինչև 1920 թվականի վերջերը հայ ժողովրդի կրած մարդկային կորուստները հետևյալ թվերով են արտահայտվում: 1894—1896 թվականներին թուրքերը ոչնչացրին 300 հազար հայի: 1897—1915 թվականների խժոժություններին զոհ գնաց նվազագույնը 50—60 հազար մարդ: 1915 թվականի գարնան ու ամռան ամիսներին ամենաանգութ շարժարաններով ոչնչացան 1,6 միլիոն հայեր: Հետագա շրջանում, մինչև 1918 թվականի զինադադարը Թուրքիայում սպանվեց կամ հարվմներում ու որբանոցներում թուրքացավ շուրջ 500 հազար հայ: Զինադադարից հետո քեմալական զեղերը շարունակեցին սպանել նույն ոճիբը և Կիլիկիայից մինչև Կարս, Նախիջևան և Ալեքսանդրապոլ իրենց հարձակումների ընթացքում ոչնչացրին ավելի քան 300 հազար մարդ: Իսկ այդ կոիվների իբրև հետևանք Կովկասյան Հայաստանում 1918—1920 թվականներին, մինչև երկիրը սովետական հանրապետություն դառնալը, սովից ու համաճարակներից մահացան ևս 350 հազար հայեր: 1922—1923 թվականներին Կիլիկիայում, Իգմիրում և այլ վայրերում քեմալականները ոչնչացրին ևս 200 հազար հայի: Այսպիսով, թուրքերի գործադրած ցեղասպանության հետևանքով ընդամենը քառորդ դարում՝ 1890-ական թվականների կեսերից մինչև 1920 թվականը հայ ժողովուրդը կորցրեց իր ընդհանուր թվաքանակի ավելի քան 60 տոկոսը՝ ավելի քան 3 300 000 մարդ:

³ Ե. Զարեցի անվան գրականության և արվեստի պետական թանգարան (ԳԱԹ), ց. 1, գ. 1, № 2658:

¹ Б. А. Борьян, Армения, международная дипломатия и СССР, честь II, с. 135.

² «Կոմունիստ», 5 փետրվարի 1921 թ.:

³ СЛУ «Советская историческая энциклопедия», т. 1, Москва, 1961, էջ 753:

⁴ СЛУ «Կոմունիստ», 23 հունվարի 1921 թ.:

⁵ Վ. Ի. Լենին, Եժ, հ. 42, էջ 65:

յուր տարի շարունակ պարտութիւններ տեսած ժողովուրդը ազգային ստորացումից, կոտորածներից ու ջարդերից դուրս գալով, կանգնում էր սոցիալիզմի ճանապարհին, որի վրա նա պիտի հեքիաթային վերածնունդ ապրեր, տաներ մեկը մյուսից փառապանծ հաղթանակներ:

Հայաստանում իրենց իշխանութիւնը կորցրած դաշնակցական պարագլուխները դիմեցին նոր ոճրագործութեան: 1920 թվականի դեկտեմբերի 2-ին, այսինքն իշխանութիւնից զրկվելու շորորդ օրը, նրանք Թուրքերի կողմից գրավված Ալեքսանդրապոլում պայմանագիր կնքեցին Կարաբեքիրի հետ: Արդեն լիազորութիւններից զրկված դաշնակցական պատվիրակութիւնն իր ստորագրութիւնով օրինականացրեց քեմալական ագրեսորների տերիտորիալ զավթումները¹:

Ալեքսանդրապոլի պայմանագրով Թուրքիան Հայաստանից բռնագրավեց Կարսը և Արդահանը, որոնք 1878 թվականից ի վեր Ռուսահայաստանի մասն էին կազմում, Կաղզվանի, Օլթիի, Արդվիինի օկրուգները, Սուրմալուի ընդարձակ գավառը Իգդիր քաղաքով, նաև Արարատ լեռը՝ Հայաստանի, հայ ժողովրդի գոյութեան խորհրդանիշը: Թուրքիան այդ պայմանագրով Հայաստանից անջատեց նաև նրա հենց կենտրոնում գտնվող Նախիջևանի, Շարուրի և Շահթախտի շրջանները: Հայաստանի ամբողջ ներքին կյանքը և արտաքին հարաբերութիւնները լիովին ենթարկվում էին Թուրքիայի վերահսկողութեանը: Այլ խոսքով Հայաստանը Ալեքսանդրապոլի պայմանագրով վերածվում էր Թուրքիայի մի վիլայեթի:

Ալեքսանդրապոլի դաշնագրի դեմ բուռն կերպով բողոքեց Անդրանիկը, բողոքեցին հայ քաղաքական բոլոր կուսակցութիւնները, բացի դաշնակցութիւնից²:

Անդրադառնալով Ալեքսանդրապոլի խայտառակ պայմանագրի կնքման հանգամանքներին, Գ. Վ. Զիչերինը նշում էր, որ «Հայաստանի համար շափից դուրս ծանր հաշտութեան պայմանագրի... համաձայն նրա նույնիսկ ձեռնարկներն անկախ մնացած մասը փաստորեն լրիվ կախման մեջ էր ընկնում Թուրքիա-

յից: Այդ պայմանագիրը շճանաչվեց ո՛չ Սովետական Հայաստանի, ո՛չ Ռուսաստանի Սովետական միութենական հանրապետութեան կողմից, և նրա շեղյալ հայտարարելը Ռուսաստանի և Թուրքիայի միջև տեղի ունեցած հետագա բանակցութիւնների գլխավոր առարկաներից մեկն էր: Մինչդեռ Թուրքիայի և Ռուսաստանի բանակցութիւնները սպառիչ քաղաքական համաձայնագրի վերաբերյալ շարունակվում էին»³:

«... Թուրքական ուսուցիչները շրջանների ավանտյուրան, որը ռազմական զգալի ուժեր պահանջեց Հայաստանի դեմ ագրեսիայի համար, թուլացրեց Թուրքիային իմպերիալիստների դեմ մղած նրա պայքարում»⁴, — ասված է «ՄՍՀՄ արտաքին քաղաքականութեան պատմութիւն» կոլեկտիվ աշխատութեան մեջ: Չնայած դրան, քեմալականների Հայաստանի հաշվին ձեռք բերած արտաքին քաղաքական հաջողութիւնները ամրապնդեցին նրանց դիրքերը երկրի ներսում: Նրանք լիակատար ազատութիւն տվեցին բանվորների և գյուղացիների դեմ իրենց գործողութիւններին, ձեռնարկեցին բոլոր միջոցներն՝ ամրապնդելու Թուրք առևտրաբաղձունաբերական բուրժուազիայի դիրքերը:

Տեսնելով, որ կեղծ-կոմկուսի գործունեութիւնն անբավարար է Թուրքիայի մարքս-լենինյան կուսակցութիւնը քայքայելու համար, քեմալականները որոշեցին արյունալի հաշվհարդար տեսնել իսկական կոմունիստների հետ, նրանց ֆիզիկապես ոչնչացնելու միջոցով վերջ տալ կոմունիստական շարժմանը երկրում:

Արեւելքի ժողովուրդների I համագումարին մասնակցած Թուրքիայի կոմկուսի 9 հոգուց բաղկացած պատվիրակութիւնը քեմալականների «համաձայնութեամբ» 1920 թվականի դեկտեմբերին Բաքվից մեկնեց Թուրքիա՝ այնտեղ կոմունիստական աշխատանք տանելու համար: Ուղին անցնում էր հենց նոր սովետականացված Հայաստանի վրայով: Գալով Հայաստան, Թուրքիայի կոմկուսի Կենտրոնական կոմիտեի նախագահ Մուստաֆա Սուբհին, Կենտկոմի քարտուղար Նեժաթը, Կենտկոմի արտա-

¹ Г. В. Чичерин, Статьи и речи по вопросам международной политики, с. 196.

² «История внешней политики СССР. 1917—1980», в двух томах, т. I, 1917—1945 гг., с. 141.

¹ ՏՆ՝ս ՄԼԻԻ ՉՄԿԱ, ֆ. 4047, ց. 1, գ. 712, թ. 1—2, գ. 713, թ. 1—3:

² ՏՆ՝ս Արսեն Ժամկոչեան, Զորավար Անդրանիկ կը պատասխանէ իր հակառակորդներուն, էջ 62:

սահմանյան բյուրոյի նախագահ Հաբքին, բյուրոյի բարտուղար Մեսուղին, Կենտկոմի անդամներ Նազիմին, Խիլմիողլուն, Զիտողլուն հանդիպումներ ունեցան սովետական նորաստեղծ հանրապետության ղեկավար աշխատողների հետ, ելույթներ ունեցան աշխատավորական միտինգներում: Նրանք իրենց բուն ուրախությունն էին հայտնում բազմաշարք հայ ժողովրդի ազատագրության և ազգային ինքնորոշման առթիվ: Լինելով հայ և թուրք ժողովուրդների բարեկամության ջատագովներ, նրանք իրենց ելույթներում շեշտը դնում էին երկու ժողովուրդների միջև նոր հարաբերություններ ստեղծելու անհրաժեշտության վրա¹:

Կարսի վրայով Անկարա մեկնելուց առաջ Սուբհին և Նեժաթը Հայաստանի կոմունիստական կուսակցության Կենտկոմի հասցեով ուղարկեցին համատեղ ստորագրած մի նամակ, որը տպագրվեց Կենտկոմի օրգան «Կոմունիստ» թերթում: «Մի քանի օր գտնվելով Հայաստանի տերիտորիայի վրա և ականատես լինելով բազմաթիվ փաստերի և դեպքերի,— գրում էին նրանք,— մենք եկանք այն խոր համոզման, որ Հայաստանի բանվորներն ու գյուղացիները լցված են պետական նոր կյանք ստեղծելու տենչով: Այսօր, երբ մենք մեկնում ենք ապստամբած Անատոլիա, հավատացած ենք, որ Հայաստանի խորհրդային հանրապետությունը, իրեն պաշտպան ունենալով աշխատավոր մասսաներին, կհանդիսանա Արևելքում ամենակարևոր հեղափոխական կենտրոններից մեկը»: Ապա նամակի հեղինակները հավաստիացնելով, որ «մենք Թուրքիայում՝ աշխատավորական մասսաների մեջ կդնենք ամեն տեսակ ուժ և կարողություն Հայաստանի խորհրդային իշխանությունն ամրապնդելու և պաշտպանելու համար», միաժամանակ համոզմունք էին հայտնում, որ իրենց հերթին Հայաստանի կոմունիստները ամեն ինչ կանեն «հայ և թուրք բանվորների ու գյուղացիների միջև կորայրական հարաբերություններ ստեղծելու» համար: «Միայն փոխադարձ աջակցության ճանապարհով կարող ենք մեր ստրկացած ժողովուրդների զինվորական մութ և թշնամական զգացումներն արմատախիլ անել, միայն այդ ճանապարհով կարող ենք թուրքերին և հալերին մղել իրար ձեռք ձևոքի տալու, կազմելով մի

մարմին և ուղղելով նրան կոմունիզմի լուսավոր հորիզոնին, որը խոստանում է ամբողջ մարդկության հավիտենական երջանկություն»² — այսպես էին վերջացնում նրանք իրենց նամակը:

Սուբհիի խմբին միացան Անատոլիա մեկնող այլ կոմունիստներ: Անցնելով թուրքական սահմանը, նրանք անմիջապես հանդիպեցին իշխանությունների թշնամական վերաբերմունքին: Ամենուրեք սկսվեցին զրպարտիչ լուրեր պատվել, թե Սուբհին և նրա ընկերները հալերի և հույների գործակալներն են, թե նրանք ռուս բոլշևիկների կողմից կաշառվել են, որպեսզի Թուրքիայում ցանկն ներքին պառակտումների սերմեր, կրոնը հետապնդելու միջոցով վերջնականապես թուլացնեն Թուրքիան և նրան հասնեն դարավոր թշնամիների հռչակմանը: Արդեն էրգրումում իշխանությունները տգետ ամբոխի ցույց կազմակերպեցին: Աստիկանության զրգամբ քրեական տարրերը հարձակվեցին կոմունիստ ընկերների վրա, քարկոծեցին նրանց և զեռ ալդտեղ փորձեցին արյունալի դատաստան տեսնել նրանց հետ:

Անկարա շնասած, քեմալական կառավարության գիտությունը և հրահանգով Թուրքիայի կոմկուսի ղեկավարները ձերբակալվեցին: Նրանց՝ Կենտկոմի նշված անդամներին և 12 ուրիշ կոմունիստների տարան Տրապիզոն և հունվարի լույս 29-ի գիշերը, նստեցնելով մոտորային նավակներ, դուրս բերեցին բաց ծով: Կա հիշենք սվինահարեցին բոլորին և, զիակներին քար կապելով, նետեցին ջուրը: «Ան ծովը ալեկո՞ էր», — այս էր եղել քեմալականների սառնարյուն պատասխանը սովետական պաշտոնյաների հարցապնդմանը:

Ի դեմս տանջամա՞րված Սուստաֆա Սուբհիի կոմունիստական շարժումը կորցրեց Թուրքիայի բանվորության ամենաանապատը հեղափոխական գործին: Նա թուրքական կապիտալիստների ու կալվածատերերի և Անկարայի կեղծ-կոմունիստական կուսակցության անհաշտ հակառակորդն էր, որոնց անխնա մերկացնում էր իր բազմաթիվ հողվածներով ու ելույթներով Միաժամանակ Սուբհին չեղմորեն էր վերաբերվում եվրոպական իմպերիալիստների դեմ ուղղված Անատոլիայի գյուղա-

¹ «Կոմունիստ», 31 դեկտեմբերի 1920 թ.:

² Մ. Մ. Պավլովի (М. Вельман) «Революционер» Турция, 1920 թ. և Կարապետյան, 1920 թվականի հայ թուրքական պատերազմը և Սովետական Ռուսաստանը «Հայաստան» հրատարակչություն, Երևան, 1965, էջ 52:

¹ ՏՆՍ «Կոմունիստ», 31 դեկտեմբերի 1920 թ.:

² ՏՆՍ «Կոմունիստ», 29 հունվարի 1921 թ.:

ցիւթյան ազատագրական պայքարին, հնարավոր բոլոր միջոցներով նպաստում էր այդ պայքարի հաջողութեանը: Սուբճին և նրա մարտական ընկերները արշամբ ապացուցեցին իրենց հավատարմութիւնը կոմունիստական իդէալներին:

Թուրք կոմունիստների նկատմամբ քեմալական դահիճների գազանային հաշվեհարդարը գայրույթով դատապարտեցին սովետական մարդիկ: Մուստաֆա Սուբճին և նրա ընկերների եղեռնական մահը խոր վիշտ պատճառեց հայ կոմունիստներին, Սովետական Հայաստանի աշխատավորութեանը:

Տրապիզոնյան հաշվեհարդարից հետո թուրքական իշխանութիւնները գործեցին մի շարք ստոր շարագործութիւններ ևս: Երկու շաբաթ հետո նույն բախտին արժանացավ Սովետական Ռուսաստանից Անատոլիա անցած Նազիմ-Ագվախը: Կարսում քեմալականները կախեցին Արևելյան Անատոլիայի ազգային շարժման կազմակերպիչներից մեկին՝ արիասիրտ մարտիկ Մեսուդին: Սովետական թուրքագետ Ա. Շամսուդդինովը գրում է. «Հենց այդ շրջանում սպանվեցին նաև կոմունիստական կուսակցութեան ակտիվ գործիչ, կապիտան Գուլյամ Նեզիմը և թուրքական ազգի տասնյակ այլ անհայտ հերոսներ: Գազանային այդ սպանութիւնները թուրքական բուրժուազիայի դասակարգային ատելութեան արտացոլումն են»¹: Միաժամանակ Անատոլիայում դատի տրվեցին 27 ուրիշ կոմունիստներ: 1922 թվականի սեպտեմբերին Թուրքիայի կոմկուսը օրենքից դուրս հայտարարվեց, անցավ խոր ընդհատակ, որտեղ և գտնվում է մինչև այսօր:

Չնայած դրան, քեմալականները շարունակում էին հաշուութեամբ խաղալ «հակահիմակերիստական» ուժի, համաշխարհային հեղափոխական շարժման ջատագույնների և սովետական երկրի «բարեկամներին» դերը: Բայց արդեն այն ժամանակ գնալով հաճախակի էին լսվում բողոքի ձայներ քեմալականների վարած հակաժողովրդական քաղաքականութեան նկատմամբ, սովետական պարբերական մամուլի էջերում ավելի ու ավելի ուժգին էին քննադատութեան ենթարկվում «նոր Թուրքիայի» կառավարողները:

Այսպես, «Նորհրդային Հայաստան» թերթը 1921 թվականի օգոստոսին «Թուրքիան և իր ազատագրական պայքարը» հոդ-

վածում բացահայտում էր քեմալականների հակաժողովրդական էութիւնը, գրելով, որ իրենց «քաղաքական ձգտումներով ու տնտեսական հեռանկարներով ղեկավարվող Անատոլիայի վարիչները համաշխարհային հեղափոխական շարժումը նկատել են միայն որպես նպաստավոր մի երևույթ, որից կարելի է օգտվել, և որի մասին կարելի է խոսել այնքան, որքան դա ձեռնտու է թուրքերի քաղաքական շահերին»: Նշելով, որ քեմալական շարժումը գնալով ավելի ու ավելի ունակցիտն է դառնում, թերթը գրում էր. «Ակզբներում, 1919 թվականին, երբ Անատոլիայում ապստամբները դեռ նոր էին ձեռնարկել անկախութեան պայքարին, նրանք սիրով խոսում էին (տես էրզրումի «Ալ-Բայրակ» թերթը) համաշխարհային հեղափոխութեան, ռուսական հեղափոխութեան նվաճումների և ձգտումների մասին: Բայց երբ արդեն Անգորայում հաստատվեց օրինական կառավարութիւնը, երբ վերածնվեցին Թուրքական կայսրութեան վերականգնումի հույսերը, այդ բոլորից Անատոլիայի ղեկավարները ոչ միայն լռում են համաշխարհային հեղափոխութեան մասին, այլև իրենց սակավաթիվ «սոցիալիստներին» ու ռեֆորմիստներին խստորեն արգելում են անգամ ակնարկել այդ մասին»²: Դա պատահական չէ, շարունակում էր թերթը, քանի որ քեմալականները, ինչպես կրակից, սարսափում են ժողովրդական մասսաների սոցիալական կուլթիւններից: «Զէ՞ որ թուրք գյուղացին և բանվորը, որոնք հեծում են կալվածատերերի, բեգերի, փաշաների, բռնավոր բյուրոկրատիայի կեղեքման տակ և տալիս են պետութեան պահանջման համար պահանջվող ամբողջ արշունն ու ամբողջ ծախսերը, այդ դեպքում կբարձրացնեն ապստամբութեան դրոշմը այսօրվա իրենց տերերի դեմ: Զէ՞ որ թուրք արիստոկրատիայի, հոգևորականութեան դիկտատուրան այդ դեպքում, ռուսական հեղափոխութեան օրինակով, կփոխարինվեր բանվորագյուղացիական դիկտատուրայով»³: Թերթը նախազգուշացնում էր, որ չնայած Թուրքիայի նոր կառավարողները հրապարակայնորեն հրաժարվել են պանթուրքիզմի քաղաքականութեանից, սակայն նրանք ներքնապես բնավ ձեռք չեն քաշել այդ խելացնոր գաղափարից և բացառված չէ, որ օգտագործելով մահմեդական կրոնը՝ առաջիկայում փորձ կանեն թափանցելու Ռուսաստանի

¹ А. М. Шамсутдинов, Национально-освободительная борьба в Турции (1918—1923 гг.), с. 173.

¹ «Նորհրդային Հայաստան», 6 օգոստոսի 1921 թ.:

² Նույն տեղը:

³ Նույն տեղը:

Թուրքալեզու ժողովուրդներով բնակեցված շրջանները: «Թուրքական ոռոմանտիզմը մինչև այսօր էլ հնարավոր է համարում պանթուրանիզմը և կառած կմնա այդ գաղափարին, քանի դեռ մահմեդական կրոնի կապը դեկավար դեր կխաղա մուսուլման ժողովուրդների մտածության մեջ: Տաճկաստանի նվաղագույն ծրագիրը մտտիկ ապագայի համար կլինի Կովկասի և Հյուսիսային Ադրբեջանի միացումը որպես տնտեսապես հարուստ երկրներ, որոնց մեջ բավական պատասպարվել է թուրքական կուլտուրան (լեզուն ու գրականությունը) վերջին տասնամյակի ընթացքում:

Բայց Թուրքիան իհարկե մոռանում է, որ ոչ մի սովյալ շուների այդ նվազագույն ծրագիրն անգամ իրականացնելու, բացի տեղական ժողովուրդների միջև իր էմիսարների և ագիտատորների գարթնեցրած որոշ հակումից դեպի Թուրքիան, որ պահպանվել է վերջինիս պիսվորական հաջողություններով»¹:

Քաղաքական պայմանագիր կնքելու համար 1921 թվականի մարտին Մոսկվայում բացվեց սովետա-թուրքական կոնֆերանս: Նախօրյակին, փետրվարի 18-ին, դաշնակցականները Հայաստանում խոռվություն էին բարձրացրել, գրավել Երևանը և հանրապետության մի քանի շրջաններ: Ստեղծվել էր այսպես կոչված «Հայրենիքի փրկության կոմիտե» Սիմոն Վրացյանի զբաղվորությամբ: Իրենց խելահեղ քայլով «հայրենիքի փրկարարները» նոր դժբախտություններ բերեցին արյունաքամ երկրին» նոր հարված հասցրին նրա կենսական շահերին:

Թե այդ օրերին դավաճանության ինչպիսի մրցանիշներ էին խփում դաշնակցական արկածախնդիրները, լավ երևում է թեկուզ այն հեռագրերից, որ Անկարա և Մոսկվա էր ուղարկել քաղաքական հոգեվարքի մեջ գտնվող Սիմոն Վրացյանը: Այդ պնակալեզր, ընկնելով բեմալական մարդասպանների ոտքերը, նրանցից գթություն էր աղերսում, նույնիսկ օգնություն մտրում: 1921 թվականի մարտի 15-ին Թուրքիայի Ազգային մեծ ժողովին հղած հեռագրում Վրացյանը գրում էր. «Իմ կառավարությունը Տաճկաստանի և Հայաստանի միջև միջազգային նորմալ և բարեկամական հարաբերություններ ստեղծելու բազա է համարում այն պայմանները, որոնք ձևակերպված են անցյալ տարվա դեկտ [եմբերի] 2-ին Ալեք[սանդրա]յառում կնքված հայ-տաճկա-

կան դաշնագրի մեջ, և հետագային ստեղծված իրական պայմանները»¹: Հովհ. Քաջաղունու, Հ. Օհանջանյանի, Վ. Մինախոյանի և իր «Շրջապատի մարդոց գիտությունը և հավանությունը»² Ս. Վրացյանը կազմում և երեք օր հետո, մարտի 18-ին, Երևանում թուրքական արևելյան ճակատի հրամանատարության ներկայացուցիչ Բեհեդդինի միջոցով Անկարա, Ազգային մեծ ժողովին է ուղարկում նոր դիմում, չմոռանալով միջնորդին խնդրել, որ այն «շտապ կերպով հասցնի» թուրքական կառավարությանը, որպեսզի և «շուտափույթ պատասխան ստացվի»³: Վրացյանը հայ ժողովրդի ոխերիմ թշնամիներին խնդրում էր. «1.— Վերադարձնել Երևանի ռազմաճակատում գտնվող հայ զինվորական գերիներին: 2.— Տալ որոշ պայմանով հայ բանակին ռազմամթերք, առաջին հերթին ռուսական երեք գծանի հրացանի կամ տաճկական մատուցիչ փամփուշտներ և կամ ռուս լեբելի սիստեմի հրացաններ: 3.— Հաղորդել մեզ, թե արդյոք Ազգային մեծ ժողովի կառավարությունը հնարավոր գտնում է հասցնել Հայաստանին զինվորական օժանդակություն և, եթե կարող է, ի՞նչ չափով ու եղանակով և ի՞նչ ժամանակամիջոցում»⁴: Ապա դիմումի վերջում Վրացյանը գրում էր. «Սույն դիմումը անելով՝ Հայաստանի կառավարությունը հիմնվում է այն բարեկամական հարաբերությունների վրա, որոնց հիմքն է գրված Ալեքսանդրապոլի դաշնագրից սկսած և որոնք խանգարված էին բոլշևիկների իշխանության ժամանակ»⁵:

Որքան գարշելիության չափ զգվելի էին Անկարա ուղարկած գետնամած աղաչանքները, նույնքան ամբարտավան էր մարտի 12-ին Ս. Վրացյանի կողմից Մոսկվա, ՌՍՖՍՀ արտաքին գործերի ժողկոմ Գ. Վ. Զիչերինին ուղարկած հեռագրի տոնը:

Այս հեռագրի առիթը Մոսկվայի սովետա-թուրքական կոնֆերանսն էր: Դեռ 1921 թվականի փետրվարին Սովետական Հայաստանի արտաքին գործերի ժողկոմ Ալեքսանդր Բեկզադյանը, գլխավորելով հայկական պատվիրակությունը, մեկնել էր Մոսկվա, նախատեսվող կոնֆերանսին մասնակցելու համար:

¹ Ս. Վրացյան, Կենքի ուղիներով, հ. 2., տպ. «Համազգային», Բեյրութ, 1967, էջ 66—67:

² Նույն տեղը, էջ 68:

³ Նույն տեղը, էջ 67—68:

⁴ Նույն տեղը, էջ 68:

⁵ Նույն տեղը:

¹ «Նորհրդային Հայաստան», 6 օգոստոսի 1921 թ.:

եվ ա՛հա, հենց կոնֆերանսի օրերին Մոսկվայում ստացվեց Ս. Վրացյանի հեռագիրը: Դաշնակ արկածախնդիր շեֆը հոխորտում էր, թե քանի որ Հայաստանում արդեն տապալված է սովետական իշխանությունը, ուստի Ալ. Բեկզադյանն այլևս լիազորված չէ կոնֆերանսում ներկայացնելու Հայաստանը: «... Բեկզադյանի հանդես գալն իբրև Հայաստանի ներկայացուցիչ՝ իրեն չպատկանող իրավունքների մի կոպիտ շահագործում է հանդիսանում», — ասված էր հեռագրում: Ուստի «Հայաստանի կառավարությունը սրանով հայտարարում էր, որ իրեն համար պարտավորեցուցիչ չեն Հայաստանի հանրապետության անունով Բեկզադյանի կնքած բոլոր պայմանագրերը, նաև նրա կողմից հանձն առնված բոլոր պարտավորությունները, ինչ չափով, ինչ իմաստով էլ լինեն դրանք»¹: Ս. Վրացյանի շարադետ հեռագրի հետևանքն այն եղավ, որ Թուրքական պատվիրակությունը օգտագործեց այդ հանգամանքը և Սովետական Հայաստանի ներկայացուցիչը չկարողացավ մասնակցել կոնֆերանսին, որտեղ քննարկվում էին հայ ժողովրդի համար բախտորոշ հարցեր:

1922 թվականին, Ջենովայի կոնֆերանսի օրերին, հայ ազատամարտի գրող Ալեքսանդր Շիրվանզադեն տեսակցություն է ունենում սովետական պատվիրակության անդամ Ալ. Բեկզադյանի հետ և զրուցում Հայաստանին վերաբերող հարցերի շուրջը: Տեսակցության ընթացքում խոսք է գնում Ս. Վրացյանի նշված հեռագրի մասին: «Անցյալ տարի, — ասում է Ալ. Բեկզադյանը, — երբ ես նոր հայտարարված Սովետական Հայաստանի կողմից իբրև պատգամավոր ուղարկված էի Մոսկվա, խնդրելու, որ Ալեքսանդրապոլի դաշնագրությունը վերաքննվե, ամենուրեք հանդիպեցի կենտրոնական կառավարության բոլոր շրջանների անկեղծ համակրությունը: Ես լիովին հավատացած եմ, որ այսօր Կարան էլ իր շրջանով և Նախիջևանի ու Սուրմալուի գավառներն էլ կցված կլինեն Սովետական Հայաստանին, եթե տեղի չունենար դժբախտ դեպք: ... Երբ ես Զիչերինի մոտ էի և գրեթե ստացել էի նրա հավանությունը՝ Կարսը և հիշյալ նահանգները մեզ վերադարձնելու..., ստացվեց նախկին հանրապետության վարչապետ պ. Վրացյանի շարաբախտ հեռագիրը: ... Այդ վայրկյանին ես այլևս ոչինչ չէի կարող անել և ստիպված եղա վերադառնալ Կովկաս ձեռնունայն»²:

Մոսկվայի սովետա-թուրքական բանակցությունները տեղի էին ունենում լարված մթնոլորտում: Հատկապես մեծ դժվարություն էր առաջ բերում տերիտորիալ հարցերի կարգավորումը: Թուրքերը ոչ մի մտադրություն չունեին Հայաստանից զավթած հողերից մի թիվ անգամ վերադարձնելու նրան:

Սովետական Ռուսաստանը չէր կարող նոր բարդություններ ստեղծել Թուրքիայի հետ հարաբերություններում, որը պատրաստ էր նետվելու: Անտանտի գիրկը: Բանն այն է, որ այն օրերին, երբ Թուրքական պատվիրակությունը Մոսկվա էր եկել ՌՍՖՍՀ կառավարության հետ բարեկամության պայմանագիր կնքելու համար, այդ նույն ժամանակ Թուրքական մի ուրիշ պատվիրակություն կոնդոն էր ժամանել և բանակցում էր անգլիական կառավարության հետ: Քեմալը բոլշևիկների «հավատարիմ դինակիցը» լինելով, առիթը բաց չէր թողնում անգլիացիներին ներշնչելու, թե պատվար է ստեղծում բոլշևիզմի դեմ: Այդ շրջանում ոչ միայն քեմալականներն էին լայն գործունեություն ծավալել Անգլիային և Ֆրանսիային մերձենալու համար, այլև Թուրքական կառավարության հանձնարարությամբ նույն գործին լծվել էին Եվրոպայում ապաստանած իթթիհադական գործիչները: Օրինակ, դեռ այն ժամանակ հայտնի էր դարձել, որ 1921 թվականի փետրվարին Թալեաթը Բեռլինից գալով Ժնև, աչտեղ տեսակցություն էր ունեցել անգլիական մի դիվանագետի հետ, որին քեմալականների անունից հավաստիացրել էր, որ «նոր Թուրքիայի» կառավարողները Անգլիայի և նրա դաշնակիցների հանդեպ տածում էին անկեղծ համակրանք:

Դեռ 1918 թվականից Բեռլինում ապաստան գտած կատաղի իթթիհադական, ապա քեմալական գույն ստացած կադանցի թաթար Իդրիս Բեյը այդ նույն ժամանակ եռանդուն պանթուրքական պրոպագանդա էր մղում, մեկնում Եվրոպական կենտրոններ, ամենուրեք կոչ անում շարունակել անհաշտ պայքարը բոլշևիզմի դեմ: Երբ Մոսկվայում տեղի էր ունենում սովետա-թուրքական կոնֆերանսը, խիզախ հայորդի Սողոմոն Թեշիբյանը Բեռլինում գնդակահարեց հայ ժողովրդի արյունարբու դահիճ Թալեաթին: Մեծ ոճրագործի հուղարկավորության ժամանակ հանդես գալով

¹ Ս. Վրացյան, *Կեանքի ուղիներով*, հ. 2., էջ 70:

² Շիրվանզադե, *Երկերի ժողովածու*, հ. 9, էջ 580:

³ Տե՛ս Սողոմոն Թեշիբեան, *Վերադարձներ*, էջ 288:

դամբանական ճառով, Իդրիս բեյը թուրքերին և բոլոր մուսուլմաններին կոչ էր անում շրջանի «բոլշևիկյան ծուղակը», շարունակել պայքարը «մուսուլմանների բնական թշնամու»՝ Ռուսաստանի դեմ, հետևողականորեն շարունակել այն գործը, որին իր կյանքը անմնացորդ նվիրաբերել է Թալեաթը:

Ահա թե ինչու Վ. Ի. Լենինը նախադրուշացնում էր. «Թուրքիան ղեկավարում են կադետները, օկտյաբրիստները, ազգայնականները, որոնք պատրաստ են մեզ վաճառել Անտանտին»¹: Սովետական Ռուսաստանի կառավարությունը 1921 թվականի մարտի 16-ի սովետա-թուրքական պայմանագրով ստիպված էր Թուրքիային դիջել նրա դավթած տերիտորիաների մեծ մասը²: Սովետական կողմը համաձայնեց նաև կենտրոն ունենալ Բաթումի նավահանգիստը, ստեղծել մուսուլմանական բնակչությանը Աջարական Ինքնավար Հանրապետություն, ինչպես և կազմավորել Նախիջևանի միջանկյալ Ինքնավար Հանրապետությունը՝ Սովետական Ադրբեջանի պրոտեկտորատի տակ:

Անդրադառնալով թուրք-հայկական պատերազմի արդյունքներին և Մոսկվայի կոնֆերանսի բանակցություններին, Ա. Ֆ. Միլլերը նշում է. «Հայ ժողովուրդը շատ զոհեր կրեց թուրքական շովինիստների այդ թալանչիական քաղաքականությունից»³: Իր հերթին ֆրանսիացի հետազոտող Փ. Կայզերը շեշտում է, որ Մոսկվայի բանակցությունները ընդհանուր առմամբ խիստ նպաստավոր եղան Թուրքիայի համար, որը շատ ավելին ստացավ, քան սովեց սովետներին⁴: Նա գրում է, որ մարտի 16-ի պայմա-

նագիրը «անկասկած քաղաքական հաղթանակ եղավ թուրքական նացիոնալիստների համար»⁵:

Մոսկվայի կոնֆերանսից հետո թուրքերը փորձ արեցին չկատարել կոնֆերանսի որոշման այն մասը, որը վերաբերում էր Ալեքսանդրապոլ քաղաքին և գավառին: Օլիվեր Բուլդոինը, որը 1921 թվականի գարնանը Հայաստանից Թուրքիայի վրայով մեկնել էր Եվրոպա, նկարագրելով քեմալական զորքերի օկուպացման տակ գտնվող Ալեքսանդրապոլը, գրում էր, որ քեմալականները հաստատապես վճռել էին Թուրքիային միացնել այդ քաղաքը և նույնանուն գավառը: Նրանք ուղղակի ասում էին. «Պատճառ չկա, որ Ալեքսանդրապոլը վերադարձնենք հայերին. դա թուրքական քաղաք է»²:

Օկուպանտները Ալեքսանդրապոլի խաղաղ բնակիչներին հարյուրներով զնդակահարում էին հնարովի պատրվակներով, կողոպտում ու տանում ամեն ինչ³: Նրանք ամենափոքր անգամ հաշվի չէին առնում բոլշևիկների բողոքները: Քեմալականները արհամարհանքի ու ծաղրի էին ենթարկում օկուպացված Ալեքսանդրապոլում հայ բոլշևիկների ստեղծած հեղկոմը, որը կյանքի էր կոչվել «թուրք բոլշևիկների» օգնությամբ քաղաքում վերացնելու դաշնակների տիրապետության հետևանքները և հաստատելու սովետական կարգեր: Ալեքսանդրապոլի հեղկոմը շուտով համոզվեց, որ Հայաստան արշաված թուրքերի մեջ չկան բոլշևիկներ, որ քեմալականները հայ ժողովրդի ոխերիմ թշնամիներն են և ոչնչով չեն տարբերվում Երիտթուրքական դահիճներից⁴: Հեղկոմի անդամները բռունցքները սեղմած անզոր դայթոսներով տեսնում էին, թե ինչպես են քեմալականներն անպատիժ մորթում, բռնադատում և կողոպտում հարազատ ժողովրդին⁵:

Համառորեն մնալով Ալեքսանդրապոլում, թուրքերը բոլոր միջոցներով ձգտում էին Հայաստանի շրջափակման օղակը նեղացնել, մանուկ սովետական հանրապետությունը կտրել Ռուսաստանից: Ալեքսանդրապոլի երկաթուղին իր ձեռքում պահելով՝

1 Վ. Ի. Լենին, ԵԼԺ, հ. 42, էջ 154:

2 Մոսկվայում հաջողվեց համաձայնություն ձեռք բերել Ալեքսանդրապոլ քաղաքը և գավառը Սովետական Հայաստանին վերադարձնելու մասին: Բայց թուրքերին մնացին Հայաստանից խլած մյուս տերիտորիաները՝ 19.915 քառ. կմ տարածությամբ (տե՛ս «Бюллетень Центрального статистического управления», 1921 г., № 55, էջ 10): Մոսկվայի պայմանագրով որոշվեց սովետա-թուրքական այն սահմանագիծը, որը գոյություն ունի մինչև այժմ: Այդ պայմանագիրը ստորագրելուց յոթ ամիս հետո՝ 1921 թվականի հոկտեմբերի 13-ին, ՌՍՖՍՀ ներկայացուցչի մասնակցությամբ Թուրքիայի և Անդրկովկասի երեք հանրապետությունների միջև Կարսում կնքվեց պայմանագիր, որն ըստ էության Մոսկվայի պայմանագրի վերահաստատումը լինելով, որևէ փոփոխություն չմտցրեց ստեղծված սահմանային ռեժիմի մեջ:

3 А. Ф. Миллер, Краткая история Турции, с. 183—184.

4 Տե՛ս Ж. Кайзер, Европа и новая Турция, էջ 52:

1 Ж. Кайзер, Европа и новая Турция, с. 54.

2 Օլիվր Պուտոլիե, Վեց բանտ և երկու լեղափոխություն, էջ 181:

3 Տե՛ս «Կոմունիստ», 27 և 28 հունվարի 1921 թ. և 2 և 3 փետրվարի 1921 թ.:

4 Տե՛ս «Կոմունիստ», 3 փետրվարի 1921 թ.:

5 Տե՛ս «Կոմունիստ», 8 փետրվարի 1921 թ.:

Թուրքիան փակել էր Սովետական Հայաստանը արտաքին աշխարհի հետ կապող միակ ճանապարհը:

Չնայած ՌՍՖՍՀ և Սովետական Հայաստանի կառավարությունների բազմաթիվ բողոքներին, Քյազիմ Կարաբեքիրը հրաժարվում էր իր ասկյարներին դուրս հանել Ալեքսանդրապոլից, հայտարարելով, որ միայն գնեքի ուժով կարող են թուրքական զորքերին տեղից շարժել: Այդ մասին Գ. Կ. Օրձոնիկիձեն հաղորդում է Գ. Վ. Չիչերինին, ավելացնելով, որ Կարաբեքիրը ասել է նաև, թե ինքը չի ճանաչում Մոսկվայի դաշնագրի այն կետը, որի համաձայն Ալեքսանդրապոլն անցնում էր Հայաստանին: Ի պատասխան Օրձոնիկիձեի այդ հաղորդման, Չիչերինը ասելիքի 6-ին նրան շտապ գրում է. «Այի Ֆուադը (Սովետական Ռուսաստանում Թուրքիայի դեսպան:— Ն. Ս.) ինձ խոստացել է անհապաղ ազատել Ալեքսանդրապոլը: Նրան իսկույննեթ հաղորդում եմ Կարաբեքիրի խուլիգանության մասին, մատնանշելով, որ Թուրքիայի և Սովետական Հայաստանի միջև պատերազմը կնշանակի պատերազմ Թուրքիայի և Սովետական Ռուսաստանի միջև»¹:

Այդ օրերին 11-րդ կարմիր բանակի հրամանատար Ա. Ի. Գեկկերը Ալեքսանդրապոլի մոտ հանդիպում է Կարաբեքիրի հետ և պահանջում զորքերն անմիջապես հանել քաղաքից և Մոսկվայի պայմանագրով որոշված սահմաններից: Տեսնելով, որ հետագա համառումը կարող է պատերազմ առաջ բերել Թուրքիայի և Սովետական Ռուսաստանի միջև, զավթիչները հարկադրված եղան հեռանալ Ալեքսանդրապոլից: Ապրիլի 23-ին 11-րդ կարմիր բանակի մեկ բրիգադ վելիկանովի հրամանատարությամբ մտավ քաղաք և կանգնեց թուրք-սովետական սահմանի պաշտպանական գծի վրա²:

ԲԱՍՄԱՀԱԿԱՆ ՇԱՐԺՈՒՄԸ ՄԻՋԻՆ ԱՍԻԱՅՈՒՄ ԵՎ ՆՐԱ ՋԱԽՋԱԽՈՒՄԸ: ԹՈՒՐԻԱԿԱՆ ԶՈՒՍԱԿԱՆ ՍՈՎԵՏԱԿԱՆ ՍՈՒՎԵՐԵՆ ՀԱՆՐԱՊԵՏՈՒԹՅՈՒՆՆԵՐԻ ԱՏԵՂԾՈՒՄԸ: ՊԱՆԻՍԱՄԻՋ-ՄԻ ԵՎ ՊԱՆԹՈՒՐԳԻՋՄԻ ԿՐԱԽԸ ՍԱՀՄ-ՈՒՄ

Միջին Ասիայում սովետական իշխանության հաղթանակից անմիջապես հետո այնտեղ սկսեցին իրականացվել սոցիալ-տնտեսական և քաղաքական արձատական վերափոխումներ: Տապալված, բայց դեռևս չվերացած շահագործողական դասակարգերը չէին ուզում հաշտվել ստեղծված նոր իրավիճակի հետ, ուստի բռնեցին սովետական կարգերը բռնի ուժով տապալելու, Թուրքեստանի, Նիվայի և Բուխարայի կոմկուսակցությունների միջոցառումները խափանելու ճանապարհը: Հակահեղափոխությանը հաջողվել էր իշխանության կենտրոնական և տեղական մարմինների ղեկավար պոստերում խցկել իր ներկայացուցիչներին, մի բան, որ զղայի չափով հեշտացնում էր նրա գործը:

Ներքին հակահեղափոխությունը գնալով ավելի ու ավելի շատ էր հակում ցուցաբերում համաձայնության գալու և միավորվելու արտաքին հետադիմական ուժերի հետ, որն ամեն գնով ձրգտում էր այդ երկրներում վերականգնել իր կարգերը կամ գրանց գարգացումն ուղղել կապիտալիստական հունով:

Տապալված շահագործող դասակարգերն ու խմբերը՝ ազգային բուրժուազիայի առավել հետադիմական մասը, ֆեոդալները, հին վարչակարգի պաշտոնյաները, ցեղապետերն ու տոհմապետերը, բայերը, իշխանները և մուլաները, բնդհանրապես մուսուլմանական հոգևորականությունը, որոնց ղեկավարում էին իմպերիալիստական պետությունների գործակալները, ամեն տեսակ միջոցներ էին ձեռնարկում, որպեսզի ստեղծեն կազմակերպված բասմաշական հակահեղափոխական շարժում: Այդ շարժման գաղափարախոսական դրոշը նացիոնալիզմն էր, որը հանդես էր գալիս պանիսլամիզմի և պանթուրքիզմի տեսքով:

¹ «Հոկտեմբերյան սոցիալիստական մեծ ռևոլյուցիան և սովետական իշխանության հաղթանակը Հայաստանում», էջ 511:

² Տե՛ս «Կոմունիստ», 23 ապրիլի, 1921 թ.:

Բասմաշների շարժումը Հոկտեմբերյան հեղափոխության կողմից տապալված տեղական շահագործող տարրերի դասակարգային պայքարի ձևն էր, այդ պայքարի արտահայտությունն ընդդեմ պրոլետարիատի դիկտատուրայի: Չարաշահելով ազգային և կրոնական զգացմունքները, երեկվա տիրույնները կարողացել էին բասմաշների շարժման մեջ ներգրավել աշխատավոր դեհականության առանձին խավերի:

Սակայն բասմաշությունն սոցիալ-քաղաքական կայուն բազա չունեց: Հենց այդ պատճառով էլ ամբողջ քաղաքացիական պատերազմի ընթացքում բասմաշական բանդաները բազավորվում էին գերազանցապես քաղաքներից հեռու ընկած և դժվարամատչելի լեռնային շրջաններում, որտեղից նրանք ավագակային հարձակումներ էին գործում քաղաքների, բանվորական ավանների և կիշլակների վրա¹:

Դեռևս 1918 թվականի կեսերին բասմաշական հակահեղափոխական շարժում ծավալվեց Ֆերգանայի հովտում: Նախապես մշակված պլանով Ֆերգանայի հակահեղափոխությանը պետք է աջակցեին ինտերվենտներն ու սպիտակավարդիականները՝ հարձակում գործելով Սեմիրեչիեի, Ակտյուբինսկի, Անդրկասպյան և Ֆերգանայի ռազմաճակատներում: Այդ պլանի համաձայն միաժամանակ հակասովետական խռովություններ էին իրականացվելու Թուրքեստանի մի շարք շրջաններում:

Այդ նույն ժամանակ հալ-հոռչայի գլխավորությամբ բասմաշների մի խոշոր ջոկատ սկսեց գործել Օշ գավառում:

Որոշ ժամանակ անց բասմաշական շարժումը ծայր առավ Բուխարայում: Այստեղ բասմաշները դնում էին հետևյալ պայմանները. «Բուսական զորքերը, որոնք գրավել են սրբազան Բուխարան, պետք է անպայման դուրս բերվեն, և Բուխարայի կառավարությունը պետք է երկրում կարգուկանոնը պահպանի մուսուլմանական զորքերի օգնությամբ»²: Այդ պահանջը համառորեն առաջադրում էին արևելաբուխարական բասմաշության պարագլուխները՝ Ֆուզայլ Մաքսումին, Դավլյաթմանդ-բիլին և ուրիշներ:

ժողովրդական հեղափոխության կողմից տապալված շահագործող տարրերի ու նրանց զինված ջոկատների՝ բասմաշների նրոսակախմբերի դիմադրությունը Բուխարայում ավելի ուժեղ էր, քան Միջին Ասիայի մյուս շրջաններում: Դա բացատրվում է նրանով, որ նախկին Բուխարայի խանությունում գոյություն ունեցող բազմաքանակ և ազդեցիկ ֆեոդալական վերնախավ: Բուխարա քաղաքն իրենից ներկայացնում էր Միջին Ասիայում խոշորագույն առևտրական կենտրոն՝ առևտրականների մեծ միջնախավով, բազմաքանակ և ազդեցիկ մուսուլմանական հոգևորականությամբ: Բուրժուազգայնական տարյերն այստեղ ունեին ուժեղ հենարան, որը խիստ բարդացնում էր Բուխարայի կոմունիստական կուսակցության գործունեությունը, նրանից պահանջում ձկուն և իսկական հեղափոխական տակտիկա:

1918 թվականի կեսերին ծայր առած բասմաշական շարժումը ուժեղացավ և 1919 թվականի գարնանը լայն չափեր ընդունեց: Ավաղակախմբերը թալանում էին բնակչությանը, սպանում սովետական և կուսակցական ակտիվ աշխատողներին, հրդեհում գյուղացական շենքերը, ավերում երկաթուղային ճանապարհները, խախտում հեռախոսային կապը, ոչնչացնում ցանքսերը և այլն: Այդ ամենը դժվարացնում էր սովետական, տնտեսական և կուլտուրական շինարարությունը:

Հակահեղափոխության արագ ջախջախման համար ստեղծվեց Թուրքեստանյան հատուկ հանձնաժողով:

Պաշտպանություն կազմակերպելու և սպիտակավարդիական ու բասմաշական հակահեղափոխությունը ճնշելու համար Թուրքեստանյան հանրապետության ռազմահեղափոխական խորհրդի որոշմամբ տեղերում ստեղծվեցին հակահեղափոխության դեմ պայքարի շտաբներ: Կարմիր բանակի զորամասերի մարտունակությունը բարձրացնելու նպատակով 1919 թվականի մայիսին Թուրքեստանում անցկացվեց կոմունիստների 25 տոկոսանոց զորահավաք³: Մորիլիզացվում էին շքավորները, ստեղծվում էին կամավորական ջոկատներ, կուսակցական-բանվորական դրուժինաներ և ուղարկվում հակահեղափոխության դեմ պայքարի ռազմաճակատ: Մորիլիզացվածների թվում զգալի տոկոս էին

¹ Տե՛ս «Очерки истории Коммунистической партии Таджикистана». Третье издание, т. I, Душанбе, 1980, էջ 50:

² Նույն տեղը, էջ 82:

³ Տե՛ս «Очерки истории Коммунистической партии Таджикистана», т. I, էջ 82:

կազմում տեղական ազգութիւնների անձինք: Սրանցից կազմված կամավորական ջոկատները գործում էին կարմիր բանակի գործառնական ստորաբաժանումների հետ համատեղ և անհրաժեշտութեան դեպքում մասնակցում էին ռազմական այս կամ այն գործողութեանը, կատարում բասմալների հրոսակախմբերի ոչնչացման առանձին հանձնարարութիւնները: Նրանք նաև պահպանում էին պահեստները, ռազմական օբյեկտները, ուղեկցում պարենով ու զենքով բեռնված տրանսպորտը:

1919 թվականի նոյեմբեր-դեկտեմբեր ամիսներին իրականացվեցին ռազմական խոշոր գործողութիւններ, որի հետևանքով Ֆերգանայի հովիտը մաքրվեց բասմալներից: Հետապնդվելով կարմիր բանակի զորամասերի կողմից, բասմալների մնացորդները թաքնվեցին Հարավային Կիրգիզիայի լեռնային շրջաններում և, կրելով մեծ կորուստներ, 1920 թվականի հունվար-փետրվար ամիսներին սկսեցին հանձնվել սովետական հրամանատարութեանը: Մարտի սկզբներին ստիպված էր անձնատուր լինել այսպես կոչված մուսուլմանական սպիտակ բանակի շտաբը Մադամինբեկի գլխավորութեամբ¹:

Սովետական իշխանութեան մարմինները և կուսակցական կազմակերպութիւնները ձգտում էին առաջին հերթին քայքայել բասմալների դեռ գործող հրոսակախմբերը, շարժումից կտրել ֆեոդալական-ցեղային առաջնորդների հետևից կուրորեն գնացող խավար շարքային «ռազմիկներին»: Դրա շնորհիվ մի շարք դեպքերում հաջողվեց հասնել այն բանին, որ բասմալների առանձին խմբեր, իսկ առանձին դեպքերում նաև ամբողջ հրոսակախմբեր կամավոր անձնատուր եղան:

1920 թվականի ամռան և աշնան ամիսներին նույնպես Ֆերգանայի հովտում և Հարավային Կիրգիզիայի լեռնային շրջաններում իրականացվեցին մի շարք հաջող գործողութիւններ բասմալների հրոսակախմբերը ջախջախելու համար: Կուսակցական կազմակերպութիւնները աշխատավորների շրջանում ծավալում էին քաղաքական և ագիտացիոն մեծ աշխատանք: Կոմունիստ քաղաշխատողները բնակչութեանը բացատրում էին բասմալութեան դեմ պայքարի նպատակները և խնդիրները: Հակահեղափոխութեան դեմ պայքարի հարցերը քննարկվում էին

¹ Տե՛ս «Очерки истории Коммунистической партии Таджикистана», т. I, էջ 51:

տեղական սովետների նիստերում, դեհկանների թումենական, քենտական և ջամոթական ժողովներում, այսպես կոչված աղ-դեցիկ տարրերի՝ ցեղապետների, բայերի և հողերականութեան հետ հրավիրված խորհրդակցութիւններում: Բնակչութեան շրջանում տարածվում էին թուուցիկներ, սրունցում կոչ էր արվում ակտիվ աշակցութիւն ցույց տալ զորամասերին և սովետական իշխանութեան մարմիններին: Ամենուրեք աշխատավոր մասսաները լայնորեն ներդրավում էին բասմալութեան դեմ պայքարի մեջ:

Չնայած բասմալների ահաբեկչութեանը, աշխատավոր մասսաներն ավելի ու ավելի վճռականորեն էին կանգնում սովետական իշխանութեան կողմը: Բասմալութեան դեմ մղած մարտերում աչքի բնական մուսուլման աշխատավորներից՝ ուղրեկներից, կիրգիզներից, թուրքմեններից, տաջիկներից, դադախներից կազմված կամավորական ջոկատները և կարմիր բանակի ստորաբաժանումները: Այլալու հաջողութեամբ իրականացրած օպերացիայի համար Մ. Վ. Ֆրունզեն Թուրքեստանյան ռազմաճակատի գծով սոված հրամանով հատուկ շնորհակալութիւն հայտնեց կիրգիզական զիվիզիոնին, որը գործում էր է. Ֆ. Կոմիլլոյի հրամանատարութեամբ գործող բրիգադի կազմում: Բասմալների դեմ մղվող մարտերին մասնակցում էին նաև Առաջին կիրգիզական գունդը, կիրգիզական ջոկատը, որը գործում էր Առաջին հեծյալ բրիգադի կազմում, ինչպես նաև մինչև 1000 մարդ ունեցող պահեստային գունդը, որը բաղկացած էր կիրգիզներից և ուղրեկներից¹:

1920 թվականին բասմալութեան ջախջախման գործում մեծ դեր խաղաց Առաջին թաթարական բրիգադը, որը կազմված էր աշխատավոր թաթարներից, բաշկիրներից և Պոմոլիեի մուսազգութիւններից:

Կարմիրբանակային զորամասերը և կամավորական ջոկատները, որոնք կոչվում էին բասմալների դեմ, ինտերնացիոնալ դաստիարակութեան և մարտական պատրաստութեան լավ դպրոց էին անցնում: Տեղական ազգութիւնների աշխատավորների թվից պատրաստվում էին սովետական առաջին հրամանատարները: Իայց բասմալութիւնը գնեք ցած շղթեց: 1921 թվականին

¹ Տե՛ս «Очерки истории Коммунистической партии Киргизии», изд. второе, Фрунзе, 1979, էջ 105:

Միջին Ասիայի մի շարք մարզերում, հատկապես Ֆերգանայում, Բուխարայի և Խորեզմի ժողովրդական հանրապետություններում դեռ ակտիվ կռիվներ էին գնում: Ավազակախմբեր էին գործում Մերվի և Թեջենի գավառներում, Պոլտորաքիլու գավառի Կարակալա շրջանում, Կարակումի և Կզլկումի ավազուտներում:

Բասմաչուկյան դեմ մղվող պայքարում էական բեկում տեղի ունեցավ Թուրքեստանի կոմկուսակցության VI համագումարից հետո (1921 թ. օգոստոս), որը նշեց հակահեղափոխական այդ շարժումը ոչնչացնելու քաղաքական, տնտեսական և ռազմական բնույթի կոնկրետ միջոցները: Համագումարը միաժամանակ խնդիր առաջադրեց վերացնել նախորդ ժամանակաշրջանում թույլ տրված առանձին սխալները: Մասնավորապես վերականգնվեցին մի քանի հին կրոնական և հասարակական ինստիտուտներ, թույլատրվեց մզկիթների, մեդրեսեների և մակթաբների, կադիների ու բիերի դատարանների գործունեությունը: Կրոնի սպասավորների և նախահեղափոխական տեղական ադամինիստրացիայի թվից ազդեցիկ անձինք, որոնք լոյալ կերպով էին վերաբերվում սովետական իշխանությանը և վայելում էին մասսաների վստահությունը, սկսեցին ներգրավվել կիշլակների ու վոլոստների սովետների կազմի մեջ: Դրա հետ մեկտեղ կոմունիստական կուսակցությունը և սովետական կառավարությունը իրենց տեղական մարմինների ուշադրությունը հրավիրեցին պանթուրքիզմի և պանիսլամիզմի նացիոնալիստական գաղափարների դեմ պայքարն ուժեղացնելու, գյուղական սովետներում բուլշևիկյան ազդեցությունն ամրապնդելու, դրանցում պրոլետարական և կիսապրոլետարական տարրերը միավորելու անհրաժեշտության վրա: Այդ քաղաքականությունը մեծապես նպաստեց բասմաչուկյան սոցիալ-քաղաքական արմատների խարխումանը, դեհիանական զանգվածների վրա նրա ազդեցության թուլացմանը:

Միաժամանակ ուժեղացան ռազմական գործողությունները բասմաչական բանդաների դեմ: 1921 թվականի ապրիլին կարմիր բանակի զորամասերը և կամավորական ջոկատները Խոջենթի (Տաջիկստան) շրջանում ջախջախեցին կատաղի պանիսլամական Ռախմանկուլու բանդան, մայիսին բասմաչներից մաքրեցին Կոկանդի և Խոջենթի շրջանների նշանակալի մասը¹:

Բուխարայի էմիրը, որ փախել էր արտասահման, 1921 թվականին այնտեղից մի ուղերձ հղեց Բուխարայում գտնվող իր կողմնակիցներին, որտեղ ասված էր. «Պատրաստվեք և սպասեք, շուտով կգա առաջնորդը, որ կզլխավորի իսլամի բանակը»¹:

«Իսլամի բանակի առաջնորդ» դարձավ միջազգային հին արկածախնդիր, երիտթուրքերի նախկին պարագլուխ, անզլիական իմպերիալիզմի դրածո, հայ ժողովրդի դահիճ էնվեր փաշան: Բուխարայի նախկին էմիրի կողմից պաշտոնապես «իսլամի բոլոր զորքերի գլխավոր հրամանատար» նշանակված էնվերը Արևելյան Բուխարա եկավ 1921 թվականի վերջերին: Իր տերերի մտահղացմամբ նա պետք է միավորեր Միջին Ասիայի բոլոր բասմաչներին, ոչնչացնելու այնտեղ սովետական իշխանությունը և Անզլիայի հովանու ներքո այդ երկրամասի ողջ տարածքում ստեղծեր «Մուսուլմանական մեծ տերություն»²:

Էնվեր փաշայի ժամանման հետ բասմաչական շարժումը վերականգնելու համար ֆեոդալական-կրոնական շարժման նեղ շրջանակներից վերածնեց հակահեղափոխական լայն շարժման՝ պանիսլամիզմի և պանթուրքիզմի դրոշի տակ:

Գործողությունների հիմնական վայր բնորոշելով Ֆերգանայի հովիտը, էնվեր փաշան կապեր հաստատեց Սամարղանդի, Արևմտյան Բուխարայի և Խորեզմի բասմաչների պարագլուխների հետ, միավորեց նրանց զինված հրոսակախմբերը: Շուտով շարժումը տարածվեց Սամարղանդի, Սիրդարիայի մարզերը, Զեռավշանի հովիտը և այլ վայրեր: Նրան ակտիվորեն աջակցում էին Միջին Ասիայի հակահեղափոխական ընդհատակյա պանիսլամական կազմակերպություններ «Միլլի իթթիհոդը» («Ազգային միավորումը»), իսկ փոքր-ինչ ավելի ուշ՝ «Թուրքեստանում խալիֆաթի հաստատման միությունը»:

Յաբուցրիվ բանդաների միավորումը արագացնելու և նրանց գործողությունները համաձայնեցնելու նպատակով էնվեր փաշան իր շտաբը տեղավորեց Արևմտյան Բուխարային ավելի մոտ, Յուրչիում: Կարասում նա հրավիրեց մուլաների, իշանների և բասմաչական բանդաների պարագլուխների համագումար: Այդ «ներկայացուցչական» խառնածոյովը «ղազավաթ»

¹ Н. Равич, Молодость века, М., 1961, с. 279.

² «Очерки истории Коммунистической партии Таджикистана», т. I, с. 58.

¹ Տե՛ս «Очерки истории Коммунистической партии Киргизии», էջ 115:

(«սրբազան պատերազմ») հայտարարեց «անհավատներին», ավելին, սովետական իշխանությանն ուլտիմատիվ պահանջներ կայացրեց՝ բոլոր ուսանողներին, ընդհանրապես քրիստոնյաներին թուրքեստանից, Բուխարայից, խորեզմից, Միջին Ասիայի մուսուլմանաբնակ մյուս բոլոր վայրերից արտաքսելու մասին: Շարժումը սպառնում էր ոչ միայն Բուխարայի, այլև ամբողջ Միջին Ասիայի հեղափոխական նվաճումներին: Հետևաբար պայքարը նրա դեմ դառնում էր ոչ միայն Բուխարայի ԺԱՀ-ի, այլև Սովետական Ռուսաստանի աշխատավոր մասսաների հարազատ գործը:

Թուրքեստանի սովետական կառավարությունը և կոմկուսակցությունը մոբիլիզացրին բոլոր ուժերն ու միջոցները՝ ներքին և արտաքին հակահեղափոխության միացյալ ուժերը ջախջախելու համար: 1922 թվականի սկզբից բասմաշուբյան դեմ պայքարի ղեկավարությունը հանձնվեց զինվորական հրամանատարությունը, ստեղծվեցին միլիցիայի կամավոր ջոկատներ, ուժեղացվեց ագիտացիոն-պրոպագանդիստական աշխատանքը բնակչության շրջանում:

Կուսակցական և սովետական մարմիններին գործնական օգնություն ցույց տալու նպատակով ՌԿ(Բ)Կ Կենտկոմը Միջին Ասիա ուղարկեց Գ. Կ. Օրջոնիկիձեին և Շ. Զ. Էլիավային: Տեղ հասնելով, սրանք վերլուծեցին այստեղ ստեղծված ռազմաքաղաքական իրադրությունը, միջոցներ ձեռնարկեցին ՌԿ(Բ)Կ Կենտկոմի քաղբյուրոյի նույն թվականի մայիսին ընդունված՝ «Թուրքեստանա-Բուխարական գործերի մասին» որոշումը կատարելու ուղղությամբ¹: Այդ որոշմամբ մասնավորապես նախատեսված էր ՌԿ(Բ)Կ Թուրքեստանի կոմկուսի Կենտկոմի բյուրոն (Թուրքբյուրոն) վերակազմել ՌԿ(Բ)Կ Կենտկոմի միջինասիական բյուրոյի: 1922 թվականի մայիսի 19-ին տեղի ունեցած Թուրքեստանի կոմկուսի Կենտկոմի պլենումն այդպես էլ վարվեց: Ընտրվեց միջինասիական բյուրո, որի պլենումն իր հերթին Միջին Ասիայի կուսակցական կազմակերպություններին առաջարկեց անցկացնել լայն կամպանիա էնվերյան արկածախնդրությունը մերկացնելու և Արևելքում կարմիր բանակի ազատագրական առաքելությունը աշխատավոր մասսաներին պար-

զաբանելու համար: Պլենումը նաև րնտրեց միջինասիական բյուրոյի գործադիր հանձնաժողով, որը մայիսի 20-ին Գ. Կ. Օրջոնիկիձեի և Շ. Զ. Էլիավայի մասնակցությամբ մշակեց ու հաստատեց բասմաշուբյան վերացման կոնկրետ պլան: Մասնավորապես Թուրքեստանի, Բուխարայի ու խորեզմի կուսակցական և սովետական ղեկավարներին հանձնարարվեց գործնականորեն լուծել վաքուֆները վերադարձնելու, տեղական ազգային դատարաններ թույլ տալու, շարքային բասմաշուբյան ներում շնորհելու հարցերը: ՌԿ(Բ)Կ Կենտկոմի ցուցումով ընդունված տնտեսական, ռազմական և քաղաքական բնույթի միջոցառումները տվեցին դրական արդյունքներ, ուժեղացավ պայքարը բասմաշուբյան դեմ:

Բասմաշուբյանը վերջնականապես ոչնչացնելու համար 1922 թվականի հունիսից մինչև հոկտեմբեր կարմիր բանակի զորամասերը իրականացրին լայն գործողություններ: Կարմիր զորամասերի մարտական օգնականը դարձյալ սովետական իշխանությանը նվիրված ղեհկաններից կազմված կամավորական և միլիցիայի ջոկատներն էին: Արդեն այդ ժամանակ միլիցիոններին երկու երրորդից ավելին տեղական ազգությունների ներկայացուցիչներ էին: Կամավորական ջոկատների գլուխ էին կանգնած բնակչության շրջանում հեղինակություն ձեռք բերած կոմունիստներ և անկուսակցական ակտիվիստներ: Սովետական մարմինները կամավորական ջոկատներին անհրաժեշտ օգնություն էին ցույց տալիս զենքով, պարենով, հանդերձանքով:

Արագ հարվածներով բասմաշուբյանը չախչախելով Արևմտյան Բուխարայում, կարմիր բանակի զորամասերը 1922 թվականի հունիսի 15-ին վճռական հարձակման անցան էնվեր փաշայի հիմնական զորքերի դեմ: Զորամասերի առաջադասումն իրականացվում էր երկու գորասյուներով. ձախը Բալտանից շարժվում էր զեպի Գենատու, Հիսար, Գուլանբե, Կաֆիրիդան, Ֆայզարադ, աչը՝ Թերմեզից Ամուդարիալով զեպի վեր՝ զեպի Կարանադի, Կուրգան-Թյուբե, Կուլթար, Բալչուան: Բուխարայում բասմաշուբյան ոչնչացման մարտական գործողությունների ընդհանուր ղեկավարությունն իրականացնում էր գորքերի Բուխարայի խմբի հրամանատար Ն. Ն. Կակուրինը:

Հակառակորդը մեծ կորուստներ կրեց և նահանջեց հյուսիսարևելյան ուղղությամբ: Թշնամու բանակում առաջացավ խուճապ: Բասմաշուբյանը նետում էին զենքերը և դիմում փախուստի:

¹ См. В. М. Устинов, Ленинская политика партии на Востоке, т. 63, էջ 143—144:

1922 թվականի հուլիսի 14-ին Առաջին թուրքեստանյան հեծյալ բրիգադի զորամասերը գրավեցին Դուշանբեն:

Պարտություն պարտություն հետևից կրելով և հնարավորություն չունենալով դեկավարել բասմալների ջոկատները, էնվեր փաշան 1922 թվականի հուլիսի 26-ին 300 հոգիանոց մի ջոկատով որոշեց անցնել արտասահման, բայց օգոստոսի 4-ին Բալչուանից ոչ հեռու շրջապատվեց 16-րդ գնդի հեծյալ զորամասերի կողմից և ճեղքել-անցնելու փորձ կատարելու ժամանակ սպանվեց¹:

Միջին Ասիայում սովետական իշխանությունն անմիջականորեն սպառնացող էնվեր փաշայի դեկավարած բասմալական խումբավորումների դեմ Սովետական Ռուսաստանի և Բուխարայի ԺՄՀ-ի զորամասերի ռազմական հաջողություններն ակնառու կերպով ցույց տվեցին սովետական իշխանության ուժն ու անպարտելիությունը, իշխանություն, որը հարազատորեն կապված էր աշխատավոր լայն մասսաների հետ²:

Չնայած 1922 թվականի ընթացքում հիմնականում ոչնչացվեցին կամ ցրվեցին բասմալների առավել ակտիվ խմբավորումները, սակայն բասմալությունը դեռ վերջնականապես չէր վերացվել: Ամրանալով հատկապես անասնապահական շրջաններում՝ լեռնային վայրերում, Կարակումի և Կզիկումի ավազուտ տափաստաններում, որտեղ կային ջրհորներ, բասմալները շարունակում էին դիմադրությունը:

Նախկին էմիրի երաշխավորությամբ և անգլիական գործակալների համաձայնությամբ սպանված էնվեր փաշայի փոխարեն «խալամի բանակի» հրամանատար կարգվեց նրա գործակից Սեյիմ փաշան: Սրա անվան հետ է կապված 1923 թվականին բասմալության որոշ աշխուժացումը Բուխարայում:

Սակայն բասմալության պարագլուխների շրջանում երևան եկան տարածայնություններ: Նրանցից շատերը հրաժարվեցին ենթարկվել Սեյիմին: էնվեր փաշայի մահից հետո էմիրին և անգլիական գործակալներին այդպես էլ չհաջողվեց բասմալական շարժումը միավորել միասնական հրամանատարության

¹ Տե՛ս «Очерки истории Коммунистической партии Таджикистана», т. 1, էջ 86: Я. А. Мелкумов, Туркестанцы, М., 1960, էջ 127:

² էնվեր փաշայի միջինասիական արկածախնդրության և նրա վախճանի մասին տե՛ս «Труды института востоковедения АН Узбекской ССР», Ташкент, вып. 2, 1954, էջ 33-43:

Ներքո: Բասմալությունն արագորեն կորցնում էր քաղաքական գունավորումը և ստանում քրեական-բանդիտական բնույթ:

Հաշվի առնելով բասմալների դեմ Միջին Ասիայի նախապետությունների կուսակցական, սովետական և զինվորական մարմինների պայքարի փորձը, Համկ(բ)Կ Կենտկոմի միջինասիական բյուրոն 1924 թվականին նամակողմանիորեն և մանրամասն մշակեց բասմալների բանդաներին կոմբինացված հարվածներ հասցնելու, նրանց վերջնական ոչնչացման պլան, նախատեսեց տնտեսական, քաղաքական, զինվորական պատժիչ և վարչական միջոցառումների միաժամանակյա իրականացում:

1924 թվականին բասմալական շարժման կենտրոնը տեղափոխվեց հորեզմ: Հակասովետական բոլոր տարրերը սկսեցին հավաքվել Ջունաիդ խանի բանակում, որի հրոսակախմբերն աճել հասել էին մինչև 20 հազար մարդու: Նրան պաշտպանում էին հիվայի մուսուլմանական հոգևորականությունը, խոշոր ֆեոդալները, ուզբեկական բուրժուազիան: Ձինված խոտովություն բարձրացնելով հորեզմի ԺՄՀ կառավարության դեմ, հակահեղափոխական դավադիրները «ղաղամթ» հայտարարեցին բուլշևիկների և նրանց կողմնակիցների դեմ: Սակայն հիվան դավթելու խոտովարանների փորձը ձախողվեց: Քաղաքի փոքրաքանակ կայազորը, որին պաշտպանում էր աշխատավոր բնակչությունը, նետ մղեց բասմալների բոլոր գրոհները: Իմանալով, որ Չարջոուից մոտենում են սովետական զորքերը, Ջունաիդ խանը զաղաբեցրեց հիվայի պաշարումը և շտապ հեռացավ ավազուտները: Հետապնդելով նրան, կարմիր բանակի 82-րդ հեծյալ գունդը մարտերով անցավ Կարակումը, ոչնչացրեց Ջունաիդ խանի ավազակախմբերը և նրան ստիպեց փախչել արտասահման:

հորեզմում հակահեղափոխական խոտովությունը ճնշելու և Ջունաիդ խանի հրոսակախմբերը ջախջախելու պորձում մեծ դեր կատարեցին ուզբեկ և թուրքմեն աշխատավորների կամավորական ջոկատները, որոնք կարմիր բանակի զորամասերի նետ կողք կողքի հարվածում էին բնդհանուր թշնամուն:

Հաջորդ՝ 1925 թվականին բասմալական շարժման գլուխ անցավ Իրրահիմ բեկը: Նույն թվականի հունվարին բասմալների այդ պարագլուխը 650 բանդիտների գլուխն անցած Լոկայից շարժվեց դեպի Սուրխանի հովիտը: Սպառնալով նախորդ

տարվա վատ բերքի հետևանքով Միջին Ասիայում ստեղծված ծանր դրությունից, 1925 թվականի գարնանը և ամռանը Իբրահիմ բեկը և բասմալաների մյուս պարագլուխները գործադրեցին բոլոր միջոցները, ընդհուպ մինչև տեռորը, իրենց բանդաները մարդկանցով համալրելու համար: Զենք ու զինամթերքը նրանք կանոնավոր ստանում էին արտասահմանից: Նրանց մեծ օգնություն էին ցույց տալիս մոլլաներն ու բայերը, որոնք հակասովետական պրոպագանդա ու ագիտացիա էին մղում բնակչության հետամնաց մասի շրջանում, նրա հաշվին համալրում բասմալության շարքերը:

Սուրխանի հովտում փոքր-ինչ մեծացնելով իր բանդաները, Իբրահիմ բեկը հարձակման պատրաստվեց: Գեռես շհամարձակվելով բացահայտ մարտական գործողություններ սկսել կարմիր բանակի դորամասերի դեմ, բասմալաները շարունակում էին արյունալի շարագործություններ կատարել խաղաղ բնակչության նկատմամբ, թալանում ու ամաչացնում էին կիշլակները, սպանում մարդկանց, անասունները քշում արտասահման: 1924—1926 թվականներին միայն Արևելյան Բուխարայի բնակչությունից հավաքվել և Բուխարայի նախկին էմիրին է ուղարկվել ավելի քան 3 մլն. ոտբլու ոսկի և հարյուր հազարավոր գլուխ անասուն¹: Բասմալաների վայրագությունների հետևանքով վիթխարի վնաս էր հասցվում գյուղատնտեսությանը:

Նէպ-ին անցնելու, գյուղատնտեսության սկսած վերելքի և երկրում կենսամակարդակի ընդհանուր բարձրացման պայմաններում բասմալաների վայրագություններն առաջ էին բերում աշխատավոր լայն զանգվածների վրդովմունքը, որոնք արդարացիորեն բասմալաներին համարում էին իրենց կատաղի թշնամիները և ակտիվ պայքարի մեջ էին մտնում հակահեղափոխության դեմ:

1925 թվականի աշնանն ու ձմռանը կարմիր բանակի դորամասերը և կամավորական ջոկատները մարտական ակտիվ գործողություններ ծավալեցին բասմալաների դեմ: Հարձակողական մարտերի շնորհիվ բասմալաները մեծ կորուստներ կրեցին, և նրանց թվաքանակն արագորեն կրճատվեց: 1926 թվականի գար-

նանը բասմալաները գործում էին միայն առանձին լեռնային շրջաններում և անապատների խորքերում:

Հակահեղափոխական բանդաների մնացորդները ջախջախելու ուղղությամբ կուսակցական կազմակերպության ծավալած սղջ գործունեությունը անմիջականորեն դիտավորում էր ՀամԿ(բ)Կ Կենտկոմի միջինասիական բյուրոն, որին ասրիթեր ստեղծված էր բասմալության դեմ պայքարի հանձնաժողով: Օրինակ, 1926 թվականի մարտին այդ հանձնաժողովը ավելի «Տաջիկստանում բասմալության ոչնչացման մասին» դիրեկտիվը, որի մեջ լայն միջոցառումներ էին նշվում այդ ուղղությամբ կուսակցական, սովետական և զինվորական մարմինների գործունեությունը կոորդինացնելու մասին²: Գիրեկտիվում առաջարկվում էր ակտիվացնել ագիտացիոն-պրոպագանդիստական աշխատանքները, ժողովրդական մասսաներին բացատրել կարմիր բանակի և սովետական իշխանության նպատակներն ու խնդիրները: Մեծ ուշադրություն էր դարձվում տնտեսական հարցերին, հատկապես գյուղատնտեսական վարկի ճիշտ կազմակերպմանը, ոռոգման աշխատանքների ընդլայնմանը, բամբակագործության և գյուղատնտեսության մյուս նյութերի զարգացմանը: Կարևոր նշանակություն էր տրվում կիշլակի հետագա սովետականացմանը, միլիցիայի, ժողովրդական դատարանների վիլոյաթական մարմինների ստեղծմանը, սովետական դպրոցների և բժշկական հիմնարկների ցանցի ընդլայնմանը: ՀամԿ(բ)Կ Կենտկոմի միջինասիական բյուրոյի այդ դիրեկտիվը դարձավ կուսակցական կազմակերպությունների հետագա գործողությունների մարտական ծրագիրը:

1926 թվականին կուսակցական կազմակերպությունները ագիտացիոն-մասսայական լայն աշխատանքներ էին ծավալում հատկապես բասմալական բանդաների առավել ակտիվ գործողությունների շրջաններում՝ Կուլյարում, Լոկայում, Կարատագում, Կուրգան-Քյուրեում և այլ վայրերում, որտեղ կազմակերպում էին միտինգներ, ժողովներ, կիշլակային հավաքույթներ, դեհկանների անկուսակցական կոնֆերանսներ: Բնակչության շրջանում մեծ քանակությամբ կոշեր և թոուցիկներ էին

¹ ՏՆՍ «Очерки истории Коммунистической партии Таджикистана», т. I, էջ 130:

¹ ՏՆՍ «Новый Восток», книга 29, Москва, 1930, էջ 126—141:

² ՏՆՍ «Очерки истории Коммунистической партии Таджикистана», т. I, էջ 131:

տարածվում ուզեցեկերեն, թուրքմեններեն, տաջիկերեն՝ «Բասմա-
չուիջունը չախչախված կարգերի վերջին հենարանն է», «Բաս-
մաչները զենք են գավթիչների, կեղեքիչների, իմպերիալիստների
ձեռքին», «Տնտեսությունը վերականգնել կարելի է բասմաչու-
իջունը ոչնչացնելով միայն», «Մահ՛ զլխավոր ավազակին ու
արյունախումին, էմիրի և անզլիացիների դաշնակցին՝ Իբրահիմ
բեկին»:

Քաղաքական-բացատրական և ագիտացիոն աշխատանքը
մեծապես նպաստեց աշխատավոր դեհկանության մոբիլիզաց-
մանը: Քաղաքական աշխատանքը զուգակցվում էր բասմաչու-
իջունից տուժած բնակչությանը սովետական պետության ցույց
տված տնտեսական օգնության հետ: Նշանակալի միջոցներ էին
հատկացվել դեհկանական աշխատավորական տնտեսությունները
վարկավորելու, քաղաքացիական պատերազմի տարիներին ան-
կում ապրած ոռոգման համակարգերը վերականգնելու, բամբակի
ցանքատարածությունները ընդլայնելու համար: Պետության օգ-
նությունն ստանում էին նաև վտարանդիությունից վերադար-
ձածներն ու կամովին հանձնված բասմաչները: Կուսակցական
կազմակերպությունների ղեկավարությամբ իրականացված բո-
լոր այս միջոցառումները վերջին հաշվով հանգեցրին բասմա-
չության կատարյալ մեկուսացմանը:

Կարմիր բանակի զորամասերը կամավորական ջոկատների
հետ համատեղ 1926 թվականի գարնանն ու ամռանը իրակա-
նացրին մարտական մի շարք գործողություններ, որոնց շնոր-
հիվ ջախջախվեցին բասմաչների հիմնական ուժերը: Բասմա-
չության պարագլուխ Իբրահիմ բեկը թողեց Լոկալը (Տաջիկստան)
և փորձեց իր ձեռնած բանդաների մնացորդների հետ թաքնվել
լեռներում: Սակայն, շարունակ հետապնդվելով կարմիր բանա-
կի զորամասերի կողմից և շտանալով բնակչության աջակցու-
իջունը, նա ստիպված փախավ արտասահման:

Բասմաչության նկատմամբ հաղթանակը նվաճվեց ամենից
առաջ կոմունիստական կուսակցության ճիշտ քաղաքականության
շնորհիվ, որը հաշվի էր առնում Միջին Ասիայի տարբեր շրջ-
անների կոնկրետ պատմական պայմաններն ու առանձնահատ-
կությունները: Կուսակցության քաղաքականությունն ու պրակ-
տիկ գործունեությունը, պաշարի սեփական փորձն աշխատա-
վորներին մի կողմից համոզեցին բասմաչության հակահեղափո-
խական էություն և մյուս կողմից՝ սովետական իշխանության

խնկական ժողովրդական բնույթի մեջ: Բասմաչության դեմ մղած
պաշարում կազմակերպչական և քաղաքական մեծ աշխատանք
կատարեցին և արիություն ու հերոսություն ցուցաբերեցին Միջին
Ասիայի կուսակցական և սովետական կազմաթիվ աշխի բնկնոց
գործիչներ, ժողովուրդների լավագույն կազմակերպիչներ՝ Յահյա Աֆ-
զալին, Ռահմաթուլլո Բարաչանովը, Կարիպ Նազարովը, Յակոբ
Կուլիեր, Կարա Ալիմովը, Կարշի Սպինաբե և ուրիշներ:

Բասմաչության դեմ մղած պաշարի գլխավոր ծանրությունն
իրենց ուսերին կրեցին հերոսական կարմիր բանակի զորամա-
սերը: Հակահեղափոխական բանդաների ջախջախմանը մաս-
նակցած աշխի բնկած զորապետների թվում էին Վ. Մ. Իսնովը,
Ն. Ե. Կակուրինը, Պ. Ա. Պավլովը, Զ. Ա. Պատովսկին, Բ. Կ.
Տոլպիգոն, Ն. Կ. Տամիր, Տ. Տ. Շապկինը, Ի. Ֆ. Ֆեդկոն, Ա. Տ.
Ֆեդինը: Այդ զորապետների թվում էին հաջ ժողովրդի քաջարի
զավակներ Յա. Ա. Մելքումովը (Մելքումյան), որը թուրքես-
տանյան առաջին հեծյալ բրիգադի հրամանատարն էր, Թ. Հալ-
կաշյանը (Անդրկասպյան առաջին հեծյալ գնդի հրամանատար),
Պ. Գևորգովը (Աշխաբադի կարմիր բանակի կոմիսար), Ն. Հու-
նանովը (Թաթարական բրիգադի 10-րդ գնդի հրամանատար) և
ուրիշներ: Միջին Ասիայի աշխատավորները կարողացան հաղթել
ԱՍՀՄ ժողովուրդների ամրապնդվող բարեկամության, Առաստ-
տանի բանվոր դասակարգի, ողջ սովետական ժողովրդի Լեյբա-
թանան օգնության շնորհիվ: Սպեկները, զագախները, սա-
փեները, թուրքմենները, կիրգիզները, էպրա կալպակները
ևուրախագիստության խոր պայցումով են պահպանում լուսնե-
լի ուկրաինացիների, բելուստների, վրացիների, ռուսերի և եղ-
ջաբական սովետական մյուս ժողովուրդների լավագույն գա-
նախների հիշատակը որոնք մեծ դժվարությունների գնով օգ-
նության ձեռք մեկնեցին իրենց մուսուլման Լեյբաչներին բա-
շական խանական էմիրաթական կարգերից: Երբ բասմաչների
ուրախամբերից նրանց ազատագրելու համար

Առանցքայականորեն կենսագործելով լեռնային առաջին քաղա-
քականության հիմնական սկզբունքները՝ կոմունիստական կու-
ստիցությունը և սովետական կառավարությունը բռնցիկներ ձեռ-
նարկեցին պանիսլամիզմի և պանթո բրիգովի պաշարախուսու-
իջունը վերջնականապես ջախջախելու նախնական ուղիղա-
նայն առևտակետներին ու պրակտիկ գործունեությանն ուժգին

հարված հասցնելու և նրանց քաղաքական ասպարեզից վերջնականապես վերացնելու համար: Այդ տեսակետից անգնահատելի նշանակություն ունեցավ այնպիսի մի խոշորագույն միջոցառում, ինչպիսին Միջին Ասիայի ազգային-պետական սահմանադատումն էր և դրա տարածքում ազգային սովետական հանրապետությունների ստեղծումը, որն իրականացվեց 1924 թվականի վերջերին:

Միջին Ասիայում ազգային-վարչական գոյություն ունեցող սահմանադատումը հակասում էր այնտեղ ապրող ժողովուրդների շահերին, բացասական դեր էր խաղում նրանց հետագա զարգացման ճանապարհին:

Այդտեղ սահմանները որոշվել էին ֆեոդալական արյունահեղ պատերազմների և գավթումների, իսկ հետագայում՝ ցարիզմի գաղութային քաղաքականության հետևանքով: Դրանք չէին համապատասխանում երկրամասում գոյություն ունեցող ո՛չ տնտեսական և ո՛չ էլ ազգագրական իրավիճակին: Միջինասիական հիմնական ազգություններից ամեն մեկն առաջվա նման բաժան-բաժան էր, մասնատված և գտնվում էր պետական-վարչական տարբեր կազմավորումներում: Միջին Ասիայի սովետական երեք հանրապետություններից (Քուրքեստան, Բուխարա, Խորեզմ) և ոչ մեկում չկար այս կամ այն ազգության բնակչության կոմպակտ մեծամասնություն: Այսպես, օրինակ, Միջին Ասիայում ապրող տաջիկների 47,7 տոկոսը գտնվում էր Քուրքեստանյան ԽՍՀ-ի տարածքում և 53,3 տոկոսը՝ Բուխարայի ԺՍՀ-ում: Քուրքեստանյան հանրապետությունում ապրում էր Միջին Ասիայի թուրքմենների 43,2 տոկոսը, Բուխարայի հանրապետությունում՝ 27 տոկոսը, Խորեզմի հանրապետությունում՝ 29,8 տոկոսը¹: Այսպիսին էր նաև Միջին Ասիայի հիմնական մյուս ազգերի վարչատերիտորիալ տեղաբաշխման պատկերը:

Անցյալից ժառանգություն մնացած այս արհեստական մասնատվածությունը, բնակչության ազգային-տերիտորիալ տարանջատվածությունը մեծ դժվարություններ էր ստեղծում սովետական և կուսակցական շինարարության գործում, խոչընդոտում էր ազգերի համախմբմանը, սրում ազգամիջյան հարաբերու-

թյունները և ազգային բախումները, լրիվ չէր ապահովում Միջին Ասիայի ժողովուրդների տնտեսական և կուլտուրական զարգացումը, որի հեռանկարներն ու հնարավորությունները ստեղծվել էին Հոկտեմբերյան հեղափոխության շնորհիվ: Հենց այդ ամենը, մասնավորապես ազգային համախմբումն արգելակող իրազրույթները շափազանց բարենպաստ հող էր ստեղծում պանիսլամականների և պանթուրքականների համար, որոնց տեսակետով ոչ մի տարբերություն չկար այդ ժողովուրդների միջև: Նրանք ժխտում էին այն հանգամանքը, որ միջինասիական ժողովուրդներից ամեն մեկն ունի իր ազգային առանձնահատկությունները, իսկ դա պահանջում էր տնտեսական, քաղաքական և կուլտուրական հարցերը լուծելիս կիրառել աշխատանքի յուրահատուկ ձևեր ու մեթոդներ: Հանդես գալով «միասնական իսլամական ազգի» լոգոնգով, պանիսլամականները և պանթուրքականները միաժամանակ նպաստում էին ազգամիջյան հարաբերությունների վատթարացմանը, խորացնում անցյալում տիրողների կողմից բորբոքված թուրքմենների և ուզբեկների, դադախների և կիրգիզների, տաջիկների և ուզբեկների միջև եղած թշնամանքը:

Միջին Ասիայում վարչական և պետական սահմանները փոփոխելու հարցը, սովետական ազգային-պետական շինարարության հետագա ծավալման խնդիրը կոմունիստական կուսակցությանը դրա հարցերը է դեռ քաղաքացիական պատերազմի տարիներից: Վ. Ի. Լենինը, որ բազմիցս անդրադարձել էր այդ հարցին, գտնում էր, որ այդ փոփոխման ընթացքում պետք է անշեղորեն ելնել բնակչության ազգային կազմից, կենցաղային պայմաններից, պատմական և կուլտուրական ավանդույթներից: Քուրքեստանում կուսակցության հիմնական խնդիրների մասին Քուրքեստանյան հանձնաժողովի կողմից 1920 թ. նախապատրաստված՝ Իկ(բ)Կ կենտկոմի քաղցրուրոյի որոշման նախագծի վերաբերյալ իր դիտողություններում Վ. Ի. Լենինը գրում էր.

«1) Հանձնարարել կազմելու Քուրքեստանի (ազգագրական և այլն) քարտեզ՝ ստորաբաժանելով Ուզբեկիայի, Կիրգիզիայի Քուրքմենիայի:

2) Ավելի մանրակրկիտ պարզել այդ 3 մասերի միաձուլման կամ բաժանման պայմանները»²:

¹ Տե՛ս «Революционный Восток», 1934, № 6, էջ 115:

² Տե՛ս նույն տեղը:

¹ Տե՛ս «Революционный Восток», 1934, № 6, էջ 115:

² Վ. Ի. Լենին, *ԵԺ*, հ. 41, էջ 525:

Սակայն այն ժամանակ անհնար էր իրականացնել Թուրքեստանի, առավել ևս ամբողջ Միջին Ասիայի ազգային սահմանազատումը, քանի որ կուսակցության և ժողովրդի բոլոր ուժերն ուղղված էին հակահեղափոխության դիմված ուժերի լրիվ ջախջախմանը, իմպերիալիստական և քաղաքացիական պատերազմների հետևանքով առաջացած տնտեսական քայքայման հաղթահարմանը: Թուրքեստանի սահմանազատումն այն ժամանակ Վ. Ի. Լենինը համարում էր վաղաժամ միջոցառում, բայց գրտնում էր, որ առաջին իսկ բարենպաստ հնարավորության դեպքում պետք է ձեռնարկել այդ կարևորագույն գործը:

Եվ ահա, երբ արդեն ջախջախված էին բասմալների հիմնական ուժերը, կոմունիստական կուսակցությունը գտավ, որ եկել է խնդրի լուծման ժամանակը:

Միջին Ասիայի ազգային-պետական սահմանազատման նպատակին ուղղված կոմունիստական կուսակցության գիծը, որը բխում էր Լենինյան ազգային քաղաքականության սկզբունքներից, լիովին համապատասխանում էր երկրամասի բոլոր ժողովուրդների կենսական շահերին: Այդ քաղաքականության մեջ դրսևորված էր նրանց ձգտումը՝ ստեղծել իրենց ազգային պետությունները, իշխանության իրենց սեփական մարմինները: «Սահմանազատման իրականացումը վերևից թելադրված կամ կաբինետային աշխատանքի պայմաններում հորինված ակտ չէր,— գրում էր Մ. Ի. Կալինինը:— Այն սովետական Արևելքում ապրող աշխատավոր ժողովուրդների իրական իղձերի ու ակնկալությունների արտացոլումն էր»¹: Աշխատավոր լայն դանդվածները միահամուռ պաշտպանում էին սահմանազատման գաղափարը, պահանջում որքան հնարավոր է արագ իրականացնել այն:

Միջին Ասիայի ազգային-տերիտորիալ սահմանազատման հետ կապված հարցերը բազմիցս քննարկվեցին ՌԿ(բ)Կ Կենտկոմում և նրա միջինասիական բյուրոյում: Այդ մեծ ակտի նախապատրաստմանը և իրականացմանն ակտիվորեն մասնակցում էին Մ. Ի. Կալինինը, Վ. Վ. Կուլբիշևը, Ի. Վ. Ստալինը, Յա. է. Ռուձուտակը, Մ. Վ. Ֆրունզեն, Կ. Վ. Զիչերինը և կոմունիստա-

կան կուսակցության ու սովետական պետության ուրիշ նշանավոր գործիչներ:

ՌԿ(բ)Կ Կենտկոմի քաղբյուրոն հանգամանորեն ուսումնասիրելով համապատասխան նյութերը և առաջարկությունները, 1924 թվականի հունիսի 12-ին բնդունեց «Միջին Ասիայի հանրապետությունների ազգային սահմանադատման մասին» պատմական որոշումը, որը համաժողովրդական լայն քննարկման դրվեց: Քննարկումը վերածվեց քաղաքական հզոր կամպանիայի, որի նմանը դեռ չգիտեր Միջին Ասիան: Այդ կամպանիան ընթանում էր ժողովուրդների բարեկամության ամրապնդման նշանաբանով, Լենինյան կոմունիստական կուսակցության շուրջը Միջին Ասիայի աշխատավոր մասսաների սերտ համախմբման լողունգով: Միջինասիական բոլոր ազգությունների աշխատավորները լավ էին հասկանում առաջիկա սահմանազատման վիթխարի նշանակությունը, նրա մեջ տեսնելով իրենց դարավոր խոհերի և իղձերի իրականացումը: Լայնորեն քննարկելով առաջիկա ազգային-պետական սահմանազատման հարցերը, նրանք դա զնահատում էին որպես նախկինում ճնշված ժողովուրդների ըստ ամենայնի զարգացման մասին կոմունիստական կուսակցության և սովետական կառավարության անխոնջ հոգատարության վառ դրսևորում¹:

Ամենուրեք, գյուղացիների և բանվորների ընդհանուր ժողովներում, անկուսակցական դեհանների կոնֆերանսներում, ազգային փոքրամասնությունների ժողովներում, սովետական իշխանության և կուսակցական կազմակերպությունների մարմինների նիստերում և պլենումներում, քաղաքների, վոլոստների, շրջանների, գավառների կուսակցական ակտիվների ժողովներում ընդունվում էին որոշումներ, որոնցում ջերմորեն հավանություն էր տրվում Միջին Ասիայի ազգային սահմանազատմանը, ազգային հանրապետությունների և ինքնավար մարզերի կազմավորմանը:

Կուսակցության Կենտկոմի որոշման համաժողովրդական քննարկման ժամանակ ազգային-տերիտորիալ սահմանազատման դեմ նորից բացահայտորեն հանդես եկան հակասովետական տարրերը՝ բուրժուական ազգայնականները, մուսուլմանական

¹ Տե՛ս «Исторические записки», изд. АН СССР, 1954, № 48, էջ 156—201:

¹ «Туркменская искра», 13 ноября 1924 г.

հետադիմական հոգևորականությունը, որոնք գիտակցում էին, որ սահմանազատումն աշխատավորներին վերջնականապես դուրս կբերի իրենց ազդեցությունից: Ազգային հանրապետությունների կազմավորումը նրանք փորձում էին ներկայացնել որպես մուսուլմանների արհեստական տարանջատում, պանթուրքականների հորինած միասնական «թյուրքական ազգի» մասնատում: Իրականում տեղական ազգությունների աշխատավորների լայն մասսաները հասկացողություն չունեին առասպելական «թյուրքական ազգի» մասին, որ հորինել էին ջադիդ-պանթուրքականները:

Վերջապես 1924—1925 թվականներին կոնկրետ իրականացվեց միջինասիական ազգերի պետական սահմանազատումը և կազմավորվեցին ազգային-պետական նոր միավորներ: Ստեղծվեցին Ուզբեկական և Թուրքմենական Սովետական Սոցիալիստական Միութենական Հանրապետությունները ՍՍՀՄ-ի կազմում, Կարա-Կիրգիզական (Կիրգիզական) Ինքնավար Մարզը՝ ՌՍՖՍՀ-ի կազմում, Տաջիկական Ինքնավար Մարզը՝ Ուզբեկական ՍՍՀ-ի կազմում, Կարա-Կալպակյան Ինքնավար Մարզը՝ Ղազախստանի ՍՍՀ-ի կազմում: 1932 թվականին Կարա-Կալպակյան Ինքնավար Մարզը վերակազմվեց Ինքնավար հանրապետության և մտավ Ուզբեկական ՍՍՀ-ի կազմի մեջ: 1929 թվականին Տաջիկական Ինքնավար Մարզը վերակազմվեց միութենական սոցիալիստական հանրապետության և մտավ ՍՍՀՄ-ի կազմի մեջ: 1936 թվականին միութենական հանրապետություն դարձավ նաև Կիրգիզիան:

Ազգային-տերիտորիալ սահմանազատման կապակցությամբ

Այսօր էլ հետադիմական բուրժուական պատմագրությունը (Ռ. Փայիս, Ռ. Քերու, Ա. Փարք և ուրիշներ) փորձում է Միջին Ասիայի ազգային-պետական սահմանազատումը ներկայացնել որպես միասնական «թյուրքական ազգի» «տրոհում», «մասնատում», որը, իբր, հակասում է Թուրքեստանի ժողովուրդների շահերին (տե՛ս К. Новоселов, Против буржуазных фальсификаторов истории Средней Азии. Ашхабад, Туркменгосиздат, 1962, էջ 190—195, 199): Այդպես է ասված նաև ամերիկյան «հետազոտողի» այն հոդվածում, որ արտատպվել է դաշնակցական «Ազգակ շարաթորյակ» թերթում (տե՛ս 1954 թ. հունվարի 14-ի համարը): Փաստերը պերճախոս վկայում են, որ աշխատավոր լայն մասսաները վճռականորեն պաշտպանում էին սահմանազատումը և ազգային սովետական հանրապետությունների ստեղծումը:

Տե՛ս БСЭ, третье издание, т. 11, М., 1973, էջ 381:

հրամայական անհրաժեշտություն առաջացավ վերակազմել նաև կուսակցական կազմակերպությունները: Այսպես, մինչև 1924 թվականը Տաջիկական ՍՍՀ-ի ներկայիս տարածքում գործող կուսակցական կազմակերպությունները մտնում էին Թուրքեստանի կոմկուսակցության կազմի մեջ (Տաջիկստանի հյուսիսային շրջանները և Պամիրը) և Բուխարայի կոմկուսակցության կազմի մեջ (Կենտրոնական և Հարավային Տաջիկստանի շրջանները): Այդպիսին էր դրությունը նաև միջինասիական մյուս կուսակցական կերպություններում: Ուստի Թուրքեստանի, Բուխարայի և Խորեզմի կոմկուսակցությունները վերակազմվեցին Ուզբեկստանի և Թուրքմենստանի կոմկուսակցությունների և Տաջիկստանի ու Կիրգիզիայի մարզային կուսակազմակերպությունների: Տաջիկական մարզային կուսակցական կազմակերպությունը մտավ Ուզբեկստանի Կ(բ)Կ կազմի մեջ: 1929 թվականին Տաջիկական Սովետական Սոցիալիստական Հանրապետության կազմավորման կապակցությամբ մարզային կուսակազմակերպությունը վերակազմվեց Տաջիկստանի կոմունիստական (բոլշևիկների) կուսակցության, իսկ Կիրգիզիայի մարզային կազմակերպությունը վերակազմվեց Կիրգիզիայի կոմունիստական (բոլշևիկների) կուսակցության:

Ազգային-պետական սահմանազատումն է՛լ ավելի առաջ շարժեց Միջին Ասիայի նախկինում ճնշված ժողովուրդների փաստական անհավասարության վերացման խնդրի հաջող իրականացման և նրանց սոցիալիստական շինարարության մեջ ակտիվորեն ներգրավելու գործը, այն նպաստեց ազգամիջյան բախումների վերացմանը, ամրապնդեց երկրամասի ժողովուրդների եղբայրական համագործակցությունն ու բարեկամությունը: Ազգային սահմանազատումը և Սովետական Արևելքի սովերեն հանրապետությունների ստեղծումը համապատասխանում էր միջինասիական ժողովուրդների ազգային-պետական զարգացման, ամբողջությամբ վերցրած սոցիալիստական հասարակարգի կառուցման խնդիրներին: Այն մեծագույն հարված էր մեծապետական շովինիզմին և տեղական նացիոնալիզմին, պանիսլամիզմի և պանթուրքիզմի գաղափարներին:

ԲՈՎԱՆՂԱԿՈՒԹՅՈՒՆ

Ներկու խումբ	3
Կապիտալիստական հարաբերությունների ձևավորումը Օսմանյան կայսրության մեջ: Թուրք ազգային բուրժուազիայի կազմավորումը	7
Սահմանադրական շարժումը: Օսմանիզմի գաղափարախոսությունն առաջին գծի վրա	34
Արդու՛համիդյան մղձավանջի տարիները: Պանիսլամիզմը որպես կայսրության պաշտոնական ուսմունք	58
Երիտթուրքերի հանդես գալը: «Օսմանյան ազգի» գաղափարը: Պանիսլամիզմը թուրք ազգայնականների տեսական զինանոցում	147
Թուրքիզմ	216
Պանթուրքիզմ	236
Նախապատերազմյան սարսափի տարիները	286
Արևմտահայությունը թուրքական ազգայնամուլության զոհ՝	323
Հեկատմերդյան սոցիալիստական մեծ հեղափոխության հաղթանակը: Թուրքական արշավանքը Անդրկովկաս և նրա պարտությունը: Արևելահայության ըսպառ բնաջնջելու ծրագրի ձախողումը	370
Ռուսաստանի մոսուլման աշխատավորները սովետական իշխանության համար մղված պաշարում: Բուրժուական ազգայնականների պանթուրքական պլանների ձախողումը	417
Քեմալական շարժումը պանիսլամիզմի դրոշի տակ: Գորշ գայլը նոր թիկնոցով: 1920 թվականի թուրք-հայկական պատերազմը և հետևանքները: Հայաստանի մի մասում սովետական իշխանության հաստատումը արմատական շրջադարձ հայ ժողովրդի պատմական ճակատագրում	482
Բամաշական շարժումը Միջին Ասիայում և նրա ջախջախումը: Թուրքալեզու սովետական սովետերեն հանրապետությունների ստեղծումը: Պանիսլամիզմի և պանթուրքիզմի կրախը ՍՍՀՄ-ում	543

**Հրաչիկ Ռուբենի Սիմոնյան
ՐՈՒՌԸ ԱԶԳԱՅԻՆ ԲՈՒԹՈՒԱԶԻԱՅԻ ԳԱՂԱՓԱՐԱԲԱՆՈՒԹՅՈՒՆԸ ԵՎ
ԶԱՂԱԶԱԿԱՆՈՒԹՅՈՒՆԸ**

Խմբագիր՝ Մ. Բ. Միխայելյան, նկարիչ՝ Յ. Գ. Աֆրիկյան, գեղ. խմբագիր՝ Ս. Ս. Մկրտչյան, տեխն. խմբագիր՝ Ա. Մ. Բլրույան, վերստուգող սրբագրիչ՝ Ա. Ա. Հակոբչանյան

ИБ — 5638

Հանձնված է շարվածքի 30.05.1986 թ.: Ստորագրված է տպագրության 7.12.1986 թ.: ՎՖ 03624: Ֆորմատ 84×108¹/₃₂: Թուղթ տպագրական № 1: Տառատեսակ՝ «Դրբի սովորական»: Տպագրություն՝ բարձր: 29,61 պայմ. տպագր. մամ.: 28,44 հրատ. մամուլ: Տպաքանակ՝ 10000: Պատվեր՝ 755: Գինը 2 ռ. 10 կոպ.: «Հայաստան» հրատարակչություն, Երևան—9, Իսահակյան 28:

Издательство «Айастан», Ереван-9, ул. Исаакяна, 28.

ՀՍՍՀ հրատարակչությունների, պոլիգրաֆիայի և գրքի առևտրի գործերի պետական կոմիտեի № 6 տպարան, Երևան, Թումանյան փող. № 23/1: Типография № 6 Госкомитета по делам издательств, полиграфии и книжной торговли Арм. ССР. Ереван, ул. Туманяна, 23/1.